

四庫全書存目叢書編纂委員會編

齊魯書社


四庫全書存目叢書

集部
第八六冊



責任編輯：孫言誠 賀 偉

ISBN 7-5333-0615-5



9 787533 306151 >

EB21/08

四庫全書存目叢書·集部八六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 41.625 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第八六冊目次

集部·別集類

海樵先生全集二十一卷(存卷一至卷十八)(二)

〔明〕陳鶴撰

北京圖書館藏明隆慶元年陳經國粵東刻本

一

長谷集十五卷

〔明〕徐獻忠撰

北京圖書館藏明嘉靖刻本

一五七

衡藩重刻胥臺先生集二十卷

〔明〕袁襄撰

北京大學圖書館藏明萬曆十二年衡藩刻本

四一八

海樵先生全集二十一卷

(存卷一至卷十八)

(二)

〔明〕陳鶴撰

北京圖書館藏明隆慶元年陳經國粵

東刻本

附《四庫全書總目·海樵先生

集二十一卷》提要

海樵先生全集卷之八

南海星野廬夢陽 校正

番禺瑶石黎民表 編次

七言律詩

寄唐荆川太史

毘陵別去幾經霜海內新詩盡說唐
憂世祗看天上宿避人常閉市中房
南徐立馬三山近陽羨乘船一
水長鄉信還能相寄否秋風正有鴈南翔

江上與許茗山憲副話舊

海樵先生集卷之八

乙

一燈江上話心期把酒看君意轉悲
縱是官清能致譽祗緣才敏不宜時
十年遠別無書達萬里賢勞有髮知
我獨端居戀山水不堪貧病益支離

武林遇傅丁戊云往名山訪仙因贈

憶昔吳山寺裏時重來又是廿年期
人間混跡名常泄市上求醺貌共疑
興遠祗將雲作伴心閒惟與鹿相宜
明朝仗劍辭余去渺渺寒山任爾之

送施虎泉北上

吳門學武早稱名淪落蓬蒿髮雪生
靖世每憎三尺

短。耐。恩。自。覺。一。身。輕。楚。庭。今。已。知。和。氏。巴。蜀。從。來。重。
武。卿。君。去。武。關。承。上。選。飛。馳。當。使。九。邊。清。

看。君。上。馬。負。長。戈。北。去。關。山。路。幾。何。世。變。文。人。輕。武。
甚。時。平。國。士。何。邊。多。西。河。未。可。淹。吳。起。南。海。終。須。遣。

伏波

明主憐才比推轂，莫因霜髮嘆蹉跎。

武林送章三洲食憲之廣西

簾節翩翩向法臺，遐荒萬里瘴烟開。

聖王化久文身盡，專服人和白雉來。膏肓日寒峰似

海樓生集

卷之八

三

雪。牂。牁。雨。過。水。如。苔。斷。腸。極。目。他。鄉。外。冠。冕。何。年。返。

上台

西湖雨中與周鳳南話舊席上兼呈諸春江

旅。遊。六。月。滯。臨。安。短。榻。經。秋。覺。漸。寒。知。已。不。因。舟。裡。

聚。群。山。那。得。雨。中。看。離。腸。且。託。樽。壘。盡。

聖。世。休。嗟。宦。路。難。三。載。萍。蓬。知。不。易。一。燈。重。與。坐。更。

殘

送程汾溪還歙

觀。吳。長。入。萬。峰。行。江。路。還。家。十。日。程。楊。柳。畫。船。曾。載。

酒石林寒寺半題，名苦吟白髮先催老。多病丹砂未
見成，他日黃山尋隱處。與君開閣聽溪聲。

武林逢王九嶽自言來自雲中解所佩劍贈予

感其知己遂酬一詩

問君幾月下滇池，寶劍含星萬里隨。憐我壯心能解
贈，自知明世已無爲。佩歸江口龍先識，匣向床頭鬼
或疑。安得大娘筵上舞，却於醉裏悟書機。

楊雲呂明府宰龍泉遇余武林客舍賦詩爲別

龍泉舊邑抱重山，君去爲郎定不難。鄉冠但聞刑自

海樓生集

卷之八

三

化居民元與惠相安，升堂曉日隨書案。行縣秋霖逐

馬鞍，料得桃開多暇政。高吟長倚一琴看。

過沈虹江新遷城西宅

從來高士尚安居，避跡城西且晏如。况有新花能送

酒，豈無涼月照看書。千言積案長邀謝，一榻懸雲只

待徐。我獨相過憑幽意，出門分手又躊躇。

古意

十家砧杵亂城頭，新月微明江水流。床外鳴蛩偏出
夜，風前白苧不宜秋。愁連天漢無鴻雁，夢到關山見

戎樓芳草不青蓮子落征夫何苦好長遊

宿莫水部官署荅蔣南泠張甌江見過

北風吹雪滿征鞍西度關門歲欲殘越國雲山千里
夢官亭花竹幾迴看天連海上明河沒霜白城頭片
月寒深夜逢君論世事酒酣重把劍珠彈

卧病雙溪山館見月寄張有功

溪邊桑柘映雙流病裏蕭條賦四愁坐雨幾宵方見
月別君一日已成秋山深倦鵲猶依樹風靜飛螢自
上樓託跡文園須共遣莫因鄉國難羈留

越居苦俗因入蕭山養病張子成郊園

炎天殘病厭逢迎借爾深山且避名偶對野翁忘出
處暫隨農侶話陰晴林猿乞菓時穿木海月窺人夜
過城賴有流泉能灌圃隔窓又見藥苗生

武林荅張文東見過

雨餘落日滿臨安病况逢君得覽寬抱玉已經三獻
後還家又值一春殘時違自覺
君恩遠客久方知世路難國事千今用長劍鏡中綠
髮未須看

月夜再過陳謙山官署小集

故人雅義轉無涯來往傾歡每當家下榻併將門盡
掃倒樽長見月西斜青幃半染峰巒氣草徑全栽苜
蓿花幾日不唯聞道論野情兼得遠紛譁

新安詩友孫壺天程小樵邵四水王十嶽程雙

潭蒲溪少山雪溪李雙洲載酒追訪江上酒酣
乃各賦詩訂會余漫荅四韻

載酒清江一舸輕旅遊千里幸聯盟興同蘭渚人俱
笑才愧陳遵座不驚山色遠分袍袖綠水光倒映岬

花明萍踪到慶元無定莫怯監輿又入城

新安旅舍簡同鄉陳謙山倪靈谷諸紫橋憶西

湖舊隱

客居新傍郡城阿深巷柴門掩薜蘿山水有餘風土
陋家鄉雖遠故人多閒吟恰喜幽禽至獨酌剛逢片
月過忽憶西湖荷正綠短舟何日泛烟波

送江荆石使君守廣信

秣陵相別兩經春旅食新安又見君千里分符初入
鹿十年爲政舊題群時危膏澤先憑食歲旱蒼生正

望雲五馬明朝更何處、黃山西去客途分、

東方臺山

當年館掖舊馳神、千里仍霜坐裏春、品廟撰詞全逼
謝、縣林作記更凌陳、池中別席荷傳酒、亭畔催詩雨
濕人、遠道逢君承款慰、酣來忘却亂離身、

新安遇陶四橋使君話舊

久居城市厭風塵、賴有賢聲條耳新、畿內已垂驚世
業、天涯獨愧失途人、烽煙尚走中宵檄、花竹空懷故
里春、旅巷感君停皂蓋、一談鄉國轉傷神、

漁養胡龍

卷之六

六

新安旅舍漫簡胡龍江少郡一首

蕪關殘病歷春深、乍入新都暑復臨、野性不堪諧薄
俗、孤踪今喜仗知音、慚無白璧酬恩德、賴有清池鑒
客心、幾日卧醒兼肺渴、解煩欲借馬前霖、

午日訪鄭龍坡明府聞有客在署退而寄此

蕪關相別歲華長、世亂逃踪過遠方、今日尋君過花
縣、恰逢留客醉端陽、一庭白日時方午、千樹朱桃葉
正芳、多病炎天難帶跡、且停征騎話同鄉、

雨中喜方少岑入城見訪

道人更有故交情、風雨迷途又入城、默坐其傷時事
惡、一談轉覺客心清、堦前細草全生色、屋上疎雲半
漏晴、今夜不嫌同旅宿、與君聯榻話初盟、

休寧聞陶念齋太史丁內艱還越因寄

君構新廬葺道傍、我披衰絰走他鄉、盡心抗禮兩何
異、懷土思親總一傷、日落于規啼亂嶂、月寒烏鳥泣
枯楊、誰能排却家園難、歸隱重開舊草堂、

贈陳六水社友

故人離亂逐秋星、市上逢君若夢醒、半世著書頭盡
白、十年論舊眼猶青、忘音獨以琴懸壁、好友長開榻
在庭、握手燈前真醉醉、江關到處跡如萍、

漁養胡龍

卷之六

七

蔣羅溪招飲程篁墩宗伯祠漫賦

先朝名宦舊祠存、畫壁年深上薜痕、地靜無禽啼水
盡、庭閒有客醉清樽、花催豔曲時迎扇、風動疎簾自
掃門、歸路更憐吟思發、城頭涼月照黃昏、

何侍御赴南道余還浙中故里臨岐賦別

三載論文願不違、兩邊行色又沾衣、君趨白下乘驄
去、我憶山陰放棹歸、近浦散裝慚草色、隔雲紅葉避

霜威殘冬尚有王猷興泛雪還來訪戴逵

李東麓話舊

久別重經離亂時關河更覺鴈書遲
百千萬事有誰說三十四年惟鷺知
詩句盡爲人所誦素心元與道相宜
只今婚嫁無身累聘足名山任尔之

李雙洲過草市訪余松石山樓話舊

越山曾寄旅遊身廿載重逢是故人世亂祇携孤劍
在別深惟見二毛新天南烽火懸愁切江上田園入
夢頻細雨山樓好同坐傾談且醉驚頭春

李東麓集

卷之六

人

金陵除夕與金平洲金橫溪林雲峰徐野雲聚

飲

長安久客逢除夕燈下開樽集故人柳色暗催分歲
酒淚痕偏積未歸身鄉書此日將傳鴈白髮明朝又
見春近喜江關烽火息不妨爆竹滿城聞

元夕卧病天戒禪房奉懷城中諸元老

藏身山寺且逃名望入星河滿鳳城戚里共看燈不
斷上方自有月長明楊枝競作千門色歌鼓遙傳五
夜聲却憶群公當此夕手調玉燭替昇平

送孫鶴峰入燕就試鶴峰乃宗伯中子也

過庭隨宦早聞詩萬里雲霄是去時已及南山騰豹
日况當北闕獻書期賢才合應

明廷瑞高鳥偏栖上苑枝簪組一門居鳳沼不妨染翰近親帷

贈何柘湖內翰致仕居金陵次文太史韻

三秋樸史滯南京一疏歸田跡轉清白髮向人方說
老青山行處盡留情溪邊種藥長邀鹿林下移花不礙鶯
達性更憐能大隱投閒偏是住都城

李東麓集

卷之六

九

春日禪齋雪霽有懷城中諸宦遊

逃禪漸覺客心清盡日身閒伴鹿行雲影併成崑樹
色雪光翻借佛燈明因尋藥草時穿澗爲製春衣暫
入城自咲觀空難却相聽鶯鶯當動故交情

再贈何柘湖致仕疊前韻

解綬初離白玉京草堂遙對萬峰清新花聊作閨中
色舊事都歸象外情共說鼎烹輸木食自知山鳥勝
宮鶯揚州不是無梅樹何遜於今在冶城

寄陶四橋使君再疊前韻

乘驄當日侍神京，守新安四境清。豈爲輕肥邀世譽，祇將平易近民情。禎祥已見渡河虎，遷轉方如出谷鶯。遠道漂零君莫棄，鄉居同是會稽城。

寄胡龍江光祿再疊前韻

去年雪裏出留京，走馬衝寒思益清。鴻鴈東來猶斷信，雲山西望倍含情。羈愁昔共樽中酒，春色今歸柳上鶯。宦跡長才人所羨，知君不久作干城。

長安春雨奉懷孫季泉宗伯卧病蕪湖壽期在即寄詩見慰

春曹玉署隔官牆，禁雨千門暗綠楊。伏枕暫聞萱葉爽，休衙聊檢舊時方。新分藥草青連戶，昨看詩書積滿牀。聞道極星今直度，知君變理壽無疆。

朱東源使君新建柱天元閣詩

寶宮元閣倚天開，坐見沅流接地來。萬里河山皆拱護，八窗星漢盡昭廻。南昌宴客徒傳藻，燕北求賢浪築臺。個裏縱多攀桂客，仙根還賴使君栽。

金陵送黃江沙還蕪湖

與君客舍幸相通，來往都門興頗同。覓句每行孤島

外，看春長醉萬花中。過橋值友聞鄉信，出郭登舟趁便風。草綠江頭人漸遠，天涯何處話途窮。

正月八日喜葉龍山至金陵賦此

移居聊傍帝城隈，深巷門閒晝未開。卧雨每憎鳴鵲至，懷鄉剛得故人來。壯驚眼底星霜換，無奈天涯歲序催。春日初花撥客興，期君南陌醉新醅。

官道院分韻得江字

聖代衣冠集舊邦，公餘邀客酒盈缸。堂中列席人剛九，醉裏呼盧數每雙。談唾珠璣鳴靜院，歌飄律呂度寒江。亂離賴有諸曹在，客路歸心日漸降。

寒江亂離賴有諸曹在

上

金平洲陳橫厓姚秋澗余少峰盛雲浦邀余同

吳之山何柘湖王十嶽黃士雅周幼海集永寧

禪丈分韻得鬱字

香林窅窕入層巒，風物蒼涼近歲殘。勝地謾言張宴易，殊方偏是聚星難。崑崙曲韻穿雲細，樹裏泉聲帶雨寒。明日萍踪各分往，不知何地話重歡。

與吳之山金平洲王十嶽黃士雅姚秋澗陳橫

厓周幼海余少峰盛雲浦集飲何柘湖官舍因

贈得津字

廿年滄海舊馳神，白首猶憐混世塵。
東閣梅花聊遣興，漢庭金馬暫藏身。
聽歌漸轉三山月，作賦欣逢四海人。
今日天台遇仙子，胡麻何必更迷津。

與青城澤十郎士學士雅幼海之山橫厓少
峰雲浦集市隱園席上贈元白分得燕字

姚氏芳園統

帝都花傳黃品尚存無曲梁，遠跨藏魚沼幽室全遮。
宿鳳梧高卧主人非傲吏，滿堂詞客半潛夫。自知地

遠春長在

卷七

七

遠春長在歲晏還留一徑蕪

冬夜孫李泉大宗伯招飲漫賦

乾坤離亂一身浮，避難依君何石頭。
千古孟郊逢吏部，三冬王粲在荊州。
烽烟蔽日迷歸鴈，冰雪吹寒上敝裘。
時事只今堪涕淚，綠樽安得盡銷憂。

許石城太常招飲漫成

江南兵甲尚紛紜，歲晏都門又見君。
兩鬢星霜仍對酒，十年塵土歎離群。
清宵絲竹音如玉，亂世賓朋跡似雲。
自謂故交難聚首，鷄鳴天曙亦忘醺。

席上與朱射陂使君話舊

當年萍梗別揚州，鶯老花飛又幾秋。
世亂祇餘塵滿面，宦遊無奈雪盈頭。
遠心且以千杯合，感德聊將一劍酬。
海內羨君名業貴，山川到處有詩留。

許石城太常招飲話舊

一從禹穴賦離筵，十載音塵隔楚天。
世事傷心惟涕淚，乾坤多難尚烽烟。
庚同甲子頭雙白，志共文章譽並傳。
歲晏都門重握手，百靈連夜且陶然。

張嚴亭兵憲疏乞歸田重逢白下作此嘉之

海禁集

卷七

七

從來車馬戀風塵，一疏誰能早乞身。
芳草盡為行處路，青山都入醉中春。
養生每共談玄士，灌圃長隨種藥人。
莫道重逢情益厚，余今亦是避時民。

過盛雲浦蒼潤軒漫成

聞君繪事與神通，小構文軒貯化工。
竹杖疑穿青嶂外，石床如卧白雲中。
八窗畫鎖千林雨，四壁晴吹萬壑風。
莫問主人名近遠，石間記載是楊雄。

苔毛青城儀部

藏身金馬儼如仙，咲裏浮名相外禪。
爲了世緣逢

聖主却脩功行混風烟齊深已續發生性心定渾忘
戰伐年連日幸叨山寺飲馬頭長得共論玄

與謝瑞峰話舊

二十年來一見君天涯真愧跡如雲音書迢遞偏難
達世事間關不可聞山谷有誰求隱逸侯門猶自滯
叅軍故情惟有燈前髮贏得星霜伴醉醺

寄方采山民部

民部風流舊所知乍逢京國整成絲飄蓬偶值間關
日握手都傷老大時藻譽豈因軒冕重閒心惟與野

海樓集

卷八

十四

僧宜年來時事應難定變姓同爲避地期

送江荊石司馬

長安宮樹暮含暉司馬旌旗動若雲白髮滿頭替始
合流萍千里跡重分青徐山色迎袍綠淮海潮聲到
枕聞世亂出兵勞算盡天門掄績總輸君

爲慎侍御題山泉卷

君於故里結衡扉門統品林靜可依雪凍泉聲寒到
枕雨晴山色綠穿幃宦遊每自懷幽響馬首還如他
翠微他日功成歸畫錦開堂重看練長飛

蔡鶴田中丞席上話舊兼致壽祝

金陵城闕昔同遊今日金陵共白頭野老家園悲斷
梗中丞法令肅清秋開樽偶值天池會紀壽新添海
屋籌盡說君才似方朔百年永替漢庭猷

馬石渚司農留酌漫賦

開閣論文酒不空羨君白首德如龍十年尚紀陳無
已四海皆知馬相公淮北帆檣今得水江南民業盡
還農漂零且醉金陵月阮籍何須哭路窮

金陵逢梁君山話舊

海樓集

卷八

十五

與君陽羨日聯樽廿載離違幾夢魂自謂荆花分別
院豈知萍跡聚都門兵戈此後難全料弟妹今來祇
半存共醉長安且休睡城頭風雪亂黃昏

寄葉沈湖儀部

儀曹才譽本超群家出洪都舊所聞一遇金陵長對
酒每過禪院共論文時危遊宦身如梗夜半談兵氣
若雲愧我南州同出處豫章千古又逢君

朱小雲宅遇鄭曉山蕪詢令兄梧野消息

憐君歲晏會都城一語田園淚盡傾吳苑商居全被

火新安業半爲兵花間暫買紅裙咲燈下重驚白髮明今夜朱門談夙契偶因池草問難兄

遇全九山學士話舊

莫恠分機歲屢遷知君綵筆侍經筵翰林文字流宸內學士聲名在日邊對面未須驚老大懷鄉且共話烽烟天涯謾問田園事避亂藏身一釣舡

喻吳臯府丞邀酌話舊

吳死分棠歲屢移重逢都覺髮成絲居官君已登三輔避地余方寄一枝豐業郎看天共倚閒身惟與世

相遺莫疑遠道猶爲客故里年來值亂離

金陵雨霽喜徐嗣軒王孫携酒同鄧梅溪王孫謝次厓公子過訪鎮上人禪房漫茗

上方花雨淨蓮臺竹下行厨綺席開爲愛王孫能進食非關野客戀餘杯燈張四座光珠履曲度雙林落絳梅年少仙標元絕世淮南當見八公來

奉次全九山學士誕筵自述韻

漢庭方朔本仙才大隱金門玩世來曾竊蟠桃經幾度復爲文曲映三台手調天露成靈醴坐把龍池當

壽杯他日王堂傳勝事永將國史寄清裁

壽武橙墩六十

羨君才質本清奇鮮組還山不受羈種藥每留春在圃題詩惟待月臨池心因好道門長靜貌漸還童世益疑六十光華今過眼西桃初綻花時

孫季泉宗伯招飲席上論詩漫賦

窮途誰復惜流離高義惟君念舊知展席每傾官舍酒論詩偏趁月明時三千古雅宣周樂一代長楊見漢儀共說天台有詞賦興公才藝本清奇

夜集喻吳臯京兆署中

王署張燈話別離高簷殘雪映芳卮廿年交義又今日消眼世情非昔時夜久麗誰遷刻漏天寒落月傍官池長安聚首同萍梗莫厭停鞍數訂期

答王穉川太常雪中鵝酒之惠

屏跡文園卧薜蘿感君分惠雪中過淵明垂老難忘酒逸少臨池獨愛鵝夜抱綠樽開暖閣朝看白羽泛寒波真漸旅食無訓報欲寫黃庭奈醉何

毛鵝山明府繫獄寄此

宦途何事轉風波、歲晚憐君尚網羅、阮籍命窮惟酒在、虞卿思苦著書多、昭軍未見稱明月、射斗終看出太阿、身賤愧無排難力、傷心徒有淚懸河、

長安寄薛方山學宗

文驄西去隔風塵、其火艱危又幾春、旅食偶逢京國路、藏名因作亂離人、窮愁不覺年將換、奔走空傷雪滿巾、旦晚綠樽休惜醉、長安門巷幸為隣、

仰止堂詩為方戶曹輝山作

戶曹卜舍得鸛峰
內所即先範野
呂公故居也公甘為留都尚寶日講學為事
四方之士從游者甚衆時戶曹實為公之高

卷之八

卷之八

七

弟也今寓其室而公往矣因名扁以述思悽
文以彰昔簡余索詩設焉賦此

華堂如舊歲頻移、弟子登堂仰舊師、池水尚存春浴事、庭幃那復說經時、蒲門桃李開無主、一代斯文幸在茲、莫訝魏徵多相業、河汾性學昔曾遺、

朱秋潭以數術贊軍東返會余於蕪關索詩漫贈

軒冕東歸入宛陵、關人皆識葉繡生、箇中舊秘青囊在、本上新懸血劒明、接眼風波難繫足、全身烟水且藏名、從今靜裏占時令、為究江南治亂情、

棹齋對雪聞奚后岡莊居未返黯然興懷

天涯遊子正思歸、風雪無端傍歲飛、高逐亂雲迷客路、靜穿雙樹點僧衣、烟深海國兵猶競、夜半山陰興已違、梅蕊漸開新酒熟、柴門何事故人稀、

留別陶泗橋使君鄭龍坡明府

荒城客久益思歸、歲暮辭君更拂衣、山館卧疴勞問訊、萍途旅食賴相依、難中守道知無愧、馬上聞謠覺有輝、分手不須嗟聚散、百年高義豈終違、

發休陽留別六水東麓羅山諸社友

卷之八

卷之八

七

山館衝炎日往還、無端秋色動離顏、路穿紅葉到南國、心逐白雲歸故山、貰酒每常留散褐、題詩多半在禪關、客行今夜定無寐、倚馬憶君明月間、

題汪東原夢仙卷

聞君少日好神仙、夢裡常時見偃佺、頂上三花非幸聚、關中一竅更難傳、邪魔偏出無防後、妄念都生有象先、若使回頭揮慧劍、即從虛靜得真玄、

吳鼎菴判府靖海還郡巡院復命視篆山陰母夫人年當七袞因遣人奉迎為壽余時客休陽

亦聞鼎鼐半百之年，母于同慶，事亦奇矣。漫賦四韻以代登祝云爾。

吳母遐齡臨古稀，賢郎五十舞班衣。王喬已接西池駕，寶婺遙連南極輝。碧海烟清歌玉樹，黃山草綠照春暉。遙前莫道無方朔，我欲山陰泛雪歸。

客館坐雨喜朱新川同子子謙携酒見訪感而賦此

旅居閒寂自爲歌，感尔携樽帶雨過。燭盡漸隨歡後吐，簷聲偏入夜來多。一身避亂名常隱，廿載分榮髮

海樓先生集

卷八

七

已皤，莫訝山城居未穩，眼前無奈世情何。

送諸紫橋遊白嶽兼簡潘雲麓明府

禪門方喜醉南薰，又躡玄宮白嶽雲。孤鶴九天鳴獨和，流萍千里跡仍分。花封重叙同年宴，洞府新留頌德文。聞說潘安擅詞賦，可能下榻待陳琳。

贈瑤石翁

瑤山石屋即仙家，中有高人卧紫霞。七十光華歸綠鬢，三千歲月到桃花。靜來訪道過禪宇，醉裏留賓卧釣槎。今日過逢開至論，願因殘病乞靈沙。

月下與吳崑麓話感

與君酌酒夜忘眠，新月依人亦皎然。千里客愁雙鬢裏，百年鄉論一燈前。經秋歸路猶兵火，幾處孤城斷暮烟。身世只今迷去住，故山音信若爲傳。

秋夜與俞亭川集太傅祠席上漫呈謝汝湖天曹龔鴻洲使君一首

夜深落葉響祠門，燈下羈愁共一樽。君以永嘉千古吏，恰逢康樂百年孫。祀傳王謝新題在，草綠池塘舊夢存。客路萍踪幸相聚，眼前離亂未須論。

海樓先生集

卷八

七

玄妙觀送楊后峰使君還嚴州

閒過仙院正斜暉，又得逢君坐翠微。幾樹鳥聲和法語，半樓山色上人衣。時違自覺藏名好，世亂還愁見面稀。握手樽前同是客，使車何事却先歸。

武林九日同吳崑麓王南塘董見山陳見齋丁

仰石蔡龍濱朱南陽陳雲衢三弟雲谷婿朱蔡

庭登瑪瑙山述感

去歲中秋在故鄉，今年爲客見重陽。人生去住元無定，亂世歡娛得幾場。水落湖汀鴻鴈集，日斜山徑菊

花香醉餘歸路無燈火賴有銀蟾出上方

九日登馬鞍山有懷龔瀟洲使君

經年爲客滯天涯九日登臺忽別離
吊古恰當騎馬地懷人偏在插萸時
風塵會面猶難卜世事傷心只自知
落日湖頭思更切白蘋洲畔一鴻飛

谷林秀海見贈

知君隔歲下京華千里漂零輿轉餘
醉酒每聞無定市看花不記是誰家
空門覓句秋題葉亂世懷鄉夜聽笳
客路幸逢談國事共拚一劍任天涯

謝安集卷之八

三

贈劉望陽入山鍊道

嗟君述作廿年多五字吟成兩鬢皤
一自入山聞至訣便尋真境學維摩
花源漸與塵轍隔藥圃惟容道士過
舊日天台仙分在採芝東去莫蹉跎

武林遇戾四谷話舊兼送入揚州

東來獨棹泊吳城歲暮風波見客情
水國悠悠萍再聚霜天杳杳月重明
衰年每念遺雙屐舊日曾聞賦兩京
世亂身孤難自定臨期安得別離輕

送沈叔成入保安觀親兼赴都試

叔成乃青厓子也

別君偏值亂離時親在邊州去不辭
策馬自應驅遠道步蟾還擬得高枝
鷄鳴塞上踰關早月暗天西度嶺遲
此去山川懸萬里風塵握手又難期

聞謝與樞潘參計病署中賦此見問

休衙伏枕近如何日滿薇軒候吏過
淡養已忘千石貴苦吟時覺二毛多
謾聞僚長談公務且許兒童習按摩
豈是官居厭紛擾達人原只愛天和

贈友

尋君昨夜渡錢塘君復辭親返故鄉
流水故從愁處

謝安集卷之八

三

咽寒山偏入望中長神仙玄酒應千盞
雲雨陽臺定幾場莫道所思南浦隔
夢魂常在錦衣傍

挽友人母

一夜悲風動北堂錦窠零落堪堪傷
鏡中漸覺顰行遠閭內空遺手澤長
雲冷玉簫春寂寂烏啼華表月蒼蒼
人間莫道音容隔猶有賢聲滿舊鄉

悼唐荆川中丞

學士何堪作武人匡時靖難策空陳
占星未奏三吳捷立帥先殂百戰身
謾道街亭存馬謖徒聞淮海得

張巡千年名譽誰能似開府詩篇句最新

永慶禪舍得梅規峰見寄漫答

殘冬初集草堂時春日芳花漸滿枝路僻不聞新歲信詩來方見故人思清才早著三吳望遠志終令四海知近日栖禪少塵累待君同訂白蓮期

敬亭山中答王崑潭使君

荒村積雨水盈陂策馬衝泥興亦奇半日始躋千仞路一談深憫廿年思人中麗藻慚難並琴裡高山幸見知世路漸逢離亂事更從何地話幽期

續集

卷末

廿

姑孰遇朱少陽邑博

十年相別隔風塵千里重逢江上城舊學已推帶博士新齋初聚魯諸生時危莫歎身名滯客久翻憐世路平對酒看君才力壯飛黃終擬奮雲程

過楊石岡侍御草堂集飲時倪十洲在席

三年重過子雲亭又見烏鵲舊栢青石上猶鐫羽獵賦牀頭新著太玄經因留春色開花圃每展文筵聚德星今夜羈腸正千結燈前莫遣酒杯停

景上人禪齋與倪十洲社友叙舊

禪房花木愜幽襟林鳥無聲地轉深爲客一身聊遠俗與君三載獨知音年荒到處多凶叛世變何人尚古今白首難逢同調者酒酣那惜奏清琴

午日楊石山叅戎邀同梁與靜倪十洲金逸軒鮮見田宴集園亭

五月名園葵萼芳主人邀客醉端陽新蒲細雜金樽綠角黍微含玉碗光豔曲至今能振木咲談何必盡成章燈前野興如雲發安得良宵代日長

住萬壽沙門贈景竹菴上人

續集

卷末

廿五

天涯旅跡本悠悠偶爲高僧幾日留竹下談空知世幻池邊觀相覺身浮頗愁車馬時填戶不厭雲花散滿樓白首松梅心尚在逢君當結歲寒儔

發太平留別楊后峰景使倪十洲文學

萍踪來往每無期江上潮鳴又別離白下暫爲羈旅舍太平却當故鄉思山川迢遞看雲切世路間關託鴈遲此去悠悠身未定天涯草綠是游時

再贈海陽諸友

羈栖深巷閨如村長日文軒幸滿門身世祗餘孤劍

在亂離偏喜故交存，每因跡遠名俱混。翻訝途窮道未尊，一住孤城難遽別。詞林花月繫人魂。

過岑山訪方少岑兼懷先令南岑先生

客行岑野暫停車，訪舊還尋隱士廬。看竹不知何處宅，入門先見一池魚。且無長額題名字，賴有空床疊道書。欲把靈漿吊賢令，雲山無地覓丘墟。

奉荅海陽杜中諸詩友二首

逃炎山館傍松蘿，却喜群賢旦晚過。一語亂離生涕淚，再談文藻動星河。時衰敢謂知音少，道遠偏憐故舊多。清賞尚嗟殘病在，攀品無計欲如何。

其二

海陽城郭萬山圍，客舍蒼涼映翠微。詩酒有儔堪寄興，家鄉無信益歸思。雨過樹色當庭綠，夜靜泉光入戶飛。覽勝幸叨群妙待，天門不久振緇衣。

休寧送潘雲麓明府赴召北上

逢君握手在天涯，一論鄉園又別離。治邑久傳鸞集，樹立朝重見鳳鳴岐。澤承潘岳桃增艷，惠比羊公路有碑。他日臺垣書諫草，救時先爲論南夷。

夜飲友人園亭

山畔茆堂結構新，地深花竹尚宜春。主翁出酒愛留客，明月在窓如戀人。道合言詞皆叶調，機忘童僕自相親。樽空興盡出門去，星斗半沉殘漏頻。

仲夏月夜同陳六水蔣蘿溪邵雲岳徐思竹小集汪羅山伯仲草堂漫賦

愛君道隱市爲隣，袒跣邀賓見性真。却暑共傾河朔酒，談詞同是竹林人。水涼荷葉吟風細，夜久燈光伴月新。世事閒關思變姓，雲品何地可藏身。

次荅汪羅山

林虛雲逸散微涼，月色憐人漸滿堂。世亂尚遺安石卧，途窮不礙阮生狂。殘兵累歲淹青海，飛捷何時報未央。憂國懷鄉兩惆悵，把杯安得更徜徉。

荅金栗齋少府見寄

逃炎孤館傍山城，幾夜懷君夢屢驚。使者忽傳雙鯉信，開緘宛見廿年情。青山遠害長藏跡，白首歸田尚避名。聞道閒居攜家乘小，當宗派益分明。

秋夜同蔡大參劉憲副宴胡青島學宗外臺留

贈

海上風高吹戰塵，逃名江閣且藏身。臺中偶爾從文
譙，燈下頽然即醉人。話劇漸低南浦月，才微猶愧豫
章賓。旅遊不謂秋衣薄，道義偏生坐底春。

寄懷趙東谷明府

菑莢姓字荷君知，十載猶傷識面稀。蘭草谷中思每
切，暮雲江上夢長飛。廣陵遠見傳書至，剡水曾聞泛
雪歸。世亂為官更何處，風塵應變舊時衣。

九日舟發豫章匡南國宗留登薛樓不赴隨值

海樵先生全集

卷之八

十八

顛風大作遂寄此詩

九日發船風打頭，孤踪時復滯南州。江濤亂捲青天
色，野菊微含異國秋。仲舉友懷徐樺樹，匡南有支徐亭在焉

王偏愛薛家樓，引薛王事登高擬上匡山路。醉卧香爐聽
瀑流。

海樵先生全集卷之八終

海樵先生全集卷之九

南海星野廬夢陽校正

番禺瑤石黎民表編次

七言律詩

武林重九前一日寄懷表兄憲定山

余方逃難渡錢塘，君獨提兵鎮括蒼。江浦月明人共
望，海天風急鴈分行。身孤寢食依三市，世亂音書滯
一方。安得明朝同戲馬，無能縮地愧長房。

輓送孫仲泉尚寶旅櫬歸葬姚江

海樵先生全集

卷之九

乙

靈旗日彩爛封章，旅櫬東歸路有光。詞苑共傳風雅
士，內臺空憶秘書郎。山寒落日啼烏鳥，天遠悲風動
白楊。亂世謾嗟麟不永，紫宵今見鳳毛翔。

寄友人

三秋逃難傍窮途，風物荒涼故舊無。賴有虞卿能拚
相，何愁季布尚為奴。山城亂後鄉書少，江閣天寒旅
夢孤。但得妻孥知舌在，定須挾策上秦都。

遇友因贈

三秋漂泊客途荒，又得逢君在道傍。青眼共傾吳市

酒錦袍新染鳳池香，別長霜雪盈雙鬢。世亂兵戈滿故鄉，更擬論心在湖上。畫舫載月醉紅粧。

寄友

十年相別數蹉跎，歲月悠悠髮又皤。避難一身爲客久，懷恩雙淚積衣多。窮途且自藏名姓，亂世惟君念薜蘿。綵筆只今逢

聖主，恩光漸滿鳳池波。

乙卯冬袁定山使君招入荊州避兵舟至袁州病急而返

海樵先生集卷之九

一舟卧病宜春道，風土荒涼骨肉稀。夢逐江雲鄉國遠，望迷秋月楚山微。擬乘王粲樓中興，翻作山陰雪下歸。衡鴈滿空書未達，天涯念舊倍依依。

寄友

孤城亂後客重過，偶向空山寄薜蘿。念土始知身是梗，感恩偏覺淚成河。人稀虎跡當庭見，林靜猿聲到枕多。聯榻幾宵成骨肉，別君一日柰秋何。

入楚值病還家又聞袁使君遣從者至山中候久方去感而賦此

兵戈滿地世情非，久別直憐見面稀。彩筆又勞從者至，青山難得主人歸。越江水落秋偏遠，楚國天長鴈獨飛。一病還家霜雪遍，歲寒空自念綿衣。

懷張旣江尚寶兼得所寄檀經因答

早時檀葉叶初唐，近復逃禪尚法王。千里看山常駐馬，十年爲吏半居鄉。符臺月白金樽滿，相國春多錦瑟長。結社竹林君莫棄，亂離余亦學高陽。

聞趙侯齋方伯乞病還旣因寄

一從書札達中州，隔絕雲山又幾秋。值此兵戈遍滄海，不妨衰病卧林丘。一春蕪草裁庭上，長日方書展案頭。莊道閒居生白髮，亂離常抱廟堂憂。

海樵先生集卷之九

三

寄王九嶽太守

浙上分携歲屢遷，風塵會面尚無緣。當時贈我滇南劍，今日恰逢離亂年。避難不堪家似磬，從軍無奈雪盈顛。秋來欲放山陰棹，直把東甌當剡川。

奉訪袁定山兵憲抵東陽旅舍俄聞兵憲入省

惻然寄此

高天落木正淒其，旅食東陽值亂離。自擬陳琳充記

室豈知衣綯出旌旗南來紫氣留雲鶴西去兵聲動
海涯野客清遊偏愛雪歲里莫負鴈山期

睦州江上遇張石川獻納

君從白嶽遊初返我入東甌路始通千里共遭兵火
後一年兩遇客途中向來攬勝詩如畫老去耽玄貌
似童今夜暫酣江市酒片帆明發各匆匆

余自東陽入金華病中阻雪簡顧魯齋明府

荒城旅客歲將殘雨雪漫天道路難抱病展樽思顧
况閉門擁枕學袁安天邊雲隱千峰靜城下舟停一

海樓先生集

卷之九

四

水寒故舊蕭條風土異共誰聯席話辛酸

入永康邑漫贈史禮齋明府

陟嶽凌梯逕漸通清遊未必是途窮山程雪後如天
上世路年來似蜀中入境喜聞賢尹政高談真有古
人風明朝策馬孤城外回首寒雲萬萬重

永康道中雪行奉懷袁定山兵憲

百折雲山一客身天涯何處可通津擁袍上嶺風推
馬踏徑穿林雪打人路出烟村長問酒地無梅柳懶
尋春東甌猶有高眠者誰道袁安是憲臣

旅館病起奉寄金近山太史張白厓明府吳泉

亭大叅王霽山曉山伯仲金湖亭劉望洋李岫

樓王箕泉周近湖諸友

新橋客舍俯橫塘柳色千門路轉長却病且須辭酒
伴習閑還欲借僧房日高花氣蒸書案風過潮聲到
石床巷陌春深芳草綠故人車馬在何方

送朱東武春試

仗劍忽為千里行出門自覺別離輕幾年長泣楚山
壁今日始成和氏名黃葉渡邊帆獨挂青山郭外月

海樓先生集

卷之九

五

孤明知君得意正春及騎馬上林聽鶯鶯

寄荅張王亭法部

憶昔別君溪水頭春城楊柳送官舟久遊兩見鴈歸
塞殘病又逢花近樓遠道有書因使阻閒身無侶任
僧留凶年到處多亡叛疏草何妨諫縱囚

春芝鑑湖寄張思楓

山城燕初飛正是張郎卧病時為看方書知草
性因靜榻得禪機三槐歲久陰籠座萬竹風多綠
到別隔春猶未面澄湖幾見月生輝

百法寺園中卧病奉懷臬司諸老

久居園圃懶稱名，來往人疑是列生。跡散自同烹下鹿，心閒不厭樹中鷲。偶因身病知方藥，長與僧言覺幻情。莫道懷君成間阻，客星今傍法臺明。

發京口留別諸友

五年長憶見君時，千里重逢又別離。短劒帶星行壩外，孤帆隨雨宿江湄。東關霜白晨鷄早，北固山長客夢遲。莫怪匆匆更分手，本來萍跡自無期。

雨夜徐奇隅陸復泉仲氏南門携酒過訪

與君連日醉殘更，却喜携樽爲解醒。歲暮旅愁催白髮，雨稀寒漏出孤城。一徐海上初聯榻，二陸雲間舊識名。莫怪殷勤勸杯酒，自知遊子即浮萍。

太倉旅舍卧病奉酌周仰峯法部

荒城旅舍寂如村，多病長時早閉門。藥裹每尋方士乞，世情惟與故人論。十年宦況餘雙劍，千里鄉心共一樽。不是交歡反多淚，古來遊俠念深恩。

余自春暮入蕪城，夏半方得過真州。問舊時子羽，仲開已就祿在燕。沙南訖西芝泉藍田，又皆

奄忽泉下，愀然感昔含淚賦詩，因呈席上蔣南

冷姜虛樓諸公

兩月蕪城醉酒樽，逃災復入海西村。去年芳草又重綠，舊日故交無半存。風景祇添江郭樹，月華還認旅人門。逢君且誦別來句，時事到今難盡論。

白沙留別莫水部中江

楚江秋盡塞鴻飛，越客孤帆挂雪歸。淮海北來鄉信少，雲陽南去故人稀。沙邊立草迷青瘴，篷底看山入翠微。世路如君多古意，好因歲晚定交期。

病起窓前漫述

一春旅舍廣陵西，病起窓前草又齊。獨座正憐啼鳥至，閉門不問畏途迷。城頭風急沙籠樹，江口潮平水到溪。三月無書寄淮海，更令清夜夢香閨。

鹿園萬公何耽禪，理今復拜命鎮淮。臨岐賦此

向來衣鉢自周流，又見旌旗指石頭。轉餉不違他飯性，渡淮聊當折蘆漕。漕河正苦三年餉，胡馬猶懸八塞憂。莫爲數名捨功行，道成自古勝封侯。

嘉靖己酉郡守江村沈侯復蘭亭始成携酒邀
余同王進士遊觀其中時當重九因命山僧採
菊英釀酒飲于曲水之濱和歌相樂歸途漫爲
三詩以記一時盛事云

郡中無事日邀賓蘭渚登遊進酒頻地僻欲忘重九
節亭新如見永和人繞田曲澗初分水照檻崇山舊
是隣行樂豈堪傷往代且拚酩酊荅長辰

千年蘭渚舊亭荒禾黍離離向夕陽賴有賢侯能復
古豈無詞客共流觴衣裳半染秋山色澗道初分野

海樵先生集

卷之五

八

菊香勝地幸叨重九宴醉歸番笑孟嘉狂

皂盞翩翩過隴頭幾家父老拜諸侯千年復見流觴
地九日聊同戲馬遊谷靜白雲生古寺山寒黃葉下
高秋期君歲晚蘭亭會世事都歸醉裏休

飲南關官署漫贈趙虞部鈍菴

湖畔逢君夜正深一燈閒酌坐禪林山前風急梵鍾
斷門外雨長城漏沉爲國不忘葵梓志度閑空有燕
縑心旅遊自幸知音在且對高山開素琴

中秋周明府邀同曹新昌徐諸暨集宴嵇山書

院分韻得中字

夜深山館綠樽同雨後開簾月在空清逐泉先穿石
上淨分梧影入樓中一輪遙渡天河水萬戶潛飄桂
子風今夜萍逢須盡賞明朝鞍馬又西東

賦龍淵遊閩八載歸乃移家武林冒暑過越訪
予山中因留半月別去

八載遊閩今始歸形容半是語全非萍踪已有妻孥
託旅食猶憐故舊稀睡去衣裳孤月滿醉來圖畫亂
雲飛與君山閣逃炎熱臨別還留壁上題

海樵先生集

卷之六

九

九月三日同孔文谷憲副萬鹿園總兵童南衡

侍御湖上分韻得飛字

旅遊江國正思歸又入山樓坐翠微勝會未傾黃菊
酒閒心先赴白鷗磯池荷浥露花初落堤柳含霜葉
半飛四海萍逢古難得與君延賞醉斜暉

載壽謝天曹汝湖

典文西掖廿年餘一卧林丘日著書喬本舊知丞相
府裁徵新種碧山居巖中得興非因酒湖上陶閒不
在魚聞道南星降東閣早來佳氣滿庭除

楊二檀聞人北江二庶訪過山中值余他出乃
自移二石坐竹下待之少頃余還鄒草陵亦至
遂開樽相樂日盡而別

海上初乘李郭舟東來又作北山遊自憐散跡隨雲
出却喜閒身為竹留日轉菊籬花未吐江寒梧樹葉
先流十年歲月交遊在共對清樽半白頭

送周橫山張石洲二明府入覲

九重元日列朝儀令尹仙帆帶雪移天上祥雲連拜
舞江南明月照相思書同萬國衣冠聚漏隔千花劍

海樓先生集卷之九

十

佩運聞說

君王崇道術雙鳧須遣尚方知

送龔子勤赴北宮

書生不愛南山住早歲承恩侍北宮短劍暮浮江色
外高帆晴出柳陰中城頭草綠人初去天上雲青路
始通此別自知懷遠暑旅遊萬里羨冥鴻

病後登樓寄懷譚少嶠愈

吳山相望樹千盤燕子初飛杏又殘別夢遠迷江上
月幽心長對谷中蘭官清書札偏難寄病久塵冠尚

驛路孤亭含落暉綠楊風暖燕頻飛城頭潮上酒初
歇江畔月明人獨歸才滯莫疑天道遠路貧方覺世
情非淒涼十二年來事臨別惟添淚滿衣

送張甌江北上

王途萬里直如絃使者征車去若仙入國又逢燈火
後題書多在杏花前丘園習懶惟高卧綵筆承恩正
少年我有張華舊藏劍今朝還爾學防邊

秋日荅李彭山使君

到處僧房漫作家豈將六藝混三車心存禮樂虞廷

海樓先生集

卷之九

十三

遠身歷風塵容髮華三計尚堪存定海一官何意老
長沙因君忽憶他年事搔首無言對菊花

曹娥寄懷京口諸友人

曹娥江上浪如花數幅蒲帆過浦斜烟際亂山明落
日樹中古廟帶殘霞乾坤故舊勞魂夢客路星霜換
歲華鳴鴈滿汀無信息相思一夜遍天涯

贈張有功尚寶

少年裁詔付金門雨露偏承
帝主恩走馬每酣三市酒看花長過五陵園館中佳

客聯芳藻、社裏高僧、竟至言、奉使荆藩、皆下邳、元知
不爲大夫尊、

蔡白石使君夏居隴上因訪賦贈

經過白石道人房、四壁圖書竹映床、緣澗引流全灌
藥、繞村開地半栽桑、車間五馬非辭祿、劍鑄雙龍欲
靖疆、已識中郎擅詞賦、更聞廬墓得禽祥、

建康簡湯練川通政

青春無奈別離何、廿載光華而鬢皤、故舊始於羈旅
見、間關方覺世情多、草深旅巷入長靜、柳暗銀堂鳥

海樵集

卷十九

十三

有歌、即擬藏名陽羨去、釣竿垂老弄烟波、

龔瑞山比部話舊

天涯握手涕成行、風急無端散滿裳、別久不堪論歲
月、身存何必問家鄉、西曹秉法心如玉、南國逃蹤鬢
似霜、兩眼世情皆夢幻、對君那復歎行藏、

園居對雨得郭麓池黃門以詩慰寂

園居方得愜幽心、風雨無端入夏深、向曉故人傳大
雅、臨窗三讀即開襟、閒堦幸見鳴金玉、清廟還看奏
太音、避世自慚居下里、才微難和郢中吟、

哭楊升菴太史

滇南謫戍意何如、垂老窮荒只著書、天上忽徵長吉
賦、蜀中空說子雲居、一朝名冠傳臚日、三疏忠成折
檻餘、道遠旅魂招不返、斷腸惟有涕盈裾、

奉答匡南宗室見寄

多才好義趙平原、珠履如雲日在門、爲愛野人同白
社、遙傳詩句向江村、寒泉出谷和幽響、飛鳥臨庭聽
至言、愧我茂陵常病肺、無能染翰侍梁園、

仲春六日見雪簡唐荆川太史過村居一首

海樵集

卷十九

十四

潛夫習懶朝慵起、日晏開樓雪滿谿、風亂暗隨梅共
落、天長翻與海同低、寒生野服憑春酒、興繞山橋任
竹簾、此夜憶君須放舫、村居正在剡川西、

避難携李寄孫季泉少宰

一身逃難住孤城、巾櫛隨時且遜名、賴有朱家藏季
布、空教魏老望虞卿、秋霖偏入江南少、天日惟懸
北明、念舊懷鄉兩行淚、今朝盡向畏途傾、

袁定山兵憲密約余同王中白水部過江心寺

曉雪歸途漫述

法臺政暇興多奇，出郭尋幽祗雪知。倒甕但令狂士共，談時潛與大夫期。臨江展席千峰近，秉燭乘溝一棹危。扶醉分裳歸路里，揮鞭上馬各忘誰。

山中喜逢吳穀溪話舊

雲帆二月發江西，千里迎親赴會稽。纔就儒官頭雪白，一逢故友淚雙啼。新齋曾宿初承露，舊日梧桐盡映溪。十載離群仍對面，開樽何用惜分携。

送李源野觀察轉任江右方伯

西南重鎮猷稱藩，時事紛紜近亦難。祗爲王師八塞

海樵先生集

卷九

五

去，故令賦役萬家殘。臬庭舊法存書記，江國新禾望歲寒。此別山川分楚越，匡廬明月共誰看。

梁南塘博士暇日偶得醫官後隙地一丘叢木，翳鬱漫登交，蔽遂乃刪繁治穢，開成林圃，頗見幽意。余與吳穀溪過訪南塘，因邀四僚佐同宴。

林下酌然賦詩

憐君官懶好幽尋，偶得名園闢舊林。鋤草漸開三逕路，移樽長散七賢襟。城頭山色晴方見，竹外陽光暮始臨。夜半酒酣眠石上，滿天明月落清陰。

見溪桃寄懷劉南郭黃野塘二使君

憶昔往來湖上時，事歸流水逝如斯。廿年雙鬢我先白，千里一書君未知。跡隱祗令林鹿見，調高常使世人疑。別離久負芳春約，愁覩桃花又滿枝。

錢八山法部養道雲門山中近聞參禪吳下寄此招之

雲門學道久離禪，又向吳中結淨緣。賣藥每穿三市路，乞齋常度六橋烟。身俱大化渾忘旅，道在長生未記年。我欲去家遺世累，問君何地可居仙。

海樵先生集

卷九

六

張石洲明府邀同徐芝南沈青崖禹廟陪宴翁夢山憲副席上贈別二首

十年相望路猶迷，一夜逢君鑑水西。燈下歌長樽屢換，簾前話久月初低。稽山雨後晴雲出，禹廟春深暮草齊。萬里爲官向巴峽，思家莫聽嶺猿啼。

其二

開樽終夜坐青山，海月川雲得共看。神與十年方見面，宦遊千里又之官。傳書惟有衡陽易，秣馬無如蜀道難。知尔中心能戀國，好因紅日望長安。

宿卻金館書壁

何公卻金事已遠，孤館流風千古清。
對客未須論得失，吾心原自斷虧盈。
庭留片月聊開酌，地近飛泉懶濯纓。
亂世虛名難久駐，欲從塵外學無生。

仲冬廿五日宴集括蒼郡署座上呈高四溟使君

郡多賢績地長寧，永夜邀賓集上庭。
家遠但知身是梗，時違敢謂客爲星。
堂含水色歌偏麗，席映山光眼倍青。
莫道子昂初識面，君家高適舊齊名。

海樵先生集

卷十九

七

登石門尋謝康樂隱跡時聞衣定山兵憲遊此還永嘉懷然有作

其臺憲節幾時回，尚有文光被草萊。
綠酒祇應君自酌，寒花不待我來開。
千年靈地巖爲戶，百丈飛泉雪作堆。
康樂遺居更何處，夕陽啼鳥有餘哀。

與王東華諫議話舊

當年避地入揚州，變姓爲農淮海頭。
千里感君求物色，幾宵列席滿官舟。
鄉書每恨雲山遠，霜鬢空嗟歲月流。
自謂亂離俱散漫，豈知聚跡在東甌。

送沈青門遊閩

從來達士尚清遊，閩海茫茫一客舟。
入寺偶同明月住，度山常爲白雲留。
幾家延論稱才子，到處通名識故侯。
若問舊遊何所在，多應雪裡到泉州。

夜宿窰村有懷莫月樓無寄嚴小石

霜天獨夜宿孤舟，沙岬無風水暗流。
碧漢行雲猶入夢，寒林落月自穿樓。
情因念舊方知着，心爲傷離始見愁。
但恐嚴陵臺上雨，還隨神女過湖頭。

寫雪圖送梁南塘罷博宰連城

海樵先生集

卷十九

八

官居門巷日爲隣，來往看花不厭貧。
典學三年方化越，爲郎千里又之閩。
路通梅嶺瞻雲近，王入連城得價新。
寫雪還君豈無意，乾坤誰是歲寒人。

過李岫巖村中話舊

旅食年深厭市譁，豈知郭外有烟霞。
水邊紅樹全遮屋，谷口長柴半雜麻。
錦里自能收芋栗，漁郎何必問桃花。
相過共宿霜林夜，醉剔寒燈話歲華。

醉步湖堤漫述

堤上行行日漸曛，身間偏得狎鷗群。
水邊好寺全藏

樹天畔寒山半出雲滄海烽烟猶入夜故園鄉信幾
時聞只今世事難求遠且向湖中作醉人

李克齋司馬招飲署中話舊時值北行悵然賦別

把杯不覺淚如絲二十餘年在別離南國飄蓬雙鬢
老中原靖難萬方知才清素挾神仙氣貌古終成柱
石資燕關得君爲內障胡塵從此靜邊陲

劉勿齋席上贈沈劬南

余家先世出昆陵西望江陰亦舊隣對酒莫辭今夜
海樓集 卷之九 九

醉與君原是共鄉人旅途值亂身難定風雨懷歸夢
轉頻世難早聞徵國士今猶何事在風塵

贈李葵陽內翰址上

十年才譽動吳南千里新承翰苑官

聖世恩波隨地至青春冠蓋有人看班聯鳳沼趨常
易曲倡陽春和共難址去長安紅日近高堂晨夕好
承歡

武林遇施南石話舊

看君不覺涕成行十九年來兩鬢霜舊事盡隨吳水

去所思惟共越天長才高時命偏難遇世亂田園又
漸荒岐路幸逢留一酌酣來不記是他鄉

武林遇程西橋言別

人間時事日紛紜滿眼干戈蔽夕曛避地有誰能問
我他鄉何幸又逢君南看吳樹連烽火東去閩山盡
海雲此別悠悠當亂歲音書無處得相聞

張南屏僉憲席上贈龔鴻洲使君二首

高天涼月散清秋夜久明河漸近樓座上乍逢人似
玉花前那厭酒如油關山十載長飛夢雨雪三冬欲

海樓集 卷之九 十

放舟歲晚論心更何處與君相約鴈峰頭

其二

清歌一曲酒千卮正是中庭待月時花下且停山簡
馬草邊聊當惠連池龔黃事業今能繼李杜風流復
在茲只恐天王思近史即看染翰待彤墀

江上追施子明不及因寄

廿年相憶路悠悠一日逢君鬢已秋蘭舫今朝又何
處雲山依舊是離愁銷魂每坐斜陽盡念昔空傷綠
水流歲晚萍踪莫相失山陰雪夜好乘舟

四心芙蓉爲惠泉作

木生連理古或有，花發四心今始開。艷臉獨含秋色，
異淡香不與衆芳群。水邊紅亂疑霞散，枝畔鬢繁似
蝶分。已見嘉祥徵晚歲，不須垂首怨斜暉。

和梅宛溪大衆乞歸得報韻

滇遊萬里厭風塵，隱興非因白髮生。甘載馬蹄還故
里，一溪山色盡含情。門無俗轍心長靜，地隔風波夢
不驚。養性久知明聖學，延年何必問初平。

訪梅宛溪大衆話舊疊前韻

漂泊頻年混市塵，且因病後樂餘生。看山每作歸吳
夢，對雪長懷訪戴情。濶論豈隨千盞盡，道心忽爲二
毛驚。燈前夜半悲歌發，感事哀時兩未平。

宣州禪院避俗喜梅宛溪大衆騎馬冒雪見訪
卧雪藏身野寺幽，故人遙念歲寒游。入村不憚衝泥
路，騎馬何殊泛剡舟。脫累已無塵境想，談空漸遠客
途愁。自知法乘元無住，敢謂仙踪頃刻留。

醉梅九溪園亭

溪園別館俯清波，春日邀賓列綺羅。巧舞自能依掌

動，豔歌偏是出花多。風流絕調惟君共，天地今宵奈
我何。但得百壺長到手，任教星斗盡沉河。

吳復坡携酒同孫裊山侶山并姪龍潭邀余城
東看花醉中漫興

異國逢君即舊知，樽樽偏趁早春時。初從死水攀楊
柳，又入秦樓聽竹枝。芳草故隨行處綠，流雲惟向月
中遲。爲憐高義長相近，一咲分途不問期。

金陵宴西曹公署

鍾山積雪映長安，集飲西曹坐夜殘。野客自無金玉

句，法官惟有水晶盤。屏前月色籠燈淡，樓上湖光蕩
海寒。離亂有誰能好事，看君轉覺世途難。

季冬月夜餞桐陽董約山同飲葛王瀆幕舍

越上曾逢葛稚川，金陵握手又殘年。法庭初啓中丞
際，身服長行侍史前。滿面風塵同是客，一身霄漢已
如仙。寒宵莫放杯中物，臘月惟餘此度圓。

夜集張滄江法署無懷令弟歐江京兆

世亂逃踪歲又殘，一樽相聚在長安。詩篇合調人爭
羨，兄弟聯交世所難。客夜話深燈落罷，官庭霜白酒

生寒因憐小謝猶京兆春草池塘夢未闌

方游白嶽諸山道經南陵明府周與鹿見過漫賦

去歲逢君客路中殘冬鞍馬各匆匆誰知今日經花縣又見春風送落紅離亂且須談故舊乾坤那復計窮通黃山白嶽看將近西望祥霞滿碧空

題江藩宗室匡南冊子

江藩邸第接封疆別有吟臺俯豫章楊倚清風迎孺子林栽叢桂學淮王窗含山色連雲碧樹帶泉聲入

海樵先集

卷之九

廿三

幔涼近道求仙功漸滿塵車尚逐八公翔

奉贈梅林胡司馬平夷二首

提藩節制動星文靜裏神機九地聞風挾兵聲先渡海山含殺氣盡成雲共施妙畧清夷穴獨以精誠報主君奏凱還朝頭未白永將勛業並曹彬

其二

幾年戰伐嘆無功海上旌旗悵望中司馬提兵開幕府

聖明宣典錫彤弓西驅夷馬三吳靜東掃狼烟百越

空料得太平清宴裏捷書先報上陽宮

贈甬江趙司空平夷二首

聖朝元老握天兵一掃群夷四海清漢室陳琳惟掌記曹家儲子慣從征千年銅柱仍分域萬仞燕然再勒銘奏凱定知承異寵永持忠膽輔昇平

其二

大帥兵威撼海涯指揮八陣走雲沙天邊旗采翻龍甲日下刀痕吐血花南將獻俘千艦集北軍出馬萬

海樵先集

卷之九

廿四

人誇

大明一統疆場遠東極扶桑總是家

暮春送徐古石明府北上

鄉家吳國本才賢一宦東遊越嶠邊郎署已成三載績鳬行又上九重天華簪芳草迷江口片片飛花落馬前他日

明庭問民瘼好將章疏述凶年

送謝瑞峰還奉化

故交長憶謝玄暉六月相逢共袒衣舊業止存耕隴

猗閑居惟有讀書帙清談未盡樽前酒短棹仍從海上歸水國悠悠三百里思君終日暮雲飛

送張石洲明府入覲

寒日江城飛暮烟會稽仙令欲朝天銀轡遠度千山外寶劍高懸七斗邊到處自聞民頌合入廷須沐

聖恩偏相逢又見春風至花滿高樓月正圓

送袁定山推府北上二首

城北殘潮喧驛門孤舟送客共開樽半村江月夜初

海集卷之九

卷之九

廿五

照幾樹海棠秋正繁官歷三年無路值身餘一劍蒼君恩相思獨坐空山夜短閣清燈夢夢魂

又

郡齋半在越山頭日日清泉遶幕流法案惟同僚長斷釣船時共野人遊三秋奏績登金馬萬里相思望斗牛歲晚南來無朔雁不知何以慰離憂

風雨遊三江席上錢別鄭梧野

京南才藻爾稱雄千里看山到海東忽下雲門問蘭渚經禹穴駕樵風白帆獨挂秋江外綠酒遙傾暮

雨中歡賞正濃君又別楚雲吳樹路重重

發江口留別諸交游一首

夏日郊居風蒲林一堤楊柳半溪陰清歌未盡樽罍興孤月長懸第妹心素節未隨脩竹在新盟當與大江深別離認取夫容路短棹穿花得再尋

奉答孫季泉家宰立春後一日旅館論詩見寄

早梅晴色動芳枝旅館論文對酒卮乍會恰逢開泰日合歡忘却亂離時興公才望原如昔伯玉風流豈在茲

海集卷之九

卷之九

廿六

朝內於今重元老燈前莫惜髮成絲

孫季泉天曹避兵越里期余過館中論詩夜半喜而賦此

君猶避地在山陰門巷蕭條草木深入座便留今夕醉開談真見古人心天空落月全依水夜久寒燈漸出林莫惜樽前彈綠綺人間難遇是知音

新春雨中過孫仲泉符卿季泉天曹巷館留酌用來韻

頻年漂泊覺身浮近歲探玄性始幽帶雨偶過賢者

巷說時仍動野人愁、一宵遣興憑新釀、廿載知名郎
舊游、自分微才非郭泰、姓名慚附李膺舟、

病中寄送陳蒲洲北上

聞君策馬赴彤墀、伏枕重添萬里思、入夢不禁風雨
夜、離群偏值亂離時、吳門兵甲仍連海、上死春花正
滿枝、執手論心竟何處、長亭多負柳垂絲、

伏病寄送章雙渠服闋北上

風塵相別數年前、白晝看雲夢屢牽、亂世交游慚我
在、同鄉冠蓋羨君賢、三春廬墓青山裏、萬里趨

海樓先生集

卷之九

七

朝采日邊多病蕭條無所贈、隔窓愁見柳含烟、

贈會稽吳尉二首

烽烟遙接海西營、各郡材官浪出兵、夫我尚藏江上
姓、以君獨當越中城、三軍敢死心長壯、一劔酬恩命
已輕、手斬觸髅隨地擲、島夷無處不知名、

其二

時危介冑益沉淪、縣尉翻能作武人、突險祗憑占太
乙、出師常自問星辰、幕中已得三千士、馬上惟存百
戰身、歲歲總聞膺上賞、有誰飛檄報楓宸、

謝汝湖少宰誕辰以他出不及稱祝補詩用翁
韻

昨聞南極照東山、又見春回滄海間、點點名隨天地
在、崑居身與水雲閒、洞邊薇蕨含佳氣、湖上桃花咲
醉顏、何事當筵無太白、酣遊采石未曾還、

雪中寄友

屋外風狂雪滿天、知君此日正高眠、思家不必瞻秦
嶺、問友何須是剡川、野水虛舟膠斷浦、山城饑雀下
寒烟、賀家湖畔堪乘興、郊店門開竹徑邊、

海樓先生集

卷之九

八

送何明府入覲

千年戶口稅方平、又作朝天萬里行、已見雙鳬回霄
漢、獨留孤月照山城、花間待漏鶯初集、闕下傳臚口
始明、

聖主若詢東海事、越中農業半為兵、

隱跡吳市荅謝諸友

往來吳市且藏名、乞食空門學野僧、曉泛獨先湖口
日、夜歸長傍酒家燈、時危有夢依山谷、身病無書問
友朋、世路茫茫何處是、關河西望涕重增、

章江旅舍寄懷白貫匡南二殿下

章門客靜暮停車風物蕭蕭落木餘家遠每憐書有
鴈途窮那愧食無魚天香縹緲淮王樹画閣空是帝
子居十里灘聲半窗雨有懷西望正愁予

泊章江城下簡蔡白石大參

日斜旅泊傍江灘病况蕭條覺未安流落幸逢知己
在亂離誰問客行難衝舟急浪時生險近水秋衣漸
怯寒千古豫章風不泯可能聯榻話辛酸

南昌逢萬思默

思默乃撫澤王荆川徒也秋試於省中見之

海樓集

卷之九

十九

風塵相憶十年時千里萍蓬即舊知坐裏談猶似
父人中文藻更如師出山笑玉原希世得雨蛟龍不
在池三世通家人所美與君延戀莫相遺

寫東方朔題壽季彭山使君

君是人間快活人陶然杖屨不知貧千言著述
存金石廿載身名列縉紳已有兒孫延末世豈
無丹藥駐長春偷桃但說東方朔誰識先生是
後身

寄大綸兒守備滇西

乾坤父子歎離居南望關山涕淚餘三載猶淹萬里
道百鴻難達一封書提兵戀島師諸葛涕揖吳門吊
子胥兩地風塵俱是客白頭何日聚鄉廬

海樓集

卷之九

廿

海樵先生全集卷之十

南海星野廬書陽 校正

番禺瑤石黎民表 編次

七言律詩

次許石城太常元日立春韻二首

獻歲逢春序亦新，風回東谷換芳辰。
園中置綵歡如昔，陌上尋花迹未陳。
萬物得時皆動葉，三陽應律總歸人。
律書五聲二變爲一均故鄉楊柳今猶在，定長柔條待主

海樵先生集

卷之十

乙

又

春光恰與歲元臨，萬國皆生育物心。
日映綠穠偏易醉，風吹白髮似難禁。
江梅戀臘花全褪，巷柳迎陽色漸深。
此日知公賀

君鄭暫因騎馬帶朝簪

聞葉沆湖儀部奏績還南昌消息賦此見懷

獻績纔聞謁

帝傍挂帆又報入南昌，三年已結相思癖。
萬事都成戲劇場，儀部近傳新制度。
詞林爭誦舊文章，何時策

馬還京國共瀉離懷醉夕陽

重入金陵漫簡全九山太常

遠遊多病滯遐方，千里懷君道路長。
兩載都門重握手，一談時事各霑裳。
文章逼漢稱遷史，稀裕宗周羨太常。

朝內久知才望著，定登喉舌佐明堂

建康客舍簡文五峰

吳門握手廿年春，迢遞山川入夢頻。
海內共稱詞賦客，天涯同作旅遊人。
間關漸覺身名混，老大徒傷雪

海樵先生集

卷之十

三

鬢新避地昔聞陽羨好，期君垂釣弄絲綸

重返金陵傳邸簡社中諸故舊

園館荒涼夏日長，薰風樓檻映垂楊。
相逢舊各皆知已，來往都門即故鄉。
陌上花容愁品藻，城頭山色待壺觴。
間關世態俱非昨，混跡同君學楚狂。

周祠部邊水部過舊邸論昔

遠涉歸來白髮新，逢君且醉鳳城春。
一身江海同羈旅，三載無關是故人。
篋裡綈袍懷范叔，天涯敝褐愧蘇秦。
只今世路難停足，欲向梁溪理釣綸。

江干寄梅使君宛溪

故國龍山一水分，羅江沙月夜紛紜。天邊鴈未傳緘字，路上人能領使君。去去胡塵連塞日，東來烽火照江雲。乾坤世事猶難定，歲晚相期且醉醺。

荅沈青門見寄

離屈江上歲華新，迢遞雲山病裡身。白屋余爲廬墓士，青門君是種瓜人。藏名祇許漁樵識，混跡從教鹿豕親。歎立秋風生涕淚，關河西望又胡塵。

日暮餘杭懷王南塘蔡龍消張霞石

海樓集卷之十

三

塘南泊棹日初昏，石逕霞開見寺門。岸青山聞過馬，幾家黃葉是前村。交游有道惟君在，索醉無錢祇劍存。欲帶中郎焦尾去，千年雅調向誰論。

送葉龍山東遊

吳天忽有西風色，才子東遊得所之。帆挂錢塘秋雨後，路經嚴瀨夜潮時。成詩偏是逢明月，解劍還須待故知。愛爾旅懷多坦蕩，海鷗因得共忘機。

悼蕭雙洲

昔年曾作鱣宮士，今日那爲黃壤人。流水不隨西去

日，開花空佔幾迴春。青山古檜風能泣，落月啼烏夜始頻。過客何須問脩短，乾坤誰是百年身。

送宋東武遊吳無弔史玄洲之墓

城頭潮白日初曛，越客揚帆傍海雲。江上沅萍難自定，天涯寒月暫爲群。幾家故舊迎行騎，到處公卿叩所聞。北去平陵烟樹渺，還知掛劍吊徐君。

哭史玄洲

長安一病赴冥扉，旅舍荒涼故舊稀。楚璧祇添泉下恨，家山惟向夢中歸。北宮舊業今何在，南國浮雲世

海樓集卷之十

四

已非。我欲招魂重作賦，西風吹淚又霑衣。

聞沈純甫言事見窰口外

今保

即青雲

故人抗疏承嚴譴，抱節何曾見苦心。窰遠不知親舍在，身存猶念

主恩深。出關惟有胡天月，傍海聊爲澤畔吟。萬里荒城無可語，祇堪流涕酒窮陰。

哭譚子羽

纔聞端簡列朝班，染翰時從鳳沼還。一自仙輅歸世外，祇留詩句在人間。天寒烏鳥長啼樹，日暮愁雲自

蒲山海內故交零落盡斷腸惟有淚潛潛

陽至前五日寄童舍人蒙山兼懷寧峰上人

故人西別向蕭然歲序重經至日前聞鴈恰當書在
案乘舟不待雪漫天山中謝客惟求靜老去題詩更
入玄却喜居連江口寺每從惠遠學逃禪

若耶溪上與錢八山謁徐龍陽問道

允途混跡久隨緣一夜逢君始悟玄身外但知爲世
網眼中誰識有神仙浮雲散處花明水石檻開時月
在天莫道盧龍無法相從來衣鉢授真禪

海濱先生集

卷十

五

聞張有功謫兩淮運佐因寄

別君無奈歲如流舊約睽眈愧海鷗未見長沙淹賈
誼祇聞何遜在楊州天涯戀

主惟雙淚夢裡還鄉半白頭千古淮南遺事在好因
桂樹且淹留

送徐龍陽還括蒼

藏名吳市日餐霞又趁寒潮到若耶滄海尋山穿虎
豹空門留月卧銀猨偶逢道者開棋局因與樵人駐
巖華歸去松陽雲路杳好從谷口問胡麻

送錢八山法部同徐龍陽入揚州訪道

中年辭祿學宜脩心似飛霞愛遠遊一入青山遇徐
市共騎黃鶴下揚州水邊投飯尋僧舍市上藏名卧
酒樓此去便應經歲月閒身多爲白雲留

寄壽魏淺齋司寇七十詩

通曹建法勁三台朝野都傳柱世才昨見星輅還舊
里早聞南極照中臺七旬榮壽古難得千歲碧桃今
始開但願一門長宴笑乾坤於此是蓬萊

補壽聞北江侍御二首

海濱先生集

卷十

六

去歲逢君猶昨時秋風回首又成思兩同客部過姚
水一上烏臺對酒卮恰有五千言在壁始聞六十壽
臨期當時自笑東方朔醉倒瑤池却未知

又

大夫不以壽爲賢自有功名入汗編綠酒但須傾十
斗蟠桃何必更千年北江釣舫人難老南國書生道
尚傳從此願君無世累青山吟到月中天

寄懷管石峰諫議

憶君疇夜泛江霞一渡曹娥隔歲華峰頂尚存千丈

石園中今長幾庭花著書已變鄉人性習靜當尋道
者家青瑣豈難耽更隱幽情終足厭紛華

贈王先生鄉飲

青山一卧白頭新雲水陶然得性真

聖世幸逢鄉宴事布衣猶作廟廊民黃花笑接離邊
主碧眼酣生鏡裏春豈是官司尚耆舊由來典禮屬
高人

送王仲嗣赴召入太學讀書

燕關迢遞暗胡塵

海寒集

卷之十

七

聖主憂時憶舊臣鄧士百年重得慶高平千里又封
陳虎關習業大常近戚里鳴鞭柳正新自古書生能
建策訓恩莫負少年身

奉寄梅宛溪使君二首

江南郡邑近多虞青瑣詞臣復外除署傍越臺常見
石恩歸滄海又還珠幾家赤子春風裏滿路甘棠夜
雨初寂是公餘能問隱高談終日對樵夫

又

人間到處有風波白首甘貧卧薜蘿
罷裏官清民事

足山中歲久世情多身安不厭三家市腹飽聊爲五
袴歌一雨又添垂柘綠湖頭正好着漁蓑

春來避俗山水園喜董竹亭唐雲峰過訪相留

信宿而別

一春避俗閉荒園幾日留君不厭煩坐傍水邊同引
釣行當花處一開樽十年尚抱山川癖兩屐長宵露
雨痕此去悠悠何所住掛帆今夜下吳門

寄王久菴司寇

尚書第宅俯嚴阿旦晚歌鍾出綺羅朝裏名存爲政

海寒集

卷之十

八

久山中頭白著書多百壺酒在花能送三弄琴清月
屢過我獨幽栖成傲吏從君無地欲如何

送朱燿峰上舍赴銓曹候選

青袍墨綬魯諸生太學曾經列姓名一住南山成皓
首又騎白馬上燕京王途到處堪通轍時事于公用
請纆聞道錢塘風萬里遠遊正好掛帆行

寄送蔡鶴田方伯北上

聞君三月過山中默掃柴門步落紅白馬幾時馳北
冀綠樽無那醉東風天邊赤日行方近海內蒼生望

正濃遠道所思何以憫中宵明月在長空

雨晴梅使君招登越望亭因賦

山徑雨晴啼鳥頻竹崑松磴轉鮮新亭無片靄迷清
眺官有餘閒快隱人綠酒每能開笑口幽花偏自戀
殘春由來郡裏風儀在豈為沉醉倒角巾

江上喜姜對陽路仰塘見過

君於何處遠遊歸帶月重敲江上扉云自霞城方渡
對坐看雲霧尚留衣半園野竹樽初集一榻山燈夜
其休相對莫疑無語笑十年心與自忘機

清樸

卷之十

七

周都峰諫議神交廿載今始入越訪余於山中

清樸未展遽尔言歸悵然之懷聊傳此作

知名猶記廿年身執手仍為千里人明月不留良夜
寔白雲惟戀故山春三閭既放那忘楚四皓遺榮已
避秦溪上夏來蓮正綠愛君高隱道情新

題滕桐陽生香不斲冊

名園一曲鑑湖通四序惟多萬卉紅月到林端方積
影蝶歸香處却迷叢交枝坐鳥音頻入綺逕迎賓酒
不空豈是陽和長戀物主人元自有春風

又

把酒問春春不歸曲欄橫逕轉芳菲經年狂蝶亂人
眼到處落紅霑客衣林響却疑風乍至香深未許燕
頻飛一園好景千場醉如此高風似尔稀

送羅外山之南京法部

抱病酌君君亦憐况當離別倍悽然向來閨罷已三
載此去金陵又幾年霜落吳江楓似火月明揚子水
如天只今四海傷多事惟有西曹法最先

憂居隴上時事驚心見月興愴然遐望巨寄

清樸

卷之十

七

張石洲陳見吾二侍御

時在白下西臺

鍾山月出映南徐故舊傷心址望餘補袞君為柱下
史卧苦余結隴頭廬三年時事凋雙鬢千里雲鴻滯
一書海內徵輸此為劇西臺諫草近何如

送譚少嶠少參轉任徐州兵憲

從來要路得人難君去徐州境始安坐見軍儲通上
國即看城郭下狂瀾六年在浙民心便千里提兵寇
膽寒南北關河此為別越山何日又停鞍

南關月夜送趙虞部鉅菴

問君何事忽相離，宦海流萍不可期。半載交游猶夢寐，十年王事尚驅馳。路通河汴迎親便，書寄江南待鴈遲。縱說爲官似明月，清光入夜幾人知。

贈別皇甫百泉法曹二首

分曹擅藝早知名，一遇吳門鬢雪生。才古尚爲時輩忌，官賢何負

聖君明。殿庭上疏心猶赤，建鄴栖禪賦最清。千里無能排難事，百年終是愧虞卿。

又

海集先生集卷之十

十一

人間聚散本難期，老大逢君又別離。窮達一心惟戀主，風塵滿路更憂時。吳門鷄唱踰關早，淮海潮喧過浦遲。入國莫辭驅虜策，長才自古係安危。

姑蘇遇王十嶽還歎因贈

逢君酌酒不成歡，爲客同嗟世路難。布褐經年猶落魄，鄉書何處覓平安。燕天杳杳邊烽急，秋夜漫漫畫角寒。國事關心憂未已，臨岐那復話辛酸。

谷贈皇甫華陽

君才不忝帝鄉賓，底事年來尚隱淪。造化每疑先達

夜同鄉，猶作別離人。郊寒星月依南寺，天遠台衡傍北辰。極目長安書未至，西風鳴鴈倍酸辛。

重七夕喜得石渚司農見寄漫言奉荅

常年七月今逢閏，重夕重看雙宿懸。人世更添千狀巧，鵲橋再結一宵緣。少微遠挂天河外，台輔長明帝座前。忽見紫霄鳴鴈下，蘭曹恰有尺書傳。

燕關南寺吳小陵使君見過話舊

青春爲別愁堪傷，出處蹉跎歲屢長。客裡乍逢如夢寐，燈前覽髻各星霜。吳門兵甲連滄海，越水田園是

海集先生集卷之十

十一

戰場。避難得君今在郡，行藏何必問他鄉。

燕關寄送馬石渚司農自南部奏績北上

遙聞奏績上長安，東望鍾陵幾罷餐。歲暮莫言行邁易，旅遊偏覺別離難。恩添雨露燕天潤，郎厲水霜向日寒。海甸只今銷戰器，好將戶口報金鑾。

金鑾

避兵江上偶值誕期，黃江沙漲滄江陳。石江蔣蘿溪潘一洲鄭黃池奚后岡夏仰峰載酒見慰醉後成詩

四十九年非已知，嗟眈又過六年時。近來人世都云是，身外閒非更問誰。駐老不須丹作藥，縱形惟賴酒爲池。天涯兄弟團圓夜，一醉渾忘在亂離。

蕪關九日與潘在溟鄭黃池奚後岡聶紹山夏仰峰携妓集飲廣愈禪樓兼懷張滄江邵醴泉

二鄉友

高秋日暖菊花新，樓上欣逢四海賓。展席共酬重九節，分萸獨少故園人。間關難掩天涯淚，歌舞空回座底春。心賞已忘更漏盡，殘星半落大河濱。

潘先生集

卷之十

七

姑孰送鈕石溪使君入覲

他鄉送客獨悲歌，萬里朝天意若何。路出鍾陵依日月，舟行淮海慎風波。關山此去

君恩近，郡署年來宦績多。榮陟定留清切地，黃扉舊樹待重過。

夏日寓愈上人禪房書壁

一身無住寄招提，日日參禪禮愈師。秘跡但令江鳥見，藏名猶畏世人知。雲開慧日光懸座，雨後天花散

蒲池。惟道炎蒸俱不到，香林雙樹正低垂。

沙門伏枕聞喻吳臯京兆提塲得士喜而寄此一離京兆度關來半載，孤踪託梵宮。聞說選關推大手，定因世難得真才。風雲九道從龍會，桃李三秋奪

侯開。俊乂即看成聖治，白頭何惜混塵埃。

蕪關旅舍張浚齋明府見過聞將入覲悵焉

賦贈

天涯握手暫淹留，明日蒲輪又遠遊。細雨殘燈歧路

潘先生集

卷之十

七

酒清江紅葉寺門秋時當離亂情偏戀話入肝腸淚始流。料得

大廷朝會裡，賢聲應滿鳳池頭。

南寺懷胡龍江光祿

風塵出處歎離群，野寺逃禪傍水雲。亂後懷鄉長作夢，天涯多病益思君。關前黃葉鳴秋浦，樓上青山挂夕曛。一去新安多政績，賢聲時向路人聞。

李見竹將軍入楚徵兵因過旅舍言別

君行幾日到天涯，鐵騎停風汗血飛。楚塞徵兵千里

去舟山接戰一身歸軍中命將心全改海外酬恩志
漸非莫怪當樽多別淚亂離偏是故人稀

寄賀喻晴江中丞令子遂川秋捷

歸田未必一身輕有子登科萬事成且把詩書傳宦
訣定多清白繼家聲池中水綠魚重化日下松陰鶴
共鳴雨露蒲門長是足休因江月論虧盈

登凌敲舊址有懷包三溪使君

古臺淪落物華新對景因懷郡裏人明德祗餘江月
曉遺恩惟見野棠春天台夜冷啼鳥為海國風高起

海樓先生集

卷之十

十五

戰塵避亂只今身未定與君何處話酸辛

風雨夢金陵諸舊社

亂離漂泊滯天涯託跡空門不當家病裏音書思故
舊夜深風雨夢京華寒雲宛句行南陌並馬看春過
狹斜睡醒蒲團寒漏斷半庭蕉葉雜江沙

聞宣城梅宛溪大參疏乞歸田漫寄

王途誰肯念初衣一疏惟君早乞歸白社自能邀道
侶青山不厭到柴扉靜中見性知身幻谷口參玄覺
世非散適田園休謝客孤踪無住欲相依

贈王中白水部

愛君塵性已超然晚歲論文更入玄書室茂先原博
物吳門梅福本逃仙藏身每卧東山月採藥長穿碧
海烟我獨避兵無定所欲傳直訣愧無緣

與侯四谷話舊兼報令兄二谷大參出永康消
息

與君為客在塵埃旅館挑燈共酒杯一去山陰經歲
久不知鶴駕幾時回兵戈滿地書難達日月催人髮
屢衰憶昨郵亭遇康樂曉曉偏惜惠連才

海樓先生集

卷之十

十五

重會鮑監泉漫贈

鮑精拱衡

十載逢君鬢又皤年來突興復如何人情漸覺千盤
異世事難加一着多白日偏容狂客在青山不恠醉
顏酡潛夫已得樵新意今日枰前莫爛柯

冬日集溫州郡堂座上呈賀少龍使君

使君邀客宴黃堂滄海無虞樂正長藻思獨慚陳伯
玉清風重見賀知章話添銀燭潛分夜歌逐微塵半
入梁歡賞已深人盡醉不知萍跡在他鄉

仲冬廿八日始入永嘉夜酌袁定山兵署漫賦

遠乘羸馬出山陰，雲物荒涼歲序深。踏雪未因千里興，把衣先澗十年心。話長斗酒偏難醉，世亂高踪豈易尋。不向燈前開綠綺，更從何處對知音。

賀使君招飲官署席上贈楊震陽進士

殘冬海上嘆離群，郡裏開筵得見君。永夜高談疑唾玉，青春豪氣欲凌雲。旅愁且與樽壘共，歡賞從教曉漏聞。明日江頭又成別，寒山回首客途分。

同袁定山兵憲張甌江尚寶集宴王中白水部

池亭席上漫賦

海樵先生集

卷十

七

海天無雪地長春，池館花繁列宴新。酩酊莫辭今夜酒，亂離難見故交人。流風自叶歌中鄭，孤月偏隨客裡身。佳會謾嫌無好句，王維詩賦舊通神。

荅王海壇蕪簡張甌江尚寶

高人詞藻昔曾傳，一見猶疑十載前。正喜玄談延永夜，不堪鄉思又殘年。城頭畫角催寒月，海上狼烽帶遠天。杜東却憐張旭在，與君同作飲中仙。

荅徐東臯少郡

南州徐穉病經年，郡裏陳蕃榻尚懸。好句獨傳風雨

夜，遠遊偏值亂離年。溪邊藥草連雲灌，市上荷衣帶酒眠。白首歸田塵慮少，千秋鄉社見君賢。

真華道院寄贈陳一泉

旅栖地僻半成村，幸尔茆堂接巷門。四海弟兄今日是，十年故舊幾人存。每憐饋食隨潮至，更喜携樽對竹論。雲霄好來仙院坐，月橫梅影正黃昏。

寄贈王陽谷

神交十載隔烟霞，歲暮相逢在永嘉。愧我亂離新定足，與君兄弟舊通家。陳蕃一榻今能下，王氏三槐世

海樵先生集

卷十

十

所誇，不惜歌兒催綠酒。春來還看後園花。

永嘉客舍與王東谷大夫對談

情之內集中

海國頻年值亂離，殘冬漂泊任天涯。一千里路見君處，二十六年知我時。愧把文章談歲月，喜看冠冕列門楣。子真自有凌塵興，谷口躬耕却共誰。

早春永嘉送張甌江赴順天判府

江天日暖靜風濤，長咲登途氣倍豪。舉富五車多播誦，官居三輔見清高。混形豈厭酣春釀，憂世偏宜佩寶刀。辛國舊勳恩寵在，致身報

主莫辭勞

同朱南濱王海壇王九嶽王陽谷侯四谷王玄洲宴集項爲齋秀溪伯仲宅

羨君兄弟似機雲、藻思翩翩更出塵、今夜共余花下宴、相看俱是社中人、雨深山館潛移漏、草綠池塘欲媚春、歡賞豈堪論遠別、江雲山月倍沾巾、

避俗西山值立春漫述

深山迢遞隔江城、變姓藏身竟頗清、乞食野僧疑異語、窺窓幽鳥似知名、忘機每逐猿猴侶、達化何嫌虎

海樵先生集

卷之十

十九

豹聲、隱性由來無節候、不知春色到簷楹、

王東谷陽谷玄洲昆仲携酒遍訪西山得余隱所遂同出山酌於護國沙門僧人始識余名天明主人入城余復移遯城東水鄉詩留寺壁而去、

一住春山懶入城、往來散跡似雲輕、偶因朋舊携樽俎、又向禪房卧月明、竹外風清流梵語、床頭夜靜落泉聲、咲余已爲僧人識、明日移居變姓名、

入求嘉場訪王東華諫議

經年浪跡任途長、每到春來憶故鄉、高士遠栖滄海曲、好山偏入求嘉場、門前雨過雲長白、堤上春寒柳半黃、散跡久無青瑣念、東華玄夢隔西方、

送高四溟使君擢劍州兵憲

問君鞍馬欲何之、薊北關山尚鼓鼙、行省且須談武畧、長才偏是係安危、書圖麟閣非難事、勒石燕然正此時、壯歲提兵誰得似、臨岐揮手不須悲、

聞趙侯齋潘伯喪母寄此吊之一

錢塘一別歲經春、又向金門乞病身、海畔始開垂釣

海樵先生集

卷之十

十

地、隴頭仍作卧廬人、天寒烏鳥啼偏切、月落空山夢獨頻、聞說君能厚鄉里、多應原是舊遷隣、

再送甌江之順天

臨岐揮手別交親、疋馬遙馳薊北塵、雨露豈因三輔薄、官居况與九天隣、訟庭半雜諸曹事、班伍惟多舊日人、此去上林風日麗、莫耽花鳥屢酬春、

黃池后岡仰峰三友期余看春不赴乃後復憐見懌感而賦此、

春到天涯倍客愁、出門羞逐少年遊、不憎柳色舒青

眼口恐韶光咲白頭。雪盡祇園鳴鳥變。日開江島凍雲收。感君載酒遙相慰。千里鄉心一醉休。

寄吉龍潭推府

烽烟迷斷故園書。水國藏身借梵廬。靜榻每留方士履。香林長迓使君車。江梅冉冉春將至。雲物淒淒歲漸除。深夜有懷清不寐。一天寒月石樓虛。

徐野雲同余金陵過歲。偶躡齊雲。遂成分跡。寄此見懷。

携君避亂住留京。偶爲看山又出城。一卧禪門將送臘。每聞鳴鴈益含情。論交自許心如石。爲客同傷跡似萍。殘雪半樓寒夜靜。大江東望月孤明。

海集卷之十

卷之十

七

卧病見月有懷黃江沙陳石江潘在溟鄭黃池

奚後岡陶江野張見田王若川

旅踪每爲病相留。一卧無端忽到秋。風急殘潮喧浦上。夜寒紅葉響床頭。屢親藥裹時虧值。久住禪門漸入流。故友只今言面隔。月華空照竹西樓。

七夕奉寄李泉宗伯

殊方七夕卧江濱。頭白蕭蕭一病身。隔水尚逢歡會

者。山川偏戀草玄人。已多詞賦流名姓。且共漁樵適性真。風雨相尋谷口路。酒酣忘却未歸身。

過訪顧九華草堂寫懷

千里尋君舊草堂。蹉跎歲月轉悲涼。不因天上遨遊久。那識人間別恨長。一語漸添燈下淚。二毛初換鏡中霜。年來世事休相較。且對溪山醉羽觴。

胥江遇顧九霞載酒見訪。因同宗瓠川黃質山諸君泛雨夜至楓橋而別。

胥江落木正蕭蕭。畫舫清樽遠見招。三載雲霓隔梁

海集卷之十

卷之十

七

水。二更燈火泊楓橋。沙邊鴈侶寒偏集。雨外漁歌夜轉遙。歡賞方深又爲別。不堪回首客魂銷。

過王仲山使君

參塘歸卧歲將深。手種蘆芽漸作林。老去萬言留四海。醉來一畫比千金。因憎濁世藏名姓。偶入青山見道心。白首知音惟我在。請君拂石奏清琴。

過梁溪訪周橫山少隄寫感

宦遊千里歎離群。隔歲音書憶未聞。海內故交惟愧我。山陰孺子盡知君。才高早見淹朱紱。性懶終堪卧

白雲今日孤舟尋舊約可能開榻一論文

過段紫峰顧霞山舊居

寒林菲屋帶荒原幽遜人歸雀自喧
過客但能番玉筋舊遊誰復駐高軒
青山有主還藏骨流水無情只繞門
千里交游慚桂劍臨風聊爲賦招魂

聞顧九華還山因寄

長安爲客屢經春共說文章滿縉紳
傲世豈隨彈鋏士還山甘作灌園人
居藏寶錄標玄理門有安車問隱淪
江上別來無馬至思君幾度柳條新

海虞集

卷之十

七

宴白省吾司馬園亭

司馬名園舊所聞森森花樹畫迎曛
飛泉作沼時通棹亂石成山盡出雲
千里旅途猶浪跡十年鄉國又逢君
相留燈下論心事盡倒清樽坐夜分

信宿蔣移齋地曹園亭醉中留別一首

爲山築圃傍城阿知爾幽情在薜蘿
流水自能縈樹綠虛堂偏是積書多
三春好鳥啼晴竹六月香風出芰荷
千里看花幾宵醉歡來無奈別離何

武林送趙侯齊大參之山東

廿載始逢吳苑畔殘冬重會瀟江西
清時君自爲官去白首余還學豹栖
瓜步凍深朝度馬魯郊霜落夜聞鷄
燕石且莫忘兵事近說燕山尚鼓鼙

訓侯四谷惠禾嘉竹燈

蘭燈高吐百枝斜才子携來自禾嘉
羅月每能當夜掛珠林何必待春花
玉光恍惚連瓊宇星影分明隔絳紗
懸向亭中照書案却疑富貴屬山家

別魯山人

麻袍久矣去人群秘跡壺中歲屢分
山谷有緣常得

海虞集

卷之十

十四

藥江湖無地不知君蓮舟東去全依海
竹枝南來半是雲明日關門又分手却從何處挹清芬

壽沈秀菴八旬

詩聖卷全集得之狂喜

山中杖履日翩翩白首清平八十年
三世通家成骨肉一身無事即神仙
菴前春在芝長秀池上桃生海又田
今子新承五馬貴蜀川終古見翁賢

再送王推府繼津赴上

郡中良吏似君稀

明主求賢尚未知天上衡曹雖藻鑑
眼前世事只如

斯孤城今已留恩澤、一劍聊將贈別離、此去功名應萬里、何年山谷結幽期、

鑑湖舟中遇薛方山學宗漫贈薛與余同舊籍

逍遙林壑久藏身、混跡漁樵習性真、鑑水偶逢應訪棹、白頭重見故鄉人、網羅已得三千士、桃李初歸萬戶春、共說清風到滄海、百年頽俗又還淳、

山水園居感事

幾日閒居懶出門、身安祇覺道心存、月穿虛榻夢初破、春入早梅香漸繁、定水始能窺有象、青山惟有解

海集卷之十

十五

無言、幽林却喜人稀到、抱甕行歌且灌園、

寄王遵巖大叅

昔日逢君江口驛、悠悠歲月至於斯、霜林桂冕心初逐、時事關心鬢又知、藻譽已如風漸遠、閒身惟與鹿相宜、望窮閩越懸滄海、白社青山未可期、

再送王繼津推府北上

三年膏雨動隨車、月滿中庭照簿書、法案對天民有頌、官居傍海食無魚、燕河水漲還家便、越地棠開憶政餘、浙上年來多事甚、掖垣蔬草教疎疎、

王箕泉大理寄詩論濶次韻奉酬

滿道兵戈信息稀、湖山舊約悵多違、寧途自覺詞名重、客路時驚世事非、蓮社有緣休見阻、萍踪無仗欲相依、逢君莫負登遊興、荷葉方生燕子磯、

許石城奉常過園館漫答

三春不見故人顏、老去丰神逸若仙、林下冠裳長秘跡、山中著作更超玄、頭因憂世惟添雪、心為離塵願引年、時事只今難料理、不如同作竹林賢、

王母孺人榮封詩

海集卷之十

卷之十

十五

永嘉聞說孺人賢、獨抱冰心二十年、閨壺風霜身漸老、詩書世澤子能傳、一官祿養方三載、萬里封章下九天、明日南山開壽域、萱花綻滿北堂前、

端午夜宴陳謙山郡博官署話舊燕贈二子

高情午夜當留筵、把酒論心各黯然、計拙俱傷老大日、途窮兼值亂離年、官居且寄千山裏、時事休論廿載前、別久羨君雙鳳美、雲霄指日看聯翩、

午日同諸紫橋宴劉梧峰元戎草堂賦詩見謝

兼呈令兄松峰元戎

端陽宴客酒盈觥好事如君四海無百代替纓文武
共一門聲譽弟兄俱洗杯屢換花間席出饌時傳竹
下厨世亂即今求將畧肯容衣馬滯新都

端陽前一日雨中同王十歲過讌管同溪樓上

時花竹一庭雲山滿戶恍惚坐南宮畫中酒酣

主人索寫壯冊乘興賦此

風塵長揜道人顏今日登樓意始閒庭雨全籠管氏
竹溪雲粧出米家山他鄉值節樽頻倒亂世飄蓬髮
已斑自笑酒酣多豔思名花寫滿玉屏間

海樵先生集

卷七

七

孫九野溪亭竹澗入城見訪無期同過黃文蘭

翠館

羨君家世著新安樂善憐才世所難浪跡自慚隨地
看高情不厭冒炎看一樽市酒聊相款千里羈懷得
暫寬即向西岩逃暑熱再期同看谷中蘭

答鄭龍坡明府

千里間關一病身每勞陋巷駐車輪心多道義長加
愛跡共天涯倍見親花爲陽和皆笑日草因澤至更
生春明朝拂袖辭君去河朔炎作醉人

正月十日發太倉留別周仰峯法曹

殊方離別且休悲隔歲淹留更有誰病酒怕逢燈火
夜挂帆偏趁暮潮時故情惟見綈袍在宦况多應海
月知北去燕城猶作客瓊花開處陪相思

渡楊子漫贈李晴湖總戎

元戎家世出燕畿坐鎮江東四海知一自樓船清水
寇至今草木盡旌旗百川魚鳥晴隨陣萬里星辰夜
對碁野老無能籌世務聊因無事話瘡痍

哭張文東

海樵先生集

卷七

廿八

人中意氣獨君多中路其如永訣何管仲豈能忘鮑
叔相如無復諫廉頗空山日落啼鳥集華表天寒片
月過賴有文章在人世九原不用怨蹉跎

退菴道者

紅園清路隔紅塵綠草疎林入海濱半世已忘遊宦
志一菴甘作退居人因探靜理從方士爲覓知音過
遠隣千古淮南風尚在小山桂樹又逢春

趙司空督兵吳越詩

內曹上疏乞行軍手握兵符四海聞法震三臺驅虎

豹地開八陣動風雲經年勦寇空傳捷指日成功定
報君白首潛夫無寸補聊將絲筆記殊勲

楚遊歸泊睦州水驛送王瀛溪二守代覲北上
西遊愧我初歸越北覲憐君又入燕今夜城頭同旅
泊明朝馬上各風烟荒村戰壘吳中路遠道冰霜歲
暮天

聖主若訥江浙事為言民業已蕭然

贈王東白判府

蘭渚流杯事未陳風塵一別又經春才淹白首聊為

海樵先生全集

卷之十

廿九

郡吏隱王途且避身廉淡尚能分祿米亂離偏自戀
鄉人明朝客路堪回首江上相思月正新

海樵先生全集卷之十

以上七律三卷另選○○者一篇○○者十篇

海樵先生全集卷之十一

南海星野盧夢陽 校正

番禺瑤石黎民表 編次

五言絕句

醉中為莫水部寫小景

雲照亂峰黑江迷高樹空古今多少論都付水聲中

聞守泉過建業舊邸

多君念遠人涉水到京國對酒兩無言一咲一俱足

答陳謙山郡博惠扇一首

海樵先生全集

卷之十一

乙

開處月光消動時炎氣清知君克己意不使一塵生

漫書張生扇

昨別心猶戚今逢懷未開君身似潮水朝去暮還來

為項子煥寫文川圖

知子在川上長歌秋水吟還將川水性默契仲尼心

題曹原田郡博紫陽吏隱卷

道宏不礙宦心閒即成隱羨君軒冕流不滅烟霞性

又

朝采泮水芹暮耕紫陽山縱浪風塵表白雲同往還

又

有冠長桂林無酒且咀道勿生外慕心聊從吾所好

又

在山不着山遜心非遜跡心跡兩能忘進退自安逸

感興十二首

客心厭天涯纔夢郎還家睡覺天未白萬山秋月斜

又

居人愛幽林行旅喜通路所貴在適宜那復計脩阻

又

寒光集

卷之十一

二

雅抱隱人性聊爲沮溺耕車馬久不至漁樵知姓名

又

夕陽返溪口暗水鳴竹根坐久道心寂青山正在門

又

睡起倚庭柯幽意對禽語忽見苔上花方知夜來雨

又

雲籠山不開山推雲不去風過見青山白雲又何處

又

倒樽酌月華醉抱嫦娥寢睡醒覓嫦娥月華過西嶺

又

北風布同雲寒雪遍郊野忽聞敲戶聲必是尋梅者

又

顛風斷復驚落葉散還集山黑行人稀白雲生亂石

又

我有綠綺琴冷然太古音一彈人不識流水知余心

又

夜靜萬慮澄欲彈琴心友聊因半溪月酌此一壺酒

又

寒光集

卷之十一

三

山吟流夕靄林空見野燈月出偶閒步剛逢門外僧

寫画寄謝蘭阜符卿

採藥那因斧樵元不在山請君尋舊路覺處是玄關

題王仲山食憲畫

北風走江沙寒藤挂茅屋早起不知晴波光上窓綠

寫山水襟味

知尔曹娥住因多孝子心堂前恩未報腸斷夜烏吟

又

海上有佳人高樓結綺新相思一片淚彈滿越堤塵

又

知尔逃直色空門自作家聽經有靈鷲長至浴金沙

又

月落青山寒啼鳥伴獨愁思親日夜淚都作漢溪流

又

寒江一片石倒影斷霞紅風落孤雲外秋生雙樹中

又

平江留晚照高樹落秋聲獨坐虛堂際蕭蕭沙路鳴

又

樹綠影在水山高青到天停舟秋思好明月滿前川

又

樹裏青雲色山移白日光道人伊水上看舟移房

又

山靜秋聲遠天清樹影稀日斜江水綠人與鳥忘歸

又

日轉山容歛雲陰夕景移臨軒耽讀易秋至不曾知

又

雲出千山動風回萬樹喧花隨東去水不遠是桃源

又

郊樹凍猶綠水雲寒不飛道人幽興劇獨坐已忘歸

又

千山暮雲出一湖春水流地偏無俗轍落日野亭幽

又

夜來風雨急落葉打柴關曉起敞溪閣亂雲猶滿山

又

叢木陰遐甸流泉激崇岡日暮主人返白雲飛滿床

又

殘月迎煙舫長風鳴荻花得魚不入市換酒向村家

又

一湖春水流千山白雲暮悠然濯足歌漁人遠相和

又

日落春樹寒山空暮雲走折柳貫白魚誰家熟新酒

又

因看山上雲偶度郊西樹忽聞漱玉聲尋到泉流處

又

曉行路未分日出天漸晝緩轡度長林山光落馬首

又

山色度空林，灘聲激亂石。落月半沉江，漁人夜吹笛。

寫牡丹襟咏

君有看花興，牡丹栽滿林。白首穠香裏，而無富貴心。

又

千里人猶別，兩春花自開。幾番花下酌，不見一書來。

又

君家富貴種，不似牡丹花。白首書千卷，綿綿度歲華。

咏紅葉

海集卷十一

卷十一

本

夢繞年年夜，心含日日春。從來此紅葉，獨寄有緣人。

咏薔薇

百越客將返，雙溪人未回。薔薇不待主，先放一枝開。

咏桃花

盧子惜芳春，看花問四隣。今朝桃樹下，不異武陵人。

咏杏花

帶雨香如織，疑霞錦作堆。雲衢堪託種，何必日邊開。

又

越國千峰曉，燕河萬樹春。忽逢牆上杏，却憶日邊人。

又

風吹杏花樹，開滿竹林西。誰家雙紫燕，來借一枝栖。

咏玫瑰

東風吹急雨，入院發玫瑰。向晚酌花下，幽香落酒杯。

咏海棠

二月海棠春，芳華入戶新。如何花月上，長照別離人。

咏荷花

虛中探道妙，直處得真心。悟出清香外，從他綠滿林。

又

海集卷十一

卷十一

七

花結同心瓣，荷生並蒂枝。從來不污性，惟有水曹知。

又

蓮幹虛且直，使君心頗同。移栽曲池上，長得被清風。

又

曲池荷葉生，遙憶黃山隱。何日向花前，同爲翫爵飲。

咏芙蓉

色併朱樓艷，香乘綺陌塵。那知江上種，不是日邊春。

咏菊花

不作清香色，偏於歲晚開。東籬新酒熟，陶令未歸來。

又

獨抱歲寒節，每栽三徑花。年年列樽俎，處處說滕家。

咏竹

山亭別君久，老竹幾生孫。安得蒼林下，清風對酒樽。

又

當年別君日，霜樹正凋零。今日重逢處，頭竹又青。

咏梅花

顛風急夜流，片月收殘雨。笛罷人未逢，梅花落孤渚。

又

蓮花集

卷之十

八

吹笛向山阿，松清韻轉和。月明人迹靜，浦地落梅多。

寫花鳥襟咏

江風到西莊，吹破芙蓉蕊。日暮幽禽來，穿花浴秋水。

又

春雨望不至，狂風飛亂沙。知時惟布穀，啼上海棠花。

又

君家伊水上，小閣近垂楊。日暮春風起，飛花滿石床。

又

酒酣睡不穩，啼鳥滿庭柯。何處夕陽至，一簾花影多。

又

日暖花如霧，風清鳥似簫。恰逢堤上女，兩兩踏春陽。

又

鳥有同枝樂，人多異地思。將書托飛翰，報與子真知。

又

沙鳥能求友，哀鳴向水湄。自憐孤啄處，不是共栖時。

咏兔

日落郊草黑，風高林葉喧。山空無臘騎，驛足向中原。

又

蓮花集

卷之十

九

逐獵遠林外，求群平野間。天寒雪欲下，日黑好還山。

又

天黑雪初霽，風尚見正蟠。遙憐江上叟，倚劍望中原。

咏雪

江行多苦寒，得句不能續。日暮前村昏，雪深沒驢足。

五絕 二卷 考選

海樵先生全集卷之十一

海樵先生全集卷之七

南海星野廬夢陽 校正

番禺瑤石黎民表 編次

七言絕句

寄馬孟河彭少白

千里逢君漂水隅，寒林坐對一燈孤。
還家又值春花發，欲寄音書鴈已無。

送張伯純還關中

憐君獨棹渡黃河，西北山川入雍多。
料得到家春未

海樵集

卷之七

乙

至馬蹄半在雪中過

武林送蔣山人遊越

越山春樹映千花，百丈雲門挂紫霞。
今夜月明堪遠泛，畫船還是泊誰家。

寄金子坤

高樓明月暗秋燈，望入雲山思萬層。
自揚州託魚鴈，三年無信到金陵。

再宿段子良心樓話舊

尋君遙宿萬峰頭，寒月疎燈共一樓。
世事從前不須

問毘陵城下水悠悠

直州訪譚子羽

海上尋君路半迷，畫船如入武陵溪。
橋迴流出桃花水，應有人家在樹西。

送許老還蜀

秋月如霜映大堤，白頭相別本無期。
君歸西蜀蚕叢路，可似江南陌上時。

題畫贈姜明府

暮雲春樹路千重，雪後看山到處同。
夜永燈寒無客

海樵集

卷之七

二

過月明江色滿樓中

宿沈漂陽沙棠舟中

風迴城闕夜聞笳，水轉南橋萬柳斜。
忽見沙棠舟上月，却令遊子怨離家。

送陳見吾明府赴召北上

三年爲郡政猶存，又捧徵書謁

至尊，豈是仙姿戀軒冕，漢庭方朔在金門。

送程廣文之永新

幾年論道絳紗幘，一去西江信漸稀。
惟有杏花壇上

月令人千古憶清輝

送蔣湘厓明府遊仙

王喬令尹本神仙，混跡冠裳了俗緣。今日雙鳬向何處，明朝相望隔人間。

其二

南山學道歲華深，石鼓成丹眇萬金。一曲清琴半瓢水，人皆知尔不貪心。

送王龍章諫議北上二首

東去春潮到驛門，半江風雨近黃昏。自來知己難爲別，不是殷勤戀酒樽。

卷之三

三

別不是殷勤戀酒樽

日暮仙帆度海門，眼前烟火幾家村。襄陽釣叟頭將白，空有王維在掖垣。

柳少明選居

卜宅新堆滯案書，鱉池先養化龍魚。半庭綠草千竿竹，米伴人稱君子居。

送蘭應可

即君少小別揚州，十載隨官越水頭。此去吳興還作客，月明長照兩鄉愁。

訪周明府聞聽政不入作此戲之

幾樹寒桃葉滿池，綠庭無事日初移。潘郎近更勞民事，不似閒居作賦時。

咏梅

黃沙萬里寒雲開，臘盡交河戍未還。但見梅花飛落盡，不知羌笛滿關山。

送謝蘭章尚寶使楚兼簡王一山

星輶兩度歷湘潭，土俗王風日漸諳。豈說衡陽有鴻鴈，音書莫惜寄江南。

卷之三

四

寄山海關方十洲兵曹

杆國防胡節制尊，喜無烽火照黃昏。千金綠草盈邊塞，始覺春風渡玉門。

題謝汝湖家宰美人卷次金太史韻二首

內園名色本羞花，早夜含恩望翠華。旋整新絃寫新調，知音還自待官家。

隔花按曲月臨墻，欲覓知音懶閉妝。撥盡相思不成調，御溝流水亂人腸。

寫畫寄費民義

宮牆紅杏是君栽，去後新花幾度開。江右鴈鴻長不斷，傳情那惜一書來。

送李雲

去年長約卧花陰，待得春來病又侵。今日病強君又別，一春多負看花心。

送何山人入洛陽

憐君歲暮復離家，遠道冰霜信漸賒。到得東都春又至，何愁不過洛陽花。

過韓氏山莊

海集卷五

卷五

五

莊居閑寂樹為隣，綠野青蕪四望春。一自陽臺夢醒後，前山雲雨尚疑人。

登金山

瓜州霜落鴈初飛，鐵甕城寒樹漸稀。南國興亡在何處，金山殘月夜潮歸。

武林遇張有功因寄徐龍陽

臨安為客望山陰，湖畔看花憶上林。一見張華問徐幹，可能詞賦說陳琳。

贈陳粹陽二首

半生衣褐望燕京，空有文章愧

聖明。未得乘槎向天漢，且將時命問君平。

測畧占星二十春，餐霞那復厭家貧。白袍不踏金門路，甘作城西賣卜人。

題畫贈長谷

天台春雨發胡麻，一片丹山萬樹霞。但見落花浮水出，不知谷裏是人家。

訪張白厓不遇

經年不食洞中霞，門外山桃又放花。明月半簷松露滴，道人今夜宿誰家。

海集卷五

送張舍人還永嘉

幾年相憶在京畿，一遇吳門便拂衣。君似舟前夜潮水，纔臨江口又西歸。

宿曹園聞彭夢瀑太史卧病大佛沙門漫寄

空門得病好隨緣，買藥多應借佛錢。世事身名君莫較，開樓且對樹頭泉。

送王九嶽之曲靖二首

十年江國歎離群，一日逢君又送君。把酒城頭看行

色海天南云即浮雲、

爲郎萬里向南中、天遠山寒樹正紅、欲盡一樽論遠別、月明潮上又匆匆、

爲孔文谷學宗寫聽風圖

山畔道人秋思清、竹樓八月傍溪涼、西原日暮海風至、幾樹亂雲殘葉鳴、

送姜廣文之長沙

洞庭西去水漫漫、宦況惟餘首宿盤、自有春風滿庭戶、爲官休歎一瓊環、

海集卷之七

卷之七

七

登龍山望宋承山舊館寫懷

一去祁門歲月新、桃花縣裏自行春、越山舊館生新竹、何日重來問主人、

仇家山逢南橋老人邀飲

夕陽驅馬渡林塘、望入南橋一水長、正喜山家新酒熟、隔籬野老喚人嘗、

寄林少峰春卿

憶昔與君花下時、燒燈終夜倒金卮、幾年不見燕河鴈、每見花開怨別離、

送楊月山參將之湖南

三春樓櫓出江東、萬里風雲入掌中、明日旌旗臨楚塞、蠻王應拜舊元戎、

劉梅野遊燕道入雲間因致問徐長谷

劉生仗劍走燕臺、馬度雲間花正開、乞爲陳蕃問徐釋、幾時下榻豫章來、

送俞生

昔日曾爲吳苑遊、逢君同醉酒家樓、今朝又返山陰棹、明月長江是別愁、

海集卷之七

卷之七

七

送金少府丁憂還家

一片孤帆鑑水西、秋風芳草正萋萋、傷心千里桐江路、月落青山鳥夜啼、

送東武赴初泉講館兼致問沂川王子

山陰獨棹問初泉、紅杏花時坐講筵、三月知君試春服、遂攜童冠浴沂川、

別周葵泉通府

寒月初沉江水深、片帆欲動別離心、望京橋上重回首、惟見甘棠滿路陰、

別胡桐厓二守

問字方從滄海過，別筵又唱渭城歌。
酒杯欲盡放歸棹，桐影滿厓殘月多。

留別章三洲侍御

兄弟情親已十年，相逢重扣雪山禪。
歸舟夜出高橋路，夢覺鷄聲月滿川。

携樽過王越崢太鑾宅

十年鑿國住燕畿，千里長憐見面稀。
今夜須酣杏房月，幾人榮祿得南歸。

海樵先生集

卷之十

九

題畫送宋伯貞明府入燕二首

年少爲郎氣色賒，青袍白馬入京華。
知君才藝如潘岳，特贈河陽縣裏花。

其二

十載交游是故知，相逢長恨看花遲。
今來正值春光好，纔見花開又別離。

寄陳梧岡使君

三秋吳地識君顏，五馬仍從海上還。
仙郡爲官多暇日，案頭長看赤城山。

春日寄懷吳受齋史元登龔應峰三子

一住長安信漸稀，離心付與鴈同飛。
出門愁見垂楊樹，長盡新條尚未歸。

贈堵味素

一壺長挂市中闌，採藥時登海上山。
甲子不須教鶴筭，仙家歲月異人間。

寄孫石雲

綠樹青霞畫不分，水邊書閣淨迎暉。
知君正在山中住，雨過長生石上雲。

海樵先生集

卷之十二

十

寄送華補菴主政北上

聞君三月上長安，千里春花馬上看。
西望東風無可寄，相思聊折谷中蘭。

郊行謾興

山橋野店酒盈卮，挂杖無錢欲典衣。
日暮楊花太無緒，隨風却自渡江飛。

寄壽袁定山推府兼送膺取北上

遙憶元宵開壽樽，正迎卅詔下天門。
願君冷盡蟠桃實，歲歲年年奉主恩。

至尊

送汪秀卿春試

浪遊滄海識君稀，一宿山樓又別離。
北去關河幾千里，亂峰孤月是相思。

寫海山圖贈陳侍御

君於海上築書臺，瑤草金芝隔幔開。
披卷不知過夜半，萬山寒月送潮來。

贈朱子潔

南國惟君友道存，遠煩移棹過荒村。
林亭雨過好閑坐，江上亂峰青到門。

豫章劉初泉憲副同酌胡學宗官署寓感

逢君千里在章河，一問鄉園淚轉多。
不必重題海內事，江南隨地是風波。

贈王昆岡都閫

將軍聲價本連城，一鎮天南萬堠清。
閒向昆岡開洞閣，案頭時有陣雲生。

送江廣文

三年越海振斯文，十里清江路又分。
莫惜杏花壇上

別故園桃李正迎君、

過韓氏山莊

花落風斜江雨昏，野田茅屋數家村。
客來下馬忘歸路，盡日看山對酒樽。

斜溪訪徐省時

青山古樹帶蒼霞，訪友時沿浦上沙。
孺子書堂何處是，斷橋殘雪一溪斜。

貴溪泊遇周少岡

看盡千峰到大溪，城頭泊棹日初低。
逢君莫問兵戈事，越上田園非舊時。

聞陳尹吳半村築城拒倭寄此

東來海寇日縱橫，剡水風多戰馬鳴。
境內何須重設險，君才萬里是長城。

送倪象峰入龍游傳學

海寇西奔未解圍，君今獨棹復何之。
遙知高弟談經夜，時有烽烟照絳帷。

代送桐陽北上

亂離時事日難支，兩浙儒生盡出師。
君有長才當萬

里北遊專待請纓歸

時危兵甲遍郊墟村落無烟是戰餘今日送君耶水上不堪哨馬雜驪駒

送陳省軒郡博轉任襄藩

與君同志復同宗三載交游在越中今日驅車向藩邸自憐無地坐春風

亂離從宦任沉浮消路風塵變素裘君自安心學主爍懷鄉千里賦登樓

寫春軒圖

卷七上

卷七上

十三

高人築室學龍蟠綠樹清流繞石欄聞道春風到芳草開軒時展太玄看

送王子明還山陰

天涯分手各霑巾東去關河柳正新詩酒債多歸未得煩君傳與故鄉人

旅夜喜王問川來訪因寫詩圖贈之

君發婁塘趁晚潮訪予不憚海天遥牽衣燈下咲相語心事兩年如昨朝

再題楊雲色草堂

萬仞雲中是尔居開門延月夜披書移將蜀嶺楊雄宅聊當匡山太白廬

夜半同周使君陸南門過陳念慈宅漫賦

永夜天街蠟炬新殘冬五馬當行春與君弄笛青溪上不是當年看竹人

再贈陳午江念憲次前韻

江上秋多髮雪新廬邊樹老不知春淒涼一片寒宵月長照空山獨淚人

發姑蘇留別胡南芝

卷七上

卷七上

十四

我居東越尔吳西父子同庚世所稀回首不堪江上別斷腸愁見鷁鷁飛

吳江寄懷周仰峰使君二首

默客懷人夢正迷野橋殘月亂峰西惟來冬盡天無雪短掉何由到剡溪

歲暮羈人傍海雲長林下馬對斜暉三年不見東來鴈到處逢人問使君

送周鳳南太守扶喪還姚江

麻冠白盞出倉州父老臨江淚盡流更有鰲歌數萬鳥

鳥送君啼滿暮城頭、

王方湖民部留酌舟中漫贈

吳關東畔乍逢君、江上開樽對夕曛、醉罷燈殘又分手、自知身世即浮雲、

畫船列席酒生春、落日澄江水照人、莫惜傾談醉深夜、與君俱是客中身、

雨夜與秦子登樓賦感

東來烽火接江天、風雨登樓淚泫然、安得與君長對酒、醉中同過亂離年、

海集卷之十一

卷之十一

十五

京口送許劍泉之徐州二首

南徐風暖百花明、正好看春又遠征、北去淮河路千里、片帆十月到彭城、

城頭把酒唱驪歌、風靜潮平柰去何、莫道相逢易分手、人生自古別離多、

贈漁隱

君作漁翁釣海濤、我爲樵父在山林、相逢自覺心相契、共醉斜陽話古今、

蕪城遇童南衡侍御贈答一首

客裡逢君復送君、臨江折柳又斜曛、從教日醉長安酒、世事于今不可聞、

蕪城旅舍送祁蒙泉節推之保寧

星軺暫駐廣陵西、話盡鄉心到會稽、此去爲官向巴蜀、相思莫聽猿猿啼、

端陽邀姚江門小酌

兵戈滿路又端陽、村落無烟艾葉長、小酌莫辭今日醉、幾人爲客在他鄉、

題方朔偷桃圖壽陳少府

海集卷之十一

卷之十一

十六

西池桃實已三偷、大隱金門又幾秋、君壽惟期似池水、年年長統漢宮流、

題曹紫峰廬墓圖

空山秋露晚淒淒、獨結衡廬傍塚西、一枕思親夢初覺、半林殘月夜烏啼、

夏日沈樟亭招同沈五雲許石屋丘玄麓張芹洲蘇眉陽顧省亭宴王小亭園中乘醉和歌既夕而別

園亭集宴引杯長、五月風多白苧涼、旅食賴君長作客、夕而別

伴醉來不記在他鄉

座客如雲半故人對花恨惜醉餘春興狂不覺高歌
發月轉雕梁落暗塵

雨中寄吳珠川使君

池上花香酒欲醒雨添草色上中庭與君未踏西湖
路幾夜春山入夢青

送人還蜀

久遊江國草萋萋萬里家山落日迷幸有歸心似明
月今宵先度蜀川西

唐詩集

卷五

七

宿潤州半月再入金陵留別姚麓居道紀

山人道者本同清來往天壇若弟兄他日金陵憶君
處城頭愁見七星明

半月齋居道者家碧桃千樹吐春霞今朝送別江邊
市馬上停鞭看落花

大水寄懷童侍御南衡

同君五月別楊州一病南徐又隔秋千里還家猶未
面洪濤正滿大江頭

夏夜寄懷金內翰

千里辭君出武林三秋旅食傍蕪城追傷離別不能
寐夜半月高潮水鳴

遊無相寺

王輦曾經野寺中宸書猶在翠華空斷碑世遠無人
識落日鶯啼古殿風

壽徐少府母夫人八十

工姜清操出天真歷盡冰霜八十春有子為官能蒞
政千秋民社說夫人

奉寄徐東園世長三首

唐詩集

卷五

十八

西園舊樹昔曾遊一去山中十二秋千里雲鴻看不
至吳天北望思悠悠

風落孤亭萬竹秋曲溝終日看鴈流檻前更有如山
石寶水能飛十丈毬

南望藍田數畝居仙人種玉廿年餘龍頭尚有梨雲
蹟几上惟餘挂角書

席上贈陳六水

廣陵一別隔江天楊柳春風又八年莫惜紅顏醉椒
酒青樓明月幾迴圓

芙蓉六月又生花，池水風多蕩晚霞。記得當時醉歌舞，不知閣裏是誰家。

贈張月峰封君

七十康強見者稀，白頭况復着朝衣。閒居恰好長江近，夜夜潮聲到釣磯。

已酉七夕旅集蕭山張南園庭館因思去秋是

夜客真州赴西莊之宴感懷賦此

去年七夕滯真州，月滿西莊集讌遊。今日蕭山重乞

巧，南園歌舞看牽牛。

海集卷上

十九

越城東市送馬白峰太守入燕

日暮見君東市邊，坐揮白馬入幽燕。匆匆別思不能道，心與海流應到天。

石屋敬所二君約入王泉禪寺不見書此以歸

盡日空門坐翠微，短林幽鳥靜相依。故人車馬向何處，滿地野雲開自飛。

送袁山人還廣陵二首

月出潮生江倒流，別離無奈又逢秋。吳江楓葉紅千

樹，一夜隨風滿客舟。

吳關日照暮城頭，紅蕖風微放客舟。若到南徐問歸路，斷橋明月是揚州。

懷王君甫山

習懶丘園興病宜，知君看竹自無期。相思不覺過殘暑，新雨初來又滿池。

輓鶴江俞君二首

思君長望大江西，草樹荒涼舊路迷。月落山空人不見，斷腸惟有夜烏啼。

君昔閒居江上春，青藜白鶴日隨身。于今騎鶴歸何處，江水悠悠思殺人。

海集卷上

三十

晉門遇趙侯齋大叅漫贈

與君相遇客途遙，屈指星霜十五年。歡笑不殊雙鬢改，燈前把酒各悽然。

贈美人

小卿十五住吳西，楊柳樓中學舞齊。夜半筵前開一

笑，能令月下萬花低。

蘇門贈胡芝南二首

野客亦堂江上開，捲簾時見水鷗來。扶藜何必看花

集 86—58

去自有芝香入酒杯、
郭外山光蕩水虛、臺邊花草憶吳餘、五芝南向青雲裏、知是仙人種玉居、

留別俞子亨

同君寒夜宿江臯、江雪堆篷二尺高、千里飄零在窮路、相逢無可贈綈袍、
我尋舊籍向毘陵、爾爲從官憶紹興、千里重談十年事、一宵別淚盡成冰、

天涯霜雪遍歸途、一去寒江旅跡孤、念爾相知如骨肉、誰云四海弟兄無、

卷之三

卷之三

廿

客武林寄謝可山擇賓山

別來江柳幾廻新、旅食吳門又見春、莫怪頻過敲竹戶、與君元是故交人、

聞姜虛樓至武林因寄

囊琴千里竟知音、猶自看花滯武林、只隔錢塘一江水、問君幾日到山陰、

題畫送馮禹山令子

郵亭花落又殘春、疋馬長鳴萬里塵、入國君爲定省

子故園誰是舞班人、

送姜對陽之祁門

問君何事向殊方、日午江頭水似湯、我獨相思對芳草、夢魂一夜繞池塘、

寄史大梅明府二首

與君九月別揚州、江上芙蓉幾度秋、三載壯占雙淚竭、鏡中惟見雪盈頭、

去歲吳門逢對陽、說君同甲已爲郎、只今又是朝天日、應有賢聲到帝鄉、

卷之三

卷之三

廿

沈青門移居四首

築室偏居萬柳源、穿林時聽野禽言、離邊正近西湖水、恰好分流灌藥園、

大隱塵寰不問隣、一瓢深巷且安貧、知君名重難藏跡、門外時過問字人、

參玄長著養生書、混跡聊尋市上居、世亂只今求異士、知君不久卧茅廬、

青門瓜長綠初肥、小巷花深燕子飛、近說休文啓東閣、高談還待謝玄輝、

席上贈張封南明府

嗟君濩落任風塵，一榻蕭然客裡身。
名賤愧無排難力，閉門空作者書人。

泊蘭谿寄唐雪岡二首

谿上霜寒野菊香，家家壓酒喚人嘗。
聞君恰在谿南住，喬木千章映雪堂。

水碧沙明天倒開，旅遊多病髮先衰。
懷人夜宿城頭月，耐可溪聲上枕來。

月夜與汝言大緯夢酌滕王閣席上聞警

漢書

卷五

廿五

樓櫓高閣月當天，坐對江流仰昔賢。
半載離家腸已斷，那堪海上又烽烟。

舟渡漫述

山影籠江畫作陰，石牙如戟水澄深。
縱然此地風波險，不及行人朝暮心。

挽王梓沙少郡

傾蓋逢君意已親，風塵一別又經春。
誰知東閣論文伴，翻作青山挂劍人。

寥落南州世已非，干戈滿地故交稀。
山深樹老更誰

在獨鶴夜寒何處歸

坐東武明府官舫寓懷二首

章江城下水頻流，千里林宗入楚遊。
惆悵同心不同往，相思愁上李膺舟。

逃踪千里泣途頻，一棹秋風共此身。
昨夜無端作鄉夢，今朝恰遇舊遊人。

瑞洪舟次別王竹厓印山伯仲

江行桂席幸相隣，雲水仍從此路分。
十載懷君初識面，不堪今夕又離群。

漢書

卷五

廿五

柴家渡中遇石湖以別久容變彼此相顧而去
後詢家人始悟其為石湖也悵然寄此

少日別君今老大，忽逢江上各生疑。
却憐對面不相問，何及昨宵飛夢時。

送滕桐陽往吳興授業

吳興山水昔稱奇，君去登遊正及時。
明日携徒試春服，不殊點也浴乎沂。

送劉生入天台

清遊到處是仙家，何必餐丹駐歲華。
若見天台採藥

路莫因谷口問胡麻

送張伯舉掌教萬全

年來胡虜犯燕京八郡材官盡講兵君去萬全為博
士當令高第作長城

送王繼津推府入燕二首

少日曾聞繡國才一官聊寄越王臺朝天早獻安邊
策坐見胡奴入貢來

龍齋高傍海城西庭下人清草自齊萬里銀鞍向燕
闕千年明月在耶溪

送陳紫岡廣文

送陳紫岡廣文

十載交游鬢已華一朝分手又天涯
自知此別無窮思歲歲春風在杏花

尋友仲不遇

盡日尋君不見歸淡烟疎竹鎖荆扉
正殘秋月夜方靜燈火隔簾人影稀

龍原王子以父勳赴召今且讀書太學後典可
待因其行為詩圖送之

江右藩城百戰餘將軍封爵近何如
君登國學齋居

日莫向燈前獨父書

送劉子臣之安慶

遠遊一劔挂君衣便有龍光動少微
萬里獨憐江月在年年惟共客帆飛

送錢龍川入吳門授業

越水春來漸滿溪送君延論日初低
明朝回首錢塘路一棹東風道又西

寄題王龍溪表叔池亭二首

一春多病念君深每自看山坐竹林
為問道情何所似今宵明月到池心

丘園歲月未蹉跎手著詩書日漸多
真道閒居心太寂由來池水不生波

送武三從軍

仗劍投燕膽氣新登途何必問迷津
開山明月依然在今古惟多出塞人

夏日寄蔡伯安

長日高樓別所歡寂寥孤抱若為寬
莫言我以日為最誰似君心臭若蘭

送徐思聰北上

白草萋萋燕燕秋，吳山行盡是鄉愁。
莫經北海停帆宿，恐有人疑范蠡舟。

寄馮敬叔令尹二首

久遊京國歷寒暄，雙鬢驚時雪漸繁。
莫怪閨人衣未授，君猶無夢到鄉園。

一從衰經謁燕巖，歲久多應換色衣。
共說川流終到海，君今何事不思歸。

寄友

清江雜錄

卷之十一

七

聞君幽避傍江干，天畔群山入座看。
長日客來無俗語，盤中惟有數株蘭。

送朱東武春試二首

中年才譽四方知，獨上金門氣益奇。
斜日渡頭風始靜，扁舟正是濟川時。

驅車萬里度天津，雪盡都門又見春。
君到長安騎馬路，鶯花應識舊遊人。

別友

與君一日定交新，回首仍爲千里身。
願得長存近來

意慙慙憐取未歸人

綠竹林中醉別觴，青山郭外是他鄉。
還家檢取林中竹，只恐新枝又過牆。

贈錢菊潭

一壺聊向市中懸，施藥功多不索錢。
莫泛玄洲拾瑤草，君今無事即神仙。

送葉如齋入望江授業

望江賓館月長輝，城下江流繞帝畿。
夜永客心清不寐，潮聲偏到讀書帏。

清江雜錄

卷之十一

八

贈黃山人

淮海懸壺秋又春，衡陽無信鴈空聞。
長天一路斜陽色，極目楚山生白雲。

送張栢岳丁少微之海上授業

談經海畔集時髦，共說師賢弟子高。
三月浴沂天又晚，絳帷月落聽歸潮。

送劉子臣之望江

望江耶水各天涯，來往年多共是家。
千里風濤半帆月，相逢不覺髮都華。

送周浮峰入金陵

片帆西去大江遙，落日長風送暮潮。若到金陵歌舞地，好因芳草吊前朝。

題美人踏青

踏青行趁落花風，桃臉酡春粉半紅。相見陌頭回首去，無言一笑意千重。

追送蓉洲漫寄

霞袂香鬟自作群，錦帆一片逐行雲。吳疑江上尋難見，兩岬芙蓉盡是君。

海樵先生全集卷之十二

卷之十二

九

過諸元岡博士公署，割鷄留飲，以事辭歸，賦此。

見謝

山人禪性與雲閒，偶爾乘風暫出關。自是無心縈去住，却隨倦鳥又還山。

海樵先生全集卷十二

海樵先生全集卷之十三

南海星野廬夢陽校正

番禺瑶石黎民表編次

七言絕句

贈孫用晦道人

道人心契二天餘，寄跡空門日晏如。江海一身何所，在杖頭惟挂九籌書。

千里相傳數術真，十年雲水寄閒身。會稽道上俄逢汝，說我窮通似買臣。

海樵先生全集卷之十三

卷之十三

七

寄呂老山

海上王師鄭制新，書生盡是幕中賓。知君素有安時志，莫戀青山老却人。

發嚴瀨留別王瀛溪二守

片帆曉發睦城津，殘月孤雲共客身。他日如過釣臺路，知君還憶避時人。

戲寄吳珠江使君

海國秋風吹戰塵，逃踪江上且藏身。聞君舊在嚴州住，今日相逢是主人。

雨後寄陳一敬四首

春溪雪棹興難乘，獨夜山窓帶雨凭。
東望高樓知不遠，飛雲疎處見書燈。

短閣空床夜漸過，相思咫尺恨填河。
君如知我經年淚，還比連朝雨更多。

山亭相對讀書臺，暮雨行時夢未來。
坐盡孤愁方着枕，芭蕉吹響落空階。

吳中一別已三秋，萬里仍懷楚水遊。
日下若教歡會少，他時空有別離愁。

送姚覃亭使君入惠州

使君五馬鐵連錢，東入羅浮駕海烟。
聞說甘霖隨馬足，惠州明日是豐年。

答謝尚寶蘭臺來韻

杖藜日暮看山歸，樹色雲光尚滿衣。
却憶賞花人不見，夜深和月夢柴扉。

東寄袁荊州定山二首

使君爲郡在荊州，夢繞湘江萬里流。
聞道近來威已震，行人疑是漢亭侯。

當年同醉越山春，海國無虞化日新。
今歲亂離君在楚，閉門甘作獨醒人。

蕭山旅夜有懷楊嚴州使君

夜半錢塘潮水生，蕭然一棹泊孤城。
夢回不覺相思發，耐可嚴灘月正明。

送秦子登入金陵三首

日暮逢君在路岐，短檠臨水立斯須。
休言江上相思否，今夜月明君自知。

金陵西去路漫漫，酒盡長亭別更難。
十載交游千里道，請君細把柳條看。

別君偏易見時難，明月惟能識肺肝。
他日孤舟有鄉夢，隨風先到寶林山。

送張舍人北上

聞君却憶十年時，一日萍逢幸見知。
滿眼干戈身未定，道傍分手益凄其。

旅中遇許近山少參漫贈

海國兵戈聚若林，逃踪誰復厭山深。
荒城旅食無相識，岐路逢君抵萬金。

與君爲客共天涯，兵亂年荒更憶家。何日西湖聊蕩
槳，暫將愁思寄秋花。

曉起漫興東謝與魏大叅

畏途久已慎行藏，世慮全消興味長。酒債萬家詩滿
案，青山莫訝道人忙。

市上逢王亮卿

吳苑分裳又幾春，干戈無處不烽塵。相逢市上休相
棄，與爾同爲失路人。

題鄭靜竹卷

卷中

四

人間無處散煩襟，爾圃猶存舊竹林。奏輟瀟湘風乍
歇，半窗寒月夜生陰。

武林道中遇呂尚賓因贈

吳天鴈落日西殘，市上行歌遇呂安。下馬莫嫌留戀
甚，亂離爲客見君難。

旅食吳中歲月多，風塵歸路歎蹉跎。因君一問家鄉
事，江上田園今若何。

送趙方山使君還永康

流落天涯值亂離，風塵阻絕賴相携。明朝忽作江頭

別，路寒山送馬蹄。

送宋石門山人入餘杭，無問周明府二首

嗟君十載尚違時，囊裡焦桐未見知。歲暮干戈猶在
眼，更從何處問鍾期。

十月東遊興轉多，餘杭山水雪中過。煩君爲問周明
府，宦况吟情近若何。

旅病寄周液川明府

途窮恰與病相宜，客館蕭然更對誰。縱有交游滿江
國，所思多在亂離時。

卷中

卷中

五

寄沈劔南

春暮同看越上花，吳中六月又還家。不知秋後事真
興，曾度天台洞口霞。

戲寄吳昆麓

聞君向曉發歸舟，明月圓時過虎丘。若到昆陵舊栖
處，桂花開盡故園秋。

寄金子坤

秣陵西望路千盤，海月山雲幾度看。莫怪年來無鴈
至，亂離偏是寄書難。

陟岵詞

憶昔登山望嶺雲，每從雲處即思親。如今淚眼登山望，只見雲飛不見人。

寄沈青霞明府

萬里憐君只此身，黃沙白草屢經春。如何東閣論文客，却作邊州久住人。

送吳定山省親還江右

平明一騎發錢塘，潮落嚴灘路渺茫。親在會溪家在楚，不知何地是君鄉。

海虞集

卷之三

六

病起寄懷朱水樓

花飛草綠又殘春，病裏蕭然信不聞。知爾遠來耽靜樂，一溪流水半樓雲。

題俞漁隱卷

近海烽烟日夜明，野田農畝盡為兵。官司更有徵求事，且託漁竿隱姓名。

一從江上着漁蓑，山月川雲思轉多。穩坐釣舟休遠發，乾坤無處不風波。

武林記夢

錢塘東去水悠悠，山外千峰是越州。客有同心不同住，昨宵空作夢中遊。

江國風塵百戰餘，青山何地可安居。秋來每恨長離別，夢裡逢君當寄書。

別來不覺換秋衣，浦路于戈信漸稀。猶幸君家共鄉閭，一宵一度夢中歸。

寄張思楓

相道一刻若離群，滿案楓陰又夕曛。行盡長林猶未見，相思只隔半山雲。

海虞集

卷之三

七

戲寄王瀛溪二守

默客三秋出武林，停桡兩醉睦州城。日斜東發無人共，惟有青山解送行。

玉山市與章陳二生集飲

與君同里復同遊，短劒孤琴共一舟。千里纔登玉山路，停車且醉市中樓。

題項秀溪半華山房

溪上道人幽思長，堂開東郭引清隄。日斜開戶看山色，千里泉聲半在床。

鉛山與費石湖話舊

乾坤一別信音稀，世事悠悠值亂離。
廿載故人千里會，燈前愁見髮成絲。

兵戈兩浙半瘡痍，千里逃名只尔知。
莫問山陰舊遊客，人情不似廿年時。

茭道驛口逢侯二谷大叅二首

歲暮逢君驛路傍，停驂相對鬢俱蒼。
日斜無奈分途去，回首寒山各斷腸。

傾蓋相談意氣新，臨歧無計戀征輪。
揚鞭一望千峰遠，回首寒山各斷腸。

海峽集

卷之五

八

上路轉雲深不見人

題張甌江所藏唐寅寫投轄圖

英雄意氣本綢繆，車轄何須更強投。
今夜主人交已舊，百壺照眼自能留。

永嘉雪霽簡賀使君二首

海天飛雪北風頻，剪巧呈祥傍早春。
西望山陰不知處，夜深愁殺欲歸人。

散玉搏風萬羽輕，亂飄雉堞滿層城。
曉來一片冰蟾影，照入官庭分外清。

答趙竹川

殘冬飛雪暗江天，獨客鄉心日夜懸。
知尔高情能訪戴，酒缸時度竹中川。

除夕憶綸兒

殘冬漂泊大江濱，憶尔還家及早春。
今夜燈前分歲酒，把杯應念未歸人。

村中主人携酒過訪，問余姓字，不答，咲贈此詩。
自得王猷看竹心，主人何事更相尋。
當樽不解通名姓，一醉惟歌伐木吟。

海峽集

卷之五

九

竹賓鍊師携酒索余踪跡，乃遇余水莊飲罷復還城中作此嘲之。

道士携壺興頗清，演史酒罷拂衣行。
塵踪自愛村中住，却怪閒身更入城。

懷東谷

尋山變姓學藏身，谷口看雲憶子真。
今夜清虛堂上月，流光還照閉門人。

出山賀使君招飲不赴寄此

樽俎流連夜未停，鏡中漸覺鬢添星。
如今暫作全身計，不似當年半日情。

出山賀使君招飲不赴寄此

樽俎流連夜未停，鏡中漸覺鬢添星。
如今暫作全身計，不似當年半日情。

計不是逃塵愛獨醒

王少府喪偶寄詩郎哀

達人觀物見玄真，生死惟同晝夜身。
看得破時俱是夢，臨喪翻咲鼓盆人。

題五氣朝元圖

一陽在天長化春，五福於吾能壽身。
看得個中無極破，回頭即是大羅人。

為王九嶽太守寫浦東別墅圖題此

一住江村百慮輕，且隨鷗鳥結閒盟。
年來已得龐公意，獨戀青山不入城。

海樓集

卷之三

七

意獨戀青山不入城

題畫贈宿槐亭使君

荒村行盡不逢春，十里田園一片榛。
忽見桃花浮水出，山中應有避兵人。

城南舟中送王東華還山二首

知尔逃塵雲水間，偶逢禪宇復東還。
道心去住如雲水，纔到寒江又入山。

廿年書札託雲鴻，千里看山到海東。
一夜孤舟又分手，人生能得幾相逢。

贈王玄洲

尔憑雲水結衡廬，床上惟堆三島書。
遯跡莫嫌城市遠，玄洲元是海中居。

訪王西野侍御

每憐好事念幽人，時有新詩寄入城。
今日相過無覓地，野西耕叟識君名。

二月三日有懷陳見齋誕辰二首

君家壽誕我長諳，正是今年二月三。
我在東甌君在越，南山綠酒共誰酣。

海樓集

卷之三

王

憶君今日是生辰，往歲余常作主人。
此際誰能開壽宴，一庭葵葉正含春。

清溪留別汪靈雲二首

聞君少小擅書名，曾謁金門入鳳城。
今日藏身顏子巷，暫停驥足待風雲。

舟行江浦草萋萋，落日青山別望迷。
獨羨君心似潮水，西流一夜到清溪。

又別谷鍊師

東遊久住鹿城西，二月還家草正齊。
尔是真華參道

者不妨送鶴過清溪

再別鷹蘭谷

停帆江上各牽衣一片鄉心對落暉君返東嘉余返越可憐同客不同歸

舟遊括蒼劉白厓同乃兄象陽陳西華呂中泉携酒迎余舟中適李株山明府後至因談中泉籍系始末乃知發源余山陰獅子街中遷括蒼今以祖宦遂居京邸也乃詢其父則為省齋內翰又余三十三載舊游耳相看不覺涕下合坐

海樓集

卷之三

五

皆感歎不已傳觴燈下漫遺二詩

聞君先世出山陰獅子街西舊有名千里括蒼重託籍宦遊今日話燕京

尔父當年早見知括蒼猶恨識君遲燈前莫怪頻相戀兩輩通家世所稀

括蒼夜泊留別鄒汝脩二首

多時不見玉人顏楚水行雲漸各天今日歸舟仍聚首雙溪明月映重圓

憶昔長酣花下春一朝江上別離新他時重過看花

處只恐春光不待人

送金面山還汪溪

君住汪溪面好山偶隨流水到蕪關今朝又逐東流轉一路青山棹裏看

贈梅江劉生

尔住東吳海上家避兵新傍大江涯亦堂寂寞無蒼木只有寒梅一樹花

寄李春林藥師二首

心參藥理已稱王跡遍名山得秘方幾日不過南寺

海樓集

卷之三

十三

路樓前綠草並僧長

早聞騎鹿出蕪關採藥應穿萬里山飛盡白雲門不橋片華長待主人還

度關懷周鳳南水部

一去京華又隔春蕪關民業尚如新更憐江畔清秋月長照碑前墮淚人

寄杏臺郎

杏花臺上月華新見月長思花下人今夜莫孤花月意明朝風雨又殘春

醉贈劉燕如

南國朱橋跡已陳，夕陽江草暫栖身。
夜深掌上翻珠態，疑是昭陽殿裏人。

寄左橋軒

聞尔南橋敞藥房，休頭半是越人方。
別來不覺秋將老，霜落軒前猶正黃。

寫畫贈禮泉

為愛江邊百尺臺，支離聊作看山來。
殘潮半落夕陽沒，隔水柴門帶月開。

清江雜錄

卷五

四

謝西塘鄧一源畫松峰三文學各贈一詩酬之
遠遊冠幘半懸簪，且傍即官列絳紵。
今日過逢論世講，不知君是舊通家。

禪居原與市門遙，訪隱何煩過野橋。
才度似非人下者，飛黃不久遍雲霄。

清才何事尚淹留，却傍孤雲作遠遊。
江右昔聞人看君，今日論如流。

鄧一源索五桂詩寄父漫焉賦贈

高卧匡廬閱歲華，年栽五桂發天花。
共誇仙質來虛

府不數燕山寶千家

秋夜蒼曹少默彭如軒裕吾橋梓陳心易諸友
見寄二首

秋林颯颯水潺潺，月色潮聲滿竹關。
兩地望君惟一水，相思如隔萬重山。

殊方多病憶同群，下榻高樓待夕曛。
空為音書恨鴻鴈，祇緣踪跡似秋雲。

發新安留別陳謙山郡博四首

廿年遙隔路漫漫，千里逢君別更難。
縱使情高青眼在，人生能得幾迴看。

人間謾說故交人，客裏恩多始見真。
試看雪中松栢操，即君廿載歲寒心。

畏途旅食賴君多，歲暮懷鄉奈別何。
發棹不愁溪路迥，酒邊揮淚欲成河。

君才用世衆皆知，何事沉名在泮池。
他日重逢霄漢路，定應雲錦換初衣。

贈程簡齋

君通數術世稱奇，曾向軍中畫萬機。
今日藏名烟島

外一身惟有白雲隨

題畫贈李東麓

山光一片日初西，訪友遙穿九曲溪。
忽見杏花隨水出，知君家在石林西。

答汪龍山

隱居叅道樂玄真，興栗漫山未當貧。
屏跡不登城市路，白頭甘作灌園人。

汪六峰六旬潛自出城避慶踰月還館戲寄此詩

六十年來日日閒，醉時潑墨寫雲山。
聞君昨往仙源路，偷得蟠桃返世間。

答江蘆南見寄四首

隔岬垂楊拂水平，青山一片錦雲生。
仙人正去雲中住，鷄犬時聞天上鳴。

越上歸來值亂離，十年變姓隱江湄。
白頭咲傲蒼花畔，閉戶吟詩到暮知。

道書多向異人傳，靈草盈階自引年。
來往名山無定跡，雷溪市上一壺懸。

君家壓酒寒流霞，隔水邀余醉月華。
幾日病來猶帶跡，柴門閉老一庭花。

答吳二嶽四首

長髯三尺亂如虬，曾挾千金入趙遊。
萬里歸來頭盡白，一壺長日挂溪頭。

平生抗俗獨求真，曾向山中遇至人。
膏藥不居芳草市，亂離無處可藏身。

終年叅靜暫開關，到處逢人說大還。
安得從君出塵世，杖藜同入萬重山。

海雲集卷之三

布袍草食遠為名，醉後題詩寓道情。
市上贈余金玉句，一吟轉覺調尤清。

夏夜程衡原過松石樓居話舊

廿年三度過山陰，回首光華十四春。
身外田園休更問，與君俱是亂離人。

水市逢君醉酒卮，愁來雙鬢獨成絲。
乾坤莫恨分違久，亂世人人是別離。

飲汪惠泉秋園

吏隱園扉向野開，清池倒映讀書臺。
把杯正值芙蓉老，更憶園扉向野開。

發一片秋光入座來、

寄徐長谷明府

乾坤離亂憶君頻、草綠花開又幾春、即擬移家若水上、白頭同作偶耕人、

吊南原

南山風木日蕭然、淚染愁雲泣杜鵑、此念悠悠無盡極、長隨孤月挂青天、

送從周

十年湖海憶君時、一夕聯床又別離、今夜沙頭難獨

海樓集

卷之十三

十六

錄竹闌霜月照相思、

戲貽尹相

尹相清歌半繞梁、鬱袍宛轉換霓裳、庭前一樹梅花落、散入春風滿畫堂、

貽岳沂

銀箏古調出西秦、滿指春風落暗塵、彈入明珠淚、滄海多應愁殺望鄉人、

書汪少府冊二首

精誠貫日蜀天開、聖世生祥孝子來、一代姓名歸實

錄、千年風化見真才、

群宗有祀百神歡、一孝躬行九族安、禘祫已明昭穆正、永留儀範後人看、

過一峰茶亭貽天涯上人

久遊法界得禪因、萬里天涯不住身、歸到青山頭盡白、孤雲惟識定中人、

舊剎曾聞振郡南、茶亭相望作支菴、主禪已廢茶亭盛、身後輪迴又幾番、

寄別萬開鄭七三首

海樓集

卷之十三

十九

當年見尔夢中來、雲雨朝朝在楚臺、今日相思又何處、斷腸惟有暮猿哀、

久住江關當故鄉、青樓一舞醉千觴、當年手種章臺柳、今日多應向路傍、

別久長因歲屢驚、身單愁見月孤明、都將三載雲和雨、散作斜陽一片晴、

荅楊石品參戎見寄

細柳千行映戟門、身閑尤念

主君恩、長呼斗酒俄看劍、淚雜當年戰血痕、

重逢喻晴江中丞話舊

別久頻驚世事新，道高轉覺面生春。
今宵燈下重斟酒，不異并州故里人。
當時潦倒醉君家，一去新安隔歲華。
不識莊居行樂處，春風又長幾庭花。
眼前聚散本難期，他日重逢又未知。
不獨年光傷老大，乾坤况值亂離時。
旅跡萍踪每如雲，幾度聯袂又分群。
待得重逢仍隔面，所思猶似未逢君。

滄海集

卷之十三

廿

楊石岡侍御園亭與十洲雲岡鶴汀諸公再集
潭浦山堂花夜然，珠談四座盡文賢。
琵琶翻出陽關調，恍惚今宵是別筵。

石竹山梔拂慢新，百壺長款四時春。
亭中即是談玄者，座上俱爲問字人。

蕪湖答張貞峰蕪湖邑中諸故舊

水店荒涼一病身，漫天風雨暗前津。
爲言邑內交游者，不是逃踪更避人。

留別羅溪雲岳

自覺萍踪似水雲，倏然聚首又離群。
明朝相趁秋風去，落葉千山更憶君。

送吳桂亭

儒風古樂遍留都，君去長安食好竿。
到處侯門能下馬，餘歌休嘆出無車。

送汪佳山

秦淮花柳廿年離，今日都傷老大時。
歡賞未終君又別，雲山依舊是相思。

賈溪亭少府席上作

滄海集

卷之十三

十一

相逢千里在天涯，一話鄉園淚若麻。
莫怪燈前頻戀酒，與君元是舊通家。

黃彭澤幕府席上作

新安郡裏昔曾逢，今日相過酒不空。
莫道論鄉俱下淚，越州兵火萬家同。

送謝汝湖天曹避寇入吳

烽火連山照海雲，江南農業半從軍。
此行但恐難藏姓，無處深山不識君。

暑病奉寄邵圭山使君二首

天上火龍搏赤霞山人病渴日長嘆羨君自有冰壺
水不必青門園內瓜

世亂家園信息無欲將時事問堯夫披衣幾度出門
去耐可火雲當道途

送顯上人還天竺

一身天竺是皈依千里還山戀翠微去住本來無相
着青霄惟見錫南飛

題思竹

尔昔嚴君愛靜脩手栽綠竹抱軒幽如今竹在嚴君
死每見空林淚輒流

卷之三

卷之三

五

死每見空林淚輒流

贈何中洲

聞君隱跡住中洲碧荷黃蘆映釣釣到靨青山看似
畫白頭正好放扁舟

贈鮑雪洲

屏跡茆堂傍淺沙繞門山色半烟霞無端一夜飛寒
雪開遍洲前萬樹花

贈五松鍊師

東陽院裏五株松歲久柯長欲化龍夜半月斜看鳥

罷數枝清影落前峰

留別汪東漁

曾記西湖載酒時綠楊堤上醉花枝十年欠久長分
跡纔得逢君又別離

寄贈林水雲

白沙河畔歎離群南國看花又見君不是芳心逐流
水自憐旅跡似浮雲

再簡邊少微水曹

一病支離客裏身且隨風雨渡江津自知不是鷄鳴

卷之三

卷之三

五

客聊作藏名出隘人

聞金平淵卧病雨中漫寄二絕

憶君伏枕掩衡房林上翻書檢舊方落盡梨花無客
過一園春雨藥苗長

雨深門巷過君稀新水多應上釣磯病裏久無垂竹

興池魚俱欲化龍飛

與陳太華姚秋澗飲許石城太常宅二首

閒居仙吏愛芳春花底開樽集吟頻莫惟重談廿年
事座中俱是舊游人

雨晴山色滿城頭，展席時臨淮水流。倒盡百壺人欲去，出門仍被月華留。

飲姚秋澗隱君夜歸值雪有作

淮水無聲寒漏稀，亂風吹雪洒春衣。誰知今夜山陰客，不似當年興盡歸。

獨行長路儼如僧，水滴簷牙半是冰。歸到空園人已靜，雪花穿戶打殘燈。

馬司徒惠酒

一片寒雲萬嶺微，柴門寂寂故交稀。今朝雪重傳春

酒集

十四

醉，遠勝籬前見白衣。

一樽同聚草堂春，斷雨殘燈共客身。莫怪夜深頻惡

酒，與君元是故交人。

經年漂泊向江東，亂後相逢似夢中。今夜且須窮一

醉，明朝岐路又匆匆。

送陳雲窩之蕪湖

經年為客滯金陵，今日那堪又送君。此去孤舟風雨夜，片帆何處宿江雲。

金陵逢周幼海話別二首

遠遊京國數蹉跎，回首逢君恨轉多。岐路匆匆欲盡攀，留不住復如何。

長安冰雪路重重，千里還家馬又東。客裏衣裳休放盞，與君況值亂離中。

訪金橫溪藥師

風急沙黃溪日斜，過橋來問隱人家。廿年不到茆堂坐，紅杏又添千樹花。

都門雪夜寄謝次虛

山陰有客棹難乘，雪滿禪關見佛燈。今夜玄暉樓上

酒集

十五

書，應增疊嶂玉千層。

翁愧匡廬會海陽，即走黔邑賦此

却笑君踪似水雲，天涯一見又離群。挂帆明日黔江外，雲白山深更憶君。

送友宿州訪舊

白袍長劍訪交親，遠水孤帆萬里身。異國風光君莫戀，宦途誰問故鄉人。

贈友

看君執扇月光新，舒卷從來只在人。安得皇風隨手

至一揮東海靜夷塵

別內

洞房纔見結朱陳
機上那堪錦字新
香閣紗窗多休對
鏡春山留待畫眉人

海樵先生全集卷之十三

十六

十六

海樵先生全集卷之十三

海樵先生全集卷之十四

南海星野廬夢陽 校正

番禺瑤石黎民表 編次

七言絕句

題畫寄孔文谷學宗

歲晚柴門松竹幽
期人終日坐山樓
北風夜半飛寒雪
一望前溪凍不流

題畫寄李青霞明府

郎官心跡本清幽
退食閒臨溪水流
耽卷不知秋夜

海樵先生全集卷之十四

十六

七

平月明正挂萬山頭

題畫寄徐魚山評事

魚山有客住長安
綠筆長隨太史班
聞說上林花似錦
祇應騎馬自相看

題畫贈戚龍淵

牡丹開時長見君
日酣樽俎卧香雲
向來湖上逃炎暑
病裏音書漸不聞

題畫贈楊紫溪

溪上初成楊子亭
案頭惟有太玄經
秋來偶爾看雲

出萬壑泉聲隔樹聽

寫映雪圖寄錢子

千秋風色捲飛頻，河上書齋絕四隣。
繼相資君莫怠，孫康映雪是何人。

題薛戶曹所藏赤壁圖

黃州赤壁照江湄，猶記周郎破魏時。
千古興亡在何處，秋風烏鵲使人悲。

為薛戶曹寫雪圖

雪滿千山獨鳥歸，幽人猶自扣林扉。
長風一夜吹空

卷之十四

卷之十四

二

望有道寒泉凍不飛

寫玫瑰贈張文娥

縞帶冰環結束新，含悲終日自傷春。
化間相見休相訴，不是長安薄倖人。

為金陵謝與槐司直寫六子杜圖

憶昔曾為六子杜，同詞賦動京華。
杏花村外城頭路，日日騎驢向酒家。

為李涼野觀察寫雪圖

江雪半晴飛鳥稀，長林寒霧濕貂衣。
騎驢恰好尋詩

去山寺月高僧正歸

題長春圖

萬卉都從一氣生，偶因節候寄枯榮。
如今已會長春意，懶向芳園問品名。

寫仙樵圖贈江明府

伐盡玄方惡木枝，却從煅煉反成離。
于今且秘純剛斧，只待丹山產藥時。

寫雲麓圖贈潘明府

曾聞雲麓結書樓，喬木千章洞壑幽。
今日離宮更何

卷之十四

卷之十四

三

虞天門日下鳳池頭

寫舉案圖賀陶四橋使君

荆布時遷風漸移，有誰舉案更齊眉。
使君莫道無良偶，千載孟光今在茲。

題篁南小築圖

篁墩南去有人家，石室幽深閉水霞。
終歲不聞離亂事，杖藜吟盡萬山花。

題竹沙圖

主人元是竹林賢，居傍鷗沙擇地偏。
盡日倒瓶邀野

客酣來不記亂離年、

贈程雪漁

雪洒空江入夜聞、萬山玉樹半同雲、即今鳥絕無人跡、獨釣寒流只有君、

題羅山圖

大羅仙人石作居、參玄草就滿床書、山光不動樹長綠、溪上時過道者車、

題竹友圖

世道風波變古今、人間何處覓知心、爭如交結堂前竹、長得清風綠素襟、

卷之十四

四

題四子圖

雙洲夾樹帶山家、谷口群山壓逕斜、暮犬忽鳴林雪墮、籬前有客問梅花、

松下當年值早春、雪飛四野凍雲新、今朝開閣瞻平野、只見青松不見人、

雪野主人人所聞、一旦仙遊與世分、草長閒庭花自落、斷腸惟見萬山雲、

地靜居閒過者稀、天寒江色上漁磯、三峰只在高樓裏、也得花前長傍人、

外林雪隨風入戶飛

旅園雪夜陳東渠姚秋澗徐樾亭見過四歌生
隨至遂轉樽聚酌歡樂移更東渠索寫雪圖漫
成二韻書之上方

高樓積雪映空林、共酌燈前夜漸深、醉裏莫嫌歌白雪、與君元是歲寒心、

題馬石渚司農三公五爵圖

桓盧白首作三公、鄧禹登臺拜五封、但看珍禽喬木上、禎祥又報大司農、

卷之十四

五

余旅寓燕城得一鵝甚肥擬入真州欲遣雇樓
作午餉耳及入即病卧沙門明日移居文山祠
曉起作書饋鵝家僮則云鵝已亡去不知所矣
適虛樓陽湖至語其事俱發笑余偶就案圖一
鵝補之嗟嗟物各有主雖區區一羽類亦莫為
虛樓取耶圖成復繫二韻于上為後會作笑談
章本云

世間萬事有得失、一鵝亡去何足嗔、不如貌入丹青裏、也得花前長傍人、

佇停問立渡頭沙疑是山陰內史家獨宿不知天欲
曙芙蓉一夜盡開花

瓊林醉歸圖送諸南明春試

曲江仙宴接春闈紅杏飄香拂錦衣日暮長安歌鼓
競行人都說狀元歸

題加冠進祿圖

乙卯之年是貢期挾書萬里對彤墀老成德學清平
世正是加官進祿時

余婿朱少欽久客彭澤聊寫一畫并書二韻

卷之五

六

玫瑰花下夜焚香燕字樓頭拜月光忽見春山滿簾
幙臨妝惟恨畫眉郎

寫方朔圖

方朔求真已入玄隱身偏向九重天蟠桃今日三偷
矣滄海多應又作田

題羅漢入定圖

空裏圓光身裏身一拳打破箇中春若教到處心無
住即是金沙見性人

舉案圖賀婚

河上睢鳩比翼齊梁鴻今已得賢妻是知舉案齊眉
樂猶勝洞房花燭昔

思婦吟書王龍原美人圖上

月冷蛩鳴秋夜長石欄花露濕衣裳良人近有防夷
役昨日書來在海昌

題張仙

手控桑弧意若何心田福地要經過莫愁鳳鳥終難
得錦繡囊中彈子多

題寒山仙子

卷之五

七

大化作業身作家一咲未了穆歲華青天在上月在
水山中之樂當無涯

題達摩像

西來三乘不離禪更有心禪不在言要識祖師無住
相空潭水定月升天

題月尼像

十載青樓着舞衣一朝打破箇中機如今獨對松間
月一恁行雲隔夢飛

題僧

石橋流水四無隣，綠樹重生古寺春。不是山僧戀空寂，名途無處可全身。

雲深盤谷路千層，葉盡高林見野燈。天柱峰頭吐秋月，清光唯伴夜歸僧。

贈趙東谷題枯木竹石

幽花嘉樹本相同，底事年年逞舊紅。今日春歸花又盡，惟餘老幹耐秋風。

寫山水圖寄贈襟咏

屋後高峰青入天，開窓長與翠微連。知君宦業流寰

清苑集

卷七十四

八

宇，不用臨亭草太玄。

村落無人堪獨行，野橋霜白月微明。消汀鳬鷺江欲曙，隔水寒鷄時一聲。

野興平生在竹林，清風動處日開琴。只今秋雨柴門夜一片，湘江龍獨吟。

歲晚村居遠市塵，南山當戶即成隣。悠然偶得亭中趣，却笑山陰雪裏人。

長林高樹亂參天，日日孤亭坐晏然。悟到水停山動處，性中方見本來玄。

幽栖來往鹿爲群，一犢長耕隴上雲。西海久弛霖雨望，於今世難正思君。

江畔虛齋近釣磯，開窓時見水雲飛。人情已覺分朝暮，世事何須說是非。

道人心與世相關，長日憂時未破顏。安得相隨樵者去，藏名遂入萬重山。

歲歲春風不可期，祇餘花柳自無私。世人莫笑耽山色，何處人情似舊時。

年來世事日堪憐，白首藏名何釣船。志不在魚隨地

清苑集

卷之四

九

樂，半江落月且安眠。

四野茫茫綠樹春，日斜一雨萬山新。移船晚泊湖西畔，閒論聊同濯足人。

愛君居傍南湖近，暇日長多竹林興。澗道行行日又斜，馬前忽落千峰影。

青山萬疊樹千章，綠水平沙照夕陽。獨上南橋問春色，見君芳草滿池塘。

十載樵居海上山，始於今日得新還。逢君且向林中坐，莫說人間行路難。

賀家湖畔是君家山下泉寒柳未花但見鏡中生白髮自臨流水上年華

逢君江上眼能青燈火相淹共醉醺但恐今宵楚臺夢還隨風雨過前亭

郊居漸喜俗交稀每日青山坐不歸心靜偶知流水意便從動裏覓玄機

濕雲滿山樹長綠斜日半江天倒開隔水野翁期未至遠風吹月到高臺

塵途多事且藏脩避俗先栖海上樓夜半展書無客

卷之十四

卷之十四

十

過潮聲月色滿床頭

獨客孤踪尚未還短藜再入海東關瓊花總是維揚

見山色還如鄭圃看

黃山白岳錦千重海日光懸玉樹紅向晚隔山聞石

磬玄宮只在采雲中

樵居遙與千洲通紅樹青山照幾重一片白雲滄海

上杖藜何處問梁鴻

仙人謫住卧龍巖王府銀臺共日連弱水蓬萊三萬

里相思相望隔風烟

斷渚長林白日烟晴山半挂浴沂川知君久抱經天術按劍悲歌只自憐

移家萬里向吳西寄跡高山學豹栖來往死疑天上路雲霞長入袖中飛

石樓遙結萬重山一片雲飛滄海間南北相思無信息長安白馬幾時還

道人兩月不出戶幾樹柳條青過橋見說湖頭山色好行吟何惜杖藜遙

笑傲山林興絕群眼前世事底須聞有誰似我無拘

卷之十四

卷之十四

十

東長向高峰弄白雲

曹娥東望海東關姚水檀山雲霧間百里音書無日

對三春鴻鴈幾時還

楊雄元住蜀亭間萬壑雲中草太玄近得往周看泉

意無言終日坐青山

承天一柱削初成掌上芙蓉映日清向晚疎林雲霧

起隔簾時見翠微生

飯牛歸去趁東風柳色山光綠映紅世事興亡在何

處夕陽江畔笛聲中

一住蟾宮歲月流廣庭幾見桂重秋卿當直瀉天河
水却向人間洗別愁

白雪蒼烟萬里迷寒山半出海天西茅堂今夜且休
閑恐有扁舟到剡溪

江路尋春日半斜寒驢穿盡萬山霞寒梅只在橋迴
處不遇東風未放花

三友

松筠獨耐秋風肅梅萼偏憐春雨淫從此相期延歲
暮却因冰壺結同心

卷之五

十三

雪湖寫梅歲頗久海內相傳名不朽我圖短竹與長
松歲寒共結同心友

題牡丹寄王久菴尚書

名花富貴至今傳萬卉叢中色更妍不是此花能富
貴芳名元在萬花先

馬石渚司農索寫牡丹花漫題

南國名園似洛陽東風不動錦雲涼春光正在尚書
府兩種芳花共一香

題牡丹寄謝與槐少參

逢君千里在吳山一寄音書隔歲寒却喜爲官洛陽
道名園春色幾迴看

寫墨牡丹寄諸南明狀元

聞君撰策鳳樓前一奪宮袍四海傳却似牡丹春色
裏芳名獨占萬花先

寫牡丹粉毬寄陶念齋榜眼

素質成毬本絕奇月明翰苑對偏宜自知厭盡名園
色只讓花王第一枝

寫牡丹贈曹明府

卷之五

卷之五

十三

風落齋居萬竹斜半簾池影淡籠霞春風已出河陽
縣又放姚園富貴花

贈王繼津推府

三月名花壓衆芳東都富貴獨稱黃知君久布陽春
澤別有甘棠滿道傍

題袁定山推府牡丹圖

上林日暖錦雲披騎馬看春興頗奇一種名花開鳳
沼芳菲遠勝魏家時

龔春坡遷居聊寫牡丹圖賀之

移居幸與野人隣，隔檻千花錦照人。一朵牡丹開正好，知君富貴勝前春。

題竹賀朱鄭蕪判府乃孫入泮

凌霄翠葉障天門，歷盡冰霜到竹根。賴得春雷從地起，庭前又見出龍孫。

寫牡丹寄楊州何大尹豐里

河陽桃樹幾經秋，又見甘棠說召侯。不是春光長富貴，牡丹元只在揚州。

寫牡丹寄王汝舟太醫

蘇東坡集 卷之十四

十四

憶尔當年西入秦，江花堤柳送愁新。十年騎馬長安道，把酒肯看富貴春。

題牡丹粉毬二卉贈汪禹東

禹東才藝世曾誇，本是休陽富貴家。不與牡丹爭氣艷，素心惟契粉毬花。

寫並蒂牡丹賀婚

和樂能開並蒂花，洞房瑞靄護窗紗。從今雨澤俱調燮，富貴明朝說爾家。

寄懷鈕石溪金憲牡丹花

當年春色滿書臺，見爾看花載酒來。今日別離春自至，牡丹一樹幾番開。

愛尔清標迥絕塵，牡丹帳底坐生春。年來更有冰心在，不枉人間富貴人。

題花寄謝潮溪金憲

春色隨潮夜到溪，名花開滿法臺西。不因玉質凝霜淨，那得丹心向日低。

寫海棠贈段子良

青山十月起寒雲，落葉千林到處聞。今日且歸耶水

蘇東坡集 卷之十四

十五

上海棠花發又逢君。

題荷寄施虎泉

三秋湖舫話離群，百里還家傍海雲。今日耶溪秋又至，抽殘荷葉未逢君。

寫荷寄王龍溪表叔

暮春官舫惜分携，兩月羈遊浙水西。此日荷花開正好，所思多在若耶溪。

寫菊寄徐龍溪使君廬墓

聞君廬墓傍松楸，月冷烏啼幾淚流。江上故人勞問

詠相思多負菊花秋、

題白司馬紅梅圖

臘雪初殘蜂蝶稀、早梅清映竹間扉、隨春開入長安路、偶爲留塵染素衣、

題韓而亭推府雪意

萬山殘雪一川雲、臘盡寒梅欲漏春、道上謾憐騎馬客、亭中還有草玄人、

漫寄林陸華

水中雲跡本輕盈、月裏梨花分外清、映日朝霞元有

海集

卷之四

七

色迴風舞雪自無聲、

寫牡丹贈李曉蘭

昔年同醉牡丹前、去春風又八年、今日重來讀鳳侶、名花依舊對君筵、

寫牡丹與李京京

三月吳宮萬卉新、香風吹出綺羅塵、獨將魏苑花中艷、恰比京娘笑裡春、

寫牡丹題贈襟咏

君有名花人共知、一春長送酒千卮、武林今日俄經

眼不異毘陵索醉詩、

千里分根別洛陽、一枝移種掖垣傍、自知天苑非凡

地、花朵猶含御篆香、

玄江閣前春日紅、春風吹入牡丹叢、方心自與凡花

別、一朶開來便不同、

春色年年到上林、香雲縹渺玉堂深、太陽正照尚書

府、一朶名花值萬金、

南溟庭上牡丹花、日出屏前吐絳霞、富貴從來人所

愛、君今何獨厭豪華、

海集

卷之四

七

春入園林萬卉芳、姚家名品只稱黃、從來富貴君舊

物、獨把冰心待豔陽、

千古楊州白牡丹、一枝斜倚竹邊看、清標艷質元難

並、願保冰心共歲寒、

君本人間富貴人、且因林莽斲藏身、東風不日還姚

院、斗酒仍酣萬斛春、

三月春風滿洛陽、佳人踏醉綺羅香、姚家亭院春如

海、惟有名花是淡粧、

歲歲思君髮漸華、昨聞京國始還家、何時過我山亭

坐把酒同看富貴花

愛爾深紅明麗萬花叢裏獨稱王
乘風一夜開千

貴今年似洛陽

白石林中春正濃清香不數洛陽紅
一枝折向山亭去較比凡花自不同

牡丹花發絳霞新吐艷長迎富貴人
惟道年年分種盡知君別有杏林春

魏苑逶迤春正芳萬花叢裡只稱王
明朝騎馬携樽俎千里看花入洛陽

卷之六

六

深院名花最絳霞洛陽春色到君家
城西車馬紛如蟻來看名園富貴花

澗西茆屋水粼粼日暖芳園草色新
昨夜東風過深院一枝又放洛陽春

三月名花開正新
搗紅弄紫此憐人
狂風入院太無緒吹破錦雲千片春

憶昔同酣故里春
牡丹索笑鬪鮮新
如今漂泊天涯路不見名花見故人

故園自有牡丹花
三歲開來不在家
今日對君聊寫

色幾翻彈淚過窓紗

姚家院裏昔曾栽千古芳華尚未衰
何晚一枝何處好無言偏是竹邊開

一朵名花傍石林
綵雲團豔葉生陰
誰知富貴繁華質更有傾丹向日心

牡丹一樹在秦中
歲歲春風發故紅
欲把芳花那可得名園自古說花王
千里分根向洛陽
若使回頭呈一笑從教萬卉盡無香

卷之六

九

南郭名花說尔家
動人偏是一枝斜
東君不愛穠香態特散輕煙
暈絳霞

幾年園館少名花
昨見春光返舊家
何事東風無意緒日斜吹亂一庭花

粉毬開處隔春寒
又見和風綻牡丹
不是水心求富貴要傳香豔與人看

題粉毬

高林寂歷石嶺岵
萬疊群山雪後看
半世為官頭未白
水心偏耐玉堂寒

年年春色到山家桃李參差照晚霞
憶曩廊人似王開樽正對粉毬花

東院粉毬西院香月明樽影夜茫茫
繁枝未可交瓊榭清豔還宜照主堂

三月粉毬能幾家與君延賞日將斜
爛醉獨憐心似王開襟不爲貌如花

瑤華爲標王爲肌明月來時望正迷
恰似當年楊伯起獸留清白在關西

首夏園亭風日涼粉毬花發滿簾香
閒居陋巷無簾俗一段水心傲雪霜

年來習靜厭紛譁自抱水心對月斜
塵世口今無可語不如吟對粉毬花

粉毬花發又春殘月淡香微露作團
半世爲官清白在水心休厭王堂寒

粉毬花開春欲歸東風吹影落簷微
無端花下懷人切夜半停觴待阿誰

與君留月醉流霞又上長風萬里槎
念祗因心似王所思不爲貌如花

西園日暮綠雲深幾樹名花值萬金
愛爾偏能忘富貴歎含清質向芳林

咏杏花

苑牆新杏映春霞發盡幽香滿狹斜
莫恠芳心厭塵土知君元是日邊花

宮牆紅杏是君栽去後新花幾度開
江右鴈鴻長不斷傳情那惜一書來

吳女春容似杏花青樓睡起淡含霞
偶因日下凝眸不是迎人傍酒家

咏桃花

喬木森森附女蘿雙星已會洛川波
春風庭院桃千樹惟願年來結子多

涇水桃花相映新花前對酒憶君頻
當時靈節過東越曾入桃源問隱人

咏梨花

去年逢君虎丘寺一別又經春到時
獨立空庭山月上梨花開處正相思

均幸年深淚積痕羞將歌舞覓君恩
年年三月梨花

夜風雨來時只閉門

寫海棠花題贈襟咏

溫泉宮中罷浴來沉香亭上宴初開夜深酒酣呼不起落盡海棠紅幾堆

閑居長憶李膺才多病時懸柱曲哀南國別來無信息相思幾處海棠開

萬朵香雲簇絳紗池春水浸紅霞山中昨夜東風急吹破溫泉睡起花

亭前春雨夜初寒品咤海棠舒絳雲江上美人何處

所花邊獨酌正思君

寫花鳥題贈襟咏

岩畔海棠開不遲晨風垂露曉離披花前獨酌懷知已愧殺幽禽共樹枝

昨夜沉酣歌舞場曉來獨掉下錢塘自知千里輕離別不及班鳩戀海棠

九龍岡上晚霞蒸斜日低懸百尺藤一樹海棠無潤色鳴鳩正好喚甘霖

曾把楊妃並海棠溫泉千載尚凝香只今花發山中

路啼鳥猶能訴國亡

王家有女稱突娘東風吹動海棠香隔江欲渡無舟楫爲托幽禽訴客腸

三月名園花早芳凝霞結綺襯垂楊鳥聲忽到青松樹爲促春風上海棠

歲晚移居傍市畿柴門正統內橋西園榴恰好承朝日樹裏鳴鳩莫漫啼

鸛鵒鳴時春正芳魏家園合共飛鰲鳳凰橋上看歌舞一片紅霞襯曉妝

春日清江開遠山長風入野亂雲翻數聲幽鳥鳴自得一樹粉毵花正繁

江城三月初輝草長南園燕子飛春酌已闌風忽至杏花吹滿醉人衣

一樹春風鳥亂啼淡烟芳草露淒淒五更樓上相思發楊柳池塘月正低

梁鴻溪畔放舟時把袂曾爲海上期九十日春都過盡越山花鳥咲君遲

春日東生海燕飛幾枝紅杏隱舊徽山人正有詩

興花裏班鳩莫漫啼、

三月春風滿御堤、長安紫陌萬花迷、知君此日堪乘興、五色香雲擁馬蹄、

花下佳人愛曉妝、折花微露滴衣香、林邊忽見雙飛雀、喚起離心復斷腸、

君是當朝富貴人、冰心長抱玉堂春、鷓鴣已厭低枝宿、安得乘風到上林、

萬壑嵐光初破曉、流雲滿地春山靜、鸝鵒鳴時日正高、青天倒挂蒼龍影、

卷之十四

書

廿五

炎天病暑傍山溪、瘦楊參玄畏鳥啼、夜半偶懷徐少府、捲簾明月在橋西、

蹉跎歲月漸無書、谷口躬耕白髮餘、幽鳥猶能戀枯樹、君今何事苦離居、

憶尔玄都觀裏居、豪歌劇飲近何如、深秋北去無鴻鴈、縱有山禽難寄書、

海上魚書久不聞、相思相望隔秋雲、病來朋舊如星散、愁見寒林鳥作群、

陳王臺下駐春多、燕子樓前見月過、縱使芳心通魏

姝、紅顏無奈別離多、

休園松樹歷年多、石壁蒼崖挂薜蘿、歲歲期君桃樹下、臨池長玩右軍鵞、

萬山紅樹襯殘霞、十里芙蓉又放花、衆鳥已歸漁盡返、海天落日滿晴沙、

馮蘭花題贈襟味、

春風早到九華門、幽草先抽玉女盆、今夜別離須折取、明朝初佩佩君恩、

卷之十四

廿五

浦月初生楚水虛、芳蘭香裏話斯須、請看今夜花心露、即是離人淚下珠、

題玫瑰

玫瑰帶雨一枝新、却把芳顏並美人、願得東君早為主、莫令飄泊混風塵、

首夏玫瑰花正芳、倚風照日似凝妝、無端落月夜深至、幾處淡陰猶自香、

五月玫瑰吐絳霞、薰風庭院美人家、芳姿縱與薔薇異、別有奇香勝萬花、

五月玫瑰花自紅、幽香不與衆芳同、半簾斜月南風

起一片殘霞入酒中

寫荷花題贈襟咏

風靜湖光綠似苔，三三越女棹歌來。含情日暮不歸去，一朶白蓮當路開。

偶來池上得天工，正是荷花六月紅。靜裏分明見圓象，始知虛處是吾中。

夏日園居綠樹深，滿池荷葉靜生陰。坐來漸覺空香色，朶朶清虛是道心。

翩翩越女若耶遊，偶爲花香到盡頭。忽見溪邊蓮並蒂，斷腸日暮自回舟。

卷之十四

廿六

憶昔與君長宴歌，別來書札又蹉跎。今朝獨過芳池曲，耐可秋風落芰荷。

越女雙描眉目新，若耶溪上蕩舟橫。羅裙荷葉元同色，棹入香中不見人。

西齋盆荷十尺強，灼灼真同越女粧。風來忽動垂垂露，坐久潛飄細細香。

八年兩度坐清齋，奈可霜花照酒杯。今日重遊當六月，池塘始見碧荷開。

一別水曹今八年，芳風藻思每相憐。聞君又作祠官去，好把清虛對上天。

百里音書惜未聞，高樓長望海東雲。綠槐江上相思發，兩朶紅蓮正似君。

四載重逢歎二毛，溪邊又見綠荷高。知君不變花前酌，自有河陽縣裏桃。

兩旬殘病尚支離，六月荷花又滿池。直幹總令人共識，苦心惟有法曹知。

春時過我桃初子，今日逢君荷又花。且共池亭作筒飲，莫因久客便思家。

卷之十四

廿七

蓮花舊有六郎名，今日看君貌更清。此夜溪頭一爲別，碧筒何處再同傾。

西湖六月水雲涼，水上新荷十尺強。安得逃炎入花裏，共將綠蓋當飛觴。

病暑經旬戶不開，離腸飛送日千迴。池頭荷葉高如蓋，那得同君當酒杯。

別君榴樹未平墳，今日逢君十尺強。且共開樽坐池上，聊將荷葉當霞觴。

寫榴花題贈襟味

別君不覺萬花衰池上新榴又盡開床畔酒缸今正滿問君還是幾時來

時危兵亂緒如麻偶爲端陽感歲華多病家空無節貢寄君惟有檻前花

兄弟離群隔楚臺兩邊難寄一書來嗟蛇歲月君知否榴樹花開十二迴

獨酌花前傷別離山榴兩見實盈枝思君幾度嘗榴子萬種酸辛口自知

卷之五

廿八

君於二月遇荒園碧水桃花相映門今日牡丹開已過且因榴樹倒清樽

咏菊花

江上秋風吹白蘋越南遊子望鄉頻遙知黃菊東籬下獨抱幽芳待主人

陶令之官尚未歸東籬黃菊自芳菲芙蓉開遍秋風裏俛首無言恐阿誰

紅菊今年開太遲石邊先有兩三枝幽香冷豔盈籬落陶亮之官却未知

江上逢君話歲華芙蓉黃菊幾開花把杯正值風波靜爛醉沙邊弄釣槎

白菊花栽白石傍竹陰博翠菊生香明朝相約陶彭澤共向籬邊醉幾場

夜寒霜白葉初飛月出柴門過客稀三徑黃花一樽酒却憐陶令未曾歸

飛觴採菊向東籬幽意如君我獨知願得歲寒長有保貞心莫讓傲霜枝

殊方初見菊盈籬新酒床頭是熟時正好醉花君又

卷之四

十九

別相思空對傲霜枝

菊花偏自傍陶栽三徑秋風萬朵開他日若爲彭澤令莫因五斗賦歸來

年年今尹賦歸來不見黃花照酒杯今日西風滿林壑野人亭上一枝開

山中黃菊傍崑栽一夜霜寒忽倒開典畫荷裳君莫笑今時誰遣白衣來

咏桂花

吳中歌舞正當場一片秋容帶月光堤上一逢簪桂

士衣裳猶惹廣寒香

天漢風生月殿寒，露華飛滿桂花團。誰云萬里清虛府，此夕知君得共看。

潭上桂亭涵白波，花間時有客車過。天邊早見飄香遠，月裏還期結子多。

咏茶花

寶珠出火少人知，故向寒林弄化機。自有純陽能鍊質，迎春偏耐雪深時。

咏芙蓉

錢塘江上見君時，兩畔秋花記別離。今日樽前皆老大，西風雙髮不堪吹。

新城爲客不思家，白日談經坐絳紗。望得秋來書未到，芙蓉江上又開花。

每怪千花鬪艷忙，却從江上吐幽芳。祇因晚節同松菊，長得含貞傲晚霜。

題水仙花

美人臨別意躊躇，翠減香寒望漸迂。更有迴腸似流水，芳心不共洛川珠。

仙子冰心厭綺羅，月明偏自愛凌波。昨宵獨赴天池會，環珮遙從鳳沼過。

咏松

雙松樹老不知春，浪說移根已八旬。從此願期天上日，年年長照白頭人。

咏竹

壯歲移居向越城，幽懷偏與竹同清。多時不踏簞河路，每見脩篁便憶君。

老樹查牙蘚作皮，叢篁白石是心期。山中歲久無人識，歷盡冰霜只自知。

偶梅花標咏

王人性潔愛梅花，萬朵千枝統碧紗。十載貞心能自保，不隨疎影過東家。

文姬元是可人憐，貌比梅花色並妍。一片寒心清似水，孤標迥出萬花先。

六橋殘月淡含沙，臘盡寒梅未見花。最是今宵風雪裏，過牆惟有一枝斜。

早梅開傍曲池幽，月出黃昏水暗流。歷盡冰霜心不

改任他吹笛滿城頭、

羅浮仙子五銖衣、海上乘鸞逐伴飛、偶入蓬萊醉卅
液、霞幢遙度赤城歸、

孤山西畔草堂梅、歲晚含香獨自開、夜半長風吹月
至、一枝踈影上窓來、

寒雪滿天溪水長、梅花千樹冷含香、山家亦屋孤村
夜、不見踈枝過短牆、

向晚梅花傍竹籬、短橋橫過兩三枝、朦朧幾朵輕烟
外、恰似羅浮夢破時、

卷之四

米之四

世

黃沙萬里塞雲間、脫斷交河戍未還、但見梅花飛落
盡、不知羌笛滿關山、

殘雪初消春滿庭、夜歸姑射月冥冥、仙人已醉霞城
酒、倒卧白雲酣未醒、

寫衆卉襟咏

萬古乾坤共一身、四時花木亦同春、吾心生意元無
樣、懶盡葫蘆更問人、

尚書園裏昔年遊、記得花王對粉毬、只恐重來醉歌
舞、紅顏應笑髮毛秋、

粉毬開時月滿溪、牡丹又放石闌西、君家富貴人皆
識、一段冰心獨我知、

風落齋居萬竹斜、半簾池影淡籠霞、春風已出河陽
縣、又放姚園富貴花、

持身素有濂溪愛、濟盛先移魏苑根、他日黃花娛晚
歲、却同陶令醉芳樽、

齋中倏尔見春光、竹裏東風破海棠、蘭草玫瑰開欲
過、如今富貴到花王、

牡丹先自得春風、連並偏於六月紅、莫道黃花秋意
晚、有梅還在雪霜中、

卷之四

米之四

世

憶昨花開對酒卮、於今花老又分離、明三京國看花
日、莫忘今春對酒時、

巖畔杏花開不遲、竹間吹過兩三枝、山翁索醉滑
歎、死何處春風颭酒旗、

寫雪景襟咏

雪滿深山路半斜、月明林霽見人家、夜分忽有敲門
者、恰好寒梅正放花、

野田寒木夜烏啼、雲白沙明雪正飛、棹高吟耶水

上塞驢何必霸橋歸、

江行正苦北風斜、日暮山寒雪又花、十里溪聲林逋杳、早梅香處是人家、

越客長居淮海頭、讀書惟愛石房幽、朔風萬里吹寒雪、一夜山泉凍不流、

日落江城暮景懸、獨凭林莽望前川、寒風朔雪人何處、腸斷南湖萬樹烟、

夜靜長淮月滿波、山寒白兔出祁次、只今雪凍無遊獵、騁足中原是尔時、

漢書

卷之四

曲

花間雜咏

秋來長作泣途人、不道吳門尚有春、今夜王家逢四妹、說余前是少陵身、

江東艷質壓千芳、一望銅臺幾斷腸、傾國從來人所愛、風流何必戀周郎、

雨中相對轉精神、素艷穠香更媚人、若此芳心能款客、不須重問洛陽春、

嫦娥月裏種天香、金粟千林映曉妝、西髮朝雲猶不散、霓裳昨夜侍

明皇、

市上看春興頗長、千門羅綺映垂楊、誰知跨鳳吹簫處、一朵新花分外香、

朱氏樓中見小雲、懶將弱臂伴襄君、夜深忽逐楊花起、一片珠光掌上輕、

十五年前聽此歌、洪家堂上月如波、今宵燈下重傾耳、不覺青衫濕淚多、

夜深傍月按清歌、萬里流雲度絳河、不是曲長翻楚調、愁人偏自斷腸多、

漢書

卷之四

聖

迢遞雲山客裡身、停舟暫醉市中春、不知風雪城頭夜、一朵寒花更媚人、

十里湘江兩畔沙、幾枝新竹淡籠霞、無言獨立秋風裏、却勝樽前解語花、

梅、花開過海榴紅、四月河西水正東、夜夜雙星在銀漢、不知何日鵲橋通、

三年西望夢空馳、萬種相思君未知、不信但看書榻上、淚痕猶滿舊時衣、

綠霧為鬟玉作容、祗於掌上慣乘風、生來清豔誰能

似一樹天香出月中

二八珠身巧更圓語中多是可人憐月明夜半清歌發一片流雲度舞筵

當年秋月在樓前長伴銀箏照舞筵今日海邊重見月不知清魄幾迴圓

夜深霜月照天涯江上相思髮易華那得淮南早爲客夢魂長遶莫愁家

新歡未已又離居獨棹空床恨有餘願把芳情託鴻鴈幾番臨案不成書

卷之五

卷之五

廿六

月落潮鳴夢覺時半窓燈火淚成絲祗緣歡賞無多日翻恨人生有別離

吳姬樓上見垂楊忽憶征人在越鄉隔水却傳書一紙開緘惟有淚千行

一春幽思厭花芳兩處離心苦夜長明月猶能共孤榻卿今何事隔殊方

一片春雲近復低穿花長伴醉人歸今朝又逐東風去却向陽臺夢裏飛

芍藥屏前見嫩娘舞衣行動百花香座中莫唱江南

曲越客思家已斷腸

歌樓會續未完緣草綠花香又幾年若此人生有離別月華何必更生圓

風雨高樓怨別離好姻緣是惡相思誰言自歲時如海一夜猶同夢裡時

燈宵待宴玉堂深一語相貽比萬金何日從遊湖上路參禪聊悟本來心

城上淒風吹白楊洞門花落不聞香斷機人去青春老殘月半山秋夜長

卷之五

卷之五

廿七

吳下人稱小燕名向人問燕始知卿還能記取當年事好把無情當有情

大喬艷色冠江東曾侍吳王入後宮舊國已亡年代改還留歌舞萬人中

素鈿高髻掌中身花底彈琴滿面春二十五絃千種恨夜深愁殺望鄉人

江南芳草日萋萋白首王孫路尚迷昨夜相思夢初覺杏花殘月曉雲西

少日常隨兒女群調箏學律夜相聞于今長大能粧

東綠髮雙垂楚峽雲

與君連歲聚鴛行一日離群復斷腸此去若能懷舊侶定隨雲雨覓襄王

一身離合總由天千里恩情亦是緣今日風花且分散他年秋月又重圓

張四娘家主樹春千花萬朵闌鮮新昨宵開入長安路莫道芳心不戀人

金陵自古有名娃映日塗霞幾萬家惟尔幽心誰似得半庭疎月浸梨花

海樵先生全集卷之十四

卷之十四

世

何郎十五王爲人一片輕霞掌上身死轉微歌聽不斷暗風吹落面梁塵
流雲影亂欲凝空楊柳絲柔不曳風調入春林人不見乳鶯啼出萬花中

海樵先生全集卷之十四

海樵先生全集卷之十五

南海星野廬夢陽 校正

番禺瑤石黎民表 編次

序

送太平二守鈕石溪代 觀序

士有居要路者榮聲赫赫人則驅軒候門日往來其途皆恭且畏也而在上者心切切存念敦禮以親之上疏以引之故有朝臺掖而暮爲館閣者其士之遭遇何如耶然或有循直道盡職業而往往犯其在上

海樵先生全集

卷之十五

七

者之意間有立抗疏不顧朝事宜違性求無愧于身心斯二者皆不免於遷謫之患落落下位淹滯歲月雖有民社之績而在上者終於棄置寂若無所聞者僅有碍於公道而與之一轉移其官亦未見其若始之要且榮也吾友石溪子青年登甲榜拜官諫議達事以忤忤遂出僉江西臬憲尋謫常熟丞陞福清令判常州今爲太平倅車所到皆有惠澤于民民亦頌于石像于祠也雖然政譽日彰而其官不過數百石當道者禮遇日隆亦未見其有引而上之者噫是足

以觀世矣明年

大廷朝會今冬九百僚長吏當入

觀太平郡守以初至例宜石溪子代焉吾知此行必有以知石溪子者嘗聞百僚之朝于

天子天子必臨軒命冢宰考百僚之賢劣而黜陟之然皆詢于長吏長吏直則所賢之人公賢之也長吏曲則所否之人私否之也是一應對之頃而長吏之終身曲直賢劣係之也曲直賢劣一彰不惟知其僚屬而亦可以知其長吏矣石溪子以明哲之才素多

藻鑑今登冢宰之堂而曰某官賢冢宰亦曰吾嘗聞

主

其爲賢也曰某官劣冢宰亦曰吾嘗聞其爲劣也子以一賢劣之公而終身爲仕之心已盡白於冢宰之前矣冢宰以子之舉事確舉人公則曰其心必明才必達而政必優也如此欲求滯於下位者不可得矣故君子曰石溪子之代

觀是天道之使然者他日秉風紀而公天下未必不由此耳石溪子其重於行哉

贈夏醫士遇例加冠帶還蕪湖序

夫人之處仁里精術業豐田產孰不欲致貴顯以安

享其身者欲或限於時命視順舛不能畢如人意人將如之何亦必於崇卑異趨之間一承乎天之所與也夫旣安其所與則惟脩德集義日夕駸駸無敢少抗其所以與人者之意天必曰斯善亦積矣德厚矣將必有以報其人也小於身者大於後始於術者昌於道也故曰窮達禍福非天之降人自致之爾蕪湖夏仰峰素業醫遇例來京師春官授以冠帶乃請言於余余交於仰峰有年矣仁厚誠信知必有以持其

身者然將來進取天必不以今日事限仰峰仰峰或

三

進之吾恐不能終始其仁厚誠信以大其後昌其道故書此告之仰峰其勗之哉一昔京師交游之士皆善余言遂錄於軸送仰峰以歸

送滕桐陽應貢北上序

古者庠序之教存而師道之廢落久矣故儒生始業弟子輒行行負奇氣其所爲學不過章句文字以希寵宗院錄其名於

國庭已耳得一榮其身則思所以闢田土第宅而出

入凌厲其黨閥之人人遘難求白非奇珍重寶雖直義切憐不往也反有得於彼復置其人於破業而死者比比然矣故人風日剝物欲漸滋因循苟且不復知有中正仁義之教彞倫倒置以至榮妻子而遺其親厚其異姓而薄其同胞者有之矣是皆師道之不振弟子無所模範而貨利勢位之談紛列塞聽嗚呼孰從而聞中正仁義之說哉然則人心風俗之壞誠不在弟子明矣楊子曰速哉七十子之肖仲尼也夫七十子之衆殊才雜質似難乎爲教矣仲尼惟以中

澠水集

卷五

南

正仁義統率之包含鎔化各成其身使一無異趨盡歸於神道化育之中千古至今稱其賢以廟享於天下孰非師之力哉桐陽應貢北上過山中別余臨城問言余因其所感而告之蓋亦有望於桐陽者桐陽與余遊三十年嘗見其青年負才入學宮日多聲譽每考試學省輒列名人上凡所事其師者一皆中正仁義之道師亦重其人故不敢說以貨利勢位而進退論議亦惟以中正仁義之道告之桐陽蓋因其言而所學日益篤其所處於家而及於黨閥者亦皆以

中正仁義之道爲之也今桐陽之行爲庠官必矣知必有所爲教也今人倫之不明於世亦已甚矣而父子失其親兄弟失其叙夫婦失其別而君臣朋友惟知其利不復知有義之可事也苟能以向之事師者而及其弟子則仲尼中正仁義之教在是矣仲尼之教行而貨利之風息黨閥之間豈復有闢土宅重珍寶施害於直義遘難者之事哉惟桐陽弗怠余直幸矣

送朱東武之彭澤序

澠水集

卷五

五

余嘗謂陶淵明官彭澤以不能折腰於督郵輒自引去乃賦詩漉酒終其身每竊笑之曰此特傲世僻見抱樂以自貴者之所爲也夫士苟欲行其志雖至樵鋸器習技弄施巧於尺寸亦未嘗有不可者況民社者之寄哉誠以忠信仁義遇乎民縱或居荒厲要亦人性同好惡則無不可感而化之者矧區區一督郵已哉仲尼曰雖蠻貊之邦行矣且彼蠻彭澤獨何以不可行哉是知淵明之不聞聖人之道者亦明矣吾友朱東武博古而擅譽其所爲舉子業又振拔流輩

一時上選利達之士多出其門者走春試屢數奇阻輒以母老求祿養乃得彭澤令時將之其官矣余謂東武抱經濟之學才多豪軼宏遠視科甲若物握中乃竟遭齟齬固其氣似有不得其平者余恐此行或眇忽遺落昂然無所顧念懷寶卷德尚淵明之清節將使民遑遑而無所賴焉者故憂而陳其說送之昔東武每論詩至淵明未嘗不拊膺歎賞蓋平生才性亦非有所強合者此又余憂之深者也東武其念之哉

送梅宛溪使君北觀序

宛溪使君北觀將行余既爲圖洞元錢子序其事送之然余之心悵悵未能已若猶有所言者乃復出於末簡曰在昔

天子朝會諸侯與圖天下之事必先考績巡功功豐而績懋者與焉吾越郡實諸侯之國風澆而民詭當曹母校守者往往不得上績得上績惟漢劉寵宋范仲淹二老耳我

朝有劉公麟乘荒劇之餘出寬平濟之故去之日民

含涕留履且像而祠焉嗚呼人心易惑若是耶有一政之善苟可以生命存業亦莫不戴父母而無所忘焉者況其守若劉公哉劉去越不百年而蜀焦齊湯公吳江村沈公皆相繼至孟湯主宣傳沈主勤密而各有惠乎越故越至今無滯憂而絕海販之禍實有二公始耳時皆值朝考得績今已進秩歷顯途矣庚戌夏我宛溪梅侯以諫議出守越中不三月民和暮年境祥而暴物化民皆曰侯德其至我余曰未也又半載獄虛而民業豐民皆曰侯德其至我余曰未也言

表志事

七

無何而海夷寇甬東掠台陷黃石焚戮殆盡時將迺遷而西越亦動徭民多徙市上叫號日夜侯乃下令建拒守之法輯城濠以禦外侮嚴巡邏以防遊奸足行陣以募義衛鄉農以徵兵製戈矛諸器爲戰且充倉餉庫貯爲久資始夷毋入細無不就擒得狀境中遂定遠近知奮惟恐不得先者夷聞之懼不敢犯而城得以完我侯之力也於是四境之民扶老携幼向余泣且言曰若非侯吾越無噍類矣余曰然我侯德斯至矣因謂民曰侯以瑩落之才早擅時譽仕當諫

議抗疏大庭士論歸重今以外補之命勞形郡署蓋才非所宜也有若龍之伏澤中偃甲卷尾無能上下雲雨然神采外炳故其靈異有不能盡掩者人視之曰此龍之能也然觀其所處而豈龍之志哉今侯之與越越固有得於侯侯非得於越也據案而折法舍哺而命言鯁者順而屈者舒民視之曰此侯之能也然究竟其所蓄豈足以盡夫才哉余聞之志屈者積必深機秘者發必銳故知今日之能存越者不有得於立朝之後耶宜其有駭人振俗之業也使轉而措

王弘宇繕部榮壽齊芳序

夫世之人有登仕籍請封章衣采婆娑於堂陛之下者則曰我榮其親也壽其親也然親或心有所不慊事有所不堪而口體玩視不能盡如其所欲則終日

戚戚焉雖坐衣冠而臨譙凡弗樂也或綺繡貴其身事物遂其欲憂患遠其心又子多才望功譽大其門以顯揚其親親雖藿食豈羨居衡宇而勤耕織無憂也何也蓋親必以志從而後榮身安而後壽又不在口體玩視之奉而已弘宇王先生舉進士始官繕部以常典請封其親於是蕺江老先生得受本部員外郎老夫人杜氏受安人今年春三月壽皆五十有七時先生方守桂林還謂宦路每南北無期自茲以往又不知指節何地乃開壽域陳樂張讌壽二尊於上庭鄉之才彥牲幣相續文咏交頌遠近相傳以爲一時盛事夏四月先生以非累復左遷越群因得一聚首於寶林山中偶出長谷徐伯子所爲壽序讀之有所謂先生孝友出常輩家庭樂事妻孥同德所以慰藉二尊者甚至余以是知先生之事其親矣夫旣以綺繡貴其身能復樂以事之則親之憂患遠矣至於妻孥同德是又事物之欲無所不得遂者則余所謂志從而後榮者非耶然伯子又謂蕺江翁多文學灌園嘯歌戒形役厭紛華而務善行大善行壽之基也

戒役默紛靜之德也壽以容福靜以致道吾知翁他日訪倭倭而驅松喬不難也則余所謂身安而後壽者又非耶人之言曰隱身色養者不若揚名以顯親卓行絕群者不若後先以濟美今先生擅才蓄德多休澤於民祿位當日遠其所以顯揚其親者固不止今日論也而親之能養高樂善使先生無憂於心以成一身之業是又生人之至樂而不可以幸致者猗哉先生斯可以榮壽其親矣豈若余所謂世之人請封章衣采婆娑於堂陛之下已哉

送何豐里明府權任職方序

嘗聞鰲之混於河也游必隨群所食必常草謁蹻蹻迴望若無異也一旦遇雲雨突風雷群魚皆驚且伏矣鰲獨豎鱗掉尾仰天而鼓濤神化上下洋洋而入於海何也志與時遇也王之在沙磧人不知其所貴及其逢下和得良工去汚而還美使製重器貯貴幣則光彩夜施常耽不得近其視在沙磧則大相遠甚也何者王得其用也士有翺光於下位者人視之若相易矣至其措事為建法度則皆有以宜乎民而合

在上者之意上者舉之

朝而用之於要地則其功譽赫赫炳炙人耳誠非常類之可及者何則用稱其才也古之言曰物屈則伸才晦始名信乎其伸於屈而名彰於晦也豐里何先生宰山陰居惟非食出則常衣附從不擁列導者不前呵臨民若無已者人望之猶一常宰也及其政出而民和措法而盜化示教而俗遷畫田平賦蓋將以去夫百世之弊遺民以無涯之惠吾謂山陰自有邑以來求其勞已成績開務垂休實未有若先生者也

今銓曹知其賢舉之

天子廼擢先生為武部職方主事夫職方武之要司也審才置用寄任非輕况時方多事

天子正欲求一士擇一將以掃清關宇者吾知先生此行必有以慰所望也且聞家國一理小大同揆其治山陰者獨不可為職方哉能移其和民者以安行伍化強者以伐不忠遷俗者以飭令度則邊陲之上豈復有慢軍而失事者哉以畫田分守地平賦公賞罰則中外之兵豈復有越境而怨上者哉夫天下無怨

而境界理則人心和而節制明軍不慢而事寡失則
遣督易而接敵勝如此而猶曰蠻虜不寧而世不治
吾不信也先生居山陰五載常沉鬱中憊意若有嗟
其無深知已者今銓曹舉之吾復能言之噫亦可謂
知己者矣由是而至登嚴廊列台鼎其所以燮時而
善國者要不外乎治山陰者爲之也然則吾所謂贅
之遇雲雨神化而入於海王得良工使製重器而貯
貴幣者先生其然耶非耶

送王白溪北上序

卷之五

卷之五

七

年來海夷南擾材官屢束手失壽兩浙民業多所殘
破間有幸存其家者又每每苦官理剝索少有不與
逐即戶口差役迭下吾越士民之家鮮有不辱已破
門者也且今夷害日大而官理剝索時日益繁其民
不死於夷則亡於官者舉目皆是也嗚呼吾越將孰
從而居其民哉吾友王白溪雅多才義余自韶甌時
輒與之遊矣今且三十年而義日篤交日深凡衣冠
大夫至於鄉黨之人皆頌與之遊者又不獨余一人
也則知白溪之爲人在吾鄉黨中誠難得者官理與

人無賢愚而剝索之政故無分於白溪矣白溪素恭
謹凡有事未嘗不承命盡役而官理亦因是知白溪
而多禮遇之也然白溪負清才常好論時事往往慷
慨奮發惟限其今外分不得施今夷害在外而官理
剝索於其內於是白溪之心始忿然有所激也白溪
之言曰余以一庠士肄業於國子垂二十年蓋嘗聞
先生之論熟矣夫夫生世間不與名龍虎則當以所
學求一仕銜以行已之志苟得其時皆可以長民安
土流譽於簡冊之間者况今馳騁者之時哉吾將謝
交游而之天曹矣余聞而壯之明日與見山諸君設
祖於迎恩門外舉觴而告之曰今海夷延禍四載兩
浙及吳中民業殆將盡矣而官司失丘籌徒以庫帑
募無賴故兵每見敗而給賞無餘資矣且句讀悉談
之士日曳裾軍門不爲賓則爲督查出入兒戲目循
歲月故江南之事遂有今日者今白溪一旦以值憤
激志拂衣出門若鴻飛冥漠吾知其是非燕雀之志
也苟竭其才決一長策獻

天子以請纓南下其必有出群動世之業者其視昔

之官理剝索之人則又當奔走不暇矣惟白溪勉乎哉

送朱少徵省親之彭澤序

吾里中有士數人焉其性皆溫恭宣亮其才足以羽翼世運致民於無事雖與之論聖人之道亦若有所能體之身而力行之者余甚愛之獨以其年之倍長於彼因引孔融稱衡忘年故事而與之遊每相聚山中輿論文字究道義皆能闡發淵微知予之所不能知城南朱少徵實居其一也余嘗爲少徵言曰夫君

卷之三

卷之三

七

子苟欲以立身致道者非以其富貴綺麗詞章誇大之所爲也必將行吾本然之性使彝倫攸叙於內父子夫婦皆不失其所親兄弟朋友不踰其所義反求乎心而無愧也然後拂衣翩然遊於四方歷名都探風俗挹賢人之遺風吊英雄之故址窮搜遠蕘使吾怡神擴見察古今代謝知寰宇之大亦復反求乎心而質之道義彼之所以是吾從而學焉所以非者而去焉要之可以立其身致其道而無愧者也少徵曰善矣使吾人苟如子言將見竹林之賢不徒於酣咏

燕市之客豈事於悲歌而途人巷士抑不可爲莊舜哉吾雖陋請終身事斯語矣明年春仲少徵以父宰彭澤欲往省之過山中別余余因携里中同志出之西驛陳祖道而餞之見齋陳子執盞而言曰子以一念之感遂躡崇山涉江漢走千里而覲親其心亦至矣然疇昔樵子之論正今日所當事者或得聞言於道傍見性於庭下使不徒焉往也不亦善矣子故忘之耶少徵曰夫窮谷之本得春而後萌大澤之禽必乘氣而始化是物之無知者也苟得其所感亦蠢然而生霎然而改况聞聖道者之人哉吾今日之往正昔之有聞於樵子者也同志者聞言欣然注其志皆觴之酒酣余仰天而歌曰彭澤之流尚可充其漱彭澤之柳尚可蔽其牖五斗之粟可以適其口介我陶公兮今不朽少徵得其歌可以覲親矣

岷縣產瑞麥序

余嘗讀漢書見張堪守沮陽麥穗兩岐及又如臧有一莖而九穗者甘心竊疑之以爲天下之物豈有易氣而異產者哉是好事者之爲說也或曰將以勵有

民者余夏日病暑池上偶嶮庠尹周二文學過余請曰吾嶮自半村父母來善績種種民多被澤還業且盜者化頑者良遠近熙熙風雨時至近者田野之中麥生二岐或一莖而三岐者有之非善政所感而然乎予有言者爲我述其事以載嶮之禎祥余驚而起曰噫有是哉我知之矣夫人心與元氣周流意之所動天地亦未有不感而應之者况善政之及於民乎民心一感元氣通之矣物偶相值稟靈而出異此岐麥之所以生也由是觀之他日仁聞四流上炳天日

漢書卷五

卷五

七

將見青鸞巢於樹彩鳳集於庭虎北渡而珠還浦亦可以推而致之者則其視岐麥又不足異已半村先生與余交且善茲喜其爲政之能感乎嶮又得以釋余沮陽千載之疑故樂書其事噫若後世之有疑者不有賴於余文哉

玄宗內典諸經序

自功利之途開而性命之學漸塞荒淫之志生而神仙之流日寡是非天道失常而人心之變幻成之也夫生人在世惟斯一神神聚而生神散而死死生之

於人亦大矣故聖人立教必以性命爲說示範後人不過重其生也秦漢之季常有長生之人藏名山大澤龐眉鯨背陶詠天真曾不以頃息之光易萬衆之貴迨至唐宋詞章機狡爲事片言而奪科甲一謀而陟崇階肆情遂欲富貴安享不復知有脩性延命之論嗟歎斯亦謬矣且性命之理本諸吾有苟得其訣易若探囊未有不得物者但方士立說多門而凡途肉眼之群尊傳迷繫死無所悞余謂亂人心而害大道未有若此甚也宛溪先生集道家諸經數篇名曰

漢書卷五

卷五

七

玄宗內典意將闢邪說而務正脩救世立命以復其所謂秦漢之民者亦以先生內多靈異夙有仙緣故究心虛靜之中耳此書一逢達人即將內契盡掃多門之說物物相化當見輕祿重生遠欲愛道事高尚而厭紛擾握造化而延壽年者是先生之力也

壽懷養孫公九十序

夫生人之得壽誠不易也夫有其質而不能致心於孝弟得也有其質而不能樂善好德弗得也二者能之則太元皆助其基鬼神皆庇其禍山川靈異神仙

秘技一皆歸之於人氣通精感默契於至道之中雖
天欲奪之不可得矣吾嘗謂世之人身繫於榮利而
心混於六慾級級無頃息之安則曰我神完德積矣
天與其年以之而爲仙不難也及其災疾繼至身莫
能支乃禱其天求宥其罪願脩其德養其神以全其
壽噫其滋惑亦甚矣草市有隱君孫翁年八十有九
體安而神充食常倍進卧不就枕行履矍鑠言談琅
琅益爲休寧諸鄉福士也余辱交其子今年偶過市
訪松石雙洲二君因得拜翁於堂上一見而異焉詢
於二君曰翁何爲而致是也二君曰吾父無他能致
壽也且生而值逆徑既失父母復喪二兄孤立于家
心哀痛日夕思欲養其親事其兄弗得乃自號曰懷
養孑然生多羸弱濯濯五尺走貿吳興間內甘蔬粒
外屏豔容絕貪戒妄日惟以藥果自隨然慕義蓄善
一念雖造次不能去有若饑者之就炊飲者之求醕
也一時吳越名士故皆得遊其門石田諸君尤爲密
跡是皆吾父之所能也然亦不可以致壽也余曰佳
哉有是乎夫失父兄而懷其養此孝弟之行也薄味

劉南園七十壽序

而遠色茹素保真之道也慕義以親賢樂善好德之
事也余所謂三者而翁皆有之其所以致壽豈惟今
日哉雖神仙冲舉可待也翁明年九十矣計余即遊
江漢度不可於時復至海遠山長良負其祝乃聊爾
撰文登堂預賀之及壽之期懸余文於座右諸客讀
其言可否其人則余亦與斯會矣何必食酒肉列席
視樂而後爲壽哉其孫溪亭竹沙諸君乃進而謝余
言

夫士之志於世也豈榮利聲譽云哉在先明乎出處
之義耳義明也出而樹其績則巍然隆焉與民則熙
熙焉其或處也則逍遙耕鋤心鮮外慕抱善而樂其
身史冊又書其事廟祀以食後之人指其出者曰某
賢大夫也指處者曰某高尚士也於是考其行想像
其所以人而學焉昔志有所未爲吾繼之而行焉要
必裨補治化豈徒事於榮利聲譽而已也世道日剥
而出處之義滴宦達之士各僻其所能顛頓仕軌欲
求其榮利聲譽不得安望其能績且隆也而田畝之

夫又不重其所趨混跡利網寡樂善之志委其身而不脩棄昆弟而不教一溺於歌舞宴淫之場竭其財喪其精抵老而無所悟如此而欲明出處薄榮利聲譽亦難矣南園劉先生出自聲譽之門而能忘情榮利帶經灌圃以怡其心於凡歌舞宴淫之樂一皆絕而不爲惟于其子則教之以輔世之學庭塾之所施禮幣之交饋雖至倒帑傾囊則亦無所惜也故其子仲緒所業益精其名日益振吾知他日樹巍然之績以行先生之志不遠也君子曰處則異其俗出則澤

卷五

卷五

辛

其時非先生仲緒之謂與是使出處之義一旦復聞於鄉明之於天下則先生之善又不止自裕其身也今年且七十矣神骨泠泠德度崇遠自此以往蓋必有握造化而得長生者則先生之所貴又不俟於教子樹績以行已之志而後爲是也仲緒同門之友徵余文爲祝余壻朱少欽言先生尤詳故嘉其事且重其教子之賢也遂以昔之所論出處之義歸之云

孫貢甫詩序

昔子長務遠遊歷夷門探禹穴而文爲西漢之祖子

美客蜀中太白以事淹跡湘楚故皆以詩冠唐夫三子才固卓越而逸情曠度實有得於山川人物之助者休寧孫貢甫世居草市自幼即好爲詩然志高而類寡乃翩然遠遊常寓跡吳興間日與劉惟賢王庚陽宋子明諸君輩結社賦詩以是吳越之人惟知貢甫爲吳興詩人昔貢甫常過越訪余山而慎卿亦於武林見之其諸君輩亦間嘗見其詩余徃徃恨不得遊乎其間也今春始有白嶽之遊偶寄跡於草市昔貢甫遣居家因得與朝夕論議出所集五七言并

卷五

卷五

辛

樂府長歌四百餘首讀之起曰佳哉貢甫之詩也意遠而古調高而宏沉而有諷雅而不漓而其格則出入唐之諸名家者噫是非有得於吳興間哉而逸情曠度知不獨三子之擅美於昔也是集貢甫尚欲秘諸家余勸其梓不得故先爲之序以俟後之擅操之士梓焉

序鄭龍坡明府入覲冊後

余避兵嘗浪跡江淮間而蕪關之南寺則又爲行脚常住也然多款人往來好事者則必入寺顧余因詢

有歛者之政皆莫不首稱龍坡公蓋千百而無二三殊也及余至其歛異邑之士每往來顧余因詢其有士者之政亦莫不首稱龍坡公蓋千百而無二三殊也余以是知公之有德于歛者至矣昔公在越時與余同里閭里閭之士亦與公同交游故嘗聞公德譽而余之一行一藝亦皆爲公所知也當是時公之同途之士十數輩與余游而文學言論皆揮霍炳炫然求其心跡一而行誼恭慈者皆莫能與公若也余以是知他日之爲仕必有所稱於世者今果在歛民德之異邑稱之可謂不負余昔之所知矣公去冬當入覲歛之大夫士及山谷之民皆有言頌其政集冊以送公行然遠近至者不一故錄言多後先失次公之友陳謙山郡博雅負清才乃復爲次第其冊以傳求以余與謙山交至舊因得於署中遍觀其言大夫則稱其治士則稱其化民稱其惠蓋與昔之歛人之稱一也異邑之稱一也余益以信公之昔日之行誼恭慈者不謬也或曰此特公之初試百里才耳若他日措之天下蓋必有以彌綸治化之業者茲一歛烏足

以盡公之才耶余曰不然夫觀神龍者先伺其變求巨材者先探其萌論至治者先察其始余以是知公之他日建宏業于宇內豈不干今之歛邑殆若是爲序

金粟齋族譜序

古之言曰彞倫原於父子信義係于宗族大哉言乎之有補于世矣夫人之宗族所賴以一者義而行乎義者則信也信義一立則俗風敦而禮節作文章著而冠冕興使貧乏患難者皆有所賴而不失爲顛連無告之人也近世以來人崇榮利而忘根本務遠交而忽近好以故宗族信義悉委之如浮雲間有外和豫而內若仇讐者其甚至於傷德謫害以漓其名業則天下皆是也故昔子長子堅作史特以年表爲事其先已有今日之憂矣吾浙人不續譜惟微獨重之沿鄉接境歛延學士無論歲月蓋徵多大姓而源流甚遠故子孫日見蕃蔓分處於各邑異郡者非旦夕可考也不由譜錄孰通信義如此豈得不萃精于是我休寧金粟齋先生雅倡文德淪光下位拂衣歸田

秘跡於山中曾未嘗一及城邑閒居自念宗族日繁譜義缺畧恐後世無稽也乃以輯譜爲已任其欲別族之處其地也故始之以著居處得其地而不忘移徙所自故次之以邇遷恐世遠而辨謬故又次之以序族族有親宗宗有嫡庶故又次之明宗宗族之人屢有功德恐湮沒其譽也故又次之以徵賢賢風激內而婦行立欲彰之而有勸也故又次之以表節族固守義然光其姓者貴也故又次之以錄仕盛美足以勸族也故又次之以紀載楊善莫先於名君故又

續修家譜

卷五

譜

次之以哀翰探一鄉之俗可以觀其人也故終之以陳俗嗟乎先生之用心可謂深且周矣是譜一傳使後之凡爲子孫者則曰其居處之遷止如此宗族之親疎如此人德婦操如此循良庶業如此名言善俗如此一俗言之各鄉傳之則人皆感發而爲善矣一姓化之各邑傳之則人亦皆感發而爲善矣是譜豈止爲璫溪輯哉

秋流稿序

余去歲旅食蕪湖嘗交於潘子在溟在溟後以詩往

來余旣重其爲人而復稱其詩然未聞其所自也余今年遊白嶽道於蕪值病居禪門在溟則又蚤夕顧余因出乃翁秋溟稿謂余曰此吾先君之言也欲錄諸梓願乞一言爲叙余展而誦之曰佳哉翁之詩也其情正其寓遠其音宣宏而不詭淡而有章足以風於人矣然以是知在溟之詩得於斯也余聞翁素性仁孝讀書慕義好四海之賢度汪汪無我嘗宦於嶺南位不稱志低昂世途其氣固齟齬不達遂放而爲詩今讀其詩可以知其志矣嗟嗟余嘗觀人之志恒

續修家譜

卷之十五

詩

殊也其顯晦功譽不一其類然要亦不失其本然之真可以質於人而無愧於子孫者斯可傳也翁今言不離志志不求榮出入性分彞倫之間一無假於雕飾者其章於人而範於家庭無疑矣茲詩梓而傳焉在溟則後先振風諧聲叶調遂成一家之言使番之永久人稱蕪之有詩則必先潘氏云

補壽文峰季叔六十序

鶴先世以三尺起昆陵家世祿鎮會稽以來凡九世於茲矣前子姓尚落落惟吾祖生吾父及叔氏五人

吾父生鶴及弟者四而叔氏之生各有兄弟兄所出若陟而族因以蕃然叔氏之群亦多相失惟仲與季存其家後者又族食燕薊間耳吾父凡蚤夕所與論議則惟仲與季也仲叔每苦吾父性簡嚴往往難合惟季叔多所相歡每對飲必深談移日抵醉而後已蓋季叔少時頗穎悟粹志舉子業才譽藉藉鄉閭多重之故吾父所以相得者非獨手足之愛而已爲業不十年尚齟齬未遇世道且日剝非可以馳騁之時也因喟然曰富貴乃外物道遠實天直元亮柴桑吾

集卷之三

本卷之三

七

當與歸也遂棄所業隱於鑑湖之西讀書染翰自號文峰先生心耽山水而足遠城市有鹿門之清風每春時携一二蒼頭耕於畝畝之上秋則刈秫釀酒與野老隣翁劇飲月下醉則拍掌高歌雖身與世若相遺也蓋自吾祖父以來其履仕途居庠屋者雖屢有其人然欲求其識世故尚甜退若吾叔文峰先生者恐亦未之見也去年秋方六十壽矣鶴以病脾伏枕諸弟亦他往皆失所執事乃於今年仲春之月偕其弟俸觴豆具微儀乘舟以往祝堂下鶴頓首祝曰王

晉蒼蒼若耶之流淵且長惟吾叔之壽昌四弟鳳祝曰草有青精松有茯苓惟吾叔服之以長生五弟鸞祝曰飽而歌醉而卧縱大化兮誰是我其表弟本榮宗聞祝而咲上堂而言曰有心之言言以心成有祝之壽壽以祝名余聞太上無言而避名故人年得以長存非今日之謂哉遂謝而退

友竹序

嘗聞任豪華者多愛牡丹樂道之士則愛蓮隱士愛菊散人則多有愛竹者然牡丹以色勝蓮以香勝菊

集卷之三

本卷之三

七

以晚鄮勝竹惟四時而長勝者也竹能勝四時蓮菊猶不若也况牡丹乎故有所愛者則知所爲人矣雖然牡丹惟穠艷似豪華豪華之外無愛者蓮惟清虛似道德道德之外無愛者菊惟後時似隱逸隱逸之外無愛者竹惟蕭疎無束似散人散人之外亦鮮有愛者是蓋性有所相近時有所相際於是物爲人愛人爲物主而品類分焉皆非有所擇而愛者也括蒼葉君亦愛竹里人遂以友竹號君余友柳少明在括蒼時君來與之遊今秋少明過余山中爲君索文

其彌且曰君性直尚逸坦然不以俗拘平居惟種竹
青照八牖君往來林間俛仰內契有若朋好蓋三十
載于此矣然竹之外無他愛也余謂葉君是亦散人
之流歟宜其愛夫竹而友也嗟乎世之人苟欲求富
貴莫不附炎近勢售已從幸惟圖位高而金多若余
所謂豪華之愛牡丹者天下皆然也安有逃名山谷
之問怡心幽素若葉君者哉是足以觀君矣人之言
曰牡丹多穠豔故其盛衰亦不常則豪華固無長存
者竹惟蕭疎故能禦霜雪歷歲寒而不凋然則吾又
知夫葉君之得以永其年也

送張子遠入燕序

余嘗論士之生天地間服華乘氣本非以一方尺土
爲之家故斂形而爲學則其志已欲行諸宇內而範
之後世之人者如曰地相宜也時相值也則吾學行
之矣如其不可則易其地雖遐陬僻壤亦無非吾所
生之內是以宣尼不以周流爲非是凡跡之所及之
處皆吾之家而吾所當統責而經理者也故龍之困
澤中而不忘乎滄海得滄海而神化始通於天非天

之能神夫龍龍志近之也賢人非故欲遊於聖人之
門然舍是而之他則將固口窘足不能頃刻居耳何
者志非所在也鵲鷦鷯棄枝巢而宅乎大林必驚飛而
徙羽蜂迷房而入屏幄則雜鳴而巡簷何也無高大
之志也人之稟慧能飽德學志高大而不得值時命
以見知於上者則何異於龍之困澤中而賢人之不
得遊於聖門哉不得遊聖人之門則賢人一庸夫耳
澤龍亦魚耳龍之終於澤而賢人之不得聖人之門
安望其能明道輔世兩澤其下土者也張君子遠蓄

總才習學於郡庠有年矣當司較其文每先於群
試於鄉而群或先之也人莫不爲子遠惜子遠獨欣
然若無所與於身者再試而人再先之亦復欣然若
無所與於身者旣而歎曰丈夫不能友天下之士以
會理博知惟斯守株待兔齷齪井間豈吾之志哉
遂假粟例援而遊於燕業於北宮且附燕之人而試
之海樵山人聞而謂其友曰此行得之哉夫北宮文
之匯也道之樞也子遠以其志而往焉凡所與之人
以皆天下之髦俊貫百家揚六藝會衆理子遠必耳

得而心悟首允而行歸其昔之所試於鄉而棄之者
一旦見噴於京之學士大夫矣其所後於群者亦復
先而上之有若龍之得於海賢人之得於聖人之門
者也嗟乎予遠於此亦快矣豈鶴鶴之與蜂所知哉
友皆然余言請書之爲予遠別表亦因其別爲詩於
冊歌於耶溪之濱

霞海篇後叙

陳霍曰詩自周篇三百而下迨及漢風皆能陶泳性
情陳喻政教平紛而反俗蓋有以興邦國之化揚世

集卷之五

卷之五

五

時之風也故詞貴蓄意非以章妍體尚含元非以示
藻聲求叶律非以宣言言勝聲則塞而無味藻過體
則媚而近世妍奪詞則淫而忘正此世之觀風者不
可不察也魏晉之士傷亂防禍故聲多悽憤而意在
適寓六朝淳風不還綺麗日振國祚漸短人情華遠
不足取也盛唐聲律務本去華故能建旨超逸承音
宣暢小可以悅情大則能諧樂然雖振響于一時實
追芳于上代也宋元之季新聲四起而古調遂忘雖
我國初言猶襲弊近惟

集卷之五

卷之五

五

聖化風行人文雲變四方攬漂之士始循舊軌郁郁
洋洋錦張王響哥謂千載復見漢唐之世嗚呼盛矣
但事雕者則失氣崇意者則淪音導體者則寡思綜
理者則近質間有齊梁混流鉛素交眩使同聲之流
未免因疵以惜才求全而增嘆也今讀文谷孔公霞
海篇簡淡溫厚其得風人之旨哉且格不踰古詞皆
契道遠及夫天下國家近取之性靈物理慕神仙于
恍惚探山川于杳冥託跡雲霞忘機魚鳥是雖公之
曠踪遐興所致而亦物緣仙分有在也崔竊論其詩
曰簡淡之思可以養情溫平之調可以致政寬厚之
氣可以善俗故知台旤之士得以永執其範而吳浙
之俗不有化于斯乎嘗聞謝康樂治永嘉既美文詞
又多善政于今人傳其言而懷其惠千載以來而公
實爲之後焉他日流風八埏垂休后祀當使通者新
民慶者樂善頌則易其趨愚則釋其惑爲臣則懷忠
奉親則盡孝而閭閻之間雖婦人小子亦莫不感心
懲行以慕其義也如此則吾所謂冰情敷政平紛反
俗以興邦國之化揚世時之風者否耶

祝崇老孺人九十壽序

余自丙申之年始遊於終慕柴子終慕尚垂齒從余杜友張華山業舉子時華山在杜惟與余爲最善故終慕亦得常往來見之閱文辭沃道義日且親愛以是終慕亦與余善也余嘗與華山坐終慕舍中論詩見其內往往供湯茗具酒饌不倦明日又往論詩其所供具又不倦雖連月論其不倦若一日也余恠之詢其所主則曰有老孺人以老孺人能禮賓供具如此其教孫可知矣不亦賢哉其時年已七十餘矣終慕亦弱冠遊邑庠聲譽藉藉故老孺人之賢益著後華山死杜遂漂散余遊翔江漢幾廿載歸武林故交已落落若秋星矣惟終慕對面如昨因請謁老孺人則又貽背鶴髮目矐矐其所供具余者與昔論詩時猶若一日也余又恠之詢其所主則曰有終慕母某孺人孺人少失所天苦心抱節垂三十年寒暑奉養則惟一老孺人然老孺人之康強無恙孺人之力也以孺人能奉姑如此其教子可知矣又不亦賢哉今老孺人年已九旬矣終慕之友鄭后峰劉東林來索

余文祝焉因往三獻其觴上堂而言曰夫天之靈莫肯易與物哉草木禽獸萬類耳惟松檟能延芳鹿長生人故多狀惟德操能壽然皆出五行而秘之保壽充養遂至長存也今天之靈異萃老孺人之門矣惟脩德樂善以保其終故節孝詩書之事漸致其祥自此吾知其家氣氤和樂壽且無疆矣今之九十又烏足爲老孺人祝也哉諸賓請書此爲後日証也

送劉望岑明府奏績序

夫神物困淵志則存 漢良璫隱石價豈若于窮

區是以賢髦且命世之資必侯明德之主然後事可濟時言可光國雖遺海之珠因人復出安林之羽乘風皆騰况乎身遊道林政宣名邑者安能屈來陽之驥足淹老義之轡輩哉故懸率垂棘非爲常玩之珍清角金繞終作宏宣之器是以虞詡拔左雄之節諸葛重公琰之才况名踰一丘德驅四長惠結千夫而芳傳百越者也濠梁劉君生自名都神遊上世抱西蜀子雲之學負南州孺子之奇流譽江關錄名皇國龍霄對策鳳沼聽臚領銅章于燕臺馳朱輪于越里

蒞政之日四民樂生重垂顧子之簾復立燕肅之木
平田賦以還貧張禮樂以敦俗援奔虎渡四境號為
神明役省刑舒萬戶戴其父母治稱第一政曰無雙
誠周庭之靈器齊都之異寶也茲以考禮于天朝奏
功于銓署群意憂其不返執獨恐其無歸傷自息生
淚從心出援驂折骨瞻懷飛神戴惠興思空覩淮南之
犢感遺成憶長撫河陽之桃李小子有糾德之義解
帶之歡合意忘言同心莫逆珠篇續典常流蘭渚之
觴王燭延談屢接豫章之榻乃以馳雲結念倏動參

卷之五

書

野言序

陳子曰君子出處惟幾語默惟義道隨時際則朝野
延芳心與物遠則品林擅解是以尚父就身于周車
善卷辭名于虞陛蓋靈臺之上身豈徒躋窮谷之中
樂非外召必有功鑄鍾鼎德踰日月者也然復尊者
則意舒而神和抱逆者則思鬱而氣激和則易子暢

情激則難于靜嚮故虞卿述君于愁區杜甫振風于
畏道非和能之激使然也閩李山人者蘊溫惠之德
負經術之才學自天傳義由心遣登高則玉振金宣
臨池則星離雲布誠海國之文流霞林之墨士也然
夫野雀之姿慵斂翎于丹閣逸鱗之性欣掉尾于玄
淵故身繫藩庭杖履常通于五岳名流越服神想遠
跨乎三湘且以寓志不九而塵遊鮮契立心少異而
俗締無倫故道隱于人思結于獨于是言因激發聲
自逆生乃得詩文數千言成帙久之是歲山人遊臨

卷之五

書

送二弟鳴齊會試序

道無行塞時無安危命無窮通事無難易惟人心是
趨欲行則行塞則塞欲安欲危欲窮欲通欲難欲易
而莫不皆然故君子守經以翼權因物以攝義隨變
以立機臨險以從順是以渭川之士可為王師獨夫
之年可反聖代飯牛之客可作齊臣膏肓之勞可雪

吳耻夫欲爲天下之輔立千古之化者不察斯道而
可以爲乎吾弟鳴霄志於學三年專焉咏於詩而能
言遊於百子而能遷赤手擅文而辭斐然朝領薦書
夕離鄉陸翩翩驪駒以征皇國衆賓重義尚行期遠
慎端于是設酒通別執冊贈言予聞之而往告曰夫
仕以行道道以植時事統萬紀心非一機體之則善
措之則宜非已所與也今世之不古非一日也政之
不和非一區也而父子失其親兄弟夫婦失其序朋
友尚利而失其義禮教偃風榮祿成務賦歛日迫而
民業日危非人之所令乎蓋世無亂本惟惡是生俗
無美因惟善是化聖人在上而民用仁齊寧專位而
民尚功歷代之政皆有由也吾弟之行也恐以道塞
而不能行時危而不能安命窮而不能通事難而不
能易處也故言之如此惟吾弟行乎哉

海樵先生全集卷之十五

終

海樵先生全集卷之十五

海樵先生全集卷之十六

南海星野盧夢陽 校正

番禺瑶石黎民表 編次

序

蜀篤齋湯公壽叙

海樵子曰夫居元抱一出納二光化物走命歲候倒
藏是逆天之道也而聖人弗言旋白象之輪開金沙
之教道厲三相精亡五塵約理于無生入性于空寂
是外世之教也而達士弗求遭世嶮巇行已不時驅

海樵先生全集卷之十六

終

乙

軒于漆園締宇于鄭圃上論玄黃下極川瀆中窮入
事啓鬼神之幾定是非之軸綜類編籍昭立后模是
失平之徒也而志士弗崇斯三者道固足以裕身名
固足以動世而功則無能于物也是故用世之士學
成而行光致道而福物所以國安而俗化德音孔著
垂法無疆而芳鏤青簡生並日月豈其天哉西蜀湯
公以宣亮之才遊神藝死理貫三墳事周百氏摘華
述古而天下嚮風可謂學成矣先以蓄性宏淵建言
揮霍敦厚德于周宣挹芳論于曾子應交無滯與物

俱仁若旭日行霄萬井皆暢采鳳鳴岡百鳥咸和可謂行光矣且復內含三才外索六樂哀此群黎幡然起作于是對策于明光正冠于法部遂使朝無冤獄民無枉刑百僚師師近遠懷惠

天子乃以東南尚疲牧佐未力分公虎符來守會稽可謂致道矣下政惟恕用法惟經五教攸敷四民揔至既務文儀遂復樂典乃訓甲于戎庭建利于海曲是使兵衛振風城郭尚禁而萬世之民耕有餘粟織有餘帛旱澇遠害而世安其居可謂福物矣夫學成者身康行光者隣輔致道者譽遠福物者天助具此四者則長生于宇宙之內驅神于造化之間故雖風雷不能搏金石不能越魑魍不能眩水火不能磨蓋將與象緯同輝乾坤並壽也豈可與逆天外世失平之徒者言哉

贈寶山李將軍領武薦序

叙曰天炳象緯地張風雷明晦乘權陰陽交濟而文武之道昭矣故蘭蕙接其芬芳松栢取其條本龍以畜德虎以挾威山以靜崇河以動流蓋以文質之根

源治亂之樞橈理象之玄機也是以聖人建文存武而道歸神化賢哲用之以進德崇基宣毅之士以稽謨典章而斬放凶慝故世爲是道者居則潤身達則裕物小稱諸功大建諸王然鉛爐相成律呂並奏而內外翕張不可遺也世承泰緒文道唯興而戎胃玩宴兵不振風豈天作之故而地維頽耶蓋亦人焉乎爾惟我

皇帝明睿建資博綜庶物道貫玄黃之精術通陰陽之變文質既極武士亦舉四海無龍潛之客八方多

鷹揚之夫于是寶山李將軍幡然起跡一登藝圃即領薦書同遊之士咸喜而賀之山人陳子曰嘻是亦可以賀邪吾子將軍有所告也夫麟鳳出祥文德內耀珠玉成寶而純質含輝是猶道備于人而才承世用者也今將軍始進名途而群豪注目繼躡三宮遂臨九狄九狄者

皇國之藩屏黎元之樞鑰也將軍誠能雅閑孤轡素究符書運以神機行以詭道雲鳥之所出沒龍蛇之所潛昂談笑之頃使狼烽斷焰犬羊歸王金城萬里

永杆邊虞是則 國之所望于將軍者也惟將軍勿取其小而遺其大勿成其始而累其終勿用其名而忘其實斯則將軍盡大之業也而同遊者能告之乎食曰吁碩矣吾將以是告也以大將軍之業云

校越望亭詩集叙

越望亭詩者所以記江山之勝繫民物之情君子杞之芳趾擴一國之華觀者也亭因唐舊扁創注新而詩雖適遊實以見政豈若洛陽之九華太冲之三賦黃帝燒丹于縉雲吳筠待宴于鍾嶺哉誠以降鍾集

卷之六

金十六

中

鶴檀伯起之嘉林列席褰帷新文翁之偉教率析昌國永以跨靈故几李尤之臺銘江惓之堂賦咸宜與日月而並光入金石而不磨也于是 侯秉公暇檢閱宸奩遂得縉紳秀咏庶士芳言雖無三千之多亦統六義之制復綴以自倡之辭以明賡歌之義標以前名授予後進予承簡命編校既終展卷而誦之嗚呼盛哉政非小補文不在茲足以見霸業之不求者仁功之無遺然非亭所與也若以望龍氣于燕北采民風于吳東環視山川之奇觀察物華之盛乘春適

性撫石求賢則斯亭也亦可以驅芳于時臺並采于平望者矣又安得不振夫北海之文發西河之歎哉

奉贈武畧將軍胡公歸隱石峰序

嘉靖十有七載春正月朔越武畧將軍石峰胡公乞致仕歸時年六十矣同寅者皆設祖于道列仗于前送之大寶門外執袍行觴歌詠討誦張衡歸田賦誦既畢胡公將行衆皆悵悵爾不忍棄去復欲疏于有司借留之山人陳宦聞之而往告曰夫鳳鳥之德珍于遐世蛟龍之神積于潛淵天地重閉故能流四時

卷之六

金十六

主

之化章萬物之華通五行之用是以賢人刻意尚行離世異俗上不臣天子下不事諸侯高處閒曠卑就藪澤淡然無爲以觀治亂之幾時進退之義故君子稱其德遠人挹其風後世治其事以爲得隱淪之中也是以張良佐漢慕赤松之遊邵平處變懷青門之役蓋功成而身不辱居卑而名益上而降節來榮者詎足以知此哉公性宣而才亮內靜而外瀆貞恭之德著于方隅孝廉之行動于鄉俗文實兼其逸達士愛其明家人安其

正是亦用道之士也而復撫戎供職敬命崇功治海
有上官之勸握綬得下士之誥出入冠裳日被贊賁
往來閭閻眇無殘管是亦擅才之士也夫用道者不
馳神于逆區擅才者不滯情于污域所以業遂而名
成行全而身壽也公以下命之年飄然退趾高盤石
峰之居怡精釋慮振歌于霞嶺彈碁于花谷庭鶴朝
舞海月夕懸種玉于藍田弄球于合浦駕造物之騷
遊無何之境回思疇昔之後若雲浮太虛星移廣甸
而物我俱忘矣所謂功成而身不辱居卑而名益上

續集

卷之六

六

者非公之言乎同寅者曰不然近者武政中衰劣儔
內侮兵旅委地而廉讓不興不有志者作之其孰能
爲哉山人曰非也物代者化退事立者身藏天道畏
盈而況人乎今公進能建其績退能樂其身而天下
之慕善者皆爲公矣烏在其鞠躬盡瘁而後爲事哉
同寅者喜曰偉矣夫山人之善能成公之志也于是
張鼓樂盛旌幟執幣獻醴送公以歸

送方明府入覲序

南岑方公宰山陰之二年朝王如京諸游者皆執祖

餞于西郊山人陳霍曰古之諸侯岳牧朝于天王用
述志業內宣尊恭外供職貢考禮脩德以彰主儀

上乃臨軒德陽示威明義圖事巡功大昭黜陟之法
正班爵之典于是有政者競然自勵善不得淪惡不
得飾君子無栖棘之憂小人無附枝之幸上下相承
刑教流著近張國綱而遠敦人俗遂成世治我

明聖德則天仁風協化賢髦歷振庶績咸施間有軌
外之非物中之譽者莫不摘法明權升沉合議以故
近代多貞亮之才建文學之址禮樂回風四方叶響

續集

卷之十六

七

雖漢唐之盛無以喻也公之不德實出天與故文非
夸藻以見道也政非立威以行仁也言非兢靡以達
心也衣非紆綺以適時也民初皇然自失久則樂其
不亂知其爲懷悌君子者弗疑也以公之才蹟若此
而始可以言朝矣

陟軒先生七十壽叙

嘉靖庚子春正月朔有七日陟軒先生年七十賓客
走幣持酒挾物且畢禮焉之壽先生矍眊神異鶴髮
烜潔安冠策戒事以前羣逆上下有節有獻幣者曰

先生受性光熙值物不亂綸縉家紀卷舒時紛言之而合文措之則成色願先生之壽有若此幣以長潤其身有獻酒者曰鄉有先生素建同德明以涵衆善以醉人君子合之而歡不肖溺之則變願先生之壽有若此酒以長樂其心有獻桃者曰幽盤好道則稱先生化陰以厚根調氣以發幹含元以秘內抱實以候時精糾三花芳擅千世龍蟠鳳采匪類可求願先生之壽有若此桃以長歷其時先生再拜曰僕本質直素寡文辭最恭立身惟勤敦業夙有胡脩得竊嘉

續集卷之十六

卷之十六

八

望然敢墮于祝哉陳子曰嘻謬矣三子之祝非善致壽者也以幣祝者祝盡夫幣則已矣尺寸之外無壽也以酒祝者祝竭夫酒則已矣盈涸之外無壽也以桃祝者祝博夫桃則已矣大小之外無壽也三者非洪子之可以拜者也夫善觀海者推其流善擇地者索其支善言人者述其子述子者德久索支者脉遐推流者淵廣盖非淵不可以言海然行大海者流也非脉不可以得地然章夫地者支也非德不可以尊父然裕夫父者子也是故班彪之文盛于孟堅內史

之翰神于獻之寶即以五桂稱其義荀氏以八龍誇其雄非子之徵乎吾嘗聞諸洪子之子玠矣少起慧靈長貫玄藝簡以植本宜以用才軒冕無間嘖鄉俗無異言茲將領書于南國對策于北廷圖功著業載範揚休延之萬年永顯父道高繫日宿下帶江河是洪子之所以得壽于子者故曰裕夫父者子也

菁陽詩集叙

陳崔曰三代之士其性純其言直直則不紆故化人也速戰國之士其性支其言繁繁則意遠故感人也危漢人承盛而反微上述古詞大彰性教亦可以化民易俗也晉魏去漢尚近言皆宣風惜乎其氣不上不能拔華以法天情之真耳六朝才人四起身值衰運率遭不王雖能博綜百氏而不外乎妍綺一機故其言皆叛性以建情因物以繪象援侈爲氣崇引爲格然或可以模致興思而求其所謂敦本正心者則已寡矣唐起靡敗挾和洪音律詩大振外多清婉而內不失諸性情之經嗚呼鴻蒙旣散古選遂亡雖有一二作者不過糟之餘爾宋尚理元尚氣去唐彌遠

續集卷之十六

卷之十六

九

至我明林鴻倡之唐風復來李何中興而秦漢魏楚之士翕然雲從獨孫一元以晚唐鳴于吳于是吳興施善陽諸家起焉同其作不同其趨取其中不流其僻亦可謂善于著述者矣善陽歿子蒙出其言之存者編而梓之宦誦之曰嗟乎良德不繇文故經而有章逸思多玄詩故雅而不激葩風麗致鬱乎有林而音道響應是不徙于歿者宜其言傳而不泯也故叙

送陳見五推府赴 召北上序

夫聖王御極則賢傑宣時紛政移風而紀綱墮俗龍

卷之六

卷之六

十

興雲從陰退陽進理則然也惟我

皇帝定鼎以來圖安大寶畧締冥合天啓其心十年之間而俊髦四起統贊嘉猷率成有道之世閭士陳公以達道之才明經之學赴鄉薦書既膺首解遂蒙殿選

天子以東南未安岳牧寡佐乃命公出推越刑綜正王法古稱越俗重犯法不以奢侈華麗爲事今則官刑橫措而聲利成風揆之止古靡能存于千百者也公方下車亟詢民務而傷其去實遂以敦仁用儉爲

教于是女無滿患婚喪崇禮空東履踪而民業益大政暇之日文從雲集開天柱之堂博論唐虞之道發孔孟之情一百氏九流之言貫三墳五典之旨玄風外馳儒林響附三載以往盜寇歸良野無夕警而又咨謀同德大建海利永絕潮患三月之間成梁二十有八沙田萬頃民利千倍公誠以日月同功江河並澤于古循吏或未過也荷歟備我

皇帝明德協天虛神求輔聞公庶績頗抗內欽以爲上才不可以卑屈廟堂不可以外需者也乃檄鳳使

卷之六

卷之六

十

召公入廷共圖聖治其徒吳鳳陽輩久公道腹服承恩化瞻戀西郊之旌咸生離悵于是求言于山人陳子欲以傳芳于口碑延休于玄石山人否之曰膏澤在民公之碑也道教在士公之石也士民流頌碑石何踰

送朱文充北上小序

文充將讀書于北宮乃涉錢塘入寶林之山問學于海樵子海樵子曰嚙行之哉爾素知夫爾內也積乎內索乎外非善致天道者也今夫水一決而千里支

分血注浚浚焉泝泝焉揚流而歸海解艇承其薄蛟
龍神其澤是水之自能致夫力也求其所以力者然
亦非水之能也積夫源而已矣子性質而才達致夫
力者亦已遠矣致夫力而猶不能得夫力者何歟未
求其源而失之積也且天彘宰夫吾內也非有所待
夫外者太真靈驅昭曜而不息焉應物也千岐而一
致累之而無餘歛之而不著若拙也而通巧適也而
彌遐入賢之奧而可以越聖人之藩得其藩可以乘
其虛矣是故君子之爲學也不行其行所以爲本也

卷之六

六

主

不擅其藝所以實見也不竟其言所以保神也不拙
其巧所以養拙也不擇其適所以積源也蓋焉本可
以善行實見可以盡藝言非神不貫巧非拙不廣然
道之適也非積其源而孰能哉子行也歸學之滙焉
才之苑焉及其致之也非有待于滙與苑也故吾之
所告者非吾之所自有者也反而來之其亦有自見
者矣吾尚何言哉

壽王龍峰六旬序

龍峰先生居于種山焉六十載嶮然一廬四壁黍茹

獸類混遊人無知名者惟能養性自靜渺參大化氣
與物交或時發響音聞之人傳之王府然先生亦無
所喜也寶林子自海而樵于種山見先生焉不言而
居席相視而笑子恠之進而言曰叩東海質人也居
無重廡食無比帛衣無積裘性鮮外慕惟以樵薪爲
適計以汗漫爲娛形以無辱爲榮祿不習世故不協
俗尚泊澹于無朕逍遙于何有茲一聞先生之高節
輒委身相從焉將圖其所以言也入見而不言豈不
言者有其道乎先生僖僖焉不語而就室子三息而
出戶立于叢林俛首而思之仰而歌曰惟天兮穹窿
日月代其功惟山兮崧嶽草木章其德人兮入兮道
顯于幽而崇于微匪神之樞兮其誰先生歌枕而聽
之扣缺而呼寶林子入而見焉先生曰爾名曰發爾
憂日彌六行內積五氣外輸始以見我也將否是其
察見增損其瞻越此造物之敵客吾不能事于斯也
故默而退聞爾歌中若有所通也斯可以言吾道矣
然吾道也無外能無多識非高非遐非王非霸非功
利以用世非智策以網人庸夫可以共轍孺子可以

卷之六

六

主

同生不勞乎勇而可以回天地不要乎衆而可以排江河然非言語所與者爾盍觀諸陶冶乎黃質成矩陽烈內煉二氣中交氣氣蒸鬱神工百變錚然而成器異者可以貢王公上者可以入貴署下者亦不失夫品用也故龜鹿以保氣延其齡松柏以潛華永其紀故吾以含元全其生且今之世也考闢紛薄機詭狡訾非陶符之雷不足以敷其俗金張之貴不足以驕其人祝駝之倭不足以遂其口吾無一于此也安得不避繁守訥以遠其禍哉寶林子幡然進曰至矣

卷之六

卷之六

七

哉先生之道也而能遠害以壽其身

別叙書送遠圖上贈陳見吾推府

見吾先生推刑越郡返醕崇功德德旣彰小大咸若流風于京

天王乃命書召還將復大任先生輕車便服入海之濱見海樵子而別焉海樵子擲斤于地執袂而言曰道無遠近而疑者玄焉事無難易而弱者齟焉上古之士篤仁而忘已建業而遺勞所以綜萬殊之緒而安一統之綱也是故龍逢之忠不言剖肝大禹之

績豈稱三過惟其行符天矩而政造氓禧千世之前不戾其耻百祀之後足立其模而貞輝碩輔昭烈宇宙豈徒剖肝三過已哉先生在越立身道區振綱法苑約變侈俗而不還仁風上度其行將入伊呂之堂君尼軻之牖令人元之有繫保天壽于無疆者也不其然乎先生曰我趨若爾子皆言之不敢後也請錄其言于是設袒于道命觴于筵繪送遠之圖歌銷魂之賦乃書其言于圖端

刻三呂集叙

卷之六

卷之六

七

夫聞發性靈括囊物類皆三才之德通八風之和顯章曰宿幽致山陵者莫先夫詩也詩之爲道用言以呈聲聲以成音音以合律律以諧調調者倡而有和之謂也故其爲詩者不難于建意而難于用言不難于呈聲而難于合律不難于諧調而難于得和循夫角羽之音而徵宮則不能統而和之必賴二變以倡五聲也然風鳴氣感清濁交奏固亦陰陽倡和之節不可間然者矣至于總異情之語叶二性之音御萬物之機成一家之製若上天列象而日星緯文震雷

騰郊山谷俱應蓋將近取于身則盡善盡美遠示于世則可興可觀于斯求之不亦難哉若魏庭父子謝家兄弟二王託芳于蘭渚二陸揚藻于雲間殊方易世惟得數人而綏情御機叶音成製皆能創一代之盛而通六律之旨者也嗣此以往代有其人近之作者尤稱捷足鏘珠絡綺先後相續也然升堂入室者幾人而已南明中山呂公久困雲石以詩名之于前二子尚質尚實起而和之于後詞皆典雅意併中和得律家之希聲振詞苑之新調也尚質爲庠士才情

會稽名山圖序

夫言因意求物以形測故麟鳳之生必觀奇知德犁棘之產以采爲珍石自根崇水從源遠是以博通之士不取邇而泄遠操玄之客常窺詭以求直故用理不滯而識物愈淵也龍江王子好古搜奇負觀尚

遠因命予寫會稽名山圖譜欲以馳思于鑑湖遊神于蘭渚探大禹之故陵訪瀛秦之封石目辯雲門六寺之奇心吊嶺宮九陵之跡西觀若耶嘉贈劉之清江北指塗山知戮防之遺甸東望五湖石帆遙逝南瞻思洛天柱傍嶂蓋將展王笥之金書邀陽明之羽客躡歐冶鑄劍之嶺凌葛洪養丹之岩覓謝跡于石門駕王舟于剡曲者也若夫梅山牛首東武卧龍峨嵋白馬彭鮑火珠亦欲以神襲而意收矣時予僑趾南園伏枕丹館賓駕紛來日煩應對常于臨案濡毫

送王白谷遷任大理序

白谷子今會稽三年天曹善其績遂遷大理評事會稽之民懷其恩士重其義大夫嘉其才不忍子行相與執駟塞旆趨起于途山人陳崔聞之三嘆乃往告曰夫鳳凰栖于莽中羽類見之咯噓而過焉神龍飛于天上鱗類仰之掉尾揚身悠游而相賀以其得所也古者舜爲天子以皋陶爲士穆王訓夏以呂侯作刑而君綱國憲遂明于四海今王風復行而下政紛出一德唯新而五刑橫措天下黔黎咸望平法而不可得有或當誣坐獄抵死不能分者往往皆然也吾聞受天之任者行天之化也懷世之憂者拯世之紛也白谷子性醇而才雅學博而政通會稽之民安然樂業而近遠之俗皆服法子之任也其將大之若此而留焉則孤天之任徒世之憂而使天下之民抵死而孰望哉士民聞之欷歔而退山人與子設祖于郊折柳于渠誦楊雄廷尉之箴歌江淹離別之賦白谷子欣然意若有所得也遂與山人分裳上鞍駕風而去

史訥齋六十壽叙

鳴野子曰天無常故統四時以延其化地無用故稽山海以厚其形人無本故俛諸善德範諸子裔以壽其身是故四時者天之權也山海者地之勢也善德者人之樞也子裔之所由也然四時之化非天弗行山海之大非地弗載善德之休非人弗蓄子裔之盛非善德無以裕其緒也故君子立誠以見天地之心靜幾以候四時之節廣善立德以昭一己之祉以固萬世子孫之業傳曰故昭令德以示子孫此之謂也是以達士不以齡脩爲壽仁人不以身康爲福智者不以金多爲富唯其后昆承宗用善光倍外無橫憂內鮮悖聞夫然則世延而壽遠人和而福臻家安而富享矣史翁年六十性醇寡連雅事農耒秉力家紀且能養親悅族禮長睦隣久安江鄉之居不鮮司府之應開塾教子頗踰典書孜孜于道欲將取則昔賢早已篤敬近遠咸善其才蚤志博歷大方務觀上國乃入太學徹其文藝吁嗟是翁可謂德潤其身而善授子裔者也友類稱賢親黨嘉義于其壽辰謀以進祝遂索予文述其盛美且以示翁后世子孫令其知

所感法也

送沈述之遊燕序

歲惟敦睦月惟仲夏沈子述之省考索之無微情遊覽之未憚居無善聞行鮮腐範乃仗劍擔奩翩然遠邁西歷維淮北極燕冀是時林鶴盤霧野鳥吟寒萬岷霞收雙溪日暮賓侶張祖于西城郵亭進觴鳴歌聆白楊之蕭蕭感孤鴻之嘒嘒撫景傷情會物生嘆于是皆有戀傳之色乃執袂而言曰夫美玉蘊于石故能輝耀日月而價稱連城神龍潛于淵故能變通

懷仙集

卷之六

十

鬼神而靈參龜鳳太上隱德達人避名務光讓榮善卷樂賤是亦未嘗遠蹈求聞而高風碩節至今稱焉子年未艾而聲譽頗彰門無外青心無近憂田可以食桑可以衣正宜養正怡善盤桓林泉胡乃託千里之浮踪振九霄之倦翼以為樂哉沈子勃然易顏進而申之夫守株待兔敏士之所不矜坐井觀天丈夫以為僻處是以馬遷務觀窮八埏之跡向長忘世飛五嶽之車况桑蓬有四方之志衣冠無九錫之榮者安可以齷然自處栖一枝以為得哉且燕臺為天子

之都戚里為賢人之匯越裳交趾有賢皆實歷室寧臺無珍不聚上宣聖德下烜人文魏乎難名郁焉有華故欲觀王者之風必于是而求焉况吾德寡芳隣學藩迷途謀伐燕于大匠倣琢器於良工者式衆質未谷陳子拂袍唯然長嘯遂與沈子分裳登道促焉而西

懷仙集後序

夫專功擅技之徒則萃精于紫閣潛道搜玄之客則遊神于青丘所以經緯絳綸延引造化者也然功無

懷仙集

卷之六

十一

長完之籍道有不靈之樞是以兩師外世柱史出關梅福假以入吳子房因之辟穀誠謂草食羽裳雖貧不辱之房桃谷何地非春岐軒冕為二途視乾坤為一瞬飛駢闐風之上厲節天墉之間怡愉光景寧復有形世之戚乎故達變之士棄家遠邁而不旋米藥冥遂而自樂選名山以卜居附飄雲而僑趾以彼方斯良有見也懷仙集者張子文東集九靈之流辭撮五英之芳語將以召三命之玄關塞九原之機路者也張子才性天且穎悟神通既臘九史百家之書復

究青囊玉牒之旨亦嘗夢登紫府躬受金丹時傳目
為奇流羽客稱之靈器蓋知其夙佩道緣命兼仙分
者也故能術符邃古緒續上才潛形一竅之中飛嬰
五嶽之表遊息之暇纂成是書示傳同志予唯雅好
神仙旁求直訣屢逢方士靡不叩其微每閱遺經罔
不撥其秘矧庫學苑聯轡義途締契豈若康烈之殊
幾郭索之異造者哉故披卷感情咏言貫道受簡摘
文詞忘都陋且以為別日盟仙之符書云爾

冬谿序

夫尚志紛靡者則失踪幽遠悅神緇緇者則踰性玄
直蓋以至人立命惟道是先達士為生非理弗取誠
為大化有終玄黃視之一瞬人物若芥進造豈得徒
然外吾之言者皆稱霸敵擬功于談咲許死于斯湏
君子之所弗圖賢雋名為異路歷古所耻也然有厲
趾靈虛躍軀汙土振袍極淨之衢照心不滅之界並
轡儒門開教中夏卑才觀之迥若天外麗質方之渺
如鑑中而風前牛馬豈可及哉吳僧方澤含髮靈光
巢形枯寂車乘五行行超四流經迴八正之途踵踐

五空之路愛衆生于不捨行慈道于無緣且能總攝
詞林遊精文圃五經貫若魚群百子積猶珠浦觀其
吐藻成篇抽思叶韻無非秦漢醇醪晉唐樞紐復以
時事更情塵寰繞意故欲屏跡空門遊心五岳遂得
近境沿流成谿谿栽松杉萬種盤結雲霞林徑冷然
不尚花卉夜半天風四落萬籟清森僧時獨展經
一部坐對北窓石案飄香定心契道是雖掩室塵靖
杜口毗邪拂衣雪嶺之間擴法鹿園之中者為龍吟
于此也于是心景交孚情物雙締乃自立扁號曰冬
谿意取群生息動萬化歸元陰氣既舒陽光獨耀
猶七情未發一理攸俱而外誘暫滯內天自見者也
予觀金焦駐蹕橋亭既僑空界靈丘得入冬谿玄奧
與之傾論涅槃若法臺縣鏡展談文藝如學海奔流
知其為釋門之絕駕儒苑之新驅者也因出華卷用
索文圖喜是芳逢頓忘妍拙

重刻遊燕稿序

嘉靖己丑夏四月朔周子允大奉妣如京秋緜既旋
霜蓬經思感節肯之異候驚風物之殊情懷黃鳥于

南方瞻白雲于北極且當風雨日淫波濤夕湧之頃
莫不遐眇消魂撫景生嘆而千里孤踪三秋獨客豈
無言哉于是值感舒衷隨途述咏得詩百首皆能涵
泳性情括囊旨意漢唐骨而唱歎之音俱宣李軌
陳驅而步驟之製非一擲之金府亦可諧聲列在星
躔俱能散彩誠天孫之心錦鯨人之領珠也意則猶
夫士衡行思浮黃川而作賦有吾北使赴瓜步而成
詩班氏擅藻乃作東征江子摘華難忘北返鮑照還
宋都而記懷謝眺望齊邑而成句是亦其履歷區同
升情域而四方志士孰能離此者哉且夫言以陳性
爲寶詞以蓄義爲珍意貴拙玄事慚失實故七子專
藝于魏邦四傑吐芳于唐世非若長吉鬼辭彌明性
語而意淵言僻人莫之知也是稿子嘗叙之蕭山來
子禹刻之奉新道遠人稀多妨傳閱今復取刻本梓
于山陰將使雙龍之劍復入襄沅明月之珠仍還合
浦非獨吾越文寶可以遍嗜醇醪云爾

錢公六十壽序

大道啓玄關則形合陰陽之化神通宜鑰則生方天

地之根是以黃帝降節于崆峒穆王馳駿于西極蓋
至人抱氣日月羞明靈母凝真山川失質故物卑蟻
蔡能引稱靈龜非獮猴悟言入道是非外珍五耀內
守九精者何以達清華之區域遊太虛之都宇哉然
命先著龜故尼父有罕言之誠理存盈縮故先儒有
逆天之譏蓋丹丘玄圃非養至之所白鹿青牛豈托
化之群尺椹之內可以窺道于萬機寸舍之間可以
縱神于八表六行滋身可以上達片言垂世可以長
生是以啓期守于委順莊周假于寓言顏回求仁于
一瓢陶潛怡志于五柳是蓋策輓聖途驅軛道苑體
身實德遜心宜漠者也錢公者霞林之秀鼎泉壑之
鴻材散康衢之芳襟踐箕山之逸足春龍翠雲已同
南陽之客石床卧月復類東遼之夫容隱龍章心含
鳳德天經緼性人度孚倫進退有儀欣百拜于四座
慷慨能信重一諾于千金生明化理耻爲鬼力恍惚
之談雅習儒風不作神海逍遙之樂故能統緒于前
英變耀于后哲也然青螭玄冕未承一葉之封玉醴
瑤盤先接八神之慶龍笙鳳竹傳響三山碧霞朱桃

披香四麗南星耀采扶北斗以呈祥東日舒金啓西
川而納祚珠冠錦袖舞老萊于風庭豹輅鸞扇降王
母于天漢公方雕闌倚醉咲與花舒玉杖扶遊興同
雲逸雖螭回連石而銀燭猶燃樂輟咸池而酣歌自
振蓋有與萬物而忘生倚兩儀而同流者矣故五紀
之壽未足符植百歲之歡尚當踐此雀簞小子和鳳
枝之希鳴挹芝庭之餘馥共托竹林之契重延蘭渚
之風立言榜德非力所能禱吉稱觴于情曷已序

長門四時賦序

漢書卷之六

十六

夫三墳塞流則九丘失別五典喪度則八索潛幾
王殿居明道縉業垂功而五經之化猶日長光六詩
之教如川斯逝光者被之則和逝者流無不續是以
楚騷嗣經漢詞託興自此遂有建兩京之芳談張三
都之偉跡羽獵長楊之盛上林子虛之華茂先博物
思竭鴟鵂正平擅才名成鸛鵒富誇平樂之館綺增
銅雀之臺永則莊已之時命憤則賈誼之情誓安仁
樂靜閒居遂成仲宣懷鄉登樓斯作大則天地幽玄
之理小則品用物類之情遠章山川江海之奇近記

耳目觸感之異枝分節析風通音遺體非一條名難
盡述然皆為握珠雕王之文飛兔騁驥之作星虹避
彩玉石爭聲蔚然變觀鏗然激耳其制也則以情義
為主事形為賓假象以畢其辭敷喻以陳其志布條
葉之參差以見夫政俗之備惡發鼓吹之溫烈以寓
乎時化之興危比不直暴其根與不徒造其址必援
小以諷大託虛以証實因功以誦德明正以遷奸皆
則感發其良心惡則懲創其逸志可謂可興可觀而
盡善盡美者也張子其弱冠博學游藝出入諸史驅
轍百家力可知新才能述古文林達士視為通人詞
圃豪賞共稱大手暇日游息于蓮花之館行讀于美
渠之濱目遺相如之賦心感長門之事且憫其有楚
聲之哀而羨其得周風之正影以形生聲隨響應于
是歷觀前英邈采群藻外遺珍玩內抽玄思遂擬而
賦焉辭非一篇廣之為四目曰長門四時賦猶言春
則花有重榮而人難再少夏則庶物方盛而紅顏先
零秋則羨牛女之當期悽參商之異軌冬則時已歸
成而老將誰倚雲裳雨袖空承夢裡之歡鳳簪羊車

漢書卷之六

十七

不復瑤中幸瑤堦與愁俱生王殿朱桃蘭容
漸落柳腰愧楚難微蓬蓬亭曲慚吳終成嗚咽心傳
綠綺孤鳳何求情托琵琶思惟焉怨吊影荷池之流
感采蓮之已暮比形月宮之女欲竊藥之無由倚闥
扇而成歌憶卷衣而增歎怨而不怒哀而不傷意則
似于感君恩之尚厚恨已德之未脩咎戾行于既往
望天眷于復來者也詞匪宏侈制由簡約實主條章
比興交蓄誠上世之流音近代之奇譚也欲引古以
証今述馬賦于篇首欲存往以考來刻芳梓于山中

卷之六

卷之六

六

且以校藝殊方娛談同志云爾

壽陳王虹母夫人八十序

海樵外史曰吾嘗論夫壽者有三道焉處心康裕樂
善遠害者其名曰人壽居于名山大川平靈吸異守
靜而全元者其名曰天壽生子英哲行道流譽以顯
父母者其名曰餘壽得人者心怡得天者身安得餘
者賢遠然世亦未見其能全者也予昔放食南徐得
與王虹竹區諸君遊今再至已四載于茲矣竹區
君謂予曰王虹母夫人年八十有子如玉虹者吾黨

得無爲祝壽乎予爲我言之予曰嗟嗟予嘗與王
虹矣故得聞母夫人之賢也夫人生于大江之濱孳
氣弘博建操清貞孝大人而能終事夫子而能順夙
夜惟勤日振家紀是非孕山川之靈而處心康裕者
乎且復相夫教子擅名文學遂領薦書吾知他日標
刀于民社布澤垂休傳夫人之教遺之世世不猶行
道流譽以顯父母者乎吾所謂壽者三而夫人得以
全之夫氣厚者支必繁德備者祚必遠予賢者家必
昌而王虹之後吾知必有光大其業者乎諸君曰是

卷之六

卷之六

六

三者足以壽王虹母夫人矣遂錄之

壽施虎泉母太安人七旬序

余爲越人弱冠即北遊

明京時蕭山童內翰舜圭尚布衣寓長安慶壽沙門
武林施引之寓御河橋西余寓雙橋衙衙俞鴻臚外
館外館去沙門近因得與舜圭交游以舜圭始交於
引之自此三人往來若兄弟未嘗有一日不集飲論
詩詩日精聲亦日振以是京國縉紳大夫皆知余三
人以詩交後數月舜圭以儒士奉例入內閣余亦與

引之皆南還武林武林余素無與者因引之始稍稍得其人余每與其人坐引之若溪草堂論詩則引之母太安人躬為主酒黍煮茶湯往往至夜分不倦日論日如之尚恐其子不進於詩而余輩之不能盡論也當是時余輩皆以九臆斷髮之賢方太安人矣時太安人居寡年四十有四余與引之止弱冠有奇光華代謝奔走遠遼倏焉回首而太安人則文七十年矣夏六月廿有八日引之乃開壽域着班裳偕其弟履之祝母壽而樂之余適避暑西湖之濱舜圭亦渡

卷十六

幸

江養病山因得具幣與姐躬逢茲會三人相視亦皆蒼顏皓髮追思京國論詩之日則已二十六載于茲矣因持觴上堂拜而言曰世人往往以富貴交游一有衰落輒若參商者不知其幾矣引之惟以詩酒為社好淡然榮利之外竭衷傾義遠而愈至是太安人之教也今安人居高堂享遐年顏如握丹髮若懸絲步履翩翩寢食無恙朝鮮外庭之禍夕無內顧之憂是引之伯仲之孝也福躋中命靜養堯深抱貞服一身安而神怡山海同性日月並年使引之日聞

母教刻行勵志而益所未能則凡資於余輩者又不止於當日論詩事耳是余與舜圭之祝也是故子非教不足以立身母非子孝不足以悅老壽非祝不足以致遐余謹太安人無擇於三者

馮禹山詩序

人之言曰世代人文興元氣上下豈誣人哉蓋本實則華聲盈則反天道磅礴推移周流今古皆然矣故曰五帝殊時不相沿樂三王異世不相襲禮也故我武廟之世則有李獻吉諸君之詩作迄今

卷十六

卷十六

幸

天朝則有高叔嗣諸君之詩從而和焉者獻吉輩主雄毅而附宣亮叔嗣諸君則皆平雅玄淡而出自性情之中故一時氣運之隆聲律之美於斯為盛矣讀馮敬叔詩才情格旨當在二家踐徑之間則又為作者一變云其間多主初唐間有東漢及盛唐語意皆高逸音復清麗人一誦之翩然皆欲凌凡汚而軼雲漢也後簡繁文章數篇俱出入兩漢庭戶章句之中而古風宛在嗚呼國家世運豈不益有徵乎敬叔與余為同鄉門巷相均嘗與論詩學交游久矣後乃取

祿滯 京邸京邸之勲戚大夫咸以敬叔爲才實而
結納焉其張有功徐龍陽王九岳諸君尤爲同調居
數年敬叔始得尹滕縣縣境當邊省風多鄙陋存心
出政蓋無有以知敬叔者敬叔之才於是亦蒙於下
僚之內三載遂抱鬱以歸庚戌夏四月余方旅食武
林敬叔又將入京邸過余館別焉且出詩帙言曰京
師之衣冠文藻之士莫不以子爲子友也請爲我序
其詩予曰予爲敬叔友知敬叔深明矣今立身而有
言也予非彰其言誰爲哉因對敬叔作序贈以行

海樵子遊吳之明日路逢一客古貌朗目服短葛衣

卷之六

廿一

醉中序野航卷首

海樵子遊吳之明日路逢一客古貌朗目服短葛衣
翩翩不群長揖而前海樵子問曰尔姓氏爲誰客曰
爲吳氏其名云何曰忘矣曰人將何稱也曰稱野航
何籍曰籍于航何來曰真州來尔復何返曰返真州
然則來返者孰爲也客不言仰首而咲意若有所自
得復問曰尔從何人遊在吳則有伯虎氏枝山氏文
太史氏在揚則有南泠氏平橋氏荆溪氏武林則有
青門氏岫嶠氏虎泉氏南衡氏十洲氏華山氏數子

者皆以文藝遊而以誠相久者也海樵子異之知其
爲德人假一航而避其世者遂携至旅舍相語終日
心神內交形容外遺瞻戀而不能舍三宿而後去海
樵子執衣而贈言曰尔自昔涉江海歷嶮巇推移世
故遭得失之變進退利害瘁形彫色流連歲時皆以
任夫一航爲得耶予無然乎尔也夫形者氣之積也
神者志之媒也事損乎形而根乎神神應乎變而神
不有形主乎事而形不與焉尔能遊神于太虛故雖
事淹于方土而不敗寓形于一航而自如周遊南北

海樵子遊吳之明日路逢一客古貌朗目服短葛衣

卷之六

廿一

逍遙于川雲江月之間飄飄不滯萬化與之往來不
藉帆檣而兀然中驅不事檣纜而躍焉前邁逐魚蝦
引鷗鷺洋洋焉而不知其所窮者是尔之忘于航者
也豈不樂哉客乃惕然感悟遂笑歌鼓棹而去

送費民義歸鷺湖序

費子民義少礪典謨長通子史內足軻才外章邕藝
諗機于書畫抽思于雅頌芳詞所舉則花鳥愁春王
履所經則江山愧勝雖日下之鶴難矣先翔雲間之
龍宜乎並見者焉茲復心專閔曾之孝義重辛左之

交俟農昏于宦途締金蘭于旅席于是吳江秀士越里文徒莫不排閣傾談聯裾啓秘張庾床于玄室羅徐榻于中庭伯子揚絃玄暉論道蓋將畢丹府之靈趨而徹古今之幽議者矣予昔伏枕巖居致虛靈麓著書行志體道求真足無餘履之地目無外續之色妻奴困頓朋舊蕭條子乃聞風感類因聲求氣翩然顧我于丘壑之中訂心于塵寰之上傳林通情鳴絃攄積連緘詢耗接杖追歡方之越父逢嬰而無絕交之語仲豪遇范倍有據信之誠雖張范剖心于叔堅

海樵先生全集卷之十六終

卷之十六終

高

傳幹比恩于張子盟深契固則亦無以讓焉子以青雲馳心屢發滯時之嘆黃槐引興倏動懷歸之思又毋命行賓朋戀跡驪駒繫駕僕夫登途予輩設祖于西征之岐盟操于北寒之候昭宏業于八方結幽期于三逕乃告之曰夫學無窮鄉神無定舍昔授百裔之禎道遺萬古之澤雖斧鉞在前視爲成仁之具金珠盈橐憎若染惡之塵天時靡常物換惟覺惟子是行也序

海樵先生全集卷之十七

南海星野盧憂陽 校正

番禺瑤石黎民表 編次

記

復蘭亭記

蘭亭在吾越蘭渚之上實晉賢之遺勝世遠人遐棟宇頽落址亦榛蕪曲澗雖存又非昔時觴咏所也余每探其跡俯仰上下悵焉興嗟同簡毘陵唐太史請倡其事不報值吳江法曹沈公出守吾肥之明年廼

海樵先生全集卷之十七

卷之十七

七

於表推府燕次告之公博學好古一聞余言即慨然於懷舉廢存遺直以已任於是與余入山遍索其蹟偶於畎畝之中得其故地遂各捐俸構亭復舊制增新流嘉林載茂名山益崇清湍仍激於左右惠風不減乎疇昔余乃從公登亭上流觴而咏焉山川不殊人物非故高懷逸調僅存石中之言而人不可作矣嗟夫內史在求和以清真之才振文倡會一肯宦路之賢應響而聚山僧遺老咸能奔走其間遂爲一代之高事惜乎止於觴咏而已爾設使出所蘊之學內

確性情外籌世務互詠治道繁紆經濟之事代相模
尚求垂諸士之賢則其亭豈得與榛蓐同腐哉所賴
芳詞絕翰流播人寰若寶金玉故遐荒異域至今猶
傳山陰脩楔事也柰何人風漸移情興亦改雖衣冠
接踵鮮有及于茲者公以良才撫越不奪民力一旦
亭於榴鬢之間四方覽古之人始得有所瞻止豈山
之靈必俟其人而啓之歟或者天道進退物理廢興
亦固然也其亭公新之越民樂之人遊之後世稱之
則公之遇斯亭也亦幸矣

嘉靖庚戌

卷之七

二

九日登虎丘山記

嘉靖庚戌季秋之初余方旒食姑蘇嘗值重九海峰
吳公偕其五子駕樓船列酒俎載絲竹招會於虎丘
禪林坐見天日高朗才賢四聚清泉鳴於劔池閒雲
流於法石金風淨路萸菊競芳於是採菊分萸以延
歲祥以記會者之數得一十五人皆一時衣冠文翰
之士酒飲半酣廼復攝衣攀蘿共登高山之上捫雲
漢以舒襟望山川而懷昔覽興既窮人情亦暢雖古
龍山藍田之醺恐亦無踰此也嗟乎良時可得勝會

不常樂極易悲盛者難繼自古皆然矣何況主賓異
地出處各途者哉今日之樂又爲他日之思少壯相
顧修焉回首老大隨之矣不益有重於斯會耶四座
聞之愀然感歎遂成酩酊主人分韻賦詩即席俱就
下山促歸惟殘燭之映窓落月之在水也明日客各
錄詩成卷屬余爲文圖以記盛昔故事云

流觴叙別記

嘉靖癸丑之歲弘字王繕部既遷越郡之三月即擢
建寧倅車鞍馬將行山人陳霍具觴薦蔬於蘭亭而
別焉時涼雨新霽山光益明林鳥不語曲流淙淙羽
觴三行霍乃愀然興思抱膝而言曰夫人之聚散豈
不各有時哉然惟賢豪之士爲能見幾測變達升沉
之故每一有所遇輒遺落身世縱浪大化之中欣然
成趣曾不以得失寵辱繫懷及至時移事遷追憶已
往之樂皆若夢幻則又感之於思未嘗不攜文嗟惜
也在昔永和右軍以一時文物之盛集樂於茲賦詩
酌酒遂成曠世奇遊述文記事寓今昔存亡之情畫
辭兩絕然其間多有祿仕之人故後踪跡漂渙處者

嘉靖癸丑

卷之七

三

則怡志立園達者則功名四海雖欲復踐當時之會
不可得矣遂使千載之後視此勝事愈爲難及今繕
部偶以他往暫得與崔流連茲亭慕前賢之高風泛
觴曲水散襟咏言坐見清風生於脩竹飛泉響於崇
山即其所遇可云樂也但恐情興或闌別離生緒倏
焉分手又成殊方之嘆矣况復長才繫念於廟廊善
政非居於一地他日緬懷茲遊又成故事耳古人云
萍聚不常勝遊難再信非誣也是知垂遠伏於所聚
悲傷生於相歡以今揆古不益有感於右軍之文哉

澹齋集

卷之七

四

繕部聞言却席浩歎崔於山僧索紙與筆繪流觴之
圖載言於其端焉別

山水園記

越城東南有隙地焉廣不百步蔓草交蕪敗垣四穿
余愛其市遠而逕偏人烟不隣惟前傍畝畝後臨古
河危橋脩木遠近映帶往來延佇宛然一村洛也乃
就其中濬池二百餘丈爲三曲若困龍屈蟠水波澄
深即池之西累土爲山周栽花樹蓊鬱披靡每至林
日半含則山影在水上下搖漾故名之曰曲池山山

澹齋集

卷之七

五

下叢竹森立若覆若羅支筇而入不異高岩窮谷之
中陰寒襲人萬慮俱遠遂名曰竹壑池中有堤一帶
傍植柳樹數百株春至則條葉舒青絲垂堤上望之
蕭然乃名曰柳堤引堤道爲池梁西穿山麓繞梁有
老梅雙峙時則淡香霏微疎影橫月其名曰探梅橋
橋通小軒開軒而見池客至軒際魚遊萍間往來不
驚浮沉相樂若忘於客也曰偏曰擬濠軒軒後復左
循一坡乃會於山路而上直躡其巔有亭兀然仰見
霄漢平臨泰望天柱諸峰星月之所照耀雲霞之所
吐吞捫危矚遠莫可窮際梁溪王仲山聞而寄其題
曰太虛亭而北數十步構堂三楹弱楸曲梁任其野
朴木門土檻僅可栖遲郡守江村沈侯通政甬江趙
公訪予坐堂上網魚爲黍摘柑薦觴乃顧其山而言
曰佳哉是山嶂若天產排拱中附列八山而俱也甬
江手書扁曰九山草堂

了心齋記

萬法無了了之者即道也道本無住住之者即相也
蓋貴有杭相富有得相耽譽有枝相耽物有在相卑

有辱相強有逆相如是之相皆名曰着着則礙心礙心則障性由是道因之離法因之岐無致其無住無量其無了了無從了佛無從見矣是故見佛之人遇相即了於凡軒幢袈裟之在前是相也過即了矣珍寶犂棘之在前是相也過即了矣都閑艷冶之在前是相也過即了矣一切闢狠悖詭皆見而為相過而為了何也蓋以性內本無一物道內本無不了者然若不了則天地不了其了之也運育無息光曜不了其了之也普照長存河海不了其了之也流行自在

群生不了其了之也反本隨輪一皆無所住無所着也是故見性之佛周天地其無歉運光曜其無罣碍河海其無尼度群生其無遺為其本來之根也夫性根於根覺根於道道根於了是故三乘六旨以了為宗以其宗外非了了外非道道外非性也微哉藐哉了之為教其萬法而歸一乎無邑之南有普濟沙門其僧廣愈雅累世相久羈孽緣欲求晚年超脫乃建禪齋一所請扁於余因題曰了心蓋欲愈僧因之以反覺也他日僧能覺而見心因心以致道則向來世

相孽緣千狀萬態一皆歸於了矣尚何佛之遠哉未來相界種種在前惟愈僧之善了其心也

日涉禽記

夫君子之居不因山而靜不近水而清清靜在心不在山與水也人或善安其所居善務其所學是雖展足之地則堂奧畢見而方寸之心則道義攸歸矣故學孔顏者仁歸之吾居其仁也學夷齊者義歸之吾居其義也仁義吾皆居而樂焉雖身處市廛之內其心亦清且靜矣又何侯於山水而後居哉昔莊周居漆園而見益達列禦寇居鄭園而跡益秘以其人不在其地也一邦陳子嘗讀書寶林山中山每多樵採有妨靜養之業乃於宅之南王李園中構屋數間焉園約一畝餘去市且不甚遠然草木交蔭林逕宛委日月外照禽鳥不栖人處其下雖朝昏莫辨也陳子愛其幽而居焉其居不事雕鏤亦鮮塗飾惟矮墻直欄環其前竹床石几列其內甕牖洞房泯然中處也一日陳子請余題其居余偶記淵明歸來辭有云園日涉以成趣今其園則陳子之所涉也而復構居其

中日與文人學士相往來於凡園之所有者一皆屬之是矣因書其扁曰日涉園陳子能推其義以增益其淵明之所不能者則善也朝涉孔顏之仁焉則仁爲陳子居之矣暮涉夷齊之義焉則義爲陳子居之矣陳子居仁義而有之則聖之海賢之江漢亦在所涉之間矣其所謂添園鄭圃者又烏足以置陳子足哉然惟陳子之善安其所居善務其所學而已因書此以記其居陳子其能勉焉否耶

江霞館記

漢書卷之七

八

平橋丁性宣才毅後污遠凡出自龍都僑踪沙許不習時紀頗厭榮祿怡形江上有龐氏之清風賓客往來無表紹之劇飲所居惟竹樹石房不事雕飾四壁炯然圖畫環耀畫若花鳥近窓夕有雲霧生案山川變見莫一其時架上古書數千卷皆三皇九丘之文室中常懸一榻下者惟尹敏休文之侶游士列門陳其藝至人入室叩其玄冠裳式車鄰閑伏羲與之稽古今綜述作萬論莫遺及其詢世務繁事謀片言若訥以故君子稱其德小人疑其行也閑居酷嗜風雅

諷詠忘食興至就頭郁然盈篇以沈宋爲醇騷以王孟爲常策對景圖繪咸極精微以是東橋西玄介溪鍾石諸公數重才志荆山水西青門王屋之士各篤情衷海內振風沿望成俗校其出入非中散之列襄陽之儔歟山陰陳霍駕游于海曲訪于河濱開館薦蔬互飲終日眺心于大漠之間望興于長江之上時則九霞散綺三島乘鰲霄漢倒流波濤逐曜若使智者易神仁者改目顧謂子曰竹溪之隱標以清貞蘭渚之豪尚其幽逸巢父厲塵于潁水廣成抱一于崆峒是豈外性以求適據異以達名哉亦各有以遂其生也惟子所處爰擇慕曠非清非幽遐入泱泱江湧則文渙霞吐則采章悠然臨之益將錦心內炳藻思外紆者矣非復四子之足以方其所栖明日語諸南泠荆溪二子二子曰倚歟偉哉造物致私靈秀發象所履非世論者攸良然不可以沒其遠也遂命霍題其扁曰江霞館

湖風湖月樓記

嗣猷者嘉興靈光寺僧也謝髮六十年噩然若遺性

醇朴極力經倡款上通淨門統綱真教惟以境瀕臺
途日煩禮接乃欲屏迹遐甸了除劫緣謀于同志嗣
明資工贊力于嘉靖壬辰九月朔日遂以本寺觀照
樓改築于嘉善奉賢鄉中樓束去二十里至三泖北
有震澤震澤即太湖太湖去樓五十里然登樓望之
皆在焉旦夕時有高風下天孤月懸戶長洲文太史
因扁曰湖風泖月樓獻時與明召僧徒集樓上焚香
講法或晝夜誦經鍾磬之聲達于霄漢條有所得則
閉戶枯坐釋念入定或一月或三月然後出出則抱

嘉善集

卷之七

十

石鉢被卉水流舫漫浮逍遙四郊神無妄累若飛雲
出岫來往無方者南有查溪百頃縈帶阡陌夏日蓮
花遍發望如落霞風時則香飄樓中人嘗謂如來降
世妙香疑空或曰樓在靈光坂非泖湖之區雲日雨
露亦皆有之而唯取于風月何也且聞釋氏忘物實
神顛倒其視聽若此得無碍乎予曰不然西教尚淨
照心惟光故高王以水月化形阿條以金銀作供蓋
將取物以寓道應氣以定神感變以一性是故湖泖
者道之寓也風月者氣之變者也乘時而感焉神由

以定性由以一故明道莫大乎取物曰有是哉然聞
四時代運故能成其序六位交流故能通其神聖人
投道故能延其緒若獻也緒孰延哉曰咨夫不漁于
海不可謂淵無針不獵于野不可謂田無禽不登靈
光之僧不可謂獻無繼也獻之孫曰戒言者宣教慕
善明之孫曰方澤者誠教篤學焉知後之作者必言
與澤也是足以延緒矣獻請文壽諸石遂錄之

說

樵說留梁南塘郡博

嘉善集

卷之七

王

崔本樵人也不知宦情亦不解宦而思退之義竊以
樵事喻於足下夫古之上樵樵意中樵樵山下樵樵
新樵意者不善斤斧不擇林藪乘雲而入山歛月而
還野得新不樂徒擔不憂饑則不食飽則溪卧惟求
身安於樵而心游乎造物混形忘途隨時出沒故禽
鳥群而不疑虎豹見而無害何也是忘於樵者也樵
山者上候晴晦下辨險夷行惟幽深止必高朗無沉
嵐而作瘴有流泉以供濯一有棘榛在前則重足而
不進頽厓橫空則抱頸而他往何也是心樂其樵而

未達其生者也。推新之人向曙而出，日夕而返，得新易利，利足而身怡，以勞膳口口充而心足，溺風雪而甘寒，陷豺麟而無悔，是嗜利亡命之人，非二樵之可共語者耳。足下青年抱才，遭此盛世，蚤通仕籍，雖所處少卑，而賴其多士，就化足動，爲範出言，成經半載之間，則懦者自立，頑者爲善，貧者皆賴其所養，上下稱賢，遠近一口以足下之才，固非遂志以今觀之，是亦可爲之時矣。縱無可爲，則當混跡下僚之內，怡然不憂，啜粥飲水，以咀道腴，弄琴咏杏，以宣情志，薄祿

濠梁集

卷之七

主

足以奉親，束脩聊可養體，使或道傍之人，知足下不爲樂，嘲之不爲嗔，出則被衣冠，居則酌然花下，惟以樂道遂吾性，不顧乎其外耳。若古人所謂縱浪大化而無所喜懼者也。如此則上不怨其君，而下則樂得乎英才之教，幼以學道，壯以行道，出於吏而隱於吏者也。霍請足下樵之三者之中而孰從焉。

贈沈劔南梅花帳說

余性近清虛，一切綺麗玩弄皆厭之，獨於息柯亭對萬山張胡床，籠梅花一帳，倦則就睡，夢冷冷將翔，無

住若與太空造物相往來，時或率尔得句於冲漠之中，一皆帳使然也。毘陵沈劔南遊山陰，訪余亭上，毘陵余舊籍，因歎曲鄉故，乃不獨同其地，而清才逸調與余無不同也。嗟嗟生人，知己古今良難，延酌分夜，遂同卧帳底，劔南睡去，自云其夢亦冷冷與余將翔耳。心憐此帳，又不俟其口而知也。惡數日，劔南翩然欲西去，余恨其戈在途，不能隨之以歸，舊鄉臨別，聊遣此帳隨劔南去。此余卧且有年，神乎氣合，無殊一良友矣。今一旦持以歸余之神，豈獨留亭上耶。

濠梁集

卷之七

十三

諸太夫人預壽八十圖說

余昔弱冠，與姚江邵霖野楊秘圖諸少白諸君遊，惟少白與余爲同庚。時少白母之年甫五十，有六計余親似不及旬歲者。自此余遂避世卧山林，少白亦業科薦，薦二十年來，自覺出處異途，所適漸遠。今春余習靜曲池之上，少白過余于九山草堂，把衣對面，皆已蒼顏，皤髯，論時問業，無復嚙昔爾矣。屈指余之親亦皆七旬之年，少白母云已八十，少一耳，俱幸其延景榆林，加餐無恙，遂各以親壽相慶。雖歲月之流邁

不較也明年少白以春試不能壽其母預以今春三月十八臨誕壽之即索文圖于余余亦抱玄閑關不得往壽少白之母聊寓西池暮景一圖託少白祝焉嗟嗟世俗之交與幾人哉飲情于榮利迎樂于狡詐一遭盤錯即若道傍之人憂苦不相共者比比然耳其視少白之于余道義終始以善行而保其親者亦難矣不久少白將往仕則當建功以顯親揚名以彰教是母之無疆壽也其視余之區區抱甕以淪沒其親者又不足與少白同語矣

海虞先生集

卷之十七

古

慎初說贈新庠士

夫出櫝之王其價必增揚空之鳥弋者必衆登籍之士其責必多而蓋物顯而後用人聞而後貴行成而相望者益大也吾儒負上達之資篤學習義亦久矣孰不欲致其道以澤世哉一旦名於鄉居庠序而學焉學成而薦於有司貢於

朝廷朝廷因其才而用之昔日之人士今日之王臣也民俗之所關綱常之所賴治亂之所繫以一身之微而統天下之責而其憂不亦大且危矣苟能致吾

之知出所學而爲之大家之所謂孝悌者推而爲國

忠義焉家之所謂存察者推而爲國貞幹焉身行而

力致曲周而逆施雖至衆口曉曉刀鋸在項凡可以

舍生而取義者皆吾分之當爲而不可逃焉者所謂

一日之所爲萬世之建標也若曰吾身顯而志遂矣

既富且貴矣任其欲而弗窒安其過而弗知如此雖

欲止妻孥之訾不可得又烏能障天下之口哉故曰

天道致化在於中凝君子建功慎於始進一或足將

進而超超志將決而齟齬是猶羸馬度梁半至而釋

海虞先生集

卷之十七

五

韁未有不顛躓而陷已者復安能望青雲之途驅天

馬之群耶

爲陳一敬寫百花圖說

造化之氣出陰陽而用於四時於是四時之物皆賴其賦以生惟草木無所知然黃紫殊色曲直異形花者妖實者繁而各施其能無纖微違造化之令是則草木亦未嘗無所知也人稟造化得五行之精其所能又非草木可共語者篤學慕義一五行自然之知亦非人之自能也希賢希聖要必不負造化所出則

已爾豈若草木之所謂妖而繁者哉設或自墜其志
荒淫非汚身位牛馬而不之覺失其本來之受而負
造化極矣又不若草木之所謂妖而繁者也余暇日
偶爲陳子寫百花圖條有所得遂書於圖之上方云
寫三卉說

牡丹色擅榮麗心含芬芳故能臣視衆卉不猶士之
值時行志澤流宇內者乎菊惟近幽并抱節傲世歷
風霜而自甘不猶士之完名田里樂善獨立者乎嗟
嗟周子何獨愛蓮哉蓮固出清漪而貞幹者也惜乎

海樓集卷十七

卷十七

十六

遭時不佳而能用直全已其猶君子虛心蓄德尚介
居靜者乎故士之窮也當如蓮富貴而牡丹道行而
退吾從菊矣是三卉始終而一義者也嗟嗟周子何
獨愛蓮哉暇日偶爲東武朱子寫此三卉曰繫其說
于上歸之

草木說

五行之氣聚而生人散則生草木草木於人若相異
也然人有脯鑿草木有金光長生人有龍比草木有
松栢人有顏子草木有蘭竹人主嬌驪姬草木有

牡丹瓊花之類以是觀之則造化之爲功無物而不
有也但人所有而復有其人草木之所有則忘其所
自有矣蠢然而相與寂然而歸盡蓋與人之世相授
受者豈不遠甚哉則造化於人亦厚矣爲吾人者當
思造化所以厚吾之故明心致知以求異於草木此
造化生人之心也少微持紙過息柯亭索寫花卉寫
畢復書其說云

寫荷花圖說

首夏陽老動極而上氣清以浮物稟焉相從故荷值

海樓集卷十七

卷十七

十七

之雖根盤於壤孕上升之陽故幹勁而中虛葉多碧
以淨花淡不妖遇風雨不縈其形陽之體也惟君子
肖焉及其羣收改候霜露漸零衆卉萎落荷不能獨
完亦隨以衰然其幹猶凌厲流表葉亦癯癯花雖解
有房而實可以爲世用是非荷之能易德爲之者也
雖然使荷皆梅杏類則亦疊疊然耳豈復能勁而中
虛清淨不妖者哉天賦靈於吾士亦厚矣設居不自
克培以大其用反汨於利欲顛顛作狂無以善始終
之餘其猶不若梅杏者又何足以語其荷

十卉圖說

余坼朱少欽持生繪索画予寫花木十種爲一圖與之根盤枝糾紅紫交映望若錦綺客有問余曰花木有春榮而秋落夏茁而冬枯有居四岢而長秀者生各有時性各有稟而堅脆係焉恐不可以一岢俱也余曰子但知花木異種而不知造化一用用一而變品物殊矣故節候有代謝而所用無停倪得令者進而榮成功者退而枯皆一氣之推流亦猶夫因才而篤焉者也子能辨草木之類而不知花木之天惟於

海養集

卷十七

大

画裡別丹青不知予筆端之有造化也余體造化而生物任無心以賦形總四時而合象此雖尺寸之楮而一天地在焉是豈予之所能知耶客良久悟曰得哉余知子一用之道矣遂書其說於圖

馮七卉說

余嘗論唐五王一被事甚高其義乃歎曰兄弟出同體爲髮倫之親一被非異事也然世道日薄人心支離一逐室好各懷其家物欲漸漬骨肉之念衰雖日對面心已膺衛矣况一被乎吾以爲唐之世若五王

者亦難矣余姊弟同體者七人每語食必群聚一所鄉隣皆羨之今年喪吾母事生多岐意亦稍稍乖別念昔群聚時若一夢寐耳因感五王事手寫七卉懸之齋中出入相對庶不忘連枝之好云

爲龔魯泉贊方朔偷桃圖說

余嘗過魯泉龔君家見壁間所掛方朔偷桃圖因索余贊余曰古今人好仙術豈非以壽哉蟠桃歷遐歲而壽者方朔偷之茹華服靈以延其年是天地假夫桃而欲存方朔耳方朔因得與天地長存魯泉得方

海養集

卷十七

无

朔是天以仙與魯泉矣蟠桃不暇計也他日魯泉感其氣悟其術超凡厲塵以乘其虜魯泉亦方朔耳豈可以寓形寄世者倫耶

別謝草函說

草函與余爲同鄉其年最少嘗慕余所爲人以余久客江海未得往來其門也去年余卧病蕪湖草函過余榻一語即契然以歲暮匆匆竟未得盡所欲言者今秋余自齊雲歸新都郡館草函則自山陰至新都復得聚首連夕觀其所作皆清雅綺麗果不異余且

爲人亦深靜素淡綽然不同浮俗也始知向所慕余者不謬矣余亦愛且重之亦有過於蕪湖所見時也嗟嗟世之人憐才慕義者比比皆是矣苟得一言一技輒自矜其能惟恐指其所自人問之則曰自爲之也盜名欺世蓋有終身不使知其師者噫其滋惑亦甚矣其去古益遠矣堯舜之道皆相授受藝術諸技而豈無傳哉草窓以慧才歷江海九所揮染一本之於余人問之則曰我慕某效某而未至也今見其日高志意日遠而人之愛敬日益至曾未見有因

海峽集

卷十七

十

其人而襲之者也今余還南國矣草窓亦將返山跡雖分而心則必同於今日耳草窓當終身不易言此詞林之幸也聞吾越之士操觚弄翰日振其風茲值草窓歸必有感其聲氣而來者倘見余言其不識曾有是余說者否耶草窓當爲一詢之

時道篇贈余靈峰

余子爲陳子塾師歲晏將歸別陳子陳子曰歸哉歸哉吾得尔道而欲喙也夫已以中立心以理存周萬物而不窒者是謂碩儒然通于用也而有時焉是故

庶工之藝神于適度良馬之能善于循途鴈鵠之翔也非宜霄則不能振乎羽滄豚之掉足必俟颺而鼓濤焉皆得以致夫力也予之所取者猶經也而不權遠也而不達約而不流莊而不舉是道之基也吾恐其不能致夫人矣于其歸故作時道篇告之云爾蓋亦有望于余子

漫題吳君映山卷

予自甲辰歲遊吳遂至京口上金焦乃渡江歷瓜步而止淮揚時竹區子在揚明日携吳君過予邸乃曰

海峽集

卷十七

十

吳君舊居京口與余隣且善近遷揚而善復不衰其性靜不樂煩擾惟好與文人達士遊每至一佳山水虜則欣欣忘歸中若有所契者余以其性靜得山之靈且舊居江三山之前龍葱之色長在窓几遂與號曰映山惟子識之予乃謂吳君曰予常有三得焉對山作文持觴賦咏臨花繪書然非此則雖擁衾閉戶嘔肺斷鬚亦無能爲矣俟暇與子居無案對山而文子之號無難也明日譚子邀予入真州至歲暮而歸越遂忘吳君事耳今戊申春再至京口屈指已四載

竹區又携吳君過予邸因言及昔年揚州之約即邀予入吳君舊居三人對面追憶昔所言論何異一夢寐耶開樽對山長吞就醉乃見月出天上鳥歸樹間欲更爲吳君文不能也恍惚記竹區昔所告予者而書之爲他日一段故事耳

寫花寄馬石渚方伯小引

古人寫花惟徐熙能含形而求其神非當世庸流所可及者至今編籍稱其藝近見吳中士子多繪花卉抽毫染素雖云究心窮致矣而傳芳清豔則全無

卷十七

卷十七

世

古人象外之神也余向來多病屏跡息柯亭上春時據胡床對景每思古人寫花與少有醒悟即筆于散楮兩月之間祇留僅似者數本累成一卷因呈石渚老大賞焉微樓退食當有品藻也

書張思楓千文草帖小引

僕嘗習書罔究所從積歲以來僅窺腴徑益知古人精到難及故雖海內交遊詞文往來不過漫寫楷草或大書應之然未嘗爲人作石中法書也戊申九月余偶自白沙歸度錢塘道經蕭山阻風于鳳堰因訪

舊友童舜圭張子成懷璵長老即携飲于子成芙蓉園居子成與余交數年愛予詞文翰繪甚至夜雄談抵醉乃復挑燈索書然不欲錄他藻但云得周興嗣千文足矣將秘于其家垂示子裔庶幾有則于塾庭余聞其言愈重子成之義遂摩眼奮倦抽毫作草頽然不知爲何狀也

易孟湖山字義說

湖山孟子講道于陳氏之居一日入東武山問字于海樵子曰子江也或有字之曰惟浙者亦以其域之

卷十七

卷十七

世

名于世者云耳是果屬夫義耶海樵子曰然歟非也凡言江者必述其浙是浙之外無江也然江豈止于浙哉繁紆漢泗羽翼淮湘吞沅澧引沮漳略味分源潯陽散派其至也四海不能匿其宗九州無以抗其流決濟瀟滄浩漑而弗涯是皆江之所爲也求其性也蓋亦有所從焉禹貢曰岷山導江東別爲沱是知水德無滯惟東是趨亦猶子之爲學也動輒萬幾惟道是一子一于道江趨于東水流適長變化易幾幾易其字曰惟東

洪夫人九十壽言

陳山人北遊淮揚託趾于三元觀明日集飲映山吳君家始得接洪侯言論乃知侯世系出戎胃而遊心文藝超然矛盾之外因得與侯及小亭諸君就酣運曙也自此侯往來亦不衰聯燈合俎則亦兩月于茲矣一日小亭水竹諸君過山人旅邸偶喜門外無俗輟遂沽酒與論世事因惜侯才之不能見用于時也諸君皆為之三息山人復謂二君曰夫天地施化必積氣而後形人之受質亦靈孕而後大故河漢承源子乾根泰華建象于坤軸豪傑稟精于先世今侯之才智則善矣使無上祖作則垂範恐亦不能若是賢也二君曰子言誠是也蓋侯有祖母氏矣貞孝之德流于鄉邦而勤儉之訓述于閭閻然以是而致壽也今年九十矣尚自康強無恙而侯之善德豈不有賴歟山人曰有是哉余因侯又得以知太夫人之賢也二君輩乃錄予言于軸持酒執幣登堂遂祝太夫人云

跋

功膺錫寵後跋

甲寅之秋海濱掠台溫遂及吾越柯橋之野劉侯盟僚屬勒兵相池擒之盡斬首百三十人有奇餘無還者捷入軍門軍門報

天子乃以金幣勞焉越之士人咸以言頌侯功德海濱樵人陳霍聞而嘉其事因謂士人曰荷歟僞貳劉侯之功及於越也如此而被

天子之寵命如此霍聞古者諸侯有德天子以九錫榮之所以表章元功監別賢哲也今兩浙夷害日甚吳中版蕩凡一接刃即遭殘戮有土者往往待罪軍門未有如侯之盡獲其寇以全吾越者也而其得天子之寵典宜矣事聞各邦倘奮然自勵皆思所以全土如侯者將見誓心戮力掃清

東南為太平則

天子今日之典又不獨寵榮劉侯而已

馬廉訪所藏草書跋

予觀是書墨色鱗鱗皆近古筆法流逸似唐僧縱橫似張顛清雋似獻之懸之屋壁郁然成文當令凡眸

失俗矣但轉達無圓鋒結構多潦草點畫之間尚少前人意興恐亦後代豪賓醉中書耶

跋祝允明墨本後

祝允明書爲當世推重人欲得片紙隻字不異入淵探珠耳其窮畝僻邑尤茫然無見者由是允明書益見其希且貴也蕪湖固要地人多涉榮利而疎文翰間有一二好者又不能辨允明書真贋故至于今未聞有藏允明書者獨黃池鄭子得其本而藏于家性固博古好事然亦不能辨也余在蕪與黃池后岡輩

李七

李七

李七

游一日論古今書法因出允明手墨一本示余中間作數體而至精者特小楷耳知其爲允明少時書無疑矣嗟嗟古今書恒多真贋然識者能辨之地無要僻好事者能得之黃池居蕪而得允明書余知後世必有稱其好事者則又知允明書無地而不有之但無辨之人也余自垂齠輒好古人書法臨池四十載而海內之人遂謀許余爲能書而蕪之士尤許之深者也故余辨允明書益相信耳因跋數語於末簡便千載而下知允明書之藏于蕪湖鄭氏者亦爲真本

云

序史氏族譜跋

王子曰觀於史氏之譜可以徵世德矣夫史始堯于晉之平陽明興以來自忠公以儒術起宣德中爲兩當令故圖譜衣冠者遂作祖焉間世之後有諱英者尚遊秦隴仍家兩當經田宅樹丘墓迄今百載族日以蕃而人才彬彬矣嗣是輝映宦途者曰介賓曰雲溪曰南塾代不乏人而我康齋公尤早膺青紫歷仕有聲卓爲當代之英也按其家世相承敦學術崇禮

李七

李七

李七

信斤斤謹樸有先王之遺風焉故邑里譁然歸重播名太史非其世德之徵愈遠而愈昌耶夫世遠則遺亂易生族盛則凌忽易構蔓延浸滋其庸忽諸今康齋公乃謀諸史氏倣通考之例隨分序列而世次本支咸若引貫而弗或少紊其規慮弘遠矣夫聖王尊祖而敬宗正統以收族植人道也故忘而弗識者陋也附而強麗者二本也倚以自矜者鬻也伎而胥雲者賊也噫斯弊也矣是故君子立仁以存親執義以辨分飭行以彰志溥愛以洽恩是故遠而能思邇而

能別鑽而能迷群而能比君子知此四者自道隆而
化敷教行而俗美有裨于述作之勤矣是譜也其殆
進於是乎余與康齋公適萍聚于楊之公宇因嘉其
譜成而漫識于終篇

駁馬承道友訓篇

夫道本天降而德由已行學有真流而言無偽則故
孝弟為聖愚同驅忠義與死生共節近疏家經遠統
國紀古今治化由斯略也然大小異條而言者理無
殊貫是非萬目而辯者情歸一機斯匪身刻六行心

雅集

卷

八

明九經者烏能追亡羊于岐路化螟蛉于一形者哉
是以德貴同隣學循先軌取材于大匠效模于良師
則世無失規之器俗有興竟之風然欲求其人蓋亦
寡矣是知馬氏之訓為斷轍之新樞淪陽之反耀若
體而行之則戒駮之頃當極龍遠轅輪之時必窺將
羽

謝與槐少參詩集後語

余與與槐先生交二十年每見其所為詩皆慷慨宣
和得風人之旨近自廣右來率多冲平之辭承旨括

意復臻玄雅乃知歷宦道途博悟遐遠日多所自得
回睇前章似又入室奧而自居是非藩窺路語者所
能及也先生固家學法傳又得天授之才注精百典
協律六義故一措語人輒難齒今其海內稱名家嚮
風退舍豈非宜哉夫詩為一代之樂樂之盛衰可以
高下世興移人俗近惟天下事劇風氣就漓邊徼
不安民業漸薄士多尚利欲而厭儒素勤怪誕而遺
中和使他日奏是詩於廟廷之上近肅百僚遠被庶
士淳風四馳當見士俗反善政令作廉刑器不興禮
教日長朝野熙熙復覩昇平之世是不有望於先生
詩哉

雅集

卷

九

別皇甫百泉僉憲手冊後語

予弱冠起詞林即聞百泉先生之譽內慕久之然以
所居異方出處各志無緣握手遂成嗟咤茲秋偶入
吳門先生方家居招予坐雨草堂始得傾論分夜云
將戒裝北邁赴曹當政使積懷未暢離緒先繁嗟我
人生會晤匆匆若此良足悲矣先生因贈二詩辭情
絕世慚予才劣不能振聲合響然廿載所向千里分

携含悽在中似不能默強賦七言二律答焉先生出冊索書併繪一圖引其端云

梅使君畫冊後語

憂居隴上抱拙自娛造物與游竟忘爾我矣宛溪使君適寄北冊索畫余豈敢專哉然竊見上世畫點畫不几意趣高遠非吳中近所謂畫者比耳余目摹心印積有歲月吟窓之暇會景抽神目物寫意累至三月遂盈冊中不自知爲工拙矣嗟嗟古人所謂陶情於物寓象於空者余實有在焉

海樓先生集

卷十七

七

寫荷寄沈江村使君後語

余去歲客真州避暑于資福沙門前有二陂塘其廣若湖水上皆種蓮風至花如翻錦蓋若凝雲清香習習宛然維摩降世予以煩襟得此聊足披濯故日夕坐水畔自覺身心冷然忘歸也近山居杜門習靜久不奉江村使君嘉談其清才勁節儼若在前勤我蕭慕追寫資福蓮花一卷寄之中間雖寓盛衰之理而其始終技巧自有君子挺然之操耳若曰趙昌畫形徐熙寫神是千古繪林絕手人不能及也予故舍形

神而寫其意云

評俞是堂負外去楚諸集

目讀去楚諸集其視唐之常劉無前焉蓋題物者不失其情旨玄而有餘言雅而自得非六朝唐初宏麗者所倫耳夫古今詩不難于宏麗而窘于玄雅玄雅之辭出乎情宏麗之詞由乎氣氣善養則定定則入理用則流流則蕩情故蕩者之言宏以麗理人之言玄以雅茲非足下善養其氣其孰能操觚至此哉奈何諸君竟亦未事斯語也近惟唐荆川陳后岡高蘇門蔡白石董溥陽施武陵數子各世之才上古之學而能超脫宏麗獨擅玄雅後先起江南而海內響應足下固先已揚戈入室而與數子羽翼風雅以成一代人文之盛者崔不佞然亦竊同數子之志今復樂閒居尚靜理日與方士道者遊音律之文漸成委棄故自亦不知其何似也

題吳画士白描九歌卷前

画家有白描一種其來亦久矣至李伯時趙孟頫始發玄微天下流傳至于今益重焉然白描比丹青爲

尤難以其無塗飾點潤而飛毫拂穎之頃其神狀宛見於目睫前也非雅能潛精蓄思者不足以語此吾越自古無此派近見吳子能描之每人前據案隨題下筆萬態迭出亦靡有弗佳者蓋知造化在人故能曠世相感無間遠邇耳吾謂子之画必與伯時孟頫並傳矣

題仲昭竹小說

仲昭寫竹學梅花道人而復變之故枝葉多清逸窈窕有似居翰林時狀也此又常人所不能耳大抵寫画須不失本意爲佳隱人画多幽遠僧道多枯淡婦人多媚官宦之士多崇高曠遠之景能一本乎養心而已心虛而靈靈則化則神通通則天地之景皆囿於吾心矣仲昭其知此道者耶

南海星野盧夢陽 校正

番禺瑤石黎民表 編次

傳

乞市者傳

武林山中有乞市者衣裂屨穿貌舒而心逸索人食獨寬一市人疑以問乞者則曰吾乃從戰卒也主軍陣三歲而不一敵吾卒多被死之者惟吾以善走得存而餉固給不若往丐之爲愈也市人聞而責之曰尔何不義若此矣今海夷之延禍也民業凋瘵農蚕不時口體而僅遂者百室而無二三在也吾延頸以望戰傾耳而待捷日夜皆是也尔何無以自奮亡命苟延處至下而不思耶乞者俛首涕下匍匐而前曰吁公謬罪我昔者士卒連部運旄而示令者惟主軍一人焉軍令吾進則進之令吾退則退之於九策畫變見以出勝負者一皆主軍之所施非吾卒之能奪也今府庫之入歲且七八而布於召募者六焉坐飲卧餐曾不知習練之勞奇伏之訓一旦赴江川昧地

道突然夷來弓刀自廢當是之時惟知走之爲勝也
主軍不能以自罪而歸於部長部長不能以自罪而
歸於行伍行伍不能却且罪且死矣吾安戀斗升之
餉以寄命於卒哉故寧以乞市自終耳雖然吾乞有
年今亦有得於乞者吾自朝至夕經千金而千乞焉
然與之者不爲喜抗之者不爲怒多寡亦不爲計也
饑而食焉飽而息焉或絕吾乞亦坦然以嬉無富貧
之動慮無骨肉之累情遠鋒鏑忘勝敗逍遙乎閭巷
任所寓而爲之家今吾年且六十餘矣以百約之則
來者少而往者多也知其進亦不可以成功拜疾故
退而乞市以全其身耳非袖手視敗以甘爲不義哉
陳子聞而嘆曰若乞者似亦有道者之流歟余嘗觀
上世百勝之師矣必先練士卒以待其敵一或勢有
不可則出奇設伏以收萬全之功今安有不習技而
能幸勝者哉乞者知其故且自度師必無終遂乃匿
形於污流以遠禍害隨緣寢食淡然得失之外其較
之千金之子勞薄算計費直爲子孫憂消長抵死而
不悟者不亦遠甚耶

庭鳩傳

余舍後有屋數椽歸然環峙楹欄宛委控引不斷人
登而望之不異庭榭然耳守僕性愚無能每客去惟
箕踞就睡雖撻之不能改乃置數鵠庭廡下令養之
手水穀旦夕鵠或飛翔空中僕奔騰上下掌求而口
召之惟恐失鵠所也及至必伺宿與闔籠然後自往
畢食夜則夢寤惕惕慮有傷鵠者居數月習動成
性雖欲復其踞就睡不能矣庭之後即龜山山常多
野禽栖樹間有三鵠每見其鵠出入山澗聽其鳴
同也視其羽文喙爪亦同也鵠因與群隨逐鵠亦無
疑也遂同散漫林薄或馴行庭堦舍食而吐哺比翼
而歡呼意若得其群而樂焉者一日鵠隨鵠亦飛翔
空中值野鳩群而過之鳩視鵠覺大相殊也其視野
鳩而鳴同也而羽文喙爪同也於是忻然隨其群而
去焉於鵠若無所顧念者鵠乃望其鳩而疑之曰彼
或非鵠耶否則何遽爾去栖無名之林以自卑耶抑
爲群所惑且往之而後返耶山之南有樵者見之因
笑謂鵠曰尔何一愚至此哉彼鳩之與尔不過羽文

喙爪之相同也。爾見而輒愛之，與之共庭廡同啄食，往來相樂而不相離者，是爾之仁也。彼得其群而性焉者，鳩之性也。似亦有所厚薄，其間鳩亦不自知也。世有同類之人，偶言笑之相契，衣食之同情，一見之即與之遊，然究其心之所謀，我則於義也，於彼則利也。而路之相去不亦遠甚矣。雖朝夕共室，樽俎嬉嬉，苟當利之所在，縱死生而骨肉者，則將拂衣長往，而亦有所不顧矣。吁，是亦無足怪者。夫人之不相遠者，性而大相殊者，欲也。彼溺於聲色貨利而忘道義者，非一日矣。適或值其欲，則翕然從之，有若火之得薪，水之襲土，而孰有能禦之者。此彼之所以去者，亦性之欲也。宜也。彼鳩之性而猶人欲之，不若者，今則舍鵠而隨其群，尚何疑焉。

芝山逸叟傳

逸叟者，會稽人也。姓董氏，居東城溪上，性簡淡，才多內悟，自幼不樂作產業，營費人務又不事科選經術，超然有出俗之志。且憫吾民多疲癯，無救意，將博濟之，不得退而恥軒岐盧華諸書，讀三年，遂得視病之

奧，遠近流聲，莫不携疾痛來就藥。藥之人無不愈者，于是門外日多公卿大夫車叟，施藥歲久，頗積金帛。復開溪南小園，種竹數千竿，鑿池養魚，構草堂其上，靜觀物化，意興灑然，無所縻累。嘗與鄉中諸散逸之士往來，集讌遊娛，其中或談農桑，或言養生，或歌笑或投壺，或奕或舞，其他若肯事物，情不論也。叟有子讀書為學宮弟子，且才度清慧，后當善其成矣。諸散逸以叟之藥人多陰功，又慕善樂，而後必獲壽祥，遂贈其號曰芝山逸叟。云海樵外史曰：余世晉自吳徙越，故嘗盡通越俗矣。人性尚狡詭，不好靜德，每一論量事，輒走清官府，往往傾家貲，必求一勝名。然後已。親友無善惡，非官爵利貨，不得取貴重于鄉里。安有心超世網跡，遂禍機假手於藝，以博濟天下之民。若芝山者，我而鄉中之士謂其必獲壽祥者，亦宜矣。

逸老園傳

逸老園者，我鍾菴劉侯之所建也。侯少負才譽，弱冠即登甲科，歷史館，拜臺諫，皆直已，不撓。嘗見世道日淪，人漸澆詭，知或不可以長民建績也，乃預為是園。

以見志因扁其園曰逸老園云園在廣平之雞澤城南廣二十畝控帶川陸遠市衢間島嶼惟長林巨木掩映遠近雜沓鬱幽蔽虧月日林中復結衡爲菴扁曰鈍菴蓋翁所自號也菴東西鑿井引水入渠可以流觴可以灌藥與濯足咏歌園左右列五柳中開三徑種黃花百株秋則吐蕊疊疊客有携酒過看花守者亦不問姓字任其飲頽然花下其園內無諸禽玩祇居二白鶴使婆娑往來月高露白或劃然一長鳴聲在野間守者出必俱鶴或自出客至園鶴亦飛鳴

海養集

卷一

六

報守者邑之人聞而稱奇菴中不陳俗具惟架上堆古百氏書數千卷皆翁舊所檢閱者翁嘗讀書不事沿襲每一對案必求作者之旨中或有未當而害義者每爲擯易數字往往妙踰本語以故述言擗藻與漢馬班相雄長顧世之人無足與言者翁按法暇霍過署中因談及園居之勝索霍併其號繪爲一圖圖成霍復爲之傳曰霍嘗謂生人在世惟性命之學爲至切身者率其性則出諸綱常全其命則參化永年永年之人能超越物累怡然心度曾不以萬乘之貴

而易一瓢之樂若蒙周禦寇身藏園圃而神遊寰間使千古之下至今稱爲達人噫斯亦善矣及讀洛陽名園記知百代豪華流連燕賞古今無以上之狀皆去禮法尚情興以悅目娛聽爲是故賢哲弗齒焉其間惟司馬光獨樂一園有先憂後樂之念故後世許光爲賢而益見鄙諸所耳今劉侯以榮落之才通籍金馬日臻寵要乃復進不忘退預爲園圃以逸老自期意將遠煩居靜逍遙乎暮年上與蒙周禦寇相後先也霍謂近世以來欲論人所學而可以言性命者則當以司馬光與劉侯並傳矣

海養集

卷一

七

兩亭傳

兩亭者越少郡西安韓侯藏脩所也侯未第時嘗欲構亭讀書惜無佳勝所後得先司徒翁所遺園基見其幽偏不誨嘉本翁爵遂因其宜爲之亭亭去宅不百步門墻岼然南則環堵詰曲林塢陰翳其東闢竹圃圓傍植牡丹數叢春時花吐香散風鳴而竹和皆亭中所有也由竹而入過牡丹躡臺升容靜堂三軒坐軒東望皆杏花千餘樹却樹而西則杏花亭在焉

公每披卷暇則散適亭上興至則登臺眺望遠見終
南西華諸峰隱見雲表秦川帶其右雍城控其西引
郭杜巨曲江所謂唐鴈塔者亦隱隱在望中公目遊
心曠或命酒或賦詩凡詩歌臺上必懷古泣下有古
秦賢豪之風焉庚戌之歲公舉進士遂號兩亭子蓋
不忘其所自也海樵陳霍聞之而為傳曰霍嘗讀西
京賦至旗亭五里未嘗不掩卷咲之以其徒誇閭閻
無切於事功之用者也及讀王逸少蘭亭記其辭雖
麗意惟達死生於觴咏遺落身世無復天下為憂二

卷八

八

者皆過焉今觀韓侯讀書亭中志存字內其所為學
則皆輔世長民之術一旦出際隆時與司徒翁後先
盛美是使其亭屹立于千古播幽貞之風則於古之所
謂二亭者不亦大相遠矣他日侯之後人必指其亭
曰是吾祖讀書處也吾從而學焉鄉之人曰是韓侯
讀書處也吾從而學焉吾和宗範相繼遠近成風矣
則斯亭也豈不永年已哉

平黎傳

黎者南越苗種也其來甚遠迨至趙佗當秦併天下

皆曰任器遺言遂尉南海稍誅秦所置長吏假守其
土據番禺之險故矜以自王漢高帝釋佗叛罪廼遣
陸賈待符立之後以呂后禁嚴激而為帝其所稱制
皆黃屋左纛與中國等廣蓄怨驕代沿益大傳之五
世而系遂亡中國之幸也今之黎類非佗之餘誰耶
蓋黎性直悍治之順且正求安不難近者官司惟恃
國威不量從宜一以朝暮之術惑亂所望今既失歸
事將無信故叛伏不時侵蝕延蔓分兵合勦搖動遐
荒靡有寧歲嘉靖戊申崖東失御黎肆攻掠當路憚

卷九

九

以牛酒其害愈張於是請

命討之時廣臬副憲錢侯實典軍事發籌審勢於衆
獨先戈矛所向無不歛手就縛斬黎首五十餘級諸
村異醜向風歸化是歲夏四月凱旋嶺內捷聞

京師

天子多侯功遂擢叅浙藩政事海樵外史曰海南諸
苗本豺狼之性不知禮法文字惟以峻直而厭詭隨
官司不究其故往往遠所欲得致使土無安時雖屢
征之無益也侯以仁義之師乘彼橫蕩之勢一兇就

戮而萬類委心焉宣喻蒙賸其恩德固已潛入群黎之心矣茲捷也豈獨以軍旅計哉

百花主人傳

主人者姓滕氏山陰人也性好植百花百花亦以人為主云主人故世家嘗以經術求仕達嘗尚相移故其業亦淹落不進主人志益勵尚益高遠而其行益不能隨人上下一日主人嘆曰世道何紛更且今昨即不相似耳然卒相似者非眼底百花誰耶於是主人始闢園聚花得名花數百種遂陳列次第爲王爲

海錄

卷二

十

魁者羅之中庭妖而奴者列焉因蔓以爲屏聚卉以爲砌高而實者爲林短而群者爲籬品繁而色異蝶欣而鳥疑四時一春香艷不斷主人暇則帶書坐花下琅然高誦四顧落落惟百花與主人傾心相笑若默解主人意者時或雨霽或月出天上客公携酒扣主人門問百花孰後先開否主人亦指點一一客一皆滴酒稱賞相樂抵醉不復知主賓爲誰也主人常具席邀詞友蕭柱山朱東武陳海樵楊秘圖柳少明徐天池六子過看花昔秋暮菊綻黃紫葉主人

乃携樽集籬傍少明于舉杯謂主人曰天道當暮收造物何復相泄而華彩畢見豈若是富貴主人曰非也吾種花因得夫造物之理矣凡物生稟氣氣淺者而用先之故感於春者皆燦然而興蹇然而萎耳惟吾菊得其厚者焉乃能含元抱貞歷歲待時有若嬰虞胚內混蒙而無覺也一值其候始蠢焉具萌各出夫造化之所授群聚林立嚴霜不能變其芳寒威無以挫其質有若吾類後皆進榮功施而節崇又如善與之士合久而義著是菊之積於始而顯於終也豈

海錄

卷二

主

子所謂遠天道而泄造物耶秘圖諸君皆欣然進曰主人論菊而闡造物之玄因玄喻道而得成人之義然則主人之愛花蓋混其形而俱化者夫豈托物而逃焉已哉主人聞其言拍掌而笑諸君亦就醉別去明日各爲文記主人天池有菊花牡丹諸賦少明有生香不斷序杜山東武有詩歌吳長洲文太史邑大夫劉司馬汪諫議聞而皆寄詩嘉其事海樵子旣爲歌而復作其傳曰余嘗觀世之人矣一凡性有所之則好惡不得以並用也樂其玄者妬其素尚其黃者

遺其矣天下皆是也而豈若所謂百花主人哉顧世不恒遂歛歛其淡逍遙百花之中同風一息萬象而皆春不以黃紫易其視不以盛衰二其心達四時之化與造物相周遊順時候委枯榮樂天真而不疑呼若主人者亦足貴矣吾知風垂後世賢達繼作其必有叙述百花主人之事者焉

月尼傳

月尼者姓莫氏武林人也性慧多才有靜德其母向失身花間尼方十二三不能自奮遂從母失然非學

集

卷

主

士大夫不見及見非道德文字不談一日問潘大夫曰所謂名業者學從孰始大夫曰有志於名則名立於業則業成否則是無志者為足以言名業耶尼聞之默然良久曰如斯而已以是益自勵凡人至荒見抗不群一日又問田大夫曰所謂文辭者人從孰求大夫曰妙由天傳機由人究致天以盡人則文辭之

故吳越間往往有傳誦其詩者後島夷起海上勦掠

兩浙人多說武而學士大夫皆營策軍門召募之士漸充塞間尼憂惶闔戶密跡不面人者歲餘或常對鏡顧容自笑若惜陷其已無以起而終者乙卯三月望尼入天竺山院禮慈像求起脫因而大慟歸條失路見一樵者倚薪卧樹間尼往問曰孰路歸城中樵者曰路固岐苟致之皆可歸尼曰尔何滯於此耶樵者曰吾逃樵而歸於樵也尼聞之悟因拜樵乞肯樵乃顧所卧薪語於尼曰夫新也始出土中天機莫過焉但為類材糾繆屈遂上達之性今吾伐之方得

集

卷

主

脫根株斷萌蘖就收藏煨於烈陽之中變其凡安反其靜質群妄消融截然寂滅以復於命此新之所能也吾固憐而樵焉尼因進曰問路知歸聞新悟脫然吾生營營何求可了樵者曰人性本直流行惟光一有所制則直者屈施光者受昧不有見勇之士力反其元孰得其了哉惟山中之松溪上之月抑之不偃象之不滅初性自如本體常澈人誠求之即可了其生矣尼於言豁然大覺乃臨清流滌鉛粉卸綺羅衣草屨常人家辭其母往清波郭門遂拜老尼為師削

髮脩禪終其身自號松月尼者鳴野山人曰世傳唐呂嵩嘗度女孩曰牡丹宋蘇軾點化琴操事余每論之未嘗不異其人以爲聲樂之場亦有能回頭向道者焉月尼本背法失從當豔盛之年一旦斷情欲遂九歸真倘日後采而傳之未必非牡丹琴操者之流歟噫淫風蔓地婦道日凋使世之二節者與聞月尼之事得不俛顏自汗哉

李貞姑傳

武林有李貞姑者連江少府之女也性穎異端簡尚

卷一

卷一

十四

靜年七歲從母讀孝經解大義父以許配邑之王生
生諱曰可爲學弟子雖子嘗愛之玄慧欲與選良偶
後聘得貞姑甚喜貞姑處深閨益秉介自樹平居非
吉凶家大務雖姊弟類亦不易與蚤夕惟對烈女傳
一書每讀至當義處即喟然歎曰婦人當如是也肯
王生年十九才日發鄉譽藉藉一日患熱疾醫謬診
藥逆延旬日遽逝計聞貞姑輒大慟擗踊屢絕於地
既而請赴生殯所承喪不得遂不食父母以已在哀
勸之復食然盡收金玉綺麗服飾還其母乞弗費歲

爲運烈士曰後當有賴此者乃自草履縞裳據小樓
上誓終身不下視他室雖內門至戚亦弗令稱訊關
外里中豪右子弟有慕貞姑賢遣嫗微探母意貞姑
知其風又不食父母亟隱之哀勸數日稍食因哭告
父母曰夫歿之年兒心已死今苟延其身者以王門
貧無嗣將往代夫晨昏且爲舅圖一妾以續夫後耳
即請勢向所運殖之資以行弗許哭數日又不食雖
父母勸食然痛結迨六載病臨膏肓蓋不可爲矣父
母欲迎醫貞姑怒曰女完體而終幸矣安令外人窺

卷一

卷一

十五

但恨地下不能認王生耳速往取像一識之取未至
貞姑卒然逝矣歲甲寅王門請從之合葬乃許之遂
墓於石屋山陽父雖手狀其行近山金太史爲之銘
云海樵外史曰余嘗與王生父游每對余數貞姑節
行涕潛然下至有白咽不能語者余凡見屢止之以
爲此貞姑蓋完節歸從之日所謂定議者之時也矧
時方亂離人多母子不相顧設至值難散失慨不能
知貞姑死於此特天之成全貞姑者亦厚矣

孀婦老人傳

會稽城中有爐峰老人者性靜愛遯混形卷日遠
軒冕之途然得上世所授癰腫秘方數卷凡瘰人靡
有弗奇効者隣閭未見瘰猶不知以故鄉之人尚鮮
知老人之意晏如遯愈密其所業愈精而隣閭愈
易老人老人惟優游自得而家固乏終不欲以術售
其身常避地遊晉陽山中山中之人異其跡咸以禮
遇老人老人心感其遇凡值人有腫疾即密授藥活
之於是一暨陽之人益以禮遇老人然老人以是不
能遁復還會稽城中一日老人之宗孫風山氏背發

續集

卷六

瘰迎名醫治之乃曰非兩月不能潰風山聞有言老
人術往迎視之則曰是不難但煎藥誤萬全耳日後
當少潰然不踰十日可無恙果三日潰潰狀若飯粒
每出用蠶絲撚之出止三五粒口漸漸肉合後果十
日全愈而巾櫛操務如昨也風山與隣閭言始驚異
之因語其父陳崔且請文傳其事因是遠近盡異老
人之術莫不走其門以迎藥者如市老人遂不能遁
乃仰天而嘆曰吾之道蓋六十載於茲矣不意為鄙
術所泄自此以前吾無遁所矣漸抱齋抵疾然迎藥

者俞夢而疾愈甚至甲寅冬月忽長嘆而逝老人姓
龔氏今子傳其術將為父大彰於世自號淵泉子
海樵外史曰嘗聞沛國有神醫華陀能往能刮骨療
臟收奇効人多不能解余以爐峰老人觀之豈不益
可信哉但世之庸技衆矣故華陀之派漸塞其流而
視其術漸異耳余觀人業儒大抵多庸技之流設使
操文習行一如醫以華陀而止焉則西京之風灑落
之學皆可炳然復振於世矣今爐峰已授術於子子
必弗自絕以與其孫孫子世後受不則華陀之術

續集

卷六

王

至於今尚亦有相似者豈直絕於魏晉中耶

王峰先生壽傳

先生姓龔

先生年六十挺形秀姿任家東勤外親農桑內誨子
裔燕居則檢閱經典會理抽玄心有所得欣然忘餐
幽吟或餐清風時不有遺世之懷懷無驅馳之近想
跡擬柴桑言道草木以鹿豕為同群以泉壑為安居
以雲霞為風遊以日月為過客性度宜添氣宇嚴後
鄉黨稱其親舊懷其德妻孥治化宗族用和不以
迂費誇矜惟能施儉務本學富而容光日歆譽彰而

進退自如泥視軒途眇觀塵世若丹霄黃鵠飄飄無
羈赤水白虹周遊不繫好談稼穡有南州孺子之風
不負林泉鮮此山移文之誚術習長生道標真訣常
誦三皇三帝之文搜嵩山寶錄之旨蓋欲學純元延
飛翔八極者矣生有二子郁矣多文系以五孫祁然
發秀目能博古通幽明經立行髦俊與之聯裳冠冕
遇之變色可謂宏擴家紀裕光石先者也孟余之月
丙寅之旦實臨縣孤子孫舞采賓稱觴山人陳霍
上堂而言之曰先生隱曜茲房怡形於與上無屬累
下鮮私非悠遊宇宙之間凌厲麁麁之表動合道規
靜含優德蓋將煉砂煮石服草齋靈驅白鶴而過飛
駕青牛而遠邁如日長升與山共壽而區區六十是
為海內餘壽先生聽之掀髯高談賓亦扣案鳴歌宿
采中揚風光四發覩王椿之晚芳喜金桃之早實遂
與合歡畢舉盤桓終日贊曰大化不秘廣澤世靈天
道好善是生至人盤桓丘園萃心典墳宗族用義友
類輔仁家世種種子孫振振坦矣無慮永願玄真
城內丈人傳

丈人者越山陰人也姓吳氏率朴少文能言說有
爭詰者咸之丈人求其成丈人往往應成之人亦多
平丈人丈人居城西古園中嘗泛舟鑑湖南因得與
吾祖相遇且知丈人行實也凡內務及外置產業悉
資之丈人丈人則盡謀極力必抵其全亦未嘗一日
負吾祖人或謂丈人曰爾唯忠于陳公乎丈人曰人
遇吾不忠耳苟忠之吾何獨一陳公然我後吾祖歿
吾父竹溪君亦與丈人籌論廢初亦未嘗不盡謀極
力而抵其全也祖世日遠而徒來只一衰吾父年四
十輒棄官求曠達不問世其內外經多一授之于予
予因是復得與丈人善丈人則無心于予予益以心
禮丈人或曰吾鄉人凡入公門者皆能用智報幹而
公則常遇之遇之而踰常者唯丈人何也曰凡今之
世紛靡陵移數以事敗而家禍者皆用智報幹之實
也惟其用智是以不用准其報幹是以不報報之用
之敗事禍家莫大焉惟丈人無智能無幹才守直而
執經循事一定則的則的枉則枉未嘗以一言欺吾
故得通于家三世之交而吾家亦賴丈人之輔三世

而不及且禍也吾唯遇丈人者豈以其用智報
云哉今丈人年六十矣骨勁神清猶矍鑠子孫綿
綿田園繁理非德之徵乎君子曰達丈人者其括
乎德者如文正骨勁神清猶髮不枯其順也夫者也
故能子孫綿綿田園繁理括德有壽順天者昌壽固
矣而子孫者其有昌乎贊曰荷歟丈人率真合道安
居不撓鮮言自保以靜養神以閑怡老上帝無家
有善必報

卷之

子

海樵先生全集卷之十八終

梅樵先生集二十一卷

安徽巡撫
採進本

明陳鶴撰鶴字明野山陰人按浙江通志鶴嘉靖
乙酉舉人年十七襲蔭紹興衛百戶非其志也遂
棄官稱山人則亦孤僻之士矣是編賦一卷古體
詩四卷近體詩九卷文七卷隆慶丁卯其子以世
職莅兵粵東屬南海盧夢陽番禺黎民表校正編
次明自中葉以後山人還客多以詩遨遊公卿間
然有才者纖詭使氣者粗疎體格蕪穢率同一轍
朱彝尊詩話稱鶴才鋒雖鈍而鑄詞差醇似比諸
家稍勝考盧夢陽序稱其築室飛來山麓閉戶伏
枕手不釋卷足不下牀者七年蓋卷軸較多故與
枵腹拈韻者異也其絕句頗為清雋不止彝尊所
摘律詩數聯然趁筆而出往往利鈍互陳視孫一
元太白山人集尚未足旗鼓相當焉

長谷集十五卷

〔明〕徐獻忠撰

北京圖書館藏明嘉靖刻本

附《四庫全書總目·長谷集十

五卷》提要

長谷集序

往予筮仕松江幕郡中文雅得長谷徐子蓋當世有用之才其仕僅止一縣令不獲盡展其志既乃得讀其所爲文關係世教非空疎纖細之作也至與論及時政咸中時獎當機宜可行乃其人深自韜晦不屑自表見故其所論著雖多不耀白於世且不與海內名士通殷勤相結納間有所酬應必施於先及者非泛泛也歲在甲子予出爲郡長吏自謂可素以諷咨治理顧已棲遯吳興山中且十年西望白雲不可跂及其鄉中諸賢方欲刻其所爲詩文集予聞之甚慰因贊刻焉夫徐子平時所懷抱欲見之行事而未竟者大率槩見於集中且其辭深厚典據平正通達類司馬子長間有襍類東京者固其疏越之才因事觸發未有深晦如昭明所選集也嘗與子論詩五言重魏晉七言止取自高岑而上律止於大曆今其詩沉鬱彩秀與諸名家相出入不謬其所云其賦才尤爲人所重若布賦一篇憫念松人愁苦其情周委詳盡不蹈襲

長谷集

序

十

長谷集序

昔人體裁徒縱肆弘博至曲終而後奏雅者
倫也嗟乎自昔名士無所遇類有老死丘壑
無可表見於世或成就一家言不與草木同
腐而行不足以將之者甚衆徐子之平生慎
守行義安恬有素節而文又足以自華其常
存於後世可知已惜乎峯泖之間別無書社
可淹其足蓋嘗見其埋骨青山之詞歎其遐
然遠意益使人懷慕之不置也諸大夫表揚
其名迹淳風厚俗誠一時盛美事因附爲集
序云

長谷集

序

賜進士知松江府事前工科都給事中石首袁

汝是著

長谷集總目

一卷

賦類

十三首

二卷

五言古詩

六十四首

七言古詩

三十首

三卷

五言律詩

一百三十七首

四卷

七言律詩

一百三十一首

長谷集

目錄

絕句

一百一十一首

五卷六卷七卷

序

七十六首

八卷

記碑

二十四首

九卷

雜著

三十五首

十卷十一卷十二卷

書簡

一百四十二首

十三卷

傳

六首

行狀

八首

十四卷

誄辭

十首

祭文

十一首

十五卷

墓誌

十八首

墓表

三首

董君勸刻目錄三十有七板恐紙

墨太費今省列總目止二板云

長谷集

刻集記

長谷集十五卷吾師長谷先生所著而諸大夫士所共刻者也先生棲志道林覃思藝苑以文章名海內為遠近所宗慕諸公序述詳矣宜陽定方命編校始於嘉靖甲子冬越明年乙丑夏告成凡若干萬言先生才大學宏著書滿家若金石文樂府原吳興掌故序唐詩品水晶四明半政錄先已梓行若洪範或問春秋稽傳錄大易心印四書本義及分節參同契大地圖衍義山房九笈三江水利

等書各自為集尚藏於家是歲八月望門人董宜陽謹識

助刻長谷集列目

松江府知府前工科都給事中澤門袁公

華亭縣知縣前進士山泉周公

南京浙江道監察御史南江馮公

湖廣布政司左參政鳳峰沈公

工部營繕司郎江南渠楊公

吏科右給事中白灘張公

太僕寺丞同知處州府滬江顧公

翰林院孔目栢湖何公

兵科給事中我涇袁公

吏部驗封司郎中南洲

翰林院檢討國子司業文石朱公

廣東按察司副使王公

祁州知州甘白張公

太常寺少卿仰齋徐公

刑部四川司主事幼海董公

光祿寺署丞海寰倪公

鄉進士勅齋馮君	行可
國子生橫涇何君	玄之
國子生頤齋馮君	遠可
國子生異齋馮君	學可
國子生晉齋馮君	再可
國子生恒齋馮君	輔可
國子生端齋馮君	維可
府學生儼齋馮君	聯可
國子生恬齋馮君	會可
國子生思泉俞君	聖
國子生文泉朱君	大英
國子生師替顧君	正論
國子生洪宇顧君	正心
郡庠生李峰顧君	正時
邑庠生貞白張君	名孝
國子生水心喬君	承華
國子生方壺顧君	從德
國子生菱門董君	光裕
國子生象岡朱君	察卿
邑庠生	慈
曹君	

長谷集卷之一

華亭徐 獻忠 伯臣

賦述騷附

布賦有序

邑人以布縷爲業農畝之困藉以稍濟然其爲生甚疲苦非若他郡邑蠶繅泉苧之業力少利倍者可同語也然天下所共衣被而詳其衷者甚寡于是核其事告諸觀風者作布賦

客有至吳下邑覽織婦之布素歎卉物之流澤收歸夷之末計啓閨房之長息迺喟然而歎曰美哉布也是固一匹可以愧盜心不得千金之償約者歟何齋者之逐逐而拾者之董董也下邑之士曰羅紈繡文素綈錦綾長裾交褱流景飛晶此居者之所揚輝而觀者之所凝睇也子不是慕而慕諸貧民之業亦有說乎客曰布通貴賤之服不擇溫涼而適其爲製也疏陋縑繪密殊絹縠有氈毼之毛毳齊縞素之潔白賤靡綺之浮華傷貝錦之徒飾孺夫匹婦可濟其乏缺通都大邑與千乘之富相將豈虛言哉曰子

何不傷其勞而徒羨其美不藉其私而徒夸
會子亦欲聞其勞且病乎若乃鐵木相軋手挽
足壓且餒且切出絮吐核張弓柱弦弦急聲噎
牽絛絡車呶啞錯雜借光於膏繼夜於日心急
忘寐力疲歌發食簞空寒漏水寂溢婦子喧聞
老釋畢力客曰若是勞乎曰未也嫠婦卷袖妖
姬解珮含愁入機凝寒弄杼流蘇綰綜一伏一
起踏躡相次上下不已縷斷苦接梭澀恐膩手
習檻匡聲揚宮徵長夜凄然得尺望咫寒雞喔
喔解軸趨市方是時也母聞謗而不暇投杼妻

長谷集

卷之一

二

三

迎夫而帖然坐起客曰若是勞乎曰未也織婦
抱凍龜手不顧匹夫懷饑奔走長路持莽莽者
以入市恐精麤之不中數飾粉傅脂護持風露
摩肩擘以授人騰口說而售我思得金之如攫
媚賈師以如父幸而入選如脫重負坐守風簷
平明返顧客曰若是勞乎曰未也婦辭機而望
遠子牽裳而想饑先潔釜而待米旋汲水而候
炊語少待以相慰既久竚而始歸夫嬰嬰以捐
涕云懷懷者在途索子錢而不釋併布母以如
飛夫狼攫虎噬肉寒骨解無一語之抗聲猶三

號而稱怪握兩手以授之拂空拳而吞歎雖卒
歲之靡從完小信而不息是豈但一婦織而衣
十人殆所謂一室肥而衆俱瘠者也客曰若是
病乎曰未也海上之民土薄水淺其惡易遭枵
腹者未知其稅駕鴉衣徒羨夫長袖夫廣儲豐
積出自農夫之耕一絲寸縷皆從匹婦之手然
而繭絲告成置蠶不問耕犁召豐於牛何有是
固天下之同風惟江南爲最數晦鍾之他稅從
升塗泥之末路計斗是以手不停機而終歲無
衣窮年乞乞而不贍其口客曰何言之過也滄

長谷集

卷之一

三

三

海變遷化爲陵陸禹土塗泥廕注滌淥禾黍芑
芑滿家彌谷貧攜白墮富樹華屋婚媾靡靡徒
侶簇簇顧今日之江南殆海內之樂園雖有布
縷之征亦豈加於穀粟何徒抱杞人之憂損名
都之望乎曰否否不然恒歲之運水毀木饑消
長相代前建後除陽九陰七聽命皇祇今昔庚
甲火仇馮夷炕令爍金天漢飛灰槁土沃焦赤
地拆龜旣葵藜之莫采亦木絲之變衰枝無垂
拔絮罕歲鞋傾筐脫負采掇支離寡夫臃腫哲
婦鷓夷里胥蹠蹠胥郵喧僦無尺寸之可縫况

綱運之崔魏匪凶歲之取盈抑國計之在茲當是時也雖使星婺獻技火鼠脫鬣幣大夏之全產省公儀之百室偏陽不懸於城雉匡廬借練於飛瀑亦何以應之客曰嗟哉下邑之民若是病乎曰未也工以習勝巧自技生傷末路之靡淫變素樸爲華英始力作以助農終緝麗以耀名競良工之巧思幻化國之神能於是飄絮若蓬刻縷若髡積歲成匹累織敵絨廣倍乎東海之二尺裘齊乎別渚之五虹鑿以團鳳繞以飛龍綴金章以錯綠變猩草之鮮紅爛太霞之朝

長谷集

卷之一

五

采牽景鳥之晶瑩袂已浮乎龍水綃何羨乎鮫宮蓋其技巧始於渡海之黃嫗章聞出自戀闕之鉅公忘萬家之膏腴邀一日之歡悰傳觀內近遂入公宮一匹遂抵於千緡聯筐始達於重瞳民已窮而益偏霜旣結而冰從嗚呼嗟乎蒟醬竹杖天馬蒲萄通西國而開越雋窮異詭而馳臆胸啓皇武之遠略臯臣騫之作俑平朝權不思其暮落寒灰尚戀夫冬烘竟殘桃之取戾何獻曝之耿衷方今 聖主龍飛問民疾苦諸非若令改不暖坐首獨茲役卹我隕什尚衣之

締繡有章 進御之浮靡不取免徭征之巨累始息肩而就臥雖紅紗之綱運尚存而貂璫之督課稍安客乃瞿然作而言曰甚哉鄙人不知民之病苦若是也九月授衣猶以爲晚終歲作勞祁寒不免吾又何敢袖手以向人徒負暄而思暖

吳興品水賦 有序

旅寓吳興周覽洞壑見其源泉泌發流委無際雖雲林深密蘿壁空濛莫非玉液之房滄池之谷也孔子有言知者樂水若予之惜于

長谷集

卷之一

五

五

玄感昧于素機何足以言知然不能忘情於是也作吳興品水賦

予眷心於澤國望菰城而問津泛清泠以窮奧肇曠朗之蒼垠厥有迴峯北首積岫羣起金蓋耀靈以中聳驚嶺摩空而左峙倒景印波騰精溢髓散靈華之輪囷吐玄溟之黻黻元曜潤祥鴻泉鬱瀾始含涓以濡谷因剖石而出溪別丹源之竊根漱玄瀨於芳沚陰壑揚其洞波瓊田激而沸癸於是田畯迎歡遊人結睇飲芳瀾以懷予相禾黍而延竚夫岡巒吐氣騰爲赤標雲

根不衰妙有玄感此乃淵虛之至靈形神之大
交也然而結氣上停有時而散流泓不息泛景
同邁故仙源有朗玉之暉祕澈發流霞之穎標
名白雲不亦美泉乎白雲泉在金蓋山北山多雲氣故名焉既乃
泛駕蒼雲之野回標夏杼之山遵榮澗而遷紆
俯鏗流之潺湲修轡綴而谷隱靈石進而根丹
足躡天維珠浮沸瀾瓊蔚生標琅徽振翰琳
宮之沉影潤曜玉之闕顏眷洞壑之幽覽擊選
軌而忘還玳瑁泉在妙喜寺東三里飲馬池下一泉更佳若乃長城
獨姥苞結東垂箬峴蒼雲蔚林彌望則有鼓吹
揚靈金沙開萍琪巖豁寶玉乳雪漾八景同清
三霄接象勾玄洗以渥潤激瑤華以浮浪澄髮
理之紫絲含晞光於落嶂此則大塊之希精游
若之祕藏其於金蓋之靈聳節而應符者乎長此
城諸夫靈泉者其來何始始於太素玄道振蒼
流雲切景委神不滯妙感無門謂之靈源可謂
真賞故九華絕滓八氣涵清雲根典護仙蓋托
靈璫波竦象琳腴生榮紫房分沛太乙含冷若
使阿母延軒亦與太霞同咽者也予又何可廢
之若乃托跡窮遐搜玄剔祕登川別渚振步被

幽或興情河上或鍊思瀛丘則鴻翔無礙羽之
鄉鶴羽泛騰颺之游三江八澤赤岸神州網吐
靈沙含璣孕璆陽侯爲之浴德湯谷爲之鳴虬
鼓長風而拊楫扣馮夷之噴流蓋亦予之長計
又何所不至乎故乃東析會稽西連故鄣吳興路
屬會稽郡西屬丹陽天眼朗其南聳具區劃而後洋廣若
南嶼董嶺仙溪旣溯瀉以懸溜餘英芊漾風渚
西潭亦漫漭以遲洄夫鴻派介於通津疏流集
於咸池旣淵渟之異情何澡德之不離遂乃靈
澗右揚潁流西漪潏沔散波碧浪擅奇勾醴競
長谷集卷之一
甘迴波惜馳結綠潭以靜映揚素瀨而浮淅眇
遶谷之間澹望清漣以興思斯亦川靈之效德
波臣之媚義也予蓋有樂志焉
品惠泉賦有序
叔皮何子遠遊來歸汲惠山泉一罌遺予東
臯之上予方靜掩竹門消詳鶴夢奇事忽來
逸興橫發乃乞新火煮而品之使僮子歸謝
叔皮焉
迺何子之特發探水穴於山椒掛清寒於齒牙
訊老羽於惠察甘平雲之乳實因起興於瓢操

望徐子以馳神出簡書於下曹侑以陽羨之珍
穀雨之苗走奇芬於鼻觀參春靈之上苞合二
美於一旦嘉上善之無朝如上客今在門赴靈
脩之久要發空濛之玄闕辟塵氛於有巢爾則
陶氏之鼎改餘之火既精滌盪遂集文武瀉玉
液於懸崖分小瀑之如布忽變紺寒蒸氣如霧
覺蟹眼之旋生復中起今如破湧江湖於剎石
沸溫波於洛浦於是歸功若事頌德玄冥出太
素於碧落浮瑤光於上清露華紛其秋澹佳氣
鬱乎春明媚幽懷之無始春高况今凌雲游玄
長谷集 卷之十一

白扇賦 有片

客有遺余白團扇者曰願乞一言終身誦之
因授語於侍史綴爲小賦

伊春蠶之繭絲蒙湘山之竹箭集工巧之末技
裁合歡之團扇絢光采之陸離奪玉人之雙睞
渺胎仙之冲漢修羽翮之迴轉皎桂月之夜流

蒨蘭堂之秋面竚風軒而結睇覺浮氛之盡捲
方是炎威促息喝心糾纏鬱暑風之清佳謝水
汗之如澌冰盤入谷醴井出坎欣坐飢之可逃
揆陰山之不遠禁束帶之狂叫眷禮文之游衍
來故人而容與何酷吏之不剪若乃金德吹噓
桐井葉戰動明河之涼思括霜砧之夕薦當是
時也班女攬棄捐之悲桓公興搖落之感因歲
序之異宜致懷袖之聚散顧斯扇之內美曾操
舍之不變嗚呼噫噫有恒懷於魯史達節守於
曹臧諒寒心之恥眩察貞士之幽芳隨卷舒而
長谷集 卷之十一

蘆汀賦

方其秋容乍肅遠水橫波風飄飄以吹衣雲澹
澹而度河木欲脫而未下露已白而彌多江草
謝綠柳如之何于是盪蘭橈問漁父過前溪迴
別浦忽秋聲兮引聽若霞雪兮飛舞旣非飄絮
之因風何若愁猿之嘯雨厥有長蘆翳目接岸
迷谷溪毛伴侶水荇牽簇於九夏已藏秋况一
梧之旣邀無乃季鷹因是而思尊湘靈倚之而

奏曲者乎嗟乎水國之人誅求作苦葭茅盡剪
林煙空鎖聽不禁其迴風目增悲於芳渚何幽
人之高意懷佳秋乎茲野杜陵韋曲久以無聞
百粵三吳或拔而起意者其斯人乎

吳中白蓮花賦有序

予放舟吳門見白蓮盛開諸女郎遊冶其中
蘭橈容與簫鼓錯雜競相採擷以侑觴酌夫
白蓮之房爲菡其根爲藕榮落有期物有私
分今者芳心未成遂爲兒女子所廢靈根秀
朵委爲腐壤蕩一日之勝心違芳年之物性

長於集

卷之一

十

予有所傷之乃爲賦曰

若夫白露未零霜砧尚寂啓朱明之晨曉散微
薰於水碧繞園列而無姿思芙蓉之芳澤厥有
姑胥南畔長洲東苑麋鹿臺空鳬鷺水暖菡萏
鋪白雲整谷迷冰霰則有傷春妓女鬱思妖姬
出綺閣辭蘭帷試綽約揚蛾眉濯木蘭兮迴浦
擊倒影兮江離穿青房兮紫蓋擎纖羅兮素粧
逐芳心兮花轉撲香影兮人衣旁睥睨兮山鬼
空搔首兮孤嫠若乃月移歌席花承節鼓俠士
縱歡得道耳墮於是棄菱鞋翻婀娜摧弱枝蹴

秀采金房今羽化玉煙今空鎖朝涉江而采榮
夕變衰而委路夫物有至性候以當時雖一物
之鮮華亦啓榮而有期獲華年以耀秀雖搖落
其奚悲何妖狡之蕩情拂芳時以殘摧甫萌榮
於首夏違夕露而遽衰棄紫葍之初房廢雪豔
之靈株嗟乎太華之巔玉井曠朗花泥太霞柯
披仙掌濯瑤池之靈景招洪厓兮散賞配絳宮
之琪樹挺琅玕之十丈苟托根之非地徒自捐
其華燦投仙姿於塵湑阻靈均之遐憺來俗駕
之紛拏恣童心之侮翫遺水澤之歡娛雜荏蒲

長於集

卷之一

十一

而瀾漫予又惡得盡譴夫靡風使之絕芳心而

改盼

靈泉賦

夫靈泉者太上玄津玉宸浮液控晨太素吐華
明碧紫房攝真青童候息落霞顙蒙矯轡空寂
龍胎睥睨鳳髓哲哲琅花夕散繁露朝浥巖竊
揚標蘭芬煥必洽幽人之性靈體上善而蓄德
供妙相之浮清攬雲根而沕穆者乎夫出真源
于靈阿會瑤池之異景風馳神于無際聊寄情
而事茗掇羽林之始芽試玉華之蒙洞散幽襟

于幽谷遶乳泓之初映含曜辰于上霄印空濛
之迴影涵內光而出素澄髮理之縈淨衍川德
之彌逝眷谷神而獨醒陟九華之霄觀咀三靈
之玉潤扣景房而濯碧采月支之太胤浮雲與
于空洞馳帝宸之上寢盼八阿以逍遙驂靈螭
而一瞬夫濯秀希林采華員嶠此雲臺之別觀
紫虛之上遊也予既垂髮而始心懷素願之幽
抱凌絳霄以馳神俯雲林而振藻乘逍遙之慧
顏領鬱絕以遐眺歛遐輯而長引躡靈旂以舒
嘯馳若木之始津邇玄夷于崇灝神一擊而九

長谷集

卷之一

三

留步欲旋而猶遶心流潤于洞微景浮暉而紆
渺揖朱明以高唱控天籟以揚璫開玄阿而縱
舞披昆庭而遠蹈投滄浪之羽標樹涪源之飛
葆吐玉虹于丹雲散烟巖之秀草涵洞漠以無
極棲玄神而忘老

舊林賦 有序

倭夷寇掠海上諸轉徙入城者故丘咸荒莽
不堪返服董君子元沙岡舊業桑梓尚無恙
因掃除而居焉作舊林賦
歷通川以迴想望故宮而延佇傷征轡之流年

引蒼林而披袂遶兩岡之中阜沛三江以東注
掃荒穢而開菑葺舊茨而胥宇悲越石之感亂
眷平原之懷土矯江郢之越吟返離禽之羈思
莽秦灰之蕪蕩幸靈光之猶峙循芳草之長皋
甘董茶之幽砌淒長老之凋謝攜羣雛而延憩
顧靈暉以悟懷撫庭柯而結睇

亦樂園賦

吳會之東薄海之隅物業咸豐園林所都雲館
聯題芝原接墟面郊負郭者咸各擅其世美長
鋪俯眺者無不自以為勝業也雲山子獨遐然

長谷集

卷之一

三

而遠慕聊小結以成趣僅若野人之廬不厭愚
公之鄙池堪鳧浴柳足鶯語菊引秋芳竹含冬
翠草設堦細苔鋪壁樹魚泳朝涼鳥留宵憩蟬
有時而咽噪龜近水而鼓吹雖棠梨之館不設
而幽蘭之砌無津客至時得徜徉興來悠然自
寄容身已勝於壺公一枝竟安於巢父牛衣非
仲卿之夜棲繩樞異戶牖之少寥何必南陽樊
仲之豐西漢王公之麗好時陋越裝之樂河陽
恥牧荆之富客有嘲之者曰君侯德門長慶文
華廣被才容挺秀拔之表禮度收賢雅之譽家

藏充棟之祕籍門觀重光之甲第獨斯於一園
之構自混於畚夫之比狎鳥不得羣棲鳴雉何
堪自翳豐草不藉王孫之足薦蘿不牽長松之
系豈仲長不樂居閒之奉晏仲自甘朝夕之利
者耶雲山子嗎然而笑暢然以起曰是何言之
過也漢陰重灌園之老廣川薄窺園之樂向秀
資竹林之勝遊陶令高守拙之素約會心豈必
華林託性自宜短壑獨不聞驪山勝心轉眼消
歇樂遊芳原相代明滅故窟室高於甲觀鑿坏
崇於積垤予雖不遇於魯侯亦素賤夫中熱結
長谷集 卷之十一

賓興嘉會賦 有序

維我侍御鶴坡朱公按屬四郡作興斯士乃
今乙酉仲秋八月應天賓興多士合四郡得
五十有七人先生重其始也乃謀于守長修

舉曠事作會以嘉之則惟九月丙子大會于
蘇盛典象禮多儀象文乃多士在會罔不欣
睦先生暢然以嘻曰茲會不可多得也盍鳴
其聲以揚厥志焉乃次授簡及于獻忠獻忠
起拜稽首而作賦曰

帝嘉靖之四祀介賓興之令期羣選邇以彙征
紛髦俊之委蛇咸振衣以聯翩絢光采之陸離
揚周造於間服選詞鋒之朗徹燦列星之昭晰
仰斗牛之耀靈東大江以川注羅四輔而區分
鬱靈氣以濯秀子實懷此衆英挺魁渠而出穎
表漢俊之明經紛紛總總其來遊契同道之好朋
信如茅其斯拔荷塞修之先客昭 皇路之方
隆熙泰階之鴻明矧風教之崇興嘉斯會之令
成崇多士以賓筵將嘉重其選征咨四辟以徘徊
旋樹三吳之風聲進帶冠以環列蕭籩豆之周
南實德盛之可飽匪椒蘭之始馨軌鹿鳴之遺
武申先哲之要盟欽昌度之非遙宣德音之寵
靈予再拜而稽階奉臨冰之內兢示周行於初
服矢德義之蒸蒸思太璞之未雕慎匠石之修
能况世烈之綸屬圖哲誼之相承戒周章於

宇惕皇祇之性靈畏予生以簡書非詭隨於華
榮願揚足於康達啓末路之修程出郭門以興
事肅初志而宵征

禍首賦有序

老氏曰不爲禍首不爲福先良哉其言吾殆
感而悲張君也張君諱仲豫章人少陟甲科
仕更佐守勵志勤民廉平公恕民共懷之歲
維癸丑閏在季春倭夷犯境災我毗庶橫被
鋒鏑者數千君先十日身爲禍首悼堂流變
出自非常闔郡悲酸薦紳驚悼嗟靈修之失

長谷集

卷十一

去

貴

路頌節士之芳年乃爲文而弔之其辭曰

何皇造之不仁今開東南之浩劫民膏糜於鋒
鏑今先橫災於良牧方陽春之嘉惠今遽零霜
而搖落闔國門而聞變今結組續而揚毒伏驚
風之德輝今肆梟獍之陰囑跳山鬼而陸梁兮
棄女蘿之芳郁文豹狡而噬人今騰赤狸於鈴
閣彼倭奴之聲囂兮馳波臣而狂邀紛四郊之
腥穢兮摧蕙蘭於中谷萑茅不剪而廢兮何佳
期之橫促亂曰掬芳椒兮天遠望澧水兮雲冥
青陽冉兮不返長路悠兮窮征懷棠陰兮如蓋

思露冤兮春明扣天關兮九衢顛帝姥兮何門
凌扶桑兮極浦追逝波兮東傾驂兩螭兮爲馬
撫長雪兮如旌

太守何公憫災述有序

嘉靖丙戌之夏旱燥異常穡人告苦太守順
德何公驚矜其槁苗將爲饑歲齋沐虔禱於
天其省懼之跡目所未覩天地顯赫如響斯
扣靈雨大降遠近沾足真神明之所祚社稷
之令主也獻忠與多士之末目覩休徵嘉其
誠感乃述其始末以示後世

長谷集

卷十一

去

東

述曰於維柔兆閏茂之歲祝融司令炎帝降災
乃肆大燬以妨神農之事火蒸氣以糾聚雨不
澤而枯槁膏露隔絕田畝惆悵庶人愁歎嗚者
當道日延竚而望雲欲仰籲以無告若乃東南
之疆軍國需給黔首疲於輓賦災凶橫於宿昔
復何此以可堪罹不仁之旱魃將展轉於溝壑
殫四體而無策厥有大人先生以牧養爲業奠
育爲心憫潦倒之無辜哀惻憐之我侵惕焉隱
憂且悲且懼食不布吭寢不假寐占或諉於時
數心彌切以詬厲爾乃糾率僚佐悽焉以起介

望舒而徵祐潔眇躬之伊始百獸具作奉心不貳先省罰以勅法寬科條於犴狴布戒石之諄語省曹屬之私鄙懲孝婦之抑情戒弘羊之肆志然後戒屠止殺葆耆生氣改服輟食矢心虔事日夕憂皇不寧厥處山川無雲肅將其祀變易常度白衣待罪至頓首於泥滓計十步而拜起非再命之僂僂實傾心於田鄙或禋而社或羣而厲周四隅以奔走信靡神之不舉念民命之須臾橫涕淚其如雨嗚呼訊之黃耆耳目未接察之載籍翰牘未紀衆庶羣然是驚是喜何

長谷集

卷之十一

六

吾生之孔棘累慈父以若此口碑雷同蒸爲和氣條臭味之相感契天心之默喜監臨曰明作爲甘雨轟震來之嘯嘯馳豐隆以前驅膚寸合於江臯細縑達於九衢始滴瀝以浥塵終滂沱以沮洳既崇朝以沾漑復積日以舒徐於是農忙鼓舞病疴不苦清暑脫服涼風被臥草木頽爾其改觀禾黍芃芃其忽起布醇膏以釀稔含光榮於閭里昔也蘇以之而名亭歐詠之以志嘉桑林更於積薪昆明幾以設藥是以神巫不敢爲功寶珠布於東畝萬姓同聲稱太守雨鳴

呼古者升中上玄以事昊帝納萬姓於仁壽至三神之宣釐信一德之格天契玄黃之浩祉當時廣庭之臣陪侍法位莫不傾心民事修其職業視民疚之在躬極憂傷以中熱用是天地泰和日月光精氛祲不作風塵彌清雖有三辰愆度四序違錯不旋踵而弭消顯和德於寥廓邈求往古俯覲仁君信斯理之不誣聞者庶乎其有興方今聖人在上深根厚基宣布重光陳錫五福民悅無疆有臣如此民以平康陰陽寄變理之位其必有以敘彝倫而諧萬國也

長谷集

卷之十一

九

返遊

潯南子懷瑾握瑜而淹汙以居畫算履樞遭世明夷蓋慨然而歎曰方今人爲雉兔而枉矢陸離洪河浩馳盡將爲魚子何爲乎子何爲乎子將擔樵負柯靡繁履基兮傾筐採拾攬衣首路兮撫叢蘭以爲薪採芳藻以爲泥兮于是西度石門南迴禹穴望衡懷湘凌霍拊鄴仰薄清都俯捫絕壁木客叫嘯而幾欲班荆羣猿跳躑而相忘辟易乃採瓊樹掇瑤華九光生潤三秀含葩方將適志以逶迤忽見皓髮兒齒披黃執素

依稀圯上之丈人托巖阿而藁坐曰孺子其來
孺子其來扶四大于空山戴六根而奚往夫六
合混濁萬象塗泥爾不振衣驅馳而將安歸夫
抹撥居身靜觀所嗤蓬累涉途岐路易迷而既
解于其微不潔以趨若乃憫災卹鄰塞違揚化
時會易乘有機堪藉雖被髮其奚疑何懷光而
待價急回前轅無外其舍潯南子聞之茫然自
失若寤長夜乃返而爲歌曰黃鵠徒高飛不如
守其雌良田棄耘舊豐草將蕪萎武溪雖云深
莫言渡河危擊翻芳桂枝白首空脂韋

長谷集

卷之一

五

長谷集卷之一

長河吳騷寫
黃岡寶等刻

長谷集卷之二

華亭徐獻忠伯臣

古詩一 五言

山家月令詩 有序

余居九霞山中心無害盈之警業有順時之
度宜承歲氣以樂其志作月令詩十二首

元景獻年百神受紀余亦何爲齋心靜慮掃除
門屏以納歲氣考視農祥雲物見社乘其化機
土功斯起上豐來迎無怠其始

土膏發動氣和而煦迎化自天有孚若惠候禽

長谷集 卷之二

喧鳴卉甲萌起山深林密悠然靜對撫化無厭

緬焉容與益益疊疊以命農侶

春陽散綠林樾浮清庶草彌繁圖列斯榮乃命

巾車佩服加輕晴陌是游遷鶯始鳴適彼田農

載歡難近慰寒及暄惠我好情

暖候舒徐林原茂繁泉聲沸枕時雨成川命犢

野際開雞樹顛勞耕及耦樹豐千田言采溪毛

蔚其芳鮮靜寄有常安此素年

元陽禪令剛極柔生履道弗違健以順承遭時

平康奉心虛明上德施命下德利貞巽居不惑

坦道是憑育物存存遺世去名

炎暑浮空夏屋斯窄肅心辟俗方病陶寫嗟我
農侶汗浥禾下生計所資非情可假策杖攜壺
言息其左心亦孔勞燕笑無所

炎燠初平新涼在郊春我中谷蒙露晨飄乃命
佳蔬飾彼唐坳載頽載靜對非遙與物欣欣
矢心藟叔奇

息足平臯

爽氣襲人涼風彌戶沃壤生潤微雨時澍園列
再榮蒙蒙被露既穰且好惠我禾黍良勿日遠
息心朝市相望依然悠悠延企

長谷集

卷之三

二

落木連林霜郊如雨嗟爾黃菊濯秀無侶抱姿
潔素挺節甘茹含靈暉貞蕭然靜寄山扉查寂
陶然與語有酒斟酌把玩不去

山空早寒嚴霜易零深居寡出葆我有生疑膏
天和安詳性靈效法蟄類與道合併服甘漿
扁守黃庭匪任羣陰濟坤以亨

羣陰欲厲杪陽旋萌養其元始若保初嬰閉關
禁族篤慎居興至言不誣道利安貞藁常抱素
罷黜將迎大音希聲鍾呂是憑

歲云殫暮慘惻無輝永夕縣邈深雪罪微元陽

隱映靈律潛迴節今嘉平祀肅伊耆藏祕猶嚴
晦默用持下俟祥運上奉玄機

詠懷詩十首

歲老惜年晏馳鳥易終歇昨朝桃與李蹊路辟
操伐嗟哉曠士心居然自彌節崇朝等千禩曰
首如結髮徘徊青山阿婉戀空宵月已復廢歡
愛况與酸辛將

冠裳者誰子來顧衡門廬感念昔所歡意旨相
踟躕驚鳩翳桑鳴玄鵠霄中馳抗志各有適排
徊終歲期閒房解幽思依戀長林湄一夕相晤

長谷集

卷之三

三

言再夕忘所歸

夙慕東陵士鉏荒理瓜蔓蔓長結不解中園穢
彌亂毘勉苦辛子志願懷屏辦棄捐長道側秋
草同糜爛沆瀣棲高林紛綸耀華粲願從高上
士飽食無終旦

炎夏如嬰網解衣不得息徒倚高林下飄風恣
探歷嗟哉世中氛賢豪重捐擲揮塵咸陽市投
袂燕山側光景逼層漢華名忘過隙視我丘中
人塊爾同沙石

素生無殷憂坦暢俱自忘情戀世紛結志投

蒼荒出門無磬折入門常蠖藏朱華傾九秋流
盼如春陽若士北溟上玄覽遺芬芳逍遙竟晨
夕寢息雲霞旁

小小不自持東西恣馳騖擊劍思伊吾探奇搜
洞錄傲睨薄雲霓枕書聊適俗區區命騷雅千
古傷卑促狂狷昔所憐中世嗟予躅遐哉宣尼
父屬耳空山足

桃蟲戀卑棲翾飛化為鵬文雉辭霄漢深壑潛
幽標氣與無乖離曠機安用逃還哉節士心窮
達隨風飄盈虧玄中造感念無爲勞徘徊大化
旁祖褐以逍遙

采芳涉南澗偃息長林側朝暉耀其榮紛綸弄
華色路逢樵山子攜我穿叢棘云有長生藥靈
根俯堪拾雲霞固深蒂雨露滋芳澤枝柯異百
草歲暮亭亭立

寒饑向人門恥無岐路顏嗟哉陶元亮混混濁
世間方朔逃金門茲情良未艱諧謔見知遇散
誕游崇班遭逢非今辰汗辱林中跼大道不厭
垢貞心詎堪攀

灌園東臯下園蔬逐時長蒙蒙晨露姿清渠激

華壤衡門儋佳士采摘辭溪蔣芬芳賤三韭瓜
果羅四象客醉鼓其腹唐園此中塊若復咀靈
根蒼穹竟堪仰

何元朗應貢

帝廬何崔嵬迢迢生紫氛高館肅賢士玄會皆
時羣雲羅及四方翥鳳相騫騰蘭圃無息途瑤
華挺然聞羨此河梁別遙遙天路分遠游踐初
志發仍向金門挾策古所珍吐芬耀時論雲際
發清嘒丘中遺玉文念此平生交撫然馳遠心
匪徒絕人藝匡時吾道尊願子驅前軌慰我丘
壑倫

贈泰和楊虛卿有序

虛卿文貞公裔孫來華亭校館省其父天柱
君贈其歸云

楊君挺奇邁束髮契神理翩翩弄柔翰磊落稱
佳士志馳臯蘭景道契玄黃緒躡蹤懷遠圖貞
資尚遺美佇瞻冠裳族繩繩世駢麗竭來峯泖
間省視得延企趨庭切道妙頽心象華梓肅穆
晨風翔隱約冥鴻舉馬遊誠南矯列御何西遽
殷勤太丘胤婉戀平原茨群棲眇天末結想凝

除奉化長出都門作

戒途理晨棹 皇邑肅南翔
征驂開首路 宛轡接周行
秉節行言邁 眷念心彷徨
遺叱際窮海 膏澤阻遐荒
一組荷黃綬 孤心馳帝旁
夙昔秉幽尚 頽視結中腸
前脩介鴻軌 今躅生幽光
願言揚末造 翩翩勤未忘

劍上遊東山憩停雲館

屣步遊名山 褰裳狎時彥
岡巒併幽覽 迤邐超崇巘
堂隍偃芝蓋 壑谷迷雲幘
行引瓊田溜 坐賞瑤花灑
石門樹棠密 小築開葱蒨
清輝薄閨泉 靜憩解我弁
擷芳散朱夏 息影依松灌
溪毛薦所欣 石髓心尤眷
意愜夕不瞑 情系歸應戀
浮生有鴻迹 豈必生飛翰

壬寅請雨雪寶

崇山蒼層構 復嶺迴重嶠
中有大士宮 宛若平楚廬
垂流挂玉螭 驚瀑濺丹梯
奔雷激四壑 散雪飛千萼
長林宿霞氣 木末置雲居
雲根頽下谷 泉源探上谿
千秋開鴈堂 萬劫成菩提
愧我塵中人 空爾聞天雞

既望獻釐隱潭有序

隱潭在雪竇上方 四明山脊以西之水一派
下雪竇一派下隱潭 兩崖壁立千仞中分爲
峽水自高巔下注 挂爲飛瀑 瀑下有洞 神龍
所居 峽中時有冷風 飛水濺衣 寒氣相逼 遊
者盛夏挾纈 蓋絕勝地也 其下更有二潭 幽
奇尤甚 從小脩觀之方盡其妙

驚泉走急峽 怪石激狂奔 雙虹受束縛 一線趨
天門 懸厓溜成雪 飛瀑挂蟬蛻 轟雷生洞壑 濕
霧蒙氤氲 中有少龍子 時吐五色文 藉此洗瑤
席 將下扶桑君 玉華開洞府 紫氣浮行雲 普將
生施功 解我黎庶愠 竭來投簡書 報謝義所尊
息足千丈巔 因得摩雲根

予既獻禮 龍君甫回駕 卽白雲一縷起
洞中 上貫蒼冥 須臾大雨隨 予後從者
急趨已沾濕 不可止 一雨二日遠近沾
足 殆奇應也

危峰裂地軸 層岫疏天根 行雲出洞壑 挂壁生
氤氲 下有龍子宮 深居無垢氛 瀑水垂作簾 飛
泉溜成文 瑤華噴空起 霞雪迷人羣 元氣激奔

經轟雷走無門寒冬搗冰柱急峽寫流崑地靈
忘息機懸崖如綴輪我來禱其巔自把蘿葛捫
下探窟中物軒睡如蟠鱗飛涎灑衣裾濕霧走
綸巾仰盼兩絕壁垂枝息流雲危崖俯欲墮怪
石欹且蹲戰慄不可留攝衣走嶢峒登高息未
定龍氣隨薰蒸初然迷斗壑忽爾升天關急雨
生三霄盲風驅八神迂客理或有超靈吾未聞
玄神倏以寂惠施渥且均山氓動歡喜合手謝
蒼旻

贈丹徒令茅子順甫

長谷集

卷之二

人

定

門有車馬客來自朱明方輕輪彌早蓋晨風
南翔腰章麗白日曜景輝青陽握瑜事
秉節字黎毗念子當途士礪志登周行驅馳
玉晨結駟賢豪旁仰瞻承明廬彷彿華池陽
時遊亨運德聲輝四揚良田植嘉禾坐看歲中
穰眷予蓬室下攬袂起徬徨俛仰平生交分岐
路茫茫願君珍令軌長途戒玄黃

移耕岡上三首

移居古岡曲迤邐依重阜疎林帶叢薄平衍發
時秀川梁挂西陸春水縈前牖托迹辭衆喧夙

懽契時邁躬耕有遠慕靜寄無遺垢道心遂時
長野性從天授平生伯王略爲謝中朝偶孤蹤
慰衰寂徒倚欣芳候

夙昔寡時慕貧居常晏然中遭簡書役勉從命
運遷出門多岐路徬徨逐空詮俯仰違道真畏
途甘自捐言尋鹿門約被褐事園田塵心日已
遠拙計分所安抗節依空林狂歌追昔賢離羣
非無悲守雌吾自玄

飛蓬飄岐路冉冉東復西鳴禽諧好音離折良
足悲束髮事轉徙垂老猶荒迷竭來岡阜間投
足安且夷結束平郊路開耕植東菑息肩遠浮
慕力作勝寒饑造物風有定巧智將安施聊聽
玄潛理身外非吾知

贈別何子叔皮北上

霜落歲方晏君行欲何之高天鴻鵠翔燕雀空
自嗤念此重離別攜手相踟躕志士感舊心情
深竟無悲君懷伯王略夙與賢豪期久要自牽
纏結世生羽儀顧瞻丘中人婉戀懷衷私把握
日以疎愁傷安復知

贈別莫水部子良

平生好篇章與子相妮親揮奇吐文綬藻翰投
紛紛况茲密室處東西成嫌鄰蚤夕神宇交咄
嗟蘭氣芬翻飛忽以扇離違愴然聞春念康世
姿久切時髦羣丘樊各有適悲傷中道分明發
已嚴駕鬱紆安足云

驚鷺篇四疊贈別林吉士與吉

驚鷺生海湄九苞爛其翻朝陽耀林阿和鳴鸞
相宜囀囀一見聞師夔有遺歎諸聲入清廟薦
德通上玄

長谷集 卷之二
靈修惜長景泰階寡常候至化孚聖玄和鳴契

時遘高岡有遺音姬德與同父威樓難再見漢
爵竟傳陋

楚與昔放歌孔轍厄其馳臂中息長駕剛文衍
皇虞靈苞一以存彩炫意自虛明明揚道軌萬

古開黃圖

鳳九希降世祥鳥無再音靈景息千禩眷德開
三文覽輝一至止秉素超其群儵然庭中儀羽
服願自珍

贈別郡大夫何述齋副憲河南

朝讀憂民疏暮聞徵郡書窮方去良收黎甿走

空途嚴冬背陽候殷殷天紀虛皇穆改玄化開
彼溫維圖提符登高車失我群吏師瑤珉禪長
道聊以寄悠思

南湖山房雅集

名園何逶迤握覽川途闕危林俯華構長篠媚
清沚悠然壑谷陳鬱爾臺觀麗卉木衍時秀鳴
鶴日來至良朋追宿雅雅集修前禊華池息雲
憶石角鉤霞袂撫化真無厭超玄陋高舉顧我
飛鴻迹相將未能去

中秋夜集南湖山中

流鴻運前渚感念秋節至良辰契夙好婉孌長
川洙名區攬佳集宵月延華憩憩虛度松蔭石
亂迷山翠寒幃引免絡岸幘穿龍薜空林懽衣
薄野色淹霽霽短歌狎群彥邁節思長寄玄會
非陳迹凌晨候羲馭

秋氣忽至蟋蟀夜鳴物候感心時命猶

昨良勿不集延竚興懷

眷此秋節至林塘生夜涼階除蟋蟀鳴相對明
月光清商應時發白露沾衣裳感茲歲華期回
首失青陽勳名非金石况我未翱翔墮落良足

悲素絲空自藏 悠悠千里思 伏櫪豈徒傷丘園
本吾道 悵念楚興狂

玄育莊子子良莫子尚文張子攜樽過
草堂奉酬四章

寒余苦不哲 矯迹臥蘭林 玄雲結深構 綠篠蔽
幽尋 比肩洪崖側 亦同浮丘盟 因之謝世網 委
情龜鶴生

乃有冥契士 眷予端靖心 俯駕廣川渚 結睇孤
城陰 深言惠佳麗 清粲對空明 長歌動慷慨 明
劍握星辰

長安集

卷十一

主

七

嗟此鸞鶴徒 求曹良苦辛 青霄萬里長 冲舉藉
修翎 澠池已堪奮 虞水亦清深 托身非息途 振
藻終長鳴

余本違嘉運 抱璞荆山岑 悲酸感物候 悽惻眇
遐征 總轡莫余尚 巖阿遺性靈 仰瞻青雲上 鬱
紆空爾增

三世鄉賓詩爲上海奚氏

大海何深茫 中有元氣靈 眷茲敦化士 抱拙以
長生 顧念世業榮 令德耀時論 虞庠齊八軌 三
命羅前楹 几丈清末光 林丘沛華聲 以此貽孫

謀良圖契玄冥 彬彬動文藻 光塵開上清 握瑾
諒非迂 仰增王路明

畏途

畏途不可行 婉戀情尤惻 初冬嚴氣凝 被服斂
華澤 川程一何長 千里遡驚急 中道不可止 虛
慙自地擲 眷彼川上人 回首浮雲隔 吁嗟遊子
心 悵念已脉脉 媚媚雙飛鴈 爲之送目力

苦寒行 有序

甲午之冬復赴南宮行役 旣勤不堪 作苦蘭
圖非遙 息途由我 此意不決 雖悵何辭 作苦

長安集

卷十一

主

七

寒行

歲晏行朔方 羣游良苦悲 結軌無息途 雨雪時
霏霏 高柯散密葉 凜風方鳴哀 積陰匝平陸 不
受晴陽曦 朝餐赤稗飯 夕頓白茅樞 冰漿激沙
渚 冽色無華滋 况此沙漠場 如入豺虎區 舉目
生寇攘 赤手恣鞭笞 齊魯失坦道 瀛博故峻谿
日夕動愁懷 夢寐生遐思 嗟哉遊子情 難與浮
雲馳

贈范于中 有序

于中范君吳中之達胤也 寓四涇里 追跡

士余恐其遂甘嘉林不慕時用爲詩以道之
髦士徇幽尚超然臥林塘晴雲列華紫碧藻生
霞光青山惠近壑瑤草麗年芳雅傳洛中意靜
闕石渠章先憂啓鴻軌遙天切羽翔谷處亦餘
計丘琴徒爾張

俞氏水樓

故人江樓月照見千里心遊子未言歸清光被
滿襟西陵隱簷際南湖澄夕陰持杯向木末捲
幔對遙岑悵望不能去徒令江水深

贈馮少洲四首

有序

長谷集

卷之三

古

庚

少公名惟訥前華亭令閭山翁子也閭山翁
治邑有惠政去而民思之嘉靖戊申少公來
贊郡政索賦有藝惠施深渥政事之暇以文
章自娛情致曠遠聊以四章爲贈

緬昔馮令公絃歌帶星馳俯遺甘棠化繁我桐
鄉思故老談仁明追感相吁噦鵲雛下神霄翩
蹻多令儀再揚神君化清風被九達
九達道軌千里成周行闔郡流新謠康哉光
舊章民和感易生思故思難忘翩翩富文教穆
穆被春陽皇矣弘農後萬石衍餘芳

餘芳復何爲今德紛華英軒蓋交馳道文雅籍
前楹雕龍一以振威鳳相審騰刻符向皇邑謁
帝上承明珠輝聯夜光玉潤含華清

華清被山阿澹澹生朝輝太璞本至文流虹光
太微玄章契鴻造清廟陳令儀上以耀明德下
以華履綦和氏非久生芳言猶竝馳

李塔同董子元

秀水東復折長臯滙爲林風湍日千轉寶塔凌
千尋念彼飛錫者靜寄留遺音人天路非遙鶴
鶴摩青冥偕我同懷子悠然生遠心烟蘿夕堪
捫芳徑相行吟閒房春寂寂僧梵聲沉沉丹梯
豈須躡被我寥廓襟

餞別子良三首

有序

已酉之冬莫君子良以儀部謁告南還迎養
太夫人北去故舊瞻承未堪離索相與攜壺
出餞系之以詩

仲春啓陽候肅駕承歡娛游衍登平陸羣芳媚
交遠九霞煥龍章五芝羅上廚躋攀海嶽心併
日隨安車

安車御廣陌豐蔚豈足云秉心尚玄造樹德揚

芳芬珍此簡書役鬱予雲木羣無能執前轡空
然思後聞

總憶停郊垆舉酒言離索滄洲白雲起難滯遠
行客巖中寡徒和攬化方悽惻曾城鬱以遐爲
爾守雲笈

贈率菴吳翁

仲尼主貞士陶亮懷素心明德昔所嘉况逢人
代今每思吳季賢遺息翳中林簡寂端其居雅
適依長岑太朴本自然良工徒羨欽幽蘭植渥
昧華滋懷好音

長谷集 卷之十一

降誕日幹核自故鄉來省

廬居復何征守此玄奧宅爾來覓歡候百里望
顏色生死殊途軌俛仰成今昔安得少時樂同
爾如今夕拊念鄉曲故羈孤悵行跡

果兒采蘭得九花者於巖阿絕處

崇山啓蘭徑陟巖探幽芬托根千仞巔寂寂無
氛帖石少華滋飽飫巖中雲顚氣日浮游隱
約生芳薰芳薰亦何爲攬結辭人聞空遺楚中
歎千里思夫君

幽蘭生九華含芳被巖阿曜靈茁其芽挺然秀

爲柯亭亭鬱紫霞淡淡迷烟蘿嗟余芳草性春
此青嵯峨攜穉升高巔停雲橫如波采掇非盈
筐慰情良自多

寄澤公

思君王舍城轉盼冬溪水禪寂有深味悠然向
無始荒村落日黃忽復明霞起還知太上心猶
泊靡係止

古詩二 七言

琵琶曲有序

髫年抱藝垂老無聞數上南宮一無所遇悼

長谷集 卷之十二

知音之寡信傷末路之靡從長夜悠然爲作
此曲

越女彈哀絲流聲激蕭散清商停手揮風情益
悽朗涼州大食古來聞淩落淒涼誰共君一聲
頓落天邊鴈曲罷還留江浦雲行雲不入瀟湘
夢別鴈爭傳胡地寵王嬌深怨曲中論少婦離
愁眉上聳良人北地被繁霜昨夜香闥空斷腸
百子池頭春未信千花會裏夜猶長會道夫君
志未改祗恐繁華不相待鳴蟬翠羽易虛無玉
節金章竟安采君不見白頭文雅馬相如空自

當年賦子虛琴心總付東流水那聽琵琶彈索
居

贈包子蒙泉遊武夷

天南紫氣鬱流光漢使遙持龍鳳章
地早時驂玉駟武夷先欲問丹房
武夷山色青驄裏香藟羣峯掛煙水
九曲瑤波天漢流千尋落嶂青霞起
青霞闔闔曜靈衣天漢縈迴玉女扉
洞口千花開碧樹溪邊六草弄清輝
清輝碧樹仙人住竟日寒蘿無覓處
深山茅屋幾千家種玉栽桃盡人世
秦代那知赤鳳還漢庭不著綺黃鞭

長安集

卷之十一

七

相國園歌壽吳白樓先生

姑蘇臺上望吳門西開大苑百花源
參天碧樹千尋起濯錦紅泉百道翻
玲瓏石骨移天巧下有雲根秀瑤草
不獨林塘淨九華爭看水谷浮三島
堪將林谷度芳年我亦吹簫向紫烟
春風忽領平津騎夜雪曾過剡曲船
平津自昔山中

大剡曲空多雲外賞相將京洛淨風塵解綬歸
來寄玄想相國當年吐鳳章玉階三尺待明光
絲綸織就君玉宸館閣猶傳帶佩香功成却
跨青牛去雙闕回看挂雲樹席邊喚起虎丘雲
苑裏閒揮諸葛羽白髮逍遙綠野堂還追白傅
詠滄浪郎君已習騎黃鶴故吏猶多控紫凰
紫凰黃鶴縱橫駕碧落丹霄處其下考福何須却
老方過逢只有耆英社耆英那復數高年八十
今朝是壽筵山中芝草千莖秀不但香山草樹
偏

長安集

卷之十一

七

贈三洲章子遊武夷

武夷山色鬱青葱香靄羣峯天漢東
九曲迴波沉翡翠斗山落日繡芙蓉
瑤華落處飛靈液寶馬溪邊蹲怪石
或逢仙丈白扶筇未信玉龍能蛻骨
漢代衣冠說上皇秦時田陌有空桑
只將花發爲春候不數丹成吐夜光
朝來紫氣騰空宇滿地流雲飛碧樹
共望青牛再度關那知驄馬先驅至
驄馬長安肅仗來龍章朝日捧書催
刺非不借權門笑問俗番憐僉父才
朱門早作游仙長羽蓋能從雲外賞
七香車下侍中裾五

色雲中高士，聲華遙送武夷君。意氣還飛太華雲，山中鶴馭從今重。掌裏飛龜定有聞，祥花八葉開時少。大藥千年嘗未了，只恐驚封咫尺書。明年又在長安道。

清河行

清河迢迢九百里，半河魚蝦半河水。河水東流無盡時，漁人賣魚如賣泥。小魚如針或如指，大魚跳浪蒼波起。小魚人貪買大魚棄，不視吁嗟魚大不直錢。何況神龍在水邊。

呂梁獨酌淮酒醉作偈又行

長安集 卷之十一
偈又偈又何偈，又秋風一月吹。行客披衣夜看呂梁水，齒破千山萬山石。斷崖倒峽不可支，急雨驚雷下飄忽。平生磊落不平氣，到此不覺生顏色。吁嘻長嘯作鯨吼，喚起神龍對吟席。昨朝丈人送我酒淮陰，市上千家有黃金。美色照人而放懷，便合傾三斗。囊中不必問青錢，一醉何須論幾千。且判十年報明主，慷慨移家向酒邊。

贈高卿

天下幾人能將略，新鎮遼東說馬永。遼東健兒

好弄兵，前年倚角大同城。馬永遼籌十二策，一命未試遼東平。遼東塞垣猶僻左，大同腹背胡人庭。往時唐中丞，出奇剪其翼。胡騎北走畔者孤至今，天子猶肝食高侯。高侯海內雄，文謨武略皆推公。天子錫爾金虎符，來鎮南邊無一事。日見海氣浮青葱，今年移麾向廣內。廣內苗獠亦安土，十年置爾江海間。空使英雄拊髀坐，有時長劍匣中鳴。牙帳白日雲霧生，坐籌四海有勝算。兩眼北望樓蘭寧，天子何不授爾大同城。使與馬永左右手，共掃妖氛清邊陲。

長安集 卷之十一

馮御史戍雷陽歌

君不見雷陽毒霧起平地，瘴海茫茫晴亦雨。況有長蛇兼猛虎，天吳四目鋸爲齒。試問古來行者誰，三數巨公蘇寇李。人言嶺表能殺人，安得數公還故里。乃知天開此窟活正人，厲鬼只啖羣小輩。吁嗟馮君丈夫士，一疏何當怒天子。出身犯難世所惡，抗論太高古亦忌。執政甘心幸碌碌，君獨幾幾也。懸東市爾時，彗星掃執法紫微垣。中有赤氣滿朝失色，盡吐舌天意在君衆。所指執政口塞不敢動，詔獄三年對強吏。

膚刺骨無一完三木囊頭觀者涕中間再死入
鬼錄鬼老不敢容君蛻此時君在人鬼關孺子
含悲血爲疏一朝聖斷放幽囚暫寬雷陽列
行伍馮君馮君真丈夫高蓋長劍危而楚海內
聞君不見君雷陽兒女今爭觀僦屋相居願者
多他鄉未信非吾土君本吾儕第一流遭逢已
偶非奇數壯志能開衡嶽雲高懷不瀝湘潭淚
海若從今爲爾靈南中暫解風塵袂共幸追陪
赤鳳游長留不數青霞計獨有生平報國心白
髮知君老不死

吳母壽筵歌

君不見新安江上千峯起寶閣瓊臺走烟霧瑞
氣朝騰碧落文靈光夕長瑤華樹鳳扉雲樹結
賢門嘉慶偏承季子孫阿母堂前萱草麗仙人
堂上碧桃翻碧桃瑤草千秋會那復靈根下層
霄甚德曾傳華胄遙真源舊啓鴻名在班家不
習綺羅緣鄉母能開俎豆先蘭閨窈窕芳春事
玉曆依稀栢子年諸郎鴻業珊瑚把鳳孫况復
千金價瑤杯綺席動春風滿握金芝盡堪寫

懷叔皮歌

天寒地凍不出門擁爐獨酌瘦頭跡呼兒園中
剥菜甲白眼醉向梅花根天涯阿皮不見面雞
籠山南誰能遣我欲對之心不緩長江何時淨
如練我思前時海上游潮聲欲漲先鳴虬阿皮
兄弟解人意三更共對扶桑洲扶桑丈人理或
有兩螭盤旋跨跨吾右爾時天清走百怪咫尺何
論犯牛斗人生此樂能幾回阿皮南歸期復來
孝廉滋味已如此白髮那能饒我催

伐木南阜歌

翁然百槍城東林昔年手植今十尋虬枝古怪
苔蘚蝕冰霜慣歷冬森森山久今年作別墅森
森立者皆梁柱公輪不喜削蟠根却恐勁節焚
斤斧用材如此良可嗟山人本意愛槎枿爲
公輪且留意安居他日看吾家

懷子仁歌

昔年詔獄鄰東市海內稱君真御史今年大赦
及雷陽延首望君還故里前星光芒爛照地跂
喙盡被 皇家社安得南中獨係君萬里操戈
落泥滓近聞武定郭侯賢肝腑獨瀝 天顏喜
言官落職合蒙恩棘道今番定如砥治世衣冠

立滿朝大者公孤小三事房杜謀成斷亦成大
政於今乃如此禮失求之野豈然無乃權勢危
然峙巧拙殊途兩可憂防微誰合如吾子

壽茫湖李翁

西山鬱佳氣曠昔開靈詮丹光抱虹日五色浮
雲烟旌陽宅裏青溪繞挂屨楓頭碧嶂連層霞
遠帶豐城樹赤水遙分玉寶泉湖南却羨幽人
住遙草瓊花種成圃共向人間覓少微那知
帝里推玄度芳年令子侍文昌少妙名孫盡玉
堂佩玉朝陪紫芝宴吹簫夕賞白雲房天邊丹
鳥銜書至滿紙金泥緘綠字執法於今列上公
儀曹當日封三事閒飛赤舄步瑤池晚向洪厓
跨鶴歸長生未數姜茅壽椿樹培來定百圍

短歌行

歸來無長策窮巷寡所親白髮名輕世果然自
分老作蓬蒿人墾地及時栽芋栗開門常自放
雞豚無綠北望夷門路猶有劍客相周存激昂
忍負酬知己束縛方欣離磨世肯厭身卑失寵
光番憐計晚多憔悴殷勤爲謝東家生干謁那
能學世情寸心明滅聊復爾白頭難作飯牛朋

春楊曲

城邊楊柳復如眠渡口飛花晷客船柔枝曉逐
流鶯語芳草朝含玉塞烟無緣得解湘妃珮空
有游絲挂春樹漢家苑外綠如縑西望長楊無
覓處春風澹蕩染羅衣公子幽閒玉騎飛清平
多少豪華事落日悲笳那自持一年一度花如
雪一變一迴情轉別洛陽年少笑懷生獨向金
門思如結春堤紫陌總芳年綠野清樽意了然
自笑門前五柳樹朝朝日日使人憐

紫霞仙人歌

紫霞仙人瓊爲裾空濛西來煥庭除飛節十大
繞雲氣長螭蟠旋如轆轤丹砂纍纍耀碧落金
露成莖下寥廓瑤華玉樹手中握置我左右相
揮霍上有碧題生紫烟青霓一線上遙天靈芝
轉盼生三秀玄圃一擊空千年我昔攀霄歷金
闕空同高嶺始一垓太霞荏苒層城上金青掩
映芙蓉闕九華真人授我訣黃金爲庭紫玉闥
閉我門戶守我拙我欲出門無可說

緩歌行

對酒當歌悵徘徊出門無徒思者誰秋深細雨

下庭堦空霄斷鴈霜前悲何時總轡扶桑枝紫
霞盤旋光陸離層城鬱鬱和靈妃手持玉衡運
四時洪厓遼遼樹羽旗湯谷神王御兩螭我欲
從之路逶迤延首長望心踟躕

秋夜命酒歌

夷門隱者尋何處空復閒居吳楚尾虛堂燒燭
甃餘光隔屋星河祭高樹夜涼不禁亂蛩鳴浩
露空沾江上城杪秋忽忽催寒氣落木蕭蕭無
數聲風昔窮愁今謝去滿眼紛華自浮世閣上
功名醉已醒山頭塚土穢如雨樽前不惜酒杯
長谷集卷之二
天
吳城西望水烟多雪白蓮花蘸水波不分藕絲
牽作帶生憎荷葉剪成羅吳姬不識相思苦蕩
漾輕舸泛婀娜折取琅玕的的聲鴛鴦驚起飛
前浦江南烽火數州連西逐烟霞買釣船愛聽
菱歌尋酒伴多情得有次公賢梧桐樹底涼堪
往杜若洲前時擊樂紅粧恰值采蓮歸轉面看
予倒斲益

採蓮歌

吳城西望水烟多雪白蓮花蘸水波不分藕絲
牽作帶生憎荷葉剪成羅吳姬不識相思苦蕩
漾輕舸泛婀娜折取琅玕的的聲鴛鴦驚起飛
前浦江南烽火數州連西逐烟霞買釣船愛聽
菱歌尋酒伴多情得有次公賢梧桐樹底涼堪
往杜若洲前時擊樂紅粧恰值采蓮歸轉面看
予倒斲益

松樹障子歌壽顧伯從六十

長松千歲姿枝奇幹亦怪聳壑昂霄玉滿林孫
枝鬱鬱團圓益丹嶂烟雲住不飛空霄波浪過
還疑槎牙並作蛟螭舞翠幄平將巖岫圍大株
連蜷參碧落小株競起相揮霍冰霜併是歲寒
心靈奇况有千年藥長年那復羨金丹白石青
霞總是閒斷取茯苓朝作飯挹將金露晚爲餐
傳聞洞口停漁榜不抵樵柯片時爛下令逡巡
訪故鄉八公轉面稱仙丈黃鶴誰云去不還悠
悠長使白雲閒松間咫尺雲門路障裏分明是
玄圃封榮空憶是秦年無論靈光柱爲魯請看
畫史虎頭孫謁謁仙枝令德門已着萊衣娛煥
景又將神氣寫靈根洪崖堂高倚絕壁玄風不
數楊雄宅前身定與赤松遊今來恐是安期謫
人間何必問丹丘甲子纔看一度週更讀黃庭
千萬過便回關令識青牛

顧汝修遺予華陽巾酬之有序

予嘗夢入華山希夷子以石室見授故見於
詩

華陽高士神仙侶頭裹山中馭雲氣金露霏微

藥滿爐太霞把握風生羽昔年夢繞華山
草坪西是洞天逡巡授我東華訣一息飄飄
歲年山中芝草千莖秀洞口靈芝種成畝臥裏
經行只片時分明左券歸吾手君侯何自得前
聞遺我青羅一幅雲聯環就雙螭木玉縷如
絲細細分眼前寫出希夷樣玄圃令人注深想
入道年來人未知從今任爾稱仙丈

贈吳山人

山人不識兒女愁結髮從來事壯遊青山到處
題詩遍濁酒尋常大白浮結交海內多豪士不

長谷集

卷之二

元

吳

但平生曾連子騎驢長嘯過夷門赤手狂歌入
燕市五侯七貴爭相迎醉墨淋漓四坐傾黃金
爲壽不一顧白眼相視稱卿卿邊城五月桃花
發直向沙陀采靈藥爲言塞外少鳴蟬杪秋早
已飛寒雪衡南回鴈正如斯物候多從地氣移
悲歌不住湘潭淚華頂還將玉飯炊今年雙返
吳門駕白髮髮欲成把酒留君留爲買田誅
茅結屋聯居舍山人猶復意翩翩華嶽仙壇說
舊緣前身不負希夷約石室終當去學仙

名馬篇有序

莊子玄育計偕北上予重其素作名馬篇

燕臺自昔多名馬雲錦千群被原野金羈玉勒
繞青絲紫陌香街蓋黃帕金刀剪出赤鬃高品
料增多意氣豪奇毛養就桃花色緩步牽將白
鳳騰西國胡兒雙眼碧自言相馬只相骨歷遍
諸槽索良驥逡巡未肯施鞭策鹽車伏櫪不能
前却有追風骨骼堅中夜長鳴房宿動高秋顧
影苑光懸一朝騎將逐狐兔衆馬喧填汗如雨
疾走橫馳却獨閑翻飛會使蒼鷹怒始知神品
絕常群縱轡遙看起陣雲沙苑爭傳千里價龍
媒何必五花紋可憐舉世少伯樂坐使良才久
蕭索長楊校獵始稱雄拔出奇姿揮霍方今
萬里淨胡塵不事騰驤耀紫麟和鸞合引祥雲
駕應節街圖奉聖君

贈別吳子齊襄北上

胡天八月飛寒雪吳地猶嫌葦衣執南北從來
風氣遙千鄉萬縣難爲別君侯少日待明光
西曹妙選尚書郎使車萬里清南徼甘雨祥風
滿路傍那堪此日長安道遠塞遙天鴈來早肯
憚盤旋水驛多應憐故土迷秋草吳中重集下

江兵浙上多添紫邏城夷情未測來年事到處
旗幟似列星蘭陵市上橫枯骨楊李由參畫蕭
瑟專城總付咸陽火列戶曾無萬家邑君侯君
侯且莫行旌向江頭駐使旌攬拾掃蕩終朝事
况復金陵王氣明健兒已徹關西守鄴下黃鬚
盡奔走經略雄材得似君何論黃金印如斗

隣婦吟

洛陽高樓臨大道琵琶撥出鵲絃妙就中惟是
白頭吟涼州舊進淒涼調聽者人人掩涕歸鄰
家怨婦更淒其番身入破聲聲急識得文君心

長安集

卷之二

手

思微當年少妙甘貧寒朝旦雙雙更誰苦親操
井臼二十年一旦榮華棄如土閨中年少誇娉
婷二十年前尚未生當時不學朱家婦今日相
看任爾情

顧氏張燈曲

夾城橫跨辟疆園巖壑平臨大道邊綺閣重門
開繡薄樓花錦樹寫流年園中物候迎春吐瑞
草官梅列無數猶道芳華未稱情却從元夜裝
春塢歷亂瑤燈接棟懸縱橫寶炬上薰天明珠
錯雜星河動碧玉參差火樹聯鳬鷺不但飛雙

寫鵲鶴蟲魚幾千尺前榮况復起潛龍矯矯雲
林頭角出廊廡隨處列溪毛三秀靈芝總藥苗
星橋月宇移來近瑞靄祥烟見不遙翻疑晝日
重光轉那說仙都九霞變始信人間不夜城空
傳漢代宜春苑若個遊人不解顏誰家陌上不
追歡妖姬共約迎風笑俠士先拚帶月還衡門
我亦聞簫鼓跛足踉蹌出牆戶華轂追隨總大
夫高筵宴集迷鄉土伊誰幻此錦乾坤浮世爭
無覆與翻總然不是黎軒巧工技能將造化捫
可憐豐樂年華早可憐化國風光好麗景無如

長安集

卷之二

三

此夜長追歡莫待他時老

烏啼曲爲督學黃御史母夫人

越王城邊烏夜啼霜清月白天欲低鄰家搗衣
聲正急我獨無人寄蕭瑟攜兒起看夜何其浩
露翻空腸斷時金陵長望無歸期

寶劍篇贈陳子台錫

凌霜寶劍昆吾鐵出冶霞光噴飛雪龍泉已具
匣中芒星氣遙從夜深發陳君少日志飛揚才
同此劍光新掣折衝何但比純鉤驅逐妖氛淨
胡越舉動能移太乙精指揮定樹青雲節阿翁

煅煉有神鑑 聖世收羅定超絕
薛燭今當目 看上方斬馬非徒設
鼓吹三千擁 飲飛舍光承影先驅列

酬張丹石以康山圖見貽

吾愛山居靜 不知山居尊
屋前樵路行者稀 時有虎跡印其門
高林啼鳥呼不去 催租吏士聲無聞
地鑪宿火煨芋栗 夜寒讀易怡心神
今君寫成圖 居然高士樣
萬木參天屋數間 高峯疊石雲千丈
開門振日無公事 只有日月通來往
此中佳處人少知 王侯空自縈心想
蘇門長嘯從來慕 南陽抱膝分明象
不思長者留車轍 不願徵書擾吾黨
白髮常如圖畫間 碧山處士稱無上

柘湖六表初度歌

清平學士愛巖居 年方五十焚銀魚
今年六甲週兩轂 十倍精神常著書
茂先博洽驚山鬼 虞監待問充行祕
海內推君是當家 浮沉俗態深相恥
曾言磨蝎是身宮 六一昔與昌黎同
出門磯足損真性 乍可潛思游鴻濛
滑稽方朔何卑淺 袖刺正平太狂狷
金馬門高總拒人 古來獨

行猶可傳 老夫聞此最關情
此君不負多才名 安身立命只一著
東塗西抹空勞生 名場舉世甘羶鎖
蟻附腥羶忘在磨 物換星移齒髮猶將束縛供遲暮
先天有物自光明 手搏日月兩龍輕
天容傲客長弭節 造物小兒空受驚
槽聲初沸仙人祿 今年造得幾千斛
醉取名花桶滿頭 與君拍手呼黃鸝

長谷集卷之二

長谷集卷之二

長洲吳曜馬
相葉家寫刻

長谷集卷之三

律詩一 五言

華亭徐 獻忠 伯臣

龍華寺有懷張玄超

浦上白雲深幽居清道心竹徑鳴風珮蘭階生
書陰山僧忘入臘寶塔舊成林落日青霞外高
人何處尋

寄馮子仁獄中

怪爾憂時急雲林阻道風人間傳抗疏誰復見
書空萬死恩方重生還事亦公悲淒老親意悵

長谷集 卷之三

望五湖東

白洋河與諸君守歲 三首

暮景遠南陸長河生紫烟盤花照寒水綺燭入
新年劬氣含春發雲華拂曙懸長征動惟宴客
思統鈞天

通夕文軒合中宵淑氣回河光動星漢香霧涌
樓臺故國椒花遠芳年客興催未紫鴉鵲夢聊
竝列仙才

客歲延華節殘寒謝遠人琴樽麗水夜時序倚
江春金漏通三朔絲盤簇五辛已欣瞻海嶽仍

願握星辰

贈寶應仲子長

仲長本奇調河海覓清緣禹穴通幽徑吳門凌
紫烟川梁弭遠節江國進高賢眷念芳洲意離
情空黯然

贈別李穎叔還京門

李白悲秋老蕭條離故匆長山黃葉起猶道是
金陵拂劍虛清眼驅車遲翠層空餘校文處回
首肅孫登

雞山同朱射陂子价

長谷集 卷之三

鐘鼓欹山寺烟花集夜卮地靈清禁禦江勢遶
皇陂霞氣千林觀雲泉百道絲前朝總陵墓悵
望欲誰悲

雪夜

舞雪半寒城房櫳入夜明簷風吹玉玦庭樹集
飛英塞路龍沙遠堯年物候生流雲空自遠玄
節慶初成

焦山

隔岸千峯又迴波一嶂收仙禽豈丁令高士只
浮丘江勢西連楚山形近帶洲京門形勝合雙

嶼障東流

金陵訪玄超叔皮氏

少別動經年離情爾獨憐青山馳宿夢春樹阻
華篇淮水流新藻芳洲多暮烟還攜故鄉月千
里照君前

九杞許先輩漱上山居

漱水簇花源澄波淨壁門移家藏諫草掃石理
文園海甸迴龍氣林居雜鳥言將人代明壁光
采照華軒

衛河道中

長谷集

卷之三

三

衛水紆青微晴空散紫烟林光波欲上花氣日
堪然到海魚龍急尋源洞壑偏黃圖延北極歸
思鬱南天

任奉化問俗剡源宿淨慈寺

野寺疎秋葉長溪隱暮林迴峯隨水曲危磴入
雲深俗遠千峯合源窮九折岑自慙塵土相多
負遠公心

雨後抵北渡

玉鏡穿雲濕銀河掛雨長晴開兩岸樹風足一
船涼草露珠猶綴波文練與光聊將剡溪棹爲

覓賀公狂

少白李君金總督海上兵防以詩見投
裁報一首

幕府行春日仙輿拂曙行赤東方捧日高論未
尋盟橫海清玄菟連雲望赤城黑頭弘廟略藉
爾蒼昇平

同陳鳴野鵲探禹穴有序

禹穴卽今之窆石禹得神符於衡嶽始知江
河脉絡斂禦神奇功成藏諸此內有神機呵
護

長谷集

卷之三

四

室有傳疑事探符自昔王寶圖陳秘室神迹麗
雲蒼越國迷山鬼素風沒大荒觀河思盛業
藻可能忘

瞻禮禹陵有感

夏道今何在玄功此地存纓園荒離合輦道夜
烏喧泉水明堪薦山雲靜可捫聲文今海內豐
藻可堪論

阻雨西興驛二首

公事越溪來愁雲鬱不開江頭問黃葉昨夜落
暮苦客舍新年飯家山舊樹梅相逢無可語長

望一遲徊

憶昨桃源步今朝沙岸行世途真壑谷無事只
昇平日落吳山遠天寒越水清隔林喧夕鳥獨
坐最關情

吳之仲自鄉中來訪

越海蒼茫客吳亭迢遞歸看山雙足勸訪舊一
行稀大藥連雲採新題帶墨揮羈棲人吏後羨
爾自翻飛

渡浙行蕭山道中

海嶠夾江迴林扉逐水開田家攬秋事日暮羣
長谷集 卷之三 五

舟回柏熟皮初白鹽成土似灰不知陂水外別
有夜潮來

冬日行橫山道中

山寒無鳥喧空谷苔人言落木寫丹壑溪聲送
遠村雨餘沙碓急燒後石田溫問俗歸來晚排
徊度壁門

宿大堰

天寒風自鳴長夜最關情一枕他鄉思千山落
木聲流雲連壑暝驚鳥逐林輕華節愁邊度新
年夢處生

公事畢復渡浙水

江水日邊流星槎天際浮春深花柳暗客思滿
芳洲暮色漁歌起晴光野渡留天涯角水上方
信有并州

夏日雨中督學孔文谷出奉化有作見
示奉次

憲節光南極文星動遠天道華行處有藻識鏡
中懸路遶青林雨山迷紫邏烟爲傳滄海使報
爾赤城仙

南後度山隄嶺再用韻奉呈

長谷集 卷之三 六
複嶺迴前嶂空林見午天迎風百鳥笑宿雨一
花懸露憶瞻青海搖旌散紫烟扶桑空處是玄
覽只飛仙

泛舟明州江上回

凌晨角水去薄暮上江回暑氣微風扇林光遠
日開池臺年柳暗節序早蟬催皎月生華寓流
螢空自來

自小晦至西晦與曹新昌議民事

行縣淹朝雨盤山轉路遲溪聲連壑起雲氣併
峯移候鳥催耕急梯田貼石危農官方在野端

為有年期

宿小晦單生家留題

仄岸綠溪轉窮山列地幽數椽儒者宅百代耦
耕流嘉穀甘秋飯明經切道謀棲遲見爾輩問
俗少吾憂

日嶺 三首

飛蓋上層雲飄然淨世氛危峯開日觀東望紫
桑君石落霓裳影山同婺女聞無能學仙侶屏
跡吏人羣

石林開寶地嶺閣覽蒼烟海日排林出溪雲挾

長谷集

卷之三

七

雨還烽樓淨南望澗磧引豐年一刻逍遙意三

生寂寞緣

山中春稍晚獨坐惠風巔花雨侵苔磴林扉淨

竹烟空霞雙嶼合景壑一亭懸歸騎傷遲暮慙

予未了緣

癸卯應朝北上晚泊清口

野泊斜陽近江村亂水明帆檣千客語鳬鴈一
羣輕凍噉寒沙溪風離古燒平昔年淮上月猶
自照韓城

早發崔鎮

風日寒初動川原路稍征鄉關數縣別客望
村迎水宿依洄湫官程計夜更不聞津吏鼓但
候早雞鳴

閨怨

薄命攬愁眠征夫無夢牽青春交俠客白髮慕
燕然一枕懸情淚三從托爾年星河照君面安
得笑從天

寒望

野日滿寒望霜村行路稀隔江雲稍白負渚鴈
將飛橫地山川遠當門梓橡非旅行人易老鄉

長谷集

卷之三

八

思繞征衣

過魯宿新嘉驛

過魯息征輶燈前汶水遙寒更轉星戶臘樹近
雲霄社鼓祠蒼后郵笳鎖麗譙先王有繇俗衢
巷少疲耄

次東阿之陽穀

魯關汶田繞齊門穀石開驅車墟市接拂劍使
星迴野店霜天近輿人子夜催空遺玄圃月不
照管公臺

次德州

濁衛雄三鎮名藩障四鄰風塵通朔氣水陸見
南人客袂淹行役羈心幾問津飄萍百年恨長
望此時身

車中有紫駟混之群中感而傷之

良驥晚蕭條征車路尚遙相隨爭秣侶難騁絕
群騎錦韉天閑冷金羈別苑遙和鸞聊自適緩
節應箭韶

甲辰解官歸承張子濟之何子元朗包

子元達吳子之仲張子玄超莫子子良

董子子无過訪

長谷集

卷之三

九

蕭散初歸日經過舊雨人言尋竹裏譙共把柳
條春未厭夷門僻依然范叔貧不須招隱作門
巷已荆榛

月夜有懷中江

無事更前月清光似舊秋蟬聲涼始廢竹影靜
堪留河外明星發衣中湛露浮還憐玄圃鶴清
唳夜相求

暑夜有懷元朗

子夜月光寒花間露葉團繁星四野沒玄武半
天看角語高城細烏棲玉樹安懷人殊不寐憶

別長愁端

戴貞卿分守漢上兼領山陵

分陝元臣後留都漢水陽使星臨楚分絳節繞
龍祥玉磧秋光動雲門紫氣長帝陵初建禮
莫惜頌先皇

望太湖用魯公平望橋韻

秋日長湖望瀾天一鏡平吳門含水氣林屋淨
濤聲飛鳥烟光沒浮霞島嶼明居然五湖泛不
爲柱頭名

呂塔院餞別茅子潤夫三首

長谷集

卷之三

十

別酒對秋光清樽集鴈堂晴川沙繞岸林樹橘
含霜治邑江鄉近觀風水驛長青山縈別思遲
晚共蒼蒼

辛苦京門令遙傳使者車章程數縣集苛法一

言除別思秋堪繞民風古不如吳歛難可聽煩

著新書

饒別重陽後黃花開尚難沙乾霜始落驛繞路
如盤明府千家頌星郎一縣安輶車過句曲寧
欲問還丹

柳涇別業五首

客歲滄洲思新年芳樹歸故人驚白髮舊燕語
前扉公事書千卷開門水一園寂寥江上月莫
道暮鐘稀

隴鴈來何晚空庭落葉聞霜天成稻顆寒日散
溪雲水落沙痕減風高鳥陣分明霞堪夕望農
舍慰晴照

谷口開荒徑歸來得遂初不堪汗士籍聊可讀
農書野竹經霜翠寒梅待臘舒自憐黃髮暮無
事可愁予

野色晴偏合寒潮日兩通秋深過宿客風急下
暮年集卷之三

雲鴻牛舍晞朝日漁梁集晚鰲鄰家春競發相
率慶年豐

閒居驚物候歲晚惜年華玉樹飄霜葉空林集
暮鷗溪寒鷗侶集水落岸痕斜獨倚寒梅瘦亭
畢未始花

乙巳人日渡瓜塘訪楊子有玄

桂棹歷通川晴氣散紫烟人祥徵七日物候啓
初年沙鳥波中狎征帆樹杪懸鄉關重時今日
暮思翩翩

朱仁叔曲水宴二首

候節迷花霧年光暗柳條
芳君澤氣迎杯潤林風襟佩搖
爾賦逍遙

校濯臨幽賞川梁寫客襟
穿林水落浮杯影春留候鳥音
是會山陰

乙巳夏旱熒惑守箕斗間

是歲旱苦過於甲辰斗米值百錢所糶糠之
食通於城市鬻妻棄子死者延道惟吳地爲
甚

暮年集卷之三

白髮添愁日黎暉共餒年雲霓天末望熒惑斗
中懸赤岸流霞久雕胡望眼穿含悲謝田咬觸
淚聽鳴蟬

御客爭杯水神巫望片雲城陰猶病渴岸谷總
如焚厄會那堪老饑人未忍聞紛紛苦形役寂
寂掩斜暉

姚子歸武林

念子行將夕推篷望舊鄉門臨越海嶠秋盡武
林塘樹樹蟬偃咽尊湖蟹正黃羈心總消歇天
未可能忘

出塞二首

飛騎出西京邊寒夜度兵長驅臨大漠殺氣繞
龍城多奪明王馬頻移戰將營攜將隨頭月萬
里照胡庭

漢將苑頭出胡星落夜懸候騎通漠北獵火照
燕然尊食趨青海輕車逐左賢爭知胡地雪白
日暗雕弦

吳興社中賦得白雲臨酒二首

白雲湛虛影芳酒泛幽標綠蟻浮層岫瓊波落
上霄樽前王母下醉裏玉峯漂何似思親處臨

長谷集

卷之三

三

觴一望遙

渺渺白雲冥悠悠湛露明瑤池飛羽蓋玉葉寫
金莖作雨聊同潤爲衣詎在觥尊前有悵望未
與賞心乎

贈李青霞

五言逢客卿隱隱一長城作唾珠璣落當耿愁
思傾風塵淹上洛劒珮阻華清何日七輿動倏
然三顧情

雨後寓清容軒

夕氣通蘭若空霞引雉樓湖山初霽雨節序欲

迎初忽復寒蟬變堪憐玉樹幽條然南陸望關
閭動人愁

宣妙寺同左山貞晦青蓮大南

上方宣妙寺一室舊安禪林霽洞霄月牕含滄
海烟龍華開法界鳥道近諸天投迹一蕭散升
攀非世緣

富子超顧伯從遊武林二首

君去越門遊湖山春正幽鏡中圍嶺閣樹杪見
江流僧榻雲邊借花蹊水面浮磨崖珎重事歲
月待君留

長谷集

卷之三

三

緝關無俗念遊興晚相侵春在千峯裏幽人併
可尋前朝芳草綠古寺暮雲深悵望吳山下空
閒說武林

和子超遊甘露寺

壑谷江城固帆檣遠水茫灘聲千岸轉王氣幾
峯昂寶露迎衣潤曇花拂座香前朝題字客餘
景山淋浪

和子超遊甘露寺二首

宿雨早秋生新涼竹院清高人一以過穉子喜
逢迎水樹光瑤席星文映斗城知君藉草寒

我白雲情

竹館虛涼夜花源息上才谷聲通鶴夢星風逐
人來說劍青霞動論文玄燕閣登樓重有賦報
玉擬須裁

送客北上

鳳轄芳洲去雲林竹樹荒風花併秋別鴻鵠與
心翔御苑聞鶯早河橋惜柳長何時隴頭水千
里共還鄉

善卷洞

玉洞疎仙宇丹光掩曙雲山舍大澤氣石繡碧

長谷集

卷之三

主

附

霞文東峽泉流細憑虛閣道分商人留外景遙
覓洞庭君

玉女潭

玄水瀟秋望青山隱翠螺洞庭雲氣接陽羨雨
聲多月影支機石魚翻織錦梭時聞來帝女未
信阻天河

奉懷射陂朱子

又別烏程令經秋思轉微林光暮烟發菊氣早
寒歸出縣看山近開衙報客稀還將蕭瑟意遙
逐白雲飛

船子道場問宿同子元

野宿尋蕭寺長林一棹通溪烟不可斷山雨忽
迷空禪味此中寂雲空夙有宗如何石門想千
里問雲踪

婁城晚泊

禹迹久沉埋婁江獨泮然落雄百粵鎮地接帶
方偏海市晴沙合波臣雨夜喧歡遊殊未適驚
夢已相牽

范子中巡宣嶺外二首

聞君嶺徼去把櫂意遲留歲晚行人少溪寒凍

長谷集

卷之三

六

次

雨浮舊鄉雲易白百粵氣常秋忽聽津亭鼓當
歌倚暮愁

相知空早歲離別半浮生燕市雪初盡嶺頭雲
又橫北來無過鴈春去幾聞鶯獨有羅浮月能
懸此地情

辛亥病起

一病經春久無堪兩鬢星庭花幾夜落芳樹滿
簾青買藥家資盡安禪宿念輕此身無住若夢
幻總忘形

呂蓬峯自新昌來訪二首

落日上層岑寒原慰遠尋十年滄海別猶是越人吟冰雪漁梁斷荆榛鳥路深知君念幽寂衰白易驚心

一見驚愁髮淹留十載過舊鄉烽火近浮世寂寥多弟自兵間壯君如濠上何相看殊欲老遲望起離歌

吳少溪夜坐偶成

雨雪遲曾城相憐別後情酒杯消客夢慷慨說平生里鼓宵人戢寒更縣宇清簡書堪慰藉西望白雲程

長谷集

卷之三

七

沿北山入太湖遲望

長河秋色裏映帶碧山幽寒入西陵樹光涵玉瀾流岸花遲有約雲氣晚爲樓通客千峯去相尋不可留

辛亥九日承大參潘笠江巡憲江蒙泉

招同唐一菴登眺道峯

霜落湖南樹秋高鴻鴈天暫依雙使節同陟道峯巔海氣丹楓外溪光碧嶂前憂時懸北望千里遲雲烟

峴山同王沂川俞龍巖宋石樓朱賓泉

晴川昆季

九日澄湖上躋攀碧宇中風光催岸菊霜意屬江楓半嶺留殘日遙天送斷鴻窪樽空有待鄉思已千重

壬子六十誕辰二首

容易歲華晚逡巡江海身中年思入道老日尚迷津稚子漸爲父新知多所親眼前生感慨搔首爲誰論

忽忽閒居老悠悠世路違暗中生白髮夢裏亦荆扉大藥難消受微官易去歸百年傳舍近多事總成非

暮秋東歸淹雨

日暮寒塘雨遲徊沙岸船歸征阻雲樹野泊就入烟草市樵爲客漁村水作田鄉心在天未晚際獨依然

辟寇九霞山中

世難辭鄉易山深見客稀亂鶯聽入夢新竹看成圍暫得風塵遠仍聞羽檄飛茫茫江海上聊自掩荆扉

月湖同孫九野方潯南宋石樓董子元

夜泛

晚色對樽酒，浴泗沙上塘。相逢多意氣，不記是他鄉。魚沈夜初靜，鷗波鏡與光。言歸待遲月，披拂有餘涼。

鳳林館納涼

二首
有序

前溪有孝豐吳氏鳳林別院，甲寅六月暑旱，承霽，窳見招夜坐。

蒲棹前溪曲，追涼廣院中。人將蘭氣合，境與竹林同。朗月浮輕幌，初蟬落遠風。從知茂陵客，馳思少匆匆。

長谷集

卷之三

詩下

阿鳳林棲處，高虛敞露扉。繁陰下梧葉，清露動蘭輝。度水紅蕖近，開簾白鳥圍。炎霄攬衣帶，相對可言歸。

留月君

有序

從周孫君爲密室，上開一竅，其光常如圓月。一室下嬋娟，空明似洞天。不隨天上缺，常向夢中圓。劒器含秋水，琴張淨暮絃。清宵衆喧息，的定初禪。

孫從周還新安

千里念離違，殘年獨自歸。寒光侵客夢，詩卷遲。

征驂歲酒逆門熟，辛盤送臘稀。遙知家慶日，添獻百年衣。

甲寅東歸

世亂無家日，蕭然一舸歸。楓江秋自老，霜岸歲全非。隔水蠻烟合，沿村人數稀。空憐舊鄉月，猶照去時衣。

自吳興還住泖莊

衰年逢世難，蓬累向荒村。瓜瓞迎秋熟，禾田浥露繁。宅無山鬼闕，老得里門尊。偃仰人間事，爭憐覆與翻。

長谷集

卷之三

詩下

中江園業日豐奉寄

一首

高人不可尋，結屋向中林。草樹迷晴靄，溪光生夕陰。藥苗三過採，襖帖幾池臨。愛爾沉冥意，悠然塵外心。

宿金蓋山家

山家無夢牽，幽思繞殘年。一雨泉初落，長風竹自顛。地爐藏宿火，板屋障寒烟。漫覺鷄聲早，渾忘欲曙天。

丁巳仲夏望後二日聞蟬

吳鄉朝過雨，林樾動微涼。忽聽寒蟬變，令人秋。

思長沙田秧馬渚啼鵲攬雲蒼物候從誰問衰
年一倍傷

酬幼海周子 二首

君來問幽寂發棹與秋期一路藕花白片帆山
勢移雲迷樵徑遠樹密鳥歸遲夕氣長河合相
看露已滋

茅齋連霧靄客路間山川已復投農社何妨買
釣船鳶蘿閒繞樹燕麥漫成田爾亦沉淪者相
過意已傳

董子直自鄉中來訪

長谷集

卷之三

主

周

故鄉無際望時復故人來落日川原合晴林烟
霧開石田粳作粒草食辛成魁知爾幽閑意歸
帆未與催

山居 三首

高林深結宇礙屋有停雲秋至驚黃葉蕭蕭不
可聞客從樵徑入泉向石根分日暮牛羊下時
同麋鹿群

變節餘殘夏凌晨愛稍涼山中夜來雨秋意在
林塘津樹千村綠溪烟一水長嵇康嬾成性散
坐或稱狂

拂曙啓簷扉初寒欲授衣隔林遲宿鳥當戶早
鳴機行水田渠急迎寒柿葉稀山家朴未散垂
老足相依

戊午仲冬自松返棹

朔氣催寒雪嚴程促泛波渚雲連野合江樹入
風多買客帆爭沒旗亭酒漫過年年湖上路衰
癯欲如何

寄澤公

芳洲一水隔西望惠休廬未祕蘭亭帖惟翻龍
藏書閒心殊不著法性本來如云是西方意中

長谷集

卷之三

主

宵為啓予

癸丑以來予徙吳興元朗居金陵辛酉
八月元朗移住吳門與予相望寄情

茂苑移家近吳鄉慰接聯望隨回鴈浦歸踏帶
霜船物外招尋易林深嘯詠便過逢堪信宿發
使不須年

城南草堂為董子元

生無近俗情念亂入江城谷口遺芳樹林中憶
早鶯到門仍問字閉戶好藏名心遠懷陶令高
齋似水清

呂中甫沈嘉則自用來顧

平生慕呂安垂老得相看海嶽將遊遍烟霞思
亦寒著書緗滿帙晦迹竹爲冠爲問剡溪棹紆
迴路幾盤

雪菴和尚翻經馬塘寺

已識開函意先翻入品名法從空裏化覺自妙
中生印度隨心見津梁逐處成天花應自雨不
獨願燈明

同子元訪陸子野不值

杖策白雲村尋幽運竹門隔牆花欲發向客鳥
空言烟火鄰堪竝琴書境自尊何時間流水相
約避城喧

甲子歲暮返棹吳興留別元朗子元

寒日不堪別北風聲正喧舊鄉如旅舍西望有
家園溪路愁先凍柴門閉自溫君應念吾去計
日到山村

元朗叔皮入金陵玄超北上送別

之子河梁別悠悠分路津翩翩燕楚客淒斷一
傷神瑤現行合憶蘭芷竝蒙塵肅節承明館含
徽國胄身總看壁終是阻華辰杜若芳欲

歌金芝迹漫陳空懷梁苑雪未憩鹿門春別鶴
流長歎遺情贈爾均

秋日度谷泖有懷張玄超董子元金陵

通川浮太液落日涌流文林密交加樹山迷去
住雲驚心一鴈度入夢半秋分荇亂牽風帶鷗
尋拂棹群山川空有待歸計未能開

送漕司

江漕分水部國服獻司農旌蓋移南郡舟車肅
上官邊聲夷海急主事計書豐亭宿催津吏人
思轉旆風望程占候鴈結睇入雲中

乙未之七月雞籠山眺望

南國山河麗中原禮樂長人文煥斗極佳氣藹
雲蒼禁禦青龍接祠宮紫鳳翔規模通百粵控
制引三湘創造真雄略艱難古戰場守文遺後
代右治屬今主師弟聯吾道宮牆肅俊良大
江纏秀國東壁映天章振德斯人幸儲才數世
光高風猶未薶困學是吾鄉

招隱寺懷昭明太子

景鑒星峯合豐林珠霧流泉聲飛洞樂山氣結
雲樓春藻丘中映鱸心空際浮振衣循鳥道極

目眷芳洲絕嶺圍江觀丹岑憶采旂餘功
水沾潤及千秋

金陵餞別曹繩之靈谷寺

丹詔天邊下雲驂谷口旋夙游青磴合離思赤
霄懸路入千巖擁情含百澗纏瑤光浮太液佳
氣涌靈泉爲憶髯龍卧相看紫鳳寒林深朱轂
望契動白華篇霞閣羈仙馭星軺速綺筵巖聲
應歌發欲度使人憐

贈江都史大梅

絕巖梅何在青山意轉幽雕甍遺禹迹碧海淨

長谷集

卷之三

七

龍湫稽嶺瞻仍極賢門氣亦浮清華傳勝地列
澤在神州上相開黃閣諸儒倚廟謀名孫饒百
郡世譜動千秋遂慕江都相來分少海流地連
吳楚望心切廟堂憂天路雲霞近黃圖著作優
清輝重吾道寶錄振前休

侍御張南墅檢校留都簿書

嶽氣連三楚湖光接太微星分執法野地列
上皇籤周史新開府秦官舊賜緋霜烏臨戟道
神馬動旌揮武庫才名著文昌御直連春生直
指駕花近侍中衣黃道開沉劫瀛洲敞露扉諸

儒分廟略文吏肅清微國是清南極皇圖陟禹
圍自憐簪筆願何日得相依

別郭希說歸關中

萬里秦中客三秋白下年羈栖淹寶地溲落振
遙天藝圃芳流藻雞山夜攬禪祕書空冊府文
略總諸賢飽業天人際歸心楚漢聯終南雲物
下清渭舞臺前司馬南遊壯懷英雅意懸關河
愁斷鴈江漢動離筵書劒精前騎琴軍麗廣川
相看渾未足意氣各翩翩

贈陳總戎岳生

長谷集

卷之三

五

海國新開府京門舊總戎虎符通百粵豹略走
群公赤手扶黃道偏師掃祝融金戈八陣遠寶
蓋萬屯雄指心輝漢業游藝攬儒宗談笑騰威
鳳輪軒俯辟雍傾蓋車書合論心德義豐相看
凌劒器篋筒吐長虹

初夏泛寶應湖

轉棹入迴塘平湖泛淼茫遠天空外接飛鳥鏡
中翔淮浦歸雲細金隄漫柳長魚星吹浪出珠
日麗川光荇細初繁帶荷低未散香停橈藻文
含捲帆風色藏詎知玄灞渚不繞朱明方

迎婚曲爲休寧戴子秀

千里迎婚去三星宿會年青春花燭動彩握鳳
鸞簫雜珮凌華吹當梁隔少烟宗承合昏夕肅
穆采繁篇霞綺今生色蘭闥稱爾賢

同唐葵野葉湛川張王屋郁虛亭登興
聖塔望海

海甸紆龍氣江城接蜃樓來尋秀水駕同逐采
雲遊寶塔人天際高懷霄漢流丹梯扶地出碧
落仰天遊色相空中見坤靈意表收九光清愛
海八解淨神州島國沉秋樹桑田泳暮虹明霞
長谷集 卷之三 三

贈別蘭谿唐葵野

鳳節高人把星輶際海來先傳函谷氣遙度越
門才藝苑華名重花原疑步開鶴心秋夜繞鵲
關野人猜廟略從家授雲籤得自裁三光懸藻
思八桂染罇疊別映雲山袂舟移谷水杯孤絃
聊欲展結思未堪回

訪吳山人之仲不值

夙懷嘉邇理來逐少微光泗水依汨汨雲山空

恭蒼高秋幽竹尚疎雨浮蘭方釣渚闕華石結
裴生細涼林鳥如報客塔鶴竟含章歌隱桐花
調嘯掩鹿皮張野游高仲蔚蘿幃藹元長凭高
賦招隱余心聊慨慷

訪夷白山人

爲理山陽棹來登四水堂星橋綠岸入烟壑引
流長竹禦通佳氣蘭籠遶曲房幽亭麗水靜虛
閣抗雲涼奇藻翩翩出清微把玩光瑤琨俱上
物松菊况青陽歲晚堪霜露時清總鳳凰霞丘
高爾輩釣渚竟吾鄉薜荔堪彌節乾坤非面牆
長谷集 卷之三 三

莫憐紫芝社高絕少微旁

壽毅齋先生七袞

昭代中興運台臣介壽年七袞初應斗列宿又
周天時爲嘉靖二十九年今祉嘉平集真元太乙詮春彌
宇宙內頌遙玉樓前建禮群公荷崇恩 特旨
宣泰階鈞有慶祺者若爲偏自昔真賢出俱從
岳氣還天南星有極游曲產尤玄異穎超童叟
神奇表地挺宮牆高踰仞藻翰秀聯翩清廟登
殊器金華列上仙圖書東壁領柱石上台懸幹
運更星紀開符轉王璿馳神三聖駕鳴玉五更

烟握髮收時又展歌雜舜絃加餐真爲國少
少聯蟬天人累世學典訓一門傳懿德年同邵
丹心日共懸受知從結髮報德分華顛位極心
通下名崇節更堅循牆正父命規寢武公旃肅
肅黃中理悠悠燕喜篇養安辭几丈趨命任
蹇洪業須夔契長存擬偃佺舊鄉瞻望切南紀
福星躔

贈督學范干中

學省清資望瑞居重典墳西京開秘藏上洛啓
人文校士中星動觀風溥海聞菱花登遠照蘭

長谷集

卷之三

元

氣散晴芬當日天章奏憂時更見君

于中爲文
正公十六

代孫故及
天章之奏

施璉川招過雲上新居

仄岸綠溪入遙山隔樹明幽棲帶長薄隱迹寄
層城世亂移家業心閒近物情圖書盈把握冠
絨廢將迎酒味泉爲出詩題硯欲平更憐羈客
意搔首共聽鶯

酬方子問候遠來有序

癸丑閏三月九日倭夷犯海上先數日移字
吳興獨守故業遠勤方子

生無逐虜才愁絕亂離懷獨坐衡門下承君遠
道風烟墟里變鼓角成樓催海氣侵衣桁花陰
負酒杯王師近南下何日捷書回

寄郁母

長世嘉爲福賢門母自尊台珠澤裏潤琮玉谷
中濕苑閣芳傳桂階暉茂有萱上陽開六節鴻
派啓初源蟠木堪垂子祥麟况產孫合歡開廣
宴連理藉芳樽

長谷集

卷之三

三

長谷集卷之四

律詩二 七言 絕句附 華亭徐 獻忠 伯臣

金陵

南朝王氣昔分明盛業千年始作京春樹久迷
江總宅寒江長傍秣陵城三山落日明秋練六
苑輕風動早鶯聞說 上皇初駐蹕閱江麾蓋
定專征

登郡城南望獵場

昔日吳王獵騎歸五茸久已燒痕徹沙頭鴈鷺
猶成埒天外桑麻似合圍十里孤城連落日幾
家秋思動征衣江南不愧稱名郡祇覺風烟淨
可依

長谷集 卷之四

泛太湖

太湖烟嶂入青冥萬壑千流朝洞庭大小雷峯
晴歷歷東西林屋夜冷冷天開澤國非無意禹
鑿寒江尚有靈寶帶垂虹俱不細百年誰復問
圖經

碧巖寺

碧巖古寺并山巔飛瀑千尋下洞泉大澤龍蛇

時一舞空山木石自千年浮生住近思丹壑落
日行吟動紫烟白髮草堂猶夢寐到來不覺興
相牽

丁酉北上抵吳門酬子仁追餞

時子仁
成雷陽

仙槎遙曳闔閭城惜別那堪鴻鴈情千片蛟冰
同棹發五湖龍氣逐船生陽春北指江關賦化
國南通瘴海程此夜相看渾不寐霜風吹動欲
宵征

過沛

赤帝英雄太史傳旌旄當日樹亭前一麾已辦
驅除力三傑同依尺五天問訊荒碑猶愛護經
過鄉國動愁眠東流沛水千年在白髮遺民誰
與憐

長谷集 卷之四

二

宿千佛寺同東溟楊君

千佛明燈照夜寒竹聲遙落梵王壇山中淨業
生慙媿夢裏閒心似涅槃滿眼冰霜新臘日百
年鐘鼓舊長安浮生去住何容易明日人間行
路難

京口陸氏園亭

將軍園第甲城陰碧嶂丹巖四望侵入座千花

春映酒平雲一澗暗穿林茶烟近接南冷水王
氣空遺建業金滿目江山如帶礪幾家勦業尚
銘心

鶴林寺同程竹塢姚長山及澗西江臯

黃鶴招提閣道連空山開闢自唐年巖邊日月
懸雙樹竹裏香花隱四禪老衲不辭迎過客幽
探何必問跑泉蕭蕭海岳疎狂士尚結版依一
念緣米南宮寓此沒世今為伽藍神

奉和巡憲黃亦齋雨後行奉化見示

芳夏巡遊逢雨晴蒼山矗矗見華清輕雲漫結
卷之四

輜車蓋淡日能添憲節明已足澄清川上水却
忘炎熱世中情采詩問俗過山縣得似南中五
月行

巖潭王子以吏計至奉化

芳年南國樹清輝戀闕丹心夢不違滄海一麾
開府節頰霞千丈侍中衣文章早已傳東觀英
妙今猶徹紫微千里不辭巡路遠頌聲高竝白
雲飛

癸卯上計途中作

至後寒光動早烟相推臘候接新年岸容待柳

將春思水色含冰媚客船職貢遠從羣吏後帆
橋聊試惠風前求言未拜公車詔夢裏猶懷
聖主邊

鄭州曉起渡湖

飛雪鳴風路欲迷鄭州城北夜烏啼凌波忽見
千花樹度客遙通五里堤菰葑影飄寒水黑駕
鶯聲斷渚雲低頻年憂裏尋常過此日重聞野
店鷄

臘月二十五日隨朝

鳴鷄喔喔動晨光月影沉沉紫陌長凍柳千行
卷之四

含宿暝寒沙滿地簇清霜宮中瑞氣浮華蓋苑
裏鐘聲繞建章侯牧萬方同上計一封慙未獻
君王

駕出東長安祈穀

羽林飛騎列雲屯紫蓋黃旄拱至尊萬國烟
花明日月千官禮樂動乾坤三推九節開豐壤
瑞氣春容謁御園銅雀此時呈宇內先農早已
獻羔豚

駕幸西山

高天碧樹散晴文上國春光處處分寶剎流霞

隨地起香泉噴玉四山聞龍郊瑞色生花霧縈
道歎歌入鴈雲共幸旂常過此地慙無藻學頌
明君

駕幸天壽山

二月君王駕六飛都門草樹有光輝離宮百里
開黃道步輦三霄見紫微春繞長陵花氣合香
飄複道珮聲歸太平已慰前星望此樂年年願
未違

甲辰七夕後三日入吳興省墓二首

湖南樹色幾經春迢遞重來覓四鄰落日雲霞

長安集 卷之四

五

開遠嶂空山砧杵動歸人黃姑社裏清樽散烏
和畦中暮雨新野老相將談舊事可堪長望欲
沾巾

雪川西畔有墳臺結屋羈棲寄我哀四載薄遊
雲樹遠杪秋移棹洞陰開碎松漸過林前屋宿
草遙連石上苔灑淚不堪烏鳥思晚蟬殊復動
人懷

白茅山房爲潘德輝

幽人白髮著書成茅老山空秋氣清巢父臥來
雲霧合鵲冠門外薜蘿生閒移片石歌寒雨靜

對高雲送晚晴未了人間惟有社竹林時爲遠
公行

贈別少府牟東江僉憲河南

天邊仙旆去翩翩地上棠陰紫蓋懸露冕頻違
滄海郡江花爭傍使君船二陵風日行春處三
水澄清攬轡年分陝只看何水部至今江國思
依然

泊姑胥

輕舸遠下長洲苑落日空園銷夏灣夾岸楓林
依客棹一溪花霧暗前山吳宮寂歷風烟外澤

長安集 卷之四

六

氣紛紛天漢間是處捫蘿覓幽徑令人長望未
能還

史恭甫玉陽山居

湖上青山洞壑虛石樓雲榭構仙居瑤池自昔
來王母天漢今應度彩輿百瀾飛泉鳴鳳曲千
峯落日繡霞裾賀公鏡水空遲暮早日多君興
有餘

溧上寓開福山房

溧上遙山拱日邊城南法界倚雲懸含風碧柳
搖千嶂過雨銀塘淨四禪曲岸盡迴香澗水長

林半入早秋烟
羈遊欲遍江東路
忽忽相看動暮年

雨後秋色有感

依依何事鴈堂幽
堂外青山翠欲流
樹裏晚鶯聞近客
暑中涼雨易爲秋
中京雲物千峯起
別嶺溪光四野浮
禪味澹然吾欲老
老來寧復舊鄉愁

包令修秦淮水政

朱雀城邊王氣葱
至今猶下鼎湖龍
萬夫鑿地空餘力
三輔通漕此更雄
蒼壁已沉秦代迹
金

東谷集

卷之四

七

六

渠合補禹時功
傳看赤縣神君政
總是高皇太上風

贈箬溪顧大中丞

中丞雅意愛林居
湖上曾營諸葛廬
品水自須甘上箸
卜鄰時復問前墟
安危忍負蒼生望
動靜方勞使者車
聞說南中多抗疏
可忘屬國未犁鉏

金陵逢陸子潛

黃門御直紫微郎
侃侃曾傳國士章
壯氣不徒浮日月
華門猶自抱冰霜
舊遊已結青山社
高

臥空餘漢署香白
下烟雲聊共把與君長嘯
微傍

王淮孺客姑熟贈別

高名藉藉動人群
獨往江干慰昔聞
青眼相看聊爲我
碧山何處可淹君
梁王苑裏思殘雪
庾老樓中恨夕暉
恨不移家向姑熟
相隨西望敬亭雲

督學黃公泛舟谷渚

遙持羽節白雲間
歷歷山川昔往還
積雨入湖看處潤
微風消暑意中間
岸傍桃李陰初重
別

東谷集

卷之四

八

十

後游從髮已斑爲問芳洲舊題字
稍將餘興一開顏

黃翠巖席間見贈奉酬

海上重瞻黃使君
清朝執法動人聞
時髦遠慰青驄駕
舊學能傳北斗文
肅肅宮牆高竝嶽
翩翩藻翰麗於雲
却憐陶令門前樹
搖落江潭夕曛

訪范子中昆玉

佳秋水國動微寒
廿里尋君路未難
住近碧山渾似隱
時臨九日易爲歡
溪邊草市鱸新美
鰕

與芳年菊易看悵望清商初落木却宜斜日遠林丹

庚戌九日嘉禾守梓石畢公同登昆羅閣併集別駕汪君法曹殷君

九日登臨秋氣迴危闌曲榭引登臺諸天法象
當空見化國晴雲萬里開穰歲煩添平野色黃
花合近使君杯為看席上經綸念不數龍山有
上才

宿花上

野宿蕭蕭木葉稀斷烟隨處護林扉寒砧競向
東谷集 卷之四

空中落族鴈遙從月裏歸久客竟忘鄉路別白
頭真與世情違青山滿地雲為廓未結幽居樹
已圓

卜築未有定計悵然有作

廿年若雪為遲留滿眼青山水上浮老去萍踪
猶泊宅向來鄉思已并州蘋繁不負東鄰意杖
屨聊從社客遊修竹萬竿栽欲遍草堂他日易
為秋

卜居吳興與宋子明田舍比近承投詩
奉酬

山中草宅始堪歸萬竹深園白版扉鄰舍有君
能作賦世途何處更忘機荒林落日經過近野
水秋風問訊稀六十年來無限事到來今日始
知非

辛亥元夕喬子啓仁宴集

高宴酌君金谷酒明燈初爛寶林花坐深不覺
中宵永老去猶堪歲事華蓀客翩翩森玉樹珠
光拂拂動文霞江南漫此昇平樂慙媿天邊有
蓀茄

謁陸文裕公墓墓後壘成九山其子
東谷集 卷之四

念公平生山癖存其跡也

別浦風烟一帶迴仙山移向墓門隈長紆天上
修文路高竝螭頭左史才池水尚餘彤管潤林
扉疑有墨花開 恩光何限豐碑意瞻望還遺
過客哀

馮子喬朱邦憲曉過草堂

寂歷江干雲氣平東來星使已傳聲不愁遠水
迷仙棹却慰衰年得友生夜雨沙田猶宿鷺春
風柳谷未聞鶯翩翩為領將詩意自分論心有
步兵

燕坐陸思豫山樓承朱邦憲有作用韻
浦上遙聯水樹光疎梅猶拂舊林香自堪山閣
留何遜不爲前溪問沈郎兩世交游情思切百
年文雅滌心長水西況有吳淞派即憲學考傳
御公初號水
西肯惜枯槎泛夕陽

郡博許公倫遷贛郡節推

郡中文學感何私名德如公海內知鄉邑共推
科甲早仕途番惜轉官遲壯心素以廉爲節大
隱誰知職未卑此去定應弘注意寬平移作吏
人師

顧氏林亭對雪

寒日郊原臘意催幾家池館雪中開樽前頓覺
非殘夜樹裏疑看得早梅巖壑見如蘭路月嘯
歌兼有兔園才人間盡說農祥好爲道陽春歲
晚回

章練塘訪唐左溪寓先入吳興不值

練塘西去水沄沄天外空多鴻鴈群仙棹已乘
菰浦月舊耕難戀鹿門雲風光荏苒年華暮江
樹參差落日暝回首幾時征戰息老來羈思不
堪聞

甲寅辟寇吳興山中

亂離何待覓安居側耳風塵一榻餘廢業已同
廢婦緯移家寧爲武昌魚百年桑梓惟餘夢滿
擔家資只有書賴有鄰家親作伴不妨山郭世
情疏

聞鄉中爲倭夷殘破

萬戶蕭條百感生東來消息倍傷情吳兒始識
咸陽火漢將空傳細柳兵故禹自憐魚已久依
劉終恐事難成臥龍岡在南陽外伯有途人說
姓名

倭夷累自三江入寇感而有作

獵獵南風徹夜吹防邊多駐越門師樓船健將
無楊僕島國飛旂有利文海若漫同魚在釜波
官安得漏如卮詎知神禹三江路重譯今來拔
漢旗

清容軒同子元諸君對雪

湖南歲晚雪紛紛鏡裏寒塘一片分瓊樹滿林
初下葉遙山千嶂淨無雲巡簷未解留鴻跡泊
宅相看盡我群此去蠻烟定消歇故鄉東望足
清氣

望湖草堂為曹隱君作

湖上高齋老更安百年長此得承歡沙田禾黍
迎秋熟水國風烟入夏寒龍氣近於簾下出鷗
波多向鏡中看昇平景象憑君見况復振振有
驚翰

句曲茅君祠

茅君住處碧峯遙聞有峯頭絳節朝洞口何年
騎白鵠雲中時復下靈簫瑤林夜雨芝含秀遠
壑春風朮起苗為覓良常舊行路洞門紫曲幾
層霄

東谷集 卷之四

荅上

白蘋丹嶂寄吾思若水西來無盡期渡口暗生
沙蒲出雨來時見岸痕移高林帖石通幽徑野
磧連山臥斷碑欲向此中招隱士連村雲木使
人疑

秋初病起 同孫理卿錢登道峯曉月

半月秋期思不禁病餘今始憚幽尋千巖樹色
浮青靄一道湖光上翠岑鳥道過遲雲已去漁
梁流急水初深輕舟短屐夕陽下欲賦逍遙興
轉侵

峴山諸鄉彥集二首

城南山色擁青螺遠水微風起棹歌客裏迎秋
忘却老愁中覓伴不嫌多天寒絕塞連雲暝日
暮清笳隔岸過相約總拚樽酒與可堪鄉思欲
成波

峴山雲木慰重遊露葉風林氣早浮絕壁暗藏
千嶂雨長湖遙落四山秋心隨去鳥飛仍急身
似飄蓬老未休共倚清樽如一夢何時還此憶
并州

避寇山中奉次朱邦憲江南感事 二首

東谷集 卷之四

旗幟東望盡妖氛橫海樓船異昔聞防塞未能
清遠略射鵰空復悵重雲暫為范蠡浮家計未
擬相如論蜀文推轂久懸明王念幾時清甸
肅氤氳

金虎兵符去路賒麻陽火客雜瓜哇蠻方少與
山獠習野性生同檻歐斜浮世劫輪空附蟻清
時弓影共疑蛇元戎欲慰疆場望願見先驅淨
海沙

攜孺子果定居吳興守望

湖上雲山費掃除半生心迹始酬予兵戈轉眼

催人老旅食隨年作計疎鴻寶竟難參洞錄陰
符只合讓農書郊坵不作南陽隱行路人猶說
草廬

移家西去留別交知 二首

移家西傍戴顒山隔別三吳舊往還結束草堂
聊稱隱養成林樾已堪攀春深社客閒相訊到
處山岵坐與班老去獨攜桑梓念朝宵長在白
雲間

倚棹何情別數公昔年同學半成翁江淹春草
空留恨柳惲汀洲底是夢燕有舊巢思社日鶴

東谷集

卷之四

古

因清唳戀秋風香山忍負餘生約莫漫移文向
遠鴻

曉度分湖

十月霜寒曉度湖風前偏覺鬢毛皤暗沉菰米
魚房黑亂入溪雲鴈影多老日辭鄉懸涕淚西
來隨處說兵戈清平尚有還家望莫信河清壽
幾何

寄投司諫袁義溪

芳年侍從立鵷行盡省清嚴近上方諫草自題
仙仗下詞頭常降鳳樓旁晨搖玉珮星辰動世

奉綸音雨露長 聖主求言更今切定沾顏色
對天章

叔皮早歲致政因亂留滯金陵丁巳十
月始還故里感而有作

朝辭建禮住金陵東望蠻烟歸未能載酒有時
逢故吏散齋隨處覓名僧每聞鶴唳常懷及自
入蛇年始面承桑梓舊情吾已愧因君不覺淚
沾膺

孫貢父自武康寄懷用韻

東谷集

卷之四

圭

僻居常日掩松關大隱如君不易攀惜別幾經
春草綠望鄉時送白雲還天台小擬千金賦長
嘯思從半嶺間歲暮封禺堪載雪不須重問剡
中山

陳棟塘吳石岐二丈遠過山齋

難期二老白雲程深谷蟠谿不憚行樵路豈緣
迎客改虎溪無得到門驚園蔬尚泥盤中露村
酒何愁夜易醒自是高人崇意氣敢將真率見
平生

甲秀閣爲璉川題

城陰高閣俯青蓮入戶山光向晚偏埤口舊傳

揚子宅洞門今護鄴侯編西陵樹隱千巖雪顧
渚茶生萬壑烟珍重此中藏秦草長虹莫使夜
光懸

柴門

柴門寂寂道心清本擬無懷足此生同舍仙郎
多異錄舊鄉先輩幾傳經松筠老作通家伴歲
序忙如過客情最喜兒曹生計薄不將餘力廢
巖耕

亂後東歸途中作似叔臣

澤國蕭條氣早寒遠村時見一楓丹烟霏半掩

卷之四

卷之四

士

言

青山郭水埭空圍白鷺灘田舍尚餘籬漠漠寒
鴻空逐路漫漫多情爲憶黃花瘦只恐雲林盡
改觀

千山圓智寺

卽陸士龍草堂

梵宇沉沉舊草堂到來先問老僧房山家秋盡
林僧密水國霜清菊易黃短褐西風空喚鶴白
頭何日更懷湘前朝感慨知多少禁得賢門淚
兩行

西度谷迎感情

西望湖山去路長冬寒水國轉微茫千年丁令

終歸鶴一住并州只是鄉風急駕鸞如共語霜
清蘆荻早先黃由拳城北頻過路莫有人疑是
楚狂

孫從周招同九野潯南憩天寧寺觀子
昂題勝

長夏清齋慰夙閑鴈堂寂寂淨朝氛辭喧尚有
閒林鳥訪勝寧無過客群迦葉信心留半偈仲
將題字重凌雲既依我欲同先輩相對無言落
日暉

贈都院幕下盛生

康山莊

卷之四

士

言

野戍茫茫落日遲風塵千里暗旄旗青袍總爲
蒼生出白髮空懸閉戶時幕府早收和氏價貞
心宜有令公知傳聞奏凱東來近不負周家六
月師

徵兵

虎符聞說又徵兵百粵三吳俱夜驚經略總開
都護府疆場誰築受降城平田處處蘋花合遠
戍茫茫海霧橫老我自憐頭盡白欲憑何計請
長纓

康山莊三首

百鈔松筠老自由兵戈聊復慰離愁長谿近帶
青山郭深樹逢迷白鷺洲藥圃逢春芽自吐石
田經燒種還收山家公事從來少况復追呼靜
此州

帖石誅茅傍翠嵐荒原時共白雲擔千層落障
高堪摘一線流泉細可探柳岸欲藏鶯對語林
田拚與鹿分甘幽懷不爲龐公發老我爲農分
所堪

青山鶴髮此相逢住近烟霞第幾峰累薄自堪
家作隱孫多元合老稱翁閑如禪子游三昧早

長谷集

卷之四

文

詩

爲衰年辦一筇西望白雲無盡處尚嫌身在白
雲東

西樓同龍巖石樓野眺用韻

出郭高樓盡宇清秋光遙動盞簪情風塵不入
雲林相世路空懸草樹平一片寒塘初過雨幾
家烟柳尚藏鶯右軍登覽今猶憶敢以疎狂學
步兵

秋日山中

秋來京露曉沾太遠樹蒼蒼映釣磯未見寒砧
各已聞梁燕棄巢歸堂成不厭山家窳林

熟翁防酒數稀大藥愧無消受福且看鄰下
苗肥

真率園贈鳳峯子

強辭榮祿慕青山爲疾高飛鳥倦還已關巖扉
藏寶錄更容逋客問松關清時瑤草方稱瑞早
歲游龍恐未閒擁膝好思梁甫意莫爲谿谷向
人間

中江以開園之作見投奉次一首

江城雲樹坐相連汀草溪花晚更鮮谷口近來
名已重都門早日意先懸居鄰求仲還開徑門

長谷集

卷之四

九

詩

有桓譚可授玄蕭瑟自憐僞客思幾回相約抱
琴眠

丙辰臘自武林宿白雲橋曉發

雪擁寒塘行路稀玉峯瓊樹曉霏微千巖已辦
尋梅約一棹遙同訪戴歸賈客候風依草市村
巫迎臘開林扉江南節候依然在何日兵符淨
羽飛

朱塢山家

仙頂南紆一徑斜亂雲叢木有人家門臨絕壁
高於鳥竹引流之蛇午夜僅看松際月春

深方發嶺頭花相逢爲問棲賢處野老無言起暮霞

寧波節推昌鳳岡以查覈至松邱報適
至遷尚書地官邱贈別一首

執法秦官舊有聞外廷今重漢參軍于公世有
寬平報劉寵行多惜別群問俗遠移滄海駕憫
災長望赭山雲遜才適有承明詔悵別何年更
覩君

袁子謙桂嶺卹刑

慮囚南去思依依驛路千盤望裏微嶺微秋來

長谷集

卷之四

字

四

雲易白瘴鄉冬盡雪還稀 皇仁爲淦刑書外
客夢應從畫省歸莫信衡陽無過鴈一緘重與
故人違

丁巳重九郡博徐君峯朱磐石過訪

長谿曲徑與雲平山郭含輝草樹明九日漫過
吹帽客百年何負插萸情天寒越嶠蠻烟息霜
落吳江海氣清重把一杯酬意氣轉頭南北易
浮生

張玄超持所解鹽鐵論來訪

川途紆曲似桃源十里雲林竹作門遠迹久營

安道宅將詩今見季鷹孫吹簫吳市人相惜載
筆名山道未尊越絕五湖空自遠魏君成就一
家言

寄李子南呂山隱居

樓遲遠向碧山幽隔嶺懷君正及秋一院松筠
酬宿負幾家砧杵動離愁家徒已復同司馬道
廣猶堪近太丘亂後頓令添白髮却緣因亂得
相求

潘東涵載酒同龍巖石賓過訪因泛夾

山漾

長谷集

卷之四

主

四

蘆荻洲前水氣寒芙蓉潭上碧峯攢滙湖勝迹
從人賞洛社青山耐老看何處西風還憶鱸半
生閒業近垂竿知君亦解停雲意十載爲霖去
住難

戊午除夕

僑客流光似轉蓬歲除曾此十年逢遊無共好
思禽慶老欲傳經念小同舍後寂無山鬼嘯蜡
餘初見獵場空通宵爆竹成何用只合飲花醉
老翁

家弟叔臣六十誕辰二首
五月六日

道家遙夜守庚申君自生年已六旬靜裏定無
彭作苦老來應視劫爲塵遲徊化國堪三老管
領春風得幾人却有好懷嘗歲酒不教辜負百
年身

垂老添籌意所甘况逢毛髮兩鬢髮入旬見爾
初盈六到七如吾已望三藝苑自來慙茂政遲
年何以學齊脾却遺扶侍平生恨不著萊未舞
半酣

荆雲洲明府招泛碧湖登峴首

春深散吏一躋攀樹色湖光映帶間潘令縣中

長律集

卷之四

五

四

花氣合山公池上水客閒啼鴛總是催耕意鼓
柁聊因問俗還僑客老來無世味也扶衰憊出
青山

侍御葉淮源移政歸安二月晦日羣子

避賀誕辰

鳬舄翩翩下玉墀惠風吹動萬年枝不辭驄馬
行春早肯惜河陽種樹遲化國山川開霽景滿
城花柳趁芳時詎知海上添籌日只許天邊老
鶴知

淮源雲洲二明府偕子及少墟石潭二

博士登眺道峯

十里幽尋拂旦來上方雲日早先開林花似爲
迎人發溪樹還從隔澗迴山勢曲來圍嶺閣禪
心到處涌香臺事如關令經行地紫氣相隨蛟
上台

近滄谷大參偕峴峯枉顧山中是日偶
入城府道遇因泛舟遊峴

好士同心兩使君漫尋逋客向重雲自公消息
從來大出郭逢迎似有聞照夜珠璣投野鷺淹
情樽俎勝玄纁鹿門底用勤高駕猿鶴終疑異
我群

長律集

卷之四

五

四

峴峯招同龍灣登峴首用韻

晴郊南望嶺雲開閣道中藏山勢迴崖石偉鐫
寧爲酒五花迷迹已無臺波搖島嶼牕中見風
引帆檣樹裏來得爲省方尋勝賞竟留遺愛重
徘徊

建川甲秀閣奉同曹使君

僻居常日倚層樓住近青門學故侯黑髮功名
堪自老西山爽氣易爲秋花陰滿院閒開徑溪
水浮光合繫舟怪得山公移阜蓋幾迴來作習

龍灣

龍灣招同曹使君宴俞氏園

臨居四月滿林菲法從遲回近翠微席上客如
蘭氣合風前春共樹雲飛烟霞漫擁軒車蓋薛
勳斜侵侍史衣總為啼鶯酬宿願還承落日送
將歸

谷使君招同唐一菴遊黃龍洞

湖濱烟嶂入青冥東望空濛是洞庭蒼兕畫蹄
林有跡毒龍潛伏草還腥磨崖尚有留題字投
閒曾聞乞雨靈不似青蓮丘壑性片言誰定九

長安集 卷之四
華名 洞東一石拱立近滄名爲道人
華洞上幽巖嶠峯題自白雲巖

贈陳舊溪任全州

黃校從來重典籤瀟湘雲盡望中淹夷方久已
供王稅吳下猶聞拔孝廉溪洞南來勾漏近鷗
鷗啼處荔枝甜知君抱有匡時略好把清平試
手擔

庚申五日葉荆二明府同少虛外史任
顧山居雲洲有作見贈次韻 一首

聯鑣接隊遠林來山郭含輝映水關中夏農官
猶在野及時甘雨好流杯石門駐馬三星列彩

仗驅蝗萬壑迴招隱木蕙散桂望白頭空負郭
生臺

潘天泉佐守松郡集我共好於大壑山
房川中江莫子韻

使君閒戀薜蘿裳清夏來過竹裏堂結駟暫移
滄海郡騎龍猶慕白雲鄉松牕待月宵初霽水
榭無冰午亦涼大雅不忘玄晏意獨醒寧似次
公狂

望洋樓爲五山何長公

故里風烟重所思登樓惟有仲宣知越裳終向
長安集 卷之四

川南化范蠡難爲泛宅期沙岸晚潮懸客夢蜃
潭晴色阻書帷高城鼓角相憐意已共遼天鶴
去遷 何氏松林舊業爲後人所 所棄
葛寓在坊有故以望洋名

王十岳見訪有作奉次

仙舟遠度綠蘿灣佳氣先飄霄上關作令自慙
園靖節讀書空擬向匡山帶方念亂三年別蒼
耳曾衣半日還菊氣沾籬堪共把莫嫌苔徑會
生斑

郡博徐君峯自曾邑今來掌湖學因旌
典奉贈

蘇湖舊迹此相看當路知君惜羽翰六學總歸
新博士三齊來借舊郎官自來正論推轂固定
有蒼生望謝安旌典獨馳真異數却應從此得
彈冠

贈別巡憲曹公得代還省

經年按節動春輝夾道攀留擁去駟雲上水清
能照膽庭中霜霽自生威關城出宿埋輪早墟
里開門見吏稀獨有棠陰如紫蓋百年長望使
君旂

保塔山房雅集有序

長谷集

卷之四

七

浙轄胡栢泉學憲范中方堂憲劉沂東同以

主席見招有記事在集中

湖上追陪擁翠微晴牕初見散霞輝嚴城半面
依山立蕭寺千門向水圍夕日漸移尊勝影閒
雲偏挂定僧衣群公總是康時彥却有餘情羨
息機

辛酉萬壽節近滄峒峯捧進贈別

二首

欣逢寶曆永光年北望黃圖路幾千仙吏舊辭
香案出瑤章今重省臣賢恩波總是龍池雨大
樂應聞鳳舞絃萬里越棠今向化頌聲同繞日

華邊

帝京高竝彩雲端絳節趨朝路幾盤緱氏山頭
鳴鳳樂濯龍池上擁仙官關城瑞氣秋光發殿
闌京風玉璫寒四十年來傳寶曆萬方平仗一
人安

叔皮再理柘林舊業

文雅過逢憇此年亂餘重接舊風烟無朝可解
揚雄宅有郭堪依季子田開徑遠投青李帖趁
潮時放木蘭船秋風不負歸來意海口鱸魚較
更新

長谷集

卷之四

七

辛酉大水

二首

寇亂頻年人漸稀況堪河伯浸郊扉已虛井稅
供王事那得村春帶月輝薄海風烟惟有淚中
家林木半無依殘冬社鼓蕭然日却聽啼鳥夜
後飛

入夏波宮已盡浮經年田畯尚淹留桑麻盡作
天吳宅井邑空懸帝女秋此日禹功迷野望再
逢荒市上高丘東南民力何須問風雨蕭蕭隱
暮愁

辛酉大水堯山臧公總領郡符治松

永部年來重轉漕分符南下擁車旄五分相業
先從郡十倍才名總勝曹初政已煩神禹力豐
書當及穎川勞閭門此日歌來暮慙媿家山望
裏遙

桐鄉九日偶韻龍山有亭

龍山自建陽今遷知道州建爲晦菴道爲元
公銓曹有意屬君

九日逢君遠道還千盤水驛越門間黃花未與
秋弭節客路聊憑酒破顏遺愛早聞朱邑政清
樽如對孟嘉山濂閩兩遂觀風願月白霜清可
長谷集卷之四

易攀

荆子偕諸文學遊道家用韻

芳草晴烟十里隄使君清暇共追隨湖山故壘
年猶在桃李春風意較遲露窈吳鄉時問俗留
情花縣幾傳詩政成他日多遺跡不似高陽只
酒池

壬戌九日同諸賢浙上登眺

亂餘重此眺山川佳氣蔥蔥猶昔年薄海旗常
空紫邏高雲樓閣傾青蓮江楓滿目含霜立野
菊何情向客憐老去尚堪酬意氣却多慙負孟

嘉賢

朱夷白晦玄李太室吳青蓮過訪山齋
高齋一別阻春明發棹依然歲晚情總爲陶君
攜酒過却緣求仲隔花迎空林落日蟬猶咽水
國微寒鴈始征以日不知門外事忽將秋思報
君卿

癸亥四月澤門袁公復來佐松忽承手
翰先及奉寄二首

十年不覿使君顏尺素何從到遠山容節未迷
青鳥外誨音如下白雲間江鄉正及甘棠茂肅
長谷集卷之四

省重聞召父還老我自憐棲遁迹寒幃東望思
漫漫

諫疏年來讀幾迴省中風采一時推匡衡詎惜
功名薄黃霸仍勞撫字才夾道喜迎多竹馬他
年思報有雲疊何堪不忘山人意一札先投愧
手開

奉酬朱荆溪

秋風江上水增波西望長山不易過大雅幾年
聞白社具茨何日扣青蘿陶君作令歸來早揚
子談經歲晚多瓜步渡頭鴻去急夕陽千里奈

吾何

山中

丘壑年來白髮添老甘消受郭西庵不堪待間
充行祕只合藏名自典籤時有白雲來共席更
無通客與巡簷山家真自談容易看作清閑水
底鹽

贈別胡力菴

二守力菴時廉吏也一
旦以非意去故贈云

仕道於今更惘然清名空爲使君憐開門只合
吟梁甫世路何須著祖鞭定表栢年廉士里忍
忘公紀鬱林船他時誰復如優孟抵掌重懷楚
長公集卷之四

相覽

谷近滄憲長遷湖南右轄抵康山辭別

奉贈

遙移憲節向湖湘大省於今是帝鄉紫氣早過
若水上歲星先照穆陵旁濯龍池水祥光發漢
女明璫化日長南國甘棠舊遺愛至今詩雅未
能忘

同楊水部吉祥寺後岡登眺

石南

青山遠勢落坡陀采石潮回曲尚多江左清平
曾藉此南朝佳麗竟誰何長岡不斷空如帶古

樹雖存半少柯三昧獨餘蕭氏迹老僧猶解說
波羅

臬磯江上感禰正平李太白作

臬磯突兀淨朝氛江水猶餘濯錦紋瓜步遠山
迷野望秣陵佳氣見行雲空懷鸚鵡關情賦誰
更郎官向夕瞻頭白到來歸思繞短吟長嘯不
堪聞

臬磯瞻謁

勁節中流砥柱迴湘靈空負此鋒雲祠宮尚有
風雲氣霸業寧忘帶礪灰永夜靈臬常自語西
長公集卷之四

飛黃鶴幾時來江東遺事知多少讀罷殘碑首
重回

青山谷口弔晝蓮居士

蛻骨當年此地埋盛朝風雅動人懷潮聲似爲
鳴夷發江勢原從劍閣來孤嶼月明黃鶴下南
湖水長白蘋開夜郎草更神游去縱有長筇不
易回

登仙頂寺同姚石林范中州屏山

郊西山勢擁青蒼云有仙壇在上方曲磴幾盤
迴鳥道亂雲三合護雲房靈巖欲雨先生潤丹

亂無灰尚有光却怪老僧忘葛氏向人惟解說
蕭梁

甲子三月東還脚氣頓作承元朗子元

象和疊寶四石時日過問奉謝

瘦骨稜嶒病作魔口強猶復似維摩更生已被
方書誤叔夜其如石髓何世味盡從愁裏化故
山渾向夢中過浮生詞限稍寬假肯厭東來倚
棹歌

蕭然亭爲白碑張掌科

高齋帖石洞門西竹樹花枝四面低小結蓬壺

長谷集

卷之四

三

留宿霧常依欄檻聽天雞文章落紙人爭讀諫
草封函手自題暫得平來丘壑念省中懸切思
俱迷

何元朗郊居

花竹幽深面勢寬郊居那復世情看精蘊僅比
端明窟便服初裁子夏冠雅社自堪推祭酒報
書都已謝長安山中思及支離叟時得相從到
藥欄

重陽前一日市還度平望湖

長湖東下畫鳴榔積公秋深更渺茫別浦烟光

分蟹舍隔林晴日上魚梁閨年野宿侵寒早傍
海軍城去路長僑客未憐蒼髮改趨程猶望及
重陽

沿路有秋志感

江南烟景歲初成鋪眼黃雲帶日明稻顰曉侵
霜氣積麥畦晴趁雨肥耕公田自合先輸吏邊
計猶嫌未罷兵借問督郵詢末俗幾村茅屋可
前局

傷張監之

故老凋殘歲有聞季膺轉眼又離群天南丘壑

長谷集

卷之四

三

空無主何處烟霞更著君屋下停雲同處士墓
前題石是參軍他時旅鴈歸來日滿目蕭蕭望
白雲

故鄉初寒戀念山居

昨夜微霜上樹林朝來殘葉滿庭陰幾家砧杵
侵寒色舊日風烟動客心海上火田茸漠漠江
頭插竹鳬沉沉衰年更憶山居好滑拙頻燒白
擁衾

九月晦日同白灘陽衡二司諫飲于莪

溪寶澤草堂

鄉關一別倍離愁
旅思千重向晚秋
老日共迎眼過霜
辰佳菊待君留清
樽引興侵長夜漏
水分更出郡樓林
際白雲飛欲去却
疑斑從立螭頭

五山令子入泮

青年爭覩白眉光
又見名駒繼馬常
稷下盛儒原有俗
鄭公家學竟名鄉
都門早謝承明詔
桑海重開若士堂
兩世交游今白首
却慙推重丈人行

禮衡嚴子讀書顧氏林亭

長安集 卷之四
碧山學士俯流年
北斗文章到處傳
三策早從惟下定
萬籤重見架中燈
詞源遠發林霏潤
化國同沾杏雨喧
開歲公車須有詔
曲江先賦賞花篇

甲子孟冬

孟冬嚴氣肅清寒
兩見霜晨木葉殘
水噴岸沙痕漸落
凍侵魚藻色初丹
迎豐里社醅先發
掌稅胥徒力可寬
今歲追呼應稍息
不愁間左著衣單

登文石太史快閣

藏書甚多後觀
人懷胸臆亭與本

吳郡青山出秦人
輦道開宮車輝草
木劍氣涌樓臺
吳分合國轡直自
海門迴珍函百襲
山靈護祕典千家
鄴架開鑑定幾經
書博士昭陵遺迹
可無猜

絕句

夢游虎丘得句

吳郡青山出秦人
輦道開宮車輝草
木劍氣涌樓臺

偶成

瑤草不出世幽人
多在山芳洲一日
度塵土半

生閒

蛙

候蟲不鳴世雅意
欲從羣池塘添綠
水含言那可聞

題紅白折枝花

花事遲春還同時
出上闌不將少霞
色掩却白雲看

城南十詠和董子元

湖州歌七首

吳興之山群可呼靈根秀朶壯三吳山中流水
多情思時雁空潭作仰湖

青松白鹿弁山尖瀑布陰寒水作簾洞裏龍歸
何處所民間猶把雨晴占

藕蔭蘆葦水中央掩映清波菱藕房十五女郎
能盪漿行人喚作採蓮娘

菁山塢裏有孤墳金石流傳東老文十里錦峯
遙送目千年名迹盡飛雲

墨妙亭子已荒蕪金石千年倚丈夫莫信病民

愁紙價祇愁作吏愧顏蘇

荒政傳來今種種俗流更事故紛紛先王掩骼
非無謂誰遣愚民發舊墳

功業誰卑安定公道峯蕪沒舊時堊千年重見
傳孫子遠道尋來是趙翁

吳伯章從軍北上四首

還將奇策奏長楊劒氣遙連北斗光塞上橫行
他日事一麾須斬左賢王

酒泉獵火到燕然大將旄頭建北邊君去得憑
三箭力列侯須向武威川

男子須行老上庭千秋重勒漢威靈平生左氏
多奇策莫學迂儒只負名

看汝腰間金僕姑北來奇氣欲吞胡捉生須捉
呼韓氏傳取勛名是丈夫

題東方朔像寄有玄母夫人二首

千年桃樹著花遲莫信東方是小兒萬里瑤池
今在否欲從海上問黃睂

羨爾當年是歲星翩翩如鶴下青冥請看手裏
長生訣不數山中千丈苓

長吟

我愛長吟木石輝清風修竹共泠泠多情世味
真虛幻習嬾兒曹亦性靈

贈山陰令劉望岑 二首

爾向空山愁白雲冷風長拂嘯猿春深不信
藤花老猶道歸霞爛紫文

縱是聳龍無處覓也應遼鶴有時回知君橫被
浮雲惱阻絕青青萬壑哀

秦和陳生善作草聖贈之 二首

羊欣長史今仍見阿大中郎總莫愁鳳藻自來
非細事羽儀他日作名流

庚谷集

卷之四

五

自昔臨池推米史又看落紙臥王濛少年已逼
風人眼老大應追索長公

壬辰復下第

匹馬東風意未闌上林花信尚餘寒都門解識
兒曹面亦訝先生未拜官

白鷺

白鷺孤飛向紫霄秋風滿闌度清朝東林西崦
鷗無數轉覺幽姿絕世嬌

吳興大水歌 二首 癸巳

四月水至十尺強湖人到處走頭狂無賴稻畦

覓不得只聞潑刺動波光

頻年大吏征科急顛倒衣裳事督郵忽復太湖
橫水漲莫煩都水下神州

李侍御筵祝親歌 四首

東海新傳執法書吳山已結望雲廬碧落定將
青鳥信遙天不隔紫雲車

不向高人問紀年只看驄馬早翩翩君家定有
金芝圖浮世空傳玉閭仙

閱遍名山望赤城逍遙今見爾深情金庭玉室
爭看近華髮斑衣相對明

庚谷集 卷之四

五

聞說君翁高士流早年長揖謝王侯能探靈嶽
真文祕任爾南華赤鳳遊

駕幸天壽山紀事 五首

翠輦行遊天壽山兵符先下紫荊關雄師十萬
防山後任爾人看大駕還

沙河高處著行宮日月門開帳殿通武定營前
建旗鼓旄頭遙映海霞紅

十二圍營半扈從金錢犒賜羽林同山前駐驛
渾閒事百里歡聲動六龍

長松落落四天青空外團團虎豹營 天子自

廟銀榻馬上方來拜 太皇陵

行宮傳上太官餐獵部先供雉鹿盤分賞三臣
恩最渥聖心併作萬年看 三臣者大學士李時
夏言及武定侯郭勛

吳娃

四月輕風舞柳低吳娃陌上鬪芳菲
鶯鶯拂睡雙雙起羅綺迎風款款迷

題竹 四首

蕭蕭疎竹簷寒烟况復懸崖有洞泉
千聲不厭清韶奏一曲爭聞羸女還

仙裾落落動明霞鳳子翩翩弄日華
秦中花鳥

山谷集

卷之四

里

俱堪謝渭上巖林總是家

萬竹翛然洞壑迴柯亭高韻落寒梅無因得問
三花樹爲道風前帝女來

朝來雨洗玉潭沙忽有秋生解谷霞
百丈飛泉爭似少千株瓊樹總生花

同定海令李東滄象山令吳少巖集鄞

令何樂樵公館 四首

海上新吹舶戍風千樨賣客自南中
憑誰問取匡時策相對青山憶臥龍

作吏青山愛爾群高情時得坐中分
日斜客散

無公事同向天邊禮白雲

四月山中曉尚寒數杯相對刺桐看
街頭聽得饑人語願借征科一日寬

落落啼烏散晚衙疎疎古木數行斜
他時記取明州事種得薔薇館裏花

沈宜山 歲來遊越中

禹穴重探爾壯哉又堪乘興上天台
越中山色行邊盡吳下鄉心夢裏回

平望湖別叔皮 二首

秋日送君平望湖相將水上弄清菰
溪毛亦解

山谷集

卷之四

里

離人思錦帶相牽狎二鳧

湖上珠光射斗牛闔閭城邊千樹秋
江花媚客寧知別水驛迎人暫可留

贈金陵承恩寺壁上人 二首

蕭然住世紫衣僧自說能參最上乘
尺璧本來真面目祇應看做水中冰

維摩鉢裏尋常飯王舍城中自在居
相逢一領無生話寶藏都忘貝葉書

贈溧水寺壽橋長老

爾向天台度石橋白雲歸去望中遙
前身自是

閭丘子浮世相逢定幾遭

戊申萬壽節松郡節推澤門袁公入

賀四首

八月仙都獻壽時萬方肅穆鴻朝儀中天自

有千秋鏡徹曉祥光照玉墀

夾道千官御仗開上方佳氣鬱層臺南臣爲獻

南山祝北闕真同北極巍

甲子半分天上壽聖躬常荷域中祥彤庭問

及江南事三十年來幸稍康

絳國朝元萬國來虞廷合樂九韶廻近聞大將

東谷集

卷之四

聖

平胡虜定有休屠率舞陪

病起

老病渾如九月霜一番著樹一番黃年來已覺

衰遲甚禁得西風更幾場

子夜

山月沉沉淨曲房多情那復信寒蟬殘更再轉

城頭角方信衰年子夜長

達道者持奉化士夫書來訪四首

寶塔危樓結善緣聲鐘說法動入天神通不用

浮詰禪味從來數大顛

憐子曾向越中官千里來尋江路難同計有來
無一語也應饒舌笑豐干

昔年行縣萬山中野老扶藜盛代風今日歸來

頭盡白可堪千里問衰容

文獻從來此縣多彬彬學士盡絃歌自慙不及

文翁化幾辱持書遠道過

辛亥除前六日贈龔子來歸高郵二首

憐君風雪載歸舟客裏殘年不可留元日東郊

早迎氣滿城簫鼓過揚州

昨日逢君卽別君渭陽空自愴離群江途莫道

東谷集

卷之四

聖

頻來易西向吳門已白雲

壬子對雪

老去自憐頭上雪春前番喜雪中梅世情不厭

年光好三白相看映酒杯

山居

白髮雲居久避名松筠無復市朝聲平生閱盡

人間世只有青山不世情

丙辰秋胡公平倭凱歌八首

今皇福德亘天齊命將安邊息鼓聲銅柱直標

青海上威聲傳向玉門西

臨戎向剎江妖星落地夜幾幾不徒殺氣
邊月直有文光射海幢

悅神致詩昔所尊金書玉冊動殊論只看談笑
空夷虜頻使旗旌浮海門

材官十萬下平湖淨掃妖氛草木蘇都下定應
傳盛事東倭今始見生俘

東海元戎大洗兵捲戈無用向龍城吳歎滿道
歡歌處盡說今年始太平

官軍北去晝鳴笳殺盡蠻兵似羶肥博取銀牌
懸作鏡任他弓影掛爲蛇

長谷集

卷之四

聖

寶

欄腰曾駕舊戈船京觀高層起暮烟壞劫未能
侵世界水輪空欲變桑田

一部饒歌奏凱還千群虎旅盡開顏江南十月
無寒雪却有威風到百蠻

酬方子瞻

江關何處落帆來歲暮山家倚棹催千里青山
看不厭滿船猶載白雲回

已未萬壽節別沂東劉憲副

八月彤庭寄我 皇萬方同日觀龍光中黃已
定千年籙南極平開萬里祥

遙遙趨絳節朝虞廷今去聽簫韶江關早發
嚴霜駕驛路猶傳直指謠

祝謁先從江漢臣遠將金鏡頒丹宸那知夾道
千官列獨指康公有後人

內臺爭似外臺高驄馬行看似昔勞闕下不驚
新法從省中僧慕舊風騷

中秋前四日孫竹沙偕宣龍田攜樽來
訪戲酬二首

沙岸迴舟水路紆遠尋秋色到吾廬坐中羨我
山光好送與將歸可載無

長谷集

卷之四

庚

庚

一棹情深爲我攜佳秋偏在月初低怪來不與
青山約早放清光過嶺西

周幼海小像二首

白雲心迹薜蘿裳著得書成髮未蒼後去續君
高士傳不應相下仲長光

到處青山是主人識君惟有葛爲巾昔年五嶽
同遊日蕭散分明是此身

贈雲樵二首

青山曉嶺白雲多樵路空聞爛斧柯高臥不知
霖雨意蒼生無奈仲淹何

幽居何自倚青山時攬雲華洞戶間盤裏水晶
君定有人間空說太官餐

飛英塔同吳煦野暑坐 二首

寶塔重陰啓四扉一簾瓊樹各成圍入門已覺
非殘夏坐久那知欲攬衣

漉漉人間暑氣遲不堪偏是午炊時禪房寂寂
關黎睡倦却清閒了不知

攜幼子文果守望墓山感而有作 三首

齊閣蕭然臥起遲老來非復故鄉時眉端多少
難言事只有牕中遠岫知

卷之四

里七

四

松欹何意傍青山爲奉嚴言几席間結就精廬
無限意忍憑鄉思復東還

長孺難留汝尚孩百年長計在墳臺淒風零雨
相看夜知汝他時倍我哀

孫雲谷還新安

八月潮聲到富陽扁舟西去好鳴榔丹楓兩岸
猿啼切盡盡千山是舊鄉

橫塘隱居

青林蒙密碧溪灣遠壑泉聲落夢間幾度爲尋
芳草去入門先見數重山

王洪宇水部分刺閩中 二首

星郎出牧暫離群半刺名高異昔聞總爲周南
揚化去不妨先謁武夷君

武夷山色擁青螺九曲源頭試一過知爾遠將
龍節去不辭行處白雲多

贈杜君

少日相違老再逢紫髯不見見成翁那知四十
餘年事只底黃梁一夢中

酬璉川昌兩過山居

水淥烟迷滿壁苔青螺間傍竹門開相攜不爲
長往集 卷之四 吳

行春至信宿聊酬冒雨懷

贈王槐江 四首

舜江名迹上皇遺邑里猶傳後代師洞壑昔論
嚴子瀨瑤林今秀右軍枝

越上名山說祕圖當年神禹此藏符瑯琊宅裏
多賢後照映何須說鏡湖

吳中初繫孝廉船玉樹瓊枝衆所賢三載相看
渾未足可堪歸去未殘年

千里庭幃意萬重况堪秋葉帶霜紅扁舟南去
知無事一路看雲到越中

元朗解官歸賞其高致贈之

不愛官曹愛樹林
送人瘦馬不須金
劉倫酒甕東山屐
直是先生夢裏心

堯山公治松以安靜息民感而有作

浩劫初回民僅蘇
使君猶自廢追呼
淮陽臥治多安業
一路蒼生少向隅

口占贈王淮孺二首

龍裏千條青玉藜
松間百丈茯苓絲
相從只在瑤池上
莫訝東來紫氣遲

當日方平有宿緣
從來徐甲已開詮
千尋落障

居休遠一片清霞袂已聯

題東方生慶慈水劉越東五十

千年結子百年花
五十于今方茁芽
未向瑤池移得種
歲星先已照君家

富貴詩限韻

退食閒欹茶夢寮
侍兒調曲度鸞簫
無端却指王維畫
凍雪何曾上翠蕉

贈南昌吳子卿三首

續徵萍踪君幾年
若西吾亦買瓜田
相逢各有并州思
白髮天涯共渺然

相攜浦上昔年曾
轉眼人間幾廢興
獨有夜深

清喚鶴聽來猶是舊華亭

城西風物最宜秋
猶憶看雲共倚樓
湖上青山吾欲老
憐君空遲木蘭舟

癸亥季秋自吳興還松感而為詩四首

冒雪衝風歲一回
客程迢遞鬢毛催
關情老去惟桑梓
猶覩寒潮日日來

海上群從筆似扛
聲華何止晉賢雙
自憐滯足無書社
白髮蕭蕭去此邦

五斗曾同陶令君
折腰空染後來聞
扁舟收拾

豐年去滿載黃花與白雲

海氣園城散紫霞
小園風物領年華
他時埋骨

青山去豈有人傳處士家

長谷集卷之五

華亭徐 獻忠 伯臣

序一

六朝聲偶集序

予讀六朝人詩取其偶切成律者焉夫六朝人詩綺靡鮮錯失之輕且弱予雖取之安得而掩焉乃予究觀詩人之作代出意匠以增前人之能則敷文之極而流弊之至于此也乃後世之爲律者實六朝人創始言之至于今承信宗襲世無有廢律而成詩者則六朝人之汎波亦豈

長谷集

卷之五

可少哉夫詩自三百篇而後雖漢人蘇李激烈感慨以發悲歌之思其去古詩遠甚而風教微矣詩家宗事之幾與三百篇等魏晉人遠不逮蘇李而建安七子之長爭光後時此其故何也蓋詩之流聲不徇其體裁而係諸時尚不專矩墨而專其工能作者能工而時尚不廢即謂之名代之言可也其傳而變變而極雖文勝之末獎亦何以掩其專能哉唐文皇詩英標秀出而神氣不乏然探其華要固隋人之軌而齊梁之波也唐人祖尚之不一再傳而模寫擬切之言

殆已盛矣乃其後遂失其精藻而流于膚淺其風流而涉于左僻斯固衡文者之病而斯人之逸致殆亦異乎六朝人矣譬之山澤之殫而欲自列于清廟明堂之上不待鑒別而陋劣表見其誰得而掩哉夫詩之爲道其原本出于太史之官或遂流于膚淺左僻不能獵風人之韻而汎文雅之波又何若鮮錯綺麗失之輕靡者乎若其偶切駢聯固世之所不能廢者夫人之好有同于予亦未可知也

唐詩品序

長谷集

卷之五

詩之來尚矣然生人所含風氣不齊而感遇之情異向其聲詩之變亦何能已耶故秦楚折壤異其商角之奏國風流思殊于雅頌之旨諷其聲調多不相及參觀三百篇之內此義不免而况于後世耶要之四聲異文必諧于歌唱乃爲入調五音異詠必備之絃管乃爲合律故律也者與二儀並生萬有同形者也以和人聲感鬼神其義浩乎遠矣然律生于心係乎治亂得失之感而發于歡暢悲思之會諧協雖異而感遇之適不可誣已參約其變雖百代殊風五方異

氣亦安能無定論耶唐興承六代之後詞華力
備風軌尚微太宗以鴻哲之才剛明之氣采摭
餘藻濟以格力當時英賢遭遇共諧景會意主
渾融音節舒緩不傷宮徵之致其爲當代之祖
何疑焉開元以還綺文之士習氣尚餘而暴亂
之後神理乏缺雖鮮錯之盛未殊而感恩之情
不能無作故其舒緩之節漸流爲深密之致而
模寫之言始盛矣夫太始之音尚微故黃鍾之
宮謂之含少夫少者已微復尚含晦此義何也
豈非宮音始于喉嚨而遠于唇舌之意乎故太
音玄酒與初陽比節而物榮則衰氣盛則反天
地自然之變亦何有改焉說者旨趣其論而忘
研窮之過殆亦昧乎此矣元和而下調變音殊
意浮文散其上者格氣猶存詞旨瀟薄其下者
調卑詞促心靈流蕩窵觀其時元氣日削國體
傷變而藝人風格要亦與之俱下蓋至于開成
極矣夫流調不節則律體廢陳格力不持則浮
誇日勝藝雖精到亦無取焉而况林壑棄人偏
奇怪士意象踈畧音旨直致無尚于風人之軌
者耶大抵人各有聲聲韻爲音未有外五音而

成聲者也然律家有變宮變徵之調側商轉
之弄皆感遇之變節也唐初作者覓物臨將類
多散調不勝雅頌之義然究其音節莊嚴渾厚
調之口吻清濁流通亦庶乎律呂之諧矣而元
和以後固皆所謂變聲也然國風之旨裁于風
教發于性情倡于人倫合于典義雖不盡屬絃
歌之品要皆有君子之道持是而觀雖晚唐諸
子亦可存其變焉

樂府原序

樂府原序漢人樂府辭併後代之撰之異於漢
人者以昭世變也六三代之樂與先王聲教并
亡失久矣而雅頌其旨昭昭有存焉可攷見也
漢興承秦之後內有唐山爾雅之辭外有張蒼
吹律之能一代聲文猶僅有所立倡孝景祀祖
禘以武德昭德之舞及武帝諸郊祀樂及東平
王蒼光武廟樂有本有文咸有足觀者而采詩
之官時復不廢雖伶人賤工之奏亦有風教存
焉奈何六代之君臣復以淫靡之習壞之如秦
之於三代也當是時郊廟詩詞出於文學士所
撰著似亦有可觀而形氣枯索視漢人之出於

情者不類遠矣予又安得忘情於漢道哉儒者每病河汾擬經獨取重於漢人之撰嗟乎禮失而求之野三代而下舍漢道其又安所之傷時憫俗之意一寓于斯豈得已耶後世擬樂府詞者又各以意見不能盡白其義余有惜之乃因左君克明編次及郭茂倩所廣集各原其本意加纂釋云實以寓夫感變之情也

唐詩王水集序

唐詩名王水集何也王水出方流蓋古詩語唐校士名場以命題云玉所產處泉皆方流若珠

長安集

卷之五

五

在淵中則浮泡圓混各以類也詩至唐其體義始備爲一代絕藝後雖有作何加焉顧其人品類相遠絕而辭亦頗速詩不係諸辭係諸人也今予所選圓融整麗幽寂嫺雅皆類其人乃於其辭悉加評議妍媸在鑑不敢自昧蓋慕之深故知之真也若上官昭容之媚私二李之邪側雖開元盛時亦棄置不錄至於李白之樂府詞杜甫之正律美璞連城又不與諸家相雜

參同契分節序

予所見參同契諸解類膚淺不中魏公旨意吳

門所刊本本黜去諸解但可讀而以大易與黃老金丹並列爲三圖所見殊謬乃魏公本意謂易道至廣大聖人治世與內養金丹三養皆振本于易非謂易止聖人一端與內養金丹並列也且內養金丹皆出于黃老今又析言之益謬因爲看詳其謬分離條節讀者因辭探旨可洞然見矣其上篇治理與丹今相符而金丹之符必寓焉惟坎戊月精一條是藥物要旨中篇內養景象其玄而知白守黑十條是鈐金論後係青州從事徐公箋註及淳于叔通三相類相與

長安集

卷之五

六

警魏公所未備而三相獨緒論金丹首尾詳焉予謂此書惟上智人觀覽自能言下解悟雖千百年世亦能契合軌轍自非上智人雖讀解註無益也故不復釋義

老子指玄序

錢唐田子著老子指玄成以示徐子徐子曰老子五千餘言其初無分章分章自河上公始云天數奇其章三十七地數偶其章四十四揔之爲八十一其後嚴遵以陰道八陽道九以八乘九得七十二然其辭義弗貴田子云河上公去

老子未遠其說當有自遂用河上公本其初亦無分篇分篇自唐玄宗 改定章句以上篇言道下篇言德始夫老氏何分于道德也其旨益謬不堪解田子矯去舊名止名老子此非有定見不如是且諸注釋各以意見垂于本旨近時薛子拆裂群言爲集解善矣然分離章句讀者不貫通其義田子統會其說爲指玄云嗟乎老子之道微妙玄通究極性命之致世俗所溺之見多所矯拂其所云治身治天下大率人我合一皆借言之也中間時露其微旨而人不之悟

長谷集

卷之五

七

大率多于言外觀之可也諸所指斥以爲與吾儒異誠異也夫性與天道子貢之徒猶不可得而聞今所披露皆孔孟平生所不言學士罕所聞見豈可與吾儒修治之常說等哉顧移之以治天下若漢文帝曹參止獵其淺膚猶可致治安無難况其精者乎司馬遷謂申韓慘刻皆原于道德之意以開後世之疑蓋謬甚矣當世學士類拘名迹而徂舊聞敢因此畢其說

遜志齋集序 代作

予行卽至台海上見其山聳拔壁立而雲霞出

沒有顯氣焉意當有降靈之異問諸其邑令則正學先生之鄉也爲之慨然悲焉既而赤城郡刻其遺文所謂遜志齋集者往嘗讀之卒業矣五卷以前皆至文深慮論二十篇經理之計有深長思矣顧其文似蘇長公而篤論遠覽過之嗟乎先生道德士也其學去闊洛遠無所從受得之微言有獨契者焉當是時其所師事之終身者潛溪子潛溪子乃於文字中見道而雜於佛氏先生所自得不雜也其所操志皆聖賢事不屑爲韓柳諸家之學至其正統變統之論高

長谷集

卷之五

八

出千古自左史以來所未見發也以是立例則春秋之義行禍亂之階其有所忌乎或曰革除之政欲循宇文失之迂師異錯失之薄殊非高皇帝建立之意先生立乎其廷不一言之可乎噫此齊黃輔相之過先生雖得君不在政府然所謂深慮論者蓋有所因而指之也予所爲先生惜者文美粹然學已見其大者不幸遭時輒軻不能孔子知命之年而優入聖域也故慷慨激烈其氣浩然獨存視之從容中道尚一閭焉爾孔子云得見君子者斯可矣若先生君子

老平因書以爲序

陸文裕公外集序

詹事府詹事兼翰林院學士贈禮部右侍郎謚文裕陸儼山先生外集者輯畧古義有傳疑錄在史館立義有史通會要以編脩官入試院有科場條貫書法造極三昧有書輯性嗜古有奇器錄考求聖祖川夷之蹟及扈從皇上行幸山陵有平胡錄及南巡北還日錄其寓遊歷覽有淮封南遷日記有河汾燕閑知命停驂錄有蜀都豫章雜抄有金臺紀聞王堂漫筆其燕

長谷集

卷之五

九

私春風中和堂隨筆願豐堂漫書春雨堂雜抄及溪山夜話又有同異錄發明格心之業是皆可以昭世軌範人情名一家言也予究觀之其言出入四部精究七畧大昭時憲而細綜物曲蓋蕪子史稱官之要而寓經世之畧古稱大雅博達誠何以加焉公平生無他好飲食政事之外必與翰札相親其對晤賓客劇談指斥必古今通畧尤好接引人雖單門後進苟可與言亦氣類相許與而畢其餘論以是論著之多凡可以式獻當世授之紀室無不纂錄云夫竊居

抱藝之士營營卒歲猶不能自了其業乃公策

仕來外直史館內侍講進簪筆含香之日殆將三十年及外補司省轍迹所至幾半天下其家居不過三數年而已中更料理酬應歲時周覽安所從暇獨能以其餘力自廣如此蓋其慧悟之性自少絕倫且志向遠大學有要領雖其究竟精到殆亦未嘗苦思斂力故綠情注錄體裁各具是豈恒人所辦哉吾松濱于漲海猶以名都邑著稱初非有寶玉珠璣之產徒以人文跨越江左而已至稱大方之家則自機雲而後千數百年始得公一人焉公又出自華宗源長有委道在廊廟而理擅民宗顧其爲志實欲匡贊當世不徒馳情藝事與文學之士相雄長而已故所述紀凡典法倫教可以興革布措可考見于後世者靡不及焉豈非希世之俊民珪璋之備望者耶先所次詩文集共若干卷此因名外集子揖授黃子標詮次如此云

朱福州集序

朱福州集詩奏各三卷公名豹字子文號青岡居士以進士令奉化餘姚二縣擢監察御史至

福州守因以名集云公雅以詩名又立朝

有稱所聚集甚富其弟子明辯以自隨後沒于京師散失焉子察卿檢其遺及人所傳誦僅及此又公嘗戒其子凡糾核章疏其人或他令聞不可廢即不可使聞于後世至于廟朝大議故非可傳布人間悉焚棄之嗟乎大人君子之言所遺于世多矣豈必盡傳哉按朱氏居上海自公而上世敦行義復有藝文相禪邑中薰其德莫不稱朱氏多長者其四世祖梗嘗以布衣召至金陵上安邊十二策適榜剡國進麒麟

長谷集

卷之五

十一

因獻頌闕下有前翁集藏于家其子元振世其業有壽梅集孫佑仕南昌府同知工詞有治才著葵軒稿佑子曜提舉清江司有玉洲集公其子也五世皆以文學見郡邑志殆人間所少又况行義稱長者哉予嘗承公奉化之後見遺民稱公善政守其條約種種不忍忘未嘗不歎公其治有狀也其所羅致門下士悉興于時有宦業可觀至于今莫不稱我公請爲尸祝之祀者茲其表見于世又豈必一藝學哉至于福州之政諸有碑志可攷大率嚴于自持寬而得民

非有學術者不能其稱重于鄉邑非徒然者也察卿字邦憲行有家法而崇文業可謂餘慶洋洋足徵其世矣

馮山人江臯集序

江臯集上海唐君世具顧君汝修喬君啓仁朱君邦憲所刻雪竹馮山人詩也山人名淮字會東故華亭里人平生晦迹林樾自高其志于世一無所慕而獨究于詩寓遊應接一于詩發之有子曰遷修辭立行以君子之道事山人山人無外內累而俯仰自由故其詩多自得之意不

長谷集

卷之五

十二

蹈陳迹寫撰情景多驚人語吳中賢士聞其風多樂與之遊往往偕之名山川探討名迹乃其意自屏于世其澹薄之分非好賢下士先委其情者不之顧也近世名山人者予疑焉攻其術藝以釣虛聞遂與世路抹撇陸沉而不返藝雖精亦何取焉獨馮山人予謂其弗媿于稱故讀其詩樂道其人也

笠江先生集序

我朝取士罷黜詞賦不以列于學官學官弟子鮮從所習業間習之亦無所師承各以其資所

近者爲家自正德建年來關洛之間稱多名士其氣峻邁揚厲不能平後復以藻績相高視平調爲卑近不屑事故其立功名輒爲氣所使其所陳說或慷慨感激不能通時之變以取軼軻或以浮靡躁進爲時所棄當世所稱名士大率出此松江僻在海上晉室未南即顧陸之風稱于海內以開其先可謂盛矣笠江先生聞其風而興起自其少時即性有定養操節有槩雖處群衆遇紛錯應之未嘗有聲色故居鄉稱君子臨政稱賢大夫其爲文即類其行春容和厚而有典則蓋本于兩漢而通于韓子其詩自盛唐充于自得之意其氣視諸子爲獨平而渾厚視古昔其以仕達固宜然也往余著地氣論謂自昔立國政治與文章相轉運開國之初其爲文渾厚質木視後世文明之盛似不相逮然其時政簡而民安其後文日益豐美行亦革腴而治日興無舒緩之致其大較然也然自漢而下古老先生觀之其文豐美而渾厚所以挽回運化曲成其能固間世而一見今觀諸先生其文之興于世不將與古老先生並傳乎是爲序

鳳峯先生環溪集序

鳳峯先生環溪集刻久矣其門下士又集其續作者刻入至若干卷環溪其所居書院名也先生家食時卽就事雅道日居此中洗心藏密別無他嗜好是以詞源浚發咳吐成章徵文問字者日集其門而應酬間暇未嘗厭倦故其所積甚富閣學存齋翁嘗序其文云不作秦漢以下語衡山文翁序其詩盛得唐人風皆能道其實際予固以爲知言也夫藝學各有門戶類無全襲其美故少陵三大禮賦尚乏通才昌黎詩世所稱如橫飛玉盞遠蹀金珂咸不入選先生問學淵潛陵跨高代其文慨慷軼蕩得史遷大篇旨意非後煩瑣摹擬討自樂府而下咸遵其美而尤長于律其平澹入陶韋骨氣肩陳杜吾松今日號稱雅道中興先生固其先驅也予慨自昔文學士類多矯亢獨立視已常過高苟其志非共好則等之濁世藝一不相入則視爲教外別傳此皆其恒也先生德器和厚志操堅定雖其造詣卓絕未嘗以地位自高此又當於文字之外觀之可也且以進士起家致位通顯所

至咸有德政其遺愛見之碑頌與尸祝之報自明州以至湖湘江海之間可徵也未及縣事之年乞致已父諸監司以其才望老成德器深重節有薦揚之疏雖欲以林壑自榮而安石不出之望恐亦不免未敢以文章爾雅獨推公於當世也因併及之

翠巖詩小序

夫巖壑之間多超曠之意雲霞之窟少風塵之轍豈徒潛夫僖父之迹哉蓋深山大澤實多靈景生甫及申感于氣類是以觸目即爲之弭節

長谷集

卷之五

五

適情而對之舒嘯雖揚裾三秀之鄉挂笏九霞之表人亦何疑焉蒲之爲邑其望爲壺公山戶發青蒼家涵秀色惟我黃公之宅大類于雲之亭修文之几照耀蒼崖草玄之徑映帶碧落遂以翠巖之扁揭之楣間亦以招靈修之路來倥佯之門也今者執法上霄移麾江海銓校文學以嘉賢路顧其孤標之操遠配靈嶽幽貞之心上出層岫雖驅逸羣之駕實懷縮地之情者焉乃予未能千里命駕挹其曠景形骸之外神遊何已聊爲短述用表遐意

山水圖序

吳興自昔稱山水郡晉南渡後視爲東土其守令非有力者不能得南宋諸君子亦往往宅其間其名爲山水清遠非誣也予自海上慕其風三十年來水陸游衍幾遍山中猶以爲未足而郭南先生生長於斯乃復厭于登陟闢小園樹竹石于所居之東偏日夕吟哦以爲樂久而復厭之乃置山水圖一冊凡山中煙霏晴晦上下坡陀與夫險僻奇怪之觀花鳥蟲魚之情性畢陳于几案之間靜觀造化採弄大塊時復陶然

長谷集

卷之五

六

一醉或誦黃庭大洞諸品一二段或蒙然閉關而坐子謹之曰山水之樂其在茲乎先生嘻然笑曰天下之動不能勝靜者理也勞其體不如逸其心者情也故曰知玄知默守道之極浮世之情見其迷不解其形勞其身不晦其心桎梏其生以伐其真子甚悲之故以爲曠宇無涯不如閉戶之安糟粕橫陳不如資叙之適苟求其至有物之相一色之微皆足以自累則圖史之設亦多矣子以爲少乎予聞其言始知先生之有得于先集梅葉輪息徒屏蹟

璉川詩集序

璉川施先生吳興之歸安人舉嘉靖乙未進士仕至刑部郎中陞青州守自少天才穎異若出風成十二歲時其祖翁試蛛網詩即頸聯符少陵語翁大奇之既仕遂以詩名于海內往余於濮陽曹君所獲讀先生詩併聞其仕官之節云初仕爲郎郎即執法守正不承上官旨意方是尚書爲鄞聞公故長者能容焉其後東橋顧公繼之東橋爲文士所宗風聞其才行與之深相契人謂東橋重其詩非官方也歲癸卯予謁東橋

長谷集

卷之五

七

下金陵亟稱曰施子不但善唐人詩其任古人之節非與浮世相能者也其後先生竟以不合去如東橋所云嗟乎自昔賢君子所自究竟卒未能與浮俗相勝豈獨先生然哉予自移家吳興始獲盡讀其詩其要領實自開元大曆之間專事風格而輔以律調求之作者則摩詰之和厚文房之穠郁蓋皆徹其華要綜其矩矱未嘗雜以繁聲艷詞雅道可以爲詩矣予嘗評唐人詩五言逃于漢魏樂府雜于鮑歌至其近體詩則傳之萬世有不可磨滅者焉其初詞旨和厚

格氣渾融意象含蓄不盡宣泄此其正派也乃

其後辭日益工研窮太過自元和以後已自離爲別派何怪乎宋人然哉近世雅道中興橫陳藝學始復力追古昔大超玄乘然其純步唐人音節者亦復僅見蓋高材逸駕不可羈繫始有俯視前軌薄窺尺度者焉予嘗怪獻吉序昌穀詩以爲守而未化嗟乎守化之說得無自騁其馳騁之意耶以書法言之倉頡荒迷籀篆寢東則真行迭變而晉之末和爲宗矣後之作本領失其神品結構遺于臨學亦將以爲化乎爲守乎詩學又荒科條不設無以約束奇俊之士遂使駿足橫馳騰搏汎路不能歸于唐人格律亦可惜矣予輒因璉川之作有感云

長谷集

卷之五

六

西征集序

西征集相泉先生轉參關中時雜稿也先生胡氏松名以儒行聞滁中起家尚書郎推任山西學憲至則經見邊情弛繫條十二事上之皇太后上讀其疏切中機宜可任特進本省右參政賜敕經理三關然邊臣有不便者遂以不合去既而皇上念西事重大事體與山西相係敢任

知利害無如公故復有是命而集所山存也
重先生者謂其文自西京詩自盛唐可師因刻
焉予以爲先生學術正大臨事盡心力不放過
此當自其大者觀之不但文學也在關中甫期
月脩橫渠先生祠及仰止書院鄭國廢渠民已
忘其利刻石道旁圖復之攷究諸古蹟始末鑿
有稽證雖詩詞小作亦多憫俗憂世之念先生
有用之學即是集可槩見今茲轉轄浙藩浙故
有防倭之役雖藉重臣經畧已定而漳閩之擾
尚多可虞中間縣俗不飭儲備未經土兵居制
之法未定具有望焉相都相咈共濟時艱可也
先生誠以西事之念念之肢臂不搖杞斯腹心
安矣因附爲斯集序

峴山雅社集序

石岐吳公刻峴山雅社集與會諸老凡一十有
七人起癸卯迄乙卯凡二十有四會諸所倡和
有詩紀述有文規約有條件一時勝事咸可觀
記蓋自香山洛社之後僅見其盛數年前予在
故鄉嘉定張餘峰憲副約來觀社石川張公亦
抵予三四書咸謝去今乃獲觀是集如身在

長谷集

卷之五

十九

長谷集

卷之五

二十

山歷歷見也其初結約始自一菴唐公建迨老
堂則自府別駕湯公所謂一十有七人者惟石
川爲崑山人南坦以寓公居長興之呂山固已
稱鄉先生矣峴近郭下臨碧湖勝地也逸老堂
在三賢祠上堂隅右折而升得平巖題曰朋壽
臺郡公祝諸老之盛心也諸老皆一時耆德其
約序齒不序官爲具簡素悉如耆英真率之例
而以呂氏鄉約范益謙座右語相戒飭緒山錢
子所謂老不亂禮耆不倦德誠哉其言之也往
時洛社司馬端明尚未七十潞公強使預會蓋
賢賢也其後司馬別爲真率會則奉其兄伯康
其意親親也是會也臨溪潯陽白石天泉諸君
皆鄉中達彥使輟暫止咸請集非潞公之情乎
若源石岐兩奉南山翁觀社非司馬意乎夫風
俗之興使人樂觀化而考德業必自賢長者始
吳興俗故朴厚宋南渡諸賢居此各以其方俗
儀度相詔爲禮至今有遺習視之他郡邑誠有
足觀者今諸老秉明德尊高年不自怠於懸車
之日其有補於風化抑又多矣近年來寇亂充
斥舊遊榛莽而諸老厭棄濁世類有上陟紫府

者焉山陽車馬阻別郊門穎川賓客遙妻松路而石岐此刻不能無悵然之懷矣然其遺跡固與耆英真率同芳永世則固不容無待於斯也因爲之序

華亭朱氏世譜序

朱氏其先開封之通許人故有開封世譜蓋出于孝友先生之後三遷而至華亭云七世爲士清公士清公婿烏溪里趙氏自是爲烏溪里人其譜永樂間有回祿之變遂不復考其初遷之世而自訛爲南渡之派蓋松人大半爲南渡衣

長谷集

卷之五

廿一

冠之後朱氏自汴來其跡易訛遂不復辨茲翁時有慈水張君所譜未能深考翁每爲子言之訪求開封譜傳落人間者久未得也翁既去世其子警喪葬甫畢即同諸昆謁予曰警有先人之志君不能竟其又屬之誰乎既乃訪得吳興朱氏譜亦名開封朱氏其所祖始于孝友先生其以厚德著聞名承逸爲湖州孔目官生子服仕爲從官與華亭祖名承進者爲兄弟皆章章可考見而朱氏之宗不向南渡明矣蓋朱爲宋時閭家其仕于朝者蟬聯鴻舉而其祖父之墓

松之宗山者至今存可考也中遭衰亂至我朝復大顯於鉅菴公之父子鉅菴公生子六人六人之子若孫衣冠文學奕然當世追武先躅今之稱華胄未有先之者殆以此也乃其世譜既燬遂不敢安然自合於吳興所譜今止自士清公始之併其宅里壙墓與諸宜考據者著之爲烏溪譜以昭世則而明遺教翁之志殆可謂盡矣徐子曰譜之於人大矣夫鴻朗休明之業樹之永世鮮不興其志而起矣夫族繁則勢離情不係則分踈夫兄弟不相親愛則途人而已

長谷集

卷之五

三

又况父而踈者乎故譜之爲道表成德揚穆親合族類歆久遠孝弟之道何尚於茲者而可以忘乎朱氏之先曰孝友先生孝友先生本行君子也以是啓其世其後昌明休顯有所著聞於時豈非本固而未茂者乎夫聖賢之後其著不少也而使後世不復知爲聖賢之後其爲凡民者皆違其孝弟之性而忘其本始也爲朱氏子者守其先長者之訓念其本始而篤其類聚使後之慕今猶今之慕昔其所興起又可量乎

丹陽荆氏族譜序

子嘗眺京國郡城之後山見其上有荆王墓問諸其人始知荆王之後世散居曲阿之旁者殊茂往嘗讀太史公荆世家謂荆王賈與淮南王布戰敗國絕其子孫固在也其以國爲姓者賈爲漢疎屬既失屬籍恐荆王遂泯名於世也因系爲姓云及讀氏族志乃不詳其所始止屬于荆楚嗟乎何攷覈之疎若此也楚之封國在古荆州之域故云荆楚非楚姓也楚之姓曰芊其後折爲若敖爲今之敖氏其近姓曰昭屈景今爲昭屈景氏而荆非其姓明矣若古之荆卿者長谷集 卷之五

故衛人蓋出於公子荆而其後不傳故曲阿之荆氏爲賈之後世無疑焉烏程有賢令荆君名文昭號雲洲曲阿人以進士起家有鉅才宏略人咸以公輔期之其治烏程有餘力四方文學士且從之講藝間與予論及荆氏始因作皇塘荆氏譜蓋荆在曲阿有三派曰珥塘吳塘馬莊吳塘始遷在勝國時祥十府君者至野莊翁已十世自野莊而前咸以貴雄其鄉然皆奉公法守尺度公府緩急藉以取辦惟荆氏家里中推重賢良久矣至野莊翁益尚志節有義行其嫌

善樂施予人咸伏焉方是時野莊翁所生子皆賢敏有成性諸兄弟子暨族人子率亦有向慕野莊途延名師聚館穀務成教育之使列爲君子故咸進而弘其學列爲學官弟子升爲國胄其尤異者與上計吏偕以至舉進士蟬聯鴻舉相繼而起者日益衆何其盛也蓋野莊翁直欲成其先世之志諸賢弟子直欲不負野莊之心以光其先公此譜之所由立也徐子曰君子之家者自得姓以來而後家道立然必有守家之法而後鴻長之業可保也是故經其德以立

長谷集 卷之五

本而後化行於其族有宗子之法聯其心然後族聚而不散宗子之法不講久矣然小宗之義可自賢者始夫仕而顯者與古諸侯之有國者何異此可以立小宗之祖焉今世有節行與衣冠之華要如野莊翁者不多見烏程君論及小宗之義雖然自以爲必可行其爲是譜也固其所見之初心也其哲昆有典起者使大江之南炳然有先王之法以成君子之志予有望焉

東川顧公定芳作族譜以示徐子徐子序曰顧氏居海上其所從來遠矣所譜止自友實處士據其所從知者始也予蓋重有取焉方處士避兵松宅里晦迹埋聲不敢自表見其所生止一子曰睦晚稱月樓公高皇帝戡定禍亂時懲元人法網弛廢首以禮制齊天下月樓公輒謂天下已平定稍自華其居室即罹禍京師方是所生亦止一子尚幼稱即能自直於高皇帝能俾其子孫至於今無戍卒累其所貽豈小哉自是爲草堂先生以宦學顯以及東川昆季始大繁其宗今世列華見尚文獻父子兄弟同時爲侍從官諸未仕者素業賢聲雅推重於鄉人吾松如顧氏豈多見耶然其先世積植之難亦甚矣東川公追念之以作族譜欲使族人子各守其業歲時會集享薦嘉睦其於孝慈之道可謂篤矣子惟上海子松爲屬邑其創建視天下諸邑最後且僻在海壖無深山大谷可聚居其族故其民各立門戶擇善業而居雖故家遺俗無譜牒可稽其世是以不三數世有視其族以如途人者往昔者稱大族莫尚於睦伯言顧希

馮二氏二氏子孫散居海上視他姓獨衆多宜有迹可攷見翰學顧公清脩郡志時遍訪邑中譜牒見顧陸氏其後止得衛氏淇水流慶錄及開封朱氏京兆杜氏東光劉氏嚴陵邵氏四譜然皆宋南渡時避亂諸君子之派至於土著如顧陸氏獨混不聞焉近年來郡中宦學彬彬盛於海內始有譜其族者然或附於南渡衣冠之後不屑自其所知者始是誣其先世矣予重取顧氏譜豈非不欺之道以示其後世者哉嗟乎上世得姓之原史籍昭昭可攷水木之所從來雖後世至賤薄要皆其子孫也自昔名譜侯賢大夫之後豈必世世賢且名哉三代以後金石毀泐者不可勝紀而况一家之私譜能久存者寧復有幾吾雖不附於名賢之後要之史籍有不可泯沒者焉立誠推信以示子孫使知有君子之道可以常存而不廢也是爲顧氏族譜序

寧波府志序

代作

南司馬東沙張公修寧波府志成予行部適至郡郡長吏以序請予惟郡爲四明之東境句章之舊望也而久無成志豈有待耶予嘗覽圖經

見所謂禹廟之梅梁赤堇之錫與伏飛之雄雌
區治子之絕藝神異奇詭未嘗不羨慕之且其
君子之輟迹徧海內傳圭接黻類多名世之承
弼其齊民務本力穡咸以畊鍾之田亢其家貧
者亦澤之萑蒲海墾之贏蜃悉堪資養江海之
間稱樂土者先焉乃其地爲倭夷朝貢路貢即
以交市至負販之資固多裨其民而顛越之毒
亦往往不測此其地爲兩浙安危之門戶也我
高皇帝奠定之初首念及此其經畫海上獨加
其慮凡海島居民盡驅之陸地放洋之禁特嚴
且重嶼嶼要害悉置重兵使相爲掎角呼吸可
應環海如帶皆神州赤縣其資儲餉給悉充軍
實無入京師者其措置亦密矣獨市舶之司不
得不仍宋元之舊貢使之來遠外不羈之人或
多所托附聲勢相引誘及愚匹積習既久遂有
頃來蔓延之禍遍及兩浙北連淮海夫以高
皇明照所及已無遺策而末路乃至是豈非法
雖嚴具日久弛玩亦奉法者之辜乎昔人所云
斧鉞不用而刁鋸日敝信哉其言之也今皇
上推簡重臣赫命專征之師三數年間薄責文

長安集

卷之五

廿七

武吏徵求遠略大秦厥績使波宮效順海若役
寧禦夷之長策益加闡擴可謂盛矣司馬公生
其間以爲必大修條教崇示軌法庶幾耳目不
惑可久之道也故以宏鉅之才勒成斯志凡五
邑創承疏密一切事宜及諸典故綜核悉備視
之舊籍蓋十倍詳矣郡守周君希哲曾君鑑當
軍興之日而繼志有成可謂識先務昭遠猷其
政可於是乎觀矣是爲序

山家月令序

余少而鄙野老甘玄素水旱習聞於歲氣廢置

長安集

卷之五

廿八

月令

隨計於操書竊復自念地力不窮而變裁由我
天時迭至而舒轉相因斯乃力之所究而機莫
由施課有恒度而人皆可測故土膏一至甲拆
隨之候鳥息喧物因而變苟一違其至性殆盡
失其所生經曰用天之道因地之利謹身節用
以養父母至哉言乎小人俯仰所資其斯有道
矣夫四氣各敷其化百昌同撫于辰是以中星
所届分至鈞陶日經既臨罡衡順指古之聖王
測以神識導其化機含少成宮吹萬合氣出火
有緒藏冰致和所以神化宜民莫此爲大故葭

灰宣管土圭測日身為經度心常調變和石時
今以示則法所以養育羣生靡不至矣余之跼
伏在野無以弘贊大化靜以安生業營養老動
息細故不惑其常寒暄之令奉諸時氣至于樹
藝之能實關農官之教山原異土習尚各宜纖
畜不遺效法有自濟以聞識協諸節候庶乎不
失太平之化以符擊壤之化云爾至于柴門洞
啓牧豎前驅夕照光回篝燈自命佳蔬在杓酒
酒可漉布被擁寒農書作枕足以怡神不知老
至斯又宣節之餘波玄潛之至樂也舍是而遠
有所慕余所不能夫亦習而成性者耶

長谷集

卷之五

九

唐

刻談藝錄序

曩子見吳門人言徐迪功少時無他好弄惟喜
讀百家子書乃不知有戶外事余問諸子九
良然今其所著談藝錄該極風雅研窮意象自
非蘊通百家會之于心豈易得此哉乃其身頗
偃蹇不振厲不能附離清時潤色王路又無長
錄必算可卒其志予蓋嘗對客彈指歎迪功云
太史公曰虞卿非窮愁亦不能著書自見于後
世豈迪功此錄竟得之窮愁哉予刻而傳之或

掌故不亡其籍則聞而興起者庶以不死酬迪
功云爾

春山遊覽記序

春山富君示予遊覽記乃序曰夫風植幽標斯
契達生之旨言超上德恒為出世之懷自昔達
者數子嵇阮之倫寄興忘言綜情玄素無可尚
已其次徜徉歷覽蕭散舒徐俗軌不能縻留襟
樊不可羈繫上畢策身之務下崇訓庭之業含
真茹澹抱樸披幽視澄江而興想眺遐岫而馳
戀茲其清曠之懷即同冲舉之樂若我春山君

長谷集

卷之五

五

唐

者何可少耶君自誦習之年已抱間寂之悃既
乃仕學兩優纓襟併濯感桑海以浩歎遺蓬累
而長嘯曩控蜀郡登峨眉而遡汶領不但右軍
之馳彼嗣返吳會探禹穴而泛京江略同司馬
之去轍至于林壑蕭疎眇秋猶倦烟霏濛濛會
景入玄招遠風以命駕解世縛而長往金陵甲
古悵望山河澤國問奇怡神洞壑雖玄蹤非木
客同操而靈寶為波臣所狎故放歌白雲之野
發藻青湘之上幾與偕父聯肩野人同賞悠悠
浮世其誰可尚焉嗟乎當途之士攬轡之英傲

視萊蕪則集許均千廩役歆尚華要則山林等之芻狗及乎情深物歎志務鴻業俗維如野葛而不斷世界非春冰之易泮雖欲一拂靈華畧超神理何可得而望耶是以鍾鳴鼎食與谷汲山接者異韻蟬聯鴻舉與長吟獨往者殊軌竟使仲長之樂志高干曩代承猷之散逸擅其靈景雖其撫世過高對物太簡要之爲士流之上乘獨超彼岸者也君其有聞而興起者乎

斗明續紀序

斗明續紀者太府沈公之政前有刺明捕戒而

長谷集

卷之五

五

此繼作也明之爲郡阻山負海兵民雜居其人矜族而棘枝玩公法善巧詆能浮海負販務完物而取息幣古號稱難治之國非虛言也公來其初潤達欲破觚斲珣爲治顧其俗如此即董董脩廢事每議定一事即疏其委曲建白行之暮年而越人之俗大變公之政跡亦種種條件成巨帙矣明年忠以職事隸公屬邑敘述吏事輒皆有公成案可據不覺茫然自廢曰公以文學起家予素所接聞謂公爲文章家丈人爾乃今循謹明法意布仁義之治如此豈但可爲吏

人師哉夫其潤色王路照載泰階立道體而顯諸用昭德軌而垂永世君子之治誠無有大于此者因爲刻梓著在有司使其意不詭于後人云爾

曹公讌集詩序

峒峯曹公以僉憲巡嘉湖之明年爲歲庚申轉轄杭嚴道將代去愴然起興曰吳興號稱山水清遠見之圖史今以執事未嘗一問及人間俗吏其誰耶且予少日治舉子業間以餘力及古詩辭弗肆力今固耿耿存也乃今有簿書操攝

長谷集

卷之五

五

郡邑事郡邑事曰至一神官酬之日夕不輟猶不能徧或以官程他酬應稍逾時卽填委不自解雖有名山川曷暇對對而祗飲嚼辱山靈奈何今此其去烟霞異境或白首不相及此誠有遺望云此中賢大夫事雅道殊復不少余以賞心事瀆之謂之何聞九霞山中有寓隱士長谷君此其人罕外慕以文雅事招之或當啓關一出出則吾事辦矣乃走一胥致于前所語子固聞其人素長者其所致語又殊有覓念遂出之峴山下候公適龍灣徐臨汀至自長興龍灣爲

公同年進士方以藝學爲士人所宗公喜曰
高人來吾事益濟乃相與陟坡陀望洞庭吊姑
胥尋五花亭遺迹不見見所謂石鐫者各賦詩
一首而歸龍灣館俞氏芳菲園其主人龍巖君
文雅士也龍灣招璉川子與予陪公集其間吳
興自昔稱多名園乃今無一花一石可覽觀芳
菲固宋人舊名今其中花竹蔚然名之亦稱芳
各得詩一首璉川施子以詩鳴仕至青州守其
家有甲秀閣蒼弁秀色參天城間可眺望處獨
甲此閣次日因集公而大司寇箸溪翁適至龍
灣及余亦與焉又得詩各一首嗟乎吏道與名
山川若相仇不逮及故德璋移文以爲俗士駕
招之若山公簡沉放習氏池亭清談習氣不事
事又負所任托矣今公按節餘一年始問及山
壑然所集僅止此聊以舒其素所鬱積顧予偃
蹇萬山中白首不與人諧協其蹊徑固相絕也
然公之勤政事守法嚴肅不少假於人則固名
山川之讐者耶使山公而在也且慙謝公不及
雖不慙謝公而視公爲俗士駕固甘心承之已
耶

水軒郁公哀輓集序

守郡郁公以丙申之十月卒于溫州溫之人士
慕哀之有悼輓集既歸其喪至松松之士復慕
哀之誄些祭辭之作復哀集于家其弟若子將
列以昭夫人情也而俾予序之嗚呼人之所不
可強者情也其可甚深信者情之同也公且已
矣又安能強諸人如此同哉予嘗究觀之蓋有
不容泯者殆可敘其略矣公之守溫也張公以
天子之元臣歸老于家方是天子向用張公
之志未衰一時附離其聲勢者填塞其門戶蓋
未嘗有以揖客至者也張公大起居第民間室
廬有不便者蓋自監司而下未有不承其風旨
忍諸其民者也公居其間挺然以天子之守
臣自信事有不可輒抗議張公雖不從抗議而
守其志不回不肯輒下令民間以是庇其民
無甚病者此其守溫之大節也一旦以疾死是
溫之人士失其良父母奈何不慕傷之如慕父
母哉公之居鄉卽自幼無嬉戲事性沉毅端良
不妄有言笑望之知爲大丈夫士也起自諸生至
進士釋褐未嘗結燕昵客其待諸弟子至嚴有

法以是敬畏之如師弟子循循雅道至今皆立
樹立為賢人士此其概行也即出而仕所至輒
有善政以賢聲耀其鄉是皆有師表之道雖老
死其間猶悵惜者也今乃以客死又奈何不重
慕傷之也悲哉賢君子其生之甚不數而天奪
之乃復易易爾也奪者甚易而復泯埋其聲迹
豈人之情哉要之未定者可勝以數而既定者
究觀諸理是故數不可常而理有定論君子所
恃乎天如是而已矣公以矯矯之節終始自信
而不惑者固亦以理在爾人之視公也逆其勢
而抗其俗卒不逞其怨怒而仇之者亦不能
勝諸理也夫如是而悲傷其死以傳于後世則
夫天之所不能奪者至是而後定豈不足信諸
人情哉

魏公世德詩序

魏公世德詩者海上士民頌今兵憲及齋魏公
之績上繼先猗翁閩藩之政也嘉靖甲辰以來
漳南不軌之民連結帶方以南諸夷負載方物
泛海互市因挾重兵利器以抗中國之法其後
漸厥張于溫台寧紹之間公守寧波時上記憲

臣以聞于朝乃命重臣經略其事以太倉
為江南重地國計所資而賊之竄逸適在其近
乃陞公為按察副使開督府鎮之方是舟船旂
旗蔽翳海上農吐搖動咸思內徙諸健將爭欲
陵海跳波搗其巢穴公獨以為兵貴持重賊可
坐困惟調遣精銳以守要害設置疑偵以離黨
與嚴防察以制奔逸懸賞格以鼓士氣自是虜
掠一無所得不數月而潰散海上之民賴以安
堵皆公鎮靜之功也

皇上嘉其休績特進祿階一級以白金一鎰紓
絲一表裏溫旨寵異之蓋自來所無之典僅于
我公一見者也于是海上士大夫相與言曰先
猗翁參佐閩藩時古田之杉洋有稱亂者方議
戡伐公獨力持撫安之議其後兵不血刃皆復
故業為良民與公太倉之政先後一轍而數萬
人命得免誅夷可謂世德深長厥功茂異今者
猗翁廟食閩中已久而太倉之民復圖廟貌祠
公豈非慶澤流通而聲名洋溢者乎蓋國家靈
長之運由乎人造山川降神之異係乎天產天
人相與之際其機微矣然而世濟其美自昔為

難持肅殺之器而濟以好生之德爲尤難公父子爲天子撫寧南服其所操一以安民爲主先後相輝者如是又豈一家之流慶哉上天愛惜有生之類篤生賢長者爲之司命實所謂天壽平格于有道之世而加之意焉者也敢以是序頌者之意云

何禮部集序

禮部祠祭郎中叔皮何君集十卷其兄元朗命其子玄之刻之家塾其詩出自曹魏間視漢人稍加藻績而渾成和厚可稱作者七言歌辭在

長谷集

卷之五

三

沈宋後得其激歎流美之致律亦蘊藉可讀其文實原于漢而語稍詳緩似唐代詞人至于宛曲序事以雅致發之則其自得也二君才相伯仲如士衡茂政兄弟稱兩何君自少同張子玄超與予交甚密遂相訂爲古文辭元朗雄深俊拔玄超婉切叔皮幽邁皆非予所及獨叔皮氣體羸乏中遭軼軻幽愁尤甚既又爲仕官所牽稿本遂多散失故所刻僅此倭亂後自金陵歸方將尋理舊業乃不幸奄然化矣嗟乎風人凋謝雅道離拆室在人遠文傳迹息可勝悲哉念

君兄弟相居處餘三十年阻遠稍潤未嘗不寄綢繆一或握手爲懼必留連不捨今元朗返駕舊鄉敦情如故獨吾叔皮肯微頌香讀其遺文何殊山陽之笛西望玄圃已闕携持三歎唏噓豈勝感愴其立身操仕元朗序述事狀已詳予所不能忘者君之風神和易意氣慷慨雖盛名先物而以含蓄退藏之意將之當世詞人與其偶儷亦所僅見也其詩散落人間尚多玄之詢求未已當有續刻

洪範或問序

長谷集

卷之五

天

自五行之說興殆千有百年中更賢者論思以至於今予惡得矯其說天下之罪其在予哉乃予謂聖人列天地自然之利可以養民者曰五行後世詭其義謂造化羣有而生吉凶夫能造化羣有而生吉凶天道也天道於穆謂此五物者司之甚矣其過論之也其原蓋出於春秋才世緯說者流漢人劉向五行傳始窮其義以通變化蔡子傳其學著洪範皇極內篇以儒者之道緣之非洪範理也厥後作書集傳遂旨趣五行綜其餘論不自知其陷於緯說之家矣夫天

地之道有象有數有體有用故孔子謂易有君子之道四焉至於洛書者其精行鬼神其變參卦圖其數窮物有其理通治軌闡關推移猶夫易之爲道廣大悉備者也乃箕子陳範之本意則出于治軌一節純乎理而不窮其變則其象而不衍其數與後世之撰不類遠矣後世儒者沒于劉向之過論既昧地十之數不可通于洛書之九又不知五行一疇不可通于八疇之義而箕子治法之陳平易廣大不可以緯說參之其義亦章章明甚乃徒泥于異端之說使聖人長本集 卷之五 三

春秋稽傳錄序

庚申冬予自吳興還抵浦南田舍計浹月無自遣也假籍于叔皮氏得春秋諸傳往予見其義精讀之三四過至是再卒業始見其說有所未安者數條又左氏微瑣不入傳者弗樂括則弗著遂咸以臆說輔論之名稽傳錄夫傳春秋其大者三家至胡氏始折其衷故胡氏傳獨立於

字官博士弟子無不諷誦焉至科士帖括則有陳同父屬辭發其義甚備然則又何待予言也夫理固有影匿易略迹晦難剔者師友相問熟雖仲尼睿聖不能無望于游夏之徒也至于傳義難出左氏綜其述公穀申其辭後來諸所撰論亦甚廣公穀自以輔左氏所不及旨意盡矣胡氏折衷其說亦多所罷黜然則春秋之義辭簡而意深其有窮盡耶敢以是說併質之何子

射林序

朱子作射林徐氏序曰朱氏懷六藝之術綜六十子之餘論信往而道古通于世故而守正誼開闢發蒙莫善于此斯可謂弘博君子矣予讀而嘆曰嗟乎世有文學如魯萬生之倫身聚闕庭而見廢當路君子有悲之以爲蔽于雲霧而不遇也又況守仁義之教執太平之原不得一造 明王之廷上下其論如朱子哉夫策士曷始始干廣川董仲舒其後唐人延攬多聞之士每發一問錄一議要在徇時世之論辟略小辭則擢升贊拜興滯立功名其或引繩墨執正議雖通于天下之務輒亦廢罷不錄故當世誼士

往往枯死丘壑爲人所損棄予蓋嘗讀劉蕡之
書三廢而太息也昔者仲舒之對引古始尚本
實其辭旨宛曲不矯亢當世刺譏公車如劉生
也然猶以不稱旨疎外今朱子抱史魚之節雖
孔墨之辨一矯六官之弊政歸諸周公之法然
而數進于有司輒違其選乃不一求合自異于
先王之教殆董生之倫者耶夫大匠不改規矩
以求中器師樂不變律以求合節人士守古訓
師先王不因時世有所短長泛越其道而自取
刺戾夫然後可以當天下之事望其成功也若

長泰集

卷之五

王

王宗書義序

王宗黃先生佐松之三年與諸文學講磨尚書
因出所作書義若干篇授之黃君樞制焉
之平實正大渾厚有體要一洗綺靡
蓋治世之文也先生職在司馬制

也爲作掌故集自正史至稗子諸書與舊錄所
具或至放失及余膚臆之見凡可備誌家之采
拾者咸錄焉吳興在澤國上游其俗素樸厚純
無技巧淫靡之習自漢以來流寓及宋南渡諸
賢類多居此蓋有自也未其本俗儉嗇加以君
子之遺風故至於今以尚禮節稱焉顧余以攀
扎之役自效其私而衰遲漸薄實多慙負聊附
於野史之家而巴山空日永灌園采藥之暇以
其成錄對之几案千數百年故實一舉目可盡
則固山家一種樂事也因序而藏焉

長泰集

卷之五

王

長谷集卷之六

華亭徐 獻忠 伯臣

序類二

送董羽用會試禮部序

嘉靖壬午昭明舊典舉天下學士于鄉將升之禮部會試其才賢者進之

天子之廷親策問焉第而用之以共治天下董生少年與居其選亦榮矣徐子饒之江之濟而告之曰

明天子入自外藩繼續大統故事 宗廟神祇

長谷集

卷之六

一

長

是天下一大初也賓興之期在改元之年又天下初也子大夫英俊嘉其會遇顧不盛歎又酌而贊曰吾讀古人書好作古文二十年于茲人多不吾可吾亦自疑于心今子以吾所學見可于大方之家則又何疑焉雖然吾之私也朝廷嘉與宇內之士臻于斯路非以榮其人士之考古明義登聞于時亦非以自榮以輔政治翼天休也臣人者不堯舜其君則已亦不禹皋不稷契雖見可于時會遇其感無益也其慎重之哉今

天子春秋鼎盛有道神聖禮樂教化施及方外四極之內靡不自奮天諸元老大臣保傳左右誠無有失德可以長林吾誠慮子少年勇于向進好更事而樂趨時也夫好更事則國無成憲樂趨時好則直道泯政治之不理莫甚敝于此其慎重之哉聞之賈生少年英銳欲改制度易服色施三表五餌以繫單于圖國家長治久安是時絳灌大臣多所不悅故其道卒不得行亦聖皇帝長于春秋識治體善守成持重之故當時海內富庶興于禮義豈必賈生之道然哉此

長谷集

卷之六

二

長

生之所著聞也其戒之爾已古之君子事必慎其始告人必于其初今子將有事于

天子之庭出處之際古人所珍重吾不可無所告吾子明于國家所以治安習于先聖之道業爲禹稷稷契有不足難者然而年甚少性甚敏夫以少年之勇易至于好更事樂趨時好性敏者善警策而樂盡言也吾又安得不盡言以規其初

送上海令思齋鄭君被 召赴闕序

維皇四年春秦子元甫來告曰我公思齋先主

被

天子召入輔邑人老幼如失父母遠近聞者頌言相屬則惟我同聲之士風軌各尚義在表章夫迷德顯功言不盡意子宣序述焉乃序曰惟我思齋先生體茂三才心弘丕造道德昌被爲時名宗雖乃麟文降祉鳳德垂世無以過也至于博通載籍游泳藝圃金匱石室之書上聖殊賢之奧經世象物之文百家衆流之論莫不思通沉鬱談別異同力探至隱妙極當世方其顯迹賢科分符出牧以清時不可苟祿乃勤力以宣政政施不可徒善乃明古以勅法勅法不可拘時乃弘圖以宜俗弛張一惟其度操縱不違其志于是社倉以儲養教學以率愚勵法以鋤梗訓言以息訟辨經界以黜欺重廉恥以起汚勤勸課以興農遵道德以宣化樹恩敵怨興利補害人蒙其惠士承其德遂致垂簾無事鳴琴自適退食從容章縫講藝絃歌之化被及邑里致理之法宗匠當路而神人感悅社稷享嘉此其所以駕群材而獨步應

皇上之勤求也夫時方思治則有爲自奮君臨

長谷集

卷之六

三

同

冥契則以道致遠是以古之智能不怠賢力並建雖遐方僻壤悉有生之通塗偏才末德皆清平之佳會而况遠心曠度驟若神駿豐才瞻智決若廣川者乎故傳巖鄰于斧戾孔明勤其師徒元首經略股肱肆力雖德勛不類古今俱逝至于心迹絕倫名聞不墜風聲相感興起後時其揆一也惟

天子在位祀天親民嘉惠海內乃今簡核賢能徵求輔佐力分任使志在勤恤務欲舟車所至人迹所及跂行喑息咸得其宜誠千載一時也由茲以往明明在上穆穆在下比善勗力翼戴昌運此則天之靈宗廟之福予小子承望下風無敢數志焉謹序

贈青浦劉司訓遷番禺學教諭序

松江添設青浦縣建寧楊公

首來爲令安吉

王君南金甫劉君文煥

首來掌學事青浦在上

海西鄉外亢瘠而內窪痺不宜禾稻歲所收植不足充戶稅民往往逃流以死其專利匿稅之家所習惟刀筆告訐鮮讀書事舉子縣始建設披茅剪棘以居有司乏財用師無弟子員相視

憐憫乃告諸上官上官分遣三學生及選取民間俊秀子雖非地所割亦雜補為青浦學弟子其初無願補者既二公誠信專一言和行安望之可親如出一轍咸願踴躍委心為弟子禮樂文物粲然有可觀者其民習見之始知有禮官之教造其子學為文章修義行者始肯以其力事有司者于是獎勵之典日至楊公之政與二君之教咸亟稱之而劉公遂遷為廣東番禺縣學教諭弟子咸言曰青浦建學吾輩首所得師不可無一言以別乃告諸徐子徐子曰予觀于青浦之治知王道之易易也其初未建立為縣民任任如野鹿豕逐之藏匿無所得縱之則法不舉今其人委心為良民子弟習學為文行豈先後二人耶語云五帝不易民而治三王不改地而化要之上有君子之道則相視為良民亦重諸其初而已予觀學官祀先所任大夫惟開國之初為多豈才君子多生于開國之初而後世鮮哉要之天下之治無不善其初者其法始創建易砥礪立名節其相觀之法無不善其初者劉公故士族先曾諱寬天順間任廣之程

長谷集

卷之六

五

建

鄉令有善政生時已祠祀之今其孫良為人師可謂世德悠然遠矣番禺與程鄉相望為邑劉公以青浦之教教番禺則于程鄉之政不更有光耶

劉先生轉官序

楚國之華容有劉先生劉先生以尚書列于學官分教松江松江故有機雲之風其人多風雅尚藻思至其末流或靡靡事險怪不經童子弱冠操觚弄詞科即喃喃語君子事不慙慙劉先生既來則謂同官者曰嗟君子之法其敝至此也夏道不潰辭殷人不潰禮乃周人求備其後遂衰則文益勝以侈孔子傷其時甚矣曰則吾從先進此其意何屈而今又敝之至此也劉先生素質厚崇本實與人寡言笑落落不易合及既觀其俗如此也益自樹其德與人益寡言笑落落不合矣見諸生篤實有本行必進而風諸其類或文詞尚浮華雖著名顯世者亦以下士遇之用是士習稍稍變而之舊其弱冠弄詞科喃喃語君子事不慙慙者始有知慙慙者云今者

長谷集

卷之六

六

皇上俯念南粵擇可爲師者得先生于是其地之貴縣夫南粵雖古遐荒之域自君子入其地必氣類轉移烝烝不紆于治往往見之願先生自愛勿遐荒二心焉往時

祖皇帝嘗念瓊厓不習選可爲師者得趙撫謙先生趙撫謙先生者素禮法士聞道統又善知聲音文字于是以中國之教教瓊厓人其君子亦易良先正其習使安于義則聯諸其凡民凡民悅則風其豪右以向王官之守豪右向王官之守則瓊厓者幾盡中國人矣瓊厓人于是相

長谷集

卷之六

七

八

率事趙夫子與孔仲尼等死則屋祠之與先王等厥後瓊厓有大君子曰瓊山丘先生其語趙撫謙先生之開其先也如吾所云至今南人誦之不忘今

念澤人如

祖皇帝之念瓊厓也其選先生亦如趙撫謙先生潯州諸君子將有如瓊山者固不可量願先生作而起之使後世亦誦之不忘如趙夫子則吳中之人不亦與榮矣乎

贈太守黃公第三序

黃大夫之入覲也予旣爲其門下士頌其政曰黃大夫恂恂敦厚道簡易而擴大不盡窮人情矣乃其德則爲大令陳君頌之矣曰公寬平長者平居無疾言遽色無高崖大岸絕人之行郡諸生又謁頌于予又頌之何哉夫以大夫之德之政比合而觀之其諸昌于王道者乎夫王道也者無所勞而成功其政渾渾爾悶悶爾乃予謂今天下之爲大吏者其治若揀火揚沸其凌轢人若鷹擊毛鷲自以爲才能而德色之子顧

長谷集

卷之六

八

乎今天下治人其爲監司者惟意承氣使之便也則與之曰賢大吏也乃上之天官氏天官氏曰監司者吾所擇任賢大夫也其云賢吏必賢吏也循例拔資而超尚之以風天下則天下之爲人大吏者其誰不相觀而尚諸才能者之所爲也是故伯道之昌于天下久矣其誰知有黃大夫者乎黃大夫治松其初松人不甚習之也曰黃大夫性遲不速快人意暮年而報政則始知其重厚德人也曩時長老爲予言保定趙公之來守也殊無可喜可愕之政而人久不厭趙

公事之十有五年去而慕思之是趙公尚于王道之明著也方是時田里登嘉谷雞豚肥膾四時伏臘社里相饋問閭之民飽食而嘻何其樂也然且不知太守尊官相見候稱大人云或民間有所疾苦拱手告太守求去之如告其父母太守間一震怒下木符攝人間左懾懾恐羣聚其門相誚讓不休而今皆不爾也蓋自正德建年來民始失其生始知太守尊官矣奔走奴屬之役惟恐太守之不下顏也太守亦遂奔走奴屬之事無纖鉅下木符如下一梯民亦不畏

長谷集

卷之六

九

恐矣或一撼觸震威則靡爛血肉可立見自是其歲亦遂不登收田里迫促衣食楚楚泉貨不流通齊民不復可作業無伸眉握歡之日亦既久矣寧獨非尚伯之流獎哉夫物盛而衰固其變也乃獨不言

先皇帝所資股肱郡大農水衡三邊百府諸所需備皆從取給足其民一抗敝則凋耗之累有不可言乎里語云饑搜路不如束手坐此言雖小可以喻大然則王伯異宜先本紂末之用亦豈無定論哉夫趙公至于今百有餘年松人猶

慕之不衰諸尚伯者與腐草木俱晦則久矣故嘗觀乎天下之理好動者蹶諸途而靜者寢居巧者善華其初不如拙者成功夫以黃大夫重厚德人守寬平簡易之政其初誠悶悶不可喜卒收成功繼趙公之後又何疑焉夫事勢之流相使然松人既罷力之劇則息有醉飽之樂庶其有望于今乎願黃大夫自愛

不

贈郡太守桐岡馮公序

長谷集

卷之六

十

桐岡馮公以名御史來守松江下車以來剗剔民隱起廢舉墜未及三年綽有成緒百谷用成閭門樂業士民感化社稷休嘉乃其直躬行已志在利民不能泯忍逢迎曲合時世諸以使事至者往往以不合去去或構論玄白造瑕掩瑜至以形影異同之論廣離曲間監司者不能無感焉公乃喟然而嘆曰嗟乎搜拏者亡默默者存予亦安能使吾志之白于人人哉即飄然引去士民攀車留轍不復可已于是閩郡大夫屬獻忠一言為別乃序曰松江絕海徼為郡民謹謹為生力本務農不逐生業諸蠶桑果芋果疏竹箭之利皆仰給他所加之稅額浮重供輸清

夥其民多愁苦不能自聊所望以寬衍餘力延
一旦之命惟郡邑吏郡邑吏不爲之所則顛倒
流離以至困死無難也然其稅額繁縮異數年
豐凶上下異等東西鄉豐瘠異宜主計者往往
輕重其手竄蝕其間以相魚肉國計不加豐而
民日益敝轉移出入神變鬼幻民無知其然者
郡邑吏皆異方殊俗卽不易辨辨亦不能得其
肯綮或得其情一二而墮其術中已三四矣積
習既久樊益滋蔓鄉大夫仕于朝者憂之公先
以進士令上海以治最擢任御史且六年凡御
長谷集 卷之六

且笑亦寡矣奈之何使浮世末路之見盡如其
心哉公所行大政宜諸民者若均徭差處里甲
併收運通水利興大學重行義寬督課輕刑罰
禮賢舊優屬吏數之不能盡太史公所傳循吏
或一節之奇卽顯著于世况公所撰政蹟大關
人紀纖盡物曲近利民而遐軌爲吏師耶雅欲
候公政成一言爲頌今玆行矣而何武之思不
容但已尚當編次以告諸長民者

贈郡守雲巖朱公序

雲巖朱公自南科出守松江幾三年而當京官
考察之期考部追考公不任掌科當外調公甫
聞報只解官去松人士譁然不能平謂公有循
政課其最當列郡縣高等而安所聞下其考如
此或曰夫既有守官不宜以舊官考舊官不任
安所取而遷今官云銓者以爲才而考者故異
之何也或曰公在南科任真履平不能短長作
時態以是有飛語激考部中傷之非考部責也
嗟乎有是哉松故東南劇郡列地千三百里民
齊其生不齊其俗神奸大索往往出其間錢穀
之入千大農水衡三邊百府者可當天下十分

之二簿書填委充棟宇不足以至于糜爛不可
考其治之亦難矣故守令之選尤所慎重非才
能出時輩而操長者之德者弗復與也豈惟吏
部慎之鄉長老之仕于朝者所推計更慎于部
執事也公在南科久其所論列盡當世要務而
尤以謹厚稱長者故相舉之來其爲政率以誠
信爲主而輔之以平靜知守令大體自一罰而
上所當親錄者不以爲勞其所不當親者雖有
積習亦付之縣執事故國罪中無甚折閱而謙
議于監司者月不及數人與吏民相親急語之
未嘗有厲色而緩亦無所抗以是居者致物富
而閭閻安其業民出入府中如行父母之庭無
咨嗟愁苦之聲茲皆所謂王道之理而良牧守
之能也然而例之于世所謂才能者則固異之
矣夫聰明才辨如賈生少年天下豈少若人哉
君子不之取何也大其爲治不至于可憐必至
于可喜夫可憐者誠非國家之大計而可喜之
政亦非天下之福也故遲鈍謹厚其始若落落
不合而其究竟乃可以福天下使無可擾之慮
朝廷之元氣日益渾厚而不至于削弱皆若人

者爲之也予又何得不感于公之治云惟是道
也雖通之天下可也樹之百司之上可也而何
諫垣之有若必以世所謂才能者驅馳則公之
治其宜退避又何止三舍耶松之人士旣不能
留公聞予言其氣亦略平因請以贈公焉

太守述齋何公擢任河南按察司副使
序

嘉靖乙巳太守順德何公以治最擢任河南按
察司副使濱行貳守栢山劉公兩城斬公法推
王宗黃公以公之盛業不可無所述乃屬之獻
忠獻忠序曰初公仕爲戶部郎中行義淳固爲
時所稱重吾黨大夫謀于朝曰郡國守相數變
易無功任非其人也吾松最爾海上乃出供千
四百里之賦大農水衡三邊百府諸所須取給
焉近年來疲于奔命不能以其力事有司自非
賢如公者臨之與民休息其復有生理哉于是
以公請于吏部旣得請則馳報鄉人曰賢者守
來矣松人于是延望公公來與諸大夫同心力
分職務一以愛民節用清心省事爲主其治不
苛細惟責大旨雖監司責課煩細廢格取怨怒

不以強諸民其御縣邑吏亦不以煩細督過之
卽縣邑吏不稱亦委曲寬假不強諸其難也民
有論自非大顛越不問有不願終相離者亦聽
其自解其平易近人情大率如此至其與士夫
交有禮或非意相干亦操端緩平未嘗少假借
爲之三年人號稱長者郡邑事亦既不勞而集
未嘗有所廢閣監司課其治乃更以最閒嗟乎
古人謂政平訟理爲良二千石乃今不始信乎
獻忠自將年聞諸長老言自入國朝餘百有
七十年郡大夫以才賢簡稱者止八公焉若進
賢黃公之剛果保定趙公之清靜上虞葉公之
廉明稷山王公之方嚴常山樊公之簡易鄧陵
劉公之沉毅宜春劉公之詳密順德何公之精
明皆表表著見爲聞人至于田里童穉僮樂稱
之不忘者則趙公首有聞焉蓋其爲郡一意相
循其民如父母之于赤子不以東縛斬伐爲功
名方是時民朴而吏自重殷殷屯屯人行而家
富在那一十有五年去而吏民思之記其事廟
中與先賢從祀今公之政大率與趙公同民人
不忍相捨將伐石爲文紀公之德亦與趙公同

其垂稱後世又豈間哉以是道也司
天子之憲度其政必平河南之治于是乎可觀
矣豈直海上之有福星哉是爲序

太守劉公三載考績序

沂東劉公之治松沚也以文章飾吏事一意與
民休息爲之三年政通人和生民安輯于是巡
按監察御史徐公考其成曰心存牧愛才猷鎮
靜又上之巡撫都御史彭公彭公署其考曰心
切愛民政尚安靜于是以其最上之吏部諸大
夫蕭亭王公友齋張公望山毛公澤門袁公俾
獻忠序以爲別乃序曰公以名御史按應天諸
郡卽移治松沚爲嘉靖己酉先是自甲辰來民旱
苦不收者幾五年所逋負官租二百有餘萬有
司責督之不能集至煩部使者部使者督之又
不集至添設一衆政員專主之鄉耆夫持符扣
入門日夜不少休血肉糜爛以至轉徙流離有
委于溝壑者公來適逢其會拊循安卹爲計甚
勞對諸使者願寬須臾以待天意轉移必有獲
歲可征也是歲果大收諸使者欲盡征之公請
于監司曰歲雖穰而穀賤傷農乞緩甲乙二逋

止征自丙午適明年庚戌又收又明年辛亥復
大收遂獲以三稔之力補除積逋十之五六然
猶念其民弗堪也訟庭所陳列悉從寬法未嘗
刻深其意簿錄雖不盡廢而笞辱拘係幾以除
去民遂大感之監司所署考故實錄也嗟乎兩
浙自錢氏納土時虛廣稅額以自重其國浙東
賴堪公士安奏免而浙西獨蒙其害又賈似
道買公田元估沒朱張私產及我朝所錄十
大姓田租松在浙西其額尤獨重竭地力以奔
衛司之命猶不能堪又况歲無常稔哉所望節
宣其力以延一朝之命惟郡長吏能以父母之
心念之而公真其人也故三年之間禾黍滿家
木絲被四野果疏魚鹽之利沃及境內雖有征
科之擾猶可潤及妻孥不至於流徙亡困其所
由雖恒歲之運旱穰相代而安養存卹陰受其
福實出自我公公以願豐名其堂詩詠之爲
民之誠天實監臨其上休祥相感考視有徵藍
田產玉幾壁璽然豈非仁者之報耶或云公之
政日計不足月計有餘夫日計不足而月計
有餘此尚於王道者之治雖非若揀火揚沸速

快人意而治體渾然不求淺功近效及其成也
人亦不知其功公之政類是也自非久任不足
以盡公之意撫按知公而不能使其不去徒使
士民之心有所鬱結予固重惜之也諸大夫以
爲可贈遂書之

項郎中令遷之二親重封序

古人言世有幽德之士乃今見項公云項公永
嘉郡人所居近鶴山號鶴山居士性耿介朴質
乃其中博洽能文辭六經諸史氏傳論騷人風
雅大盡通其義吐諸詞論蓋燁然光也中世文
人類多浮夸乃項公能文詞而行樂種種本實
居家先孝弟居鄉修比睦鄉人宗事之有事必
就項公決蓋自少稱丈人云項公少孤貧事母
至孝氏能以孝聞王氏早寡無餘資亦不知項公
無父悠然樂而老也項公自奉薄乃克修先人
之祀若富家人建祠置館器歲事蒸嘗展孝思
若生人子乃其中獨罄如也或不給時家人汲
釜待米至顧項公豪吟古詩歌若不知者乃今
受大封有祿養鄉人殆爲項公刺刺喜乃項公
亦自若不加喜其幽德蓋如此云項公子喬字

遷之以明經中進士第先以繕部主事封項公
後轉兵部職方員外郎又移封項公職方員外
郎項公配婁氏其封如項公自安人進宜久矣
遷之今轉南京禮部精膳郎中令且將出典大
藩牧項公居之亦僅如布衣時無所加重云郎
中令曰予承乏明時先世遺慶矣乃公之教子
者尚于君子之道予不肖德爲君子是天下之
罪也是天下之罪也良獨自喜者人子難具慶
具慶而重嘉太典展人子萬一之志予殆有私
幸云徐子與之曰曾參有言椎牛而葬不如雞
豚之迨親存也良哉予乃知郎中令之私喜固
天下良人子矣雖然大孝尊親其次弗辱其次
能養郎中令講學而今德修身而事道今之賢
大夫也尊親而弗辱吾又何敢弗稱焉

贈梓石畢公遷興郡序

前職方郎中梓石畢公任松江府同知之二年
轉知嘉興府嘉興與松接壤朝暮相轉徙不絕
習公治松之政甚詳聞郎報即鼓舞相賀松江
雖愛公顧不能留也于是諸大夫俾予序其略
贈焉初公自滁守至松全椒戚子賢簡予曰君

長谷集

卷之六

序

長谷集

卷之六

序

之海上有真人至矣備述公守滁之政示予予
故知公久且戚予非誣人者竊爲松人喜之往
在京師承公一日之雅詢及職方之政輒歎息
不能平謂邊事廢弛徒飾虛僞取功咎止下因
循姑息好事者欲矯時弊而不達事體則又啓
亂基禍之萌也然建旄節于外必有元老大臣
主之于內所與相持者惟一職方得人稍可裁
節之然非廟略能斷亦無益也故公在職方諸
請乞建白倚挾當路爲重者公悉檢按故事守
持正法而又體察時情以應之不少徇當路之
意假借出入也方是本兵有凜然之譽而當路
者往往昵私所親視公爲異路人始不能相安
于其側矣乃今治民之政則異于是大率以得
人心爲主未嘗倚法刻削爲苛密之行征科有
次序簿錄無濫惡從容寬厚無抱枉出其庭者
三尺童子可與神奸巨豪對錄而輸情可謂近
民之至矣視職方凜然不可犯之日若出自二
人豈公心迹有所變遷哉夫文武有張弛之道
轉移有剛柔之用不但世道有升降而民生異
俗要之所居異位而所遇異人自不可無通方

之用也今天下之勢重內而輕外佐爲郡官
務安其祿位而蔑成法郡邑吏不以世路爲意
則仕不達故內政務姑息而外事刻薄取能名
末流之弊相爲汙濁淫濫無所不至矣昔張文
定公語萊公使讀霍光傳豈無見耶蓋士人以
文學成名仕道亦皆有可觀者要之氣質用事
拘拘爲一偏之治者十居八九不能變化推移
以之于先生之道故安上治民而不失令名動
有軌業而不遺人情者甚不易見也公平生讀
書有要領不爲儒生之學有所扎記率經世大
業自非有資于世教補于人道者論不及齒也
其學術行義大率于仕內見之今者長老爲子
言歲星在東南豈吳越之間多良牧爲民福星
者竝興耶

贈澤門袁公量多姑胥郡序

嘉靖癸亥掌科澤門袁公再理刑於松江松民
感公之德政不獲承其治已餘十年一旦聞其
來且驚且喜奔走相告以爲是行雖出于忌公
者之私然天固有意于松民將卹其疲苦而使
之也自去冬聞邸報即馳望轎車之至今年二

長谷集

卷之六

三

長谷集

卷之六

三

月始獲瞻睹風采咸鼓舞稱慶甫四閱月復聞
移佐姑胥乃奔而請之監司者疏留之監司者
憫念其情懇惻也量以松郡役田托之公謂可
往來二郡間慰其心然松人之情不但已也遠
近相要結將請之公車矣嗟乎先生筮仕於茲
土固朱仲卿之桐鄉而潁川之福星再照臨其
地則次公之德政亦自不容泯聞於世也孟秋
之月公將戒行諸大夫攜辭述德靡所不至獻
忠敢序其略曰我朝不立宰相建置六官以
馭群吏六官之長秩二品階上卿無可制其成
者乃設六科糾其弊六科官甚卑其所操糾察
之權顧與尊官相埒而驅馳且俾其言動肅穆
交際忌諱日恐科官之議其後其寧無不堪者
乎故科官稍有形影可疵則擠而去之亦不旋
踵坐此其故也六官之弊惟工爲甚先生轉歷
三科在工獨久凡部所出入料量盈縮剝羨備
知底裏其關係大體干及民命者二三事不可
坐視其害請舉其一言之營建大工川閩湖湘
之采木者經數年費數鉅萬而後集一或以不
如式罷棄不但三省之民失其命而大工稽滯

其責所歸亦衆矣大率 正殿棟柱計五丈六尺者鈔尺也例之民尺十縮其一其初部牒下三省不明著其數搜剔萬山中求如民尺者弗得也三省憂之束手無計乃愬之科部先生於是審之工師稽其度本調制而曲成之則三省之恩怨各有所屬而部所堪不堪可測而知也先生之志惟以救民成天下事而不失大體爲主其他是非好惡皆聽之人情不顧忌保全爲計此君子之所操非浮世相能之長算也故往時在松江理刑其職也然郡爲東南劇邑東西縱徑不及二百里而出供千四百里之賦官司通責至煩部使者經數年不能完其命先生究其原始慨然而歎曰嗟乎今世郡邑之官雖孔孟爲之亦當以征科爲首事然不思撫字安全之道民病何自而瘳耶夫科法急促而課程猶阻遏不舉者實原於督併之官也督併之官有醉飽之私則買限寬刑之費不替役人之力不能自辦則移其正課以圖苟免而侵欺之弊因之作矣役人侵欺之弊作則豪橫之積負不肯委輸上下相蒙而上供日闕必清其源而後可

以言科政也先生立法首革去丞佐比較大革經催之役所輸多少惟便里無不輸之日庭無不輸之人吞啖者不容自匿而豪民不復敢負不加敲朴而官事畢集是法也著之令甲則固征科中之拊字也先生佐松之政每事經心無非經濟之略此其一節可言者豈非通方之道哉且其聽無偏枉門無私謁堂階潔白囊橐蕭然臺閣諸老素多推重今日之任欲其再臨遺愛之邦大布存神之化雖未及暮年而去吾知其心固非芻狗其民者也因序而贈之

贈范子于中擢任繕部員外郎序

嘉靖丁未范子于中治濟南有狀擢任工部營繕司員外郎今

天子當建禮之運修百代廢典 郊丘甫畢卽下 明堂太室之議海內改觀矣然將作之任自非端人碩士無以將順其美成格心之業此當路者所致心不苟也范子初任鈞陽鈞陽爲宗王之食邑又多達官巨族州官名位卑稍欲伸其志卽構論黑白禍不旋踵而至濟南雖大府有監司上臨之又列在佐貳動不得自專茲

二者皆難郡邑于中居之如駕良駟歷平康無少躓蹶此其故豈有他伎倆濟之耶夫操端履平而信道篤士君子之常行視世之作聰明任智數好更事而樂趣時好厭張超逸于雲霄之上者或不相逮要之誠意感孚使人不言而化積之久遠而論自定彼固弗及也于中文正公之系孫自讀書原野卽守尺度人視之落落不易合乃其中明理而操義通時變而信道軌豈丈正公之德業深厚有不死者在宇內至于中復光明遠大興其素業耶然吾聞之黃霸自穎川入爲三公而功名頓損于治郡時豈人之才能有宜有不宜抑所守有所變遷哉夫治郡邑者以其澤下究于民其勢順而易流廟堂之臣欲其道上升于君其勢逆而難通自非中有定見執其恒度未有不變而趨時者然自天下後世觀之有至公一定之論不可違越尺寸取虛名者此固霸之所不及也夫敬怠之相去一念甚微而終身之業由之願吾于中勵其志如初則吾把握爲懼者不徒慰矣諸君有贈詩屬子致之首簡如此云

長本集

卷之六

主

州

何元朗謁選序

東海何元朗循潔高雅自少不與浮俗相能其所慕好直欲與賈董司馬遷爲徒而賤薄舉子業雖列爲文學高等其志固不屑也嘗一再試於有司見其防法嚴散髮披衣而入也輒歎曰古者以禮待士士皆知廉恥節故重其進退今之待士雖以甲科榮其身不足以全其志遂歸閉門著書欲稍自見於後世其後閣學張公孚敬建白天下士有非科目可盡者別開選貢之法若漢人茂才異等與甲科所進士並用元朗始翩然起應之乃入太學訪天下賢士旣卒業卽歸臥家山多蓄法書名籍會其神理樹藝花藥覽觀榮落之候得意卽命酒爲懽讀離騷老莊一二篇醉卽婆娑起舞每春秋佳日約所知泛舟峰泖間尋顧陸遺踪輒竟日夕忘返其所著書成名何氏語林上下古今數千載名人賢士之迹品列詳定人爭取讀之藏之掌故輿說苑並存焉其弟今儀部君叔皮自京師致諸老之意於君曰賢如何君不可終隱伏使聖世有遺才之累元朗聞之遂有上謁公車之

長本集

卷之六

主

州

其友咸勸之行乃錢之江上以詩歌爲別而屬之曰東方生陸沉於俗避世金馬門君慕其人而非其志張季鷹秋風起興寄尊鱸之思君高其志而非其時今者賢卿大夫慕君高義將出之烟霞之外勿以故山爲念輒復飄然若試有司時也方是仲秋將半河水方生津鼓催發離情黯然元朗倚篷而歌曰直木爲輪曲性故無刷羽在樊不如一鳧千里遠遊焉知其他

龍灣徐先生出守臨汀序

龍灣先生既恤刑南省之明年爲歲丁巳擢爲臨汀守方是倭夷寇海上實始於漳泉負販之豪江淮以南被其禍者殆千餘里士大夫積苦兵間未有寧息

天子憫念閩中諸郡恐或騷動乃命銓部慎選良守牧鎮拊其民而臨汀與潮贛接壤時有門庭之寇尤爲要地乃屬之先生先生吳興文學士也而有長者之德自其少時馴文雅之高譽而謙恭有儀度未嘗有崖岸之迹加諸其鄉之人及舉進士擢任尚書刑部郎即能親吏事處

周詳獻庭中未嘗不稱平以是當上官意一時

郎吏咸稱其長者故恤刑使者出特命之南省南省爲根本地道里闊絕俗多豪右逮于有司率以氣力相推陷故雖有椎埋格殺未易直其寃者先生持公秉明通之以平恕其所決雖或有所憑藉類多爲湔雪不顧以是南省多頌其德者夫郡邑之治務在政平訟理使民無愁歎之聲此循吏之恒也防危慮變務安其生理使深山窮谷不得乘機而竊發此未然之慮也大率時事方棘軍門所徵往往加于旁郡國爲守者不加意拊循其民則深山窮谷殆有不自堪

可爲意外之慮者此惟智者識其微而長者能安之也銓部選擇之命豈徒循其資泛泛授人者耶夫天下安危實係于二千石之治自昔賢君誼辟慎重其任不苟以授人若漢宣帝擢守相爲公輔以風其餘唐明皇拔任賢者出刺諸要地而供帳青門賜詩而遣之皆有見於是余獨慨夫世之爲大吏者任其才能以束縛斬伐爲功名申韓之禍流毒不息至多事時日益以甚其民不自堪則起而應之豈直愁歎之聲而已哉先生行矣願守其平生俾臨汀之人頌之

如南省則

皇上所以屬君之意當矣若復以其文學長養其民若漢文翁之治蜀以其餘能於萬山中講求水利如叔孫敖之修芍陂以貽無窮之愛則長者之德益弘且大矣予與龍巖俞君幼海周君皆先生友也謀所以爲別其情曷已故縷及如是

衛尉陳君督漕北上序

自壬子來漳閩惡少挾倭奴大寇浙東西郡邑殘破民奔潰四出不可支

長泰集

卷之六

序

皇上擇重臣開府浙上制置其事訪求經略之長計紹興陳君大綸適以武舉高等擢任衛將軍以安邊策上之幕府大略謂練土兵以固其志察私黨以伐其謀烏合之衆易以計離深入之寇可以坐困幕府奇其才使領旗牌節制諸軍又旣以赭山險要爲浙中門戶自請一軍守之以當其衝方是山東連三年大水歲饑人相食漕路梗塞募府擇通才使領其事咸薦陳君于是領符北出以四月抵吳興予方避寇山中思一見故舊不易可得而陳君適訪予遇之霄

上相得甚懼乃相與登浮碧泛前溪顧瞻湖中形勢予已不任故鄉之感陳君顧語予以經略之意云欲守湖中必以大兵守南潯烏鎮以張其勢而以偏師立水寨使知兵者與德清倚角出奇于菱湖之間以邀其私透保全之長策無過此者且其地僻在腹裏必不能越杭嘉北出以犯雪上其意蓋念予羈旅多愁苦聊以此相慰然湖中勝算誠亦不出此陳君之家嚴海樵子與予交甚契陳君素自列爲通家予子聞其議益聳然異其經略才其所上幕府書見重于

長泰集

卷之六

序

礪與否海樵子常示予額上有奇骨終當有
仙冲舉之業果爾則人間世所謂功名誠不
足論若以英雄餘思妄予為塵中人不識冲舉
事則過矣幸君歸而問之

贈李訓導解官還端州序

崧溪李先生分教松江學幾六年一日慨然作
而歎曰予不佞其宗宗日以凋謝今茲不歸徒
竊斗祿自飽使先人之祀廢而不食予尚可立
于天地間哉予李氏之先布在關隴開業鴻朗
有遺聞者矣後世中衰遠窺嶺越介在番禺備

長谷集

卷之六

五

其之間往往時嶺越之俗好技巧攻擊不喜名法
乃今變而之禮樂彬彬然多大儒而使予安其
業若南越人又矣予奈何不歸使李氏之先不
祀乎予是解其官不待報請而去歸焉李先生
為人敦守本行崇禮法聞自其少時已頽然長
者之行若二毛人也今其人且老問學之所濡
括者必其出諸口非古之法家言不言也其文
辭典則不喜為瘦語聳動人故其門下士習其
說不忍去之也咸擊手嘆曰三代之衰世無善
教一李先生去安得復一李先生來也予解之

曰諸君知李先生教法惜其去是也乃予見李
先生去色孝弟之心油然而生也獨非李先生之
教乎李先生去諸君守其說不變師其意而行
之使無愧其心則先生雖去猶留也盍勉諸諸
君是予言遂贈其去

贈東隅薛子去奉川序

薛子作訓奉川之七年轉南召教諭諸生惜其
去也思所以留薛子不可得乃請于鐵城向子
謁予言贈其行而述薛子甚詳嗟乎奉川人情
之厚一至此耶薛子之與諸生居也竟日無所

長谷集

卷之六

五

可否諸有所請白薛子無不諾諾而行其志不
行請白者之志諸生或出孟浪語雖黃人薛子
漫若無所聞學政有所梗不究其志師人者輒
怒而起亦恒情也薛子未嘗見怒色諸不其習
者久而習焉有所語惟薛子語有所動惟薛子
動如臂之使指不揮而自行薛子亦不喜東南
文氣近年來頗變為游詞或出入諸子史以博
洽騁其能非復昔時守正義而言也奉川雖在
山中不免習其說文體輒亦支離不可之于道
薛子一矯時弊而歸諸正義其為俗儉嗇不中

禮且朴野無文失禮官之教諸生升薛子之宮有不具衣冠入揖先生者有竟其歲先生不得面者薛子必與衣冠語語無久近無所親昵必委曲其意無棄外者諸生愧而改爲善俗今其徒無前所云不衣冠入揖先生之庭者無竟其年歲不見先生者薛子蓋嘗謂予曰先王之教不盡于法而盡于心無所待于詞說之煩督責之過也故有不假聲色而消其志意者予非其人始有聞于君子之教夫大士棄名而德成大道不言而化行予習其說不敢自附于君子竊有志焉至于從不從將有人心之理雖聖人亦安敢自必哉薛子仕官其言行可述大較如此諸生戀戀不忍舍之去殆有自云徐子曰嗟乎後世人心易離爲繁說曲行也乃予觀于薛子知古之爲治體者云三代遠矣不必爲陳論漢治近古可師當時爲治者破觚爲圓斷珪爲璞與世休息無所矯揉之爲也甚者丞相飲醇酒不治理按治不問橫道死吏執蒲鞭爲辱人二千石守相不關白政事可否上計吏直授丞相曹此其風渾渾無所指擬視諸衰周末世之風

遠矣乃其本始成于學官弟子焉其授經守其說不變故有大小夏侯高堂生戴氏分門之旨專其門爲說殆有心欬云故弟子守其師教用之終身無諱者當時孝廉力田不事繁文三公九卿辟舉曹掾屬不數年有起爲公輔者皆其人也當時吏治之良不有由然哉後世風俗薄漸離于道入以其智爲賢以相軋爲私以得其欲爲成能浸浸無善治可哀也今爲人師不約其心于理而資其文以繁雖有聰明才辨文章長于文亦何取于道哉千方以吏治不興爲恨因薛子益重有所感而著爲論云

贈將樂徐君游松序

徐君某自將樂來松江省其兄南津君南津君以茂材異等仕松江而奉其母學宮修孝道其行益雅馴可師松人士無不稱南津君篤孝君子者乃其弟之來也念其兄之親之老也自閩至松蓋餘二千里徐君負策挾餅餌果蔬爲其兄一餉老親之供此其孝弟之心旁觀者尚油然而生况徐君乎松人士于其歸也欲贈其行予遂告曰閩故賢者藪也自龜山先生倡道而

南幾百十年矣自龜山而豫章而延平而紫陽而蔡而黃屈指數之不能盡天下賢者之數有如閩者乎夫堯舜之道不過孝弟已爾雖千萬世君子未有含是而之焉者也今君其人朴然守誠性者也而道之器具是矣其言燁然光者也而道之文具是矣夫器任道而文明之雖致聖賢無難又况篤于行耶予嘗怪司馬子長南浮江漢而北觀先王之風乃其歸也昌其文辭盛矣然卒以言禍而棄先人之身此爲善游否耶今子之來也登常山之坂其高陵天漢而于

集卷之六

卷之六

卷之六

卷之六

劉子遊山序

天性耽丘壑志慕烟霞非有絕雲凌景之思遺

世離形之識者不能也五嶽名山之間軌轍尋至苟其所操不能脫略世願棄其穢迹則雖日藉芳草長穿白雲亦何取焉望陽劉子生長湖山操持文雅吳越之墟名峯屢扣每懷半隱之情尚羈離俗之念歲自辛亥以來帶方狂寇潰我神州江南見咸陽之火浙上罹長平之禍遂遣南邊之戍開經略之司弛刑亡命充塞衢路飲飛材官布列城闔劉子不堪其事始決征行乃扣靈于窮谷或棲禪于廣院寄心松竹樂志禽魚深山大澤之中多其迹矣丙辰秋余在天目適遇之日夕留連徘徊不舍乃出諸君贈遺之作俾序其首嗟乎巖嶺高深造物所闕林藪芳潔達士所珍福不在多幽閒爲重劉子曰在其間亦知所自否乎大化置我有生一樂也錫我知識不群于衆二樂也文雅有聞上齊天地之撰三樂也不爲塵網所迷舉目卽天四樂也儕輩挾持皆如南宮列仙五樂也五者駢集出自天然一人之身福德斯備以嘉其遊豈易得耶吾將進子之見于方域之外子姑聽之海上有三神山其水時時枯竭姑射之神人空虛玄

集卷之六

卷之六

卷之六

卷之六

潘其將待子一往不但若士之于盧敖也子能念之則海上浩劫皆堪自解而乘海變還直與王方平一笑可也

贈雙湖凌子序

雙湖凌子世居吳興之雙林雙林之墟水泉清激林木華茂實當山川之會而凌子世居焉人遂稱爲雙湖子世以儒名家至其大父漢章先生得遇異人如長桑君者流遂究明堂之術以鍼石治人所疾苦浙之東西無論識不識聞漢章先生莫不推重如古秦越人者云漢章先生

長谷集

卷之六

書

美

再傳爲雙湖子雙湖子自其少補弟子員業進士舉及其父兄謝世去人之被瘵苦思得漢章先生者日趨凌氏門不相捨于是雙湖子起而應之恒往來吳越間吳越間有疾苦思見雙湖子如漢章先生者殆于今且二十年矣雙湖子抱素樸稱長者人之求治療者日踵其門雙湖子手取其絡脉使其弟子礪鍼砥石轉舒揉弄無息時其人富者或贍千石粟而貧者無一糈費然貧者日數至而富者歲不一再來雙湖子治之無異心其厚德蓋如此予問諸雙湖子曰

子之道如見人肺腑而揅入筋髓何若是其易易也雙湖子曰予之治病因五臟之輸而總其會其說盡于黃帝之脉書予亦何所加焉若夫邪氣與正氣相爲消長而人生死之途定于足也于其間有神明之用蓋存乎人而非法之所能盡也夫鍼石之技其長不及數寸而大不踰一芒運其神官而察其樞領巧其變化而中其總會則邪氣之去而正氣之來若引而進之也夫絡脉之間一室而已而邪正之出入消長不容不相勝其機亦既微矣故聖者作法而能者

長谷集

卷之六

美

用之雖治天下之道亦何異于茲也是故君子小人之用舍出入其爲治亂之機亦在一念轉移之間而已此予之爲道者也予聞其說益知雙湖子之得于心者大矣雙湖子別予去游于子先生之門以是說論治必有中其言也因序而贈之

贈倪生補弟子員序

倪生伯祿補郡學弟子員予問之曰子之舉于有司也以文乎曰然曰古之文以明道今之文以蔽道子知之乎曰未也曰古之于道也爲常

今之千鐘也爲變世道之不可重可悲矣夫道之爲變也其上者猶以明之而文之爲變至于敝道之惑也則又何文之云今夫道也者天下古今之同理也吾性之所自有也立天下之大物也小而小學焉大而大學焉取之無難也古之人自日用飲食起居節宣皆道也是故無難也夫安得而不常今之人視其身之于聖賢猶人之于天如是難及也恣情以害性斂欲而忌德動舍而去之其有之焉者衆指嗤爲怪物也夫安得不謂之變夫金可煉而流石有時以泐

東谷集

卷之六

七

贈平梁杜君序

古今人自高其志不樂仕進者甚衆要之不出乎其性則流而爲矯或任性而不情則流爲亢庸庶幾用隱居終南其意蓋假丘壑以重其身

司馬子微以爲仕途捷徑陋甚矣呂微之其心窮谷自快其志而寒餓及妻子傷先世之氣類則又亢跡太過流爲一節之士非君子所宜法也若夫上奉光親家有樂業安居爲善而不慕華要斯隱居之上矣吾嘗愛王逢原思歸賦念八十老親思樂其志以歸佳哉爲情而失之不早見豈若潘岳閒居覽止足之分爲逍遙之懼以奉其親乎吾松山正獻公之後有兩杜氏在上海爲撥賜莊之派在華亭爲外館之派外館世其賢多全活里中人見于歸耕王先生集中

東谷集

卷之六

四

吳

甚詳撥賜莊世以耕讀爲邑中著姓有沃壤腴業而加之詩禮其族繁茂而多賢其尤著者稱平梁君平梁君恂恂儒雅法書秘帙充滿齋閣中以適其真性而不願仕堂有餘慶之親年垂八十日以田園之樂承其歡池沼足以漁釣亭榭足以燕適凜秋暑退煦春寒往扶侍遠覽子孫遶膝人間之樂莫加于此其視冕冠佩玉逶迤法朝之上思慕其親不得一奉朝夕其情何如也平梁君年已六十而齒髮不衰其子名時登歲在壬子有司薦之南宮人且以公輔期之

長谷集卷之七

序 三

華亭徐 獻忠 伯臣

壽楊誠菴先生序

嘉靖丙申之孟春誠菴楊公登壽六十客至其門稱壽者若干人客謂予宜頌公予蓋對客曰楊誠公可謂能自壽者也客曰公能知道家言不敝棄其形神者耶予曰君子之壽德業爲大形神次之學上不言名教則仁義微予觀楊誠公有君子之道三皆可傳世而徵仁義也寧非

長谷集 卷之七

一

自壽者云客曰善頌矣請遂言之乃序曰楊氏居海上數百年宗連而族繁可謂盛矣夫宗連而族繁則好惡殊而心易離久而爲途人易也楊誠公首倡睦族之法立宗長令其族人歲月有會訓卹有度蓋松人抄樹宗者楊氏之宗于是始著矣夫治生之道累纖裔不易得志而富者多以奇勝松江負海當吳會下流有魚鹽沃產之饒五方之人趨焉或折節爲富則繫鍾列鼎有素封之奉無難者楊誠公獨能高處士之義舍末業而食畎畝之入身遭多故使先人之

長谷集 卷之七

二

業不墜于地而更大之此其道變化有概而循不遷雖百世守可也今天下仕者高榮名而賤薄位非尊官厚祿則不行其道故有累辱舍垢自廢其節者楊誠公守仕路二十年僅得越郡一郎官乃簡伉立正論使上官高其義而客禮之且越人之俗好相訐爲奸其持正法如守衡器務使曲直平故越人有獄就決者無不當意歸方是時越人仰太府得一楊公勝十大夫乃太夫人齒髮種種在堂心念之則憮然請于朝歸侍太夫人越人遮留公不可得至于今越人有事輒追念楊公云夫尊官厚祿人所愛也一不愛其身則自廢何難矣楊誠公仕爲郎官能使其德布聞于時傳之後世此謂壽其身者非耶且里諺云置宅視子置業視守善業用本及其子孫矣而况族人興仁義傳世澤哉凡此者皆有永世之德而楊公之名壽于世可無窮矣故曰楊公能自壽者也若夫康寧長世之福則公令子有玄君能修君子之道凡以悅公者無不至矣夫下以令子之賢上事太夫人無恙其樂又何加焉而養生樂志須道家言哉

東川顧公六十壽序

嘉靖戊申太醫院御醫掌內局事東川顧公介壽六十其甥太學生韓君國來乞所以壽公者東川草堂先生之孫也其先世多長者承累善慶之餘益爲善不怠恤窮困置義田默相善人之類而仁其三族之人所以壽諸其子孫者鄉人類能言之是不足以壽公也平時博習百家諸經子以養其心攻黃素之業而盡其術是以內和外充神安氣平所以壽諸其身者雖三及童子亦能知其有完粹之福是亦不足以壽公

長本集

卷之七

三

東川

也今天下之長才大器思深慮遠而又文之以華藻如我東川公者皆足以當之以是取功名登華要何難乃棄其出身之途乞身留太醫院供奉

皇上之進御雖其精于黃素之術不可徒負于世而其愛君一念良有足嘉者矣
皇上當廟運中斷之餘本支一綫之脉不可不爲繁庶之計身當建禮之期百代未修之與莫不運諸神謨睿思之中凡所以保壽頤養之道自宜百倍于尋常者也爲臣子者能念

及此雖朝夕勞苦終世効力亦何所辭又况精於術藝究知保壽頤養之方如東川者其所以爲

皇上千萬年之長計實根于一念之誠切有可尚者又何功名之足擬乎夫愛君之念所以愛天下萬世者也吾君之萬壽無有窮期則天下太平皆將享皇極之福亦無有窮期是則東川之所以爲壽不但一身一家有可言者如此海上僖父北望公之軒蓋在瑤池紫極之旁不能一攀其盛聊敘此附諸韓君之誼云

長本集

卷之七

東川

北溪范公七十壽序

北溪范公者先文正公十六代孫自吳中遷居華亭之四涇里今年四月十有二日爲七十誕辰其子于中自工部郎中轉僉廣東學政于謨舉進士于鄉而仲以孝弟力田侍公公內外無所繫累所居竹屋蕭然殊有俯仰無窄之意里中人廣植金谷者甚衆公以區區一節士居其間未嘗見其不足而多人之餘言必行其志動必會諸理里中人以是重焉自少業醫有名或貧乏者恐其生理或錯赴之如不及至有省其食

爲醫藥之費者此其志直以濟人爲急充其量而居之父母斯人之任豈非文正公之素必哉以是于中兄弟操端履平循循君子之行仕道尚廉恥重禮節以賢大夫見稱于時居者懷瑾握瑜不爲眩目耀時之事雖先世之遺慶有存而公之立教亦略可見矣所謂樂志守分而內外無所繫累者蓋如此子與于中兄弟交甚厚獲拜公于堂上而習其平生故于中自京師走書屬予一言爲慶子謂恒人以生年爲壽而箕子獨以攸好德繼諸康寧此其說何也蓋愛生者莫過于彭喬然一身之外與于有餘年之後皆非彭喬所能愛也文正公往久矣今之談文正公者猶見其面則所謂好德之徵出乎富壽康寧之外遠矣公平居常以先憂後樂之志訓于中兄弟者甚篤以是而繼文正公則公之爲壽又不但七十之年亦可知矣願公益自愛

南湖宗兄誕辰序

侍御南湖兄望六尚四年而蕭散于風塵之外且逾一甲矣然居常不甚役治生涯日移而丘竹石樹之屋下所居秀野里與市廛間錯而

池亭之勝固已冠諸名園之上南出浦澈僅十里掃除更幽絕泉池林麓疎曠佳麗日有騷雅過逢嘯咏徜徉或命酒爲懽與禽魚相適悠然有今是昨非之意諸子曰承其懽各置燕息之所春秋佳日放棹近郊狎幽人爲偶而與漁父同嬉雖稽君養生之理太上衆妙之門殆不是過長年之計不已近乎予嘗慨浮世士大夫以仕官爲家不知此意者甚衆間有思歸其鄉者然齒髮已變衰行林麓中目力不能辨雲物而疑爲巒岫者有之至于早歲歸來若解世縛可樂也精神鼓舞或移于馬牛之累皆非達生之士矣嘗讀張平子歸田賦仲公理樂志論蓋歆慕之若不可及故于南湖遂有深契焉吾松宦達極盛于今日城內外數里之間郡院館閣至藩臬郡牧伯無不具列而早日歸者得五人云春山富公性喜丘壑吳越諸名山遊歷且遍南江馮公海樓半公左山顧公家移泉石席有雲樹二美四難之樂無日無之皆可追香山洛社之蹤者也而春山與南湖更若有餘興云予聞之生年不滿百而懷千歲之憂者謂之幻妄太

過或苦晝短而爲秉燭之遊者謂之貪生三
于是有神仙超舉略鴻濛而遺濁世者然而希
夷與道者語錢公若水之不可爲神仙以爲急
流中勇退人也然則急流勇退止下神仙一等
者耳諸公既皆其人雖無冲舉之術亦豈浮世
士大夫所可跂望耶南湖諸子光訓華訓不訓
因公初度問所以捧觴之辭不覺及此若夫公
之所以壽于宇內者有峽江之善政與按閩中
諸謠頌可見此弗贅

顧左山六十壽序

長春集

卷之七

七

陸

左山顧伯從仕至省參年及五十卽解官歸歸
十年爲歲甲寅躋六袞矣而齒髮如少壯時人
言公在山東時多訪名山川得異人服氣法殆
不然也往日有薛頭陀至其家欲授以長生訣
居百數日無所問薛笑而去此其不遇異人可
知乃其性寬和別無所累其心旁所居有別院
悠然靜寄以養其神若不與人間事者性好客
客至其廬卽置酒相樂竟日夕不去亦未嘗厭
客多少常特所設必稱皆出其中政左山不知
也其帷房素無姬侍僅兩蒼頭子侍其出入人

或勸之輒笑曰粉黛變幻何異鳩羅利足
其前而以亂吾真耶其教諸子率視材所宜而
任之或謂諸子資皆穎達勿徒徇其情又輒笑
曰天有五道縱橫錯列山川流峙各不相能皆
性也人性獨可齊視耶人世祚不齊亦類此無
多爲意左山子以是朝宵起居咸獲自適未嘗
因霜露變節爲病蓋其心與其氣皆平也予聞
般若之說種種諸相皆如夢幻泡影智慧解脫
方是實際左山素曠朗不滯礙豈夙悟真詮者
耶是可爲左山壽因其兄子正傳之請書之

長春集

卷之七

八

定

王蔗江榮壽序

王緒部子嘉旣獲封蔗江公署員外郎主事及
其母杜氏爲安人且年壽同望六十康寧有常
度子嘉猶以宦遊不獲朝夕問視雖有三弟承
其歡而心固闕然也乃以癸丑初度之辰謁予
言爲慶予謂生人之樂莫大於子宦達而身際
其榮然衰老遲暮不獲久駐其年者甚衆或雖
未衰暮而先秋搖落或卽未早衰而起自鄉丈
人勞苦不知文學或雖知文學務奔末利完其
家不知士人之樂或皆已遂其願樂與其子志

向不相謀則失其天性茲皆享榮封者大較然也而蔗江於是數者獨兼焉蓋自少與其兄滙村同列爲郡文學以學行稱於鄉家雖不甚盈植竹灌園未嘗無嘯歌之樂其子貴至爲郡享厚祿亦未嘗忘布素之意繕部君性復孝友出常輩家庭樂事妻孥同德所以慰藉公者甚至故年近耳順願養日適氣宇若少壯人非徒然者也予弱冠時與公兄弟交甚契因得拜怡逸翁于堂怡逸翁素沉厚悃悃與人交樂易而能忍至其自持則莊重不苟未嘗循俗上下力田教子砥礪其志節不爲流俗所移動其鄉稱善人焉故蔗江兄弟雅馴于理所以開其先者有自也今其後昌明有慶非所謂食善人之報者耶予所覽見自怡逸翁蓋于茲三世父子同德孫仍益腴厚莫不溫潤縝栗有比玉之德恬澹不事表暴令人久不厭有若水之善翁固出之性成而蔗江及繕部君庭除訓飭冲養益就皆弘遠輯穆其在吾黨不愧士人之類者其有先之者哉夫尊榮其親昔人以爲至孝而所爲壽則固不在僅佺之年也子嘉方自從官典司藩

牧其于民甚近更弘其事公之念加訃其政令使所在有甘棠之思則所以榮壽公又何但今日已也而况被澤當世更有遠大之業哉

高氏二親同登大壽序

松有大壽翁曰松石先生其配太宜人莫氏今歲躋八泰而翁又三逾其年昔齊桓公見畝丘老人八十有三曰美哉壽也是固當爲翁夫婦慶鄉大夫乃咸頌之而俾予爲之序華亭以謹厚昌其家者稱高氏自其上世來咸以朴素名至頤元翁有聲學宮而舉於鄉然不以仕道自榮也止以博士竟其身至松石翁復續學有聲貢之禮部亦自晦不願仕然自松石翁而上推問其本始咸高壽不與里人等蓋其心內守不馳騫於世路故多和平之福而享高年也松石翁四子長君志道舉進士仕驗封司主事時即蒙恩封其親而分祿養之亦榮矣今世有榮封者冠裳與馬日以色澤耀其里中翁獨晦不出卽里中有燕集欲屈翁作上座客祭酒不卽赴至於鄉飲有司以大賓禮肅翁亦不出其謹厚有素心不自炫飾大率如是長君旣榮貴次

亦授職爲博士官其二少尚列諸生間家亦下
甚裕自常人砥憤之愛鮮不營善業以益之至
於身任其勞苦不自惜者往往而是翁與太宜
人殊復不屑此日惟以問學勵其志故二少業
不加多而學日益進太宜人爲今學憲子良之
姑其父子兄弟之間素閑正論不知末俗之敝
習故與翁同德而教子以義方茲皆享高年不
自累其心之槩跡也志道仕路方通顯念其親
且老卽慨然棄官歸此其心亦猶顧元松石兩
翁不以仕道自榮養和平之福者也豈非長世
之餘慶耶予嘗聞志道之養其親以愉色婉容
曲盡禮意特構別館於秀野瑤潭之上芳辰令
節擊鮮烹軟靡所不至或安車穩楫泛遊嬉樂
務爲天長地久之思至其所自守則禮法束縛
未嘗少自佚其所以悅兩親者皆君子之道可
知已予嘗因志道之心蓋慨然而歎曰人子不
幸而貧且賤百里負米如仲由徒步數千里御
其母至京師如仲車其高行誠不世見苟其親
非孟氏時阻太平則將有不自堪者或居業可
致時養可備如潘安仁間居賦所云讀之未嘗

長谷集

卷之七

十一

三

不愛慕然牧荆自潤聲稱狼籍有道者竊復羞
之又何以光榮其親耶今志道守身惟謹恭嘗
一自苟旣已賤安仁而不爲至其力本足以居
生自約足以豐養又非子路仲車之勞其生茲
固不但以祿養又以善養常之爲子者誠非可
企望也翁與太宜人之壽益自安佳不至衰殘
以老不有所由然哉是固不可無頌頌曰松茂
而貞石介永堅高堂有慶佳氣葱芊黃眉承祿
齊厥永年天長地厚子道翩翩子有榮祿已逮
歡顏棄榮趨庭揚波自瀾萊養色怡茅心孔賢
長谷集——卷之七
三
一念旣豐萬善同詮惟此德門祉福縣縣鶴髮
雙垂蘭芬竝妍
上海湯一誠七十壽序
夫壽之爲道以世爲上其次以身夫一身之壽
雖南宮列仙超出玄化不能以其餘及諸子孫
故世福縣長宗承彌遠爲可尚慕也一誠湯公
上海名醫世家也平生孝友出自性成而慎取
予重然諾鄉人雅重之乃其術以活人爲本而
無所責報以是扣其廬者日相踵夫人以衣食
爲生而畏病疾衣食之生聽之有司者之政其

常也去其所病疾就之安全則聽之醫藥
一匹之夫其生人之權至與有司者相埒又其
好生之心上配天地之德其爲術豈小哉以是
存心可以壽其身以是傳之子孫可以壽其世
故予論壽道而以壽其世者爲難此也江南之
人喜靡麗尚藏積屋廬田業充牣周沃浮俗所
相尚尚前後襲以爲榮自予所見華居美田業
不二三世卽轉授之人者比比然也然不復能
自悟至有業入未幾而窺其旁者又復有人矣
其可久惟善醫業者三數家雖不大亨顯而子
孫百數年守其恒業猶不甚敝是雖其道可久
要之一念好生亦足以感契天人之心與慘剝
同類之脂韋者其同不同其子孫宜壽於世與
否皆可徵也今年五月二日公之壽介七奏長
子建中俾繼其業以活鄉人次執中列爲邑文
學有令名公慨然曰吾平生無過分福頽然以
老勿以家事相刮諸士友于是謁予言慶公因
論述如是

茫湖翁八袞壽序

豐城李氏以有道稱茫湖翁茫湖翁少孤有至

性事繼母以孝聞其學務行義而嚴于義利之
辨平居多著作至老不倦若饑豹兀遊桑榆諸
稿爲人所傳慕云今年壽躋八十而性喜佳山
水所止輒欣然嘯咏爲懽其子中丞公名遂督
視江上諸軍住劄金陵謂其山水可以娛翁也
遣其子迎養翁還書曰予以三世一身遭值多
難乃今壽登大耋諸孫男女合二十一曾孫男
十四繞膝稱觴已爲過望汝乃欲以諸卿之重
爲一日之榮造物忌多取予懼其不勝也善哉
翁之爲訓其知道乎夫以三世一身之孤而集
孫曾滿前之慶以多難軟軻之身而享封爵盛
大之榮感今思昔誠不能忘情矣然招福有階
食報非過自王政所嘉尊賢養老之禮千分已
宜而况以子道奉之耶翁之所見盈虧消長之
機起乎一念之微者固非恒人所測識也喻大
令顯科言翁自養之道有三性喜清素樂澹泊
不以重帛兼肉自奉常有充然自得之意一也
臨席數世宦餘之業會不事低昂以長尺寸惟
以文行教訓子孫以承先志一也深居寡出常
存敬畏卽不以得失遷沉動其心雖受榮封爲

聘君未嘗一入城府耀其名又一也是三者居貞而不惑其志守素而不華于躬履盛滿而知戒撫化樞而識變樂天安分而享有悠長之福鄉閭式教而詞苑馳聲過廬者尚其業聞風者薰其義則其所爲壽者豈直享太平之樂爲五福之徵哉後世有推慕翁者曰昔茫湖先生蓋如是蓋如是則翁之聲聞于世雖使洪崖挾策廣成飛景亦何以過之又况中丞公騎箕浴日耀德台衡將以大人鴻朗之業顯其親于不朽哉敢以是布太令慶翁之意

太守劉公初度序

沂東劉公治松之二年十一月日長至爲初度之辰先是松人數罹水旱不能以其力事有司通負官租且數萬監司委任他郡官督併至嚴酷糜爛血肉者盈衢路公殊悼惜之每禱念願得一豐年採其命至是百谷果蕃熟民可少蘇其疾苦公始欣然對賓客有喜色又適北邊醜虜爲變江淮間輒議抽民兵有苛細之擾公獨晏然鎮之以靜止追還銀綱已發運者備緩急而已自是民益恃公如父母聞其誕辰咸鼓舞

思頌言其盛諸鄉大夫遂屬獻忠言曰王道古稱易易後世民益愁苦不能自聊以生豈直世變使然哉世儒不知學術徒以氣質所近者施之于治放逸縱肆不復自檢飭其敝至于廢道德而尚才能志力強健者流爲鷙悍意慮精深者流爲慘刻少恩以之應變酬機事或不能無一日之效要之壞國家之元氣莫有大于茲者故箕子論治道之原必主于修身立極而後可以歛福錫民後世申韓之禍盈天下顧以才能取榮當世其究不能自福其身况有錫類之治

長谷集

卷之七

十

耶區區朝夕習見公所爲政可言者有三其一重倫敦先本實有訟倫化于庭者必以是爲曲直即或模稜少辨不能自致其情者必原其意其一事無緩急大小必周詳其慮或所見真切即監司不能以他議奪之用是往往議不合其一未嘗以束縛蔽朴之政加諸其民雖日駟縛錄固以法外意行之也嗟乎世之以才能自見即致于上列者視之公真若拙于爲謀公寧甘此不與爭馳其足自非了了有定見不能如是其所以召致豐穰感動田里不有所自哉今茲

強壯之年方以福星照臨海上爲 朝廷宣布
化樞以安根本之地幸公加餐自愛以慰士民
之望他日當有頌公遺愛傳循良者以壽公芳
名于千萬世也

吳興郡太守徐公誕辰序

漢岡徐公之治吳興也風紀肅然治體渾厚寬
仁平恕與民休息士民咸服從其化諸學官暨
學官弟子咸思序述其事因公誕辰獻焉乃謁
余爲言曰歲在癸丑公始來莅郡適濱海惡少
誘集倭夷大寇東南自浙之台寧北抵杭嘉蘇

長泰集

卷之七

七

松諸郡咸被其毒惟公一郡晏然安堵諸自軍
興以來調發旁郡國材官良家子欽飛射生及
弛刑藏匿諸豪善格鬪者畢集于軍門其供饋
則椎牛釀酒裂布泉輸粟米諸細故微末畢具
正賦不能給則取之外繇口賦鹽官緡錢又不
足則取之方田間架贖殊罪以下金穀豫算中
繇以上其費不貲蘇松被寇甚費更十倍民力
不可堪多亡匿逃死獨公一郡無所苦諸雖寇
所不至亦恐不測咸豫爲儲備徵及閭左晝夜
督促不輟休獨公鎮之以靜無動搖其民民是

長泰集

卷之七

七

以獲務本業墾其田禾黍芄芄滿家彌谷桑麻
臬芋果蔬竹箭之利可以資伏膺飽妻孥運輸
北出進發以時無異平歲歲復太旱江南北跨
浙水悉爲稿壤所種獲不能三分之一公之境
內竟沾秋潤禾稻復穰民間念公安卹之政感
移天心者如是咸頌之他郡士大夫爲寇所遮
逐者咸來依化下公存撫之無虛日以是庶民
安其田里懽忻交通蒸爲和氣作而爲雨以辟
除旱暵信其然乎先是公爲御史按江南四輔
郡四輔郡素饒給多豪右往時御史以憲度東
縛人太急切不及使人自新爲善公雖以風裁
自持而加人甚平恕投牒門下者狡証百出止
持其大端諸瑣細悉付之郡邑四輔郡咸獲安
其生業至今頌公知憲體今爲郡亦復總其大
體而以諸瑣細付之縣邑吏夫史氏所稱曹參
守畫一之政丙吉問牛喘劉寬臨民無疾言遽
色豈非知大體之謂哉故厚性寬中之吏視之
威彊相獨稱爲福星湖民所以不被寇獲其生
業雖其地不濱于海要之福星照臨其地故安
靜之政亦復異于他郡可以稱長者壽其名于

世無窮矣願以此壽公以嘉學官弟子之意

錢徵君七十壽序

吳興多仕族仕而以賢稱者雖不甚顯其鄉猶重之有至老益章者焉若杞齋錢徵君其一也徵君名九韶字鳳儀平生博學有高論其言率堪為世用而仕止于新建簿夫丞簿在宋時為進士釋褐官其立身揚功名始于此今世仕者乃賤簿之往往崇利祿不自重其身天下之俗變而至此治道之不興所由也徵君資性剛毅有任事才新建之政剗剔煩劇剖決大事一言

長谷集

卷之七

序

壽

而辨且廉潔有節氣未嘗因人上下故上官出常格禮之未嘗混跡冗泛若世之所為丞簿者欲獨為科目所限不復行其志以立功名仕已滿三年猶留滯文法與小吏淺聞者相朝夕不為人所察舉迺浩然歎曰嗟乎士人獲際遇為當世開明典昭至德獨何人哉雖然上有厚祿下有清泉進不陟華要退可采芳潔犧牛肥脂薦之清廟曷若麋鹿之甘豐草乎乃告歸其鄉幅巾逍遙于泉石之間闢一靜室杜門讀老子謂專氣致柔即吾儒主靜之意以是攝養情性

為寡出惟邑中諸長老數人與之交處略同平日歲在甲寅諸長老造予曰徵君介年七十矣初誕之辰適為重九九為陽數而日月並應俗嘉其名以為宜于長久獨無一言為壽乎余乃采籬菊贈君系之以歌曰壽君高堂言采芳菊飲以沆瀣食以甘谷食飲惟何初陽九芽遊宴瑤池被服大霞前引太乙後列洪厓搗鍊日月以烹內華執符黃庭掩映三花太上無言長生所家

太室山人生子序

長谷集

卷之七

序

壽

嘉靖丁未之十月太室李子舉其子于家舉之明日二朱君與吳子報子曰太室誕子可賀也子曰知之父矣曰昨舉子何知之父也曰太室仁君子子嘗謂其必有後不待舉而後知也今夫碩果之核其名曰仁陽氣伏其中閱千萬歲華而生生不變三尺童子把核而玩之知李之必復為李桃之必復為桃豈有異術哉以其中之有仁也人之厥初生未嘗無仁心長大而戕之衆矣其甚者修于家而壞于天子之庭積累于先世之長者而喪敗于子孫之才能夫孺子

匹夫之愚者才智不能周其身其所喪壞者亦有限士人以才能奮起雲霄之上假名器之力以濟其無厭之欲者之甚也李子之尊宜散翁以進士起其家即斂鴻漸之翼恬然老諸其里中里中人不知有官人焉李子復恂恂守行義身若不勝衣而言不出口卒然途遇之不知其爲士宦子也乃其中春容而雨澤遠世路而畏清議未嘗以氣色加其鄉之人士類中推賢者必指李太室此其初生之性渾然未繫猶碩果之核投諸土中春候一至與百昌俱萌于大化

善善因請書其言遺之

朱太母八袞壽序

吾黨有博學高世之士曰二朱君仁仲仁叔二君自少穎異不羣然其氣甚高不易可羈繫其家大人左江公背棄又甚早內無亢宗之親外乏籍身之誼卒獲就其令器不瀾沒于濁世者其所自蓋有太夫人云太夫人姓李泗經里名宗也三歲時喪母劉氏繼事戴安人卽甚謹十

長谷集

卷之七

三

九歲歸左江公奉其後姑亦如事戴安人二宗咸嘉其至行禮重之左江公未仕時爲貲產所累奔命于公府無息時且其氣性方嚴不能隨世上下爲觚圓曲折之行里俗之狡遂多所侮挾旋起旋躋其業遂不自振太夫人內支其家外酬應百出勞苦叢集其身兼產育多至九子女中年多疾疾其後左江公仕瘴鄉與其壯子俱沒哀苦窮促更甚于往時二君尚未成立一幼季方提攜外內務日集遂零落不可堪太夫人于是拔淚訓三君以義方二君入奉母氏而外親賢者感心惕慮學遂以大就今之人知二君者謂其能讀經子百家言作古文詞可追武先輩乃其所自樹者令德孝恭不與時世爲浮沉計每得一甘美必捧以奉太夫人良辰令節一花一草可以適目卽命妻孥洗盥爲歡太夫人多醕一勺不覺婆娑起舞爲壽以是太夫人樂志以老昔所疾苦漸以蠲去遂享高年今已至八十矣嘗有姻姪慰太夫人云二君必仕爲國器今雖窮無憂也太夫人慨然歎曰嗟乎吾有善子適吾朝夕吾病苦且愈豈窮耶世士有

榮祿使父母不帖席者斯窮人也是其見高出世情遠甚宜有令子能樹立不為浮世之習也昔曾參有言椎牛而葬不如雞豚之迨親存也信哉人子及養其親者之樂也又况二君身操高世之行心無役物之累明無人嗔幽無鬼責以是養其親而弗辱孝無大于此者豈羨夫入帝王之門者耶太夫人自謂非窮人予固三復而高之因序以為壽

馮夫人六十誕辰序

歲在戊申長至後一節為二十八日子仁兄夫長谷集 卷之七 七
人金氏六十誕辰也其子行可偕諸弟介予言為壽夫壽之于人大矣而夫人之壽尤大蓋以其身占馮氏之榮辱而馮氏之榮辱有關於一時之治亂不但如恒人之壽至六十者一稱觴已也自其見在之福言之身已抱孫稱祖母猶執饋食上事吳太君稱新婦此一樂也子仁以名御史著節臺中天下想其風采而身受榮封為名臣婦又一樂也其子舉進士科餘皆列為博士弟子而孩抱亦能誦詩列膝前而問朝夕者且九人是又一樂也又况耳目聰明居常食

飲如少時其為福慶何以加焉乃予謂夫人之得致此亦甚艱矣方子仁論劾宰臣太剴切宰臣不能堪將甘心焉乃指誣其言為上言大臣德政

皇上初未甚察下之詔獄三年幾以不測行可乃瀝血陳言以至情感動又復指為觸冒公事自非

皇上聖明則子仁父子必已淪為腐壤夫人雖欲求為白首嫠婦可得耶方是夫人年未五十其子甫弱冠諸少俱未生吳太君且望八十矣

長谷集 卷之七 七
一婦人煢然居其間無羣從子姓堪解其紛難可依也回視今日之榮而壽壽而樂骨肉團聚而門戶清嘉舉觴稱慶于化日之下其感遇之情又何其異哉然

皇上能使馮氏一門之安者實能省察子仁之忠藎而寬薄其責故宰臣不敢肆其奸而天下蒙其澤固社稷之幸也故曰夫人之身可占馮氏之榮辱而馮氏之榮辱關一時之治亂云若夫夫人之盛德所頌者自少事吳太君夫婦甚孝幽閑靜專自壺而外無聲聞之教教諸子

彬彬儒雅雞鳴風雨俾無墮志以就德業其尤難者子仁未達時躬事織紵以奉太君甘旨至約也諸姑姊妹貧者咸相依而食未嘗有厭怠時及既貴顯又能推廣恩私以成蠡斯之德閨惟雍穆族屬繁茂二事皆女婦所難然皆誠心實行爲之是固宜其致遐福召休祥以大馮氏之宗也茲皆人所知無待子言爲頌

慶尚寶司卿張八峯母翁太夫人九十壽序

嘉靖辛亥仲冬尚寶司卿八峯張公母翁太夫

長谷集

卷之七

七

庚

人壽躋九十上海令右山喻公俾獻忠序其言爲慶人壽以七十爲稀百年爲瑞箕子陳範而列于五福不誠宜然哉今

天子興自南服渾厚沕穆之氣充滿流布諸元老大臣攀附龍光顯飾政紀率自南方而起且百歲壽母亦往往出自其間有若今翰林修撰蘭谿唐君督府經歷鄞張君二祖母有若今禮部侍郎餘姚孫君吾鄉監察御史馮君二母及翁太夫人率皆仕族賢明能訓其子若孫以足大壽無疆享有祿養不爲人中之瑞乎今年

鄞母適百歲其孫謂告還慶之

皇上特嘉存問之恩翁太夫人與孫母俱九十唐與馮母俱望百蒼顏白髮照映江海之間如鳳珠麟趾希世而一見大塊鍾毓奇靈與諸大名臣竝附于中興之運自昔所難而今亦創見者也鄞母有令子曰甬川先生以文章黼黻當世沉毅正大爲當世賢者唐子曰漁石先生善體量邊事有安輯功又持銓公平得大臣體孫母相其夫君立大節于世教其子文武全才爲古今世家子之冠馮母曰勵其子以節行竟以直聲著于時茲皆海內光明正大之器至于翁太夫人素擅女史之才加之孟母之賢不但善相東崖公龍門之政其子今上海時馳手教俾其一心上報

天子故上海之政揀敝扶殘與民休息入至今有甘棠之頌其後進之給舍又馳書務正學以言故八峯公立朝大節炳然可觀其匡贊之疏糾劾之章爲時所傳誦甚多今自諫大夫超遷太卿豈直遭逢之盛哉酬賢樹功令典具在而賢母之教亦章章明著矣粵自太璞旣雕女教

不傳而賢母之風頓熄世之名臣碩仕爲世所甄拔不爲不多而有本之學罕見說者謂道學不明于世誠有然矣而家庭幼學失其本源習染漸磨不爲流俗所移者亦寡矣顧夫貞元之氣鴻朗之期有時而開則河嶽降靈葆光多福自江漢而南以際于海襄靈揚休鬱鬱葱葱莫非治平之景象也敢因太夫人壽以頌一時之盛云

錢母八十壽序

吾黨敦素厚稱賢曰錢子復初氏靜菴先生曾孫也乃其初出自少孤而貧其母沈孺人苦節勵志以居竟能扶植其子以至成立不墜落其爲力良難矣靜菴先生素廉介修謹以南解舉進士累仕刑部郎中受知于英廟超遷四川按察使平生不立產僅守一廬若晏平仲故其子立齋公與其孫養浩皆不能自立且復早世方是錢子生甫八閱月其兄僅六齡耳沈孺人煢然一身紡績奉其姑人且危之也然其性方嚴有識度非常婦人等故自幼課其子以行義未嘗少假借其後長稍成立即使歷門戶而誨

錢子以家學遂成彬彬雅馴於理見者雖不識固知其名家子也今年孺人壽逾八十子之家庭自少與錢子以文行相規謂可爲閨幃範學若孺人者誠不可泯泯使無表見遂以諸交知之意請予言爲慶予聞之蓋慨然歎慕焉子嘗聞秦皇帝重巴蜀察婦清以爲貞婦爲築女懷清臺觀其所操行上守先世之成利以及子孫數世非有節術顯世俗也且又瞻足以自衛其勢順不難非有閨苦險阨撓其志史氏猶以爲美著之後世而況孺人有節槩又困阨若是其子又復以文學薦于南宮非趨末利若清之子其爲貞婦爲賢母不于茲可想見乎吾鄉先輩榮達之行大率以無汗濫不樹豐業爲賢至如靜翁簡于紛俗抗心明義不詭隨于世而又有旂常之行絕無醉飽之心又其爲刑官守持中法多所全活以當好生之意其在吾鄉可謂操行不惑者也顧爲殘忘者所軋不盡見于傳乘吾固嘗惜之然而刑于之化素見于庭除其所貽雖無便利豐蔚之業而清白之風至今猶有稱焉是固宜有賢婦若孺人繼其後而淑其

孤也遂因其壽以樂見云

馮氏家慶序

歲庚申南江兄壽躋七十誕以三月諸子慶之新堂配金夫人前二年亦已躋七十於十一月誕辰慶之如公今茲九月念有四日又爲賀夫人五袞之誕諸子曰賀母與大人同患難於炎荒且繁吾兄弟之支今寧於家且老家之慶又孰大焉乃戒予言之予聞勝國時海上巨室如列卿之封國者甚衆今輸萬石粟邊圉者錫命爲萬戶長若平湖之賀氏其一也至於今無不

長谷集

卷之七

序

家慶

稱聞賀萬戶者夫人自出焉夫人七歲時卽甚慧而端舅氏俞春湖愛而育之家其於山西學憲蒲山君爲姑氏其閑於姆教操明義慎閨則皆春湖翁之教也南江之族與予家咸單薄予之室與金夫人夙相親若姊妹雖皆有嗣不繁也乃相與謀之子謂郭氏書務選堂堽乘相氣且擇名家子別室而修德以承之可也於是南江首構先塋於北原予乃營之荅霄間旣而南江慕女德於賀力求聘焉予亦聘諸秣陵氏自是予兄弟多獲舉子若孫而南江視予子獨倍

其有徵於是也然而南江舉進士官御史其子自進士道卿而下咸列諸胄舍與學官弟子駁入仕路而予子則咸視皮輒囊弗逮也豈形氣之說靈於南江而闕於予抑其等教予又藉二母之內訓非常之爲母者等耶且南江昔者之抗疏直聲布天下光其室宅而寧榮其閭視予跼伏湖山間妻孥至蓬垢不澤而寢瘠之日堅其慶又宜何如也南江聞而讓予曰轉九飛鉗或不構於肱篋輦蟲伏於深淵實祥風甘雨之司命也君何言之戾乎方予竄謫嶺表日與魑魅鄉內人少不涉異境一旦相從於瘴鄉毒蟲猛孽磨牙於眇軀弱子之旁甚近也以是朝宵恐焉視君之華閭相優游於清泉白石老而不厭如蓴綵之從僮僮也相去殆幾由旬顧言之如是遜乎予笑曰有是哉願無忘此以從德承之初命

贈可耕吳公七袞壽序

可耕吳公善良有行義聞于四涇里而其子之仲君復曠達而賢有高世之意里中人以是重愛公加情焉之仲君善古文辭疏暢清逸吳越

之間稱才美士迺其初習舉子進取業其行獨
高朗不爲俗鞅所羈繼間一試有司不合卽棄
去公未嘗以仕達責望君任其志徜徉爲山人
其賢過他人馳外業者遠矣余與之仲交嘗三
往其門候公不獲見見其門巷蕭然一茅堂僅
左右列圖史而太半充牣稷具之仲每偕公餉
盃壘上歸卽擁膝讀古人書與夷白中方諸君
叅雅道爲倡和交或遠外得一名酒卽欣然持
入室起舞壽公雖歲歉乏食得數斗米亦須一
醉適然交知雅重吳君聞其乏卽競持米扣其
廬以是雖貧未嘗乏絕如他懸磬者焉良辰美
景必將公與里中長老飲嚼爲歡公誠守分無
他外慕其子之賢益以全公之天真雖古高世
士弗過也今者歲臘將除之丙子爲公七十壽
辰諸交知姻婭將醕會慶公謂須予一言也然
予三謁公不見亦將有一言爲贊何待諸公請
耶予嘗慨世道之薄唯知慕利祿而不知有務
本業敦行義之鄉丈人蓋自漢人孝弟力田之
法廢而其俗務侈于功名田野之間雖善良有
行義亦與朽株腐木同棄擲不視豈惟人哉其

長谷集

卷之七

三

家之子弟耳目薰炙徒悅長者車轍而陋其父
爲田舍老翁不足尚而父兄之教子弟亦徒欲
以冠蓋耀其鄉見其子一不列于仕籍雖有顏
淵子奇之行卽不以才賢相砥流俗駸駸其來
久矣王孺仲東漢高節士見令狐子容服光美
尚隱陋其子不樂何怪乎浮世洪泥隆容節而
耀諸觀美者耶今公不以浮世之望望其子而
吳君能以古人之道事其親取給于菑畬之末
而忘其外慕一勾之奉其甘踰于列鼎豈有非
分不貴之願嬰諸其念者耶故雖七十之年無
衰老之容里俗無怨尤官司無呵責父子之間
相依爲樂既無傷離惜別之情錯其神理又無
哀多益寡之念馳諸夢寐隱居爲壽之樂何以
加諸此耶自昔史氏籍記皆功名宦達之蹟而
高隱士老于山林類不經見于簡書之末余故
爲公父子深言之以告諸觀風者云

長谷集

卷之七

三

卷之七

記碑附

華亭徐 獻忠 伯臣

新建松江鹽運分司記

松江分司者兩浙都轉運所分四司之一也其屬有橫浦浦東青村下沙青浦天賜諸場凡課辦文移各以本司印信行事若專官而實都轉運使司僚佐所分轄也其初以亭場官位卑而竈皆土著或有數世擅其利爲豪者其相使若指臂之癰腫不能卒運動故以總司僚佐分督之然歲止一巡停止數日輒復去無臨治解舍可住劄竈有所赴愬非走千里齎經月費不能達故往往爲強有力者所勝而課辦亦難集私負販者雖屬郡邑卒史緝邏亦多逸出其端實起于分司官不住劄之故侍御鄒公按浙中既察竈所疾苦廉諸豪右不法者寘之法以爲非建分司廨舍臨治之卒無以善其後于是上請于朝其經制之略宏矣自後近淮董公繼之念其議雖下郡有司稍緩卽無以成鄒公之志乃銳督之有司者時署府事同知今遷嘉興郡畢

子竟容已經其始而郡太守劉公存德適來蒞治卽取通判張君世衡所相延慶寺餘地案行葦亭令張君敦復刻期興建云總計門堂寢翼十聯址地一十三畝零垣維周固階墀爽豁足以壯其觀望其費一出于本院項下有司夫工之外別無所科劉子既落其成卽述職北上而張君署其事乃以劉子之意俾獻忠爲之記予惟在昔經理足國之計租稅之外止有鹽鐵緡錢三物然銅鐵官置竭已久諸池井鹵斥亦豐膏有時妖祥間作巨萬世不竭者惟海鹽而已而蘇松江海聯屬帆樯利便負販四出者大梗商政其原于法弛而官遠豪右橫而纖細屈也故論者以爲振肅條教障塞委流加以拊字輯睦順時宣令則豈特商有所賴國計有所資而已哉二公同心同德諸有司各務其職卽門觀偉然令品昭詳如是其著烈亦勤矣居是者知所重焉可也

溧水縣改闢學宮記

溧水縣學宮既遷于香山之十年爲歲丁未四明包公桐來爲令既觀其俗之朴厚務本實然

或失則野曰是可示之禮而不偷者也進之學
宮見其士循謹而能辨雖術業不興而行義不
怠曰是可之于道而不惑者也于是進而告之
曰禮有等數道有節目不可不及不可過也禮
天子曰辟雍諸侯曰泮宮是不但樂懸佾舞中
其器數奠菜牲脍異其物采與夫園壁如望泮
平若弦橋門之象設有限等也至于天子學門
右于廟諸侯學門左于廟此其義亦皆判然可
辨蓋左祖右社判神鬼明尊親禮莫有尚焉天
子之學主者得以祖道事先師親之也諸侯之

長春集

卷之八

三

學主者得以神道事先師尊之也是故辟雍門
右泮宮門左今天下郡邑之學宮左列門觀而
右廟貌所以自異于國學而此獨異之者殆弗
考于其說乎夫義路禮門君子日由之而弗考
其說是無禮義之途轍也諸君皆將入夫子之
宮牆而升其堂與頷于所從入之門不由于禮
則何以窺見其萬一哉夫道有廣大之體有節
目之詳誠不可務其大而遺其細雖心迹之判
必合而觀之斯可以入道也吾其爲正之乃與
丞俞君某簿周君某典史吳君某調度體量各

相其事歲戊申某月興始至某月日畢力首關
門路于左既乃繫爲泮池懸以橋門又既乃拓
地及溪使高山入望以興仰止之思于是深之
爲學趨者肅肅觀者奕奕所以辨上下正本始
可以觀君子之治矣予惟憂道不濟辭殷人不
濟禮周人之治獨詳于禮君子猶以爲求備于
民而民易病然則禮不可爲教乎夫世道有升
降而政不可無所革深水僻在山中民淳而俗
朴類多孝弟力田之行無逐末輕去其鄉者是
固可爲堯舜之民者也恒之爲治者因陋就簡

長春集

卷之八

四

畢其期會以爲足矣自有學術者視之則俗奢
必示之以儉俗儉必示之以禮變其國俗以致
于王道而後不負人之職業公之治深所謂寬
嚴相濟仁義並用務變其國俗者也方與校館
諸君講求風化之實修舉射鄉讀法諸令典以
前民行察舉孝廉有行義者作興之以風諸其
民是皆良吏之政可以望其厥成者也校官吳
君某何君某陳君某與諸文學徵予記其事因
序次如此是役之費公實捐俸倡之邑中慕義
者感公之教相與鳩力助成其事著之碑陰表

善俗云

閩山馮公祠記

閩山馮公裕治華亭有惠政其去也民爲歌曰大水橫發高樹低人死爲魚公淒悲誰使公去傷哉離公去華亭幾四十年其子少洲公名惟訥復來治松念其民之思公也益視之如家人于其後少洲公以治績入補尚書地官郎去三年民益思公尚神遊茲土故俾其令子來惠我

長谷集

卷之八

五

五

履平不事績飾事有利民者卽力任之雖難弗憚也方是中官操竊名器郡長吏有出其門者頗事敘括公不承其意旨遂爲所不樂是歲秋大水自邑以西游爲巨壑民饑餓死者甚衆而糧額不蠲減監司者又適去任乃不待報請移其稅于高鄉繼而監司者至郡長吏乃從其中構之幾中于禍民相率聲其冤僅得調蕭縣去民既素感公故思戀而歌之以至祠祀云嗟乎後世任法之弊乃至不能少展上人之志如公所遇不重爲世道傷哉漢孝武帝以法繩羣下

數誅戮丞相御史乃能容二汲長孺不問其矯

制發粟至今爲美稱宋名公卿採卹荒政往往

便宜自任不爲常法所拘縛公爲守相調量土

田以均民稅亦一時濟難之權也乃至坐受其

困此非人有所持之何至于是假使所操執不

固蹶躓之後卽變易其志中道棄捐者衆矣公

之調蕭也其志益耿烈民煩苦百出節財省費

務與休息民尤感之其後擢知晉州適漳沱變

遷城南沾其利而城北之稅不除公奮衆議力

爲去之此其直已守道不惑于志似汲長孺其

長谷集

卷之八

六

六

氣和平安雅而又濟之以學力故貴州臬政雖處蠻貊而誠信感孚有不徒然者也公之神靈如日月之明如風雷之肅何所不被及豈待一華亭祠祀哉顧其感德報功出于實心是固公之餘教也少洲公以文章政業名于海內與諸昆炳然足以令公之後其佐松之績別有著不述

青浦令楊公初政記

海內方議省冗官松江府獨以添設青浦縣聞其創議已三十年迨嘉靖壬寅撫臣御史交章

請之始立縣治刻印命官于是楊公首來爲令
按青浦北枕吳淞江青龍艾祁二浦夾而南注
吳淞煙塞殆已餘百年雖有少潮汐不可達二
浦民不能以禾稻爲生計僅有能目闢者亦不
足以給輸將之役往往流亡至數十里無室廬
可望其存者又習爲狡突欺蔽雖耕苗有業皆
冒流亡貧苦之籍不肯以其力事有司出賦稅
上供者華上二縣爲此地累久矣此青浦之所
由以建也其初予往觀之四望荒寂未能聯比
爲閭閻里胥鄙野不堪給役使墟市蕭然不能
備有核且水道枯涸長年不肯出其途予蓋悵
然憂之及公來蒞政披草莽樹廬舍爲里居節
用度寬刑罰以安卹其民覈荒蕪辨壤土以均
課役旣而開通水道以興民利查覈詭沒以平
賦訟躬任勞苦率先羣吏調量酬應務存大體
爲之二年民人爰集細太各利公私便習賦役
易辦水利流通舟車交往禾黍滿家民有衣食
尸祝之祀畢具邑煥然可與華上相頡是可謂
難矣于是郡太守上其治撫臣御史撫臣御史
按其治有狀下其典于郡太守以旌公之政其

曹史某等乃咸造子言曰青浦在勝國時海舶
輳集民人殷富治之以市官之法而已今者荒
斥之後一旦以縣官臨之且庶事草莽居人未
集吾輩未敢望其令成也今幸有賢君焉日以
簿書承其命上呈之上之人不吾過也下督之
下之人不吾怨怒也此吾賢君之賜也遂致旌
典交至不亦與有榮哉願紀其事以垂後世使
知有開國之大夫而徇馬之役亦不徒矣是年
爲嘉靖乙巳楊公名垚字 闔之建寧人先
文敏公在永樂以後三朝爲名臣其孫以賢吏
稱于世固宜也是爲記

湖郡守李公去思記

嘉靖丙辰潞安李公來守湖旣三年爲歲已未
以治最擢任山東按察司副使督理河防去去
而民思之諸大夫適相與述其政績有不可忘
者俾爲之記余惟公有政事才訟曲直一見卽
決雖巧詆無能眩公者然其文不深日所論報
狀嘗不稱平方是倭亂尚未息軍興之法諸調
發期會湖視他郡獨以少被寇加多其民朴而
尚纖齒殊不自堪也公爲節約冗濫董董守

格無旁出費公以職事奉其官不失尺寸若此者數之縷縷不能盡然有大於此卓出循吏之上者不可無聞於後世湖俗故有遊民慄悍少慮以不羈蕩里中者近年選集爲兵以備倭寇給重糈飼之而假其操兵日馳逐爲豪者甚衆有北土通奸伏匿霞霧山中以白蓮教誑其民修未來福愚民信嚮之不愛金錢重資施而從焉既又以妖術誑曰我能致見在福隨所施盈縮爲報應照其形水盆中則官大小冕服畢自見愚民益競趨之如水不注不可止諸縣邑僻

長谷集

卷之八

九

果

處舉其徒矣因取其財交結遊民爲兵者刻日亂郡城中四外同日應之其徒以朱印白巾爲號蓋近時紅羅之種孽也先一日公廉得遊民首事者訊而得其黨疾捕之遁奸雖已逸去諸豪率愚民操兵爲伍集烏鎮雙林之間者力格而殲焉公則令曰愚民爲奸所誑惑非本罪寬之使歸業此非公才智不能發巨奸非見事明不能寬愚民此其功視平倭不相下且間暇整緝不驚擾是非恒所辦也攷之晉史謝邁爲吳興時有孫恩之亂吳興人胡桀部驃起而應之

韓都閫平寇記

長谷集

卷之八

十

四

破東遷縣適有機會不能棄竟爲在寇者所戕此與通奸之亂相去幾何當是時非公才略則倉皇之變公私狼籍縱以大兵臨之而蔓延之禍延及旦夕未可量也今應之有餘力驅除不旋踵視之晉事何遠甚耶事平之後因念城垣弛廢不足以保障旬輔建爲敵堂樓櫓堅完壯麗一旦改觀其詳在修城碑可攷茲其大政卓然不但循良可傳而已公名敏德由進士歷任皆外補以其父某儀賓不得列京朝固職制云

嘉靖甲辰以來海上負販之徒誘致倭夷聚于寧波境內潛與豪民爲市因行劫陸梁不可制卒亥遂破台之黃巖浙中騷動兵部乃奏設鎮巡都御史合閩浙兩路兵勦捕而不以蘇松爲慮蘇松爲兩都輔郡國計所資然實與寧紹相望國初設立金山衛兩轄以備倭都指揮以是也承平日久戎兵廢弛與隣民相軋爲生不復知有戰鬪事識者固憂之今年浙中大用兵獲破其巢穴千馬跡由賊無所藏匿乘勢北走蘇松大肆侵掠傷殘人命有如草菅自有郡邑

以來所未經見而所謂備倭官軍閉城縮首不敢出一息郡乃告急于監司方是操江都御史泉州蔡公大懼根本重地乃與巡撫都御史彭公議調各郡土兵分遣將領布列要害親至太倉身冒矢石以倡羣衆僅得驅逐出境而松江孤僻實當東南之衝南匯嘴一帶地方溝壑縱橫蘆葦蔽塞賊得以主待客且輕捷善鬪濟以狡獪各郡兵至者屢嘗其毒賊益肆無忌遂殘破上海縣郡中洶洶廢業無可爲計時都閫韓公璽棄官侍養于家往嘗備倭海上威靈素著都院便宜策委總率各路兵及少林僧百人事權歸一號令可行以五月末旬至松大修戰具潛遣諜候探其出沒以圖便利乃以六月四日進兵至卽破其三艦焚之十一日遣鎮江太平二路兵晚駐六團僧兵繼之賊聞兵勢已張號令嚴肅殆將南奔而諸軍十三日部署白沙灣遂與賊遇大戰斬戮百餘有巨人者尤錫張善鬪竟爲僧兵所斃自是羣賊散走所屯據遂空蓋自寇至已四閱月僅得解守備婁河口水戰北陸賊之技擊尤長于陸故浙中俱

以水戰取勝未有自完于陸者量論功次以此爲首云戰後駐北南匯尚兩月他賊至者聞公所在卽遁去不敢縱劫如前時其故實原于公之料敵審勢不趨小利及駕馭諸將領鼓舞雄僧委曲有道也使公領佩征符得專賞罰之柄其勦略又止此哉是役也郡侯方公廉始至卽日夕計籌以贊韓公別駕李公與邑令黃公調量兵食嚴其城守諸將領若指揮鎮江樊君某太平繆君某姑蘇朱君某阮君某陳君某閩黎君某僧領則月空其人而鎮江別駕張君六合

朱氏重修佘山先塋記

華亭之城南朱氏以仕族稱其先七世祖素都

陽人仕元松江府推官其子祐之字元祐別號松巖遂占華亭籍由武舉補嘉興路千戶後以子信貴累贈至奉政大夫工部郎中配楊氏贈宜人合葬于金山東麓詳見翰林院學士錢習禮墓誌其後族稍繁後顧其所親之墓而余墓遂荒堙公有曾孫必齋居四水里生三子仲某有子曰訓賢而有禮季暉號南溪四子曰承順承益承緒承祜順緒以能詩名益補國子初發解應天南溪公深既飭其墓廬乃念先世諸塋咸封樹之惟余墓不可考順嘗語諸昆曰子數

長谷集

卷之八

三

夢崇墓有樹碑林木者一老人指顧予了了而弗能詳茲登余墓耶益于是檢先代遺文得錢學士誌乃相與之余訪之繆老者繆指山間羅漢栢曰此蒼然者故神奇不可伐其下自來種南門朱家墓今屬之李秀才中孚諸君于是訪中孚所由云朱故祖母族藏有先世質券蓋自成化丁酉至是六十有七年矣乃遂償其質而率宗人修復之既雅其荒莽辨其區界即封以古壤樹以叢木引級爲階構楹爲堂庖寢斯嚴垣墉畢具百有餘年之墓一旦維新諸君

深切誠不多見而宰木有知若曾靈光之獨存者固其先世神靈所護以待諸今日者也順于慶寐通之豈徒然者耶按松巖公四子曰煥毅靄信煥仕濟寧州知州信由薦仕至工部郎中孫六人惟迪哲仕歸善丞倫景泰甲戌進士仕至御史曾孫十五人惟寬仕韶州府儒學訓導贈山東道監察御史玄孫二十有七人惟昂弘治壬戌進士仕監察御史至廣東按察司僉事今承祜繼其後來孫三十有八人諸君昆弟是也仍孫二十有九人行朝字者爲四水里之派

長谷集

卷之八

四

其墓前對細林山左岡迤至溪名白石嘴墓地週圍計若干丈諸君修復之年爲嘉靖癸卯是宜記

太玄亭記

甲申之秋徐子作亭瑁瑚之臯仰圓俯方效法大象縱橫九尺得數八十一曰是惟太玄楊子取焉吾嘗謂楊子有玄理無玄行不令其身而令其言其言曰明哲煌煌旁燭無疆夫明哲之燭宜無疆也而于楊子何居君子于天下雖趨舍萬殊其要以保身爲法非其時而行則過而

失中當其可而隱忍不決則昧而無終是皆不足
以居成功也楊子游泳于漢新之間其終且
授閣不悔是無成功也隱忍不決謂楊子宜云
吾固嘗悲之乃其爲言可以敷天下昭後世因
考而法焉以名吾亭

採芝記

歲在戊申予坐林霧中春葩漫然不覺儵然遠
想古人遊五嶽不足且覬望海上三仙山予塊
然蓬藿中如坐甑耳乃西眺姑胥迤邐至金壇
望句曲雲物泛長蕩湖至溧陽訪史君子渢上

長泰集

卷之八

五

四

拜漢溧陽史恭侯墓祠史君復將予至陽羨山
中盡覽玉陽山居勝槩乃西度溧水迺秦淮紆
曲方山下百轉至金陵望鍾山王氣若故時焉
溧令包君迎予作學門記因覽祭山侯所鑿石
河上跨天生石梁南遊無相寺禮石觀音大士
少憩竹林下見連理芝下起三莖上合一蓋生
平所罕見也乃採之以歸嗟是遊近千里爾乃
至二毛時始得一踰簷宇古人司馬子長與穆
天子馳異景者殆何如也又况觀望三仙山凌
白雲者耶乃予聞得餐神芝者必仙子碌碌人

間世得此餐焉又不覺超神情于異景也因書
爲記

開泰堂記

海樓李君所居之秀野里作開泰堂成徐子記
之曰秀野里者九山映帶其北如列屏障一水
自谷泖來襟帶其前山川相映發旣秀而野殆
非虛語云往時華亭市不三里而遙秀野里在
村落中草樹蒙密可馳而獵也其後居民漸集
物業漸豐貨泉刀布果蔬魚稻之利行賈不遠
數千里而至遂有擊鐘列鼎享素封之奉者焉

長泰集

卷之八

六

又至于今日士大夫高門華屋聯比而居其里
中里中人皆知教其子以文學趨近禮法士儒
雅彬彬可觀蓋其俗久而漸變變而至盛美如
是乃其始則李氏開其先者云李氏有鶴峯先
生鶴峯先生海樓之尊公也以明經爲士人師
士人附麗鶴峯先生之門者謂其博學宏詞轉
盼可以公輔高其里中也乃不能脫穎于場屋
止得一貢爲校官人且惜之其後海樓君竟以
家學舉進士仕至按察副使于是人榮其里中
之有士大夫始自海樓公也相與名其堂曰開

泰三蓋歲氣之始陽道萌生于伏陰之中自復而臨而後始泰猶是里之漸變而盛也乃予謂不但秀野里如是往時華亭止一亭障耳秦之長水由拳俱已沉淪華亭始著稱至于今遂爲天下之壯縣然所以開華亭之泰運者陸氏也豈惟華亭江南古荆蠻聚落耳太伯始開吳人之業今天下財賦大半出其間朝士樹勲名者出于太伯之遺墟爲多王方平與麻姑語別後東海三變爲桑田豈此類耶海樓君自少有天下志其學不但儒者之邊幅凡兵農律曆氣數長谷集一 卷之八 老 費

勤慎堂記

分宜黃松溪先生名所居之堂曰勤慎來徵予記以示後人予惟聖賢之道以敬爲先而惟曰孜孜俛焉若不及者進德之基也其見之行事謹畏有常度不敢自暇逸者立身之要法也是以古之聖人以無逸爲所以敬作所先之以小

民稼穡之艱難加以以天命人心之可畏而不愧其身于天下之上而况爲士爲庶人承先世之業參宗黨之間稍不謹畏則縱心生不勤業則怠心生惟縱與怠聚惡長非其何以自立于先長者之後耶自古無逸之君享國之久咸有考壽而敬勝怠者天實臨之以不替其命此其明徵可師又何間于士庶人哉故予嘗有言勤生務本雖庶民之常業可以養其福小心敬畏日用而不輟可以養其德勤慎之心可盡于是矣爲先生之子孫者盍勉于斯堂之名也先生仕松爲郡博士立身莊重居之九年未嘗有惰容廢業往往與予燕集或主賓情洽有至諧謔者惟先生端居自如雖醉未嘗隨人上下其教諸文學士謂其俗彌文已甚以實行率之未嘗假借詞說以是諸文學士無敢墮落自外于先生者此其有身教可知也以是訓迪其子孫豈待多言哉是爲記

紫岡草堂記

紫岡草堂者大理少卿董公之別墅其子子元以表先澤志幽尚也紫岡在沙竹二岡之中吳

郡圖經謂瀕海之地岡阜相屬世傳海中涌三浪而成若麻姑與王方平語殆是也大理公自少釣游其間晚歲解官歸不植便利產仍舊所規畫稍樹竹石果蔬與二三高尚士歌嘯爲歡因自號中岡居士名所著曰中岡集子元名宜陽博雅有操行海內名人多與之遊慨然念其世雖代列華要而幽閒蕭散亦若出世授不可混聞于後代也乃以紫岡名其堂表中岡之名所由自且以寄閑寂使清川茂林之在海恒有所托也徐子曰楊子雲有言知玄知默守道

長谷集

卷之八

九

黃

之極世有好遊之士攬長塗涉要津以榮列爲長命至白髮猶忘歸其鄉其所守顧不異諸斯言哉一旦收聲藏熱不知守其德宅徒芬麗穠郁植厚樹豐日蹈壑谷而不自知悟聞公之風不大慙惡哉然有子世其業使其名迹不沉埋于荒烟野草間守道玄默之明著亦無尚諸此矣

茭門別業記

茭門別業者三岡董居士之田舍其子光裕讀書處也茭門在沙竹二岡之間其土瘠薄多白

沙聞諸長老言往時耕犁少及地生菰葑望之荒田野草悲焉故名茭門其南三里爲董氏居董氏惟大理君不植產諸皆膏腴畝鍾之田田園金谷充其里中爲東南仕族之望居士雖處華要不與諸昆相軋立壯業獨取茭門之瘠土因瘠汚爲池餌魚畜雞豚周植桑麻以供衣食歲時膜臘之費悉取諸茭門然諸董富有產不謂其大也居士暮年更有所樂之因卜爲壽丘而俾其子遊業焉然自居士創建來未百年諸董之富業已有廢置者而獨居士所闢如故光

長谷集

卷之八

十

黃

裕于是調子記其所自曰不敢忘先子之力也徐子曰曩子與居士諸昆遊甚習諸昆多顯著無所苦聊有所贊畫必仰諸居士如左右手其後肇慶君歸老爲氓隸所苦居士解其紛錯不遺餘力然與大理君義其敦剝一菜甲可食必同七飭竟其懽其後營茭門之瘠業誠不與諸昆相埒其友弟章章如是宜有令子守其成俾與令聞同華于世也

環翠樓記

顧氏二龍讀書處有環翠樓云上海邑居輳密

旁所居無園林四郊惟西最豐蔣平衍邑中善業多萃焉而樓居其中四顧林樾翳然蒼靄荒通晴薰入射于綺牕文戶之間萬景動搖吞吐殆盡其外浦激映帶吳淞遠引烟村雲樹彌望不極雖四時變狀不常而澤氣清越常有鬱葱之望又其外瀝滄蒼茫直與扶桑丈人爲隣而龍氣變見時復下上風雲甘澤潤漑眺極平野可以豁其襟度爽其神情此樓之大觀也二君少負公輔之望每懷寧靜之略于是避喧其間探討至義俗駕遠邇何啻千里予遊海上必過長谷集——卷之八——主——樓

二君見其琴書偶列彝鼎橫陳一室之間幽閒自適未嘗不羨慕焉夫小山招隱稚圭移文俯仰宇宙之內感今懷往伊孰無情自昔名人達士寄意丘林入深詣遠何可名數然而曠景遠絕混迹不悔者誠失之固至於揚裾整袂車駟洋洋沉迷不返爲猿鶴所笑者又不自知爲幻妄之業殆何情也今天子寤寐賢雋以思治理二君出而委用此其時矣而故山松菊日夕依依茲亦故人之情也白首相看歲晏如昨茲樓公案到此方竟

御山記

御山在六合縣東南三十里左引青山右帶瓜步儼然大江之上如御頭者云長興徐君子南仕六合爲教諭官因葬先樂開公于此而家焉嘉靖丙戌子南君起爲國子丞辛卯調松江學教授乃今擢知永新縣瀕行其子毅甫慨然作而嘆曰予侍親北走燕南走吳不復奉先公之墓墓間之宿草不掃數年于茲矣吾親以天子龍命未衰老而歸也乃子則又何事焉忘墓間之宿草不掃松楸或荒頓野人之牛羊或走上下坂不知罷子不修慈孫之禮于先翁亦甚矣予小子之罪又何以辭焉于是拜歸守其墓廬因以御山扁其齋朝夕警念誌不復忘矣人遂稱爲御山子而乞予記之予蓋嘗讀詩至遙望郭北墓而泣然流涕也夫黍離麥秀行路猶悲之而況于先君公之墓丘哉江南之人安土樂生不爲過時計見子南君葬其親數百里多視爲奇怪人固慮其不能守遺後世悲也子南君雖其盛孝豈能必毅甫之能子哉乃毅甫以不忘之孝倡後世之人于南君之孝思延之

百世不足遠矣然則又何悲焉穀甫名熊徵

西泉記

西泉者余公煥所居之別號也黃浦引湖杭之水東注于海其南一水百曲縈迴爲白沙里余氏自宋南渡從汴來居之其先蓋翰學安道公之裔中州舊族南徙者余蓋炳然著稱云余公爲人慷慨有操略能振起其家教其子今上舍君堉有詩書之澤上舍君操行軌確馳心藝苑在人中善樹其身皆公之教法也且好善樂施予人有緩急輒仰公酬應如取諸外舍雖再三弗憚以是遠近望公之廬稱西泉焉或曰汴洛故在華亭之西上余公不忘其本始因寓而自見云徐子曰地固有以人勝者杜陵韋曲輞川谷口歷伯千年入其地無不思起其人而薰其業也茲豈山川勝槩使然耶要之人賢而著遠其山川草木亦皆衣被輝光不泯于宇內云余公固賢者上舍君復咀道華列文學修然篤行君子也其所增重于西泉不遠且大乎

怡泉記

休寧山水名天下而其所生人亦奇瑰挺拔各

長谷集

卷之八

三

長谷集

卷之八

三

何

有所樹立可觀見于世爲士者相逐取功名建勳業或不仕亦往往爲其鄉赴難捍災卽無所用其才則治產積居與時相逐而不責于人其或懷挾獨行依附名山川以舒其胸臆要之皆其地氣使然視諸他所產腴腴卑近者遠矣程子居邑南五十里汭川之上其先世在李唐時仕爲中丞諱灃者自篁墩徙居之至于今已數百年其相承樹立凡可觀見于世如前所云者甚衆至程子始隱迹不仕乃獨表見瓚瓚泉源以章其高世之意豈其情之所契若老氏所謂上善若水者耶夫泉之爲義流通遠出不爲木石所阨故君子以爲果行育德此一說也丘園泉石之間賢者樂焉王侯不屈而束帛不慕親世路所重者如鴻毛此又一說也至于先長者數百年之鴻業屬之其身則又將以勗之其子孫使無忘創建之勞又一說也夫自流通果決之義以自況則可以立其德自其所自重者適其意則可以隱其名自其先業所居使不忘于後世則可以遺孝于子孫是三者皆君子之道可以爲上善矣程子之意蓋取諸比耶子聞其

爲人也雖有大才未嘗比權効功于世然意有所然諾則重千金故旁郡國爭稱其賢自江而南莫不延頸願交也此豈非昔之所謂賢豪間者耶然於世情澹然不入其心適意時嘯歌吟弄悠然與造物者遊其心其於蒙泉之義弗愧也君名棣字子芳

雲洲記

雲洲在曲阿之吳塘其所由名以京口後山雄據大江上鬱葱之氣結爲雲物亭亭如車蓋見之唐人記注久矣曲阿在其南故號稱雲陽而

長谷集

卷之八

二五

何

洲因以名焉又其地西望句曲冠蓋宇內三峯矗立萬壑趨赴其雲氣尤勝易飛候云有太雲五色具其下賢人隱荆氏以神明之胄世家其間產多名俊士其稱雲洲先生者名文昭字構精廬洲上讀書工古文辭爲學者所宗慕歲已未以進士起家爲烏程令其治以澤物利民爲本烏程之人尚織繭務本業自海上軍興誅求甚困先生至卽多所裁節始有樂生之心其旁郡國論訟有詭僻不易白者監司必付之先生先生政既慈祥復練達民間枉濫因得以

湔雪仁所被及殆不止一烏程矣今者將爲公車徵進置之台司密勿之地蓋世之澤弘於天下可待也昔人有言觸石而出膚寸而合不崇朝而雨天下者五嶽之雲也先生將爲傳說之霖雨以揅大旱乎將爲卿雲之瑞應以召太平乎是洲僻在南服自其主人槩節卽可勝其地配之五岳名山矣予雖遲暮之年他日尚能執筆爲之頌因紀其略徵焉

甘泉亭記

雲洲荆公治烏程之三年政通人和百廢具舉薦揚其才可大用者數矣至壬戌之歲水災盡去雨暘時若舉錡見趾田疇勃興高下如雲廣野鋪綠猶慮窮鄉僻塢田未盡辟乃因諸士講藝之暇南出勸農省其勞乏抵菰城入金蓋見有流泉出自何山者清瀾洞然沃野沾溉東經道峯之麓下注廣畝乃喟然而歎曰是泉也濫觴一掬潤及萬物五湖七澤相待而浸以生百穀以育兆庶此其一源乎然其伏匿深晦韜神蓄靈視之高人隱士不求聞達者何以異也諸士咸相贊曰泉在深山窮谷歷千百年無知者

長谷集

卷之八

三

何

我公省耕問俗留心民事知長育之所自念民計之有資請構亭而名之曰甘泉爲去思之張本可乎因請予記其事予惟公之治烏程其始至也剔弊更化務在拯民疾苦自一罰而上罔不究心殫慮既而息其繇訟均其力役惻痾瘼無告咸獲安其田里又旣而留心學校新其堂舍科士增額橋門加衆乃又置立學田贍給貧士予嘗究觀其所自蓋其宅心平恕和易近民其知足以通幽而察微其才可以任重而致遠是猶泉之有源蒙以養正故清澈甘美而後潤及

長谷集

卷之八

七

真

萬物誠無以異也以是而名諸亭俾後人知利民之本出於五行之順序致百穀之美澤皆於是資焉而公之德政因是可以係民之思矣他日利涉大川澤潤生民而發軔之地與是泉同垂不朽固諸子建立之初心也是爲記

真率園記

園何以真率名鳳峯先生平生任真而率素其爲園亦不甚飾自然有真意故云先生世居郊廛之東卽旁宅爲園四週林木蔽翳平田廣野迤行而秀發雖非盡皆其業自其園觀之固隱

然林丘也其地有廣池瀾漫魚鳥相狎古木壽藤素多蔭蔽稍位置亭館不加藻設而朴野有餘間或點綴木石亦不甚鉅釘而參列旁午各有天然之勝雜蒔花藥錯以果蔬綠陰芳草之間蒼寒茂密時復鳴鳥變聲若招而集也先生甫入仕爲尚書比部郎卽寄情其中酬對少暇必逍遙著書竟日夕不出其後參佐湖藩方將柄用乃念太夫人高年卽興潘岳閒居之思翻然告歸以承其歡聞其風者無不高其志節而園趣日廣所著書亦成矣園東有曲水環帶因

長谷集

卷之八

天

真

以環溪草堂名其集有自也歲癸丑以來帶方諸夷爲難海上諸大夫徙宅入城競問高居先生獨取幽寂有竹樹者居之其性固如是人因名爲小真園先生仕官之節著在有司所至必有開譽久而民益思之其所由然者平易及物率多惠政而操行有槩不求人知然而誠心素業自有所感動不能忘也予嘗慕司馬端明之獨樂園方是洛中競以名園相高王都尉晉卿至爲危樓甲觀高入雲表而端明乃作窟室如野人邵先生以巢居穴處兩嘲諷之其實雅

重端明以都尉表見之也其後端明爲真率會集洛中諸老至今猶稱爲盛事其勝在人不在園亦從是知矣先生方爲雅集彷彿端明故事予別宅在吳興山中想能待予以季孟之間從諸老之後雖載雪衝波亦當不遠而至若朝廷待公以政府都門老釋皆將想望風采則予竟頽然以老又何言乎因附爲記

水心園記

喬子啓仁業尚經綸志樂夷曠欲營讀書憩息之所乃西步林壑緣迴溪幾四里得蔚然幽寂之地焉歲在壬寅之秋鳩工料材斷土疊石位置池館藝植芳蒨其門巷陰森多栽年柳搖金陰綠寄以依依漢南之情修篁萬挺清風冷然夏日移秋晴牕聽雨日與此君相對兼之芍藥春葩芙蓉夏采老桂飄馥蒼梧亭蓋嚴梅混雪籬菊含霜四氣呈珍百昌耀秀拊時育物亦足以發其性靈游居大化也且廣庭空寂危石獻奇屨株玉樹森列旁午蒼雲翳目小雨生潤映帶于暮烟寒雨之中而紫芝之堂香霞之館致塢玉關之幽僻采芳振衣之豁朗瓊臺玉宇小

列蓬島曲橋層榭空接斷烟潭池引水潄爲壑谷林扉印水星河倒挂忘言引興魚鳥爲徒則有水心之構以總其勝于是三徑悠然二仲時至琴書偶列烟霞發秀開卷興關則逍遙散步偶得意興則嘯咏自適可謂蕭然獨寄俯仰無累者歟嗟乎西蜀子雲之宅南陽諸葛之廬亦豈殊是哉顧其養靜專志游心藝術思出風雲自甘幽絕遠近聞之莫不歆慕一旦龍騰雲興依附景命陸沉不返真意俱忘使山中之猿鶴空悲桑乾之悵望何及雖有北山之文亦何待于王孫也啓仁行將有珪璋之用幸無忘幽貞之意是爲記

遊保塔山房記

余臥老九霞山中不入武林者蓋一十有六年浙省諸大夫交際至者不可無報謝庚申之臘且及除諸大夫以使出者會當集省中至則止獲謁右轄胡栢泉先生及憲副沂東劉公及學憲中方范公于是集于保所塔下是月也月宿畢雨雪間作無晴時是日晦如常諸公公事畢晝漏且及申出自昭慶院歷坡陀迤邐入山房

忽覩日在山椒逾半嶺湖光條眺見長江如帶
烟霏宿靄退入東溟與海氣錯雜湖上櫓櫓紛
出鶴鶴且摩空矣幻境變出不意若賜自山靈
者焉因命酒入坐沂東公慨然歎者久之中方
曰得無以辛次宗謂城可灌者乎沂東曰是矣
史或訛謂陳同父非也同父蓋聞之辛云南宋
祚終之日伯顏蓋操其策而無抗兵者然此語
竟爲防城之一略栢泉語及杭俗靡敝視昔猶
然元末圍城中有握金珠坐斃者可鑒也中方
曰此當自士夫家以朴儉率之無不可變者嗟
長谷集 卷之八 五

端諒堂記

端諒堂者今吏科右給事中白灘張公奉
敕詞云惟爾承憲共推宿學爲時譽髦求端諒
茂明之士無踰爾矣方是 皇上潛求方正士
將備官僚而公之志節蚤克自樹一時風采外

內咸所推重故詞頭及此實錄也因以銘諸所
居之堂蓋思自砥礪云堂在華亭治南與憲解
相望古識記華亭城有日月河今其前流水卽
日河也公之四世祖曾一公自葉謝里遷至此
築草堂以居至其伯祖良菴公任御史時因被
回祿改建爲清峻堂其後棄於他族公念宗祧
所自始旣仕始復復之歲乙卯又復被燬因竭
力構成斯堂蓋視昔益加崇煥而深遂委曲自
非大會集未嘗輕進坐客於此蓋其尊重
聖諭崇尚世業以示光復艱難之深意也自昔

長谷集

卷之八

五

華亭四著姓曰顧陸朱張張起彭城輔吳三世
有功其後與丞相濮陽興議立孫皓不合遂散
其族於東上三郡今三郡之張獨盛於華亭自
入 國朝華亭以仕達者大都出張氏族姓旣
繁茂至各以所居地名其家如白灘之世爲石
幢張其一也其他若城河漕涇龍華塘橋陶行
鶴城三節石牌儒林諸張之名甚衆華亭仕族
止此一姓爲然是可以觀其盛矣漕涇爲莊簡
公之派城河爲莊懿公之派二老名德在諸張
爲尤著至今海內稱爲端人白灘公列文學時

論及鄉長者以清簡渾厚有君子之節而立朝風采端方正直有大臣之體惟二公爲可師誠確論也今公入仕來方正縝密事事不苟嘗云諫官當以成就天下事爲主與省院諸老集議徐以一言輔之諸老肅然信嚮莫不稱其宿學有來歷一時譽望遠近慕焉 敕詞所及固有自也一考之後恬然請告且已餘十年閉門著書游心法象之外而不交當世諸老知厚者往往移書勸之再出咸不應其居身之法所自來已定又非仕官之節而已以是貽之後人則銘長谷集 卷之八 是宜記

上海令喻公政成記

右山喻公來治上海爲歲已酉先自甲辰來江南連被旱災上海地尤亢瘠民不能自聊以生所逋負官租且數十鉅萬而豪右有善業不被傷者習爲欺狡亦往往匿其征部使者督促至急切前後所逋日益廣所司者雖被譴亦竟莫誰何公來殊憂之而歲適稔乃進諸父老諭之曰求福必須避罪安生莫若完官當爲良民以

教子孫毋蹈愚轍自取後累于是民間爭先輸納無後期者間有狡黠猶挾故習不肯上供則以刑辱加之而亦非其情也三年之間京儲咸辦不缺乏他縣稍詳緩卽新舊蠲積其後不免嚴法征之雖血肉糜腐不復可得而上海顧獨安生始復感公爲慈母之愛而忘其嚴父之政矣嗟乎今世三邊百府諸所需大率全仰于東南而蘇松爲尤劇今之守令雖以孔孟居之亦必以征科爲首事而後教化得行焉不然者雖有愛民之心且重獲罪而去亦何益於民哉公

長谷集 卷之八

每念及小民窮困凡不急之務無益之費一切斷絕不舉雖士夫交際悉從簡省自非公事未嘗舉酒宴樂至于室家之奉尤加儉約民間自征稅之外別無他擾或上司別有所責望或欲移其正料他出者必正言厲色以拒之甫及一政卽以考最去士民殊戀戀不忍別請予爲記

公名顯科字

公承部檄瀕行適倭寇犯境邑無城可守民之奔潰勢所必至也主兵者欲自道其責公遂被論淹滯已逾十年矣民殊思之

碑附

湖守李公增建郡城碑

吳興城建自東晉不數里而遙至唐李師悅以平黃巢功陞郡爲忠國軍而建節于此置四廂錄事司參軍始擴其城至二十四里元季用兵僞吳築而小之僅及其半卽今之制也歲久頽敝在江南七郡爲甚近年倭夷爲亂蘇松杭嘉諸郡被其毒士民殊憂之前太守徐公督歸烏二縣料理而財無從出僅飭女牆補穿塌而已歲丙辰潞安李公下車首詢禦備之策士民

長谷集

卷之八

三十五

碑

咸以修城爲急務公乃周視舊城慨然而歎曰萬家生命惟此焉賴豈可循常襲故以虛文自彌哉乃攷求古制得宋太祖手畫汴城之圖凸凹相次環縮相倚卽倣其遺意擬立大箭臺七座單臺四十一座其南北水關直受餘不若溪之衝舊設三門而單薄頗甚迺增厚城面一丈六尺脚厚一丈八尺城身高五尺兩旁各設箭臺以爲必守之勢議定以二縣所申轉呈守巡及水利道旣得請又呈達撫按准用二縣估計料銀三千二百四兩餘乃以歸烏二縣行

長谷集

卷之八

三十五

碑

折銀及本府所貯各縣解到修城銀并贓罰鹽鈔學田銀備由詳奪乃委烏程知縣蔣君某歸安知縣李君某分界督造二縣監生某等及殷戶某等體公憂民之意自願效力者共若干人公咸推誠委心咨其謀度躬親臨視務在堅固百雉惟新三門洞豁重關峻立層臺夾輔奕奕巍巍勢如地險至於箭臺相望連絡壁立射疏相及犄角成勝東南之保障莫有先之者矣丁巳之八月落成距其經始共若干時公之爲政守常達變操端履平仁恕近民精明及隱民蒙其福而吏不敢欺是以上下相安庶務畢集雖茲浩大之役不期年而告成有如是者闔郡士民感公保生之德以爲不世之舉不可無述以告來世遂紀其始末而系之以辭曰於美吳興被山帶湖旣沃旣康附麗黃圖承平閱代城堞曠疎周垣弗飭川谷同蕪帶芳草竊赤縣凌夷民惕以驚負擔在途於赫李侯思奠厥居策奇制變大展其基樹以崇級洞其川涂夾臺凌跨制衝及踰長垣延袤樓櫓盤紆間植危堞以資射疏睥睨言言版雉渠渠旣堅且好

隱然名都於赫我侯卓建其謨郡邑同心蚤夕
劬劬民亦子來庶士敬趨念侯憂勞靡敢怠愉
奕奕茲城險阨三吳千億其年惠我居諸矧侯
之德及廢且枯政令閑閒鮮事追呼民以永思
若顏若蘇何以報功侈蟬及蠹

長谷集卷之八

長谷集 卷之八

七

長谷集卷之九

雜著

華亭徐 獻忠 伯臣

跋彭孔嘉詩

孔嘉詩中含沉鬱之思外被組織之華聲調和
平詞致暢越可謂風流自命者也予嘗謂當代
詞人初過於質木再僻於流美獻吉之出力持
格氣濟以葩豔可謂雅道中興矣惜其和平之
氣未舒悲涼之情太勝豈燕趙悲歌之遺耶每
思氣候和樂發調嫺雅有遐然遠意無事雕飾
者讀之久未得也董君子元持示此卷不覺讀
之終卷歎慕其人惜未接其蘊藉之容光也因
書其末歸之

題中山呂翁詩

予讀中山翁詩始知世有隱人不愧於幽人之
貞者焉翁居萬山中其心空洞虛玄直與烟霞
相映雖氣凌巖壑而不樂放誕性狎禽魚而不
至絕俗故發為詩歌幽深窮冥漠曠蕩凌風雲
玄超幻妄而弘浮眴篋間有憂世憫人之心出
於嘯歌擊節不能自己其情者亦可以見其身

雖晦遜心無沉痾矣其仲子尚賓今世雅士持
所刻二卷示予浙水之東又見一呂微之矣因
書其後

刻續書譜後

續書譜者宋姜夔字堯章所著書家論著蓋自
中郎九辨天台紫真論訣衛氏筆陣石室論九
生八法撥鐙筆髓諸作孫過庭旨趣其言作書
譜等矣而葩文麗詞不盡其意又後來臨池諸
訣復不可廢者數十種堯章續譜之誠多所妙
悟而其本始顧不已廣乎夫書家本出六書之

書本集

卷之九

三

義先王至教存焉自古文散失字義磨晦乃始
有法書論妙者云今天下藝書者何止十百家
而六書之教竟莫表見于世豈人之恒情多厭
薄所苦哉予讀許慎說文攷楊恒武子統書蓋
嘗傷之雖法書所尚不可得廢而此其義又曷
可少焉

跋東書堂舊本

予過嘉興郡齋訪梓石畢公出東書堂舊帖紙
予予少時經見此帖于董氏山房云 周府初
刻成進

文皇帝舊本宣德中賜御醫徐叔珙者也今翻
刻已數四歲非善本而原刻存者搨手亦不復
佳予每存念此詎意轉入武庫俾垂老復再見
耶世所傳閣帖摸本何止數十中惟絳州舊本
太清樓可觀然絳稍峭率太清露骨摸手皆出
玉指之下况其餘乎此帖姿度嫺雅在後世諸
刻之上惜其添入諸帖解于趙氏之外不免濫
拾然去寶賢堂刻遠矣梓石公云洪武中分封
諸王競嗜寶藏周邸獨得閣帖真本自後世子
遂得著筆意摸勒此刻非他可比數也公今世

書本集

卷之九

三

博雅士其言當有所自因附云

書陸國聲字舊後

予自幼喜法書攷閱百代惟晉人妙入神品唐
四家擅稱鋒鐸不免峭露闌亭摸本惟率更爲
昭陵所重恭公廟堂碑筋影內藏幽閑獨秀者
也至魯公千祿字則場屋書耳惟二祭稿掉運
有餘態又在坐位之上其帖見武陵郡齋本宋
惟坡有鍾法至於變動飛躍獨南宮擅之或以
米家筆仗失晉人姿態而後固鮮及矣當時臨
模往往以亂真舊去松雪少習鍾法然不能展

作大字因規北海淳樸樹碑更變入岳麓今所刻如番君寶雲是也入國朝大以章書師受不復知有晉法惟蠅頭細書僅類鍾耳然不能藏鋒失其渾成之妙近日文徵仲細書碑本直與率更法華寺碑亂真行書非所長耳偶見陸國聲所寫傳受篇識此於後區區僅及知耳而非能者今老矣徒好而不習社老不能把鉏鋤徒坐而談農何益也

書農桑輯要後

先曾舊有此書爛棄故簾中予裝爲三冊中間

長谷集

卷之九

四

所論亦有南北俗尚風氣不相宜者然其大旨皆農圃之經也麋鹿之性素喜花藥果蔬老入吳興山中樹藝尤多使子適情養生皆此書之助與諸經子竝列不爲過矣

書葬書便覽後

子南刻葬書用草廬先生釐定本徐子曰予嘗泛中泠眺石簾見其上有郭璞墓以葬書旨義質之殊戾不合然其所著論豈後人托附者耶或曰景純守死善道墓乃出其子如漢俚人事此未必然又玄武湖洲渚上亦云郭璞墓或皆

葬事者附會云乃其書辭節近古不高詭其論視管輅指南之作冗泛無領要相去遠矣

水品後語

予有先人杯土在君霄間頻往來山中發白雲泉探洞壑久遂乃得是說構論之曩予謂河伯未見水端良使北海若指矣予此論著未入五嶽名山及東泉百源徒自謂得此也視諸河伯之見更有淺淺又敢與北海若抗論耶

書樂府橫吹和曲後

漢曲自橫吹而下類有不傳者何也哀帝綏和

長谷集

卷之九

五

二年詔罷樂府官去鄭衛之聲其郊祭樂及古武樂在經非鄭衛之聲者別屬他官按孝武立樂府官其廟祀樂若大孝備矣以下諸詩群祀樂若練時日以下諸詩瑞應若天馬以下諸詩及燕樂鐃歌十八曲皆其一時所謂正樂也其後有橫吹相和等曲則雜出矣夫古樂必以八音者以天地有形之物可以取聲氣者惟此八物盡之八物異器高下清濁異音調之使平使之使合而後可以宣八風感天地也若鄭聲者止以絲竹絃匏清聲稍以鐘鼓緣之其遲濁難

諧之音皆廢不用於是恣爲新巧淫靡之調
淫心耳使聽者忘倦而蕩情焉故仲尼惡之也
漢所制郊廟諸樂未必盡用八音與否至於鑠
歌之辭亦有風義可興而鈴鏡相錯實非召和
之器而況於諸雜曲耶故自孝哀廢黜之後諸
曲率有不盡傳者魏武爲好古往往攷其舊
名補以新詞然不知所以去之之故與正樂所
以異於鄭聲之說說者徒以桑間濮上爲淫俗
故以其聲樂爲淫聲而不知以煩手淫聲得名
初不出於淫風也蓋當世諸侯率用鄭之樂師
長谷集 卷之九 六
如師惺師慧率皆賢智士止以矇瞽易以考律
初不爲其俗寫淫風也然則變風存於詩者孔
子何取焉傷先王既沒之風憫世道易移於俗
以是辨土俗垂教戒循春秋之示王法也若以
其樂爲播揚其敝俗而作也則其國有執政之
賢者蓋自諱之不暇豈有宣導其欲以治人者
哉予既集此因附平日所見俾後之攷音樂者
知所自云

書唐樂入破後

大抵正樂舒緩無繁聲雜樂至轉調時繁聲急

促故名入破如琴中泛聲皆繁聲之流於鄭爲
者也陳氏樂書曰唐天寶中樂章多以邊地名
曲如涼州伊州甘州之類曲終繁聲名爲入破
已而三州之地悉爲西蕃踞藉浸削矣今誠削
去繁聲華入破之名庶幾古樂也又按秦晉和
對晉平公曰先王之樂所以節百事也故有五
節遲速本末以相及中聲以降五降之後不容
彈矣於是有煩手淫聲怕淫心耳乃忘平和君
子弗聽也自鄭衛之變淫聲遂多不復以雅正
自節後世因名其聲爲入破卽賢和所謂繁手
長谷集 卷之九 七
淫聲也宋朝遂以有節者爲曲以變聲爲破以
曲破併名之

吳公奏顧二疏稿跋

此荅源吳公奏疏及顧天疏稿也公諱麟以嘉
靖丙戌進士授刑部福建司主事後以才望改
授河南道監察御史公性至孝事南山翁及張
太宜人甚謹歲丙申太宜人病醫藥不能平潛
以代死疏籲諸天公既沒諸孤檢遺器得其手
稿始知之籲天之後太宜人延壽二年然則金
滕之事謂無所感動是詎天道矣先甲午彗星

示變公方出按廣東因論劾汪都御史鏐及王尚書璵不職語侵張公敷敬疏既發而齋者道死及再上而公之弟石岐公龍在吏部考功司見張復被召入閣而汪冢宰疏入公必有奇禍因匿之不上而事已章不可揜方是考察京朝官汪屬余考功總緒及魏給事中良弼使檣之二君皆持公道不應命乃以疏中語激怒張公投進揭帖謫授泰州判官并奪降魏給事今稿中云弓字卽張也又易汪鏐字爲皇紅爲王弘易王璵字爲王官爲王窮悉爲侍書者所泄

長谷集

卷之九

八

也旁所改注及開首四大字則公脫稿時手筆也嗚呼求忠臣必於孝子之門觀此不益信乎然公之持身甚端而聲望日著遂復入爲武選郎中出守安慶轉山東按察司副使方是南山壽已八十有六弗復侍養念之成疾因上疏乞歸與其弟日事翁以君子之道山中諸老因結雅社以成其志侍親之暇因復教諸子以德義諸子行義日隆仕學兩就吳會之西稱望族者先焉公今雖化去典刑不沒遠近承式以爲令門德範諸惡忌公者視其後世何如也公之末

子維京以諸兄之意俾獻忠識其後而忘之臣書其始末如是

跋旌節錄

夫詩書之言文德尚矣乃其微美見於閨幃而非居其變者也至於世典所載錄所遇不辰而其行至高卓固有文學士所不逮而爲之無愧於先王之教者予往往憫焉樂頌之若洪雅張太恭人其一也方寄菴公以御史守漳郡卒時太恭人年甫逾二十卽以其身擔負綱常之重拊視其子蘆村君克繼甲科之鴻業自非德性貞純操履靜專深明立身之義其孰能與於此

長谷集

卷之九

九

在易節之象曰君子以議德行夫德義何容議也行或過中則至於苦故曰苦節不可貞其在六四曰安節亨安節之亨承上道也擔負綱常安而不應者以之其在九五甘節吉往有尚其啓令子之德業往有攸利以之夫先王之教不盡爲女婦設天以正性命人亦均耳獨女婦秉性靜專不雜不散類享有終之譽非若文學士或有所出入也觀風者采列其行以風天下其厚俗之政亦大矣蘆村今自武選僉浙江按察

司其僚峒峯曹君俾余著其略諸名家已多所
論著爲書之末簡云

書節孝集後

予遊覽吳興往往得繇俗於其長老則聞湖有
兩節婦爲棟塘陳公之母都氏與周母朱氏云
癸丑之亂始移家晉上獲交棟塘公旣而得接
周子於連川施公坐其人謙厚有儀不踰尺度
郁然文士也連川平生慎許可乃極揚其母氏
之節槩且曰此君四月遺孤也有操行而文皆
母氏教法也予爲之肅然敬焉其後周子偕半

長卷集 卷之九

溪李先生扣予山齋半溪李先生狷介士所交
合甚寡而與周子密交且極贊其所操因獲觀
其母節孝集慨然而歎曰觀其節誠不愧漢荀
氏采而四割股代父母死又出緹縈之上矣李
先生曰周子家素貧母氏績紉而食撫其孤至
成立若此非有丈夫志者不能周子能以德義
事其親俾母氏忘其貧有是母故有是子諸君
贈言珍重良有自也嗟乎守死善道士君子所
難而女婦之良者性行靜專爲之顧有餘力而
禮法典教咸足表著其于家人之道弘矣然至

于克教其子者寧多見耶予羨慕陳母之賢者
以爲節操雖隆猶婦人本分事世教衰薄貞俗
瀾倒故節婦殆希備要之古人不如是故孟軻
氏早孤其母履操不惑有光閨幃不表見乃獨
表見其亡遷之教云周子自少以學行聞見重
于二君子且遠出遊學擇其賢長者師之家雖
寢瘠不爲苟且浮華以慎植其生斯皆君子之
大節自非賢母抱持之日卽有教法者不如是
然則朱母之賢又有出於節孝之外與都氏並
稱爲兩母何媿焉

長卷集 卷之九

跋說劍圖

按說劍爲秦人薛燭對越王允常說所鑄五劍
而取純鉤湛盧爲獨良者也越聘區冶子作之
蓋因破赤董之山而出錫涸若耶之溪而出銅
合二物於水火之齊五精之陶用陰陽之候取
剛軟之和而後成焉者也劍器古所以防檢非
常備威儀故君子之國其人衣冠帶劍然莊子
因趙文王喜劍而規之其所說又出乎劍器之
外則君子之所尚抑又可知矣此圖本出宋梁
楷其危然肅者越王也坐而偃恭而詳者薛燭

也侍王而聳聽佩劍而肅然者以禮承君者也
曼胡之纓短後之衣遠在堂階號立而虎視者
侍衛之力也其規畫布列如是而神氣不足以
充之識者一見知其模本鳳林吳氏宗伯藏此
因識其詳云

題赤壁圖

此子瞻遊赤壁圖也海內勝地爲高人賞識者
何但赤壁畫家獨多寄意於是何也蓋公之賢
達名世黃州之謫徒以湖州謝表爲檢細中傷
尤世所追惜而前後兩賦曠達不羈不類去國
長谷集 卷之九 十二

違時之作至今讀之躍然而快心奈何不重之
也壬戌爲謫黃之三年臨臯亭在黃之游其後
得故營地所謂東坡者耕其中因構雪堂公所
與客卽黃人潘邠老兄弟及參寥子也是時公
年甫四十有七其氣方盛以元豐願治之君願
與介甫不合不能立朝以行其志其後宣仁之
賢深知公矣又與君實議崔役不合而去徒以
勝迹遺後世爲圖史美觀是豈公之不幸耶天
將加意於執祖之子孫而拔其本根壞其氣脉
必有司之者矣是圖爲文徵仲手筆以遺進士

荆君者爲題其大者於後

蘭說

予采蘭九霞山中得九花者或曰蕙也攷之碑
雅淮南子毛詩草木疏諸記錄蕙乃今之零陵
香芸爲今之七里香孫爲葛蒲蘭爲白芷鬱十
二葉搗而和之曰蘭蘭九葉或十二葉花出葉
上者爲真蘭本春產楚辭紉秋蘭以爲佩要之
沅湘鼎澧之間至秋始花如建州本惟吳越則
花於春和方暢之日得正氣云蘭廣而長節節
中紫赤高者至一二尺若不及十二花或九花
長谷集 卷之九 十三

皆非上草夫幽蘭不與群草同列乃生山之巔
際其與楚人行吟澤畔得之者幽絕更甚矣予
僂陟而采之不可謂無所遇然猶有目爲蕙者
嗟乎漪蘭之操奈何不爲尼父感發耶按淮南
子云男子樹蘭美而不芳說者謂芳草之性宜
於綺豔夫蘭性幽寂不資灌溉不近人層厓絕
壁沙礫明淨卽多繁茂一經移樹萎謝斯甘若
與閨幃比迹豈其性耶淮南子以幻劫遺蘭亦
甚矣甚矣

大地圖說

大地圖者即陰陽之體著華夷之別者也外立
大圖者大地之體中小圖者中國之體中國之
外曰蠻夷狄戎蠻夷狄戎偏陰偏陽之體也太
圈之外用點者瀛海之形也瀛海尾閭之外至
於不能負載則元氣渾渾矣蓋地力至此已盡
徹上徹下皆氣也所以蓄大地而浮之也然則
東南海島雖浸於海中地體聯於中國矣蓋地
之屬陰者多矣而起其屬陽者必窪而下西北
偏陰積氣空虛無用故多負剛骨突而過高東
南偏陽浮薄多虛不滿故窪而過下流水歸之
人見其渾為巨壑曰地體至此盡矣不知陰陽
偏性各相為殊如此夫陰陽相對其勢必交交
而中氣立焉是為中土中土者中天地而立者
也中土之形山分兩戒以包中氣江河並流以
出其惡兩戒之內相去千里而遙突窪得中坦
然可由為帝王之大宅何疑焉古人謂洛陽天
之中而崑崙乃地之中此其說妄也夫自洛
之陽城仰觀北極出地三十六度南極入地三
十六度過此則遠近各勝此定之天也中土之
會四夷來同聖人中處焉此定之地也燕楚之

音各殊而夏不獷側 崑崙之墟焉可同於此
乎彼徒見地絡糾繞莫高於崑崙而不知陰之
突與陽之窪者各相對待也故有崑崙極高處
必有海島極深處配之而陰陽之中見矣若夫
兩戒者上應二十八宿周垣唐一行之論也北
戒負終南地絡之陰為黃河之源所以限戎狄
也南戒負終南地絡之陽為大江之源所以限
蠻夷也一行之見可謂了了矣而不言中條之
中有中和之會夫中和之會地之大會也陰陽
之大交也自古聖人之有天下者生於其間而
河出圖出書皆所謂乘其會者也求地中者曷
不觀諸此乎然則洛陽可都歟曰王公設險守
國形勢為上關中三面險塞上應微垣幽燕背
負關陝以當戎狄之守帝王萬世之業也若洛
陽者建中氣立明堂班朝受貢事畢而歸以守
險固此周公竝建兩都之初意也

大地圖贊

乾天西北其來何門巽地為戶曷盈曷虛地絡
相糾氣機相役形氣首尾夫孰尸之天精地靈
洞貫六虛剛柔晦明各司其應精騰者昌知會

昔一寮皆在人嘉運則玄妙契無心攷微有
撫機得會其道不息

觀音大士贊

為張仲友

世有如是相如夢幻泡影世無如是相夢想行
識盡普陀懸虛空慈悲真常性虛空常自在無
根無境靈感不思議妙應非慧定不落真常
不聞剎那頃若作如是觀便見光明頂

曾龍江先生贊

此江西學憲龍江先生像也懷慕德馨往不可
作曠焉有感其何能已乃為贊曰

康介集

卷之九

本

何

德馳衆望道合人宗高標山立正賢春融方介
不移坦夷有容懸軌南服超然鉅公

連理芝頌

有序

蘭溪章氏世德華茂至樂靜居士樹德益厚
生后山公善植業與弟素菴先生相友愛僅
一舉于鄉即棄諸孤諸孤仰承后山公教育
不知其孤也是以益敦孝弟鄉人歆其義焉
歲在己亥有芝產于前榮異董合蓋佳氣葱
鬱觀者以為和氣充溢天寶相之今諸孤适
未進士列為王官迷丙午薦于南宮邁

遺文學有時名皆遠大器台山公夫婦康寧
晚益二子五孫一門四十餘口位同品彙施
無間言可謂道德之遐軌名理超然者也予
受交知之末董慕善族乃為之頌頌曰

輝神芝如雲如虹合穎殊莖糾蟠從龍紫氛
耀柯黃裳顯顯坤元授祥挺千前榮佳氣穰郁
靈光鬱芳林布稷敷寸合鍾天矯欲升峯律
石峰仙與在顛御氣雲中懸華若象輪菌丰茸
系茲元符昭我穆容統官以居合釜餐饗佳
在堂積氣流離德軌遠揚文標發通景風上宣

長卷集

卷之九

主

靈貺悠崇太乙授圖靈修效衷鴻慶有虔祉福
彌豐樹德益滋遺欽黨宗永綏厥世祚我皇風
韋軒黃令為顧氏祖修門坊頌

穆穆我侯邦輔維新至仁潛沛善政橫陳無弱
不攜彌遠不殷三江式祐四遠同春有彥在昔
表榮于里闕歲既遐門坊頌地興賢卷念式廬
駐軌乃肅共工羣光簪宇百年藹壤陽春載晞
砥飾其名曠朗有輝佩茲明德邦人曰猗頌言
在道匪去見思

劉公德政頌

有序

郡侯劉公名存德泉之同安人德宇清夷道
心玄曠溫恭典厚慈惠寬和遠契物情近敷
民則爲國宣恩不遺微令與民造福違情
神在郡三年豐穰接至宿道積負所以補償
且其用法平恕立心豈弟簿錄減省園室空
虛生民樂業流徙返服古之遺愛非公其誰
初政甫成遂將奏績借寇無階攀留何裨聊
頌明德以致區區頌曰

猗我劉公洵美名宗神情內朗外穆有雍穆
海郡改符青驄拊循厄會民疾在躬畏天悲人

長谷集

卷之九

上

輯和困窮簡卹科條守持平中惠心有李轉旋
歲功禾棲嘉穗晦獲金鍾積負漸償流徙歸農
哺雛育雌三稔彌豐郁郁我公名理俱崇文敷
世珎道聞聖功爰樹民極宣布厥衷最計甫成
肅駕言從公來何遲公去何勿願公復來春澤
再融

安吉守新原江公政成頌有序

安吉在萬山中自昔爲故郡原鄉之墟弘治
二年分置原鄉舊地立孝豐縣而安吉始陞
爲州其民生理鮮少而清議甚著故號稱難

治江侯以癸丑進士蒞治於茲處官如家視
民如子所謂節用愛人二事可無媿者也今
茲政成擢任尚書刑部員外郎士民感其德
政請紀於棟塘先生棟塘先生告之友知者
表章其事乃作頌曰

翼翼江侯氓俗是儀令德敬恭允塞其違操持
潔素布漠惠慈平夷知砥不激不隨刻畫爲能
擊執用奇嗟此畏途舉心相師維此江侯王道
遲遲心亦孔勞匪驅匪馳至仁不澤至愛不欺
上逸下安棘道成達昔無乾餱今有廩養昔多

長谷集

卷之九

上

追呼今無詆訾侯之至止民也逶迤古之遺愛
非侯則誰最績上聞天子曰嘻其作朕士綏我
寇司用弼用光詳猷以釐刑平則祥吏式作祥
惟此郭民戀慕履茲來歌云暮借政無期持錢
贈寵留犢歎時召遺棠陰習無宴池有美江侯
德音祈祈龜珉未勒路口成碑

吳興守歸南李公頌

顯允李公懷我露雨載此風休惠及禾黍豈弟
君子我行如砥宜壽永昌式燕以喜

侍御尚公頌有序

仰山尚公按江南四郡有善政其門下士謂予使頌乃頌曰

於穆尚公允司其直擢秀中方應圖天室法冠指仗霜臺正色按我南服海隅羣力以煦春陽手旋霄霹清波是揚穢翳斯激政除苛猛操融冰蘗鏘鏘才賢爲鼎爲帶力餘孽羅摩跳擲樹我赤幟重關固壁經略四疆殄厥醜賊意慮深沉不磨以泐止文謹觀決流泗溢肅肅宮牆有嚴有翼民沾澤潤士欽明德文澤沛敷几几其揚事端其始謀重其贖克有柔嘉濟之壽繹

卷之九

卷之九

王

郎青鄉君頌

帝錫其極輔我黃圖以慶無斁

郎青鄉君者晉寧化王府鎮國中尉女湯沐封也其儀賓承務郎傅子號西岡居士好學能歌詩南遊江漢聞機雲之風乃覽觀華亭與朱子吳子嘯咏爲徒子因得聞郎青鄉君之賢夫仙凡異源華碩殊穎自古聯屬宗姻未有不以騎鶴妬害自取疎廢雖有人道之常其能自善者寡矣故謝莊自同于滕膠轕

仲不免于強鋤自非上德超倫殊賢守令

能諧平陽之外館光沁水之風物和鸞于飛而協歸妹之元吉者乎鄉君涉帝子之津下天孫之渚諧瑟琴于景族衍箕裘之華冒立行潔于清冰抗志高于黃鶴執心撝順而婉婉成儀率禮衛茨而柔嘉有慶予蓋聞之有

長谷集

卷之九

王

之

姑嫜生則調其湯藥沒則代夫苦寢彷徨慕戀孝思深切是以傳子雖有遠遊之迹實無內顧之憂優游陶寫俯仰無累豈非鄉君善行美德使之然哉是以盛福來同茂其苗裔聯翩三子鳳騶鶴立彬彬然業爲文學庭除和氣溢爲休嘉蓋將有長世之福矣今茲初誕之期三子欲開長慶之瑞永致嘉平之祝相與致詞野謁予爲頌乃頌曰

穆穆良媛遐啓鴻源徽音柔佳懿德靜淵歸釐有章嬪于傳巖和凰孔鳴綏榮自天順心雍明

執禮翩翩孝道彌豐敬恭爾庭嬌姬始化上
穆清群彙蕃蕪景福載盈詩美參斯禮重德馨
副祿猶隆况侍鳳與人紀輝煌皇旻悅欣降福
穰穰休嘉竝陳靈苗三秀瑞霽五文朱軒玉轂
景命芳芬辰增列曜化被江嶺永懋其華千億
斯春

端硯銘有序

予得端石硯膚理泉潤且易得墨眼如海曰
方浮底列斗象前隱輔星珍石也銘曰

日浴虞淵斗藏元氣象緯章設華我人紀墨史

長谷集 卷之九

主

實用爲卿爲瑞

慎齋銘

自古在昔道哲曰敬立後世極是開其原作慎
作肅小心有翼金人在宮出好不殫惟口之式
旂常珮玉亦孔之威爲勸止則先民鴻軌俶俛
令章邁種含澤惟此戴公德義高朗上武明迹
操端履危如在之淵綜其允德有嚴其廬有惕
在心惠此身辟允聞令華永闕其章以憲金玉

實德堂銘有序

松石孫隱君作堂於雷溪之陽恭懷若翁與

高人隱士游且息焉翁已近百歲康食強步
如壯盛時而隱君孝行有常度殊類萊子之
情其子文郁請名其堂隱君曰吾家自前世
以來以德義名於鄉至我翁孝性夙成終身
感慕貺德於後人益弘矣至於勤心勵行蓄
義載仁遠近平洽內外有光以是享有大壽
綏寧和樂子孫滿前饒裕寬穆實原於開先
樹本不可誣也實而守之可以訓後人矣文
郁以告徐子徐子夙重翁之行且嘉隱君善
事其親也乃爲之銘

長谷集 卷之九

主

文

高堂峨峨姥及青蒼佳氣鬱鬱德芬載揚以奉
嚴君祚福彌長寶其令聞惠示厥常綺疏間靜
几席清涼軌則橫陳表儀洋洋詠及露斯賦以
考槃翁顏微醺其樂孔將高雲時下朱草生光
緬懷松喬遭際平康家慶日隆懋其宗枋百福
雲心隱節彌章

復沂東劉公啓

伏承貺及周安命辭珍重下士領問遺之厚山
家免樵採之勞憶自鈴閣之參承父辱荊州之
存愛趨陪公府價從常叨嘯詠高齋篇章屢時

九芝獲仲將之扁二妙超魯直之能邑里生光
門楣取重况休息其民再見潁川之政而甘棠
之愛方深何武之思借寇無階攀轅尤切豈意
武林之在望常懷露冕之行春再駕青驄式歌
來暮天涯遺老瞻望非遙客歲雲山追陪有雅
枉桓公之高駕挹庾老之光儀事豈偶然興殊
不淺敢忘留泥之鴻迹願常執策於龍門千鄉
猶頌夫舊君一息尚依乎有道

繳巡院龍池唐公核實庶官劄子

呈為核實官員事伏蒙臺下以善善惡惡之心
長谷集 卷之九

求公是公非之論俯加諮訪務在精究卑職人
微品劣智淺識昧素無水鑑之明何補照離之
用然清問下及赤心自露敢不據其情實以副
臺下愛國憂民之心乎竊惟人才之在天下有
所遇有所不遇遇者得行其志如鴻飛之遇風
不遇者欲致其力如涸鱗之望水仁者深究曲
察超出恒見不徇其迹而攷其心不偏其聽而
大其觀豈非居正無我之道哉今天下毀譽之
弊是非之端混淆無辨亦甚矣其居官者雖有
小智曲能而無顯迹可述然而善事上官結納

左右更相標榜盜取虛譽前後承襲不覺其偽
者有之或官方誠直民受其福而每事任真無
所托負不能自取聲聞而埋名匿德者有之或
政有卓異儕輩不及因生忌嫉而又拘於公論
不可埋滅則加之以好名立異者有之或小事
疎漏大節平正不能曲法事人得罪士夫因而
自廢者有之凡若此者品類不一自非上人持
衡審量博察旁求何以得其實哉司馬遷云實
中其聲者謂之端實不中其聲者謂之竅端竅
之辨明者察焉卑職謹承憲命考徵省內大小
長谷集 卷之九

官員實跡除臺下所熟知及可否未定者不具
外餘皆條列於後

會約

魏子明 周世貞 第元 顧文而
唐士通 顧汝修 朱和憲 朱邦肅

我輩辟居吳興不但地僻可以遠害實亦山水
清幽聊堪嘯咏以舒鬱思方此新秋殊為佳日
欲藉壺榼以集群彥又恐費多則擾非力所堪
或因費違情又為山靈所笑擬各持一肴酒數
觴以嘉其事可辦雖割牲非過之資則剪蔬咸
宜或偶闕持攜止將清興更為佳士若髻中有
情隨侍長者亦堪羨賞持有果核不在限內

何居士翻經偈 有序

五山何居士少獎禪宗大超識界身經壞劫而不迷於智仕列清都而不戀其榮雲間達士之宗也憫此世界昧其佛性業火熾而迷天苦海泛而無岸不識真如多生恐怖一纏世網卽難解脫因發慈悲思加拯拔以波羅密多心經般若金剛經爲大乘之真詮也乃集註解更加修述命工錢梓大指迷途白馬西來竟餘法藏天花毒散共植良緣吹印度之仁風振靈山之慧鐸潤甘露以轉發枯株

長谷集 卷之九

五

駕慈航而濟於彼岸維摩之病直同千劫之心遣教之傳不限恒河之界乃作偈曰

佛憫念衆生苦海無邊岸意界無明盡飄風落鬼國世界盡黑暗無有解脫時指出菩提路轉眼了然見慧照無根種萌發甘露雨清涼除業火無煩惱毒熱法門無二相普濟三千界輪藏悉皆空佛說是泡影不住亦不著自在金剛性

馬嶠寺重建山門疏

松郡馬嶠寺爲禪居之首同化城之宅名僧開創夙著奇蹤舊再營更勸賢嗣寶殿旣輝於

涵影禪棲復繼以精藍益謹焚修殊光法界已慰衆生之望尚虛結束之緣舊有山門今聯火宅穢迹遙于於淨土璇題未表於虹梁雙樹聯虬潛招覬覦四達馳騫殊褻旃檀今欲重構雲楣再開華觀限欄楯於週簷肅階墀之密相庶法雲之可聚使慧日之重明剎土必資於善業慈心大仰於群公福田非遠舉目可耕覺岸自隨回頭卽是傳大士精善果而悟其法身梁簡文夢華胥而超於至理尚賴五明善士共諧締結之心八解禪居得仗棲遲之費永彌天而祝

長谷集 卷之九

五

聖徹九地以垂光

長谷集卷之九

長谷集卷之十

華亭徐 獻忠 伯臣

書簡一

奉陸儼山學士

近日榮還忠有近出不得奉候水次比歸則知
旌御已東三日矣卽欲趨拜門下一展微敬又
爲群僕作偷逋逃過半門庭之累方有深防未
卽可出書生薄命自古爲然此輩不甘清苦遂
爾相棄炎涼之態一至於此始知買臣有薄婦
程公無善交載籍所傳良有足信者也卽日初
夏伏計山中樂事方佳道體增勝湖人朱崙長
千寫照茲來上邑忠謂當先伏謁地主輒敢先
容于門下忠于湖人情事宜爾固門下所熟習
也月初特有參承不備

奉孫穀齋宗伯

別後不一奉狀以南北漉漉奔走潦倒無由得
奉門下起居白顧蓬蘿中諸皆不可以聞于門
下故不敢一奉狀以千存念也伏計向來道復
百福又金陵山川盛麗官曹清散無更事又西
玄諸公朝夕相晤游良辰勝事歷有題記是何

長谷集

卷之十

一

長谷集

卷之十

二

奉徐少湖閣老 三首

其樂也人生適意中無輒輒變幻而有吏隱之
樂如此雖逍遙無上公何以過之近製幸望垂
教義甫張君特于門下誌其妻之墓而必使生
具狀蓋欲見聽也張君北回時途中得火病一
舉發卽百體震撼不能親造伏望念其積心賜
之一言忠亦領受矣忠遷葬先人至吳興時家
下生七芝後又嗣生二芝太府何公子魚爲扁
開先堂蓋取嗜慾所至之義固門下所知清暇
中得賜一作甚慰向求西玄先生久不見賜便
間得語及更甚幸臨風瑣瑣悚息悚息

別久不能通一問于門下皇恐死罪往年在浙
中被誣蒙賜漸白此德良厚甲辰春竟以此事
爲人力所勝平昔所自信惟天理二字至此亦
不足徵矣歸伏舊廬與世路隔絕雖門下厚望
盛業不敢一致書問想亦能量也方今負重望
于廟堂如吾兄者不多再見至于知無不爲力
足以勝其志亦無如吾兄者竊自念江南北力
耗竭莫如今日欲求拯拯之長計惟縣官也其
智力足以移人之明者旣足以營取虛名而任

真守分一意爲民又多觸人之望始知是非之
公不易行有如此者然孔子論堯舜之仁必曰
選于衆而後舉則獨任一二人之言者信未可
以清仕路而究王澤也吾松輪將之困不止一
節然惟解布爲甚今北人所便質厚而價省有
平機布若使南人以折價上輪則彼此俱利自
羅峯當軸以來愚卽以此望之或以爲小事不
建白今根本重地而民日削弱亦豈 朝廷之
福耶吾兄能爲鄉人了此則爲 朝廷布德行
惠亦既遠且渥矣山野之人別無仰望因王生
長谷集 卷之十 三
之便聊具此二節上塵清覽荷其言可采或不
遺葑菲之陋亦未可知也余惟爲道自重

二

甲辰上計入都以法不敢私謁不意遂爲人所
傾廢年來移家吳興山中守望墓林頗遠世路
雖於門下亦不獲一奉書兩年承惠歲曆珍重
展玩月令藝蔬時藥不失節候更以其餘推及
野老同沾調燮之惠其施渥矣門下方以災變
省懼不任馳念更望節宣以副

皇上眷注之重

三

歲底特承賜教辭旨溫厚懇切自門下柄
用以來獎拔士類萬象咸平海內衣被未光多
矣歲老年晏如不才久已彌節亦荷眷念如此
仰見休容之度感何可言吳生文德久承拊字
茲以公差南出釋性蒙昧乃爲狂兒所惑賴郡
公摧治奸惡然懷藉已甚矣今茲北上若非尊
庇必至流落溝壑自門下素所蓄念使天下無
一物失所此勗雖微想非大造所棄偶還鄉中
見此敢以附聞外湖筆一封竹扇一握聊充遠
信
長谷集 卷之十 四

復張西谷二道

承念及脚氣指使藥物審心周委佩之難忘竊
獨自念古稱四十強仕之年亦以氣力方盛可
備任使而僕顧異之獨不傷哉少病風眩頭顱
若空左下動搖一大齒亦幾十載加以瘍痔作
苦脚氣又惡性所快五辛八芳今漸遠不御竹
房風樹不更欣賞養生百物多列禁忌又不能
登山遠涉自同高人之踪舉動之間莫非老態
言之良愴然矣嗟乎
先霜露足下

謂僕何如而至此也夫塵土之途以奔走爲能
僕不及人者亦其素心至于闕景山寧淡風
震高懷放曠奇任相狎風昔之懷誠不致少讓
若使病輪不息發劇靡時幻塊纍然舒轉違意
則二仲在門大雅不竟四難并合徒抱負俗之
累豈不上懸休哲俯愧高賢哉夫足下既惠施
其愛僕雖陋劣敢不自努于志文子有言太上
養神其次養形審此則紫庭玉虛靈寶可玩乃
知稽康之論不當至妙持此奉會足下

長谷集

卷之十

五

北歸匆匆僅半開月卽奔足出門不能少承款
便以致區區至今歉然卽日初寒伏計向來道
履珍重備膺諸福金陵之游不知更復何時可
畢吾兄靜養已定且有諸君游居之樂山中宰
相何足爲稱區區念頭一錯遂落塵鞿荒疎小
縣他不足具形容惟唐子西山靜似太古頗足
肖似而訟庭囂雜簿錄煩多仍使人厭對數年
靜寄之懷一朝作惡今與諸君爲伍直當奴隸
之可也邑中名山幽僻怪奇之境亦不爲少性
喜羣居不耐獨往不得諸君蹤移山就我亦不

能取興而况欲移我就山乎昔康樂有山癖所
至輒深入康樂之迹故在近方而居守三月尚
不知其處生之不逮康樂不止文藝亦可知也

與沈微德

草草爲別殊不盡所欲言俗吏之風家居已列
而况執簿程書之日耶想念及此赧然爲負卽
日初寒伏計道復百福昔時與君擁爐添火嚼
霜螯爲酒寒景故在而此樂難尋心雖未阻而
興復懸絕人生離合可勝想歎耶所割正當剡
溪之源蓋出於牛山之雷嶺流出百里合於大
江自此至會稽岸谷之限蓋三五出沒雪夜之
訪其興不容不盡以是知王子雖高人良復當
爾今獻入居戴子之鄉又安能致諸君使同王
子之興耶會晤之期未堪爲卜惟有時通故人
之情想爲懽耳

與曹繩之

伏承孝履真切德福珍重爲慰滯跡甬東未由
謁教乃蒙殷勤通問殊深感激區區竊祿清時
無所展作雖無自棄之心而才綿力薄無可取
重當路且此中習氣大戾人情山氓結曲而宦

士豪橫惟圖自快而不欲近人少拂其私則大張誹論變白爲黑推雲爲泥此其可笑可惡者也吾兄京中所談此人果不可以人道望之且略有施爲不免建白動爲所制忌嫉橫生陽舒陰慘之術終見傷殘而已卽欲棄官而歸又恐鄉人不知者以憐憫小人相待然末路是非於今可憐然終亦之閒當亦不久也恃愛奉布少書以慰之不必爲人道此謹以虎骨一塊虎皮一張少弟遠意幸爲鑒入

與諸守谷

長谷集

卷之十

七

足下行時僕誠不知乃蒙枉顧微塵方以農人作苦出視卻莊不謂足下遂上道區區小人每勤注念而疎懶廢居之久不能上答萬一之愛言之皇恐卽日伏計暑氣未平方勞教思高懷幽澹當蒙珍養之福僕齒漸增身計未定生平心曲惟足下能知而足下方有南北宦游更無可語雖復語之不疑則怪亦何益也近已定計武康山深俗厚去太古不遠誠得壑闢之勞亦何所苦縱不能上承沈麟士之踪究竟其事亦不下堯章白石矣蒼雲碧水與草堂照映更得

足下名文記事使大字之內徐君不死更何所多望乎近作唐詩品奉呈足下不知山人之言果足爲信不也

與馮南江

頻年作事皆出乘興未嘗量力度時是以多致狼狽近來一念及則汗出慙負然已列貧籍無可脫身矣尚幸貧與氣習不復知苦紙牕靜憩屋後開荒漸成菜畦接果餽鶴時有佳况野蔬淡粥神恬氣清不知其爲窮人也他日老兄事君成功使用此作樣子時復往來結社清明重

長谷集

卷之十

八

九鯨勝相遺幅巾逍遙存問鄉曲與野老談水旱習農桑雖有他樂何以加此不知老兄胸中果曾著此念不

與莊小山

伏計小山足下秋容在戶文思逼人佳客時來論心當意區區別後如隱山中舉目無交知之樂充庭皆簿書之累且山縣荒涼百凡草創邑廬隘促市巷蕭條前騶在野後殿未出東西二郊傳呼可及卑棲如此爲况可知馳思天涯竟同隔世不知會晤之期當在何日談玄所止境

界尚懸雖有朝夕之心未尋邂逅人還聊布緣
濶未契兒曹蠢懶寔有懸情能將提挈之仁乃
擲追歡之惠

與楊履卿

北歸甫半月卽行作吏不能一領尊教乃承賜
及殊深爲感卽日初寒伏計侍親樂志道履增
佳自念附驥以來不能生光同志遠以欲速其
功甘心自棄爲門下之辱惶恐惶恐所割小邑
僻在山中墟里荒疎人俗敝陋君侯若見頃刻
難居顧以小子習於難阻性復自譴攻苦茹淡
長谷集 卷之十 九
披茨躡棘譬之投鼠戎夷遭逢亂梗者聊足勝
之又以朝廷養士初非自樹之計是以含哺臨
民戴星呼隸久坐忘疲勤心補拙蒞任以來遽
界三月人心相安粗堪免戾鋤頑察弊翕然見
稱聊以免吾兄之憂耳自恨獨往無徒不聞箴
傲漸成荒僻有愧名家更望多賜教言共成初
志使君子之門無詬殘之席何幸如之向來太
尊體履必備福德敢以糟蚶一罍鹿脯一裹少
克問候之敬望叱賤子之名

與張白灘

伏計白灘先生足下江亭之別惠好良深天
之懷教言猶昨自憐蕭散之徒遂取簿書之累
側身天地猶恐不堪馳志丘林竟同虛擲傷哉
自到邑中纏綿無了相對吏胥改音而語況勤
夙夜廢食爲勞疆壤如此政迹可知聊奉爲聞
當知自愛

與朱仁仲二首

金陵之游得足下頃不知爲客及足下歸乃遂
寥落不可言足下行別時以公事不得送之江
上至今歉然前奉書南溟謂足下家居又不申
謝茲南溟來謂足下當來乃又隔阻如昨也爲
之悵然審聞足下大規詩家古詩樂府皆有模
範此排士不能謂足下固當爾乃足下不一示
教謂僕不可教耶小兒愚頑兼至無可入門此
雖天造爲父如獻奈不多感心自憤憤耶小郎
僕謂人意不知去後竟何如中郎一弱女且有
世業祿有兩兒曹若無可教天將薄獻亦不
應如此因思及之并爲足下告小郎一握奉足
下并書近所作作品數條見山人意興

長谷集

卷之十

十一

仁仲足下厚愛深交非他比數一旦為別悵望
天涯昔之把握聯翩有如夢幻停雲在山朗月
在戶皆相思之真境也相見未涯奈何奈何到
任以來簿書填積早出暮入尚不能揮脫且廨
舍頽圯更無傳舍街衢窄狹不能舒展草邑荒
落蔬食不備野人真率堪庭揖讓云稱大人無
末世態士夫公論有三代風此其俗之大較也
至於推牕見山出門漱石泉流在市松陰團戶
惜此微生遽為人吏不能周旋一嘯耳伏想南
溟高朗中江玄澹夷白冲淵吳江幽曠小山藻
長谷集 卷之十 十一

與吳之仲

足下高蹤曠度遂復遠謝人羣深度長水幾成
幽絕正馳宵慕何意忽來春鳥鳴于谷中流雲
宿于榻下久無俗迹况復虛懷足下乃限一水
之遙若逃三壘之梗其為我計不以遠乎春韭

芳萌神聲亦沸客到即醺醉即熟夢一切世故
竟似水中鹽味非無非有雖相羅剎鬼日跳左
右不能槌撼山人胸次足下舍此主人雖十日
醒亦無益也

與包元達 二首

昨承冒雨臨視濡及從者通宵話言中多激歎
玄情幽况脫略世途使冠裳之士聞之解悟又
不但與買生之慨攬濁世之悲也山人勉思
作吏一出潦倒歸伏衡茨舊宇頽壞經中之松
竹雖存席邊之猿鶴已逝久矣遂使非蔬莫剪
長谷集 卷之十 十二
煎豆虛無徒枉輶軒空聞漏水皇恐皇恐謹令
裁謝不宣

別來不任馳戀人回領知塞上風烟與古人傳
記類相似非有道者不能恬然安處也生人遭
遇俱有定命雖坎輻躑躅皆足以進德悟道此
行未必非公之幸也所喜者太夫人康寧無恙
令子學業有進步可以少釋俯仰之慮耳
主上聖明不世出但至孝性成一時所聞涉于
形迹不能無震然公之此心實為根本任人

之慮至誠無我必有感通轉動之機出乎幾微之際况聞道有素業處思難無不自得如足下何不可也但言語文字之間更須慎重萬一為忌者所乘雖悔何及自區區所見雖闇然默亦可也區區向來專心淨業與老莊為徒業已閉關謝遣人事惟足下萬里遷逐殊復繁情久不通候者恐無益于足下也

與張玄超

北歸不得一領教殊甚渴想旋即奔走不能一修問於門下即日初寒伏計道履百福山中靜

長谷集

卷之十

三

業君獨成線閉閣清修備攬人天之福區區人間俗吏事業荒疎案牘之勞竟無寸補雖持後悔竟負前錯况山邑蕭條市廛促縮秋風未起衢巷凄然越俗尚爭訟庭充斥言非誠滿腹亦好回遂使蕭散舊懷勤劬為崇曹劉沈宋隔紙千里憂思跳梁魂情俱俗仰望高人有回隔世嗟長水之舊緣愴棠華之分翼天涯星散四海萍飄言之猶痛况復相思近別猶然可堪開歲向來二兄有作莫恨多投或能少慰即同面語人行不任戀戀

復何參之 四首

縣派之日猥蒙見知皇恐皇恐夫年在強仕人方有為子之樂而予已久為人父少年同學已多紆紫子乃未能黃綬為郎夫以匹夫假榮之年且欲投石拔距一逞其壯心而如僕者腰纏一絲頭軒半席十年上計未能少覩鈇化鄉閭飲詭輿推祭酒而士儕相指殆且望于絳人之甲矣踟躕黃庭之景而行無下澤之累逍散風塵之外而無害盈之警其自居則可耳然而朝采董蠡之榮夕撫鸚鵡之樂繁露易霜轉眼改候機巧好踈造物所笑豈不飄零烈士之悲哉故初度之臨總非懼候而遙親之感涕淚猶長掩尺波之在眼悵初服之不再靈修可起曷釋予懷刻想雖毀竟垂樂志敢此上謝足下悚息為狀

二

獻忠不才無狀為清時所棄玄首未華家無儲祿自惟平生于世未嘗多犯道家科忌想可以入道也故圖為出世之事其迹誠怪誕不經駭動常所觀聽乃閣下不深罪過謂尚可與

齒錄見之筆教皇恐皇恐賜來爾綿金柑方濟
時用安得黃庭一粒與燁燁者同觀不復衣被
物華稱公所云也使回聊附謝

三

歲將窮寒心思負日乃蒙覆衣之惠遠及羅雀
之門且加兼品殊荷珎玆閣下深居若木抗節
高雲蓋魯連挾之以為高李鷹思之若弗及今
且哲昆聯袂竟日為懽海若比居窮年不足遂
有園列餘甘遺之朋舊盆繅末緒暖及寒灰悠
然遠意何樂如之頃將為有玄一行即返棹吳

長谷集

卷之十

五

興之約恐不能昭謝併以附聞

四

頃承高雅過臨稍得領沃殊慰馳戀所慊塵土
形骸不能泛一平舫日往來海上與諸君朝夕
不負區區歡慕之情耳久約柘湖掃一傍舍使
得自餐可以年計勝過營結多矣年雖近老讀
誦未厭大開武庫惟意所裁何樂如之虎脰全
體中解遂止餘半艇奉上下少許恐學仙不成不
免相尋虛偏以須不測故不得盡奉也

與何元朗 五首

足下英妙之年追蹤達士此與機雲之儔前後
身生也今茲又將北覲 天子輝煌士路此與
士衡入洛之年亦相左右此豈易得哉大海炳
靈元氣渾厚既無寶玉珠璣之產則鍾蓄之奇
惟君兄弟足以相當足下自養素珍重挺然樹
立不雜塵滓方今髦士誰復尚之更願足下益
加自愛留心大業勿以丘壑自累他日使人稱
慕漲海之涯有大君子者超駕前輩生光地靈
所以為足下者何如哉不則青陽易去末路何
榮雖有立言竟非名世以足下之志何待予言

長谷集

卷之十

六

自古拔俗孤標之士多所墮落皆所為丘壑之
累者也僕恃深愛為此贅言想阿皮聞之亦躍
然興矣

二

僕行北路冰雪為勞流睠遯神愁極悲作既無
澹泊如水之人與之靜對又乏鴻材絕軌一起
其志方是時思得足下兄弟若醴泉甘露何可
得之今既家食則足下兄弟形影相列近在几
席乃既踰月未復瞻對顧在暑中徒縣心想此
意悠然令人浩歎潘子君上謁聊附為狀

三

別來忽爾三月不見高踪殊甚想懸山中靜業
伏計精進對時感興攜手登臨領知諸君之業
遂成勝事區區竄入越中爲時俗吏延宕松江
之上何時可能相及乎山縣荒涼百不能備入
不可出蹊徑多阻雖有名山曲水舉目無徒不
能獨往遙望幽人之貞何啻千里諸君朋從既
勝藝事相將亦嘗念及區區否乎王石梁先生
當暑北上遂爲異物今日計至殊深哀愴哲人
衰謝舊雨枯竭金石雖精音容遂杳惜乎傷哉
長谷集 卷之十 七

同語斯耶

四

頻年寇亂奔走無停時資業消耗不復聊生垂
暮之年誠非所堪尚賴平日粗有所見不至墮
落也返視諸君聚首之歡如隔世事何可更得
耶公在留院無吏事相刮正似上昇清都玄虛
自在人間聞業如徒斯脫矣東方生求飽之謔

雖在金門而凌駕濁世亦翛然遠矣糊口之計
已在吳興瘠無利澤人所共棄不欲以饒沃累
後人固叔敖寢丘之意也前東宣城之計止欲
移家辟亂不復更能作業矣稍有寬暇卽當西
顧白門同兄議此海客之梗未有息擔之日老
態日生衰殘可念河清難俟言之惘惘

五

平生知契如哲昆者豈復可多遭逢亂梗東西
星散區區且七袞稱老子矣遙望金陵如在天
上及移茂苑尚復阻滯不能竟踐仲春之約返
視浦上之集不可數得况復尋常團聚嘲謔無
忌如往時耶忽勤貺念寵及名篇情出於素辭
徹底裏懸之蓬壁日吟一過如對尊顏矣使人
去促未及和謝候節在秋登臨有地此中山川
幽寂或堪高人賞識山或有靈必能招引蘭舟
徜徉容與亦泊宅後來一樂事也

與何叔皮十首

足下病苦既遠牀褥僕誠有恙乃俗冗卽不得
造足下良愧昔人巨伯荀君足下瘳損以來大
忌討文搆思耗落心淵且復不得近心房權暗

導客火冲白靖玄超然松竹之間則元氣可完
悠然焉樂矣前過魯東門見山人結草拂代塵
尾心誠悅之雖在驅馳必索四具燕暑清談與
足下兄弟庶其共之外名香三種膏靨帷帳亦
幾芝蘭之意室遠心通我懷未已足下素自愛
想當益力

二

別來無恙飲食如昨僕所寓寶公塔下停雲在
山時復有振衣之興江山如帶滿目興亡李白
游鳳凰臺詩所慨吳宮晉代今去白幾何時吳

長安集

卷之一

七

晉之風塵未掃也甲古悲世興懷何極嗚呼曩
時釣澤棲雲獨何人哉僕自悞落人間便入塵
鞅上下雲泥浮沉萍梗爭馳無駿足前脫無清
波辟棄林丘不立強志年望四十進退不決區
區衣食之生作計奴醜慨昔人之長往悲後轍
之不接飛仙之逕度之踪臥老無深投之壑雖
無中散絕交之志而魯陽揮景之能亦既勞矣
而况蹇蹇餘生如獻者哉足下襲志三墳有情
百彥可謂駢衆美而獨出矣且連枝之秀相爲
合璧雖元季之芳不足相高而况機雲之遺美

耶若乃契志玄黃馳心冥漠攬浮世之長寂結
羲皇之餘軌皓齒之踪可以獨寄而不能相舍
之端委也草木之心又何忍離之夫大士廢名
貞人去智不羨丹碧方有太素不勤容節方有
至禮區區時世作好作惡何足短長黑白哉五
月之約尚聽于天然亦可計日待命新竹生稍
水荷作房此樂在門不當負足下期爾

三

叔皮足下君抱奇節契心生玄搜秘剔幽曠度
輒發乃有惠山陽羨之珍分寄同賞可謂至好

長安集

卷之十

十

不落冥矣夫坡有荆溪之慕羽亦抗節上靈中
冷之下品裁遂著坡竟以黃州作苦之後壯念
頓灰二賢之業如此夫飛鴻之泥與翔鳳之毛
上下之間形神頓別僕嘗慨之不謂攬勝之餘
復貽景象超忽之際遐想橫生所望于足下者
馳神不極撫化無厭接尚賢之去軌躍藐俗而
上騰乃足下有濟勝之具又何難之適醉東林
不備裁答急洗茶具爲君品之當非建業城下
之誣也

四

頃者屬拜翁君於堂上實雅通家之誼不但會獵之約奉踐宿昔也乃承賓筵之薦襲以上儀闔門駿奔積日停曠謂日不足繼以朗月謂廣庭不厭暢以海觀惟君兄弟之意雖酌寒水于金椒臨大鯁于漲海淹上館之執事彌伏臘而不返猶不自足也顧僕猥鄙曷可當之結心未已興念何極僕嘗慨伯牙之義歎知音之難交游滿前諧者希寡晚得叔皮昆弟遂相契娛微言日至遐軌時發每念昔人素交之情懼三疊之梗誠不可使惠莊之塵獨清羊左之烈不踵

長谷集

卷之十

五

也其何不感于君家兄弟之厚若曰僕本犬羊之質借文虎豹于君子之道無所加隆亦願君侯無忘切磨共登上倫斯固甚盛愛也嘉胤益腴敢不欽承爲我謝翁君何多事如此

五

承存念委曲足感骨肉之愛前者草草爲黠奴所侮平生所見臨事昏瞶乃至於此事已既往不復追悔今之所信者惟天與命而已天之所建誰則廢之天之所廢誰其抗之若復役於物徒自支離而已僕生甚苦自計平所祇受惟怒

謗爲多雖有一二可喜可動蓋不能與七八者相勝也此皆業障塵根自達者視之雖可喜可動皆不足呈礙其心况怒謗乎嘗怪昌黎六一之徒歸咎磨竭身官殊不知道幸粗有見乃復蹈之則二十年山中事業皆芻狗劫灰已爾來語珍重此數年來第一幅也當日玩省以謝至意入城卽抵足是惠

六

頃傳帖至足知足下篤義感情之至但又加幣則似不通耳此爲賢婦表章盛美誠出好德之

長谷集

卷之十

五

心若用幣則事出於足下不出於僕正坐浮俗強諛之弊非所以重賢婦也僕文久不受想者非有他待待吾靈鈞內出耳正以其事大故其文不容苟其傳遠故其成不可速此當照管况僕才質既類木石復久委頓泥滓無晶雄雅快之作爲賢婦布名久世此方自愧不煩垂促敬返來幣不罪方逆

七

足下示我離憂之言極其愴悽之情對物感時理所必至况君非長卿之薄而當萊婦之賢山

林如故布素無諧獨往既非內顧不作正使猿
鶴生愁絲羅掃迹雖有孤高之性難排眷戀之
依者也征衣搗素之篇朝雉夜烏之怨足下雖
勤事固宜終身無讀焉兩日賤息劇病苦幾至
不救闔門驚愕長夜不寐冗困中竟不再奉足
下竟忘足下未歸又無論此離憂也今早頗得
生路復領足下之教甚喜甚慰若能來此對榻
正可相解

八

疊還得承教貺領知道候勝常殊慰懸戀子直
列名部籍感足下不可言足下身際盛朝復以
恬靜爲意內奉堂幃之樂外多雲山之適福履
之嘉寧有大於此者方今鳩羅利鬼擾我印度
諸大夫奔走風塵望視公等爲南宮列仙不可
政及以足下盛德消受得過亦不可不自惜也
別來無狀可以上塵觀聽稍欲棄家室行乞都
市傍看公等鳴騶呵護亦浮生一樂然未易易
耳奉寄此語聊以充信

九

足下連被哀疚茶苦已甚不能西赴末下一修

友道言之皇恐海上幻業不足深累尊懷我輩
隨緣度世於此浩劫蕭然解脫方是得力處左
溪家蒙見存問長息已八齡更一新生者俱未
議姻八月中旬聞欲襄事矣此君志量弘遠是
其過人處乃不顧其力是其昧處然受其恩者
未知所感而力所不週豈有議其後者浮世恒
情亦何足計但一二家幹甘心相負而閭中老
少又不更事奈何奈何西赴之約已具元朗書
中若此亂不息竟仗公兄弟爲主人爾

十

長谷集 卷之十
昨自珠涇逕抵莊舍未及面承殊懸懸也淮源
公量移南陽二守尚留帶奴子在彼想欲附書
足下也七月九日子夜即發不得再從欵接山
中人自謂百凡可謝遣尚復碌碌不得戀故人
之懷昔人謂日出事還生豈日不出時人事始
盡乎靈山會裏已非人間世阿難諸尊者問難
飯依千萬言不足諸魔復百出變幻想我佛亦
無開目了時但以不空爲真空固自無礙耳然
山中視王舍城中畢竟遠幾由旬所以樂居之
雖暫出卽歸踪迹視往時多踈違者想足下不

怪也

與莫子良 三首

別來仰承道愛不任馳戀卽日初寒伏計動止
百福仕優而學造極精與自吾人之類尠可肖
似兼以麗並幽貞思深壑谷引懷長往抱節孤
游是以鶴里增崇山靈獻秀虞黃混世蒙列同
踪區區衰寂之人久抱沉淪之志詎意持德不
恒遠遊相逼翻飛燕趙失價千金委棄璵璠空
嗟三獻遂投結綬之約少效彈冠之誼竊自附
于雞肋敢比羨于牛刀自傷遠遯高踪浮游俗

長谷集

卷之十

三

駕墨絲徒染補袞無期鳳九失輝楊笮何望
秋榮之向晚逐靈修于末路雖有善持何如拙
守傷哉斯意誰復知之今茲列邑况類投荒里
巷蕭條民風詭薄解室頽傾祗同逆旅禮樂闕
略竟似山毗街衢僅一箭之長市野乏三商之
集耿懷相對翳眼何堪雖有雄心終難展足足
下高居無垢野迹猶榮聚首有同心之愛追遊
有命騷之雅俯視蒙塵真同濁世其亦錫以高
微之奏和以鏗玉之節流聲所激貽我夙好庶
幾洗雪靈均之辱振起棄捐之志臨書婉戀東

望不極

二

遠承寄問且及新作吾兄際遇亨盛陟列華要
頌聲洋洋宜有唐初之作且聲文蘊藉韻節華
豔視家山詠適諸篇又一機軸矣使來詢知人
事委順道心安和闔門清佳客思無罣幸甚蒙
以警家相通自非一日行時以掃松吳興卽兼
程東下十一晚刻抵家駕已先發不得隨諸君
宴餞形迹雖可略區區情思不能無怏怏不敢
不達也卽日暑熱京師尤非所堪望加珍愛以
長谷集 卷之十 三

三

往聞南還自謂可日夕傾倒以慰區區及至面
承疏數有間殊有遺意雖江亭一日乃爲別情
挽動轉眼天涯不知其樂方知頻年聚首之懼
人生所少輕易拋擲私獨怪之途中寄承教扎

并佳翫爲賦方此夏日置之懷袖間常令閣下
惠風也伏計太夫人在途備膺福假足以慰情
舟次佳况必多吟適所許卷軸天末馳情莫免
于此幸惟留念

與董子元 六首

岡上之游復爾佳勝况君之幽寂上追古昔昔
人所云地以人勝境隨意宜今殆見之雖有古
人與居政可頡頏爾我更不煩拔去趙幟也區
區別業吳興人往往謂予奇怪此豈易語人使
白其志耶與足下語更復作吾遠興嘗語人子

長谷集

卷之十

七

亦是箇中人正此類也往來君岡上如在峴首
左右何時肯放一棹徜徉湖上覲樂天東坡遺
跡一掃塵土耶石湖之遊尚未定想二何來須
有決計履吉榻前或可夢寐通之也有客在坐
裁答不備

二

獻忠無狀復有此行鉛刀柔脆猶望一割之試
也然越鳥南枝自有性靈鍾鼎尊重終不換我
自在山林也承以文言相送情思太委曲豈亦
慰我衰寂耶須登小卷可成永好

三

君當顛沛猶念及兒女子遠爲添裝此情非至
受厚不能轉之閣中均有感謝十九日早當發
舟月未始堪抵舍念君城役殊異賢勞世路若
斯令人益深遯棲之意海上之警未可息肩旁
觀當路絕無經略之志此城雖列與墟里何異
季孫之憂燕雀之患竊獨懷之誰能聽也足下
稍得自解卽當別謀寄跡困苦已甚無人相卹
徒懷鬱結奈何奈何使旋聊此附復不備

四

長谷集

卷之十

七

忠復子元足下蒙移桂樹殊有庭陰使丘壑之
懷頓增十倍當此落莫豈無遠思淮南小山之
徒一見便當傾倒爾今何人哉所不望于足下
者有如此樹別業春眺之作大有規步便當是
以上人何但咄咄相逼也所乞紅芙蓉微鴛鴦
梅園瓜粒子跋望甚久何不見惠豈青李來禽
果欲與文字相博換耶大地圖說頃當奉觀不
備

五

與足下別時勿冗不盡所云平生知契如足下

能幾人而落落無密意想足下能諒不待爲言
之也卽日伏想秋事有賴醴醪之費足待海內
高人閑關修執焚香獨游可以不負其志區區
故有此樂靜極思動遂復委棄而爲人吏自去
家來竟日爲勞簿書委積無可了時且浙中法
網視他獨密此身束縛百不自由此山人作業
之報也安得披衣散誕與諸君爲樂耶外蚶一
蟹奉足下見信

六

春初草草爲別不能少致情私方此初歸百事

長谷集

卷之十

先

不理想足下亦不見過邇來正思客邸蕭疎情
悰難遣忽得報殊慰忠向來別無罣礙閉門靜
寄雖在塵中有如深山大澤人迹罕見此至樂
也秋來稍茸泖涇別業構屋數椽環以水竹來
春作農計畜一牂犢以百畝勞生免墮四體庶
幾歌哭于斯之計使子孫世列神農之家服田
供稅作太平民足矣其有欲爲京雒之游作冠
蓋客者或其命分使然則可至于區區教子之
謀良不在此非敢欺足下也陸儼翁遠客泉下
鄉土先輩風流謝遠殊其傷感想足下同此愴

懷也諸友甚落落視前踪所爲淨社之樂希矣
不朽之業何敢自云象足下存念之篤直爲道
此客至殊不盡所言谷嗣

復林平泉二首

別久馳情殊甚向承教札疎懶成習不能卽裁
復領知見愛或不過也吾兄簪筆含香之暇想
著述充笥可以見貽一二否方今文運大開海
內英賢組織藻績各有可觀至于士君子所責
成于平生者恐不但此有深見遠志者更于百
尺竿頭進步可也若必開門立戶以爲自異於
人恐亦非是今之以實行自信不遷就人者吾
兄具其人也幸終自愛弗輕動移落常套之中
正如美玉瑩然更不加染撰之工此意非吾兄
不敢道亦以荅存念之厚也

二

餘處窮山旣甘且安故鄉年一返棹習懶旣久
容節弛曠不足以見禮法之士言之皇恐施連
川幕公德義以書問見托謹以馳上向聞將有
棲迹湖山之意依山傍水有源泉竹樹可以寄
托幽情者間亦有之但異鄉作計殊亦不易間

一放舟自適於蒼雲遠水之間取適逍遙亦足以快其情然必有共好如慶遠意王子猷然後可也

與范中方 三首

別去領外數千里豈任惓惓窮居之人不能相送一兩程雖有小詩何堪為意兄以先憂之教自信方今疆場未靖有志者愛雖數千里外能無內顧之慮願海之間有高人節士可備任使者兄稍留意其間他日柄用責成有歸非人曷以應之古人有言憂者不事而事者不憂吾不敢以是待公也

張文學杭還聞閣幃之變中年有此固生人一壞劫況在官邸復何可堪僻處山中寂無徒侶雖一二構述率皆古人精柏無關心義身且衰謝志復空疎仰思先輩殊多熱惡及蒙徵問及此感荷良切謹附上掌故集四冊唐詩玉水集二冊其樂府原西經騰寫完日即同所遺弱集上掌故之作於郡誌遺漏頗多彙括羈人之迹亦可取徵於是得足下一序甚幸

三

適中得七月廿九日書二紙存慰懇至且承檄郡中刻掌故集郡公及烏程荆令張文學日夕加情刻有頭緒空疎小述程遂藉高人碑區區對迹輒有宣布何可仰荅高意若承終竟其愛早賜片文更深為幸樂府原嗣案所錄乃是初稿今已改定奉呈覽教自來擬辭各出意見今為此家立一幟於作者不為無補而大意固於世道有感焉爾閣下詳其辭旨如不可刻乞併玉水集便還山中以手澤遺兒曹也原翦具一長卷奉 卷之十 詩奉贈大匠之門輒爾揮毫皇恐

與馮雪竹

父慕高雅未由一承動靜向見季方始知仲弓之文範足為都邑之光也示至紀遊之作調高氣逸可以雄視風人之場矣區區株守海曲倏焉以老雲林滿眼不能取奇於几席之間顧念高蹤與靈修並馳千里不足為勞間井不能為隘者其思致何如也使旋聊此附復何日周旋詩問濟勝之具

與張荏田

別來時欲馳候賴自作書徒爾懸懸核來承教
托珍重知感山居無事種藝漸有條緒齋中稍
疲即自贍耳以度餘生別無惱懷雅亂自覺與
人間隔別惟初夏脚氣歲發頗重行步而今年
特甚清閒之福想亦造物所靳不容長日快樂
然則人在間時容易放過更復自取忙錯癡亦
甚矣此地別無意外相干時鳥變聲近依几席
清晨倚山樓聽鶯百轉看雲物變動尤為第一
景象秋涼公挾孺子一來亦當以為福地洞天
不是過也山中別無可寄霜後諸珍蔬有可獻
者當為公一將耳

與薛子聲

自海上大變之興與一二知識之大夫論其所
由獨致於江南者定其間習俗過侈逾常分吾
人身經浩劫率當矯以朴素庶可上答譴戒故
凡末俗張皇馳逸之事一切更革自名帖一節
言之少時經見止三寸濶幅折簡召客止加名
帖一倍今世乃以全幅大洪紙後又變為奏本
紙不已又變用金花大紅全幅紙其稱謂古人
止於侍生今加變晚生晚學生侍教生之類愈

恭則愈卑殊可厭惡遂使奔競無恥之徒以眇
眇小學生施於執政大臣貪冒成風人事日變
故亂梗所自雖非一端而此亦其一也區區無
甚得業然天地生成薄有所見到此不覺深省
翻然有存舊守初之心雖一劄一字亦所加意
適奉名帖恐駭尊覽故直道其意自後幸相體
念勿拘浮論

與唐子迪

晨風作寒溪水將凍迺乃非客棹所堪舍後梅
數株出門時已有吐花者溪兄到城即須少駐

與梅君酬問一餉固年華盛事也君善解世縛

不處即可為宅有此梅君更得霰雪飛集與梅
增英添色人間樂事有勝此者否耶若復不須
老子呼召逕造梅所使主人倒屣不暇益重高
意其何可言

復陸思豫

蒙委作先文裕公外集序其甚荒陋雖有小撰
著不過蝸涎自濡或為鄉丈人道眉目間事耳
安可加于大方之家哉仰惟先公特起海上為
一代名家周流館閣出入臺省蓋四十年而薦

紳之所屬望殆又不止文章而已今觀集中所載無非切治體關風教上格君心而下周物慮視諸裨官小史之作有大不類者故論我松之運直當以先公繼機雲之後區區欲發此意臨文湔薄力有不逮更欲少留數日聞梓匠將畢皇恐脫稿殊深爲愧

復朱南孺

蒙足下掄獎過情推許輩行皇恐皇恐海內方興大運文教煥揚在吾松慕機雲之風多有作者區區自垂髫之年亦輒有慕向與二三同志

長谷集

卷之十

三

錯綜定論志在鴻朗東馳西驚務探古昔然才質凡下學靡究竟窮途損志末路喪真飄蓬江海徒深悵望一行作吏良朋星散棄志向人壯心幾負足下才豐氣盛雅尚高玄甫及士衡入洛之年已擅延清奪錦之藝茲豈易得耶顧以賦才見推殊逾常分夫登高而賦古稱大夫區區雖有雕蟲小技然下里之詞流調不節憐才屬望竟可踈廢足下亦何取哉近來頗事靜寄凡耗損心氣之事一切不作日就頽落昔常感愴今復以爲得計耳少間當以舊作奉塞來意

與袁子謙

行時以翠嚴公選諸文學諸所輻集雖山人不能閉關謝客遂不及再至江亭一執別爲情更黯然不可堪乃承途中惠書懇至感感婉婉委卷又滯亦以塵居俗思紛綸無可落筆近小出舟航容與水上稍得自命但老年不能多憶不得滿卷也閣下天才秀整且交游俱名世以此充目祇可一笑清朝無外事幸惟珍愛以慰馳戀

復董生

長谷集

卷之十

三

示及球數策領見憫時之意但今日海上之勢與史書之言既不相合而選練兵卒亦非易易海上地多溝壑十步之間岸谷頓異且多茅韋易設奇伏賊據此中以主待客而我軍難進一也且烏合之衆將領無權不用命者不誅其誰肯盡力乎各郡客兵往往取敗二也今朝廷已命專征之將有權矣士卒用命矣然以不教柔脆之兵而當便捷梟獍之虜此亦驅市人而陷之死地耳縱有兵卒可用而地失其勢不堪合戰故今日海上之事大須整頓一番使有勢

可據有人可用有將可領而民力不能輸百萬
功亦難就若徒撫迫民力而爲之又有意外之
變此海上之憂老夫不能安枕之日也承賢論
及不覺縷縷

復何曇寶

今日之亂十年前已露其旨而人不之覺屢爲
君之諸大人言之俾圖遠害方以爲迂今竟何
如也壬子仲冬君之舅氏有玄君北上予語之
春末必有寇至須預爲備有玄雖頗相信亦未
深也今之海上遭其毒苦自有郡邑以來所未
經見要之劫數使然未可盡咎人也今者大兵
東來首須幕府得人孔明三分之業已定於隆
中豈徒然哉且山東召募六千人多強梁不逞
勢必殘害地方御之稍嚴亦復生亂且海上蕭
臺鈎聯虜復善爲餌誘以北方之人臨之雖有
能之將猶將憂之今之將領縱有能名恐於水
戰亦非所習萬一小蹶虜勢益張矣訪知倭有
八十一嶼去歲來止二嶼今來止十一嶼來年
之虜未可量也太平之象遙遙未見俟河之清
人壽幾何賢雖壯盛之年方來之憂亦未可計

今歲江南非常大旱吳興水國亦幾斷絕冬中
須積柴米遠承存問不覺縷縷

與叔臣

弟書來念及衰殘此至愛也向來托心崇阜息
影長林容髮改變不復自知然古人齊視生死
忘其枯落爲無上安樂之法故懽懽樂事尚無
關念至於悲愁鬱結何足累心家素貧薄三十
以後聊堪管立然迂疎任性不念儲積爲衰老
之計一官承乏信其本分不屑濡染歸來遂至
疎曠婚嫁長次又不節損遂貽今者之勞名獄
長客集 卷之十

長客集卷之十

長谷集卷之十一

書簡二

華亭徐 獻忠 伯臣

奉王石梁先生 二首

久不問候死罪死罪頻年遭諸抑挫凡人間不可意事無不被遇故以先生之義違負如此思之惶恐其何可言卽日大暑伏計道履珍重備諸福德郎君向學日有造進此良慰心其諸可喜可愕所謂人問事者于先生想皆無動心也開歲卽謀北上若用度可支卽有領教之日矣向來汨沒塵土興味俱惡誠得日侍左右一洗其陋此大幸事馳此遠心不任婉戀因吏人沈生之便聊此附呈動靜不宣

二

金陵之日未獲多領教天不佞道德遽罹此福孝心崩折山川改色雖有不敏誰不惆哀雖然理不改大數人不勝皇昊雖足下爲之奈何語云立身揚名以顯父母道德昌被可配鼎食孔子嘗孤矣嘗不合時世矣五父之殞于今不朽是可以徵道德之八室足下益修遺志契德上

玄則不沒之孝上追古昔篤啓後世矣自漢寒苦塊之薄恐不勝凄楚然一身永係宗祧若使徒泥舊禮輕廢珍愛亦非人子大節也區區受知深切不敢不布

與馬西玄先主

奉違以來殊碌碌無狀不得問候門下張生回傳示教言殊甚感仰伏審向來道履尊肅振起胄範蓋自數十年來頑波靡習一朝盡起其廢幸甚幸甚五月間毅齋先生能道門下脫念之意未由上謝卽日舍親朱可久來觀門下盛化謹附狀奉審起居少致區區仰承之意不宣

與顧箬溪尚書 二首

不才學道無成初心日負內不足以光其志外不能庇其業有愧門下之教遂至久違衆候皇恐皇恐往往領承聲聞之念不能振衣出谷一付左右殊有遐心小壻馮再可赴監卒業謹令瞻以道範以廣見聞伏惟門下心存廟社身寄安危濟內仰望方今尤切幸惟順時加愛以答皇上眷命馮生乃前侍御南江君之子向蒙詩教見及感佩至意廢棄以來久謝諸老通問未

敢輕致謹令附及新刻內經素問一部見遠意

二

向承寄示趙守碑刻之悞仰見吾大攷究精詳
愛人以德卽當以來書刻入掌故吾大學究三
才識綜六藝德鎮雅俗道周世用區區寡昧不
能親教席拋擲歲時日就衰老徒深內媿復何
可言卽辰秋序清佳伏計道養純穆更惟順時
加愛以慰馳戀自種真蕙仁數升甘菊二本稍
見山家意味

與袁永之

具答集

卷十一

三

自吳興一別頓爾四年甲午初夏冒雨入峴首
見所贈長篇乃知浮玉之游足列勝賞回視湖
中浮雲滿空草木蒼莽轉眼故游如涉夢寐爲
之悵然但所謂蒼西田者尚在荒冗未有誅茅
之日自笑蝸牛負殼既無遠致而又不能脫然
自附于山人處士之列泔淹濁世何有了期仰
視足下始何如也久與董生子元約過足下浮
游五湖因尋訪高人大士家食碌碌虛阻歲時
言之皇恐增來乃承遠及書問足感此意茲來
本謂得候門下迺有小迫不得不速歸秋中當

遇足下因入吳興庶幾傾倒吳興僕買金蓋北
麓發一泉玉色照映甘冽勝常水何時得偕高
人移茶鼎試品之金蓋多雲氣今名爲白雲泉
矣於足下不得不告

與陸貞山

忠啓金陵蒙盛愛匆匆爲別不及一餞送豈勝
馳情繼又兩承寄書訂期作會婉戀之厚誠何
可言忠適有家冗併日東歸十年之別且有過
門之便不得一造足下握手爲歡良緣不偶思
之可笑秋中當有特造庶幾歡慕高人之意一
具答集 卷十一

四

慰夙昔云爾聞與燕峰子天台之遊得竟所云
則山川靈祕亦當示之同好若又桃都石室之
間有所奇遇則卜鄰結社亦當著我一脚此爲
至望

與王履吉

近聞履吉養病山中得無勞否千有餘年風流
蕪沒不謂光怪靈奇之運今日復見河洛江海
之上時生丈夫如足下其間冠冕金玉者其甚
願珍重無多勞苦石湖舊勝得足下爲之主人
一旦中興矣石湖志略僕尚未見往時于姜堯

章白石集中見范老有枯蒼烟雨樓是晚年意
向此及志否此老高縱橫絕所賴足下錯綜其
事不敢不問耳僕已業稱山人吳興九靈山中
有竹嶼松門靈泉石供足以自老長水之東雖
有滯緣更後三數年便可作湖南老僊矣此地
與足下南北相望時欲與高士韻人乘朗月泛
湖登林屋眺望姑胥臺弔古悲世因訪足下石
湖之濱夫不辭此緣終當一發興耳久與董生
子元結約乘秋色過足下草堂前小有結構待
海內長者纔一舉意便生荒冗負此良緣不任
馳戀

長谷集 卷十一

五

與皇甫百泉

曉起讀禪樓集文詞古雅東京以後未見超越
而詩體渾厚閑澹盡去刻削綺靡之習可爲一
家言矣獨念至文與日月爭光不免爲造化所
忌屈子流泊賈生孤寂自古高人士俱遭意外
之變可數而見也吾兄爲人所忌棲泊至此不
亦宜乎不羨丹碧而成太素不勤容節而成至
禮誠亦生人所難要之稍自晦蓄可也

與朱子价 三首

人回領知到縣湖山頓增色矣前聞公有厭薄
湖州之念古來名士多發迹此中昔王僕射儉
贈徐孝嗣出守吳興詩云方軌叔茂追清彥輔
陰鏗三故鄣詩欲滿三秋慕舟虛「水濱漫漫
運故道淒淒對別津故鄣卽今安吉長城也去
縣有遺思如此况烏程又山水郡耶東坡謝表
魚鳥之性旣自得于江湖吳越之人亦安臣之
教令此語正可移之吾兄耳聞近日政令衙宇
肅清胥隸各有常度親事臨民頗耐煩瀆此吾
兄受用得力處也雖神宇清曠有逍遙物外之
意七月初當請教左右

長谷集 卷十一

六

二

別來西望雲山殊深馳戀縣中安靜無遠馭之
勞民間蠶熟征輸日集公餘燕坐日夕清佳曠
朗之懷稍足自適否也携歸更集緣活字零落
不堪爲信特命吳中刻成此集經公裁正遂爲
佳本惜所謂二十卷者遂散不可復見檢類書
中得其遺文五十餘首繼亦入梓以附掌故之

後他日或可因而彙聚使子山之雅志不遂
沒亦吾人事也板共九十七面專人奉去不備

三

別後馳志大雅與年俱積不意寇亂橫發毒流
江海移家吳興旦夕守門戶不能遠出一沾尊
教而足下舊治之澤遠被湖山文風禮俗視昔
一變山氓社老咸思明府曩時竊挹高懷化理
清淨而今之多事雖欲慕尚畫一之守烏可得
耶向以先人墓表上瀆紀室素業無聞誠不足
以汗太史之筆誠念烏烏私情非得高雅不足
取重况循良聲迹獲以屋烏相附吳人實愛賢
大夫之言則此石不泐良可慰不才使瞑目耳
聞事狀已燬於兵謹錄一通以備采擇

與華補菴

伏蒙垂教至深為感空谷足音不覺躍然而起
雲龍山大作及諸題詠亦俱佳絕敬仰高懷如
企翹齊聽步虛聲欣動何可言區區久伏海上
不能以矩矱就大夫士之列一觀感化蓋當世
之棄人也雖有雕蟲小技不能罄筆含香一揚
聖主鴻業行將作吏折腰人庭之下

玄心曠節相去何當什伯乃承推獎逾分如此
嗟乎數奇而寡諧亦人士之常予又安能獨出
人士之上一覬非分之望耶茲來得友高人暢
其疎節如足下者顧又至甚幸也敢不砥其初
志以承下風敬對使者草草為復

復王汾源

兄釋褐曾有書見及榜中寂寥已久承魁選特
出雖丘壑鄙生亦頗然生色卽此一節知兄潛
修厚積久而不衰有終之業可于是觀矣且清
資克稱高雅方當建禮之運以兄清修端正承

之足副 皇上至誠感通之望選曹用人每能

如此世道不已亨利耶弟自退居以來無一善
狀可聞于門下雖稍有著述皆無益于身心竟
可覆瓿耳幼子已九歲吳興守墓之托或可見
其成立今春始得一孫宗承有寄人子之道聊
足自慰此外惟有樹藝果蔬觀天地造物有命
榮落有常庶幾安命守分不負老天而已相見
未涯萬為清時自愛

與戚秀夫

都門領教以來忽忽數年小弟自知命分有定

不敢妄有希冀操其素心以臨浮俗誠有朽鑒不相入者兄之教言于是始驗歸掩衡門不復知有人世者七年矣伏想平生所遇有益于身心者無出吾兄之教馳慕之心與日俱積畢梓石來佐郡時領承教貺殊慰懸懸向來每欲一就所私實無其便偶至太倉邂逅龍溪先生詢知將過門下敬附動靜渴欲造兄門下稍圖資益計須久住方遂其心萬惟爲道自重以慰仰承之意梭布一端奉布遠意

與謝仁峰

長今集

卷之十一

九

附薦以來冉冉幾四十年僕已婆然作鄉丈人父矣每念及故舊如公風神省淨襟格安雅常在目中天涯修阻音問無復可通偶潘君得以邑尉仰近龍光書至道及足下德養深穆揚標近甸青山滿目遷勝憂游可謂樂矣夫大造界我以生而又俟之以老而又居之清世榮以福德世寧幾人哉方勉承之不可思議公以爲何如潘君有揚休振理之才才之大者往往取人嫉忌足下進而教之此至望也

與陳五山

原缺第十葉

量快活可惜蟻在磨盤不知身領動機又復香引類爭角不已不亦悲哉方與閣下念之可也

與陳鳴野 三首

別來每承存念慰以簡書荷佩道愛可勝言謝小弟臥疴山中不能時奉一問久矣爲罪前者道出門下以程限拘迫不得面奉起居即日嚴寒伏計道履生春泰階增重小弟僻守下邑敝陋難言雖云有土實類投荒且邑小事繁簿書叢委民風刁滑庭訟紛糾昔之疎邁今爲約束昔之曠達今爲矜持俗吏之風充繞眉目猛然一省不覺失笑此地名山不爲不少如雪竇之怪奇日嶺之卓特四顧徘徊悉堪檢括但性喜群居不堪獨往臥游心想徒縈情思有媿於東樂之幽探殆已多矣足下鬱思風烟游神冥漠舒出谷之長嘯紆曲水之情寄昔爲徒侶之懽今阻參商之別雖近几席有同千里幸而同世殊若異時悲清濁之遽判傷從違之靡定北望馳神曷勝婉戀苟有不遺之念或承見慰之言則餘生之幸雖枯楊再生靡草復秀無以異也

茲因孔明府之便聊布一信不能縷縷

二

別後承兩惠書問王會稽來寄承書妙感足下
婉戀之意不能修一謝至今懸情也北來適遇
東武諸君問足下動靜領知向來多紉吉人之
福山中靜業更多于前足慰故人矣自顧猥瑣
庸劣徒戀清時不能一決進退南北奔走未有
了期所自恃者君雪之間有靈泉石供可以自
老而高士韻人生其中者亦復不少向所語白
雲泉者涓涓出流遂成曲水生有渴病而此水
又在荆溪顧渚之旁老羽之迹亦略相當乃獨
浮名所累未能息肩高臥山人滿眼尚乏此君
莫才未誅而羽服在笥不能決判長策如足下
言之皇恐茲回遂深此意秋氣高寒朗月在戶
當尋足下于鑑湖之濱一探至論足下謂僕更
得如常人常言否十洲太華二君已締宿約幸
足下更深喻之

三

別來已逾三年豈敢于兄獨忘情衰寂已甚百
凡請謝通謁幾以俱廢年外即擬深居吳興山

中捕八歲孺子作歸老之計遂不復干預人間
戴月荷鋤與農人相作苦此逃名之上筭也吾
兄奇表偉人不為公侯之世則將出世為人仙
冲舉之事視我洪忽世軟白首為鐵夫者遠矣
少洲公督餉北去寄有書物又乏便上之門下
傳君歸敢以附呈雲布少候別鴻博江隆高作
不備

復方十洲二首

都門作別以來忽忽數年如涉夢境雖馳慕高
雅日夕不已迺不能走慰憂勞遂使友道缺然

長谷集卷之十一

十一

皇恐皇恐前風南來領承教制即為此若東道
稍獲廣其行徑茲者青蓮君復攜尊翰遠惠蓬
門以連君高意上通天雲自堪倒屣道左况重
以吾兄珍命耶但天已向暑柘湖諸公又遠在
吳門不能延之海上暢其觀覽殊無以為意約
在秋底再至為中山翁問刻梓人當有傾倒之
日也謹此附謝向來動離雖不入山藏迹門外
蓬梗已多與荷鋤老農為列久矣蓮君輒能津
津道之此不詳也說苑新序一部奉充信問

二

辛丑都中執別幾二十年不得再承郵傳
兩承教翰竟如隔世思慕高雅良不可言通問
懸車更慰宿昔矣僕自遇亂遂決計吳興攜提
錫息守望墓林且三年矣開荒蕪藥稍營活計
其諸世路所嘉悉歸棄擲衰殘日見筆硯踈廢
日常岸憤移席聽鶯自謂受福無量堪以沒世
豈謂寇攘不息故土荒迷街巷之間金戈充塞
負亡蚤夕景象違異垂白之年復何堪此欲與
諸兄一集湖上竟復自阻數四矣茲因方子有
事過省略通馳戀之意深秋或可南望雅社作
振衣客爾

與沈青門

鄰門執手遂入塵鞅仰望清光巢許何異不意
迂疎成性執泥典書不能與世途曲折遂返
服薄識淺見不能自潤浩劫之來遂至流落
知自在之福天實靳惜吾兄勝地名宗藝家大
匠兼以名流作伍雅社流芳丘中一席遠逾三
事幽泉靈嶽更復仗托高人豈易得耶
計著述彌多詞場有賴不惜傳示良慰所懷方
子潯南有事過省敬附為狀

復陳棟塘二首

頃承篤於道愛惠及肝腑遠顧山中光被林樾
事出忽忽不能一修其敬媿何可言然平生存
慕得之燕談者殊復不必不但樞戶之間獲承
車轍之迹而已未卽報謝方復馳情乃荷手教
徽及江侯德政之頌侯之惠施在民稱在士大
夫羈俗之耳充溢已久攀戀之日正宜揚其盛
况况有尊命豈容辭謝但不知行在何日可得
構否

長谷集卷之十

谷歲荷脫珍重香函茶具俱出上儲時有北山
瑣役不獲面拜專使茲者復承存念委投錯集
其間誌史詳核詩篇爾雅尤深為惠不才伏潛
左癖筆硯頹疎雖以太夫人操節有槩未獲一
頌明德謹獻全齋堂集不覺加慙即日春深氣
和領知道養加勝甚慰馳情東冥約在月末逕
趨門下不煩使者再至其尊尚仁賢出自衷素
雖千里執勞亦所不辭者也

復吳石岐

伏承讀禮以來未能慰問方以為愧乃荷專使

及門貺念珍重感何可言敝鄉遭被橫寇
燒蕩人命同草菅平田蕪廢困及城闔自開邪
以來僅及再見今雖有事征之命未知將領何
如青州鎗手出自弛刑亡命素號難制統馭失
策禍且不測所藉上帝好生無厭棄江南之
心主兵者有深長之算無機制勝驅除有期七
郡生靈稍堪請命不然則來歲之憂更將爲甚
雖欲求安於此何可得也承公惠念及此安得
柄用者警及此哉使旋謹此附復

復施連川

長谷集

卷之十一

七

王

久臥山齋不復與門外事前玄超來不得不報
謝暑中被衣作坐客想非高雅所便遂歸不上
謁玄超持佳刻讀之正欲馳索適承寄至甚感
枕瓜初種已縮其半再則如卯丸矣遂付僮奴
還鄉中種之或可復舊形也微物失其土性尚
至於此區區不揆乃於此中僑羈取適其不與
是瓜爲類幾何言之一笑山中時望高人彌咏
入秋卽悠然可以登覽若中秋良夜則林麓中
山君主之祗取揮霍踉蹌耳并附復

復宋石樓

賜教珍重捧讀再三識見精深造詣超絕方今
爲詩家語惟迪功徐子庶可聯肩外此非儔也
海內風流久矣謝絕明興以來斯有雅道關雎
之間名人輩列足下顯顯特出人群可以爲盛
矣然所謂四病者實超玄乘而詩話之流不過
村中學究淺陋何可言聞公高論不覺灑然矣
僕愛吳中山水清曠依依二十年近欲稍葺一
舍使西山爽氣日夕瞻對蒙公盛愛感佩無涯
但田畝已集君西更不能別有所託茲議容面
列不備

長谷集

卷之十一

七

之

復王庚陽

曩者荷公殊愛山中行迹宿心係戀汨沒塵中
不能朝夕領教皇恐皇恐向詣龍田君知有中
秋雅集深欲附近高人以有友人成約兼程而
歸仰瞻明河殊有追懼之典今尚未已也近有
卜居之計不但吳中山水之美誠欲與諸君把
握風烟稍得自比于泊宅之踪而已中冬或可
對晤西望馳情不任婉戀

復蔡白石

二首

馳仰高踪有如饑渴者二十年始獲瞻承之願

觀德領範無任欣躍第朽腐微軀機動寤寐不能暢情於名山之間有負多矣黃老之教固先天精微之旨其說盡於參同契世遠迹陳亂其故籍註者雖多其詮悉昧其首論聖人以月令治天下而金丹之符火寓焉其言黃老養性與服食之妙用魏公與徐君景休互相發明竊不自量分條釋義頗亦自信俗氛拘纏尚未全完其諸結胎進火上吞天符又皆口口相傳不見於文字其說附見白玉蟾與陳隱之書內呪音珍重謹附來使以復

長谷集

卷之十

六

又

僕之居湖不但山川明秀可付丘壑之懷實亦高賢所產裨挹清光而元固叔牟之後有公繼之超然獨出於時流之上僕雖衰遲而會景冥鴻之外固有餘思矣不幸遭逢亂梗離索太甚大賢之門未卽馳扣乃承教札遠及媿何可言七夕左右暑氣稍斂便當扁舟南向披衣作客矣故因于覽行便預呈儗從

與徐龍澤

自兄南還遐想特甚徒以衰邁不敢出門

落內規趙雪林來道祝念之意感何可言且徵及樂府原謹奉去一部中間改正視唱卷刻時已多恐欲翻梓悉以朱點出困守窮谷別無晤對之侶舉念只馳於兄雲樹阻違可勝悵望龍巖君之疾遂至自廢言其家事令人浩歎其自附於兄真如飛鳥可憐向聞誦讀其子仰見肝腑知兄非遺人者不覺道之還料理秋事冬中方得還山容求面也

與唐一菴

久不奉候殊有馳情敝鄉倭奴之擾更甚於他

長谷集

卷之十一

六

郡邑不但海畔儲蓄掃掠殆盡橫羅鋒鏑者且及數千此自來所無之浩劫也幸賴可泉公謫度有方徵集得人僅得誅逐相半但其來路已熟未卽厭怠將來之憂未得究竟奈何奈何浙西蘇松尤爲便要必得併屬可資公麾下事體歸一首尾可以策應不然則亦鄰國爲鑒者也足下亦嘗念及之否江南七郡根本重地邊幅無虞腹心斯安不可謂此輩本謀不在攻略遂輟不講也數十年移家之計未能決定近因此亂草草西行然久住張本實基於此七月中

當可面承先此不備

復羅志菴

董子元回領承教惠深感不遺舊歲聞領京薦為先君心賀之三月曾一至湖執事尚在南宮未得面承不謂執事先布盛愛皇恐讀公試卷春容典雅命意周匝此用世之文也公家先數世積累善基先君更復厚德深積厚發為光大之業惟執事更加自愛以須後福開歲掃松定當專候以致區區詩刻一部猶怕二方少充馳敬不備

長谷集

卷之十一

三

何

復吳照野

入湖來瞻望悠悠孰堪企晤乃獲見君兄弟植根芳苑濯秀清流崑崙產同崗良璞竝美古人謂深山大澤元氣混淪必有賢士生其間信矣區區性同麋鹿惟甘豐草西昵雲山遂為長計自顧山澤之癯無裨世用而安食寢興獨往可惜欲以空言自見聊附作者之後猥瑣偃蹇任其性靈展更霜露修焉老大嗟乎戎葵不剪尚復曜榮朝旦布穀時鳴亦堪取聽山農况大塊遺我以有知清時置我於無苦乃不能結軌文園

增驅道駕豈復自堪耶適荷披情聊此報謝

與陸胥峯

雲居來領承手教珍重別數年來殊有馳慕荷此不遺之愛殊足慰也賢門集德雲騰霧起大江之南聞望奕然有丘壑深情不為聲華靡麗所奪此尤浮世所難也區區末士散情物外與人間世阻絕已有定計踪跡疎曠一無可數承公存念有感而已聞欲放舟峯泖之間想獲瞻對聊附雲居上復不備

與俞蒲山

長谷集

卷之十一

三

都下伏承存念之厚彼此俱不得面一致領教之心閨中來者道門下德化之美以靜制動雖古之道愛不足為過言者津津不厭其中之感可知矣鄉邦之人與亦有光何其幸耶生以疎庸之甚不合有司程鑒執志以往如水投石至干今決矣自念弱柳之姿豈勝霜露雖欲騁其長轡亦何取于平生哉乃從右選得浙之奉化縣縣在山中無旦暮折腰之苦且人民寡少其職易辦或可籍此寡過茲因同年袁君到門下屬吏敬以布聞兼謝不勝報德之至幸甚

日小心慎畏遇事終戀不敢草草但不習其
亦書生之常以門下緒達之才撫而進之成其
初志幸其行將有道不盡所欲言惟順時自愛

與楊子乘

東溟子乘足下別來甚馳想乃足下過期不來
知有湖山剩緣也向來僕亦粗遣食加于舊樂
亦過之鶴心茶夢二者雖各不免要之丘壑之
性竟已成習雖有可好可慕不奪吾情矣近
入吳興山中經月方歸金山之麓發一泉玉色
照映甘冽勝常水計已津津出流下注廣畝金

長谷集

卷之十一

三

山多雲氣某已名曰雲泉矣安得足下過我同
賞樂之足下曰在湖山中亦頗知其樂否人苟
有所樂雖無所不往亦可王子敬云從山陰道
上行山川自相映發使人應接不暇今足下親
臨其地則使王子敬在吾目邊可也

與毛三園

僕復付鴈客何公得聞足下直道正義立身事
主爲名大夫繼又東溟來能道足下閑居樂志
爲東南丘壑主人二者皆忠所願師資也今未
能一渡曲江園參承之便平生缺典有大于此

哉又况禹穴幽深蘭亭雅勝風流曠絕聞者興
起今有足下爲之主人不能及時一賞其不貽
笑靈均者寡矣東溟以門下盛情千里俯及幸
甚幸甚開歲即當趨謁以畢宿願外新刻小書
二冊奉呈記室

與葉若水

攜手經年茲將爲別旋離谷水遙指越山鴻泥
之迹未陳萍汎之牽何忍乃復情近閨幃惟惓
易提神游金粉雅誼難投所有舊庭內經一卷
出自手錄奉君行笥聊代箴言願子還依蔣經

長谷集

卷之十一

三

翻飛二仲之間早過文園了悟三生之契言不
盡意心逐迴波

復吳少巖

都門一別回首北望不任依戀感公相與三年
真心契契有同骨肉疎嬾無狀不能裁稱萬分
之一至今皇棟繼開湖湘之命托意於蒙泉包
侍御鳳峯大參使吾兄少展鬱紆之情近聞又
復移駕明州甚慰甚慰令器少學已自精采尚
未發解何也薛生來領承教貺象山感兄政蹟
不意再奉使君於去思之日山童野老俱當踴

躍歡歌亦人生一樂也前在奉川稍有補益於
民仁兄所知近檢所能記憶撰成一帙名四明
半政錄飛鴻已去徒有雪泥之迹刻成須兄一
序以示子孫先此附聞不備

與劉鄴南正郎

往歲獲奉高朗殊慰夙仰之私一見之間卽示
肝腑誠心直道如青天白日而奇氣疎節望之
若不易合乃能令人飲德不忘此大君子之概
行也別後遠惠書問更深感荷伏計向來庭幃
之樂大慰于傷離之後山川阻澗未由上覲道
華殊深馳仰謹附西玄先生之便少致區區

復王小峯吏部二首

宦寓吳中久馳歎慕况能志越常流情深吏隱
與一二高人探討雅道斯可易及耶中秋之集
聞之不覺飛動顏色以有約東歸不能一沾玄
化愧負何可言吳興故在惟高踪一度不易再
逢此其爲恨不少也稍間當有和篇上于紀室
西望馳情不任戀戀

二

峴首之集蒙佳章垂教雖一日之緣不使棄擲

乃不得一造別而歸有悵高情矣久不修候伏
計事已結絕地謁有期農事方急不能操一舟
遠赴爲別皇恐死罪吾丈寄寓以來脫略世情
遂貽湖人永好鴻漸雖遐蘭芳不泯世之稱寓
公者豈多得耶且靜閱世故諳練物情執此以
往何施不可恒人好忌自古爲然至于仕途輻
集更復拘于長短之迹非深韜晦不能自免區
區一出遂遭顛蹶實坐此病吾丈見世已熱幸
加珍愛以慰馳戀小詩不成語近來一意靜居
不復事此勉爲吾丈而已家纖七寸一足奉充
長谷集卷之十一

鹽敬外新刻開府詩二冊

寄李青霞

與足下別久矣嶺傲以比時有便道而沉晦之
人與士大夫隔絕無從寄問適自吳興還得與
浮山公數日瞻對審足下動靜知福履如常爲
慰自公南還宇內觀聽與平生頓異足下養望
惜福與大君子朝夕談至道守德宅其自得厚
矣生今年已七十又添一子八歲諸孫亦羅立
矣萬里相聞別無足道聊以此使故人知別後
際略也浮山北來幸一見教

寄順德何震堂

違別久矣不復再侍先公日惟馳情左右不謂
陋劣無狀竟至沉淪有負先公厚恩其何可言
偶獲瞻對浮山君詢知道駕尚在閩中閣下直
已守道任真率素雖有羈負之迹而不午及世
路實慰先公屬望之心矣先公德政在吳二百
年來為郡不可忘者四人而先公其一也舊年
已入名宦祠可見人心公論足慰閣下之孝思
生自後添三子八孫已攜二孺移住湖州山
中守墓林者十年今且躋七袞矣舉動尚如壯
時聊可自慰相見未涯附此以見先公所望於
區區僅有此可言也臨書感愴不盡所言

與味泉宜公

蒙遠來慰慰寥寂惜塵土中多負業緣墮入諸
相不能了然正有愧于高人也師又不屑父處
此地解脫俗思此來亦是夢境東坡謂飛鴻踏
雪似有似無若謂萬境俱空不當以言語之際
見高人則名迹往來俱當謝絕師亦豈能此哉
留詩文作不朽計此老大幻業若更勉為之則
山人滿眼皆死灰浩劫此處已熟見之不得如

命

與董幼海

讀公抗疏端直詳懇為之凜然吾鄉有直節壯
氣者如是榮被多矣聖主未必不動情直以
保全用人大體且其人已老霜露卒至即同天
譴故外示優容寧使建言者暫抑後將伸之也
但今時為諫官往往畏禍而不發乃發於省部
此亦宗杜之靈不容權奸之矜惡也先曾綿州
公平生議論抗直一政肅然家無儲積雖處諸
星富有之間未嘗一動其心一變其志德門積
慶彌及三世始生足下高明賢達不愧於大科
此即綿州之影跡也漳鄉雖遠屬屬雖多必有
護將直臣者使之生還也更惟珍重以副海內
之望

長谷集

卷之十一

三

長谷集卷之十一

長谷集卷之十二

華亭徐 獻忠 伯臣

書簡三

復劉沂東加耗書二首

伏蒙詢及加耗一節仰荷造物之仁幸甚幸甚切以郡內華亭一縣言之有東西二鄉東鄉糧輕而收利薄此願糧上加耗者也西鄉糧重而收利甚厚此願田上加耗者也偏聽之則必有受病之處然歸于截長補短之論則有金花銀一節爲之權衡也往年金花銀每兩折米四石

長谷集 卷之十二

近自巡撫歐公一變止得折米二石大略金花銀十萬兩共折米四十萬石今每兩減去二石是減去二十萬石矣不知此米作何下落但查出此米若田上加耗則將此銀盡派與輕額之田若糧上加耗則將此銀盡派與重額之田如此庶幾彼此無病而民或少瘳矣但西鄉之田大抵盡屬士大夫之家而冊籍類寄于東鄉田多征緩之處而東鄉之田少有寄籍于西鄉者只此可鑑東西鄉之利病矣而府縣總書食民膏血盡在隱獎糧稅之內故無肯明其實迹及

不明指金花銀下落區區徒有憂民之心而不知其籍伏望廣訪經知之人只此一節不輕放過便是利民之大政便是任內第一官方也尚須面陳其詳以副門下憂世之心先此附復不備

二

昨承下問耗米匆匆對使者不盡所言無以上稱來意皇恐皇恐切以本處田糧起耗始于周文襄公則有年譜可查其派折多寡定額則有宜春張公萬石一覽圖可攷見文襄起耗者因

長谷集 卷之十二

當時雜派太多民不堪擾乃將雜派各項名色盡于田糧上一併帶追謂之耗米若本年雜派少或米價高則耗米有餘羨即留作次年耗米之數積羨數年則田上可全免耗米此誠善法也後來耗米遂爲常年定例積羨在官者俱立收頭易銀置之餘庫以致侵欺數多至今有監禁者又如南京允糧軍船轉搬至儀真每石有過江米七升每萬米則有七百石若他衛兌船直達者則無此米此耗米可省之一端也若當年米價高貴則派折之數加多而上倉米派止

足兌運之數其餘如南京糧之類及運船綱價俱與派銀民獲其利此亦省耗之一端也貴在隨時通變心心爲民則耗米儘有可省之處若云金花銀照今坐派京料增多故減去折米之數則文襄公以來原有坐派京料近所增者如道衣九十件每件該銀六十兩而蠲免大紅細布自可抵足其餘所增亦無多端今減折止自嘉靖十七年起豈十六年以前乃無此料而俱派自十七年頃有十萬兩故減去折色二十萬石耶此項可據文襄年譜原存京料及十六年

長谷集

卷之十二

三

以前以後雜派而查之無難矣今延海荒瘠之民止于華亭之十四保十五保濱海里分上海之十七保十九保邊海里分田糧雖輕收數甚薄不過麥荳五斗上下而已又况天時一旱則赤地彌望誠可卹也此外凡爲民田者盡皆沃土豈得因此四保而併輕縣之民田盡于糧上加耗乎西鄉田糧雖重然自卹以西至蘇州交界去處其租乃自一石三斗至一石七斗及上海之中鄉皆沃饒之田豈可類以重額而輕其耗使縣盡于田上加耗乎爲今之計金

花銀查復原折之數則以補貼加耗受病之田或槩縣于田上加耗則補于輕額或槩縣于糧上加耗則補于重額民必鼓舞稱快矣如不復查出或別有干礙或妄推坐派之多則莫若止將自卹以西之田補貼華亭之十四五保邊海里分將上海縣之中鄉良田補貼十七九保邊海里分所謂補貼云者將沃土量加耗米二分將瘠土量減二分而已除此邊海里分外其餘保分及十四五七九保內亦有不邊海去處皆照舊田上加耗可以減去官田重額之累固善

長谷集

卷之十二

四

法也補貼雖定而金花原折之數必須查復以寬闔郡之民更于耗米之內扣算積羨以備加派京料或備補被荒里分錢糧民病庶乎少瘳矣夫文襄之法行之歲久固或有不宣於今者要之補偏揆獎不失其初意可也惟高明廣集衆論裁處施行

復劉栢山

伏承千里走書深感不遺之愛兼領向來福祉勝常及令子安佳欣慰留都官曹惟法司繁瑣以門下清心省事臨之持衡守素必有受其福

若自門下去後松人仰思德政上白衣冠下至
閭巷無不慕戀豈門下有所要結于人耶門下
任真履平以清淨爲治寧受有力者怒而不使
小民伎怨寧有廢閣之咎無寧有催科之譽攀
轅之日行李蕭然無不嘖嘖嘆賞此數語者發
自衷素爲去思之實迹也政思蒞任之期當在
冬中不能假一良便再求晤會得賜教實深
爲慰向來別無可爲門下道者服氣寧神游心
玄澹聊足自適而已對使草草奉復不備幸惟
順時加愛以副馳情

長谷集

卷之十二

五

復畢梓石

今時摹臨不盡出能者故屬本極易辨往時米
元章極善摹然論者謂其極佳處尚乏神氣如
剪綵爲花終非天然貌象況今吳中人稍能運
筆卽廣爲摹本殊可笑耳衡山亦多摹書運轉
不圓類多峭直此自古所難故臨蘭亭者幾百
十輩惟定武出自率更爲佳其次河南卽已非
神品其說盡于筆陣所云本領將軍也將軍非
頗收雖有刀稍戈戟善攻之具皆爲虛器仲溫
言止得章草一家耳然非深通八分者不能作

日近教席而扶搖九萬遂陟天衢大失瞻承之
願猶幸留都近在千里曹署清燕或可扎信往
來耳使來詢知太夫人家園康樂想非就祿所
及然恐足下懸念未能釋於金陵之勝也區區
湔陋謬多汲援於文園之末手扎之及辭意周
委謹對使者裁復草略子木前委書扇并以附
上外具設怕小書殊媿報稱

復張石牕

仰惟門下留心民瘼以五事垂教皆時務所切
可以救目前之困者也小民何幸如之其比限

長谷集

卷之十二

七

以十甲可免經催之侵收而府縣分比更爲切
要但里長名下數有多寡之不同如一甲所欠
百兩而二甲止欠十兩必須均作五限如一甲
第一限要完二十兩二甲止要完二兩不可槩
責其欠而不分良頑如此則公事旣集民力不
匱矣若夫收頭羨餘之積是教收頭以多科而
所積之羨又未必正用免之始爲良法收頭八
名之說事方歸一庫子不收錢糧固是而鋪陳
輜傘之費沿歸通運所又不免所庫之累聞往
年所庫陪貲至于三四百兩而後備甚輕今欲

復之必須加重徭編庶幾可也至云祇應一節
自平爲有司之累今議節省所望寬一分民受
一分之賜者也大抵有司之務舊法苟無大害
則不可更立新法蕭曹畫一之守自來稱善而
補偏揀敝惟擇甚之甚者裁之苟非大不得已
則仍之可也近者征科所病者止不由分比而
各衙奔走不暇况別有所費乎今市井經紀之
民俱攬批牌下鄉大爲民間之病既分里比限
更節下鄉批牌民力少瘳皆荷仁君之賜矣

復太守方雙江二首

長安集

卷之十二

八

伏承問及備倭長計切以夷人變詐百出而加
於素不知兵之地是以戰無長筭守無成計今
者閩將雖有重兵而無將權不足以馭烏合之
衆憑城雖有虛名而窮民失業實非長久之道
誠當上厯尊念以求其說也以戰言之海上方
多茅葦而塘路甚狹彼得以自蔽而我難進步
彼聞大軍且至頗自爲計而我顧爲客不知所
從措手兩日報至彼已分遣精銳先在浦中一
欲牽制我全師二將取便搗我空城欲使自敗
不暇之策也我之爲應一須選練驍勇從西而

下二須招解守備一軍從海口東來東西夾攻
誅其游徼彼將自遁矣然須潛使土著燒其茅
葦或招其脅從斷其聲援潛遣少林僧搗其巢
穴直甚易也董知縣一軍止可往來接應兼備
城府若與韓閩同事必有不睦之虞矣然須請
之當路使才能推官一員記其功次斯得力也
至於守城一事本屬之守禦官軍若官軍不足
則以城民足之然須分爲四等其單丁夫婦貧
房一間者爲下下戶不役外下下戶之上分爲
三等自士夫以及富民自二丁以上隨力出夫
爲上戶其次中家有丁者爲中戶出一丁皆自
食其次稍有衣食丁或二三者取其一二官給
食每城夫十名晝日止須一名巡視至夜以九
名分爲三番以節其勞如此民斯弗病至有事
之際然後以官錢雇募所謂下下戶者供雜運
之役使其雖開城而不饑也使旋先此附復別
容面列

二 六月十四日

月內每夕候望氣候不正昨之初昏南天赤氣
布滿辰方忽見蚩尤旗蚩旗之下天罡主之理

當大戰南漚嘴正當郡之東南隅若韓公果以是日合戰必已捷勝蓋人之癸丑歲星在辰歲之所在戰伐必克昨日辰為戊子戊為我子為彼赤氣生戊土而辰拘子水此戰賊必破散可為我侯先賀也

十四日酉時報至是日果大戰取勝自此賊散去

復吳悟齋

客歲草草為別不意海寇卒至人情洶洶幸公尚在城中臨事有緒人賴以安頻年海上所恃惟雙江與公而已二公既去如違父母今雖暫寧不知向後若何民間頌公德政不但平刑愛

長谷集

卷之十二

十

民不畏疆禦而已方寇臨城下門已固閉男女為賊所驅者數千口號聲震天盡將赴溺公力主開門救之垂死仁德動天莫大於是公之後世有興即是可測不但高官大祿報之目前而已今聞迎養尊公孝道篤厚以是心上事

明天子忠誠通徹不負拔擢之恩可知矣諫官之職係乎其人其才氣超出者類多激於異情其氣平慢則又不見利害之端公之才氣雖高而多識事體更望加愛以慰尊公之心夫用人行政二者並列而實不同今天下事可建白者

甚多而東南民力凋敝日益不堪與其去一人而為力不足不若陳天下利害以補時政之闕失與其未信於朝廷而徒取其辱不若利天下以安其親公今世之傑士於此二者必能裁酌而愚猶不惜贅言者念公之迎養也

與郡邑論守備事宜

昨聞海寇又添一十四船住泊婁家河口聲東擊西兵家之常此地誠不可不備且閘港之賊八十口歸既不得住又不安其勢必將西出以計出路今我城垣單薄水柵脆腐故昨所論十

長谷集

卷之十二

十一

條欲多備灰石以時修理此第一事也諸惟鐵不易得今早聞朱克裕秀才云普照寺潞盆鐵甚多估計觔數多鑄三枝大鏡兩頭共得六枝一人用之其功博矣嘗見虜人鎖子甲用薄皮造成塗裹生漆既輕且堅造亦甚易兩倉起運米可急催出境併力過江餘米盡入北倉其三倉糧未完專委一官督之入城惟白銀可以暫緩責併以安民心也市買物料必須見價民快役夫須給工食昨聞拘捉遊僧此尤失策不若因而募其能者用之此不但遊僧為然凡諸以

藝事在境者皆可用但須根究下落方可以絕
間細也倭力犀利可制者惟大片毛竹拒打其
刀必折此二十年前朱倭制馭徐倭之說也夫
備寇所以安民若因而擾之非自治之長策也
公府錢糧在軍興須以權宜用之萬不可擾及
里甲細民此尤要論

復蔡可泉中丞 四首

蒙延訪邊事偶以脚氣發不能奔命謹條短疏
上荅至情切以帶方以南諸夷狡黠恣橫者惟
倭爲甚而倭之尤變詐者惟對海洲爲甚今之

長谷集

卷之十二

三

擾我邊疆即其人也日久途窮大兵四集其生
變詐益甚於前而我師烏合將領無權不能驅
之力戰且其地多窪谷海塘偏窄加之茅葦克
塞進路甚難且軍中不識向利不知氣候天意
轉動甚微不知趨避如近來東風逾月此即彼
之噓氣我無轉召之機人情氣怯之應也今之
爲計兵不用多而用精將不貴猛而貴算撫機
不熟應用實難設變入神風雲俱應所謂運用
之妙存乎一心者也安慶兵與處州坑兵以地
勢熟示之從北路而入少林僧兵從西路海塘

而入董知縣一軍從東路而入其餘諸軍韓
統之結營於十里之外爲之聲應以設奇置伏
爲取勝之用凡見小利只思敵餌不可輕趨縱
有小失反設疑間不可自却其所用鄉導恐爲
賊黨須加審察近塘茆草此時已可放燒有蘆
葦處令防海軍人及土著百姓隨軍樵伐彼必
無計應我惟以泥水作滑簦刺作梗二計可行
耳淩刀犀利質本剛脆所畏者大片毛竹擊之
即折以狼筥竹篙應之亦所宜也其所長善用
奇伏每一軍必分數隊多者不過十人彼此策

長谷集

卷之十二

十三

應上也更須曉示脅從離其黨與先歸者宥罪
臨陣者混殺近有得其來歸者輒戮以爲功絕
其歸正之路甚可惡也兵既有緒慎無燒其舟
船絕其窮路此與閉席室中相似所殘必甚矣
故在兵家尤忌之兵事不易勞神已多更惟自
愛以善朝夕

二

仰承憂時之念爰晨短疏未竟其說大兵貴神
速機藏不測今日所慮非賊之難搗直憂將權
不能歸一機不能自神耳董知縣軍練習有素

止可專責其成不宜與韓聞並進故欲以東面
委之蓋賊被西師所困勢必東趨高家行直渡
黃浦南奔新城新城濱海而城壘可依此賊之
所窺也使董從東溝而進至高家行設三伏以
邀之董君既聞西師得勝戰必自信以收奇功
此必然之勢也安慶兵本可用又以驍勇四百
輔之兩家軟弱且見公能同心戮力以圖成功
驍勇既在金山即命安慶兵於漕涇會合竟延
海塘東進可也僧兵合從北路者出其不意也
若恐賊疑僧兵所在則分僧一半雜於西師而
長谷集 卷之十一 十四

三

昨聞賊退此本足爲信自愚料之其計兩端彼
聞大兵四集調度遲久必有全勝之算故且退
避以保擄掠之資然南風方急勢不能去海中
島嶼惟金山爲近其南麓暫可歇泊稍俟風息

又進至竿山埋掩資貨且遠鋒鏑俟我諸軍散
去彼復潛來此必然之勢也又或稍遣柔脆
從之外示避避內藏變詐而雄黠之徒伏我
近地候我逼近營場肆爲掩蔽此亦其故智也
若果出於前料則其船少人衆必將捨其脅從
自宜招撫復業不許橫加執錄據以爲功若果
出於後料則宜戒遣將領常持遇敵之心檢其
營場探其出沒之迹以爲他日進兵之基但調
來諸軍勢難久駐事稍平靜亦不可盡數遣發
自愚深計必 奏陞董知縣在府其相隨兵士
長谷集 卷之十二 十五

四

上海不幸有旗幟之警吳人不知兵革肝膽墮
裂方是我公出身任事調度有方而意思閒暇
若出素定海隅之民賴以全安籌其功績自宜
尸祝之報而因循多難未暇及此自公去後網
解目散不能主持其事遂至猖獗之甚延及江
之南北以至於今勤勤師徒海內騷然區區朽

株腐塊寄處其間未知究竟何如是以吳中父
老益思我公矣自甲寅年攜一末子別居湖州
思爲分種之計山中有二畝之宮力耕爲食不
意今之五月松禍尤酷不能返顧舊廬拊視諸
孫方有遙情忽承遠及書問惠以心言感荷存
念豈勝爲慰方往德清訪蔡白石途次裁荅不
能悉所欲言聞公已有總漕之命領承之日當
亦非遠萬萬爲國爲民備加珍愛

與魏及齋中丞

不才承公知遇有逾常分衣被寵光與陽春同
長谷集 卷之十二

卷之十二

六

厚感何可言發駕之日以事留滯宜與不得領
揚明德至今爲媿向來辟居吳興山中衆藥養
生與人間畧無相涉我公分陟重寄近在圻甸
縈情屬念不容不切方今海上之事斷決不早
養成腫腫彼中報復不無狂計肘腋受病腹臍
豈安我公所統當過爲之慮庶可以應其不測
然大要以選用將才爲急年垂七袞得藉威德
身見太平之日此其爲幸於人多矣

與郡侯堯山臧公

客歲因門下蘇行不及奉別小兒來道兩次道

念不遺老卧山中不能時承動履多懸情
也鄉遭大亂繼以大荒門下純心王道先尚
德化兩年安靜民間默受其福外無可愕之政
內守一定之見非見道分明持養有素未必不
爲人動往時保定趙公守松之政大畧相似矣
今世士大夫先名後實先已後人一切作爲與
聖賢書本不合務爲歡娛峻崇而已求無愧怍
如門下曾幾人哉向在湖城適逢尊大人問及
松政以此語之殊亦未信以白石都下書及之
也兩年有小詩爲門下作者本圖政成之日附
長谷集 卷之十二

卷之十二

七

於頌言之末錄上記室以表所存

荅郡公袁澤門

五首
論錢法

自昔錢貨流通必假子母之權更相出入轉環
不窮故其用不竭今時則不然楮鈔不精既不
足以爲錢母而白金又多以銅鉛雜造之成色
日益卑下則銀輕而錢重故盜鑄之濫惡乘之
而起其勢必至於盡廢不行也今欲錢法之行
不惟禁盜鑄之濫惡必於造銀之家禁其雜造
之弊而後子母可以權行之不竭矣今天下之
善錢必以開元通寶爲準者以其每文重滿一

錢十文重滿一兩輪廓周好字文明顯蓋字文出於歐陽率更而鑄造之精又不惜銅不愛工故盜鑄不惟無利且不能得其舊模故不禁而自絕也宋錢之精者不下於開元我朝列聖升遐之日亦有藏錢行用於世視開元畧重而銅工皆不精然亦可參用不可廢也今須定擇各錢以爲行用之式然後立爲定法使公私通行如稅課不勾銀一兩者使皆輸錢於官庫錢多則散之市肆倒銀入官每銀一分倒錢七文出相同公私無礙其諸折二折三之濫惡者悉令銷毀有不銷毀者申明重典設立賞格以禁之庶幾私鑄之谿徑絕矣至於造銀之原自松江一郡言之惟布行米行日出數千金而布行爲多其雜造之弊亦惟布行爲甚商人挾重貲而來類皆松紋細絲而牙儉攬造披白橘汁之類其名不一上者九成下至六七成大約每銀一錢減剋三分之利牙儉擅二分傾造之家擅一分故牙儉有鑿鐘列鼎之富而傾造驟立盛業是皆刻剥小民之膏血也故民日貧困而嗟歎盈途雖有精好之錢空至藏匿而私鑄濫惡

所由出也今須嚴爲之法凡傾造之家十家爲甲以保之牙儉之家二十家爲甲以保之止許傾出細絲不許雜造成色犯者不惟置之重典仍使出一罰百以爲備賑之用如此則銀可以爲錢母母可以爲物準物價自平生計可依血脉流通五行不錯太和之氣于是乎召矣今世救弊之政莫急於此亦莫大於此惟足下留情民瘼終惠而行之幸甚

二論水利

下車來即蒙詢及郡中水利隱側爲民之心已可想見往時呂沃州按臨茲土丹徒令今南其部鹿門茅子詢及區區曾具一書當時言者雖陳不能專聽今檢藁內無存者謹以大畧上復執事夫東南錢糧所出而蘇松爲甚議者徒惜民窮而不知衣食之源實由水利蘇松水利全仰太湖今蘇州承受其委東出於婁家河不至湮塞者以寶帶橋流注迅疾從夾浦而下婁河者分數獨多敵住海潮之沙不至壅塞也其吳淞江承受吳江縣南諸洪類爲民間占塞七十二水門盡皆狹小故水泄不留歷年漸久大則

築爲塍岸以收稼穡之利小則積汗爲隄以逆
芟葦之益故東入吳淞之水日漸縮小而潮沙
之涌入日漸漲塞故青龍地方在宋元時海舶
鱗集號稱富壤今皆荒廢田地蕪穢知大計者
可不深求其故哉永樂間夏忠靖公來治水利
南視吳淞不可直達如往時也止引江流入於
夏駕浦以入婁河又北開白茆塘以入於楊子
誠是矣然徒浚其流而不開其源七十二水門
之湮塞如故則吳淞之流不加汎疾夏駕與四
顧二浦潮汐之入者不能敵住柰何而不塞也

長谷集

卷之十二

三

今之爲計不須徒議下流空靡錢穀必須大開
吳江長橋有大洪者三五處以其石砌水門三
併爲一除其占塞決其壅滯與寶帶橋急流無
異則吳淞入於夏駕四顧可也直達於新城海
口可也決無壅塞之患而青浦地方田功興矣
其華上二縣支河小港潮汐流通之處每年一
疏浚其丁夫不用官錢雇募止令占田之家出
食佃田之戶出力水利專官督之塘長任之汙
泥可以爲岸塍岸可以種綿花民利之興衣食
可仰而國計不疎矣蘇松六府舊有水利通判

一貢縣有水利丞一貢而上總於僉事近復以
冗員裁革此官在蘇松湖三郡千萬年不可一
日廢者也執事者萬萬留意

三

公之來任天實使之祥風甘雨所被於民者皆
天澤也少讀史書歆慕循吏之政身宰小邑聊
試爲之殊未竟所懷而中道捐棄多有遺恨及
見我公之政誠心直道慨然以兩漢高人自居
純而不雜平易可近聖賢大學之道不過如是
每一令出未嘗不私自歎慕故元旦入賀特加

長谷集

卷之十二

三

四拜蓋爲吾鄉人謝德政也詎意口碑蒸感反
背休祥大喪登及聞者錯愕禮奪人情不能留
挽公雖去任思慕益深改歡爲悲變笑爲哭去
未十日倭奴來寇海上騷然昔之沃野番爲戰
場昔之化國移爲浩劫南風方競竟後若何皆
未可知也議者方謂公有至德天實假此拔出
苦海然豈公之素心哉病足數日櫛沐久廢今
早兒曹扶持起坐得承爪步賜來手教領知已
致陸出離遠江險稍慰馳念敢附此爲謝并致
區區感公之意

四

郡吏自都門來領承尊教感念不遺今者掌科之命不足以榮門下然足以慰松人之望三年苦心自當食報行路聞之咸合掌上謝以爲如是斯不負公此非矯情之言也自來華亭征科之令過於急促公私督併無有寧日而課程更復阻遏反不及常數其故何也役人畏法則買限寬刑之費不訾役人之力既不能自辦則移其正課苟免目前自是侵收之罪日屬於庭而課額益負我公洞見其弊立法以寬爲主以集

長谷集

卷之十二

五

臨民之時殊不同矣今公職當言路天下事可建白者甚多宰相與諫官共係天下安危其職有經緯之別相道國之經也相得其人百職咸當諫官國之緯也政事闕失力堪補輔願公以是存心持重以存其體委曲以濟其事不激於異向不牽於同情天下之事必有可觀而蒙其福者多矣福星照臨豈但一松江哉衰寂之人存有鄙懷不覺臨書縷縷

五

長谷集

卷之十二

五

靜居山中忽得教札若從天而下承公不遺衰朽存錄如昨何感如之歲底東還聞有此報仕途輾轉在他人可惜在門下則見道有日質之裏素無所加損撫臨舊日感恩之人重沛甘雨真若父母來歸自多歡欣鼓舞門下處之亦不勝其樂也士君子平生得意事何甚於此邪急欲面承稍有留滯六月中方可發棹先遣小童審請向來闔門福候外詩二首畧見所有往歲得領瓜埠發來手札及都門屬吏持回一書各有報謝俱曾達否

與何樂然二首

承太雅在望不能日侍左右以求誨諭乃蒙
下問專懇居實若虛可知大君子舉動有道集
衆廣益雖對非之微亦見采捨自視惶慙生居
此地雖頗用心以求其寡過但浙海深曲人多
刁滑不易制御惟以實心臨之反已無媿其他
外來付之人而已矣貴治與此不同人文物曲
各有表觀情亦易徇法亦易施惟積衰久敝稍
自振起漸圖從化而已吾丈高明之資淳篤之
行如鴻毛御風無甚難者但以區區視之家食
頗自知奮一臨民事情志未照初甚惘然經歷
長谷集 卷之十二 吉

年歲方能熟察方其未察之先聞人言終與已
見不同久而後能然者愚昏而始悟也今在吾
丈豈區區人品可例視乎幸惟每事加察不使
人可欺昧自無不中之理矣侍愛布此死罪死
罪代巡臨省所與處惟知有法進見通問或出
自法外不穀豈敢幸惟裁照

二

都門草草爲別嗣知吾兄入闕少岩在湖湘道
遠不能修候徒動馳思而已近知吾兄補入新
昌少岩且判明州殊喜慰向來動靜上知照服

三年餘俱獲福吾兄以大科眉目尚淹淹十年
爲郡邑之政雖造物者有定數而操端履平不
失幽人之正度吾兄心事亦可見矣少岩不知
到郡否茲因潘龍沙天台之便聊寄爲信區區
卧老山中不復知有人間事者殆已七年兒曹
俱分拆爲家止九歲小子稍能誦習方將引入
吳興守先人墓林而貧乏不能自立又非可以
告人者吾兄三四月只將入當要路俯視故人
亦少榮情否相見未涯惟萬萬珍重

與蕭侯齋奉化 三首

長谷集

卷之十二

圭

四月錢道歸適在湖州附緘殊草草即辰暑氣
初消臨民安豫伏計備承福祉上下和洽不任
馳慕敝鄉朱青岡諱豹往令奉川殊有惠政後
改刺餘姚陞御史仕至福州守奉有去思碑名
宦志可考督學方公深慕其人未審會祠否如
未果乞賜移文以光前政以副方公盛情至幸
黃冊想有定計前置學田百畝籍坊隅一圖書
手汪保經手太抵奉人專一偷換冊籍故生任
時特造冊樓頓放若此田偷出原冊乞一追究
下落庶幾諸生有賴此則門下管冊第一事也

併及上瀆皇恐

二

奉化諸文學來道公職事洋洋滿耳不任馳慕
正惟奉誓下吏以致仰承之私忽枉存問遠逾
千里衰寂已久如得陽春其爲欣慰可勝言耶
奉化僻在山中俗本朴厚田野之間有至白首
不識公門者近年來間有營生無厭隱匿王賦
鼓智抗法者不過千百之一二耳茲以長者臨
之略其細疵持其大體可也仰公下風不能奉
揚神化萬惟珍愛以崇百福外具新刻素問一

山谷集

卷之十一

五

部牘帕二方詩扇一握蘇黃帖一冊侑緘

三

項生來領承學田碑刻命辭珍重此意良厚不
才去奉已逾十年始獲以此勒之金石感當何
如第念此邦之人以升沉爲向背竊通爲重輕
區區心竭慮爲之造福不虞豪橫之徒依托要
路爲民受枉籲天無從雖匹夫弱婦有去後之
思而握柄市恩無感報之日今足下檢念舊跡
爲之表章三年素業聊用不沒阻絕江海不能
頻首一謝謹附以復不任馳泝

復邑博邵石屏

頻年王項諸文學來道公型醇原舉動可法拔
納言之孝廉使爲子師集邑中之茂異以嘉文
會馳慕高雅可勝欣戀錢道人來領承教貺寓
奉僅及半政別無繁念膳堂圯毀粗備木料輒
瓦籍存工吏不能竟其初志至今悵然惟學田
百畝籍在坊隅一圖上司故有鐫石成案今蒙
竣軒公振其新令永絕樊根學中貧士不能婚
葬亦可略備但未知已刻否

與項伯和

山谷集

卷之十二

五

不才獲與諸公交處固爲幸甚詎謂幻業虛無
轉眼變衰鴻泥與春雪同消鹽味在水中非有
思之一笑可耳然名理心迹種種可辨雖庸夫
釋客皆不可欺況大人君子哉閣下投我以厚
德交我以實意此心不昧其復何忘卽日王生
來審知閣中之變此生人之浩劫也以理自遣
庶不有累懷抱尊君向來宦遊當有佳况閣下
旣列仕籍卽當爲一明天子闡揚治軌青陽易
去勿復久留家山自同幽人之迹區區自廢擲
以來躬耕百畝上供王稅春秋佳日釋耒長望

與野老爲懽間有一二同心之士攜酒相問得意放情便欣然傾倒此則可爲知者一道也不備

與陳豫之

不才無狀行時不能少致情于諸公蓋喜極無懽愛深如薄事過而後覺者如此乃承雄文見寵報逾于投皇恐皇恐家居聞報捷實與妻孥相慶慶閣下積學有厚德當有行道之遇也節遇鄉曲諸公自北來者道見念之既心感此誼向來思一致謝家人無可入境者乃今始得王

長谷集

卷之十二

夫

生之便審知使旆在鄴道養益重甚慰甚慰方門山地頗佳雖小支結然有可取勿見棄也方生貧苦在閣下教下能少扶助之否餘不瑣瑣

與汪汾卿

離任時蒙三公厚意不能一致情在京師日候道駕不及一見此意猶歉然舍親朱未軒歸蒙寄聲如見閣下也未軒云欲枉高駕山人何幸得此卽日王生便道領知動靜尚有絳帳之綠此藏修養望第一義自有深味也不才歸伏衡宇稍得著書自遣時與一二同志校讎尺度俯

仰爲懽時入吳興山中尋問漁釣之徒探討雲物頗堪爲老惜饑年寡薄兒曹不能生計食枵之多不能忘情耳閣下宏翰博詞方今首稱且道器深穆識略遠大自當致身當路萬萬自愛以副屬望之意

與謝禹川

都門草草奉別元宵後一日卽馳車南下顧望閣下在雲霄之上不能再承教愛爲長恨耳兩年家居適有荒扎鄉人食草木死者居五分之一兒曹不能作計食指過多殊有深累平日素

長谷集

卷之十二

无

無憂患與二三徒侶相依爲樂事到此亦不能無動心也詢知奉川僅可自遣此乃賢牧在上調養元氣所致他處皆不及矣卽日王生便道詢知道履勝常爲慰養望已素受福可待惟備加珍愛爲望久欲作瑞竹堂記未及當有求教之日也有詩一紙別具

與王納言

別任時寄承鞋襪之賜是欲區區長履景福之惠也不才無狀不足以稱公期望之厚平日在鄉所爲自謂稍有及民可以免戾遠辱轉眼之

間遂成幻妄群小構禍其力足以轉移上官之
念此誠不善自慮之故亦何敢他怨望耶向來
伏計道履清嘉侍親樂志備受幽人之福適王
生便道審知安好甚慰閣下在鄉曲則有孝弟
力田之聞在士論則冠于賢良文學之首清修
寡慕多士宗之固其宜也近一舍親議及易師
區區首舉閣下惜道遠不能奉達今且歲暮聞
講席固盛亦不必此小就也開歲省試得假數
日之會亦甚幸事生有少念欲達于閣下非面
對不可故也學中諸友殊有慕戀不能備致書
長谷集 卷之十二 辛

與戴屏石

自癸卯執別遂成離阻家僮造府又承厚待如
出通家自念守官以來受門下教愛已多况雄
文屢及榆獎過情而又有出于常情者如此感
愧交積未及一致謝茲者王生來審知向來福
祉勝常賢郎學業長進甚慰甚慰不才家居習
事農師之業歲耕百畝飽餐為望兩被饑災鄉
人多餓死解懷釋恨惟酒為佳秫田不收空懸

釀具家人老稚不能具饘粥此江南大肯不獨
士家為然然惟生為不堪三年旅食家蓄耗散
一旦遇災不能別為生計細於耕漢民嗷嗷過
生人之劫不能離脫者固其常也生亦奈之何
哉今冬久旱氣不藏開開歲之災方將為甚江
南歲漕四百萬取給農中又何以堪杞人之憂
徒為可笑然一室之困患已切身不覺言之及
爾吾丈家居化國業有常稔然憂世之志積有
餘日而蒼生之望屬之已久其能忘情哉淮川
諸老先生不能一一致以王生止停半日而寒
凍方作不及措語見間幸道此
長谷集 卷之十二 壬

與總督梅林胡公

明公經略東南存運神官動中機會數年強寇
一朝蕩盡不但慰悅海上蒼生而已 皇上軫
念邊方捷音 上奏克副委任之意裴晉公淮
蔡之功不足多矣區區竊念邊備空疎人懷疑
懼臨事調發動經日月而餉給十倍尚猶不足
方今浙西要害之地與浙東殊異自九圍柘林
以至乍浦雖有衛所而人情極怯一無可恃自
非大有建置則島上諸夷必有復窺其境者且

舶泛靡常跳梁難測此雖意外之變不可不慮
明公當海內屬望更操安邊之常計於柘林九
團二處加設兵鎮就募土著居民操習丈八竿
鎗五人爲伍若南匯舊練之法有事則官給糧
饌無事則優免差徭輪番上直勞者可息魚鹽
之利任其養生張仁愿之築三受降城趙克國
之屯田積穀仿其遺法使沿海一帶衛所革其
舊習悉更新教更加射弩火器長短相濟則緩
急可資其用郡國咸堪自立門下之功名日益
遠矣蓋倭夷之戰惟仗兩刀滾舞而來人懷怯

長谷集

卷之十二

三

懼以團陣之法禦之勢必潰散故惟長鎗制之
別無進步前有教師楊姓者善用此藝南匯之
習皆其法也松江所屯田遠在北蔡地方與衛
所隔涉百里之外屯田者不涉軍伍抄練者不
識屯田是非寓兵於農之意昔趙克國所謂屯
田者人人在屯則人人皆田無事則耕有事則
戰田以餉兵兵無別費者也今衛所之軍月給
米一石則一年給十二石矣今世田直甚賤米
十二石大約可得良田六畝以兩年之給可得
十二畝矣以十二畝之業給一兵之耕則糧稅

之外可給一兵之費且有餘矣其舊日屯田與
衛所遠隔者官券給實別買近田則兵不離衛
田不離兵一可省費足食二可禦敵應變古人
寓兵於農之意不過如此更復禁其侵漁優其
犒賞養兵之費自是可息矣若餘丁出幼者亦
量給田給田則上抄差使兵日加多田無橫給
推此法而行之則官之俸給皆出於田金城積
穀之富復見於今日矣若更 奏請各該地方
一年鹽課置買良田則尤便利斟酌其說以爲
經久之規則固萬世之功也幸執事圖之

長谷集

卷之十二

三

與右轄胡栢泉

前通中得公論水利書感公不遺之意自昔三
江入而震澤定禹功尚在吳淞與岷江皆通所
不通者惟浙江耳吳淞上源全仰于吳江之垂
虹而堰塞亦甚功利在所必講者也安定先生
之在湖學特設水利一齋不以此乎今東下垂
虹之利幾廢乃至於全委白茅塘於北疏吳興
各瀆於南南風則水歸於蘇驅入岷江北風
水返於各瀆而驅入黃浦東去惟有寶帶橋下
直注夾浦以泄於婁江而已其吳淞之水上源

不決竟爲潮沙壅塞此今時太湖之大略也若論其大體先疏鑿垂虹以注於吳淞北浚白茅孟瀆等塘以注於岷江南向流通近杭諸溪以入於浙江斯可以復禹蹟而興全吳之利也但垂虹之疏鑿已大費工力而浙江之通亦駭人觀聽以爲迂論既無任事之人不免泥於因循之轍吳人稅額既重而田功卒無可興旁立之人不免長歎而已又承問及國初取湖之策自大錢港由毗山而入此用奇之算也今大錢已設立巡檢司以守其潛透之路惟大錢之北

長谷集

卷之十一

書

地名小梅港雖稍縮於大錢而爲要路則一也有事時必先築寨小梅專守大錢斯爲長計大率邊湖濠港共計三十八惟大錢小梅爲大故餘皆置閘而二港獨不置以其深且濶也然以備倭之路言之則別有說湖之南境德清爲要故唐末之亂辛敬順築城於金鷺山以守侯景之亂右軍沈恪據東主山以守二山形勢可據至其入湖之間道則石門皂林可通烏鎮雙林近來丙辰之亂二鎮惟其毒以石門皂林透入故也石門之透入者又由於嘉興之守不堅也

然此特形勢耳倭人陸戰往往不敵者以其善擊刺也今衛所之兵所習者不過疊陣法疊陣法者堂堂之陣整整之旗止於坐作進止所謂不過五步六步七步而止齊焉不過五伐六伐七伐而止齊焉兵之正者也今倭人跳梁輕捷設伏用奇而欲以正兵應之未有不潰敗者故當以正兵而結營以奇兵而取勝蓋澤國以舟航爲馬以火藥爲弓弩至於登陸則以長鎗爲短兵以小伍代陣法長鎗可制其衝突小伍甚便於策應近年南漚嘴往往收功蓋以是也

長谷集

卷之十一

五

倭夷所以棄柘林而趨乍浦者實畏南漚之制兵也更得良將撫機合變設三覆之法以臨之何敵之不可破耶承問以區區條荅惟公采之

復曹峒峰僉憲二首

李典籤寄至手札及見訪雄篇情辭俱切脫念珍重久懷報章以松行留滯還山復多生事有惻未申顧承先投之厚皇恩懷弟四首近作者無與聯肩春草之章不當擅美留之篋笥永以誦誦近至武林實爲報謝諸大夫不謂公亦以便事出保塔之集意思因公稍減不知何時復

當面承樂府原刻者亦善工價亦不能酬稍加之至者必多矣人便手凍布不瑣及

二

先公在上海時自南宮還習見其政蹟渾厚有餘而濟之以精明其小民懷惠而豪右畏法一時號稱良吏自公之後有壯節者傷於揚厲務惠施者其究爲罷懦故至於今人猶稱先公爲得體自今讀事狀未足盡之故於起略加一二語專人奉返幸更斟酌因暑不敢遠出捧賀表北上不審復當相見不

長谷集

卷之十二

壬

復張蘆村僉憲

不才臥老中林領聞諸大夫德軌未嘗無欽承之意况以交際見加禮有報謝近日武林之行自謂歲晏咸當會集乃竟乏緣於閣下卽展承賜家刻獲讀先侍御詩律調和平詞源融潤雖以感激之思發之而渾厚不乏詎意山頽木壞早失典刑豈玉樓必先才士與長吉相先後耶然而世德深長名家有繼所謂立而不朽者良自有在三復卒業函襲珍固閣下之孝思可以爲式矣謹附致書者以復

與張烏程

甲寅

惺吾先生足下方此旱虐憂傷過情勞悴其身爲民乞命街衢匍匐天當監臨而雨猶未集者不可不求感召之法董仲舒乞雨謂宜開諸陰閉諸陽凡南爲陽北爲陰色以紅黃爲陽白黑爲陰諸所作用類推也又海上寇聲未卽警及四水門俱閉亦非通雨之道松江切近寇巢尚亦大開城竇况此地乎又東坡取雨以虎頭繩之有龍潭中雨作卽去之遲則雨不能止又有小兒擊水甕歌水詞諸法書不能盡若諸曹有淹禁情輕悉與放釋不急之務可傷民間之元氣者咸須停止此又根本之論念足下爲民勞苦聊用上布

長谷集

卷之十二

壬

長谷集卷之十二

長谷集卷之十三

華亭徐 獻忠 伯臣

傳

董大理傳

董大理名恬字世良其先大梁人從宋南遷始家松之上海世有隱德至其父綸以進士仕至監察御史生丈夫子六而仲即大理公次爲肇慶守忱次爲綿州守懌父子兄弟聯翩華要而大理尤以賢雅首稱焉甫十歲能文辭十二能工草聖受尚書學於孫公衍孫公亟稱之千里駒旣與肇慶君同舉應天解上之南宮數弗第輒慕終生棄繻之志守太學舍三年弗歸同舍生多慕其節行師事之竟與肇慶君同第進士高等至今舉子推慕二董云釋褐授水部郎主彭城上洪疏剔梗塞修築隄岸下挽送之令必先漕運而後官舟均節夫隸勞逸皆者爲成法世守焉旣而改入刑部卽究心法家語平恕詳審司寇大宜之命判詳諸司獄案決大疑獄廷中稱平至其守法持正貴戚近幸無廢其理者至於督視繫囚夜或數起以懲豪強吏恐其以

長谷集

卷之十三

一

董大理

私意甘心也遂進郎中奉 敕慮浙中囚其所折閱脫重禁者殆數百人囚獲滿白至有象設奉公者方是時

毅皇帝寬假中官有劉瑾者竊柄用事任悍吏督過薦紳稍不如其意雖名流卽取蝟鷲之毒九卿碌碌奉其官自救不暇無敢誰何者公以資望推任大理丞旣以積勞進右少卿公自念大理天下之平不可徇時短長也益自樹其節屢有大疑獄其持法益以詳慎稱平以是多忤瑾瑾怒幾不測先已罰粟輸邊至是復奪俸三月竟以是稍寬薦紳之禍如尚書吳廷舉任僉事時被逮中以危法竟累駁論減戾鴈門其一也其後乃有私憾者兩人深相結劾公爲驟遷遂註誤歸歸四年其隱意不明乃上書毅皇帝其略曰近者言官論列臣爲驟遷出自賁綠方逆瑾憑寵肆虐時窘辱臣百出非陛下仁聖保全幾陷不測而言者猶復以臣賁綠臣實寬之但臣爲法官位列卿貳旣不能誅討元惡又不能奉身引退罪深責薄放歸田里臣亦何言但禮進義退人臣之節不可不明伏

長谷集

卷之十三

二

董大理

望 敕下銓司察臣任內履歷明臣心迹使臣
恬得白於天下臣卽死無憾矣書奏下吏部竟
寢不報後九年

今天子卽位覃恩海內 詔以原官閒住日與
高士徜徉結社爲歡有欲論薦公者悉報書止
之雖有司以大賓禮於鄉亦謝不往識者推公
得進退之義公性至孝友爲諸生時請罷廩食
歸侍太夫人督學司馬公嘉獎之移文所司敦
勸就試及罷官歸年已六十復色養如少時與
季弟懷同居食者四十年無間心此其章章者

長谷集

卷之十三

三

聞者也有子曰宜陽能世其家學爲古文辭與
予通師友交所知公略備如此云

徐子曰世儒讀史籍不第深考徒善循吏而陋
列法家大理仕法家二十年乃其心平恕稱長
者率不以利害事橫諸其慮雖古之循吏曷以
加焉顧其所表見未稱徒使其意有所鬱結是
固可爲淺見者道耶予撰次其仕官大者附漢
張廷尉之後使史氏考焉

左山先生傳

左山先生顧公名中立字伯從華亭顧氏出自

長谷集

卷之十三

四

樂黃門侍郎野王郡中名家稱顧氏幾與陸伯
言後世等 國初居柘林以詩著者名景陽生
彥迪永樂間以儒士徵居英國幕府於先生爲
高祖彥迪生仁仁生瑤任阜口尉瑤生斌中鄉
舉任興寧令以循稱娶康氏生三子先生其仲
也垂髫時補邑弟子領正德丙子鄉薦與其弟
中孚同丙戌舉進士授南刑部主事後轉北部
以望還居本科看詳諸司章奏者三年後以便
養太宜人復乞南改授禮部儀制司郎中逾年
補山東按察司僉事滿考陞廣西布政司左叅
議母老乞終養歸先生自幼穎達書過目卽通
大義顧文僖公清聞其奇俊以心正則筆正題
試之頃刻屬草草云運於身者皆氣也而所以主
則存乎心文僖大異之遂收置門下爲高弟子
其在刑部叅駁詳慎多所平反聲稱偉然在山
東力持綱紀屬吏不法者往往解印綬去監司
有疑議多取決焉有邑令犯贓先期取赴部請
移文銓曹械歸罪之其志務在安養小民非立
名也青徐間歲侵流離載道亟欲賑之有司以
未得請爲慮先生曰人死不能須更有咎當自

承之以是全活者甚衆其設法捕蝗尤爲省便以威望推督銀鑛奸宄帖息究其用世之才什未一二而政績已卓然矣任刑部員外郎時獲以恩例贈封父母後得日侍太宜人雖仕路方達欣然棄官歸人咸重之長兄中行早世撫視其孤竟有成立與弟少相敦愛至老不替先生既乞歸弟亦棄官相從林壑間一景可適一味可甘未嘗不共也其孝友之性出自天成如是宅之西偏有地數畝闢爲園池花竹蔚然可賞因以洪厓名其堂花辰雪夕與三四良朋舉

長谷集

卷之十三

五

文

酒賦詩不復料理人間事諸所酬應悉出自內因得暢然適其情晚更杜門養靜獨處一室扁曰鐵窗探討名籍儼校其多聞一奇書必構構而得之必了其義勸則偃息適則高唫其所自得已多矣有道人薛頭陀者聞其風謂可與入道也造先生居終日少語長夜無寢寐欲授以長生訣先生雖善待之謂人之正氣自可長留於天地間何待解脫稱仙人薛笑而去先生賦性本自剛明直諒而靜虛公家法復方嚴日里中先輩若夏正夫之敦素張莊簡之清

文僖之真純日常誦法不置故其居身有尺度仕官無詆訾吾黨良士如先生更幾人哉所著詩文若干卷名洪厓堂集四子務學向往咸有端緒雖未入仕固已有後矣予與先生締交父一旦萎謝悵望靡及因輯其行略爲傳云徐子曰詩不云乎雖無老成尚有典刑顧子雖言往思其槩行歷歷可程法後生自砥以立名節將不有途轍耶孔子思見君子曰斯可矣茲雖傷感衰周末俗要之上世聖人固不多生而師資之道未嘗闕也嗟乎如先生不謂君子者乎

長谷集

卷之十三

六

文

姚母傳

姚母者華亭姚生鶴鵠之母也其父張翁性方峻有家法郡文學姚君敬夫慕其賢娶而繼諸室結悅之日張翁戒之曰姚君文雅士上有繼母下有前室子愛其子善事其母勿使有內顧憂自是撫其子來鳳若已出姑性嚴厲動以氣使人酬應稍緩卽震怒故事之務委曲當其心姚君自外歸見其母無怒容始相安也既其年生子鶴又五年生子鵠鵠生四月而姚君

不起方是時家無餘儲鳳方向學兩幼子嗷嗷待哺姑所須益不給且坊役外擾一婦人居其間雖長夜事女紅含悽骨立不能支張翁憫焉欲迎之歸誓而却之曰棄良人之母徒自安飽如死者之情何乃益自檢飭攻苦茹淡嚴督家人爲生計有黠婢從中間諸姑姑震怒欲逐之甚至裁奪釜竈僅以瓦甑炊而事之益謹問寢服勞無間常日姑病癰號泣供湯藥晝夜禱於天姑之族莫不憐其孝乃從病中諷其姑姑始相憐愛然其荼苦已甚矣鶴鵠稍長俱令就學

長安集

卷之十三

七

七

夜歸一燈熒然笑哭相對雖飲食不給未嘗假借顏色諄諄以其父勤苦事勵之言必涕泣多方感動故鶴鵠所業日就進及其既娶婦每事雖卒急須兩子歸議之然後行妯娌有誚其不能自主者曰吾父素以禮教吾夫死從子禮之常也凡吾教兩子惟禮與法耳豈敢自恃耶既而二媳相繼歿且歲凶役煩益不自堪鬱結成瘵疾又既而倭難作徙僦無寧時溲遂潰幾不治矣兩子每夜禱諸北辰旋得奇藥於友生陸君始獲愈愈之三年子鳳以疾終哭之過哀痛

鶴鵠恐致疾慰之乃曰汝父素以學行名裔志以歿爾兄復不幸能無悲乎且吾尚記爾父教鳳時事能不痛耶俗尚清明掃墓祭自其遭變來抵墓未嘗不慟慟必病幾死自是鶴鵠不敢爲墓祭凡所以慰其母靡不加情欲其父生也乃其母視生甚輕恒曰待亡人云

徐子曰節之爲義大矣其象曰以議德行夫德行出自性何庸議蓋人之所遇不盡同故曰甘節往有尚曰安節亨至於苦節則曰不可貞信乎苦節之難議而居之不苟也姚母所遇人倫

長安集

卷之十三

八

八

之變一苦也家貧而累重又苦也夫蚤世而子皆幼又苦也然而卒能就其子爲君子之名行是其所遭雖苦未嘗不貞也其心未嘗不甘且安也子素重二子乃得其母氏之詳因傳其事俾里中知二子之賢所自云

朱母傳

上海朱氏諸長老仲雲先生在元時有詩名其四世孫貳守南昌府佑五世提舉清江浦以子貴封御史曜六世舉進士自劇邑擢任御史知福州府豹咸以能詩名邑中且家世清修無脂

常習豹字子文其人修髯偉貌長逾七尺八視其氣度咸以公輔待之謂當以福德恢大其門戶然而竟其身守先世家法以清謹稱其沒也一子察卿甫九齡後竟爲禮法士而其業亦稍裕於前時茲皆蔡孺人內助之力也孺人名真真其父怡晚居士夢異人授玉珎十有五枚孺人竟懷十五月然後生生而天性端淑不苟言笑既以門閨歸朱君卽孝奉其姑甚謹朱君兄弟五人同居食炊似間有無相通門無間言乃其性獨不喜華靡居常布素未嘗色澤其首面君初仕在函海後守閩中都會地皆鮮珍所饕集未嘗以此奪其攻苦志君誠賢者然內顧室中無復累其心故其操不改孺仲賢妻之助蓋不少也君昔棄時孺人省及家事皆易辦獨念其子有泛駕才不羈御之不成良美器故就傅時卽嚴督之夜課其業極寒暑無休時一不如教卽割愛杖之杖必繼之以泣或出入里中恐有所昵惑也必命淳謹僕隨焉慈嚴兼切問學日進今其子行義孚里中文藝亦不媿先世諸長者皆孺人之教也一女甚馴謹擇顧君從義

歸之顧君心重孺人往往對予稱其賢其勸後治生咸各有法雖織紵稼穡必各當其任而後責其成功銖積寸累婚其子至再三嫁其女中禮度酬應內外等數有文且其德器嚴重族黨咸以爲壺中師也旣以家事付其子卽禮佛奉齋靜坐內觀其後恍然若有所得通徹內典寒暑不能變其度泡影不能惑其迹年六十六忽爾示寂人以爲禪定力也

外史氏曰佛以空寂爲宗世人獵取有生之迹恣其私泥於身而不思解脫之樂者皆是也朱母相其夫君以靜素雖身在宦途其心已空矣故生人事稍畢卽從西方之教其在古昔子房助成漢業從赤松子尚子平與共好遺其家皆一道也故爲之傳

俞母傳

俞君德音名章對予語嫡母董孺人之賢至於淚下其恩慈浹洽雖漢李穆妻不過是是不可無聞於世乃按太史董君所次狀及德音語爲之傳曰董氏之族著烏程之南潯太史份之太父時習翁配陸氏生孺人適江府檢校蔡君

俞公俞世居霄上衡州守之從子曲江令生九江公相逋爲仕族素殷厚且家法修飭曲江公晨旦必衣冠見諸婦諸婦中尤率禮稱曲江公意無逾孺人者九江公先任漳漳故漳鄉九江復有狂寇孺人以慎身守法贊夫君獲全其身名旣又導之謁告歸故九江仕下僚獲始終其節孺人力也孺人生子曰護旣長無別息孺人勸九江公置側室置後捐納曲有恩意閨閭間熙如也側室陳氏果生章章生而白晳魁偉孺人喜曰是兒必承俞氏後大加情調護焉護壯

長谷集

卷之十三

四

無子即使護婦申氏子之其意誠欲保全章念其身且老故以肝膈情致諸申也章旣長無日夕不引視視必拊摩之卽室中事觸其情見章至膝前卽解人以是知孺人鍾愛章也其後護仕高橋所吏目章仕南寧府照磨章生一子名錄孺人猶及見今列爲邑諸生護生四女竟無子養從子錫爲後今爲國子生嗟乎孺人爲賢婦爲慈母賢明仁哲自非賢門令祚安得閨門餘慶潤及人門如此耶

徐子曰予觀董孺人著行其大者賢孝孚舅姑

贊助夫君有樂羊氏之誼要之至理本分可爲姆訓所及自古龍蛇雜居不能無角觝之私至於襁褓聯屬各私諸懷敵帶千金忘其妮溺蓋比比也自非義勝欲理勝情何能懿美炳然使人不忍忘情耶故樛木螽斯詩雅流歎其爲風化之本不徒然也予采湖中行義此尤章章可備者云

貞孝何婦傳

貞孝何婦者宋氏字子羽吾友叔皮君之依婦也華亭之蕭塘著宋氏秋巖翁者諱公亮宋氏

長谷集

卷之十三

十三

良丈人也實生貞孝婦其母李氏有教法貞孝婦復聰明柔雅頗讀經史書又性喜佛氏齋居事內典無女子習氣秋巖翁爲擇偶時叔皮君柘林名家子自幼穎達八歲能屬文秋巖翁慕其秀才與配之然叔皮素羸疾力不能拉朽一受疲卽暈絕貞孝婦恒憂之日持誦楞伽祝君長壽考保護調攝不遺一力叔皮君感其意益相眷禮居甘苦恒如一人戊子秋叔皮君應南畿舉子時伏暑經小丹陽道道崎嶇勞頓暈且死亟歸猶瞶亂醫或

言不救者貞孝婦曰夕泣不食自弔曰天乎君棄我欲何所之夜半私起先自經適保母索之得不死保母責之曰人死不更生且汝夫未屬纊何乃苦曰我豈不自愛而我方盛年又何忍夫君獨死于是諸姑姊妹諷諭百出且謹守之會叔皮君漸瘳故意亦漸解而其所蓄意則固有定矣癸巳秋叔皮病復作彌久無愈期宋向保母泣曰已矣吾方有心事獨奈老母何言不能竟鳴咽趨叔皮君凡湯藥羹嘗必出自其手未嘗以疲解九月三

長谷集

卷之三

三

貞

起而西衆方怪之迺果徵是變也前是六年秋嚴翁疽發背潰裂欲死貞孝婦割左臂肉置藥中叔皮君以遺體過之曰父不生男子吾女人又無可自效何惜一死叔皮君更嘗謂真孝女又聞叔皮父靜軒翁言嗟吾婦也吾婦善事我誠愛恭肅一舉止皆婦道事兩姑調約當禮各得其心自遠近諸姻無弗洽比者叔皮君既肆力學勤佐助之勉無忘翁訓叔皮君多交海內名流或浮沉異路音問隔絕每誦使之通殷勤脫簪珥爲行李費至是叔皮君哭之曰哀哉子羽而欲就吾泉下迺吾又將何就焉且吾木石之性風慕孺仲而賢妻澹泊樂志實有古萊婦之風將與我老山中乃遽爾也哀哉其母投淚曰吾婿九歲獲奇病瀕死吾女方十歲見吾慟亦慟始有死志吾謂少女非人情方祕不言也及嫁聞有夫亡而獨存者輒唾之曰胡不於夫絕時同死嗟乎迺余竟死也爾其性如此吾復何恨人謂李母達而見理宜生此女

長谷集

卷之三

三

貞

予曰余聞宋氏死銘其旌曰貞孝婦蓋泫然

流涕焉余既悲其身之非子也裂肢體起其父
尚乎緦縈之義而又白其志於君子如是果也
易曰苦節貞凶雖貞而凶悲夫使其丈夫則其
所操義至高或不能以身當濁世或事主上衰
亂之遇則身徇其事可著之節豈不炳然君子
哉或又謂毀親膚非先王之教死君子之義太
遽疾不節則又益悲矣

行狀

禮部尚書朱公行狀

公諱恩字汝承號姝溪翁其先汴之通許人宋

長谷集

卷之十三

主

黃

南渡時再徙而至華亭之七寶鎮寓三世爲道
華府君道華府君子士清公贅壻烏溪里趙惠
卿家自是爲烏溪里人士清公再世爲憲副公
憲副公別號鈍菴娶王氏封恭人先任監察御
史時生公京師公生穎卓過人釋弄時酬對賓
客卽有丈夫志弱冠文藝超出琅然有聲公卿
間傳稱朱氏有令子故鈍菴公特鍾愛之甲午
以府弟子員發解南省甲辰登李旻榜進士初
授行人故事行人奉使得職例轉御史公始奉
詔下應天繼奉冊冊立江西藩王率謝遣諸饋

長谷集

卷之十三

主

黃

遺所過民間疾苦吏治賢否歸列于朝規正時
獎挺然自樹觀望聳起吏部將擢公御史時宰
以鈍菴公任御史時嘗有骨鯁之忌乃不敢復
置公御史遷刑部員外郎後進郎中公在刑部
奉天子法秉堅履方不假權貴齊駙馬都尉
張昌平侯家皆貴戚尊重憑寵逾法度無敢誰
何公獨洗磨王章持之如一匹夫天子雖以
親故不忍致之法然知公持法平非巧詆貴戚
者乃切責二人而後釋自是始斂手知避法而
公之望著矣當是時承平無事自館閣先生以
聲詩相高一時士習鄙俗職業稍尚寬弛禁
忌公獨守吏事不通問謁出入必扃節門戶京
師遂稱公關門朱郎中聞于
孝皇帝亦時時稱問關門朱郎中云馬端肅公
時在吏部稔知公端肅河南人因擢公河南按
察副使尋進按察使范文正公裔孫在洛中久
不振遺產殆盡沒民間公督里胥傲辨可數千
畝立塋戶供灑掃簡其賢者主祀事加廩祿焉
范氏刻石頌其德家廟中中官廖堅鎮河南以
刺舉劫制長吏倚威削法贖貨無厭一不如意

卽以目皮相恐一時郡縣吏爭營賂遺害中
土怨言流道公至力持憲軌斥縛貪墨吏至空
郡邑廖弟錦衣使者勿昵扇殃梗壞明法無能
撓之者公出身首擠之廖不能堪將中傷公公
持身謹無瑕可指竟少輯從公法時襄毅許公
方臥病于家歆慕風裁激賞公無虛口後襄毅
繼馬公冢宰念公不衰因轉本道布政使時部
下有鑽利廖欲以奇羨自盈乃啗當路請開之
謂一培剔可支國用數年省輓輸百萬安得獲
禁與民間公抗章擯其說有云金根連錫之利

長各集

卷之三

七

人之所趨公私相角其勢必爭往年山東之亂
實起于此河南切近燕趙聯屬京師其民靡悍
少慮好任俠爲姦目無公法一基此禍其害不
小殆非數十年財力所能靖安也孰與罷之便
識者謂非公此疏河洛之間幾爲戰場矣自是
擢南京都察院副都御史巡視江道祖行之曰
大梁人攀戀不舍擁塞衢路不能通車騎其後
民有負冤必思公曰安得明星我公至于今梁
人猶有能言公者大江東連漲海不設關阨海
寇出沒吳楚間聞警而備則揚帆飛度瞬息數

百里無可踪跡備禦一懈則舳艫相銜又復在
境內人甚苦之公知其故首建更遷之令沿江
要害置立水寨遠者相去不過五十里墩堞相
望分地而守一寨有警聲援俱集又立賞格捕
獲者多得金錢重料自是寇盜不敢入境著爲
成令至于今人猶賴之繼遷南京少冢宰尋進
大宗伯未幾以中官劉註誤去官劉在微時坐
法當死公辨其誣出之劉至正德中遭程寵靈
追念公舊德欲推之要路是時河南之政公已
著立力謝絕不敢近三仕留都竟去之日不復

長各集

卷之三

六

一見劉蓋避之也時有欲得公位者諷臺官劾
去公知公者感惜之公爲政一以安民爲主鋤
抑強梗臨事不懼然德器故長者樂易可近人
亦不甚怨也至其天資迅敏見事迎解辨識端
竅各中機會卽有法家疑擬非公至不決故當
時省部中精習吏事無右公者而宅心仁恕不
忍以刻轢爲功名繫囚稱冤者咸願得朱公決
前後所平反皆籍記語在家乘中其受知馬許
固有自也家居幾三十年未嘗言及寵辱事惟
搜剔水石樹藝果蔬多蓄法書圖畫俯仰游涉

覽觀大化晚歲喜延方士探討清淨諸所慕好
更置不復問矣或勸多植貴等業或于貸金谷
可以不訾輒笑曰小夫穰田得甌窶汚邪之利
尚足伏臘今憑藉福德使子孫能世守幸矣又
安敢多取犯道家忌耶故易簪之日惟存圖書
數千卷無他盈也公性素友愛有弟五人公親
之過于鈍菴公之愛其子其四早世撫其孤無
異已出諸少荷以成立彬彬玉樹無凋落者處
鄉曲故舊雖貴列三事恒如布衣時訓諸子執
子弟禮無以綺貴夸侪人曰此吾所與同里閭
長谷集 卷之十三 九

予爲子督師是時殊翁謝事久翛然山人也不
復預言仕朝大節子督時復參伍首意往往裁
示章疏及起廢時政之略所記槩詳如此方公
持憲大梁煮乾中貴勢不假毫毛乃其去竟以
此曹累之豈一人之身先後異情實亦自好者
過之也撰次其事待史氏采焉

江西提學副使唐公行狀

嘉靖甲寅四月十有二日龍江先生以避倭去
其鄉卒於華亭之石湖塘距其生成化乙未十
二月念有八日享年八十先生姓唐諱錦字士
長谷集 卷之十三 十

綱其先爲晉陽靈石人洪武初會大父某監稅
於松江之上海因家焉大父容軒府君以長子
中丞公瑜先任知衢州府封如其官其次諱某
娶趙氏生先生先以中丞廕授金山衛指揮使
後以先生仕贈刑部主事母封太安人先生少
以文章爲長老所重弘治乙卯以經學魁南畿
明年登甲科以時名推修大明會典因親疾
謁告歸侍養七年太安人嚴遣之始復赴部諸
預修纂成授京朝官先生恥援例止以常資除
知大名之東明縣縣治以河決頽圯披棘負萊

陸宜區畫鼎飭一新建言者以河患不息奏
元賈魯河行北直隸河南山東及漕運四巡撫
謂賈河淤爲平陸已餘百年且延袤數百里非
動百萬衆費億巨萬無成功前元以開河致亂
此非細故不若隨宜提備雖間有害無他虞四
巡撫藉其議以聞役遂寢其治守已執法一以
安民爲本暇則勘校文籍手不釋卷郡諸公咸
遣子受學因修大名府誌十卷正德丁卯監司
以學優才敏政舉民安上其最陞授兵科給事
中奉 敕清理廣東鹽法時中官劉瑾方肆貪

長谷集

卷之三

廿

殘諸所差委一失其望卽中以奇禍先生查覈
積逋百餘萬引除所司侵盜劾寘於法其餘悉
與蠲除方是復命者必先謁瑾先生既不隨衆
又無所饋遺太忤其意然慎之無可詆也乃坐
以巡歷不週止擬公罪又遇革免乃於法外請
判深州僅兩月瑾以逆罪誅轉陞南繕部主事
方修 孝陵中官倚 敕欲開橫費一裁之以
法視舊額省其半尚書孫公以是薦之 敕使
清理蘆洲大洗宿弊壬申陞刑部員外郎丁外
郎邑重其清素以折臬憲之悉謝去服闋陞

本郡河南司郎中諸淹禁過十年未結如黑忠
陸忠廉其可矜者力奏出之竟任內無一滯獄
司寇張公每以戒諸司丙子慮囚湖湘多所原
貸遂薦陞江西按察司提督學校副使江西士
大夫重清議甚稱之已卯六月逆濠誕辰次一
日變遂發二司官被械儀衛司後復移禁東解
兩僞千戶二十校守之濠行守稍暇計約火甲
奪門出因集城中民激以大義得捕守城內官
杜茂僞千戶朱真輩四十二人奪其鎖鑰一城
晏然時汀贛巡撫王公守仁領兵駐豐城馳請
入城已許其首功其所部奉新民兵率往年招
撫姚源遺寇輒乘亂夜掠燒蕩五十餘家先生
將白之其領兵官畏罪先進說間之謂擒賊多
出萬銳非先生功竟以地方失守落職丁亥究
核江西功罪始白其事使 賜章服致仕丙申
子鑒任內閣中書舍人推封中憲大夫先生平
生學務要領不事邊幅爲文莊重典則性復至
孝有古人之行事同產三兄有禮年垂八十神
氣清朗聰明不衰尤以仁厚立心樂易可就高
年令德坐鎮雅俗爲薦紳所慕郡邑利病往往

長谷集

卷之三

廿

就問之待宗黨尤有恩扶掖雖出自素心平生樹立清謹二字爲家法子孫有不如其意者輒愀然不樂卒之日神理不亂危坐而逝所著有龍江夢餘錄壹範諸書文集若干卷上海自創建來先生始修爲成誌配陸氏封恭人宗伯文裕公之女娣有賢行先卒三子長卽鑒娶朱繼猷氏贈封俱儒人次爛太學生娶郁氏與鑒俱前卒又次贊太學生娶顧氏女四適參議王公之少子應辰及太學生趙國恭人出適沈應奎談萬卷爲側室何氏出孫五人繼榮太學生長谷集 卷之十三 三

河東鹽運司判官前尚寶司丞兼翰林院五經博士董君行狀

嘉靖戊申四月二十有四日董君羽吉以鹽運司判官卒于河東羽吉能文章所居名輒籍籍起歲戊戌果進士高等授刑部主事當路者嘗

讀其文重之慮其不善法家語改授禮部儀制司其後與一二有時名者選入內閣供奉以積勞稍遷尚寶司司丞兼翰林院五經博士與史館校錄今 皇上當建禮之運諸祈報章詞往往出其手或他學士撰進不稱者內閣授君更定始進呈君自以受知于時不復有所辭避然有側目其旁者君殊弗覺也又諸供奉內閣者不必出自科目能文章但善楷法能辦詰勅卽雜居之然或有所附離率得以白衣廁其間其要領類善事諸貴人蚓直螻屈足膝綿軟可憐

長谷集 卷之十三

帝

受羽吉自少有奇氣當衆中吐論譁譁直駕出其上且以出自正途非諸附離者等故昂然立群中不善事諸貴人知君者一去位卽相與推墮之其出爲河東坐此其故也人遂大惜之君雖入仕久常所用度往往乏絕其置君轉運也冀其少變節卽可中傷之且意其素狷亢一旦去非其分將憤憤不堪爲屈平自沉賈生悲憤死不難也乃殊怏然不以爲意益砥礪其節諸乾沒宿弊悉與覈實則閉關修業與諸文學講磨道義常祿之外一無所染而大利之監

司文章薦列其政行曰持正不屈曰操持端慎
曰澹泊自甘志節益固種種皆實錄然非惡君
者所樂聞也卒之日索惟圖書數卷而已河
東士民殊哀之君諱子羽吉其字也別號朗
洲其先汴人宋南遷時居上海竹岡之東始自
官一公官一生仲莊贅吳會里韓氏今所居是
也仲莊生遺安居士遺安居士生怡竹諱以和
於君為曾祖怡竹三子伯即君之祖慎菴諱經
仲綸仕為監察御史其後仲之諸子多貴盛而
慎菴僅能詩稱隱君至君始獲舉進士君父南
長谷集 卷之十三 三

所難也娶黃氏封安人生三子長懋延有學行
娶大參宋樛翁之孫女次馭延錫次戰延二女
長適鄉貢士周頌次幼孫男傳洙及二孫女皆
懋延生將以已酉之季冬葬于俞塘之南原懋
延以南田公命泣請于具狀三太史氏嗟乎蘭
臺鳳閣之間指論才美士其先後羽吉太史氏
能言之乃其政列在有司觀風者殆已采撫其
槩何待子言也顧其才有所鬱積未盡施諸用
而疎節挺然不為浮世所遷化視曲行之士守
飭廉隅不能致于通方之略一不得志則怨憤
長谷集 卷之十三 三

鬱結不能一日居者固遐然遠矣君生于弘治
壬戌僅四十有七歲若假之年其可觀又止是
哉所著有朗洲集若干卷

贈監察御史馮公太孺人吳氏行狀

吾友子仁喪時齋翁時年甫弱冠其哭太孺人
也年已逾六袞感今思往悲傷動人乃撫其行
實將告之太史氏又慮哀言無緒乞忠序而為
狀曰翁諱達字惟中其先自德誠公而下世居
華亭之雲間鄉至其曾祖子俊洪武中以占田
過分編成滇南族遂淵落其祖穀菴公仲文

雲南憲副浦公清之壻始奉例改南京金善後
以代歸受徒北俞塘其子存朴公海晏胡秋官
孫女生二子長卽翁次暹存朴事母至孝雖近
出入必長揖以告家合掌橋與莫母鄰年皆八
十拜爲姊妹行味必同甘日具潔羞以悅母母
疾篤日嘗其糞夕扣北斗求代死迄半載始瘞
然竟以勞苦遺疾垂沒呼母三日無絕聲里中
名其旌曰苦孝蓋識其實也時齋翁少習舉子
業以早孤不竟徙居楓涇之別業其性方介不
善俛仰嘗揭壁云丈夫廉節勵則窮不失義

長谷集

卷十三

七

此其志也配太孺人吳氏諱玉字秀瑛家世陰
陽正科父珪號山齋母任氏水部公之孫太孺
人十八歲歸時齋翁祖姑浦與姑俱在堂夫婦
竭力奉其歡值歲儉斗米百錢所太孺人蚤夜
織紵翁日數里外負米以養之浦老不任步履
且齒廢不能食太孺人起居負抱不離其側日
咀飼之臨終命之曰汝孝可憐願生好孫以報
汝至辛亥生子仁頭角頗異乃以鄉俗非居子
之地假館北禪寺就夏先生學其後子仁舉進
士仕南道監察御史時政利害多所建白而糾

劾朝貴一疏明目張膽不避奇禍又生多賢子
爲衣冠禮義之華族翁雖不及見太孺人享其
榮養幾及百歲此非恒所易得而翁夫婦孝行
可謂食其報矣翁之卒以庶母弟遠溺斜塘投
水救之弗獲旣驚且痛嘔血數升伏枕半載病
已深入力贍其孤婺逾十年竟以是卒一旦呼
子仁曰命矣明晨我當歸索紙書忠孝廉節四
字示人果詰旦而逝子仁與太孺人抱哭搥首
曰勿亂我太孺人哀苦拮据撫子仁勵學以副
翁志二庶子惠憲愛同已出子仁旣貴每導使

長谷集

卷十三

七

賜給宗親行好事子仁承順其意日嘻嘻笑語
未嘗見其疾言遽色子仁初仕爲行人出使山
西勉使不辱忠廉之命後使兩廣得見陽明先
生而歸則曰汝得見名公當看樣子後任御史
迎養金陵每巡歷還必問行何好事理何冤抑
得卽報卽令誦之聞有大政令問此可得言否
子仁在臺中凡二十餘疏雖其忠赤可尚而賢
母之力亦不虛也壬辰以星變極論諸執政逮
入詔獄拷掠凡四閱月太孺人攜其孫行可
赴京師銜疏擊登聞鼓上陳行可復上血書願

代其死始得末減戍雷州丁酉避詔還鄉葺懷正堂以奉之請記於學士少湖先生少湖以翁勉教辭有教子謹忠廉之訓更名忠訓而記之自是歡養訖壬子爲九十五歲臨瞑呼子仁及諸孫曰汝祖死於孝汝父死於弟皆不踰五十吾獨享遐年又得汝子婦孫息皆孝敬受嗣全矣汝戚戚何爲願吾子孫孝友相承皇恩世感卽死安矣言畢若睡四鼓忽堂中聲震如雷者三而逝按翁生天順七年八月二十八日卒於正德七年六月十四日太孺人生於天順

長谷集

卷之十三

志

歲

二年三月二十六日卒於嘉靖三十一年十二月六日三子子仁名恩娶金氏封孺人次卽惠憲女三適莊華陸府鍾鳳孫男十一人行可庚子舉人娶吳氏達可娶朱氏學可娶朱氏再可娶徐氏輔可娶張氏皆補國子生繼可庠生娶孝豐吳氏衍可時可曾可庶尚幼俱恩出際可惠出娶傅氏曾孫男女各四人翁葬二里涇北原祖塋之穆位太孺人後翁四十年恐泄地靈不敢合祠別卜秀野之其原備翁衣冠同窆焉獻忠董時獲侍翁婚執子禮翁所以訓子仁者

因復聞之大率謂君子所樹立當無媿於古人若徒以富貴則所負多矣太孺人見忠往來必以正言相戒故奉其顏色至老不衰而序次其略據其可錄者皆目所睹記云

青州府知府施公配沈安人行狀

嘉靖辛酉閏五月二十二日璉川施公卒其子將請墓銘於箬溪先生以事狀見託按施氏爲吳興著族唐宋以來代多名賢自至正後通甫生彥明彥明生士良士良生知福建永安縣謙謙爲公之曾大父有靖民功至今以名宦祠於

長谷集

卷之十三

年

永安永安生瑄讀書樂善以壽榮於鄉瑄生封刑部主事鐘娶董氏封安人生公公諱峻字平叔以明經發解浙省登乙未進士授南刑部廣西司主事遷本部員外至郎中陞知山東青州府瀕行適遇考察爲人所忌去其官公在刑部父以練達掌勘木料其氣堅直剛明一意守法不少出入雖權勢不顧也其初石塘聞公爲尚書凡難處事務在調停公議不合卽欲投劾去有鄉夢鶴者雖罪在形影間當司以其父方總制三邊故真於法後官相承遂不敢出公卒

而辦公以是優閒自適無內顧心公卒之明年亦以憂勞棄諸子公生於弘治乙丑正月十四日僅五十有七歲安人少公三歲云甲子合葬于清風村之新阡子男三俱邑庠生長于家娶于沐陽簿曹氏次子官娶于武進楊氏于宙聘于德清吳文學氏女五人適陸京兆珩孫元方沈憲長宏男如封張左都御史永明男天德俱太學生其四適布政司經歷茅君良之男一龍郡庠生其五受光祿丞李氏聘孫男斗臨聘于郡文學沈氏孫女四長適刑部尚書顧公應祥

長谷集

卷之十三

三

三

之孫嗣衍次聘於知太平府吳公一儒之孫某常熟丞沈君應宿之子葵如餘尚幼子旅寓吳興以來公以文學交殊厚故序次其事取其章章大者表見然不敢藏其微也斯得於所愛之盡言云

南溪朱處士行狀

處士朱公諱暉字采文所居泗涇里四水涯其南因號南溪云其先世爲亳之永城人漢時有諱詢者行相國參軍事至唐孝友先生以德義聞其弟敬則爲唐宰相敬則四世孫華爲茶院

制置使以戍守婺源因居黃墩其八世孫肅于晦翁爲從兄仕饒州教授因居爲饒人教授公四世孫天貴仕元爲松江府推官樂華亭土風居之乃至子今爲華亭人天貴生佑之舉武進士佑之生信洪武中爲繕部郎中郎中公生宓別號南莊贅婿泗涇李氏于祠部員外郎宜散公爲導姑夫生三千處士其季也處士生有丈夫志南莊公愛異之自少依舅氏居南莊公以不當李氏業遂居西鄰南莊公疎散不治生處士治爨之日值歲饑斗米至百錢所而家無擔石可養于是逐末業乘廢舉膳羞果蔬畢能中父母須卽不辦其心皇皇搆以勤力父母不知其不辦也南莊公好飲酒李孺人頗不宜南莊公處士內奉母心外私釀具以進南莊公雖以酒病乃其心固陶然樂生謂處士克孝子也弘治某年南莊公患脾疾處士扶侍醫藥寢食俱廢疾且革輒哀痛欲死時有令戒踰時不葬者處士勉其力卽盛暑葬南莊公不能盡如其意初與伯氏居不欲分異其後乃勉從伯氏心自廬于墓而讓伯氏居旣伯氏卒無所歸處士

長谷集

卷之十三

三

三

乃養之終其身人以是義處士之行謂其後宜
有興也其性雅澹泊寡嗜慕平生料理人間事
無不力未嘗少爲服食計至其周設館舍陳禮
樂待海內賢者未嘗倦也處人坦直平易不設
城府人有所不可輒告語之所爲恒自負其短
不以長勝人至于畏國法守尺度自其立身以
至教子恒先焉其遇里人循謹寡言笑若無
所辨及其應事推移率了了中法理所存先世
敕誥九通因建寶敕樓居之去寶敕樓五六武
有疏圃先屬宜散公後以畀處士因鑿池種樹

長谷集

卷之五

五

五

結屋其間題曰駢春堂一日慨然嘆曰憶自居
墓時不能容膝今所構足蔽風雨而畝鍾之田
可備餼菽之祭足矣足矣自是不復事事而諸
郎承志光業舉動蔚然可觀承順以能詩稱承
益以諸生補國子力學向上浸浸不已出繼子
承勅舉丁酉應天鄉試承緒督家政習文藝有
承順風管處士之教法也娶某氏無子初抱子
仲兄子卽承順也諸皆庶徐氏生其從兄竹坡
公先任監察御史轉廣西按察僉事無子擇承
勅後之其母不欲處士曰吾乃後仲兄子獨不

推是心耶後竹坡夫婦謝世斂葬之勞處士躬
自任之其族人有所紛爭者處士乃爲之調解
產之說明於有司攜祔以歸後巡撫陳公故與
竹坡厚求公所愛無踰祔者竟立之處士因戒
勗曰汝先人有家聲勉無墮落諸所嘗取子勿
計也勗以是遂宜于承順與諸弟彬彬和好
相師友于家爲鄉人所慕疾革且命之曰吾死
汝兄弟友愛如吾在死無憾矣語畢遂瞑目嘉
靖壬寅六月二十日距其生庚寅十月三十日
爲享壽七十有三年孫四人朝賓朝賚朝質皆

長谷集

卷之五

五

五

益出朝賢緒出今朝賓爲順子而勗亦生二子
克禔克舉孫女二益與緒出尚俱幼將以是歲
十二月某日奉安于顧宗涇南莊公之昭位子
與承順諸昆交且厚以子知公詳也承益偕其
姻吳次一度浙水千里謁狀將徵信于太史公
儼山先生因著其所聞如此嗟乎方處士介七
袞時諸薦紳壽公爲詩歌予之敘墨尚燦燦未
乾也天不遺善人又爲經紀墓中事不重有所
傷哉乃其諸孤篤行義表表于鄉人公殆有不
亡者使其後世稱涇里祖禰所自不無待

于太史公云

張君婦楊氏行狀

嘉靖戊戌予與張君義甫同下第張君過予都門之館執予手而泣曰人之取功名命矣復何言乃獨負我賢妻抱此恨地下奈何鬼而有知當益慘然悲矣嗟乎君非辯士而解予所傷苦必君也君其遂銘諸幽宮予謝曰予乃不能以職事重其身安能重君之賢婦必徵諸太史氏君曰然則太史氏同邑而賢無如孫先生孫先生信君君其善狀以告諸孫先生予曰茲受命

長谷集

卷之十三

美

前

矣遂具狀狀曰張君婦者華亭楊氏葉謝鎮士族也其父爲叔王公楊氏長者稱四王伯仲季皆以進士起家叔獨隱居高志生二子及張君婦君自幼有文名其鄉稱賢者叔王公垂沒時見其女明敏莊重且能修孝道知父母心不類諸女歎曰必賢者配之其後果得婿張君叔王公下世張君婦輒事其母勤組紃以支不給既仇張君張君家曹涇俗尚文華列鼎食稱素封者數十鉅家張其一也張君父爲其子聘士族乃得勤敏婦更益私謂其子有此婦異日當

長谷集

卷之十三

三

吳

昌大張氏門未幾張翁卒與張君更三年喪哀毀骨立如孝子既又張君生母褚氏卒張君心益悲不復能修恒時業乃語張君曰翁昔奉君學且爲君置鼓微寢中今君乃坐廢日不廢落翁志耶且丈夫立身必欲每事如意而後學則聖賢皆豪富人耳張君惕然起謝之自是益勤織紉日程正布以助張君又嘗剪彩刺繡文每出一女紅雖姑姊妹無不稱奇巧以貴善價取之曰此吾少時所游戲不謂亦可濟急也每張君有所需俯而取之無不給者張君以是無身憂得盡心學張君嫡母潘夫人嘗有中滿疾歲或一再發張君婦輒憂之甚躬事湯藥辨寒暖或夜分盥洗焚香禱諸天願以身代姑居常必詣堂上問安視膳畢然後敢退退則事事盡日夜無息時人或慰止之以爲吾固樂此不如此則不樂如病手足矣嘉靖乙酉張君服闋未忍應有司舉長涕勉君曰妾所以善事君處君之忘翁訓也今徒然區過先王之禮不取大科翁寧瞑目耶乃脫簪珥映其行張君遂至金陵舉進士科鄉人益以是稱賢婦張君既再

詩禮部不第乙未南歸快快不樂者久之又勉
君曰妾諸父昆亦有屢蹶科場竟以志不怠復
振起今君不能自奮徒酣樂海上風奈何請
今勿以事累君張君遂復振發出居先莊簡公
讀書處與一二同志相勵學如少年時歲丁酉
春張君歸姪兩月念君方遠行徒以此累君心
潛買墮胎藥下之即倉卒潰腹死張君聞之驚
愕不知所云久而慟曰傷哉不才累我賢妻竟
至此耶使予遂甲上第顯于時猶爲罪人况未
可于天命使如人情哉鄉人弔張君者無不重
傷賢婦志按婦生于弘治戊午距其卒甫四十
歲二男子長啓聰聘國子生楊某之女次啓睿
聘葉方伯孫某之女兩子皆殊器嘗撫之曰汝
事吾香如農夫耕不勤何待張君每念及輒涕
泣不止今擇戊戌某月日葬于沙岡阡嗚呼張
君婦不顧其身以徇君子賢哉其志也夫達生
者必慎其死仁親者委其身不顧婦非達生乃
其志獨非仁親者耶夫天道不妒人以公今之
稱士人者尚蹇昧不達此而謂婦人何君子重
惜其志而略其輕生可也

長谷集

卷之三

三

黃母朱孺人行狀

蜀之世家賢而多仕達者稱富順黃氏蓋其先
出自山谷先生山谷八世孫諱庚七者始遷至
富順又六世爲雲浦君塏以丁未進士起家自
郡司理入補尚書戶部郎外調湖州府同知今
年其母朱孺人忽訃至以事狀見屬嗟乎人獲
具慶者不數具慶復至八喪者益寡且若早歲
登科官已至大夫孺人八十有三始棄養太封
翁又逾八而康寧似可省君之毒苦而其言哀
殊甚云山谷翁之養母安康君也至爲親滌虎
子未嘗頃刻不供子職不肖燈顧萬里違顏色
西望白雲幾年矣不獲親侍湯藥及同長兄奉
其諱若與山谷翁生同時亦當如王欲稚川之
見罪也嗚呼忍言哉讀此知君孝思深長乃具
狀曰朱氏故釜川著姓居鍾秀山之陽歷世久
其父某公娶胡氏生孺人其性微柔而穎敏弱
歲卽能誦列女傳孝經稍長見高皇后女誠
更喜而習之以是在閨中卽循謹有尺度一顧
盼亦不妄父翁大異之必欲歸之德門黃氏簪
組承數世某公自幼賢雅稱里中遂歸之其初

長谷集

卷之三

三

以爲翩翩佳公子也入其門見其清素恭儉守
 先長者之風竊自慰喜既參廟卽謝綺繡以事
 君子曰丈夫進不立朝秉明節當聽之命枕棲
 山谷種德芝田固恒分也勿以顯晦殊諸心自
 是操其家咸有法式家食數百指各得其心事
 燦夫翁及周太母曲盡婦道族黨稱其賢中歲
 又勸公無濶略過自爲計川上有竹千竿贊公
 築室其中益肆力於六籍宗人及四遠來學者
 以益衆出其門者類以名教爲重成卓然知所
 樹立至夫教子尤力一舉動一語言無非義方
 長谷集卷之十三
 雖公亦自稱之不但鄉閭之慕其德也生五子
 其三早殤長枕娶何氏次卽壻娶甘氏女羔羊
 適王巍孫男子師古娶楊氏師賢娶喻氏慶壽
 娶溫氏師朝聘易氏慶驥聘萬氏孫女三人孺
 人生于成化己亥十月八日終于辛酉六月五
 日夫詩書之言女德尚矣娶之爲貞女斯可稱
 賢婦善婦道則母有儀則本節弘茂則習化淳
 備自昔世典所載咸出于雲浦君仕道所至
 咸見頌美務樹其志節不徇人情雖挫之不悔
 此非有嚴君賢母者必有內顧之慮其所立不

至是因序次孺人行事上之太史氏焉

長谷集卷之十三

長谷集卷之十三

文

長谷集卷之十四

華亭徐 獻忠 伯臣

誄詞 祭文

東老先生誄

松有邵德先生沈公諱霽字子公雅操柔恭豈弟令明以春秋明經舉進士仕終按察副使操持明典肅恭惠和嘉靖丙午壽八十有五不罹強疾泰歸玄化思慕遐德乃述而作誄

於皇先生令德懿玄上抱岳靈幽澈華潛含章在璞懷珠深淵知白守黑豁谷渾淪無崖而崇

長谷集

卷之十四

二

長谷集

不肖而廉藏納垢疾息徙三千龍光上騰鳳德

自翻執法上霄侍從皇軒持憲臬司綜化不

履祥考順敬恭有虔隱名弗耀睿思默詮流風

渥被有慰予聞沒而彌顯教思綿綿動有餘光

耿耿若存

何訥翁誄

有序

維嘉靖十有四年秋處士訥菴何公卒是歲臘月前除二日其子良俊奉翁於玄堂於戲天授純德太璞無文好脩之士咸服令儀一旦沉委泉淵鄉無比傷訥不勝慕乃作誄曰

於穆靈海揚精暢元挺生二者抱德玄潛翁曰伯氏與仲聯崑左啓王振右應瑾鏗身載大懿

心含至文孝友天成穆穆殷殷惠心俯仰仰昂

陽春鄉甸作儀德音恂恂厲階絕景居安履平

皇靈長化大吏所賓虞庠結軌比踪漢更秀朗

有嗣賢開其先博雅在旁詩書大敦瓊輝四揚

景問內喧蘭王續紛豐美及孫靈源洞啓執探

其根群義所歸蔚然其論嘉福斯備耆命乃珍

番番黃髮王章所尊潛名弗耀利居其貞天造

不遐晷光劫淪鴻冥失軌考德無聞輻軒馳駕

長谷集

卷之十四

二

長谷集

乃光高陵逝川不返惠瞻何門

石梁先生誄

有序

維嘉靖辛丑中順大夫建昌府太守石梁王先

生慶卒於滄海是歲八月其門人徐某來知寧

波之奉化縣有自台來者以計聞某方視事耳

聞遽音目應以淚乃爲位於廨舍朝夕臨三日

即遣人馳慰夫人因講期日於其子胤東兄弟

方有下吏之守不能荷錡錐土爲之封樹素旒

阻絕悲悵欲死於戲哀哉先生早馳四聞壯樹

孤節寡諧時好獨抱幽貞今茲凋謝窮宇若曠

樹績雖豐表儀實遠法音流謝德軌寥落危
在望何裨瞻依嗚呼哀哉敢以悼往之辭自附
於述德之義而爲誄曰

於維先生岳海之靈遠紹芳躅畢高始庸前元
末季自寧祖臨寄身草昧隱迹范林混氏百年
冠組因尋癸未興賢甲科繼登水木懷思族屬
載明台山朗霽華胄晶英迺念京洛遠庭陰
抗章乞外聞散往欽授師松巖閣御以臨侍我
泉翁登陟寢寢興聽鶯薦藻擊樂空明湖山紫翠
偕我良朋嘉樂方殷公車是徵再請留都水

長谷集

卷之十四

三

部惟迎翁眷其遊山水增情天奪孝思朝霜隕
零僻踊若狂廬居戒征新葺松楸南岡之屏遙
迴徙倚志欲遺榮職方之命出自形庭外籬邊
幽清本兵聲望備然遂典專城腰章麗日撫
字靡寧清微四遠上徹宸京家慈再喪繼髮
素膺悲今感昔稿木其形苦塊欲絕哀音四傾
俯仰孤寂莫然此生辛丑之歲始逾簪櫪趨命
北出餘哀未平夢寐凄楚若狂若驚三老愴見
五夫廢迎戒途滄渚不疾而薨嗚呼哀哉夙昔
孝廉至行純素握守道素不磷不涅揚標當世

式獻黎髮太璞混然爲環爲珉文心蔚觀道軌
成烈執圖維秘遺此芳刻濁世網緼馳驅草竊
流風不殄葬爲壑谷爲紫可朱爲白可聖觸目
愴懷如朽而鑿發婦不修娥眉見惡大士任真
小醜揮霍維我先生持衡秉禽舉動光明吐詞
謬謬爲玄爲白素履不錯朱貞而孤曾勇而約
出門無岐有言不擇今此末士孰不慕悅嗚呼
先生世濟其哲心靈孔明夙悟了澈諸相本無
何况爲色是非謗譽如塩在水似有似無罣碍

長谷集

卷之十四

四

山川出雲作爲時雨非公則神溥濟而世雷霆
迅揚漂灑其鄙非公則神赫怒其恥公在宇內
師承仰止六合有外公去如徙高丘蔽日長松
不蕭何爲悲公涕淚如雨維昔之春師我多子
於憐人中待我國士指揮好惡契公內美拔茅
於茹愛角及趾公升天雲我在泥滓公識者心
欲儀其羽嗟此拙生不善爲市三失前禽一載
無鬼人情我任我視如寄朗心清夷越鳥哀鳴
公咲掀髯不爲我愧今我強餐公何謝餽天清
夜長相望戲歛

郁温州誄 有序

維嘉靖丙申十月三日守温州郡水軒郁公山
卒於官嗚呼玄首未華撰志不竟天殞國寶鄉
失令儀士類聞之咸相悼慕敢托幽旌以揚斯
誄其辭曰

倚嶽郁君夙樹明節詩美岐嶷茂姿如劃梳髮
俊父內美穆穆文心早契秀耀華璧千言電掃
九史冰釋見薄兩生命遂三錫南宮刺薦龍泉
授邑牛刀一試豪俗存息樹善揚鑲遂稱右職
改煩海甸嘉功更載清操絕塵豐仁配粒強禦
長谷集 卷之十四 五

類寧遺黎仰植珉文去思軌舉昭勒遂登曹署
茂其鴻迹征商羨資采授皇籍羊魚再懸墨階
遂割著令自君今此爲烈乃進朕虞惠及川澤
西臺命憲展意嘉石恤功察法園堵騰悅宰公
在朝本慕懿業雙旌力授三事出牧東甌凋弊
紆念自昔乃挂頽波自樹挺節節用愛人魯語
不敦守道彌篤秉心惟塞民所疾苦籲天匪及
仰赴於公痛憊悽惻公力維艱不任其福逢怒
植謗支厦以木悲窮畏天貞志不惑公備其度
不令其祿奪公者誰帝命有錫生能庇民死杜

其國漲海秉靈公沐其代虞淵耀苦公輝上薄
嗟我鄉士委蘭路側德馨斯遠瞻望彌極嗷嗷
同生含悽在室荆輝殞謝沾涕几席山川間錯
林嶺空列玄丘掩翳光景間寂

荅源吳公誄 有序

嘉靖癸丑山東按察司副使荅源吳公麟喪其
考南山翁過哀竟感疾不起公登丙戌進士仕
尚書比部郎轉監察御史既又以武選郎中出
守安慶以至按察所至咸有善政聲望方隆以
南山翁年向暮告歸甫七年即隨翁先後化去
長谷集 卷之十四 六

嗚呼善類凋謝典刑弛闕郡邑衣冠之士罔不
悼慕乃作誄曰

季扎辭榮吳氏世起明德不亡上配天紀揚休
南服顯其苗裔以光令門食報無已肅肅我公
茂承其世鴻名四馳頽心三畏學淵而正行方
而粹與道合符相古作配雙璧瑩然大科聯美
上陪法從下光省署梓刑惟允往欽其位帝命
有佳封章盛麗執法上霄埋輪圻內震寒匪躬
載揚其轡澄清南徼東及鄒魯刺舉三臺檢察
百度國憲昭明民懿敬布權奸屏迹正己不吐

貞亮方孚來歌其慕懸庭情返闕為嘯邑以
孝名山靈夙著令德惟先有美斯繼武公邁德
逾九未仆萊子承迎望七若孺伯仲洋洋安車
共御雲仍遠滕式燕以喜青山滿戶白雲團几
樂志閒居胡然永棄上真嘉命仙源有委羽鶴
未歸青牛遠去滅度無終幻住何始冰融曰水
水生滋味孰有孰無何神何滓壽者無相沒亦
非死遺名人間鴻泥而已吁嗟我徒空殞長涕

南山吳翁誄 有序

嘉靖甲寅南山吳翁將歸玄宅其子之遊從仰

長谷集

卷之十四

七

翁名德成勲悼慕多為挽歌辭以寓之其不佞
乃作誄曰

天目之山元氣所都發條分派衍為三吳其巔
高仰結為奧區吳氏世居挹挹扶輿南山從龍
降翁碩膚志懷夷曠狀負魁梧厚璞秘藏內美
玉如可珪可璋懷光掩瑜立德玄潛不施閭閻
衣食衆細俯仰賴乎量弘不溢仁洽益敷深山
大澤生此鉅夫百福來臻大受懋紆昌其苗裔
既賢且都二幹同根名世曰儒孫枝蔚茂咸遵
盛模威鳳翔翺其羽有儀神爵空傳河東豈徒

有吳承裔神明所符扎也長邁食報孔殊翁則
遐齡百年居諸厚道永光故鄣之墟潛迹耀名
頌慕載途餘潤騰輝為世所樞幻業今終遺蛻
而歸鶴駕螭駟升之清都山川精爽亦震以呼
神遊上玄迹重黃圖

毅齋先生誄 有序

嘉靖辛酉太子少保禮部尚書毅齋孫公薨於
華亭之里第嗚呼惟公清素之節夷白之行沉
深之度恬靜之德鄉閭楷式朝野慕戀一旦萎
謝典刑斯遠悲感往昔追悼何已乃作誄曰

長谷集

卷之十四

八

於維我公岳氣降嵩立德承家素絲黃中文章
炳蔚器度春融不吐不茹掖贊群蒙疏遺式業
附麗日豐恒德自天契求及裘簪筆含香早侍
重瞳螭頭紀事彤管若虹揚化清朝樹聲春官
職重老成學推鉅公運當建禮勛可銘鍾山立
玉淵帝曰汝忠眷命不遺祉福日隆崇階屢進
寵錫令終兩疏解綬三老祝饗里重懸車門若
登龍三命益恭八袞稱翁閭門式德俊造承風
含耀不華懷瑾在躬武公益德尚父加聰撫淹
大化升陟玄空藏器名山錫典上公皇華展命

馬鬣增封崇丘生色下邑被榮光及雲仍高門
有雍鴻休衍溢考德靡從

貞孝何婦誄

有序

維皇嘉靖歲在鵠尾乃季冬四日庚寅貞孝何
婦歸於玄宅永捐人世嗚呼哀哉當梁作難瑾
光永闕緬茲流風雖殞猶烈邑賢長老咸傳故
實諸大夫從政共樹其聲麗茲王章足稱其德
不有誄辭慕悼曷已乃作誄曰

嗟嗟令人殷宗之孫玄阜降靈鵠祚德門光啓
蘭儀訓夫君緝藻揚標組纘生芬陳詩夙夜

長谷集

卷之十四

九

聯跼瑤琨乃寔多所作命不辰緹縈子已子道

孔任共姜疇哀係死若臨謂者非福矢心在闇
天不勝德制命自心孝娥實首撰志靈津梁妻
明素刻面以珍嗟嗟令人斯義是敦蘋蘩黃豆
井閨耀論禮宗崇慕笄緯悲聞明夷之守苦節
亦甘冰霜並列玄黃可陳嗟嗟令人孰儔此倫
殘形曰孝從一曰貞麗茲典義生光昊青幽標
不逝國命秉靈雲松蕭蕭永覲茲京

楊復卿哀辭

有序

故友前峰楊君復卿以庚戌歲旦委蛺玄宮永

別浮世江東之雲物未虛山陽之松路非昨芝
焚蕙歎鶴去猿悲因繼之以辭曰

伊海曲之多賢眷清塵而夙邁啓高門之華秀
開髦造之鴻派嘉樹鬱而中蟠靈根結而上藹
睇珠輝以揚媚吹王律而含承望承明以懷思
抱美璞而長慨徒疇年之婉戀竟芳辰之變代
飄瑤華兮岐路墮靈芝兮蕭墳晞晨露兮晚節
凌朝霜兮秋悴感大暮兮遼寂歎遊仙兮斷跡
入空堂兮燈燼逐故帷兮宵昧憶舊權兮增悲
攬芳襟兮零涕

長谷集

卷之十四

十

甲董羽吉

老夫徐某以辨香之意陳辭於故尚寶司司丞
兼翰林院五經博士河東鹽運司判官羽吉董
君之靈曰人苦無才才多取戾人患無名名勝
招忌忌者滿前累結不解達士廢名自甘夷鄙
與世混混豈不有以嗟君穎異風軌夙樹逸才
四出宏詞擅理少邁夷倫壯節益麗芳襲芝蘭
美逾桐梓巍科龍嘯清資鳳舞簪筆蘭臺令香
粉暑夕室受釐晨班建禮仰荷專恩俯酬知已
位列未崇嫉心競起嗟哉吾子累名若此浮景

百年未半而世芳華消歇轉眼變異窮愁何裨
得豈足喜才固幻妄忌亦安施白髮垂堂拊爾
苗裔閨幃閑寂雨零其淚大化還返解脫者幾
雲其鴻潛不復留滓無生之樂孰可縻係

祭志梅林公 平泉太史父

深山大澤太朴猶存鴻慶攸鍾乃生令君力田
孝弟養德丘園撰步而行擇口而言淳風所被
且俗咸敦古道臻臻景福用綿產璧藍田爲珪
爲璋推尚哲昆海岳咸聞積厚植深肇開仙源
德沛長流命貴蒼玄 帝命有嘉錫辭洋洋龍

長全集

卷之十四

十一

光蔚然有猷其章福終考命順履休祥游神紫
庭齊駕彭殤遺世濁氛飄然遠場嘉名有永爰
畀周商

祭楚袁公嶺陽節推澤門公父

祭於嶺陽袁公之靈曰於乎理有本始開有厥
先如公令子名家之壽爲松大夫爲世高賢拊
翊世猷敬恭有虔循謹清白仁明惠寬臨事不
苟操平守常允爲人師王質金相疲殘依恃乳
育皆育爲召爲杜以安以全田畝頌德老幼共
言合堂蒼旻祈翁壽年惟翁養素有道丘園教

子術業義方道淵近情體物精粗具兼上
義下周細纖以居民上練達通方資始在公身
教孔嚴馳公高意千里無前未覩春容遽聞上
仙報稱非理闔郡悵憐願公世祚億千其年願
公錫典崇階峻垣章公厚積歛福用綿臨風長
望空對几筵望公不起雲樹悠然

祭杜谿范公 中方憲伯父

衣冠之裔禮義之風德音載馳聲聞曰隆至老
不渝以伉厥宗大江之南孰踰我翁藍田鬱秀
玉樹彌豐懷瑾握瑜爲瑱爲琬出者翺翺居者

長全集

卷之十四

十一

雍雍以光其鄉以慰先公嘉木蔚然委泉琤淙
茲豈徒然厥肖有從惟此先公植列上庸先憂
垂訓發我人蒙萬世揚標千仍啓衷翁象其賢
世林叢從五福咸綏百年考終湖山在望紫氣
空濛歸以藏之靈光闕封生已弗愧沒也敬恭
瞻企玄宮式其有從

祭唐子迪

行人司司副左溪唐君志大以嘉靖甲寅避寇
吳興明年乙卯之四月以疾卒旅視將歸念其
志不竟乃爲文以哀之

天生賢良何然不壽生者何心奪者奚究如君
奇偉曠代希有高明博達暢朗渾厚冒育群生
包含衆有身爲國寶心齊岳岫早陟賢科祖德
斯茂言念慈幃解脫華綬逍遙容與以樂長茂
中道離遠若顛而仆嗚呼哀哉君有靈衷厚德
天授勲行所難往轍亦漏君獨伸情廣幃羨履
寇亂之興咸喪厥守君挈其宗湖山西走居食
相通合糜均豆富者攢眉貧安其遘日夕怡親
善養不疚志慕希文德光書櫥如君者誰繼猷
可醜校銖惜寸焚溺不救君之美行孰儷而偶

長谷集

卷之十四

十三

嗚呼君才天挺濟世不難寇盜草竊撫機有論
俎豆折衝其氣桓桓爲母伏藏惡呈其身被髮
野祭孰測其原堅冰自霜今復何言天流橫災
不戒其存追念前聞吐聲復吞君今已矣頽波
漫漫楚些空哀莫返其魂嗚呼哀哉哲人萎謝
儀音踈濶我等小人種種黃髮臨風涕洟結言
徒咄拊視其孤淚橫於臆

奠何子叔毗

嗚呼天豈愛才奪我叔毗王樓高懸遐不爾宜
天或禍淫爾非窮奇天欲福善爾行黃髮漫世

原缺第十四葉

勝共此暮年冠亂橫興東西播遷我在吳興公
尤愴憐聞我東還其樂油然問訊必先竟日留
連今此來歸旌旄高懸山頽梁壞鄉國喪賢嗚
呼何哲人之易萎失長世之永歎雖芝蘭之滿
庭違金王之令顏申悵慕之蕪辭塵哀些而空
歎

祭沈伯起

哀哉伯起抗節鴻明擢才秀朗鸞摩鳳審孰居
佔上晨輝俎豆夕貴理璋蘭薰蕙和孰登君堂
栖吐春華門傳舊閥名駒遠紹執麗君澤左傳

長谷集

卷之十四

十五

王振右啓瑤銓合節同聲孰如君昆惜也雅志
未酬秋期早迫三上南宮飄蓬徒客金閨遼阻
未竟通籍急節先零清商隕律俯仰迅宿音容
陳迹嘉樹難忘空庭杳聞昔瞻二美今毀一壁
池鳳翩翩今斷其翮屏山蒼蒼君北其宅清陰
繞地君委其碧於戲悲哉乙酉之薦吾輩獨豐
蟬聯鴻舉十有四公達者四人如蛇中龍王戴
早折而復吾兄生窮者半泥塗苟容見棄清時
幾婆然翁如君者沒朽拙何庸悲慙交作爲君
臨風

祭何五山參之

柘林三何海內所傳合穎連標不後不前宗門
豐蔚藻翰聯翩君實長公芝蘭共荃海若效祥
靈光燦然冠黻同升德義相先聯盧比榻晨夕
周旋一味同甘嘯詠喧闐帶方開難蔓及郊廛
浩劫橫流秦灰再燃惟君鄉曲得禍尤偏鵠原
離折蔣徑荒堙羈寓關城久歷歲年望洋高閣
桑梓長懸厭薄勞生遽棄人寰豈懷叔子相繼
而仙嗚呼予與三君誼同兄弟歡歌憂思實相
比類中道長悲爰及伯季人群蕭瑟友道仳離

長谷集

卷之十四

十六

黃周

列馭空霄山陽首路對此几筵曷勝唏噓

祭餘山朱臣巽

文石太史父

嗚呼弱冠相攜已通諧契壯盛同盟遂深交締
文社朝駢飲譔宵繼忘形解迹惟君兄弟轉眼
半生婆然老至霜晨月夕閱幾年歲我入關城
君東延憩君來卜築我復西翳夙昔交歡君昆
多逝君獨長年庭除增麗子道亨嘉賢科甲第
含香載筆螭頭龍尾渥寵移榮金章紫泥振衣
高岡青霞結綺游情芳甸泛舟清渚榮養方遙
靈暉不駐白日西頽悲風夕起丁年不再三星

改次空霄冥鴻并幹飄緹歸雲可盼逝波長瀾
山陽夜笛永懷何昧穎川松路可勝其涕

祭楊母高太孺人

有女母氏

松有令族惟伯起孫典戎南來代高其門賢雅
誠翁世稱徵君厥配令恭竝揚徽文俎豆內欽
肅穆外聞麟趾鳳九翳胤不羣夙著道華遠馳
德馨高秀有揚豐少已倫名科早列光發丘林
端操上蹤合璞潤溫穆穆令人翫祚彬彬孫曾
流慶繁祉前陳耀芝三秀茁蘭九雲蔚輝其光
厥世彌尊撫化不淹邈茲上升寥寥女羅鬱鬱
華存涉以慧津超之希林齡禩何云玄真是尋
孝道令修天長地深高丘蔽虧日暝雲沉委蛻
潛神滓濁泯莽吁何其嗟長夜斯晨

祭馮太母

子仁母氏

生人期度止于百年伊誰過之惟倕與佮百年
浮世障業牽纏自失其生中道棄捐惟太母氏
克完其元混淪和厚太上忌言慈裕好生夙契
靈詮醞成太和嘉福用絲穀三十輻週轂逾三
甲倍絳人卜算至咸子若老萊毛髮已翩孫曾
齊列鶴立鳳霄天章發新綸命是遼光榮半世

百祿安存子道允修安車載輪游行歲時騁悅
其心婦子嚳嚳俎豆彬彬里閭歡慕童穉駁奔
湖山紫翠林木陰森佳辰麗景勝賞幽尋逍遙
遠御樂志怡神慈顏微醺頂謝蒼旻四大數週
委形歸真如歲告成如蟬退身生人悲愴去路
彌欣上列仙班下偶夫君畢期度世履順考貞
芳名滿前餘慶在門通家三世誼重分均猶子
相看哀慕何任夙悟上玄聊以自徵椒漿式酌
望徹層城

長谷集

卷之十四

六

德

長谷集卷之十四

長洲吳曜
馬相何承德

長谷集卷之十五

墓誌

華亭徐獻忠伯臣

董隱君墓志銘

董隱君諱懷字世德其先汴人從宋南渡居上
海之長仁里里在紫岡之南夾沙竹兩岡之間
因稱三岡居士云高祖考仲莊生思忠思忠生
以和有孝行見王文肅公所撰先德碑以和生
綸天順甲申進士令上饒有聲擢南京河南道
監察御史其行蹟見邑志娶謝氏封太宜人

長谷集

卷之十五

二

素

六子其五卽隱君御史公自少鍾愛時宋水部
瑛有重望因議婚其女御史公卒遂往受業隱
君有識度而端靜沉毅宋公深器之會家遭回
祿諸兄多習學持門戶者止其伯兄承事公且
多病太宜人遂命隱君綜其事旣仲叔兩兄同
舉進士季亦舉於鄉務益重大遂絕意仕進專
事太宜人於家隱君孝自性成所配宋碩人有
令德通書史識古今賢孝事復善體隱君意夫
婦日侍其旁承養有道餘三十年及卒至情恫
慕幾以傷絕經紀喪葬力任勞苦以先諸兄而

歲時諱忌享薦成禮宗黨咸稱之其仲兄大理少卿好文而性夷曠與同居四十年歡如一日客至隨所有般核以爲娛樂一堂之內填鳴篳應友愛深切牽慶兄官嶺表蜀諸子於家婚媾學業悉自隱君季兄知綿州以廉節老死隱君任其後事人兩賢之末弟與隱君俱少孤撫愛尤至不幸蚤世而婦有苦節給養護視以全其志竟以貞節奏聞其孝友無愧大率如是先德以孝行者聞源委深長殆有自云平生慷慨任義好濟人於難三族之貧者舉霑其惠與詩

卷之三

二

入戚君韶交至老不衰沒爲治後事卹其孤里有馮熙者年九十病無子月廩給之沙岡瘠土遺稅累里中人欲請爲義塚以息火葬而均其稅於穰田掌賦之役大爲民困欲買田儲穀爲助役法後竟不果有遺志焉早歲喜琴多蓄法書名畫時爲小詩度詞曲咸有思致作楷字不苟暇日攷究史傳檢括醫方欣然自得尤崇守朱子小學書親賢好士設館舍陳禮樂以待海內賢者然隱業之外別無慕好也晚歲出遊金陵探句曲間隱居之蹟南入武林觀浙江潮而

返興寄悠然人莫識其意既屏居謝事延名師教子相對終日雖暮年弱息義方之訓無少假借此皆其章章概節也生於成化元年乙酉九月二十有九日卒於嘉靖二十一年壬寅八月二日春秋七十有八以明年癸卯十二月二十六日葬於茭門塘之北原子男一人光裕補國子生錢氏出娶李氏女一人宋碩人出適國子生陸應昌先卒仲兄子宜陽具隱君事狀甚詳光裕以予知隱君偕宜陽來請銘嗟乎隱君素業雖無顯明於世然能使林丘增潤門閥延祉身爲處士詆訾靡及而履祥考順無所愧之可以爲賢矣顧浮俗所慕類皆附青雲之士而沉埋潛德是可惜也乃爲銘曰

卷之三

卷之三

三

嘉靖己丑予在京師聞泰元甫卒于家妻然泣傷之方予北上時元甫作述交篇遺予曰願徐藏聲至行玄潛蔚其後徵胤祚有嘉考福是承

九村居士泰元甫墓志銘

嘉靖己丑予在京師聞泰元甫卒于家妻然泣傷之方予北上時元甫作述交篇遺予曰願徐

子母忘舊雨子詒曰子豈好忘耶乃其意固蹇
難幽思出于無聊之甚而自委子如此今遽爾
也悲夫既予南歸弔銘甫朱君朱君曰秦兄以
沒齒事累君言猶在耳嗚呼舊雨之云予亦安
敢忘故人乃今仲冬之初銘甫遂來求銘其墓
子乃按元甫世家其先本出淮海之別子元時
有諱知微者始遷上海之鶴沙三場世以資雄
海上至其曾祖松軒公瓊更慷慨有氣敢任或
傾家賑卹人人稱長者其祖午山府君濟暨其
父水雲翁平復相繼爲善不衰始生元甫元甫

長谷集

卷之十五

四

名文解母馮氏生生有明性書過目輒成誦七
歲能作詩卽悟古法聳動人九歲作大字能徑
數尺雙手握鉅筆肘力不能運則頭鈴足送波
勒中筆勢當是時秦氏子神奇著江南薦紳先
生莫不願觀見秦氏子乃其人柔恭爾雅口吃
吃不能言然一措語無不盡達其意見者愛重
之更甚于所聞時也督學舉茂材異等程其文
出入經子數千言不窮然念其稚年卽不忍以
場屋苦之太守陳公每見必抱持之歎曰何物
兒子乃能如此既長益嗜學或竟夜不就寢以

此枯落得羸病乃不復事舉子業陶然樂久之
以例入太學得師友天下賢者其學更益進二
十七歲喪其父水雲翁水雲翁繼先世業益善
樹其家家以不訾諸所垂涎者闕其室久矣元
甫復儵然儒者不能以口舌自辨乃大爲所憐
家居不能支歲丙戌遂北走燕趙歷齊魯宋衛
之都游名山川覽先王之風是歲予在南宮適
見之道歲時契濶乃執予手泣曰嗟乎予非功
名士子所知矣乃留滯此中徒盡觀田光先生
高漸離之迹世寧有若人振予所苦哉乃不得

長谷集

卷之十五

五

從子南軒再訪尊羹菰米之遊是命也悲乎雖
然首丘之念予惡忍忘之子行矣又一年始歸
見子復唏噓不自禁既乃欲從子吳興山中計
無所出予固預憂之甫三十有七歲乃竟死也
嗟乎人誰不愛壯盛之年乃元甫稚弄時卽病
苦既又多興變故客走離憂握瑾瑜以死天之
所與神奇瑰卓之器不竟爲幻妄耶所著有九
村集若干卷藏于家娶青浦沈氏生一子國禎
一女聘爲王中舍子婦先此亦卒元甫有異母
弟二人文寶文璠文璠幼失恃育于銘甫銘甫

禮部尚書族溪翁子于元甫爲表弟念其子幼爲卜盛家洪之原以十一月三十日葬元甫是歲爲嘉靖丁酉子乃銘銘曰東溝洋洋望秦子後千百年墓而世手其遺文復吁噫

歸化丞朱君墓志銘

烏溪朱氏其先出自孝友先生由通許屢遷至華亭入國朝鉅菴公復以進士起家仕至按察司副使生子六人長爲禮部尚書族翁其五諱某別號華溪仕爲都督府訓導官娶戴氏生

長谷集

卷之五

六

吳

五子其五卽慎齋君君生甫十二年卽父母菴棄雖諸兄賢者翌輔之食指分裂方有門戶累君笑笑寡昧咸慮其難樹立也顧其志特然不群夙慕家學勉力事師友一語可諷誦亦服之不忘舉動謹謹守尺度一寢處間未嘗無涉冰蹈尾之慮以是練習世故且得竟其志列爲學官弟子娶錢氏吏部尚書文通公任子介石公之女也復能以勤儉贊助君君逆婚于京師介石欲留之官中問曰其素志乃相攜南還攻苦食淡銖積寸累內外各務其業二十年之間遂

能以貲補國子生而田疇廬舍乃與宗中殷厚者相埒焉庚子春暨諸兄謁選京師留三年始得歸化丞歸化在東南徼外民狡而擅資儲往往籍是爲奸利事君精明臨治之甫及半歲卽綽然有能聲邑有大獄其力能廣爲途路前此久不決君承檄刺其奸一閱而平監司方察君廉明益任之竟以暑中驅馳病不起君平生未嘗言人短居常事長者頰心下顏乃其東有介然不隨之意以是克自樹自恒人少孤子觀之蓋傑然可稱矣顧其半生勤苦堂構方隆自謂白首可宴然爲歎而中道翻飛倏然出世一官僅六閱月心力俱負此其可惜者也君生于弘治壬戌二月既望没于嘉靖甲辰之十月念有八日享四十有三年二子長大倫後公一日殤次大任未聘四女長二受蘇守約馬之龍聘餘尚幼丙午十一月甲寅朔附葬于竹岡阡之穆位予遊君兄弟間且石阡守褚公狀甚核乃敘而銘之銘曰

幼失怙壯遺孤仰視營營俯鳴嗚室中黃梁哺其雛百昌春深望歲無白石磷磷奈爾何

長谷集

卷之五

七

吳

朱公甫墓志銘

嘉靖丁酉正月某日朱生公甫卒公甫族溪翁次子也先是丙申十一月某日族翁謝世去予往臨其喪見公甫匍匐滌倒口噴喘言不能與予怡然悲之乃後翁五十四日竟不起距其生正德丁卯甫三十有一年往時公甫從子游于課之舉子業策勵少弛即濛濛然如坐霧中雖矣予呵詫之即興起曰丈夫處世即不如班生封萬里侯亦結少年客壘逐五陵爲天子親職耳安能稿木塊坐稱措大耶乃謝予去論其說

長本集

卷之五

十一

長本集

卷之五

九

欣欣然樂也翁以是愛之雖好任爲豪不怪也其後見翁日就衰稍貶損其志勉復事咕嗶作學官弟子後復以例入補國子生駁近禮法士就束縛然其氣乃索然就羸非復昔之朱公子矣翁之喪驚愕不知所爲乃不勝痛毒而死嗚呼天之摧落朱氏竟至此耶生諱登娶平湖陸大光祿女一子名大觀公甫嫡母秦夫人有賢行語在秦夫人誌中生母裴氏燕山人按朱氏其先本出汴文通許居華亭七世爲族翁仕至南京禮部尚書其六世諱瑄歷任至按察副使

其五世諱慎恒以子封監祭御史詳見族翁誌

中銘甫將以戊戌十一月某日葬公甫烏溪祖塋之次來乞銘于予予固宜銘乃銘曰

握蘭翩翩者朱子氣摩青蒼志凌世追風絕羣浮雲起西飛一鳥促廣路飄然馬羣千年峙烏溪東流日瀾瀾

南京兵部郎中曹公合葬墓志銘

嘉靖丙午十二月二十日吾友濮陽曹君以南京武選司郎中調澧州同知卒于家距其生已西四月二十有二日僅五十有八歲聞者咸悼

君才大任淺不獲盡其用且不能畢其孝養之志可惜也又明年戊申其子復來奉來奉筠坪翁命以西谷張君狀來請銘其墓嗟乎子忍銘吾濮陽墓耶濮陽爲郡諸生甫踰二十歲卽以詞賦名家嘗獻郡太守喻公鈴閣春深賦傳觀郡中咸謂士衡復作也旣又上先輩曹定翁宜晚堂賦翁故濮陽祖賓梅公通家友喜賓梅有後常懸之堂中太守崇仁吳公見而知其才子也大禮之方是濮陽君之名大起吳中且其器度坦夷詩才復流暢書有古法吳中賢大夫無

長谷集

卷之十五

十一

不願式其廬者往往命子弟從君游學正德已

卯發解南省至嘉靖乙未始舉進士中間養望已久多練達世故其仕自南京工部虞衡司主事進員外郎營繕司郎中轉兵部武選司所歷皆有聲然未究其用也 章聖皇太后祔葬顯陵道出江上諸所需皆取給水衡中官肅水衡支費所由大有所希望欲乘危射君未幾果折杞君已豫備易之諸當路從送者無不歎其經略才竟事無可射而止繕部督造 顯陵瓦甃先多指剋經費君平目任其勞工作感其實

惠遂及時辦集事 聞嘉之賜以銀幣其在武

部諸衛尉管轄之政悉出其考欲濟其私者類以速化之術君自持已嚴復謝絕請託大司馬宋公景素清謹知君至是益重之然人有弗堪者矣其調澧州也以居水衡時有 奏勢家奪其蘆洲者勢家倚一少司寇囑君甚懇君廉其實峻拒之其後少司寇攝臺篆得與考察乃造君微瑕注之籍焉家宰聞公淵以其微瑕且涉形影又知君素也寢不問及再考時有武選前爲郎者本以御史謫官久當得郡吏部惡其躁

長谷集

卷之十五

十一

進僅授按察司僉事乃疑君更代時有所短長也至是乃據舊所注籍考調君宋公造謝曰我兩以堂官雅知君乃竟不能直君心事是吾負公道矣君自反無作且念得一州郡試親民之政或可以報效處之恬然甫治裝痰疾頻作淹纏歲餘竟不起嗟乎君素以理自信其不能勝諸人者輒委之天而天復靳諸君如此又誰談耶平生多所撰述所存者輿地一覽一十五卷萃玉稿四十卷及家稿與燕京留都二稿共三卷其餘能雖星史律曆度曲畫妙諸藝家皆可

視乃予雅重君又不止是予性率易事多闕失未嘗不以直諒相規君固端人也鈞坪翁方正嚴確舉動皆有尺度自幼導君必以禮法母太安人時復以書史訓之以是竟成偉器每作一事未嘗不顧慮翁若師在上雖位通顯止守賔梅舊廬不敢過尺寸田畝粗足伏臘無餘儲家人子止舊所嘗共事者賔婚悉從儉素如做秀才時教諸郎守其素業無執紼習蓋自童子至垂老未嘗或踰翁教法雖古之孝子弗過也君釋褐後當內除懇以親老乞留都便養乃竟不

長谷集

卷之十五

三

能終其志易簀之日囑諸子善事翁殆有長恨云配夏氏繼陸氏又繼任氏夏贈安人溫恭淑慎自少以織紉同君勤苦君雖老未嘗不念之陸封安人貞靜簡默能以孝慈相君君重焉子男七震來早卒復來邑庠生娶顧氏繼葉氏又繼金氏俱夏出泰來太學生娶顧氏益來邑庠生娶朱氏俱陸出漸來聘陳氏貢來聘姚氏側室張出需來娶王氏側室劉出女二長受吳聘張出次受金聘劉出孫男三宗源宗沛宗演孫文一受倪聘君之先世汴人也從宋南徙元時

有仕淮南郡稅者再徙華亭之谷陽里為清逸公清逸生謙默居士璘千君為高祖謙默生松趣公錡以子貴封刑部主事世以長厚聞松趣生賓梅由成化丙戌進士歷任至雲南按察司僉事配夏封安人山東布政使止軒公之妹也賓梅生鈞坪翁今年八十有一封南京工部虞衡司主事配奚氏刑部郎中子東公之女封安人先卒鈞坪生君君諱嗣榮字繩之濮陽別號世君之里中多賢者若賓梅與止軒公廉謹若古菴張公剛方若雲寓彭公清素若東老沈公

長谷集

卷之十五

三

與兄野休公俱簡默君父子生其間習見賢者有師表之益又况家法有所自而性又良厚哉宜其所樹立如是也上以戊申十二月二十日辛酉葬君傳家浜祖塋之西原先夏安人卒于正德甲戌五月十四日陸安人卒於嘉靖己亥四月二十有六日至是始合葬乃系以銘銘曰君有息壤匪苗匪畬君有佳林其碩葉繁攬化而來委器而歸眷被三宮鬱爾兩旂幻象依然玄神間之隰隰堂隍桑梓在斯雲仍來光嘉福祈祈

贈順天府通判顧君公夢墓志

吾友顧君應陽將合葬於安人嚴氏於嘉橋之先坐并以考贈承德郎順天府通判省府君事狀來乞銘按華亭顧氏出自梁黃門侍郎野王其後世散居郡中往往多賢士東江先生之祖遺善翁積德累行里中稱善人而先生文章冠當代操行典則立朝純謹仕至禮部尚書諡文僖人以為善人之報云配淑人張氏生三子其長即省齋君君諱天葵字伯常自幼岐嶷有氣度書過目即通大義先生在翰林久數千里

長谷集

卷之五

志

供饋及諸輿輯咸屬君遂不獲竟其學君與安人悉力持其家開拓田園率僮奴樹藝其內機杼聯絡務修本分之業君性方嚴家法斬斬未嘗少假借安人以慈祥輔之待僕妾有德意或間有亡失必潛為補助以是內外相安業日益集其教子嚴而有法即後進稍純雅肯向學必締交以歡之或素所厚善持論一不正輒亦面折不顧忌平生重然諾好施卹家或稱貧遇故舊告急即復與之不靳安人素有慈悲之性言色尚和緩未嘗疾遽見饑寒即解衣推食圖之

鄰嫗至貧者隨其門接待必有禮數東江先生嘗自稱佳兒婦誠然也先生宦歷餘三十年事無巨細必先遙稟可否得一甘美未寄京師不敢入口經始堂構尤善規畫視秀才時事業苟完苟美雅稱先生素心懸車之日齋寢略備園亭可適與其弟伯庸日致門生故舊盤桓相樂且復先意順承中饋修潔以是間居樂志悠然忘其老皆君夫婦孝道使然也君性不仕雖侍郎任子亦推及應陽嘉靖乙酉甫四十有九歲不幸竟先霜露先生念君少同其貧老不得

長谷集

卷之五

志

送其終哭之甚哀幸有壯子奉其諱且克修先生世業僅慰其情然哀念君沒齒弗替是可以觀子道矣安人之父曰潤菴翁世有令德故安人婦道毋德名冠士族其尤不可及者待妾媵如手足視衆庶如所生閨幃之間雍穆成化至於恭儉慈惠出自性成有光德門不徒然也應陽自傷不逮養府君居官不敢自苟乃復加恩上及其後自太僕丞外補處州府同知獲迎太安人於郡邸僚案士夫同稱八表壽後復孝養至甲子及八十有九歲然後終

朱公有嘉遯之節蓋逸民也嘉靖壬戌四月晦日卒於家方是予居吳興九霞山中其子進士君朝資將以癸亥之三月襄事謁予銘其墓嗟乎遽有此耶公諱訓字良教允川別號也平生性孤介其所操端方誠直無媿於古之節士居常慕鹿門龐公孝弟於田終身不輟其迹與鄉大人無異至其方正不惑行有經度謂為獨行可也薦紳先生慕其人以高士目之然非任真率素輕勢分重禮意未嘗交承自屑此其性然也往往散情長林之間有志學向子平然共好

長谷集

卷之五

七

不必禽慶選勝不必五嶽名山興到即遊有所自得欣欣然也其讀書自經子百家務通大義尤篤信易道久而悟其旨謂陰陽消長定數也動息存亡定理也下至太玄潛虛洞極經世諸書咸究極焉因詮次蔡子內篇謂其得河洛之精可與卦圖參云嘗讀郭守敬天官書譌曆數抄慨六書之敝取裁於統韻隨其法門作韻源圖譜算學入止誦習九章括語不究洛下之原因者算學會通輯讀月經悟雌雄設陳之義作金丹纂要

金丹纂要

藝亦檢月令史志論著

其說其論詩三百篇而下獨取建安開元為則與諸昆相砥礪所作甚富刪錄所存僅一卷藏於家公之游心藝學大率如是至其教子惟以立行為先謂此皆末務無裨補官以喪志也謂公無愧古之節士不亦信乎公之先世鄱陽人七世祖素仕元松江府推官其子祐之占籍華亭由武舉補嘉興路千戶以子信貴贈至奉政大夫工部郎中其後仕者日衆遂為著族其孫宓贅涇李氏生三子其仲諱某娶某氏生公公生於弘治己酉享壽七十有四年配張氏生

長谷集

卷之五

七

二子長即朝資次朝貴女三適邵文堯董承學王之格其墓在顧莊涇南莊府君之穆位銘曰允懷朱公遺榮擢瑾川德不違朝宵以信孔錄逸民漢推方正銘心經谷了了成性通藝三才游心千仞生寶寄形沒如上觀子世其家心傳有印賢門德里永光厥問

庚陽王君墓志銘

嘉靖丁巳二月十有六日庚陽王君卒予往臨其喪其子拜且哭曰先君之命別無所屬惟以墓中石屬吾翁不肖文輝將列狀以請幸念之

嗟乎庚陽謂予能知其心抑知其詩也往予目
丁亥入吳興即與庚陽交其為人績學而勵行
將自見於世而久不遇其鄉人甚惜之乃其性
任真率素介然自守與人卒卒不易合或合而
觸其望亦飄然去不顧蓋其所酌應惟信諸理
不為時世曲折之行以是心所親厚止二三文
學士不妄交也予嘗語之曰人簡亢自立少所
容納即或挫其意不能承皆非久生之福君其
少懲諸此乎其後君以國子謁選得廣東布政
司理問以君狷介特立之行為制使持其法甚
長谷集 卷之十五 十九

知其詩者乎乃予昔嘗以久生之禍規君而其
享年竟止是謂非知君之衷殆不可也嗟乎任
真率素不立蹊徑此其資於道甚近然自浮俗
觀之或非致遠之略今世所重甲科一途之外
雖有顏冉之德伊周之才亦不能自致於遠大
君雖素素可尚仕宦不苟其亦奈之何哉致歸
之後悠然三徑庶幾和平之福僅能一賓於有
司遽爾凋謝嗚呼惜哉君諱良樞字慎卿其先
越之新昌人宋宰相淪其所自出也後徙於烏
程大父宗和翁諱某追贈某部郎中父秋相翁
諱濟舉進士仕至臨安郡守娶黎氏封宜人生
其兄石巖居士 別室韓氏生君君娶潘氏無
子以石巖季子文燿行今為郡庠生娶吳氏別
室子文煜聘宋氏女一未字孫男五紹基爾基
大基廣基植基孫女二俱文燿出文燿以學行
克事君夫婦君夫婦甚愛之同已出也君生於
弘治己未十一月十日享五十有九歲卜是年
某月日附葬庚村之先塋文煜以武林劉子狀
來乞銘曰
道場之陰其村曰庚王氏世德歸藏此塋嗟哉

慎卿卓起令名行直而孚文腴而貞雅道探源
大昌厥聲持要會情克振以鳴一官踐志不負
韋經進退蔚然豁谷混淪幻形易妄壤劫何情
委蛻名山觀化洞冥遺昆有托門閭峻承逸軌
用章樹茲高陵

錢隱君墓志銘

錢隱君常州之無錫人諱仁術字子樵所居齋
名謙謙人因稱謙謙子少有異質博學強記能
古文辭而志于用世歷覽古文士每病老泉氏
縱橫之學謂苟得志壞天下不當在荆舒之下

長谷集

卷之十五

主

故其交支士徒昌其詞說無事正養者未嘗一
投分焉五舉于鄉不第即棄去爲山人守禮義
引繩墨以居世間升沉榮辱事了不及其心每
燕閒端坐修髯偉貌望之知其異人也晚歲居
張塘不復爲生計有田僅可入百石多樹蔬果
蔬名藥覽觀天地之化遇高異人即汲寒泉煮
茗談至道或商略古今竟日不厭客罷去即閉
關靜息有自得之意所居林莽蔽翳而問奇招
隱之迹常在其門有病其矯亢至抵掌相笑弗
爲意也以是稱隱君焉隱君有子曰去偽能

以脉藥事其親而力耕爲食豐年不甚盈歉亦
足伏臘其孫逢原可畢公府事故隱君堪其老
云按無錫錢氏譜出自吳越忠獻王佐生金紫
光祿大夫彭城郡開國公累封太師昱生殿
直統生承奉郎進祥符中仕爲嘉興守始居
無錫進生宣議郎僅僅生宣教郎畢畢生將仕
郎梓居湖頭爲湖頭錢氏梓生宗起宗起生成
大自承奉而下墓在株嶺成大生承事郎志寧
志寧生裕裕生文焯文焯生永嘉書院山長士
元士元生文林公伯剛自承事而下墓在軍將

長谷集

卷之十五

主

山伯剛生梅堂公發于隱君爲高祖入國朝
居輓橋又爲輓橋錢氏曾祖惟義配鄒氏祖孟
溥贈奉直大夫配華氏繼王氏封大宜人考鴻
臚寺序班楷配惠氏隱君其仲子也娶華氏厥
考曰東洋翁其行義具在少傳遂菴楊公傳及
閣學靳文僖公志中生自綺貴而淑慎勤儉有
內助功隱君卒于嘉靖壬寅十二月丙戌距其
生成化壬戌爲七十有一歲華壽與隱君同其
卒在癸卯之九月子男二長去疾先卒次即去
偽娶皆華氏女一嫁鄒進言孫男三逢原娶金

彭殊德惟謙至道用光衍祚孔芬遐軌是楊金石爲昭永徵休祥

上虞楊公墓志銘

楊公漸之上虞人諱本清自號九峯樵隱精于堪輿家堪輿家爲推論今之有道者輒稱楊公云公少年居貧以章句教授鄉人子鄉人見其薦厚長者多率子弟師事之久而居貧如故也乃推爲縣吏日抱簿書隨群吏事縣官群吏相師爲奸利事往往得重將湯公守尺度動以儒緣之不能師群吏雖不得將故甘心也群吏竊

長谷集

卷之五

五

嗤之乃歎曰丈夫豈無生耶遂謝去其後得異人授以青烏子豁然解其說乃以其術葬父松軒翁賓葬而吉鄉人尊信之凡有喪率從楊公卜其後浙之東西路咸慕尚楊公至走千里聘公云自是積累其家得畝鍾之田生三丈夫子皆磊落出人長子輅以儒學緣其世業足迹所至殆半天下益充廣其家仲子軾業儒而賢又次子輅亦以其術行于時公生有德器未嘗苟言笑和其姪禮其黨與各中禮數失怙特請十有四歲即哀喪有禮養其母麗氏克孝

兄有門戶累齋館谷資之無難享祀其先明禮有敬鄉人以是宗事之又不但異人術也年八十時詔以冠服寵其老又貸以粟帛公赴有司拜其寵而辭其粟帛曰家有薄田足備伏臘願推此惠養貧民有司賢而禮之易贊之日願諸子孫曰吾年八十有六既壽且康世寧有長生之理可具衣服吾將遷化即起沐浴更衣正襟而坐語賦曰汝力學未成名命也與力以先諸孫吾瞑目矣語畢而逝公之先華陰人宋時從思陵南渡家餘姚之道塘九世祖諱松年分

長谷集

卷之五

五

居千雲樓生二子竝舉理宗朝壬辰進士炎歷官禮部尚書燮任御史大夫燮季子祐五府君出承載一後其子諱延年由進士僉湖南廉訪司初任蕭山尉時上虞梁公某爲蕭山長因納爲增遂居上虞縣九峯山之南七傳而至公云其世墓在千雲樓者世遠爲豪右所毀公率其宗人修復之自是炎燮之墓儀如故公配湯氏餘姚名家生三子二女女適餘姚周某某及同邑某子輅娶方氏軾娶羅氏輅娶陸氏生有八孫名鈇鈇鏐鏐鏐鏐銘鈇三孫女惟長適同邑袁

氏子某公生于天順丁丑正月二十有五。卒於嘉靖壬寅八月十有五。日以癸卯十二月二十有七日葬于孔堰鄉白馬湖山之新所。其子輅與予交。輅爲子師。以其狀請銘。乃銘曰：裔裔楊公。其心孔玄。攬化上霄。藏器名山。猗猗有鍾。白馬靈川。雲仍來光。詠詠其年。

處士汪公合葬墓志銘

吳興汪處士諱淮。字本源。居城南環其廬。皆山也因號友山。處士據其譜。先世爲歙人。宋端明殿學士應辰之孫。名泳。舉乾道五年進士。歷知

長谷集

卷之五

九

明

泰處湖三州。因家於烏程。其九世孫宗顯生。鎔字廷貴。號愛梅。配韓氏。生公於丙灣村。愛梅翁以力本植其家。有聲邑中。見監察御史馬公志。韓有碩人行。克相其夫。見主事朱公志。生有偉質於兄弟中。爲長。君克任家事。配費孺人。協贊以賢。孝稱翁之業。日起夫婦有力焉。平生宅心夷曠。每事務大體。至於守公法。畏清議。平心和氣。以相酬應。終其身無變志。歲饑多假貸。至穰歲力不能償者。亦不責此。其常也有司。建厥屋。費出不貲。徵任有力者。率多規避。公慨然就之。

後以地主廟基償其直。以先賢祀典辭焉。又尊經閣樹碑。勒其名。長子辟於藩司。謁選得所。更目公以孫仍未衍。使致仕。自後諸孫玉立。更以繁稱。年既及耆。郡中舉鄉飲非所樂也。有別宅在南郊。與里中耆老結爲雅社。畜養和樂。別無遺屬。貽子孫憂。乙卯之仲冬廿二日。忽奄然而逝。去其生成。化辛丑二月十有六日。享壽七十有五年。費孺人先公四年卒。爲歲辛亥三月十七日。上嘉靖戊午某月日。合葬於青龍山祖塋之側。公所生二子。相楷相娶王氏。再娶沈氏。楷娶朱氏。一女適王法孫。男八燦。娶包燁。娶沈炯。娶包燁。娶吳美。娶錢煥。聘盧俱。相出燁娶周烘。娶李俱。楷出燁。炯娶美。俱娶庠生孫女。三一適長興丁良相。一聘於歸安慎一德。一聘於長興朱某。俱相出曾孫男八培。聘慎氏。餘尚幼。夫樹本深厚。其末斯茂。善人之慶澤世及良若是矣。公家種德百年。養成渾厚之俗。公之令子服勤在公。平惠有澤。又足以承之。以致芝秀蘭芳。清輝照映。天之報稱。豈誣哉。相奉某君所次行狀。乞銘其墓。乃銘曰：

長谷集

卷之五

七

清

穆穆汪公有開其先樹德孔殷滋植茂繁閭閻
其潤戶式其賢履祥握順爵及曾玄蘭芽布漫
秀啓芳荃喬林聳望嶽氣上宣考命令終委脫
名山幽宮合偶佳樹駢聯博大用光世德是綿
祗挺永貴以億斯年

喬君墓志銘 有序

春山喬君既卒之明年其子木奉其祖竹溪翁
命將以十一月八日葬君來請銘予蓋嘗交君
其人素倣儻有操節敢任爲鄉邑所信重歲癸
丑以來倭夷寇東海上其所棲泊在川沙窪而

長春集

卷之五

志

墓

巢於柘林柘林以東陸谷崎陁溝澮鈞聯雖飛
躡超距之材卒遇之無可逞其技故軍興以來
徵集諸郡國善技擊者若南楚之飛鏢青齊之
戈鉞處之狼筈定武之射疏皆有材官厥張之
能一入其境不及凌跨而肘腋輒廢皆以地利
不習而用失其長故也先是有以君之才聞於
操江都御史泉州蔡公者因得君團結土兵之
議公是之以屬參政翁公及郡太守方公二公
方憂客兵之困於不習地利思得土著之人用
之而難其畫一見其議即偉視君乃先以海塘

灌濠之役試之濠成遂授以團練之任簡集果
敢得千餘人各從其所親爲伍因其所便習爲
技嚴約束之而信其資給遣間設候乘其便利
斬馘獲醜幾無虛日當道又以川沙窪委之經
略斷塞窪口其玉尤力又南匯一軍主者得人
亦練習爲勝兵兩軍協力其勢甚張自是寇所
巢穴不復可自安轉徙平湖失其利至盪除也
以是云巡撫都御史周公與巡按監察御史周
公文章上其績欽授冠帶及文綺白金之賜
其後御史周公上紀功奏再賜白金下兵部
定其議准起送糧官而疾視其旁者多中傷之
矣又適有川沙築堡之役太守漢門黎公屬之
君既公且嚴人始有不便者因乘其間毀焉君
憤鬱不堪遂以長逝嗟乎功名之際豈易居哉
君居海上樹其豐業而氣不能下人固非群庸
所樂視今復以庶士建奇偉之績將就公車之
徵豈無側目其旁者耶今世武弁習於玩弛其
視死甚重而出身犯難乃屬之無所責係之人
蹈瑕候間於其旁又不知幾若人也其不能享
有垂成之業勢固儼然亦奈之何哉其世系始

長春集

卷之五

志

墓

未詳見進士諸君行狀因志其略銘焉君諱銘
字子聲上海之六團人其先世居新安爲宋樞
密執中之裔元季商於海上遂占籍焉大父南
莊翁生七子其長名晟娶丘孺人生君君配儲
氏生五男子長木邑庠士娶周氏次木娶潘氏
次本聘沈氏俱儲出次彬聘王次幼側室范出
女子三適徐待倪邦化唐繼宗孫男三君生於
正德戊辰正月十日卒於嘉靖丁巳十二月二
十日其宅兆在八竈溪北新塋之昭位先是奉
例入太學司成馬公殊器重君平生好爲義奉
竹溪翁志歲壬寅捐田二百助役捐四十畝設
塾教里中弟子捐五畝上 壽邑令莆陽
張公請於當道扁其門延其父賓飲以表章之
銘曰
吁嗟喬君際其厄崩角及首馳以疾數奇空復
施繪繒鴻飛冥冥矯其翮公車錫典輝疆場長
夜茫茫闕其室浩劫未盡陽侯溺壯氣猶能斃
長秋

福山阡志

華亭徐氏其先大末之沙溪人以醫仕宋判衙

蔡院扈高宗南渡江居錢唐其後元兵南下于
陽府君徙松江之青龍鎮晚攜幼子福三福四
居華亭普照寺南因占籍焉福三公諱進福四
公諱建福四公於先考爲高祖生平甫公諱彥
和永樂間以人才仕禮部鑄印局使甫二十八
歲卒于官一子諱元愷晚號素樸翁生樂善處
士諱義娶黃墳宋氏生先考諱瑛字世玉別號
撫松居士蓋自福四公而下三世無別子先考
恨念之囑不才子獻忠訪墓地山中正德己卯
先考遽下世方是時忠年望三十家甚貧卜之
九峯間風氣不蓄不敢虛治命迄丁亥始得卜
於吳興城西南二十里之福山卽唐杜太守牧
之弔沈下賢詩所謂小敷山者云初獻忠僅一
子曰縣葬之明年爲戊子生子曰核又自後生
果生標其後核復生子曰迪曰遜曰遇曰遵曰
邁曰造且已六人弟獻良生子棟棟亦生四子
曰翺曰翹曰翬曰翥枝柯日茂繁而其本根撥
且久矣嗚呼卜山之命尚章章在耳可忍言哉
先考性至孝甫髫髻時見樂善翁衰老卽廢學亦
走日三十里營其養養必有甘美其後營葬南

郊極其力然後止教不才子讀書師古人甚嚴
有法所納交必規以方正士平生厚德務遠嫌
別親故有難至傾家貲之晚歲衰落坐是不悔
也不才子雖日誦法孔子質諸其心固多媿之
矣先妣陸孺人清潭先生宣之女性慈祥好施
子事舅姑能如先考志生二子一女子即獻忠
獻良女嫁張巖獻忠配陸氏貳子貳女長配魯
氏戴張氏翰娶桑氏核娶吳氏棟娶孟氏果娶
汪氏樸尚幼獻忠四女適蕭塘宋朝和及馮再
可及烏程朱冠一受孝豐吳維聘嗚呼封樹

朱邦憲妻唐氏墓志銘

上海朱邦憲內子唐孺人既卒之九年爲嘉靖
辛亥奉母蔡夫人命祔葬于斜橋之新塋先是
蔡夫人念孺人行賢而天且所生子家賓幼未

墓志銘

卷之三

三

之幽壤至是有隣災始命之邦憲乃介董
君子元來問銘按邦憲狀孺人諱觀曾大父銳
仕工部司務大父敷任俠不仕父繼恩仕商城
簿張氏生孺人孺人曾從父提督江西學政
按察司副使龍江公與邦憲祖封監察御史府
君厚善府君因以女歸其子中書舍人鑒商城
以是復嫁其女邦憲兩仕族固克配也歸之三
年爲癸卯其春舉子甫彌月邦憲以從父計自
京師族人屬以扶襯事即不得辭別去去而孺
人念之憂傷成疾歸已不可救藥至十一月八
日竟卒距其生甲申臘十五日甫二十歲孺人
性至孝少喪母每見白頭媼輒悲不自禁既事
蔡夫人即視如母不但會計細故不以煩夫人
躬操爨下親饋食蚤暮安膳弗憚也邦憲先福
州府君早棄背蔡夫人御家嚴事有非意輒恐
夫人怒必再三跪解之其佐蒸嘗有孝思與顧
謝二姑復敦好如兄弟夫人以是大宜之曰此
新婦吾孝女也且遇羣下有恩惠心孚化未
嘗有相欺者平素不易言笑閨門肅穆臧獲千
指識其面者無幾邦憲夜讀書必攜刀尺具渠

墓志銘

卷之三

三

若侍之不去邦憲欲游太學祿社曰非君所好何徇俗為此負姑所期望奈何因淚下此其賢章章可述者云初舉子不育卽抱庶子家學子之撫字周匝人不知其庶也今家賓聘大理少卿中副董公子子元女家學聘太常少卿曲江趙公從子元清女皆能誦習章句孺人泉下慰矣嗚呼唐氏世有賢長者以有此令女朱自先世邑中多令聞以得此賢婦皆非偶然也天不樹德沒非其年蘭儀玉度委之空寂慈姑悲愴而德配長號其能已乎是宜銘銘曰

長谷集

卷之五

三

高門德宅賢婦令女鴻慶是徵休祥攸敘女德允終婦緣違阻德福不臻天也何怙胤嗣克與宗禋可樹千億自源爰集而祉喬喬西阡洋洋浦敘神君曰翁永宅其處靈壤藹藹以綏其祐祕曜藏微綢繆仙宇

倪儒人陶氏墓志銘

上海之新場著倪氏族倪氏族所由著不但以貴雄其鄉世修文雅教子弟有善業而賢其原實出自侍御史夏長文夏長文爲

高皇帝所棄其子名貴者遂以外舅倪爲姓初

其驕晦不敢光其門貴生某號梅軒始增闢田廬梅軒生存耕公某娶陶氏上海石荀里望族父怡靜翁有賢名孺人十四歲歸倪氏事梅軒夫婦克有婦道生子曰濟次曰淑相其父嚴教之挑燈伴讀每至夜分督家人子耕織相與爲甘苦方是存耕外弘其業而孺人相之有道家益以不貲濱海之俗好以智力相勝見存耕累家驟出其右卽相與傾覆之存耕沒二子孱然內支其家外禦人侮輯睦勤力竟無可乘之譽雖其才猷表表而孺人贊導于內深計長慮爲

長谷集

卷之五

三

力多矣閭中有五勝未嘗以蛇龍異視之待支子江及女有恩食飲必經其目規誨婚嫁一如所生其後命析產對族長言食產非公爵何有于嫡庶盡所有均之有庶養子名泗者曰固吾先夫意也田房器血給之俾可衣食外劑量二族親疎多寡卹其困通三百餘畝儒人性安靜興居皆有常度云自幼至老不知有夢時亦未嘗染他疾識藥餌甘苦惟長子濟病歿過哀哭之失明且十年醫不能治一日有操鍼至門者轉其矇卽復明如故酬以百金揮之去方知異

人也疾革執淑手歎曰吾有家已七十年汝父兄及弟皆中道夭折幸汝綜吾事且孫曾繼繼駢列吾前無憾矣孺人生成化乙酉八月二十三日卒嘉靖戊申十月二十七日享八十有四子男三濟太學生娶進士曹時泰孫女生二女適徐鳴鑾朱貽穀繼娶錢文通公孫女側室夏氏生男邦奇娶進士楊有玄女邦奇生男大夏承夏淑娶良醫沈竹莊女生子邦彥太學生娶兵部員外郎唐元善孫女女二適朱謙張伯益邦彥生男甫職甫映女一受工部員外郎

長谷集

卷之五

三

范于中子某聘江娶金山衛指揮使劉氏之女生男二長邦阜娶訓導戴敬卿女次邦化聘太學生喬子聲女邦阜生男二江有二妹適黃銘喬係與江俱孫出卜以巳酉某月日將合葬于存耕之墓子與淑兄弟通交父因率邦彥具狀來請銘銘曰

邦卿隱姓夏後是藏登降令恭自彼陶唐仙源有徵異代彌光坤道維恒耀德啓祥芝蘭並豐胤祚流芳有喬嘉林鬱其堂隍連理異莖根株同章秩秩斯年驛茲玄房

唐孺人李氏墓志銘

自昔論門閥娶婦徒趨顯族而不選其家法殊非也其先世有長者居嚴有禮性善良旋韓之間閭然教化此其女雅馴于理必為賢婦若唐君教甫之配李孺人者焉孺人世家泗涇里父宜散公諱儒仕尚書刑部郎娶王氏生孺人李長者恬靜有家法與唐門族相當娶焉其事唐祖姑宋氏姑楊氏甚謹楊病目日夕侍湯藥不解衣楊所愛少女將適陳至出奩中裝助姑飭遣之楊殊感其意其後育陳氏甥于家盼視懇

長谷集

卷之五

三

至竟以成立其尤可稱者視膝妾顧氏子如其所生諸姑娣姒怡睦如同產下撫藏獲亦皆有恩意且家政內外斬斬有法延師教其子內訓方嚴垂沒猶以嘉言行勉焉固賢婦也按其子咨若狀孺人生於弘治己未十二月十有七日距嘉靖戊申十一月五日僅五十有一歲子男三咨若邑庠生娶蘇侍御一齋公女咨禹娶國子生顧怡貞女次咨益聘吳溪女孫男女各二嗟乎孺人名家女其所操行類可述天顧裔年乃其子以文學自樹啓其後甚豐也且其

夫君以文行稱于鄉尤予雅所重是宜銘銘曰
雁橋之陽唐世丘林祥鬱鬱桑梓稠有媛良叔
徽音流門閥用光裔孺修夜珠沉淵輝旦浮玄
廬何年閱其幽大淵運轂重光周

陸孺人施氏墓志銘

平湖陸氏著浙西爲士族大鴻臚東濱先生四
丈夫子皆科名通顯長公仕至大中丞其少季
名集以所居地號胥涇者配施孺人世家華亭
亭林父樂真翁諱錡母陸氏所生也祖諱其鄉
貢進士曾祖諱仕自監察御史至雲南提刑按

長谷集

卷之五

五

察司僉事施陸世締姻婭樂真翁長姊嫁爲胥
涇叔沂婦以賢節著稱于宗樂真翁素隱德長
者兄弟同居人所稱慕生孺人又婉婉慎容止
有女德東濱先生遂娶爲子婦聘時得雙鯉後
果生二子有奇徵焉孺人性早慧動有禮節姑
王夫人殊愛之欲其知古婦人風乃令仲婦談
授之孝經內則女訓諸書卽通其意布諸言論
郁然可開行種種類儒生諸妯娌盡名家子閨
幃下上儀範端凝大契姑夫人意稱賢婦焉歲
甲申胥涇省二親因留學南都適東濱先生不

去

人與胥涇兄弟俱被疾聞之

驚不能食時瘵且彌月旋誕一男子竟病痼不
育人謂二鯉之祥誠素定不可過又孝思貞切
理必至此也其後胥涇入補太學交天下之賢
者講學問行諸過從禮際孺人輒能爲具雖不
測所須皆辦同舍生皆知胥涇內助賢然遠去
諸大人且三年日必積思結爲瘧疾醫輒以葭
蕩藥攻之太損中氣胥涇見其羸然憫之適攜
之歸上堂起居太夫人卽寧其父母然其息已
奄奄雖湯藥不復能支遂終父母家後二年爲

長谷集

卷之五

五

甲午胥涇以明經發解北省而孺人不及見矣
按明州胡子順伯狀孺人甫十六歲孺人胥涇
十有二年而卒距其生正德丙寅八月二十有
六日爲二十有七歲二子長光儒府庠生娶沈
氏光倫聘姚氏邑庠生復一女適郡生姚體信
卽光倫所聘華亭族也胥涇博學明道爲當世
所賢凡天文地理人事之紀咸究諸心先以嘉
靖壬辰葬孺人縣東南一十七里雅山之陽茲
又以形氣之說遷于墓左若干步孺人有德而
不能從夫君之榮綏其幽魄亦不朽之情也迺

屬子銘銘曰

川珠連城配當偶希林有榮光于玖彼美淑媛
二孺秀譽景寥寥振靈宙崇罔無言辭以久後
千百年俾而壽

倪母沈孺人墓誌銘

上海倪君邦彥母孺人卒于嘉靖癸丑四月之
晦將以季父葬于石笥港祖塋之原以進士許
君狀來乞銘哭且告曰邦彥家海上未嘗經寇
亂今者倭夷作難垣中被其毒奔潰且盡吾母
病伏又自分等死不外去家人苦攜之不得已

長泰集

卷之五

入城府竟棄不肯子傷哉吾母蚤歲勤苦哺成
業業成而病病又不能戀其家以沒終天之痛
何忍言稍述內行藉諸幽宮萬一其情事幸不
惜圖之老父所望也予乃按孺人世家上海沈
氏父竹莊公年十八歸新溪倪隱君德卿性行
柔嘉有德且才隱君以能稱于鄉即每事咨之
始無所悔隱君父存耕翁嚴毅不易當其意孺
人事翁及陶太孺人甚謹乃大宜之翁五世祖
即洪武中任都御史為

高皇所厭右夏長文其子貴少附舅倪為姓

以居賁生震震生敏敏生珍珍生耕世已遠

絕里俗刁許猶挾此造不法語持其短長至破
其家弗能直孺人盡出奩中裝倡隱君與伯氏
沈其寃勿使翁徒憤憤死其有見殆如是先四
世率不仕伯氏亦終太學生隱君始自是教其
子科舉學而良言曲喻日屬其耳警之使不怠
孺人實任之邦彥竟以問學名于鄉七應有司
舉皆弗錄情殊鬱鬱使勉使加業以待天命茲
豈恒婦人見哉且初蒙難頃落葉日食齋粥夜
坎壁藏燈以率家人者二十年竟相隱君立其

長泰集

卷之五

家自奉雖淡薄成習至于饋賓客豐潔有常度
歲時蒸嘗必傷感下涕淚其次襄竹莊君葬事
詳謹待繼母成禮又次嫁族人孤女治其裝若
所生又次推及諸貧者歉歲出米麥全活里中
人又次修橋梁布道路使無病行者厚道可
種種若此云生于弘治戊午八月十五日享五
十有六年生一子即邦彥太學生娶金滙塘唐
氏我泉之女女二衛庠生朱藹邑庠生張伯澄
其婿也孫男長甫職府庠生聘石牌張氏次甫
映邑庠生聘鶴城曹氏孫女一受泗涇范氏聘

皆仕族銘曰

鹵壤斥澤朴厚而力立族承家綿世奕奕夏黃
末裔邛倪寄跡盛代百年再豐其曆世有賢嬪
相其夫君沈駘名門聯季之孫柔貞而選厚育
成坤拊志憲憲竟樹其門代謝有常以歸其真
名子令孫作福津津石筍之原海若效珍千百
後年綏以永存

長谷集

卷之五

聖

長谷集卷十五終

墓表

樂閑徐翁夫婦墓表

六合縣南三十里爲獅山獅山在大江上樂閑
徐翁夫婦葬焉翁世家長興之蘆溪其子子南
結內以明經舉乙科授醴陵教諭改任六合時
子南長興矣子南不忍去母周夫人奉之
如前子樂子南之教善事子南以及周夫人
以也右良醫周夫人被奇疾發無時緩急休之
如取左右手執滿遂不忍去因卽爲家而遷翁
葬焉故事滿者復謁部選于南念雖家尚無崇
婦可屬卽遠出或他調官將失夫人意乃謝不
謁而嫁其女夏木氏又爲子娶六合女四時伏
臘親賓弟子奔走相問訊滿其門以悅周夫人
冀可長侍無恙也忽周夫人病衰不起子南廬
居三年薦者強起爲國子丞茲復調松江掌學
政子南念翁夫人無與後世忘故乃使表其墓
云按翁二子長卽子南次庚如故居長興孫男
子二人曰因曰因因卽子南子翁行實世系載
備誌石可考其大者孝友淳固稱盛德士所在
濟之絕急義行稱長者周夫人又多遺範微

理將天有報稱而植餘慶者焉

南丘吳公墓表

吳興之著姓吳氏首稱焉以延陵季子達節審知有聖者之資其後世散居三吳類多顯著而前址之里耀德尤長若南丘公其一也公之曾祖宗義生十子其行七者諱璋生光祿丞鳳娶大理卿矩齊陳公女生先生世以貴業雄其鄉而賢聲隱德代有令聞表見於鄉閭至于今不衰也先生自少穎異書過目即不忘既補郡諸生益沉潛向進聞菁陽施先生學有宗旨即往

長谷集

卷之五

墓表

遊其門凡經史百家言益萃其華腹稱高弟子試於有司每以博洽冠多士然限於時命弗獲脫穎而出其後以選貢起薦於禮部方是時三途竝用少待次國學當進用無難公殊不自屑願就文學官與諸生居遂授江陰學訓導其教人邇理學之原綜聖賢之踐徑崇雅正黜華靡以追隆先輩之業諸生有志者或乏資儲歲廩於家給之如常縻其有行義者尤加禮焉當路者以是重之謂為海內遺才也暇日邀僚案臨清坐茂詠歌自適有點也之樂嘗歎曰自漢以

文學百石卒史開廣學官之路以興治理雖孔

孟爲之不爲過吾儕可不自重乎平生志宇清

曠禮度嫺雅謹微慎動未嘗或苟故無意外之

累至於孝友之性出自天植侍養光祿翁愛敬

備至母不幸蚤世晨夕悲感事繼母馮如其母

待弟姪情意周匝門無私議與人交坦夷率素

不設城府始終如一日雖僕薄者亦固於其德

而化焉嘉靖辛酉三月二十一日以疾卒於官

舍距其生正德癸酉僅四十有九歲門生故舊

臨其喪者莫不吁歎悲哀蓋皆感之素也先生

長谷集

卷之五

墓表

諱應芳字文譽初娶談氏無出繼妻海寧徐北川節推女生二子長士行娶於鶴慶知府蔣兩峯次士際聘於南京刑部員外郎凌藻泉女一適進士陸抑齋之子某其墓在鳳林山祖塋之次嗟乎人言士有遇不遇者世情也自君子言則仕而行其志與不遇而善其令名皆以不失其常爲賢然非有立身之定見與先世之家法者不至是往予初入吳興歸安令戚公賢爲予道前址諸文學以其所立家法與祭田器數請公牒傳之後世蓋衣冠禮義之族也今公又其

族之賢者其子以藻泉狀請予表其墓因及其大者見其流慶云

節婦唐氏墓表

維嘉靖八年節婦唐氏卒于清溪里唐氏之節著稱華亭孺夫匹婦冀其至行咸慕思之懼無所章明于世其于久遠也風軌不樹善俗不揚不稱大節乃謀立石作表布述其事節婦諱素梅父旭母張氏十有五歲嫁爲王岑妻明年生一女又明年岑卽病沒舅姑哀其少不當與亡人配乃以上殤葬岑而圖嫁之旣終喪改服廢食期以必死舅姑懼歸之父母父母復重哀之決計受聘且卜日矣節婦自度非死不免乃縊于中閨弟唐綺者竄壁見之奔告父母救于垂死乃始知其厲志弗復敢奪矣于是躬事織紉樹立勤苦訓教孤女動以禮法旣長擇壻須敦厚士得祭酒陳公會孫琰琰故長者憫其志節

贍以館穀因得依之以立不幸女復中殯形影相弔有如稿死處居食飲不復煩人琰買地將葬其妻并以奉節婦百年之後節婦曰葬女不可無我葬我不可無夫合葬以畢吾志吾目瞑

矣乃穿二穴出夫于殤配以壽藏因廬居慕側朝夕參視一如生人禮一日疾風雨毀其廬弟招之歸固不去露坐起者浹日琰亟來構居之其甘志苦節始終不易如此享壽七十年計其哀痾之日餘五十年矣嗚呼天降明德不負其表貞氣激昂死猶精爽雖痛楚之極亦幾長樂之年也顧夫完性特出薰灼當世興起濁志雖曰女婦之良不誦法賢聖乃誠與丈夫抗大節者均著名教此可易得哉洪惟聖皇在上教化昌被禮樂四達有此善俗唐氏爲里世著積善餘慶有此令女皆不可泯于後世其必光于大典顯法貞懿庶幾不負其志斯固掌風教者之責也

長谷集卷之十五

長谷集卷之十五

長谷集十五卷

安徽巡撫
擇進本

明徐獻忠撰獻忠有吳興掌故已著錄是集賦一

卷詩三卷文十一卷嘉靖甲子松江府知府袁汝

是與其鄉士大夫釀金刻之編次者其門人董宜

陽也朱幾尊詩話稱其詩冲澹無累句所少者警

拔足爲定評至其論松江加耗守倚錢法水利諸

書條析利弊皆頗詳悉在一鄉亦足資考核焉

衡藩重刻胥臺先生集二十

卷

〔明〕袁襄撰

北京大學圖書館藏明萬曆十二年衡

藩刻本

附《四庫全書總目·胥臺集二

十卷》提要

袁永之集序

書有之辭尚體要不惟好異我太祖高皇帝即位之初詔翰林爲文通道理明世務毋事浮藻及爲深恠險僻之語綸苑相承確爲定式自金華廬陵以來諸公之文其合作者不但文從字順各識其職而中間慙歎密緻之虞讀之謁然使人足以得祖宗致治之盛厥亦氣數之一會哉弘德間海內數君子者出讀書爲文斷自韓歐以上稍變前習一時學士大夫歛然趨焉而柄文者顧不之喜目其文曰子字股乃數

袁永之

君子亦抗顏不之恤各以其志勒成一家之言行於世然以天下公器趨捨相誚識者非之他日讀胥臺先生投大梁李公書蓋與然自失矣書中云吾能摠統包容則無可無不可斯言也其中和之經乎夫趨時久則不免於規摩之偏信古過則亦陷於陸沉之弊君子所養苟有定極則和衷之下交相爲用奚以誚爲先生人品雋上度越一世童子之日即洞大文流傳過江以北人士爭錄之曰此吳下袁五郎之作弱冠中南京解元連舉進士高第被選爲庶吉士讀

中秘書已授刑部主事改兵部上官未幾兵部
火 上怒下之獄謫戍湖州會赦歸以薦起補
南職方員外郎官止廣西提學僉事夫以先生
之才之職入館後即使得專其職以至今日
國家鴻業經所潤色者宜何如哉然先生性骯
髒不解俯仰人惟時一二要路稔知先生之名
欲招致先生以爲羽翼先生謝不往因擠先生
出使不得在近侍而武庫之酷焰乘之矣謂之
氣數之厄非耶先生斥既久始有起廢之命即
又處非其地使其平生辛苦卒無所試上之不

天朱序

二

能振 皇朝同文之風下之不能食昔人稽古
之力而流光荏苒世短情長頑老揮洲鵬集誼
舍矣悲夫先生此中志志將誰寄耶乃知前日
數君子者其感激發憤雖稍整正則要之各有
不得已之情而其本心非敢一於求異也悲夫
悲夫嗣子進士魯望刻先生集成使來問序因
述予所欲論說者如此集凡二十卷先生手自
選校題曰袁永之集序因之
嘉靖壬子上元射陂朱曰藩撰

袁永之集序

嗚呼永之沒已幾二十載矣其詩文行於世誰
不慕尚之者而何藉於余顧念與永之生同歲
方永之發解南畿也余亦舉於鄉明年同第進
士讀中秘書日與永之出入承明相周旋也次
後彼此宦轍雖不能一律然以永之才而竟
終於外臺簽書余之罷河南也又適與之同牛
驥同櫪在永之固爲未究其用而在余則已幸
矣昨丁未之臘永之嗣子尊尼以所刻永之集
見寄且屬爲叙當是時永之蓋已下世余泣而

王序

一

存之未有以爲尊尼復也歲月易除倏忽便十
有七八載矣雖余於人世齒髮爲少延而卧病
江渚亦五換嘉靖之曆平居塊獨諸念皆息而
獨於海內故人之思有不能忘於夢寐者况與
永之踪跡之同又若是耶頃兒子宗彥遊太學
曾見尊尼尊尼意若有望於余者噫余何人而
顧於永之有所靳也謹略載平生所與永之遊
談之槩而庶幾以償其宿心曰嗟乎文章之事
以其時則稱於 聖朝者嘉靖爲極以其地則
稱於中夏者三吳爲盛而永之所以自處與人

之所以稱永之者皆不肯居其後永之居館中
時其聲譽甚隆余下方之士固不能有所窺覷
及余出逐爲縣朝於京師與永之相見則永之
以典試歸自大梁也向余道其在大梁得見李
崆峒語言頗悉余時逐逐困吏事亦不暇諦聽
後數年余督餉姑蘇訪永之於桃花別墅時永
之以徒中居憂而余又郎署進止自便故與永
之始盡平生之懽其譚及藝文亦不似曩時之
草草矣永之語余曰杜子美詩人之富者耳其
妙悟蓋不及王孟諸公又出所選唐伯虎集示

王序

二

余而定其評曰伯虎才甚駿惜流落復不自檢
東大墮於樂天隊中耳故所存伯虎作百纔一
二語稍涉樂天即黜之嗚呼永之遠不喜子美
樂天而近於伯虎所稱僅此其際果易窺邪今
全牒具在讀者取其言合而觀之蓋可以得永
之矣永之耿介有直節在兵曹不能媚權貴人
故緩急無左右之者以至得罪其視學廣右又
恥絀體其大人卒上病自免其果決自任如此
文章蓋特其餘事爾余昔赴永新也永之贈詩
曰一官淹驥足百里試牛刀在姑蘇又贈詩曰

十年一見知非易楚水吳山莫浪分此二篇余
寶藏之猶在巾笥手跡宛然而聲款則不可復
聞矣傷哉傷哉余非敢謂知永之而其慕永之
則非淺世固有知而慕之而視余又能特深者
幸相與推而明之荆西少泉居士王格撰

王序

三

袁永之集序

吳自季札言游而降代多文士其在前古南鏐東箭地不絕產家不乏玠宗工鉅人蓋更僕不能悉數也至於我

明受命郡重扶馮王化所先英奇瓊傑之才應運而出尤特盛於天下洪武初高楊四雋領袖藝苑永宣間王陳諸公矩矱詞林至於

英 幸之際徐武功吳文定于文恪三公者出任當鈞冶主握文柄天下操觚之士嚮風景服靡然而從之時則有若李太僕貞伯沈慶士

陸序

啓南祝通判希哲楊儀制君謙都少卿元敬文待詔徵仲唐解元伯虎徐博士昌國蔡孔目九達先後繼起聲景比附名實彰流金玉相宣黼黻並麗吳下文獻於斯為盛彬彬乎不可尚已正德嘉靖以來諸公稍稍凋謝而後來之秀則有黃貢士勉之王太學履吉陸給事浚明皇甫僉事子安皆刻意述作力追先哲而袁君永之寔頡頏其間君天材卓逸文筆華妙自其少時與諸兄尚之補之切劘講習嚮往踴厲及出接文祝之清芬挹唐王之膏馥論議馳騁與相資

沃沉思玄詣日進不已既舉進士績學翰林佐政郎署試士中州督學南服益與當世名卿質正揚權務造閭與於是制作粲然動師邃古詠四言則法三百篇而下視韋張作古選則尊蘇李而耻言潘陸綴近體則宗盛唐而罕尚錢劉南征諸賦祖述屈宋連珠三十抗行平原懲胡以擬過秦祭董乃倣弟屈其他命篇鑄詞必則古昔雖率爾占舉亦無妄作蓋其志存體尚固將超越千載凌跨百代而學博才贍又有以充之故一時作者往往歛手退避晉江王道思與

陸序

二

吳縣顧華玉論古今文章之士獨稱君與武進唐應德爲後來之特無能出其右者北地李獻吉今代宗匠雄視海內少所許可一見歡然如故交賦相逢行爲贈且命其子他日必來生表吾墓其重之如此惜乎中遭竄斥官簿偃蹇不能極潤色之休光論譔之業以鳴國家之盛飾至治之績自解廣西提學僉事即歸隱橫塘閉門著述將成一家言以詒來世而年復不永多所未就獨詩文二十卷手所選定其子尊尼刻之以傳問序師道嗚呼師道何足

以知君邪顧自弱冠遊君兄弟間極承知獎始
與計偕爲賦晨風再上春官寵我行序贈賡之
言斑斑在籍感念平生其何能默乎謹撫所聞
以弁諸篇若君官閥世年立身大方則有太史
氏志之余故得而畧焉長洲陸師道撰

天陸序

三

粵自書契作而後有文章三代其郁郁乎秦漢
尚矣魏晉續紛至唐文雖三變終不逮古五季
而下誠無識焉我明興以來風化漸被人文
日盛傳至孝宗朝有若北地崆峒李公中州
大復何公後渠崔公閩少谷鄭公關西少華許
公西玄馬公毫西原薛公咸擅名家力追古作
吾郡則有南峰楊公南濠都公枝山祝公迪功
徐公東橋顧公六如唐公林屋蔡公較之他方
作者尤多猗歟盛矣若近時之雅宜王子吾弟
永之居同里閑互相砥礪極力研討亦已成家
方之前修足稱殆庶雅宜僅四十不祿臨化時
夢兩蝶入袖同莊叟之符迄今爲士林惜吾弟
十歲能文弱冠即發解連舉進士第可謂遇矣
然素性亢直苦爲媚嫉見擠瀕死骯髒者十餘
年既而以薦起爲職方稍遷提學僉事又以炎
州荒遠思親致疾遂乞休寧舍肆志著述更築
別業於橫塘開圃鑿池種秫樹桑將爲終焉之
計時余亦棄官歸永之每遇良辰佳節輒邀昆
季友朋流連觴咏以遂初服歡燕未幾廼歲丁
未夏日遽以疾七日而卒僅年四十有六余慟

天末之集序

十

絕者數四嗚呼惜哉嗚呼痛哉所著有文集二十卷先一年吾弟夢得穢疾先伯考方齋公語之曰子病將就木也第乞緩死以集梓未畢故而伯考弗許至是果如其兆抑亦奇矣豈運命所限其數已先示乎吾姪尊尼痛父志之未畢輓輓哀歿卒後三月鳩工刻就茲集將以傳之四方請余序首簡余不學何足以言文尼以余哭之悲而思之殷也乞之逾懇嗚呼詎忍言耶詎忍不言耶因投淚書此以慰之云爾是歲九月之望兄表書

東來集序

二

衡藩重刻胥臺先生集叙

胥臺先生者我吳素永之氏即不佞炳忠母舅也永之集吳中梓行已久茲復刻諸衡藩而名以胥臺先生集者何蓋先生之嗣曰尊尼號吳門昔以憲副督山東學政青之士人咸出門下而余又先生之甥幸司青州理則嘗侍

衡藩之睿教者也一日手是編出示寅長成吾沈公公覽竟嘖嘖嘆曰吾聞胥臺先生綜握藝林海內稱為名士誦斯集也浮英

東來集序

一

華湛道德盛名果不虛乎子與吳門君為中表兄弟盍綴梓之以廣其傳于是謀諸友承奉正東海張翁而翁與左長史梅屋鄭君皆雅好斯文者也遂慨然敬啓

衡國主捐祿命梓不五月而集告成嗚呼先生之文其傳愈遠矣其所不朽而存者愈無已時矣獨念先生天材雋逸文筆華妙少負出群之姿長抱高世之節天下操觚者孰不嚮風景服靡然從之而享年不永所存僅止此九京殆不可復作也余小子

將安做乎悲哉悲哉雖然吳郡在東南千里外先生父子相繼掌文衡一日隱然名動京師而素氏之文章遂擅天下即稱領袖藝苑矩矱詞林與南鏐東箭共垂天壤相敝者非耶

世廟時先生以翰林吉士為廣西學憲巡歷九桂畢飄然挂冠長往屏居橫塘之野卒業墳典肆情丘壑足跡不入城市題其門曰清風自來往俗客不到門其高兀孤絕若鳳凰翔於千仞之岡者至今薦紳學子稱

不肖甚集後序

二

為胥臺先生匪徒以其文也蓋論其世云爾不肖髫鬣即從遊先生之門迄今三十餘年而源流寢遠竟失其傳今是集也幸賴諸同志者相與從史之而得觀梓集之成且喜挂名其末以自附于不朽何其幸哉雖然重道崇文表揚先哲

衡國主則誠賢矣遂綴數語于後而僭為之序

萬曆甲申夏五月既望文林郎山東青州府推官姑蘇愚甥張炳忠頓首謹撰

詩文集二十卷先公手自選校就梓者十之六而公棄世不肖尊尼乃續完之工訖於丁未八月距公之歿蓋三閱月云始公之將梓集也年方強艾或規其太早公慨然曰夫修短者稟命之期也榮名者立身之槩也有生必有死吾何諱焉古之稱不朽者有三豈以年哉且河清難覩駒隙易馳以蜉蝣之身寄於天壤之間非有茂德碩功乘時邁會照耀紀策者不假竹素之業何以自見乎昔丁敬禮謂後世誰相知定吾文者陳思實誦以為名言悠悠我心懼來者之

不肖甚集後序

不可俟耳嗚呼公可謂達識遠覽矣時公業已憂得穢疾趨井井上遇故伯祖方齋公謂曰子病殆死矣公跽請得觀梓集成死且無憾再三請不許驚寤嘆曰兆矣命也奈何乃命促刻集竟未及成而妖夢是踐疇曩之談若出冥會悲夫悲夫惟我先公挺嶽降之靈粹星精之秀強記神解得之性成加以博綜勤覽蒐羅靡懈自家群言無不通總弱冠登第即選入翰林讀必閣書肆力古作期以文章名世時海內宗匠如金陵顧公信陽孟公濟南邊公關西許公綏德

六
平書元集後五

恭惟我

賢王宗藩之喬岳也維時癸未之冬臣復亨

以淮佐轉遷司長

召見之暇出賜是集以校釐訛舛且

命作首序以紀重刻之意臣復亨敬叩領

命歸閔之廼姑蘇胥臺袁先生文集也袁先

生乃先

衡藩重刻序

朝名臣吳越巨擘名重當時節垂今日誠起
懦振弱維世挽頽者歟矧心發之為言言
成之為文闡道徽猷紀勲樹烈上下古今
表章經史備載是集閱竟而先生之膏襟
人品慷慨激烈宛若瞻神采而仰休風親
炙於數十載之後也復亨何幸而得覩斯
集也耶原梓在吳傳示不遠茲因司理張
君炳忠與先生為甥舅親齎至青社贊於
國主素慕其文遂命重梓以廣其傳且以酬
司理君表揚之心而益以見我

家弟永之文集序

嗟乎余忍序吾弟文耶歲壬寅永之自南兵部
負外郎轉廣西督學僉事明年癸卯春仲寄余
書曰弟必死於桂林矣所著詩文已成集凡若
千卷兄知弟爲第序而梓之是年余北上五月
舟發猶子尼來別余曰汝父之集汝謹護之汝
父必歸矣序言未暇也及抵京口果值永之乃
直棄官歸相見命觴歡笑談桂中山水及游匡
廬九華諸山之勝蓬底紫蘭新花盆盎香郁怡
然半日各賦詩別去及余北歸永之蕭然間居

序文

所築橫塘之黃山草堂閉門讀書課農時圃每
花穠月霽命觴聚昆季然足跡不入城府始末
之年七齡即喜歌吟十五應舉弱冠攻時業才
名騰沸及發解南都鄉舉帖服繼登甲科入翰
林改刑兵二部郎署校文中州以失火謫戍湖
南永之自入官結交海內名勝由是詩文日益
加進名聲奕奕在公卿間然性孤亢與人寡合
頗爲不相知者所嫉今年四十有六暴疾而卒
孰期其竟死耶孰期其止於是耶悲哉夫古之
文士不享其年者亦多矣今若信陽何景明大

梁高叔嗣沁水常倫同邑若王寵皆以才華露
發皆不享其年所恃以不朽者乃曰有言語在
碑版斯言也不亦大可痛乎永之詩擬高岑文
喜學先秦西漢當其快意處則沉著懇到體裁
踈秀琅琅可誦少有用世之志究其學亦欲得
國而治之而今已矣集梓已成因投淚書此以
踐昔歲桂林之言

嘉靖丁未秋九月既望仲兄聚撰

序文

二

袁督學誄

夫照乘之珠不競明於燭火冲天之翮不類逐於鳥飛豈好異而凌物哉亦云殊致而已故和光而處者示之恥也從風而靡者物之薄也若乃簪掃除以貴躬滂澄清以矢志豈不欲趁時立事同塵赴功而寧行與俗戾身與禍期業雖不竟道不貶矣奉政大夫廣西提學僉事汝南袁君弱負奇表長鬚令譽藝綜衆長學貫群典振羽甲科驅馳天路方展宏規佐明理而竟以爲氣迂時廢謫彌年稍遷遐臬旋復解組鴻漸

錄

塵表蟬蛻世囂掃榻絃琴以娛泉石之性連帝講道以開詩禮之傳殆所謂足於性而太損不入貞於期而時累不滯者也春秋四十有六嘉靖丁未六月十三日卒赴者悵抑聞者涕零唯予小子夙仰典刑追惟前哲誄諸素旌乃作誄曰

天命靡純人道胡測蘭焚以芳木伐緣直嗟嗟夫子使我心惻爾才既豐爾運何留茂淑始誕岐嶷夙成匪琢而粹不鎔而精博師茂先文希長卿牧虛士禮邦推僑聲戰藝京闈寔首多士

射策廷廉咸謂稱旨明光倬直簪書造史西曹奏獻徵金輸矢司武秉文擢秀揚芬鑑同秋月藻若春雲使無求備錄不遺勲乃武乃文克慎克勤嗟嗟夫子力弱氣剛城門之火池魚之殃殃匪外至寔自中傷三木非罪八議奚償寥寥湖鄉淒淒戍舍夜郎竄李長沙投賈湯網一開漢詔南下橫塘之濱黃山之社山盤水釣斯適其天非直也遇亦性之便墉隼既去梧鳳斯驚踦屨可悲浦珠復還迢迢百粵士習顛蒙庠均被化禮樂同風進懽當道還決成功人惜其去

錄

子得其中依世風頽塵迷波逐充隱終南爭馳冀北志士急功貪夫徇祿詎若夫子名全身淑節挺羔羊慚彼掃門氣雄釣驚專閭失尊惟德惟義夙好斯敦荆棘不去桃李無言廣老難封雄疲執戟劉向不遷展禽三丘長江一航故林雙屐意外烟霞壺中泉石鸞鄒方舉鵬賦脩成與善曷據助順難明鄉彫國寶野墜長庚牙絃絕響謝草靡賡嗚呼哀哉二毛未及下壽莫躋才傾倚馬志仆聞鷄苔碑月冷隴樹雲低弔鶴時至驚鳥亂啼嗚呼哀哉身化異物魄作山靈

然藜掩閣問字亭江淹擲筆前今遺馨風雨
先壁霜露愁零嗚呼哀哉追惟往昔人孰無死
宜修而短孰與夫子修短莫論象賢茲恃永紹
斯文用彰遺軌嗚呼哀哉

清河張鳳翼撰

六律

十

誄

嘉靖二十六年六月十三日 明故奉 勅提

督學校廣西按察司僉事胥臺先生袁君卒嗚

呼哀哉君諱泰字永之蘇郡吳人也少知名為

博士弟子乙酉舉應天鄉試第一丙戌舉進士

第二甲第一選入翰林為庶吉士遇例裁抑出

授刑部主事決獄江北校文河南調兵部武選

主事兵部火謫戍湖州遇赦歸久之 召補南

京兵部武選主事進職方員外郎尋拜提學之

命致仕寢疾卒於瑞秀里第春秋四十有六嗚

呼哀哉英才雋發位不究用高節介立年不充

壽國殞損幹時災鳳麟義激陳辭誼深忘賤遂

作誄曰

赫赫陳胡胄自有虞周歸大姬胙以宛墟莊伯

之後氏孫輅塗正議曰固引忠惟盜兩漢迭隆

條分葉暢德盛司徒五公寅亮三氏流譽九代

增華如鄧之林如崑之崖材必隆構璞必掩瑕

爰及 聖明文昭武奮汝陽之舊實來吳郡祖

考樹德弗殄厥問慶鍾累葉長發于君未亂先

覺摠州名聞才富司馬年後終軍窮探六籍并

苞七略研精夙夜抗志崇明睿若愚性峻容
博宣慈外朗孝友內恭同惟六號騁詞雄君
獨早奮弱冠升庸發解南畿允孚雋望射策
大廷親第甲榜宗工鉅儒折行投訪中秘儲材
上應列星秉操孤潔掃跡私庭激怒時貴黜佐
邦刑宏通幹濟靡憚委瑣克慎平反奏獻多可
蔽囚淮甸獄用不頗上急致覽四達旁求
簡命侍從君得中州嵩洛之士髦彥悉收文既
錄呈首蒙 乙玩 宸奎炳述旨明一貫策籌
勦潞默契 神算權幸嫉功謗讟飛聞潞誅既

六誅

二

正乃証君勤轉參戎選流品區分火延武部醉
吏之故君代宵直屯不是午說媒孽拷訊釋
怒 日月臨照終始保全薄示竄謫近戍海墘
講授茗雪絃誦怡然肆青覃恩獲返棗梓選卜
幽勝橫塘之汜柳戶陶踈瓜畦邵美廷臣亟薦
起廢留京叶既還武銓旋貳職方 璽書摠憲
再典文衡叶八桂荒遐丹裳垂髻君不鄙夷諄
諄誨礪如韓如柳造此多士蔡公連帥大奏夷
功藩伯降體望塵趨風惟君揖客蔡以為恭表
賢彰善植扶風教韓解勲節君惕憫吊辭秩清

祀韓新毀廟百粵之化截嶺踰龍戶挾詩禮
返教龐孰謂南服式美中邦蒙犯風瘴感疾求
去連帥奏留士庶遮路君亟疏言星馳夙驚
優旨慰答予告暫休歸榮舊里戲綵而遊大肆
述作積如山丘歲月易邁愴茲駒隙遂旬三載
奄忽一疾顧言無幾瞑目長畢人壽百年君未
中身忠留結 主孝顯成親烟閣謝書蒿里棲
塵嗚呼哀哉生平著書亦文亦史獻實殺青惟
明之紀懲胡發論匡世設緯庚戌虜變戎狄
莫膺關扞失守 京師震驚賈生憂國身歿言

六誅

三

徵君少抗俗英情天詒余實憐弱夙承嘉惠哲
兄儀制一二同志棲遲騰躍雅志弗違懷我陋
巷銘我蓬閣期在皓首林野同歸西湖之賞連
鑣共被佳境在目良友迭逝櫟置瓦全亦復何
意嗚呼哀哉冥漠報施與善弗常秀木先伐芳
蘭則戕海內齊名何李頡頏斯文未喪今也則
亡人誰無生無後則墜君則有後象賢克類人
誰不歿不朽是貴君則不朽立言垂世嗚呼哀
哉

沛彭年著

衡濟重刻胥臺先生傳

先生諱泰字永之世為吳縣人自號胥臺山人學者稱為胥臺先生云先生與余先大夫若源公同舉進士並授刑部福建司主事余以是獲從先生遊先生當群弟子侍側口授經史援引貫穿如探囊出有為詩文槌筆娓娓不休已而即就稍更定數字每一篇出同進諸文彥輒相推服至開口談土風地理險夷馴棘課事理成敗利病辯論河決又切關竅間有考問裨官小史百家雜說者亦靡不琅琅響應四座竦然各

六傳

滿其意迨後註誤成湖州湖士素慕先生名咸來詣見郡守禮遣庠髦六十人就學先生以獲罪于朝辭不受獨與余居僧舍及旦暮拂相知者游詠釣弋碧浪金蓋山水間時有扣世事者先生則噤舌不言矣先生七歲能吟詩嘗有日本貢使道蘇驚異延見倡和彌日贈以珍貨漸長奇譽蔚騰嘉靖乙酉薦應天鄉試第一明年擢第方廷試時宰臣薦先生卷當首選時薦士者衆因皆罷之更用不被薦者先生名乃在二甲第一膺選為庶吉士益自感奮日取中

秘書坐卧研核務以著述自任宰臣既嘗薦先生意必德已先生一不往謁乃言先生在吉士少狀出官刑部時仁和胡端敏公為刑部尚書而部中有本科者代尚書草奏覆議天下與十三司獄牘故事簡屬僚練達者典視於是胡公獨簡先大夫與先生署本科歲戊子朝議遣京官出主鄉試先生以才推往河南頃潞賊勢甚張宰臣徇姑息之議欲事招撫先生謂國家全勢遇小醜稱亂不擢兵撲滅曷示後觀而揚天威業欲奏上方略適被命不果乃於

六傳

試士策中發之宰臣故銜先生策議復忤先生時岌岌殆矣後賊果就勦一如所策旋調兵部武選司主事甲令武臣功伐世次藉載以貯內府名曰黃遇其胄衛襲廕必檢對內外黃合乃得襲廕名曰查黃司官率厭瑣曲以委據吏吏因匿黃索賄有累歲不得襲廕貧窶京師難歸者先生至喟然曰此其先祖非為國家出死力者耶乃抑勒擯斥之若是國家報功延賞之典而以資吏為奸殊非人臣敬事意乃躬督掾吏查黃黃無隱者選法一清居四月部署

災先生以直部官下 詔獄是夕主事楊次當
直偶煩先生代未及入而火作至是先生獨承
之辭不及楊楊掠百餘銜者因欲甘心會以事
罷去乃得減死論謫戍湖州凡三年 赦歸用
當路者薦起補南京武選主事舊先大夫以御
史按廣東廣東權貴人惡其執法中傷貶秩及
是亦復起為武選郎中相顧慨然感於延平之
合也激叩 主恩矢心厥職屬當考選軍政二
人蚤夜詢訪銓次賢劣務振公法磨礪武弁莫
敢以私干者疏上凡選官千餘員悉 報可時

天傳

三

論肆之先生遷職方員外郎出任廣西提學僉
事廣西故百粵僻陋也書藉罕至士艱於文先
生以身程其課業而時廉勤惰以為懲賞經史
文藝親與講解裁正粵士彬彬興焉先時兩廣
督府當軍興時凡藩臬官謁見咸庭參跪起以
示尊重後習之先生始至見督府獨不屈膝或
謂先生將得罪先生笑而不顧信陽馬御史者
坐舉事一不當 國家明罰至意謫戍南丹且
老矣先生疏請還之鄉里有見者曰是重馬罪
也乃不果上亟廩其子於學官先生既優游述

作之塗然個儻負氣嘗思奮不顧身投功名之
會毅然為當世一起類弊此二事者已少露其
鋒穎矣尋行部蒼梧觸瘴癘遽疾上章乞免官
歸當衡者束其章遺書勸止而撫按臺臣為粵
士驛 聞留先生計且切然竟不能奪先生志
既歸屏居橫塘買田百畝藝秫樹桑闢讀書園
群生徒講肄其中以求稱言偃文學之鄉暇則
邀昆李友朋登陟游泛任意為適每值令節園
花雜開舉觴浮白留連竟晷蓋與世益落落也
居常奮曰吾少有用世之志今已矣當竭力河

天傳

四

汾之業以文采表後世吾將希漢司馬遷遺風
擔囊囊糧不遠萬里周覽方輿窮勝海嶽采通
都大邑之藏考達賢遺老之論歸而肆諸文章
庶為不朽一夕忽夢其伯祖謂曰子病殆不保
矣先生起請得睹梓集成且無憾再三請不許
乃促梓所著詩文歲丁未年四十有六竟以疾
卒蓋不得睹集成也噫亦奇矣其所著集二十
卷修省集議一卷世緯一卷歲時記一卷 皇
明獻實四十卷吳中先賢傳十卷獻實先賢傳
二書因大運蚤徂未脫稿先生體貌頗偉音吐

洪亮昂昂有塵表之姿讀書過目不忘然不以自恃而益事鑽討楷書行草俊逸勁各詣其妙文宗秦漢詩古風法魏晉其七言者與近體擬盛唐當其意到一騁敷贍沉核無所摹剽而動與作者合度人所稱金潔玉潤善以追琢先生之集有矣獨恨先生自許用世而不嬰事柄不能大有建置退輒托之於言集中懲胡論詰盜議平黎序及世緯二十篇脩省集議一卷足見籌畫梗槩云父舅母葛皆領先生刑部封子尊尼舉人先生既友先大夫而為余師余以兩

六傳

五

世知先生嘗恠先生名世異才既以不援樞要局其祿位功業矣至文章宜假先生大齡畢其所志勒成 昭代一家之言而 皇明獻實先賢傳諸書乃多未卒業遽奪之壽是又何故昔人嘆文章每憎命達司馬遷上述陶虞下迄漢武採經撫傳刪次史記十年而蒙蠶室之辱乃發憤以成遷言書成雖萬被僇不悔矣至班彪亦以遷書得失繼拾遺事傍貫異聞作後傳補緝譏証之然年躋五十遂卒業傳子固史稱固潛精積思二十餘年始終彪所著書則處不及

睹書之成比遷有缺望焉夫遷為太史令僅守世官耳而其辱且虧體彪則舉茂才嘗辟司徒府長望都雖未及據頭握隆若視遷頗進又寡既矣故天於二子著書以其身成未成為豐蔀何有意甚耶先生雖中遭淪謫然早發峻科迨巡郎署學臬間略有施設蓋類彪而稍優於遷者先生顧願學遷遠遊不遂及二書未脫稿或天亦待虛意乎然其集與已成書自足耀今傳後而尊尼純敏嗜學才聞吳中其潛精積思於先生之業久矣續纂宜無讓固余既為先生傳

六傳

六

而又以屬望於尊尼者如此

嘉靖丙辰孟秋之望門人郭南吳維嶽撰

衡藩重刻胥臺先生傳終

廣西提學僉事袁君墓誌銘

吾友袁君永之以高明淩越之才精深宏博之學而輔以較輓奮迅之氣自其少時已不肯碌碌後人既起高科登顯仕視天下事無不可為而砥節履方不欲附麗匪人首肯權臣幾蹈不測賴

天子仁聖得不擯棄浮湛中外垂二十年再起再廢迄骭髀以舛嗚呼傷哉其命也夫君諱泰字永之別號胥臺山人世吳人高祖以寧曾祖琮祖敬考封承德郎刑部主事諱寓母安人葛

天墓

氏表以自高曾而下世以氣義長雄其鄉而未顯者至君昆弟數人藻發競秀突起閭閻聲生勢長隱然為文獻之族君於群從中最少而奇穎異常五齡知書七歲賦詩有奇語十五試應天再試再不利憤曰吾所志何如顧為場屋所困耶益淬礪精進刺經質義務究底極嘉靖乙酉遂以第一人薦試禮部亦在高等一時聲名傾動京邑入對大廷擢衍揚權上下數千言出入經史詞旨宏達時權臣方為學士得君卷奇之執欲冠多士在廷諸公惡其攬權故抑

置二甲第一及啟封見君名乃悔不用其言而權臣則喜於得君他日詣君叙致本末自謂君知己而君不對亦不謝權臣大懟銜之然無以發也及君為庶吉士而其人已入閣親幸用事遂上言諸庶吉士跡弛靡薄不宜在禁近悉罷為庶僚怒猶未已乃起兵部之獄初兵部失火君為武選主事適當徵巡在法徵巡失警當調官獄吏承風旨掠立文致劾君縱火為奸利鍛鍊久之獄解同官皆調遣君獨編戍湖州千戶所會赦免歸權臣死稍起為南京武選主事歷

天墓

二

職方員外郎擢廣西提學僉事致仕歸卒年僅四十有六始君自翰林出為刑部主事即思明法以達於政謹推讞審法比所當必允為尚書胡端敏公所知簡蒞本科君析律詳明剴裁敏利而將以勤誠案無留牘有

詔以京朝官考各省鄉試君被命主試河南較閱精審去取攸當時稱得士尋奉使決獄淮揚還朝改司武選武選所取有銓選有勲錄有貼黃及諸委瑣故號劇司而貼黃尤多故事君督併嚴密關決明審吏不得並緣為奸展采

錯事方將有為會獄事起而君去國矣在南部
適當考選軍政尚書能公特委重君君杜請託
審賢否考核緒正一於至公人服其明廣西在
嶺徼之外夷獠雜處文教久弛君不鄙夷其人
教詔諄切示之矩範而率之以身程以科條崇
雅黜浮矜其不逮薄懲而廣錄以誘進百粵之
士士方安其化而君勸遊矣君性樂間曠謫居
吳興日與高人逸士探奇選勝登陟遊衍悠然
自適及歸築室橫塘之上據湖山之勝縱浪其
間有終焉之志雖甦起守官而寤寐林壑未始

六墓

三

少忘篤志問學群經子史無所不窺為文必先
秦兩漢為法樂府師漢魏賦宗屈賈古律詩出
入唐宋見諸論撰莫不合作所著文集二十卷
皇明獻實二十卷吳中先賢傳十卷世緯及歲
時記及周禮直解總若干卷始君雅志用世及
事與心違時移身遠乃肆意於此以洩其所蘊
爾觀世緯所著皆鑿鑿乎經世之論其官宗遊
傳與夫距偽諸篇寔維時敵惜不得少見於事
而徒托之空言可慨也已君濶達高朗議論英
發能以辨博勝人人莫能屈然實無他腸志同

氣合即傾倒無間故知君者莫不賢愛之而卒
不能勝夫嫉之者之衆也君生弘治壬戌十月
二十六日卒嘉靖丁未六月十有三日配馬氏
封安人繼文氏子男一人尊尼癸卯貢士女三
人適王子恭殷邦柱徐欽葬以卒之後四年辛
亥十月十日墓在甯橫山全家塢之原銘曰
侃侃袁君維時之碩履道舍弘抱貞翼德爰起
高科式揚用聲載緝用明奕其邦賴維邦之楨
弗為道屈矧伊匪人胡彼之恤豈無榮途有命
在天寧王之毀匪瓦斯全陷則有桀守則有正

六墓

四

孰其生之

天王明聖侃侃袁君守貞用恒弗利攸征身否
道亨亨如之何有言則立言立名存有水無泐
前翰林院待詔將仕佐郎兼修
國史長洲文徵明著并書

衡藩重刻胥臺先生集卷之一

四言

郊丘篇

方社篇

朝日篇

夕月篇

大禘篇

耕籍篇

省稷篇

躬桑篇

不齊集卷之一

昊天降威

有皖其星

皇矣

雞鳴

吉日

載馳

晨風

穆穆良辰

熙熙暮春

衡藩重刻胥臺先生集卷之一

明吳郡胥臺山人袁泰永之甫著

長洲後學甥榮亭張憲蕙甫校

郊丘篇

明明上帝肇禋于郊我后饗之率彼百僚

於穆圓丘我后肇之粵稽禮文祖訓詔之

崇崇者壇則天垂象隆隆土階南離是嚮

皇門既辟周垣于衛以楅以庖帝牛于繫

我后來饗維冬至日我袞我流玄圭翼翼

秩陽位越帝斯陳東我玉瓚曰維一人有

不齊集卷之一

度百僚夙夜奔走直哉維清以左以右

皇皇田燭三星在南樂既萬舞升皇于天

朝陽彤形卿雲粲只燁彼露斯緒風先

歆只承天之休降福穰穰撫于五辰誕惠我多方

郊丘十章章四句

方社篇

有嚴方丘于郊之北我享我將于夏至日

象維坤儀隅位斯秩定之方中肇茲土功

馮焉版幹蒞于司空式禮弗愆曰維秩宗

既卜既吉告于祖禰龍旂和鈴天子至止

于牧于野○赫赫地祇陟降在茲配以皇祖
于壇之隅靈來洋洋百神前驅○曰既三爵曰
既九奏薦以黃琮曰維我后以瘞以埋于壇
之右○雍歌告終皇遍其行順動以豫皇
心載寧綏我萬方地天平成

方社六章章六句

朝日篇

路車寵龐于彼東郊維茲仲春迎日以朝○有
來王宮宵中燕息壇官踰踰候彼出日○煌煌
鼓鍾晨雞既鳴庭燎寢矣東有啓明○日之方

天章先生集卷之一

三

升出自暘谷燭龍疾馳耀彼若木○赫赫明明
照臨下方太陽麗天羣陰伏藏○皇欽若昊天
寅賓有禮朝日有壇自今歲始○自今歲始豐
年屢康時雨而雨時暘而暘

朝日七章章四句

夕月篇

維夜明有壇西郊之外來享來臨幽宗于配時
維秋分其日癸未○皇服小采鎮圭以趨羣升
如星戾止壇隅司儀布位祝史贊辭○乃薦饌
醴齊清醑肆以豆籩載之牲俎六變孔諧雲

門斯舞○邸壁既奠實柴斯升燎之燔之格于
陰精齊政授時糾虔天刑○維茲夕月禮視朝
日于社于郊神祇來格於皇樂斯創茲典式
○皇之制作協于陰陽與唐虞參于列祖有
光施我孫子敬守典常

夕月六章章六句

大禘篇

於皇顯孝肇修禘祀通追烈祖綏我駿惠
奏假厥初陟降有位○嗟嗟烈祖受命宅土
疆克開厥家德懿發其祥遐矣思成肇基古

天章先生集卷之一

四

先王○衍我初祖獻享有秩虎鬯山尊金烝
繭栗升歌管象膚鼓有數○靈之格思蕭蒿在
天丕顯丕承對越周旋降福孔多維湯孫是荷

大禘四章章六句

耕籍篇

孟春元日公田于邁司空除壇集是保介甸師
封人灑掃祇戒○蒼輅耕根遵彼廣塗以耒以
耜載于前驅籍彼千畝南郊之隅○土脉既發
習習協風玄冕朱紱皇來齋宮灌鬯羞醴祀
我光農○錢鐸既陳有種有稂皇于三推乃

播嘉穀貴賤以班羣耦來績○鑑彼田畯終畝其勤是薦是袞載祚載耘黍稷茂止以共粢盛○我公我私祁祁甘雨於惟豐年以洽百禮敬授我民時以詔孫子

耕籍六章章六句

省穫篇

於樂靈囿 皇宮西所湜其流泉既我膏土奄人于田有稌有黍○皇來雍雍匪觀匪游于以省歛歲其有秋相彼原隰滯穗莫收○此曰築塲彼曰登圃禾既偃畝莫之敢取鉦艾維時實

六章章六句

五

我廩庾○維此靈囿有沼有臺爾服爾耕莫敢污萊○皇曰無逸稼穡維艱彼昏慢游于佚于盤

省穫五章三章章六句二章章四句

躬桑篇

出自北門降于公桑龍旂九旒鸞和央央○皇后蒞止從以世婦爛其如雲緩蹕清路○川原膺膺有館有壇戒之戒之以祀先蠶○懿筐曲植既勅既具浴種于川率是嬪御○有鳴倉庚采采遠揚言還言歸傾筐是將○以繭以縲三

宮是卜冕服既成玄黃朱綠○維后親蠶維皇躬耕勸相小民王業底于成

躬桑七章章四句

昊天降威

紀雷變也

昊天降威曷用其詆大戾薦臻適丁我躬六月炎暑胡茲飄風曠曠其陰淫雨蒙蒙○維此淫雨崇朝爲虐塗潦盈庭高陵爲壑憂心如焚懽懽靡樂小民怨咨孽自天作○電既燂燂荐雷不寧以擊以摧震于宮庭瞻彼象闕毀其丹楹

六章章六句

木

臯門有仇垣墉以傾○王宮震矣棟撓折矣出自城闕夫屢覆矣氓之無良嗟咎獨矣震于其躬罹荼毒矣○荐雷虺虺逞茲淫威天鑒孔邇降于郊畿 皇曰可畏朕躬有違青災以類敬天之渝○明明紀綱 皇實敬忌誰秉國鈞召此顯異賦政愈感民用殄瘁我心憂傷曷知其勩○嗟彼孔壬謏訛僭倖職蔽左右讒口置置卿士大夫及爾同僚嚚嗾詭隨莫知我勞○喪亂之生回遘其故小民何辜逢此僇怒 皇之恚思無愆于度敷求哲王匪用憂懼

昊天降威八章章八句

有皖其星

紀彗星之祥也

有皖其星東方自出爛其芒炎指于營室自東徂西嚶嚶終夕○祭彼宵燭柄揭于南華之見矣具曰凶占于以除穢先民有言○皇惕其衷不遑安處天之方憐莫敢戲豫訓于百工交修微懼○咨爾秩宗邦典攸貞政之僭差爾釐爾繩蹶蹶保章夙夜靡寧○凡此疾威下土之孽六月而見仲秋乃滅敬哉庶徵亂是用懲

大書集卷之三

七

有皖其星五章章六句

皇矣

送少宗伯分宜嚴公視禮顯陵也

皇矣獻考獻哲維則宅茲郢方以蕃王國篤生我后膺符受曆奕世不承率土是式○滔滔江漢翼軫之墟我后龍翔奄有中區誕基駿命光續鴻圖赫赫在天肇闡徽謨○帝念孝思繼序無忘位號斯崇惇我天常有翼清廟祀禴丞嘗是敷是訓申誥多方○乃命司空伐石京師溯矣山陵梓建厥規以經以營爾爾釐

衆極制度備物多儀○秉笏荷父翁仲祁父其獸維何有虺有虎詭狀殊形訐訐囁囁浮濟涉

湘達于荆土○帝勒碑文經緯七曜貞觀立封篤我純孝億萬斯年湯孫是詔家人司禁衛其隧道○帝曰秩宗掌建邦禮爾迪其行敬續其事司分吉蠲太常攸蒞相以九賓毋敢失墜○公拜稽首受命于征四牡捷捷夙夜靡寧虔共祀典告奠皇靈我弁朱裳祗謁園陵○乃薦廣牡乃宿金縣觀其會通象以几筵肩牖鄉飪升遐于天假哉皇考陟降周旋○綏予一

大書集卷之三

八

人以介福祉公曰遄歸言念桑梓式墓燔黃光

揚祖禰亟其來朝以佐天子

皇矣十章章八句

雞鳴

送李子仁父宰分宜也

雞鳴旦旦明星有爛子之徂矣使我永嘆○將子何徂維王事驅驅豈無他人爾獨勤劬○道之伊阻曷云能辭既曰仕矣遑恤其私○綏綏者孤逐逐者鹿心之憂矣不謂我穀○我則弗穀憂如之何人各有思遑恤其他○維王事孔

棘維友朋弗覲爾實我牟載笑載色子之徂矣
使我心怒○凡民有言維賈知價爾實予諒如
食知灸○爾之弗諒我憂則那中心慍慍璧彼
食荼子之徂矣念我實多○敬爾威儀慰我飢
渴豈曰遠而將子來括

雞鳴九章七章章四句二章章六句

吉日

送大司寇崑山周公赴畱都也

肅承 王命吉日于征赫赫司寇莫邦之刑於
惟周公邦之老成簡孚五辭五辭明清○維

六書書彙卷之一

九

王建官尊維司寇斟酌元氣是曰北斗招搖執
法 王之左右來棠慈珩禮秩斯樹○王曰建
業洪緒攸基五刑五罰爾其聽之胥占寧功式
下上之刑期無刑咎繇是師○公拜稽首敬命
不易獄貨之繁曰罔敬忌坐之嘉石棘木是議
制民于衷毋敢實墜

吉日四章章八句

載馳

送陳子齡也

歲之徂矣言邁靡遑僕車載馳于彼朔方山川

伊阻道路且長將子何徂觀國之光○皇皇京
邑天闕龍翔多士如雲珮玉趨踰述職歛材萃
止明堂亦既事舉亦既言揚○維 帝允文制
作陰陽倬彼絲綸雲漢為章雍雍者儒利用賓
王古訓是程徽猷以康

載馳三章章八句

晨風

送陸子傳也

肅肅晨風集于北林之子遠行實勞我心○翺
翺者雉文章有祭弋人獲之三品是薦○將子

六書書彙卷之一

十

奮飛于漸之遠載翺載翔為羽為儀○彼其之
子賓于王所此之弗戒于戍之苦○人亦有言
九軌殊岐慎我幅員毋謂遠而○勉勉夙夜載
爾令德譽命有聞保爾終吉

晨風六章章四句

穆穆良辰

壽方山人質父也宴于清溪堂云蓋
集者八人吳之彥也文太史曰詩有
之為此春酒以介眉壽人各賦一詩
以為山人壽而泰也得介字

穆穆良辰仲春伊屆薄言東郊雲門于邁茂林
紛披清渠縈帶樂只嘉賓頌介斯會肅肅禮容
有擯有介旨酒無荒終日百拜君子壽考俾爾
耆艾

穆穆良辰一章章十四句

熙熙暮春

修禊石湖也

熙熙暮春曰維上巳穀雨伊臨乃修禊事良朋
孔偕從以童稚石湖之陰以邀以戲清川洋洋
惠風時至流觴合歡稱詩言志樂矣斯丘古人

不重集卷之二

十一

可企

熙熙暮春一章章十四句

衡藩重刻胥臺先生集卷之一

衡藩重刻胥臺先生集卷之二

樂府

皇明鏡歌十三篇

奮塗山

江之陰

都金陵

戰番陽

平淮徐

克吳會

中原清

不重集卷之二

一

島夷服

掃八閩

荒五嶺

驅殘胡

俘蜀寇

滇池竭

衡藩重刻胥臺先生集卷之二

明吳郡胥臺山人袁泰永之甫著

長洲後學甥蔡亭張憲蕭甫校

皇明鏡歌十三篇有序

或曰鏡歌戎樂也亦曰鼓吹曲云其始出漢武帝立樂府采詩之官夸耀功德聳動蠻夷軍興則雜短簫而歌之故亦曰短簫鏡歌漢曲凡二十二篇存者十八篇而辭義不屬多不可解如朱鷺翁離蓋有其辭無其義魏

六韜卷之三

二

有繆襲吳有韋昭晉有傅玄乃悉取其題而更之其義主於褒讚鋪張蓋亦雅頌之流亞也唐柳宗元準漢曲爲唐鏡歌十三篇義襲晉魏頗足觀采我高皇帝龍飛塗山虎變金陵神州赤縣污穢腥羶者蓋三百年而始廓清底定七曜重明九疇復叙魏巍乎駿功休烈上配羲黃下陋湯武較之漢唐譬猶嵩嶽蟻丘江河潢潦懸絕殊甚而鏡歌不作樂章無傳使

盛德大業鬱而弗宣臣嘗耻之今

皇上坐明堂開石渠考禮文易服制

修憲章壹軌量罔不咸正而茲事獨

闕臣不佞輒援筆爲之庶以修一王

之制作示億萬年之典則雖不敢躋

之雅頌列於漢魏亦足企及云

奮塗山

肇王崇也

奮塗山基側微聖受命六龍飛提尺劍起布

衣夷腥聞民罔依皇耀德赫靈威赤符應白

六韜卷之三

三

旄麾武不殺神知幾掃境槍殄封翫創王畧式九圍洗洗虎臣咸來歸

江之險

始渡江取太平諸路也

江之險險莫測跨荆吳限南北神龍渡江自采

石糾六師集羣策威威馳義雷激雷鼓振雲旌

翼吐英謀抗武德攻必摧戰乃克姑孰收土疆

斥江水滔滔奄有南國

都金陵

定鼎也

都金陵布 皇綱握乾樞奠坤防卜年億萬永
無疆包嶮嶽蔽大江鍾山岌崑王氣鬱蒼有臺
高高棲鳳凰建密室開明堂祖杜列觀闕翔辟
雍闢武衛張宣政令頒條章考制度朝五方

戰番陽

梟偽漢也

戰番陽湖水赤天晦冥波蕩涌舟縱橫陣絡繹
僵屍流國殤泣衆寡分勢不敵 皇赫怒決神
策驅貔貅翦鯨鯢揮蛇矛控鳴鏑選大黃殪凶
逆貫晴裂腦師辟易厥角崩倒戈北江漢清鄴

天聖書卷之三

四

野謐威八蠻震九域拓地開疆大統集

平淮徐

定江北也

平淮徐濠泗寧師桓桓征不庭屬長較飛重英
江之北無堅城汝潁底定青濟蕪并艾羣雄息
沸爭玉帛會壺漿迎廓基緒揚威靈

克吳會

滅張士誠也

克吳會疆海隅蠢茲凶頑盜越與吳業魚鹽阻
江湖富且強奄稱孤政慢荒民毒痛兵不戢干

天誅師百萬臨姑蘇發舡艦磨具區糧糧絕士
爲俘城隍覆宮社屠殲元惡釋無辜弛刑禁錮
煩苛計田賦實師徒轉漕粟輸京都荆蠻既懲
偃息兵戈

中原清

遂定河洛秦晉暨燕趙也

中原清弘 帝崇宋室頽人綱絕噫胡元恣毒
螫驅犬羊據巢火三光昏四維裂民怨咨日流
血 皇應運宣武烈延英奇統材傑命上宰除
殘孽妖氛息天狼滅宅土中九有截

天聖書卷之三

五

島夷服

方國珍降也

島夷服息鷁張寇反覆圖不祥負海徵竄南荒
逆 王命亂天常出偏師奮鷹揚仗大順侵彼
疆百旅集千夫翔破竹之勢就可當智計窮乃
來降

掃八閩

取陳有定也

掃八閩鎮南粵正辭命齊九伐鍛戈矛授斧鉞
連飛艦整巨筏冒洪濤涉溟渤島逆徒在奄忽

神武章文教訖西漸流沙東至日山

荒五嶺

廣東西諸郡咸來附也

荒五嶺抵南交撫黔氓擾夷獠猺獠和瘴癘消
越蒙來重譯遙明珠翡翠貢天朝文犀瑇瑁海
賈可招幅員萬里仰唐堯

驅殘胡

元君奔漠北也

驅殘胡虜宵奔戎有良翰集虎賁高牙雄戟布
星屯蹂河朔擣燕雲涉大漠踰崑崙王庭空穹

不齊書卷之三

本

屠焚伏狐鼠鼠勦滅無復存禁京觀銘功勲奏
觀歌賞三軍田燉煌開玉門億萬年華夷分

俘蜀寇

執明昇也

俘蜀寇競武功天設險維蠶叢劍閣截薛仰關
難攻瞿塘百折盤蛟龍水陸阻隘舟車不通明
氏竊命據高壙虎視隴右窺秦中皇按劍授
元戎殲大慙縛佼童天下混一橐彤弓五等光
建九軌來同

滇池竭

梁王殲也

滇池竭南詔寧最遺孽敢不庭抗文告戡禁臣
速天誅馳勁兵蹋烏撒填昆明刺瓦殲達里禽
點蒼裂洱水清金齒震靄翠平疊百蠻仰皇
靈包海外入廣輪掩羸疆恢夏經芒芒禹跡嘯
與京

不齊書卷之三

七

衡藩重刻胥臺先生集卷之二

衡藩重刻胥臺先生集卷之三

樂府

大雅吟

對酒

精列

鰕組篇

豫章行

短歌行

長歌行

燕歌行二首

前緩聲歌

薤露歌

升天行

飛龍篇

客從何方來二首

空城雀

塘上行

秋胡行

明妃引

銅雀臺

行行游且獵篇

相逢狹路間

結客少年場行

俠客篇

紫驕馬

鬪雞篇

從軍行

關山月

塞下曲

出關

入關

隴頭水

戰狼山

苦寒行

江南樂四首

採桑曲

折楊柳二首

自君之出矣二首

夜夜曲二首

長干曲

衡藩重刻胥臺先生集卷之三

明吳郡胥臺山人袁麥永之甫 著

長洲後學甥蔡亭張憲蓋甫 校

大雅吟

於穆 高祖天授神武謀臣雲從猛士如雨迅
掃機槍不階尺土道冠百王功高千古解文皇
嗣服世德同符卜年億萬肇基幽都威靈解變荒
澤流寰區長馭不構攘除羣胡王畧式固峻我
疆隅解皇皇九葉續戎駿業文命孔純九有有
截維 帝繹思溫恭聖解赫赫中興無兢維烈

不齊先生集卷之三

三

解三

對酒

對酒當歌生逢聖明車書混壹天下康寧既庶
且富解校謫謫絃歌聲九夷八蠻通道來庭四
門穆穆無凶人外戶不閉班白不負戴擊壤歌
太平桑麻被野六畜蕃亨倉箱豐盈獄岸刑惜
民用情老死不見甲與兵天降甘露地出醴泉
四靈畢至黃河清我 皇垂衣拱手無為而成

精列

命乃在天有生必有死何為局促自憂煎人壽

止百年中間憂虞悔吝相糾纏人生苦不足願
得螭龍服驂飛廉整轡游戲崑崙直與黃姑玉
女相流連出門望郭北荒塚繁纍狐兔穴其顛
周孔聖且賢尚且徂落無為迂誕學神仙嗟今
之人如虱處禪中規行矩步踟天踏地及時不
為樂朝坐華堂暮歸黃泉嗟嗟命乃在天且用
蕩滌志意日飲旨酒烹肥擊鮮

鰕組篇

神龍失淵不如鰕組鴻鵠銕翮不如鴉鵲瑾瑜
不售不如氓礪黼黻不御不如襜褕聖哲有時

不齊先生集卷之三

四

不如下愚解展禽三黜不薄士師尼父棲棲見
笑接輿周公居攝四國有辭顏淵擬塵跡涉嫌
疑毀譽之來孰知是非解豫章多材斧斤所趨
制行太潔流俗所嗤木以樗壽士以智危天道
無親去高增卑君子約已稱物平施解

豫章行

虎欲食人不能出中林鴟鴞東徙尚然懷好音
吁嗟機械之巧無如人心解渭水雖清灌漑之
利不如濁涇狐裘冬溫徂暑不如絺綌輕君
子在下位雖有蘊蓄不能施行解飛兔騶耳躡

躡吳坂幸遇伯樂長鳴廬狗勝捷不遇韓國執
知其能甯戚飯牛車下不遇齊桓焉能顯名

短歌行

有客有客吹笙鼓瑟人壽幾何長不滿百
年其除時不再來譬彼薜華朝榮夕衰
苦多歡樂苦鮮死生契闊誰則能免
酒進我嘉穀且用言笑於邇道遙
照臨下土及我少壯式歌且舞
樂忘憂居易俟命夫何怨尤

長歌行

太常先生集卷之三

五十一

陵若附樛木秋至先焜黃人生如朝露壽命苦
不長日月不我假焉用徒憂傷少壯能幾何及
時爲樂康遠遊恣所適輕舉凌八極我聞崑崙
丘異人所棲息願得溘埃風白日生羽翼授我
服食方告我延年術

燕歌行二首

銅壺沉沉夜何其短余獨宿怨孤帷鬱陶思君
君不知欲見無由覩光儀起視星宿爛參差鴻
雁哀鳴聲正悲物情慕侶尚如茲君獨契闊無
還期身無羽翼難奮飛道路艱遠逝何之客游

雖樂不如歸殊方異域恐未宜憂心默默將告
誰淚如流泉不自持人生壽命幾何時嘆恨無
如生別離

孟冬凜冽北風涼草木變衰雁南翔川原蕭條
使人傷飢鳥叫嘯號枯桑洪河水堅阻修梁念
君迢迢投朔方三年無書寄故鄉欲往從之道
路長含酸積憤結中腸自君之出罷絲簧室中
蘭燈夜無光豈無膏沐爲誰救驚鴛鴦離戲兩
廂乘居匹處自成行我獨乖隔不成雙終宵泣
涕濕衣裳

前緩聲歌

置酒會衆賓列坐進疊觴中厨促豐膳妙舞曳
織裳服飾窮綺麗翡翠雙翹揚長袖隨風飄言
笑吐芬芳清歌發皓齒節奏中宮商音容惠且
和變態巧低昂觀者盡稱善四座咸若狂選部
並呈技雜選爲樂方優伶紛然進珠黛羅兩行
獻酬互交錯堂下沸絲簧檀馬各嘶鳴安坐夜
未央生平惟此樂緩歌安能詳

薤露歌

薤上露易晞人死無時歸有志不得騁何用生

存爲高增鬱嶢荒草使人悲賢愚同一盡
氣竟何之所以明哲士委順不復疑處世忌太
潔衆口易瑕疵和光而同塵老氏有遺規

升天行

弭節叩帝閭雲霓屬先驅閭闔晝不閉桂樹羅
天樞元君啓玉齒授我以靈符秘文奧難讀字
與科斗殊長跪問要訣妙道匪言說還精以補
腦顏色長美好髮白更變黑延年永不老幽通
邈上玄無爲惟自然凝神游邃始羽化彌閉消

飛龍篇

太倉先生集卷之三

七

輕舉騰玄雲遠遊乘清氣望舒使奔屬羲和爲
我御飛龍駭超驥馳騁恣心意濯髮成池津駕
言謁天帝玉女歡相迎羽旄紛紛至捷步登文
昌長揖朝法陞太微表中央雙闕秩方位白榆
夾道生羣仙共游戲素霓爲衣裳瓊瑤爲環珮
靈芝粲五色食之千萬歲

客從何方來二首

客從何方來云自京師至手持一書札上馬平
安字開緘讀未畢已知故人意初述思慕清中
想書鬱志京師今何如萬事與前異問客客不

知書中亦未備道遠無由悉焉知非與是但願
勿相忘書札時時寄

客從何方來去歲發京師茲行已永久來歸仲
春時上堂拜父母父母歡相持親交聞客至咸
來叙別離去鄉三十載無日不懷思語音雖無
改顏面與昔殊昔如芳春花今如濁水泥人非
金石固老醜焉可辭但願保貞素白首以爲期

空城雀

啾唧空城雀日宴不遑棲場無穀粟腹中苦飢
心復畏彈射有翼不能飛性命難保託身何危

太倉先生集卷之三

八

相彼丘隅樹木茂多欲往從之道遠奈何乃心
焉敢望青鳥逍遙安食玉山禾庶免鷹鷂搏逐
脫離網羅

塘上行

蒲生水中央託根難久長君情我所知不意遷
相忘一諛言寔可畏骨肉亦參商結髮同歡愛
信誓謂可常二中道忽改路獲罪自有故君心
如霾曠述惑未不悟三苦相身爲女寵倖相嫉
妬行止不自由棄置不復顧四故交雖難忘無
如新相知敝履雖難棄不如新履五君心諒

不移棄我如泥滓淑慎無愆瑕雖辱不為耻解六

秋胡行

佳人一何姝採桑岐路隅羅袖出皓腕輕教曳

文襦冶容極妍麗觀者盡躊躇解一使君何方來

騎從導前驅下車傾橐金巧笑致區區解二長跪

陳禮防賤妾自有夫未知國卿貴但知事舅姑

解三驅車返家門奉金為母壽呼婦來中堂相見

顏何厚解四與君別五載邂逅如路人顏面不相

識寧知心所親解五君心懷二三醜行妾所耻愧

彼多露言捐軀濁河水解六

明妃引

少小稟貞淑說禮且明詩託身充後宮豔色世

所希按圖以召幸傾貲賂畫師無媒難自通竊

矜妖冶姿詔下選掖庭和親嫁單于妾當事遐

征永與君王辭光輝動左右被服何逶迤僕御

咸嘆息胡馬亦傷悲前旌指沙漠去去無還期

膏鬱何由慙哀感不自持胡服衣我身空廬為

我居食我以羔酪號我為關氏語言多難曉嗜

欲苦不齊腥羶耻穢辱醜類相詬欺犬羊蔑禮

義苟生亦何為生為異域人死復葬蠻夷飲恨

黃泉下青塚何疊疊君恩諒不薄妾命宜若茲

自古畏蒙蔽蒙蔽易妍媸蛾眉衆所嫉違者無

復疑

銅雀臺

高高銅雀臺下對西陵樹淒風飄總帷潛寐永

不寤歌伎徒自陳歡娛已非故千秋萬歲後精

靈倘來聚

行行游且獵篇

大閱講蒐狩吉日簡車徒元戎啓先路左右備

三驅戈鉞敵日月萬騎紛然趨射夫咸祖楊列

校集野慮舉烽遂伐鼓搏獸相歡娛繳矢無虛

發殺獲任湏臾觸鋒殪青兕掩罟罟孤飛走

不及施枕藉於中衢舉掌計多寡割鮮進庖厨

悠悠旆旌返鏡吹喧道途感彼車攻篇哲后以

爲模

相逢狹路間

相逢狹路間方軌難並馳雕輪夾輕馬繡莛盤

文螭雙雙美少年見之遂忘疲編貝呈皓齒嬌

婉巧言辭停轡問君家君家誠易知甲第冠威

里掖庭讓門楣金壁銜列錢錯落綴火齊堂上

羅妾勝堂下列笙竿擊鍾會鼎食僭侈擬皇居
兄弟四五人大者選昭儀次者爲嬪娥小者克
婕妤兄爲大長秋弟則羽林兒尚方屢召見賞
賜常不貲階前植寶樹樹樹珊瑚枝自言沐優
渥終歲荷恩私金張與許史難可與等夷

結客少年場行

十五好騎射武斷鄉曲中任俠頗有名氣勢凌
王公吳刀耀霜雪馬蹄速飛龍腰垂雙鞬帶手
挽六石弓晨馳南山獵一發中五豨傾貲集亡
金破產以相容殺人都市傍避雙客遼東事擊

六書集卷之三

十一

不得顧壯士樂速從去鄉今幾載書札無由通
白首始還家萬事俱不同墳墓委蒿萊杼軸半
已空賔徒各分散藜藿長不充寄語結客者所
貴期始終

俠客篇

俠客何翩翩生長在幽燕丹朱錯華轂羽蓋翔
文軒鼓刀屠沽肆出入三輔間僕御塞途路食
客常數千橫行盡豪舉四座皆少年報讐挾七
首殺吏探珠丸睚眦無宿怨一飯必周旋平生
所交結心慕劇孟賢刎頸無怨尤性命寧自全

紫騮馬

蹀躞紫騮馬虎脊沫流赭千里不生塵爾之本
無價騎出閭闔門突過不肯下黃金絡馬首珊
瑚綴馬鞭束髮事戎行出身常在邊曾從霍將
軍單騎殺左賢功高衆所忌漢主吝官爵白首
不封侯牙齒今欲落平生一狐裘蒙茸不堪著

鬪雞篇

飛樓表閭闔複道羅第宅千金養死士門下多
俠客平明肅徒御鬪雞出廣陌朱冠豔姱姿金
距侈繁飾眊眊張悍目揚翹奮輕翼趨捷惟萬

六書集卷之三

十二

端羽毛爛五色雄鳴厲霄漢碎錦紛絡繹游觀
娛心意百萬輕一擲日旰各分散馳騁靡所迫

從軍行

六師何桓桓大將新築壇專征非黷武談笑滅
呼韓麾下悉超距軍容誠可觀虎皮蒙金甲鶴
轡錯雕鞍鳴鏑中鼓率揮矛捷如湍免胄式趨
風蓐食會傳餐原野相蹂躪縱橫塗腦肝朔風
揚鏐鼓壯士慘不歡平生投筆懷慷慨獨長歎
遭逢全盛日誓欲斬樓蘭勒功燕然側圖形雲
臺端

關山月

新月似弓彎征夫苦未還胡奴吹感粟彷彿度
關山中宵聞此曲不覺淚潸潸那能隨朔鴈飛
過玉門關

塞下曲

雜虜寇飛狐偏師出靈武紛紛飛符下點兵充
部伍輕行盡卷甲設伏齊鼓弩馬頭哀笳發聽
者淚如雨

出關

烽火照居庸分兵出漢宮前軍度黑水後騎發

大李益集卷之三

三

雲中長驅沙漠靜轉戰虜庭空陰山一夜雪愁
殺遠從戎

入關

射鵰馳碣石飲馬就黃河單于未繫頸天驕已
請和連營橫吹動齊唱凱旋歌邊月明金甲胡
霜耀寶戈封戶築京觀功比貳師多

隴頭水

與君別隴頭隴水東西流逝川無還時君去不
復留隴水流不歇君情莫斷絕欲免長思慕何
如勿離別請觀機中素裁剪寧復完念君速行

役會面誠獨難

戰狼山

戰狼山師失利孤軍赴闕蹈危地丹旌耀金鼓
沸響孤投袂敵王愾揮長矛截雲際揚靈仗順
殲醜類虜騎集戎馬銳衆寡不敵士短氣防豕
突縱虎噬空拳冒刃奄自斃師被圍援不至星
奔電駭無鬪志大風揚砂折樹木咫尺不辨人
鬼哭僵屍彌野血蔽川烏鳶飛食其肉

苦寒行

嗟哉遠征人苦寒難具陳黃塵沒馬足霖潦膠

大李益集卷之三

四

車輪朝出居庸關暮走并州路淖沱孟冬月冰
堅不可渡塞外多悲風密雪何濛濛浮雲慘無
色飛沙蔽長空陰山不見虜片堠勞且苦昨夜
軍書至士馬多物故百里逐水草千里累餒糧
嚴冬冱霧露召募赴朔方孤貉難以居挾纊猶
絺綌室處尚寡歡何況征戌卒嘗聞昔人言五
方風氣殊眷眷懷故鄉故鄉信可娛

江南樂四首

人言江北好不及江南樂山水信清嘉風俗亦
不薄

少小住閨門正近繁華市日暮紅塵合馬蹄如流水

畫鷁戲清波並出橫塘口將船繫樹根買魚即沽酒

別家何草草還家苦不早呼兒細問之亦說江南好

採桑曲

交交倉庚鳴蠶月代遠揚江介多游女微行執懿筐信美土風厚倫嗇感陶唐采采桑中堪采之為餼糧沃野有遺秉相率務農桑嫔茶而薪

不齊先生集卷之三

主

樛桺園以滌場魚烹及時樂願言萬壽康

折楊柳二首

下馬折垂楊征人各斷腸柔條不堪折遠別使人傷

折柳贈征人征人畏遠行何人吹玉笛吹出別離情

自君之出矣二首

自君之出矣不復為膏沐思君如車輪步步相馳逐

自君之出矣明鏡不復開思君如梁燕朝去暮

復來

夜夜曲二首

獨處夜如年夜夜不成眠惟有多情月來照妾牀前

蘭燈明欲滅複帳暗棲塵空持合歡被不見一人心人

長十曲

停橈暗相語妾在長干住郎亦秣陵人便可同舟去

不齊先生集卷之三

末

衡藩重刻胥堂先生集卷之三

衡藩重刻胥臺先生集卷之四

五言古體

南狩篇

繁臺宴集

五日桃花園宴

祝京兆宅諸文士宴集

陪大中丞顧公玩月上方山

脩楔石湖作

劉推官孟材過飲山樓

夏日諸子山堂宴集

六言集卷之四

九日泛舟石湖遂登郊臺作

宿寶華寺

堯峰觀朝雨

卒業治平寺示同志

石湖草堂成即事書懷

始發潁野別親故四首

梁溪獻諸兄

釋褐日與屠文升言懷

立秋日懷諸兄

久繫

近成

餽居慈感寺

移居峴山精舍

登飛英寺塔

山居

初晴步至蘇灣山

苦雨

春日樓居

夏日山齋作

行園

六言集卷之四

列岫樓成示諸友

王履吉卧病越溪莊携酒相看

林僉憲世觀追餞還珠洞賦五平詩言別

陽朔試諸生賦五仄五平詩

五仄詩寄王叅政應時

別朱秋官瑞卿

送許廷議二首

送戚秀夫宰歸安

送沈元材宰桐廬

送謝鳳儀赴蜀

送人奉勅賜慶成王金幣

送鄭司訓之瑞安

送馬伯交之南康

送叔兄補之卒業南雍四首

送徐民則游太學

贈陳真人

贈許徵君彥明

芳樹篇贈董子元

釋毀篇授高吏部子榮

答沈山人王父

六卷集卷之四

題盧師陳所居五塢山房

四悼四首

十懷十首

悼女林詩

衡藩重刻胥臺先生集卷之四

明吳郡胥臺山人袁泰求之甫著

長洲後學甥蔡亭張燭臺甫校

南狩篇七十韻 正德庚辰年作

南畿肇寓縣北極奠京轂宅洛寧宗周王秦阻

嶠谷 文皇昔龍飛幽薊朝群牧定鼎峻華戎

展親分寶玉遼海截疆圉關防包甸隩淵機協

神明洪業恢圖卜八葉超三五陽九屯百六宗

強錯犬牙枝弱忘牛牯豫章扼江淮吳楚介庸

濮閩越承上游嶺嶠衍平陸丞徒謀繹騷魚鹽

六卷集卷之四

業饒沃封豕構不道虎視騁所欲 王室內多

難徐方念無祿佳兵干齊斧恃險窺寶錄張皇

飛鏑鳴蹂躪遺黎哭市朝蕩丘墟邑里空杆軸

陽精蝕氛侵洪波沸川瀆穢德厭腥聞淫威慘

荼毒逋逃列爪牙饕餮寄心腹劉李忍從逆孫

許甘就戮長吏膏草野朋讐為魚肉歡耽光五

宗睚眦夷三族鷗張亂天常席卷昧神速電駭

餘腥發雲蔽旌纓燄燄耀數澤鉦鼓喧林麓

誓戒徇刑牲矯誣沉璧穀九江殘破餘安慶攻

圍促孤危絕倚角倉卒寡儲蓄風塵河朔昏唇

齒荆揚蹙維時楊侯烈嬰城抗伸縮百道防夾
攻一面當飛鏃墮懸偏陽布壑列君山木析骸
病靡告沈寗志猶勗即墨輪秘謨睢陽步高躅
膚功等丘嶽鴻譽流簡牘中丞何番番文武今
方叔折衝夕投袂超乘晨離局虎臣翁以奮大
義相感觸雄戟敦胄士輕騎馳戎僕千慮採輿
誦六奇資神獨批尤虛易構攻瑕堅乃伏賈勇
爭先鳴失據思內屬濯征匪逾時薄伐惟信宿
輦若既摧折巢穴先傾覆土崩悉奔潰狼顧相
馳逐轉關恣隳突拔圍趨挫切我師未成大

太常寺集卷之四

五

熬奄翦撲劉渾丹徒耻楚靈乾谿厚嗟茲土
民虺蜴雁凶酷僵屍彭蠡濱漂血巨窟澳觸骸
烏爲委京觀鯨鯢築夷滅同振槁豪華如轉燭
銅駝靖幾哲黃犬斯悲感離宮蔓杞棘高臺游
麋鹿燕榭秋泥落花沼寒蕪綠禍盈異哀榮理
至循剝復乾坤荷寧謚江漢瞻清肅捷書騰露
布鏡歌雜哀筑九廟馘未獻獨夫罪咸暴天
王赫斯怒歲宴御戎服徂東慕車攻在邑誇蓋
續四介飛重英虎賁夾五絜伏鉞表親征銜璧
奚刑劉金聲播遐壤稜威振殊俗戾止陳鞅轡

伏游謠黃竹宴鑄諒樂豈橫汾嗟不屬愴彼祈
招詩惜惜亂心曲於鑠貴時晦倒載斯戰穀車
書混文軌蘭鉞繫矢箠所期各宗盟展也永親
睦

繁臺宴集示諸君

飛蓋集梁園華榱啓文燕多士何逶迤我秩
星弁禮容咸可觀獻酬互交薦大烹享王賓
人進珍膳歌技紛前陳萬舞肅金縣茲晨季秋
節時物忽以變芳菊揚其華崇林散郊甸歡樂
無常存令名豈徒羨執解思有終言示諸材彥

太常寺集卷之四

六

五日桃花園宴

靈雨晨復夕新水滿陂池輕鳧駭纖鱗朱榴耀
錦葵嬉遊悅令節嘉賓咸在斯暢然神颺至暑
氣清華榱美渠臨綺疏菖蒲泛羽卮圍棋間六
博旣醉無愆儀遂獻蓼蕭什還稱頌弁詩嘗聞
西園讌佚樂寧異茲

祝京兆宅諸文士宴集

山澤蘊靈異荆吳多秀民絃歌沐皇澤禮讓諒
儒紳宗工秉文律述作善彌綸摠藻宣金石司
契窮天人君子敬下士列坐集嘉賓軒車儼登

降脾膝圓方陳絲竹娛心意歡譔各相親篇翰
侈傳玩疑義共討論食草思款曲伐木懷苦辛
小儒事章句逢掖趨後塵周行勞惠示下體荷
采甄幸逢休明運文命敷海濱四靈應時集九
軌畢來臻彙征啓亨衢濟濟咸席珍

陪大中丞金陵顧公玩月上方山

詰旦趨廣渡昏莫陟崇岡川原氣候改林麓鬱
蒼蒼陰霞冠陽阿密徑阻脩梁樵采歸以絕游
豫樂未央既枉嘉遯儔遂譔叢桂章霜楓麗丹
腹秋色紛難詳飛月出層霄泣露沾衣裳列筵

不齊集卷之四

七

面澄湖肆眺臨遐荒不醉諒無歸遡風騰羽觴
令德暢微音示我以周行悅賢喻飢渴觀止承
寵光各勉日新志宜第神所康

脩禊石湖作有引

嘉靖丁酉三月三日上巳也其日又
爲穀雨既欣令節乃集良朋爰脩禊
于石湖羨羲之之山陰希點也之沂
水不有詠賦何以述志陶情乎乃作
此詩以倡同游之士

大化陶天地令節屆春陽澄湖包廣皇翠嶺迤

崇岡嘉儵躍以嬉冥禽翮高翔微雲謁遠霄冷
風吟脩篁雖無絲與竹散懷藉壺觴神怡理自
足心暢憂可忘既詠舞雩什載奏山陰章悠然
傲千古焉用遊羲唐

劉推官孟材過飲山樓

日掩山中扉忽枉府中駕登樓望澄湖列宴臨
虛榭芳園榮槿葵遠洲環桑柘新篁冷風來清
陰滌煩夏誦君瑤華篇逸思騁陶謝蘭卮且獻
酬焉知卜其夜

夏日諸子山堂燕集

不齊集卷之四

八

辭榮謝朱紱守寂樓青門蕭然環堵室何異柴
桑村跡已朝市絕道惟丘壑存忽枉二三子花
下携清尊靈雨散炎燠涼颼扇微溫紫蘭秀文
砌素馨香雕軒冰盤薦瓜藕珍饌羅雞豚醪醑
旨且嘉獻酢禮無煩寒余實糞土愧爾皆璵璠
既醉思有終屬厭復何言稱詩各陳志古誼期
相敦

九日同吳元定朱日宣王履均復圻泛舟石湖遂登郊臺作

不齊集卷之四

瞻茲季秋月言遊重九辰商飈息遠臯霽旭麗

芳津山川信可娛况也諧嘉賓澄湖翔鷁首絲
吹紛前陳載登吳郊基曠望開心神玄鶴唳中
天逸響落九垓仙菊浮清醴菜茹調紫尊且頌
今日樂焉能知古人馬臺既蕪陋牛山徒悲辛
但願坐上客邀戲永千春

宿寶華寺

杪秋慘慘懷涉晨事遊豫川原殊氣候臨泛亦
寡趣環渚澹澄潯平陸多荒霧水禽紛飛鳴葭
葦蔓露衝風揚夕波進帆趨廣渡雲霞異絳
翠山麓耿昏暮旃林鬱岩峩始興賞心遇丹楓
冠陽阿興矚咸可賦月出照孤澗蒼蒼隱寒樹
法侶欣招邀禪寂夙有慕清曠屏氛雜沉冥觀
良悟萬事徒龍蠖短詒輸情素

堯峯觀朝雨

山中多幽事幽事殊可悅飛雨黯以暮朝光互
明滅崇林嵐氣昏密徑樵采絕紛吾慕嘉遯茲
山亦寂茂澗水當階鳴岡巒依戶列竅欲謝所
牽冀與智者說

卒業治平寺示同志

千祿游黌校卒業投山林山林從吾好文史可

娛心我友榮華實輸衷逾斷金爭域寡營慮墳
典共披尋嚶嚶和鳴鳥楊園流好音叢竹無俗
氛嘉樹多清陰陶情託毫素造興惟幽禁寂滅
理無昧清虛念斯沉大道究玄覽物滓澄冲襟
言示諸同好懇悃觀茲吟

石湖草堂成即事書懷

弱質弛耕牧幽悰眷丘壑章句非吾好徇物豈
云樂工拙貴適已焉能縻好爵滅跡投蓬蒿養
痾對山郭傾寫諧良知篇翰時閒作茲山蘊靈
異新構果宿諾幽妙難具述烟霞殊丹艱經始

太倉集卷之四

十

寡人力垣墉謝築削疊石即故基傍巖無改鑿
枌梓羅軒楹藤花布帷幕啓非列岡巒抗館來
鳥雀暮春笑遊遨即事多歡譔園桃舒紅英林
篁苞紫穉物序觀壬容深衷遂棲託隨時順偃
息遺情未寂寞將貽匏瓜誚撫躬媿虛薄

始發潁野別親故四首

明發辭密親僕夫戒前驅銜恤去桑梓說說赴
脩塗通波涉廣津舟楫具烝徒鄰里相集送屏
營歧路隅問余曷遄征偕計游天都玄冬多雨
苦寒裂肌膚百草淒以萎孤獸慘號呼王事

諒孔巖饑渴亦勤劬古人好從事投會輕棄繻
焉得顧私暱坎壈局陋軀

改歲靡室處出宿歷故疆居人念道路游子行
裹糧迫杼馳迅湍飛旌指脩梁懷土非明哲情
感自悲傷伊予吳越民念茲投朔方節候異涼
燠風氣限柔剛踰淮橘爲枳首丘焉可忘小人
重遷徙棲棲戀本鄉君子崇志業懷寶豈迷邦
無聞聖所耻龜勉脩名揚

父母生諸子憐余最孱幼束髮業詩書章句親
口授七齡學詠歌揖讓窺俎豆十四游膠庠章

不韋集卷之四

士

縫廁群胄十五試明經懷玉屢不售茲晨遠行
邁狗祿事奔走上堂強爲歡慰勉令悲酸幸有
諸兄弟旦夕善自寬茲行非永久無爲坐長嘆
問余何時歸不得羈微官汝實多疾疚道途可
加食藥物曾携否衣裘恐未完季冬十二月北
土恒早寒汝有諸圖史逆旅且無觀儻御宜相
假相依以爲安汝實識事淺世路多險難言若
不出口慎無爲禍端念哉崇令名辭盡意不殫
長跪聞此語涕下何沈瀾飲恨出門去惻惻復
盤桓

少小寡交合託契悉俊髦疇昔同蹤跡隨時偃
蓬蒿吹噓憐憫煦沫述作爛抽毫華館集歡燕良
夜美遊遨言笑傾廣坐燈燭榮蘭膏優容荷君
子虛薄媿吾曹昔賢喻製錦不學強操刀嘉薦
濫忝竊此離誠鬱陶飲餞陳廣陌瞻望陟林皋
燕婉同胞友言別使心忉忉視雲中鴈哀鳴亦
磬磬物情慕儔匹誰能不悲號會散各有期乖
隔安可逃慙慙冀來什好我念劬勞

梁溪獻諸兄

旦發閭闔郊宵濟延陵津岡阜鬱彌望原野亦

不韋集卷之四

士

相因是時季冬月密雪蔽城闔冰澌膏中塗舟
楫阻河濱桑梓念睽隔風波畏苦辛生平多憂
患眷戀惟交親伯也章縫彥仲氏草莽臣孔懷
棠棣奏說懌頌弁陳提携荷夙昔乖別愴茲晨
努力奉明德願言各自珍

釋褐日與屠文升言懷

多士啓彙征辟雍賦觀旂揖讓陳俎豆奠筭無
愆儀君子崇豈弟式宴沐恩私節奏肅金懸雅
頌揚魚麗肯酒可娛賓嘉肴亦維時場苗枉維
繁醉飽在蕭斯章服眷新寵綈袍感故知少小

慕術藝夙昔荷提携綢繆斷金好諷詠谷風詩
絃匏本同調出處慎無違王陽結綬日貢禹彈
冠期泰階際昌明皇軌當清夷黼座拱克舜密
席列臯夔璿璣順其序玄綃澹無為天網羅群
髦冠鞶何逶迤寵光既優渥撫已益慙悲微烈
期丹青懋功勒鍾彝夙夜奉明訓徃哲有遺規
立秋日懷諸兄

傾曦迫時寢流火知歲徂茲宵判涼溫淒氣慘
以殊玄蟬號條枚白露膏中途北土恒早寒絳
綵難曳萋朔風揚胡沙蕙草日摧枯嗟予遠行
役旅食寄邊隅鞶帶非所榮束縛寡歡娛弱質
纏疾疢福性畏馳驅流俗多忤愆禮法苦見拘
樛櫟非梓材丹雘焉所塗脩名耻不立撫躬昧
前圖道遠自詒阻何由悉區區

久繫

首夏就詔獄今端涉商秋師聽窮五辭峻罰罹
百憂明明天子法防衛何其周晨食荷校苦
夕寢園扉幽體膚嗟毀傷重以冠裳羞殷湯拘
夏臺姬文姜里囚治長亦何罪縲紲自有由余
實曠官守負譽若山丘賤臣徒叩心焉得達

宸旒所冀沐寬假已矣誰怨尤

近成

問余成何方薄竄投粵地於粵信樂土吳俗頗
相類耕桑可寧居方言亦無異茲惟聖主恩
獲遂鄙人志服官彌六朞千祿宜吾意迂材寡
世用果為時所棄省愆復何云伏禍寧知避三
復犧牛言但媿蒙莊智

僦居慈感寺

孤居城南寺軒館殊清幽連峰窓中列澄湖檻
外流群魚戲藻岸衆鳥鳴桑洲膏雨原野綠東

太常寺集卷之四

南

作集前疇閉戶寡人事玄典日冥搜蕭散娛心
意焉用懷苦憂

移居峴山精舍

山寺閟精廬移居性所適寧知賓客稀漸與城
市隔岡巒何秀羨蒼翠還日夕夏木密以陰幽
鳥來几席開窓見漁舟湖水清且碧焚香日晏
坐遣興在篇籍余本迂散人禪林亦靜僻茲焉
遂吾好已矣思屏跡

登飛英寺塔

浮圖凌泰清豁達涼風生山川鬱相向井邑互

縱橫若水天自來隱隱抱孤城旅人何樓樓歲
月忽徂頃昔來尚雨雪今茲已朱明日與二三
子游宴寡所營

山居

野人性好靜愛此山中居閉門日高卧午窓頭
未梳釋子親樹藝飯我以園蔬春月農事興百
室勤荷耨觀賞頗娛心閒讀老氏書茲方亦樂
上何爲歎歸歟

初晴步至蘇灣山

開春苦常陰茲旦喜新霽谷風扇輕溫雲天昇

不覺雲集卷之四

五

氛翳薄遊遵陽阿散步綠水溢園桃紅半舒隄
柳綠初曳高丘鬱嶕嶢故址慨蕪廢昔人既淪
亡今人復流滯

苦雨

淫潦何沉沉浮雲晦昏旦高衢盈塗泥廣澤增
波瀾炎州苦下濕憂來但悲歎有敦瓜蒌新飛
飛埵鳴鶴自余客茲方歲月忽迴換遷移無寧
居喧囂性所憚疾疢時相煎焉能事篇翰願因
凱風至吹彼陰霾散

春日樓居

四野春氣改微和揚緒風新禽鳴前簷庭草綠
丰茸念茲陰陽移歲序已不同憂來傷人心七
情內相攻金石尚銷鑠何況於微躬且但徇所
好無爲鬱忡忡

夏日山齋作

首夏稍清和山齋且高卧榆陰綠滿窓黃鳥鳴
相和沉瘵雖未興短篇聊自課無煩掩荆扉窮
巷何人過

行園

不覺雲集卷之四

六

野墅日多暇山園時一窺新篁漸抽徑高荷初
挺池薔薇紅霧委玫瑰香風披夏菰束堪把春
韭剪離離未捐抱甕勤聊爲餬口資頗嫌石尉
侈言賞潘生嬉肆目無留翫棲心諧所期逍遙
匪外獎勞歌知者誰

列岫樓成示諸友

樓居何巍巍巍巍薄太清璇題浮二曜藻幹垂
列星我吳實隩區山川孕精靈且區象河漢天
目擬高衡伊余無所好夙好幽人貞卜居獲嘉
壤山川互迴縈創規準陰陽面勢以經營前睇
南嶽遙後瞻北麓尊風窓氣迴薄雲戶思杳冥

因之遠眺望遂以居高明既齊榮厚理復違朝
市情簞瓢自足樂千駟庶可輕作詩貽同志悠
悠知我心

王履吉卧病越溪莊携酒相看

南湖新水綠仲月天桃落輕舟焉所如有客卧
山郭憂虞曠故歡言笑諧今諾憐君體虛羸况
苦煩痾作茲晨喜無恙共此花下酌園桑已抽
條徑竹初含種溪清數游鱗場廣觀舞鶴舒散
鬱抱開佳賓勝良藥蠶稼勿苦辛文史可娛樂
願保金石軀時來慰寂寞

王履吉集卷之四

七

正月五日子將往陽朔林愈憲世觀追

錢還珠洞賦五平詩言別

青陽熙初春和颺披炎陳東征遑寧居星言浮
蘭舟朋僚悲分睽壺漿欣追遊攀蘿升危巖觀
魚臨清流山收澄霄雲帆停滄江鷗新禽鳴嚶
嚶同聲知相求玄談騰芬芳深情諧綢繆良因
金蘭嬉非緣疊觥留行行辭嘉賓依依生離憂
陽朔試諸生賦五仄五平詩

振鐸試粵壤升堂趨文儒角藝自古昔揚言蘇
唐虞赫赫列聖典循循先師謨孰謂此速僻

皇風同疆隅朔邑壯以麗山川雄京都豈乏雋
異士思齊游商徒絕谷產豫梓幽渠生蠟珠細
物固若此何云吾人殊泰也甕牖子樛材慙踈
迂一貫昧孔訓多岐悲楊朱未嘆道喪久誰當
開迷途所貴造士者同心希蘇湖

春日思歸賦五仄詩寄王叅政應時

歲律早已變少壯豈再得日月邁隙駒忽忽意
愴惻試上桂嶺望綠野動秀色故國渺萬里矯
首不可即改火靡尺素朔鴈絕羽翼白髮苦短
短攬鏡幾太息別業在茂苑夢寐頗想憶五斗

王履吉集卷之四

八

耻綬冕一命忝翰墨伏誦石尉引更咏晉令什
魯叟嘆肆志蹈海信可則豈慕富與貴所願稼
且穡祗感國士遇未忍遽謝効哲友秉做儻夙
夜務令德念我涸轍鮒煦沫假惠澤徇祿強就
列量已欲解職逝矣舍此去出處各努力

別朱秋官瑞卿

相送城南隅離懷方未已挂櫂繫垂楊冰盤薦
沉李湖陰飛雨來山黑濃雲起若水自東流眷
然念桑梓

送許廷議二首

驅馬出國門，僕夫庸嚴裝。苦辛難具述，千里行
累糧。漠野何蕭條，落日見牛羊。客游慘不樂，靡
靡思故鄉。簡書我所畏，誰能不感傷。君其宗令
名，努力在方剛。

問子逝何之，告我將出宿。昨者銓衡召，佐郡於
鉅鹿。皇居切天樞，冠蓋相馳逐。紛紛青雲士，爾
獨違京轂。抗義寧，顧私居。卑敢辭，辱凡百。敬爾
儀，豈弟神所福。

送戚秀夫宰歸安

宓生蒞單父，言公宰武城。簡易象玄化，絃歌流

大齊先生集卷之四

九

頌。聲信美，越陬牧山川。含淑清，若谿散花竹。風
俗事蠶耕，筐筥率婦子。錢鏤無游氓，我友秉淵
尚。端笏豫休明，分符試茲壤。祗役念遐征，方懷
簡書畏，誰軫別離情。

送沈元材宰桐廬

夙齡慕丘壑，信美聞桐廬。茲邦信可悅，土風清
以舒。端委想至德，朴野類秦餘。婦子勤紡績，昨
庶業樵漁。定山表靈異，珍木秀而踈。漁浦清且
淺，濠梁觀游魚。山谷多逸民，棄世慕長沮。名賢
抗高烈，嚴氏播璫璣。緬茲富春側，清風猶穆如。

蔓草淪荒臺，白雲明廢墟。懷賢諒有述，遊豫樂
只且。坐嘯恢教理，卧治敦化初。不擾絕諍訟，無
爲宿垢祛。槐榆蔭郊邑，鳥雀下庭除。藹藹絃誦
聲，章甫歌下車。惠物維豈弟，約已在謙虛。盛德
若不足，安常故無譽。請誦靖共什，神聽其舍諸。

送謝鳳儀赴蜀

端征迫徂冬，飛旆指長路。川梁阻蛾水，岡巒隱
寒霧。北極控關隘，皇蹕儼攸駐。軒裳歛翔集，介
主共趨赴。多士依光華，朱轂各有慕。燕婉同心
友，佐牧理民務。一麾非卑秩，全蜀式王度。及茲

大齊先生集卷之四

十

方剛，日微猷勉崇樹。

送人奉勅賜慶成王金幣

宗子肅明訓，孝友篤倫綱。邁德抗先烈，令舉式
宣揚。司府亟以聞，皇心豫且康。璽書勤歎獎，
寶鑑兼玄黃。行人實有辭，承命以趨蹌。陳思敬
禮士，枚馬歡游梁。小子颺頌聲，敢曰告多方王。
其秉侯度，夙夜遵典常。

送鄭司訓之瑞安

晨出東都門，送子涉長道。車塗畏霜霰，舟楫苦
氷潦。徂征殊寡歡，執手且相告。騁粵在南服，仲

春宜可到敬敷弘典常多士乃有造授我對菲
辭冀子瓊瑤報

送馬伯交之南康

佐牧南康州在匡廬下香爐天際列瀑布雲
中瀉登臨信可娛簿領知多暇懷賢諒有徵斯
文豈淪謝

送叔兄補之卒業南雍四首

我送叔氏去曰至帝城隅檀車赴脩軌不得少
躊躇游羈翔高冥迅翮歷九區君子抗遐烈焉
能為陋儒名實苟相眩好惡人人殊傷哉荆山

六書集卷之四

主一

璞委之於路衢

女蘿附松柏枝蔓相糾纏如何骨與肉中道自
棄捐伊余少也賤樂有叔氏賢友于篤人綱典
文粲成篇循循孔墨訓夙夜共鑽研何圖人事
乖綿邈阻山川四載始歡聚茲晨復言旋鬱陶
傷我心氣結何能言農天豈憂歲所患無良田
令德崇日新勉之少壯年

來思歲云暮雨雪玄冬陰遄歸季春月朱火赫
將臨九旱稍以蘇膏雨灑芳林槐榆蔭阡陌麥
龍雉文禽感此時物變焉得不傷心黃塵蔽緇

衣何事久滯滯好爵未可縻歲月徒侵尋寄謝
父與母離思誠難任

煌煌 帝京邑制度殊五方觀闕與天侔樞極

奠中央玄雲翼璇臺綺構相輝煌多士影華組
珮玉以趨蹌小人奉薄伎發跡文藝場恭承

王明惠朝右則班行弱質懼罪讐致用異圓方
勢利難久居榮名焉可常腐鼠亦奚為陳義媿

屠羊惜無晨風翼隨子返舊疆

送徐民則游太學

北極奠京轍南離開辟雍日月懸人文三五登

六書集卷之四

主一

皇風群髦若淵海禮讓何從容碩儒秉教典造
士勵懋功君子懷令德嘉會趨雲龍觀光陞庭
下卒業成均中上堂聞絲竹當序列笙鏞道維
周孔規藝則游夏宗尚友志日廣親賢譽斯崇
君其敬自勗聖哲追芳蹤

贈陳真人

清都靈仙宅桂闕雲冥冥龍虎伏紫永日月闕
丹經疑虛駐精照抱魄辭天刑蓮花幻繡闥蒲
萄開錦屏纂組雜星裾橫玉朝帝廷永學長生
術金石擬還齡

贈許徵君彥明

建業據雄勝鍾山凌泰清千年開王氣五色綵
霞明徵君抗高尚家住石頭城還丹鍊紫永服
食斷黃精余昔游藝場逢之於帝京貌類古列
仙傾蓋如平生何年謝朱紱共結滄洲盟

芳樹篇贈董子元

芳樹發華滋結根崇嶽陰上天垂膏澤美蔭周
豐林董生秉奇秀行藝余所欽神水產名駒丹
丘翔文禽華亭實珍敷二陸耀璵琛遙遙曠年
歲鏗爾諧微音曰余忝夙誼綢繆逾斷金陽禹

六書卷之四

圭

聞自昔嵇呂徵在今譬彼九秋翰勁節挺千尋
女難相依託共有凌霄心為山不厭高掘井寧
憚深願言敦久要無如商與參

釋毀篇投高吏部子業

市虎成三人鑠金由衆口無根騰謗辭太潔蒙
瑕垢周公材且聖流言肆譏醜孟軻畏臧倉武
叔讒尼叟古來賢哲人萋菲興左右禮義苟不
愆人言又奚咎君實懷瑾瑜堅貞但自守憤彼
青蠅詩傷哉為疾首

荅沈山人王父

寢跡偃丘牧息交杜絕樞事以沉瘖屏心將墳

素娛緬懷榮綺倫濁季疇與俱干旌徒見求何
似商山芝華榮休文子曠代同風期惠余瑤華
音照乘輝玄珠憶昔童冠齡投契諧笙竿及茲
白首日招隱營田廬陶公誤塵網悔賦歸來辭
折腰良足羞掛冠未為迂偉哉魯連生却秦奮
英奇肆志甘蹈海鴻舉飛九區鳳凰翔高冥鷗
鷖笑藩籬由來賢達人寧顧凡庸嗤君看五湖
長肯羨萬乘師相携遯巖谷偶耕學長沮

題廬師陳所居五塢山房

六書卷之四

圭

吳邦表靈隩山水蘊清嘉緬惟南橫勝玄遠誠
難誇飛泉懸白雲疊嶽樓頽霞連岡盡叢竹密
塢多桃花信美可以居僻性思移家君家南橫
側搜討窮幽遐俯臨北麓峻曲抱南湖斜丹房
闕芝木列墅羅桑麻既寡徵稅憂兼無城市諱
茲樂寧外獎絃組亦何加

四悼四首有引

夫蒙惠廢言期牙絕奏此由存歿之
情深而知疆之感切也死者既不可
作追惟疇昔能無悼乎於是賦四悼

李憲副獻吉

李公海嶽秀長庚兆靈異發穎由西陲空群眎
北冀摘詞追子長作賦凌霄誼虎視萬古前鴻
冥陋衰季徐何抗英特晚達勞指示金聲叶鈞
韶兼總集能事煌煌弘治間文章準天地抗疏
逐城狐挺節詆閹寺八黨雖稽留二張亦飲避
青蠅何群飛白首從吏議淮南自狂謀公也實
奚累繁音臺昔攀嵇龍門幸無棄白馬聆雄談
朱絃賞真趣三復相逢行綢繆伏高義哲人竟
山頽仰止庶可企

李憲副獻吉

主

祝京兆希哲

祝公萬夫特殊質邁古賢錦心粲星羅繡口紛
河縣讀書數行下強記日千言覃思更生博沉
志楊雲玄虞稗漁厥流丘墳掘其源武庫森矛
戟腹笥傾淵泉詠諧識歲星辨議駭談天上譏
湯武疵下刺韓孟憊酒德頌劉伶草聖輕張顛
臨池歛揮翰錯落龍蛇騫一官苦不達斯文良
足傳伊余昔趨侍投贈北征篇慙非陸生材嘆
賞厚茂先大雅不可作太息撫遺編

唐解元伯虎

唐公七尺軀雙瞳睜流電逸氣騰龍駢華詞縛
雲漢連珠擬陸衡廣志準王粲握槩希古人釋
褐冠群彥貝錦忽構譏虎口竟罹患梁獄羞上
書浙省簿為掾灌園聊自娛好客日高宴一諾
輕千金田季世所羨鴻情厭雞鶩思卑斥鷃
逍遙富春遊懷賢發篇翰著書何必多雅什庶
可玩令名垂丹青炳矣高士傳

王太學履吉

三吳富材傑王子絕代英清揚美如玉髯亂宣
令名孝友篤人綱秀敏由天成交醇醉公瑾量

王太學履吉

主

雅欽黃生友文仲徵德乃進師蔡九業以精詞傾
倒峽流賦擲鏘金聲抱璞傷楚和倦游同馬卿
扁舟五湖外放浪甘蓴羹卧病歲消渴耽酒日
沉冥哀鵬一何促夢蝶庵徂傾黃鳥聲孔悲王
樓草已成曰余感夙誼古道嗟彫零

十懷十首有引

夫日月邁於隙駟居處限於風牛是
以詩有契闊之傷騷致莫悲之嘆叙
既往之密歡冀方來之新晤於是賦
十懷

文內翰徵仲

內翰小子師卓行古人傑辭金抗幼齡解組脩
晚節丹青紛雲烟篇翰爛虹蜺瑚璉世所珍昭
代表三絕

顧中丞華玉

中丞何卓犖江左稱賀循材通略王霸學與規
天人忘年締友誼白頭諒如新及時樹奇業圖
畫登麒麟

施憲副聘之

施公挺蒼雪英譽藉九州既欽文翰工再識吏
事優混俗間清濁奉公來謗讎落落千丈松邈
焉真寡傳

田魚事希古

田子奮古閩辭場早騰驟拙宦久爲郎安貧樂
圭竇情希五嶽遊志好中山耐簡易良可親儔
薄竊所陋

鄭文選子京

子京何恂恂儒雅復溫良藻辭薄沈宋玄理宗
老莊賞花羨風流嗜酒慕清狂時爲青白眼厭
俗猶粃糠

高庶憲子崇

高子似簡傲意氣揭青旻沉潛繼揚叟玄妙希
王丞梁園憶傾蓋綢繆洞深情二俊尙可作蘭
玉欽難兄

屠脩撰文升

屠君浙之秀交余爲莫逆叙年類劉廬投誼並
膠漆繾綣諒無嫌患難竟有力千秋太史公高
文永番式

江憲副于順

江兄東特達銳穎脫雖囊少年美白哲論交鏡
肝腸賦窺宋賈室詩登潘陸堂盤根別利器努
力及方剛

王叅政道思

道思負材逸麗敏儕子安稱雄實擅場定霸忽
登壇以吾一日長同心結金蘭商山芝可茹焉
用羈徵官

趙會元景仁

趙郎天下士弱冠捷龍頭文高列兩京學贍窮
九丘辨姦蘇公識食力徐孺俸斯文未墜地之
子紹前脩

悼女林詩有引

女林余之第四女也生于桂林故名

季林性至孝而慧度如成人五歲忽

以疹夭賦此以志痛焉

野蔓委朝露階蘭隕秋霜蘭彫春復滋蔓委時

更芳如何令玉樹一旦埋土岡昨暮呼慈親今

晨卧玄堂柔姿不再覩貞魂去何方夕寢念轉

側曠淪咽中腸空惟聞無人忽若在我傍音微

永隔滅血淚日沾裳脩短諒由天欲遣情難忘

始知卜子夏喪明徒自傷感彼釋氏言輪迴殊

杳茫願結來生因聚首期久長

衡藩重刻胥臺先生集卷之四

元一

衡藩重刻胥臺先生集卷之四

衡藩重刻胥臺先生集卷之五

七言古體

燕京篇效栢梁體

觀魯述所貢獅子歌

夏雲篇

呂梁行

閭門行

夢遊泰山歌

送平虜將軍北伐歌

送大司徒秦公歸梁溪草堂歌

送文內翰還山歌

送陳少參魯南之江西

匡廬行送王太守公濟

鳳凰臺行送楊用德

送江子春之金陵

太華山歌送張邦孚宰三原

送陸子玄遊秦嶽

送沈山人玉父遊武夷

送仲兄尚之季弟紹之同鯉姪赴試留都

寄趙參政鴻達

衡藩重刻胥臺先生集卷之五

一

江生行

贈中洲徐山人歌

喻將軍歌

月夜飲浮玉山醉贈長谷山人歌

贈邵仲材太守

越吟

南中作效高達夫體

六書集卷之五

二

衡藩重刻胥臺先生集卷之五

明吳郡胥臺山人表奏未之甫著

長洲後學甥甥張燾蕭甫校

燕京篇效栢梁體

恭承明詔游皇都皇都巍巍壯規模彤宮綺構

承明廬日月照耀紛丹朱王氣鬱律朝夕殊遼

海萬里包彊隅長城迢遙塞外孤西摧吐蕃北

備胡居庸刁斗接延榆黃花原頭青草枯諸軍

齊挽繡螭弧控絃鳴鐃隨飛鳥百金選士出屠

沽六郡良家分虎符羽林期門盡虬須殿中宿

衛執金吾 天王雍容恢廟謨細旃廣厦論唐

虞石渠金馬侍鴻儒衝牙珮玉咸碩膚耆鍾擊

鼓百辟趨橐弓戢矢荷歡娛郡縣述職董征輸

蠻夷通道求無虞泰階清夷啓亨衢玉衡順軌

七政敷皇都萬年正天樞願我 皇帝壽考與

天俱

觀魯迷所貢獅子歌有序

皇帝嗣服之五載魯迷重譯貢後貌焉時奏筵

仕京師薄觀千四夷館退作歌以風

魯迷迢迢遠在崑崙西叩關通道貢後貌絕漠

六書集卷之五

三一

知重幾萬譚跋涉流沙經月氏初從羈縻就屬
國傾城聚觀途路塞寧題城脰苦維繫豹聊為
韝鐵銜勒尾如流星氣憑陵隅目燭地思奔騰
四蹄蹴躡毛髮竦瘦脊碑兀排鋒稜崩雷掣電
望風吼青兕辟易玄罷走畜夫股栗不敢前壯
士變色將無狃奚奴綠髯深眼睛戟手虺髻
胡繆須吏輟引藁街下俛首帖耳猶長鳴
此豢養恩深敢辭辱始知丹青貌不同彷彿山
海圖經中上林已開射熊館天子賜見長楊

天香齋集卷五

四

宮虎賁如雲兵衛列彊努短刀防噬囓詔謂圍
人破檻車玉階舞蹈龍顏悅我聞異物不可馴
袒褐擾之如有神水衡寶鑑勅頒賜不惜金錢
懷遠人嗚呼明王慎德卑遠略珍禽奇獸須教
却周征白狼荒服叛漢閉玉門歌頌作先朝故
事傳敬皇魯迷款塞曾來王當時謝却仰明
聖萬古史冊生輝光今皇端拱勤內治夷德
無厭惟嗜利何當破械縱山林厚賞金繒絕來
使

夏雲篇 館試

禁城佳氣接丹丘層巒疊嶂夏雲稠初從火井
溫泉起復向蒼梧赤水流炎帝龍旂來蜿蜒祝
融鸞駟鳴啾啾九疑突兀開三輔五嶽續紛列
十洲乍看仙掌蓮花動復見天都太乙浮聚散
長依鳩鵲觀卷舒時繞鳳凰樓漢家官闕排雲
上飛軒曲榭紛相嚮柱嶺遙連北斗高瑯臺互
對西山爽翳翠翩翩戲錦波芙蓉處處迷蘭漿
禁殿披香望翠華行宮避暑迎仙仗水檻風簾
六月秋炎蒸不到鳳池頭誰憐塞外征人苦揮
汗褰帷戰未休

天香齋集卷五

五

呂梁行

吾聞呂梁懸水三十仞盤渦流沫舟難進萬石
巉巖利如戟諸山決裂湍尤峻徂徠五月泉水
惡倒地崩雷赴空壑錦浪桃花夾岸高銀河瀑
布當空落鳴鏑打鼓齊發船百夫挽之不得前
連艦巨筏幾摧折置乳鯨吞爭沸淵誰言一葦
輕可渡強弩射潮潮益怒天吳恃險河伯驕帝
閭重重那可訴憶昔神禹疏九河龍門砥柱功
最多地平天成九疇叙然後懷襄底定無洪波
自從漢塞宣房始河決滎陽凡幾徙遙憐遷客

賦黃樓猶有行人歌瓠子 文皇卜昂都北平
轉漕直達幽州城踰淮歷濟趨輻輳軍輸國計
勞經營當時呂梁多險阨萬國矜畏徭役疏
渠鑿石殺水怒遺事猶說平江伯只今水利多
是非 天子盱食仍宵衣司農漕粟阻不進使
者樓船捷若飛江淮連年苦彫瘁運餉誰當念
勞勤吁嗟安危有公等白面書生安敢議

閶門行

閶門巍巍運紫極疊雉崇墉控疆域飛梁作鎮
限關津廣市開場通貨殖土風清嘉想端委里

不齊書卷卷五

太

閑驕奢誇鼎食城中綺構排雲起城外青槐當
路植梁鴻橋下柳千條泰伯祠前花萬色紅塵
日晚驅雕輦碧草春來迷玉勒魚鑰彤彤開宅
第夾道雲霓對迢迢駕鸞織就綴文茵翡翠裁
來救寶髻橫塘二月春氣濃中流盡鷁看搖曳
陌上行行霧縠紛花間往往牙櫓繫公子前溪
唱豔詞佳入子夜翻新製朝朝簫鼓出城闌夜
夜蘭燈迎水裔憶昔夫差全盛時離宮望幸駐
行麾錦帆涇遠菱歌緩銷夏灣深彩仗移走狗
鬪雞心未厭穿池鑿石游難徧初從雲嶠起郊

臺更向花洲開別殿雋廊香徑何容與冰簾水
檻疑無暑書觀劍客舞青萍夜引西施歌白苧
爭長黃池干夏盟雋李曾樓勁越兵舟師電發
舳艫出壁壘星攢組練明自謂千秋長若斯豈
意一朝人事改愁見荒臺麋鹿游可憐故國山
河在吳王昔日起閶門法象天居擬至尊豪華
轉燭何終極世事悠悠寧足論

大中丞胡公巡撫山東走使邀余遊泰

山以病不赴作夢遊泰山歌以謝

我聞泰岱五嶽之所宗巍乎高哉拔起摩蒼穹

不齊書卷卷五

七

天門日月相避隱勢壓九服何其雄扶桑碣石
眈在下安論鳬繹連龜蒙宵夢憑陵騎六龍足
躡列缺驅冷風捫參歷井上日觀飄飄直謁元
君宮白榆赤桂夾御道中有頗如桃花膚瑩玉
雪綠髮皓齒十五雙金童手持靈訣授我讀科
斗奇字殊難通凡胎俗骨不可換覺來相失滄
溟東朝逢海上青鳥使邀我速遊登岱宗開緘
長跪讀數過星文雲篆恍與夢寐同尚平婚嫁
未畢累長卿卧病還書空何當白日生羽翼飛
上泰岱絕頂第一之高峰

送平虜將軍北伐歌

胡人牧馬窺長城五原烽火通燕京檄書忽報
雲中急羽騎遙徵上谷兵榆關二月猶飛雪朔
風蕭蕭寶刀折士憤天驕未請和人言頡利甘
擒滅我皇按劍徵虎賁元戎專征出薊門明
光殿前授斧鉞介冑不拜何其尊百金選士盡
虓虎六郡良家充部伍旌旗蔽日奮橫行組練
如雲遙禦侮御校疾走提天戈刁斗不設斥堠
多射鵰夜沒燕然石飲馬朝乾瀚海波悲笳亂
奏黃雲起鼙鼓喧喧振邊鄙太白高懸細柳營

大書卷之五

八

烏號齊發天山矢寒帷歛衽駭星電魚麗左右
窮合散挽槍迅掃王庭空三軍餘怒猶思戰桓
桓嫖姚驍且雄腰間象弭韜彤弓指揮玉匣謀
中野赫奕金貂參上公轅門露布馳奏捷凱歌
歸來暮春月草暗龍沙班馬嘶花深疏勒征軺
發禁中頗牧奇六出關外咸遵丈人律誰言彊
場難遙度樽俎折衝知有術宣王中興調六符
車攻吉日弘廟謨萬邦文武憲吉甫他日凌烟
看畫圖

送大司徒秦公歸梁溪草堂歌

司徒拂衣歸梁溪梁溪草堂雲樹迷金章紫綬
嬾朝謁鶴望幅巾歸杖藜丈夫出處各有時尚
書八座官不卑浮雲富貴須更事且向商山歌
紫芝勲烈如公古來少掛冠都門亦何早手調
六計致太平位歷三朝號元老今皇訪落萬
事改先朝耆舊登卿宰鸞翔鵠立有公等廟堂
隱隱生丰采五侯七貴多帝親氣壓梁寶誰敢
嗔危言抗疏至尊喜詔割膏腴還小民蒼頭使
者恣饕餮者海為鹽擅金穴苞苴如山不敢售
以此中官俱不悅司徒恂恂一儒者節槩干霄

大書卷之五

九

寧少假封章上乞賜骸骨朝坐雲臺暮田野天
恩浩蕩降璽書馳驛畫錦歸故廬裴公綠野名
逾重謝傳東山樂有餘誰言直道多遭譴秦趙
高風誰不羨路傍行人咸嘆息昨者臺諫交章
薦即今西北胡虜強邊戍日夜徵衣糧顧公強
為蒼生起談笑滅胡報天子

送文內翰徵仲還山歌

朔風吹沙地欲裂燕京十月多霜雪郭隗臺前
落葉飛武侯祠下行人別憶昨徵書下玉京公
車薦士達承明蒲輪速致商山皓束帛能招魯

兩生丈人家住梁鴻里弱冠爲儒事文史不獨
新詩繼國風自有芳名動人耳五侯持書求識
面群公走幣要相見懸黎結綠欲增價御李爭
誇承顧盼讀書萬卷不逢時獻策金陵悲數奇
石湖未減東山興茂死空吟梁父詞買臣五十
方就辟白首揚雄猶執戟校書天祿奉奎章待
詔金門宣制冊秋風一夜思鱸魚乞歸新捧紫
泥書誰能忍耻事干謁懶學相如獻子虛客星
浮沉辭帝座直道難容文寡和江驛梅花悵
遠離柴桑松竹宜高卧憐余薄宦滯京華北馬

六書卷之五

十

南歸每憶家何日拂衣三島去時來問字有侯
芭

送陳少參魯南之江西

金章荷聖恩辭出大明門驛路雲千里都亭酒
一尊康郎城邊春水發滕王閣上懸新月輕帆
直下疾於飛幾日看山遍吳越楊雄白首薦公
車曾作詞臣侍石渠直道自甘終放棄高才誰
肯借吹噓潘參四品官不薄豫章猶勝長沙惡
簿書錢穀亦何勞十載功名至方岳春來彭蠡
鴈難聞江草江花春暮雲南歸正及鱸魚養真

北相思不見君

匡廬行送王太守公濟

匡廬何重重秀出香爐峰層巒蔽日月疊嶂攢
芙蓉天河倒傾瀑布裂毒霧連山晝明滅長風
萬里吹海門彭蠡波濤滾飛雪我聞匡廬山中
有古列仙丹房粲靈芝石室開青蓮使君澶淵
驄馬客刺史今爲二千石去年剖竹官平陽平
陽古稱堯帝疆土風儉嗇民務簡山水豈得如
南康傑本草野人好遊慕子長訪道遍五嶽所
志在四方與君有神交相逢燕市傍側聞匡廬

六書卷之五

土

勝言之安可詳何能生羽翼天路相翱翔

鳳凰臺行送楊用德

鳳凰臺在五雲中天門照耀高皇宮鍾山岩
嵒蔽日月江水直與銀河通長淮二月水已泮
君到春衣猶未換千條楊柳映紅樓十里荷花
開錦屏憐君拜官廷尉平躍馬朝朝出買城太
平堤上鳴珂散玄武湖頭擁蓋行青袍皂帽人
人羨三十爲郎官不賤相如未受漢主知賈生
不得吳公薦金陵山水最清妍法曹無事只高
眠養生或注參同契閉戶惟應草太玄看君還

是悠悠者名位不久居人下別後無令尺素稀
定有新詩繼風雅

送江于春之金陵

燕山正月梨花多行人幾日發滹沱山長水遠
不忍別執手聽我驪駒歌憶昨抱策干天子
王陽結綬貢公喜紛紛豪俊不如君落落交游
能有幾君家兄弟世所無雄詞逸思機雲徒囊
中白刃新脫穎歷上健駒思過都中朝江揔真
俠客獨抱奇材人莫識人言表生真腐儒惟爾
與吾為莫逆讀書秘省一無成卧病文園類馬

不韋先生集卷之五

十一

卿疎慵頗遭世俗議貧賤不免兒曹輕人生榮
辱難自料虛名翻被旁人笑買臣五十運始通
劉向十年官不調今君作宦向金陵河漢浮槎
望使星莫辭案牘勞終日猶勝山林老一經

太華山歌送張邦孚宰三原

迢迢太華山縹緲霄漢間左控桃林塞右走藍
田關仙人掌上長雲雨明星玉女空中起沃野
茫茫白鹿原濁涇浩浩黃河水張君山西美丈
夫朱唇白面閑且都官階七品墨作綬專制百
里銅爲符君今別我三原去寒日蒼蒼隱黃霧

關外胡沙不見人隴頭落葉紛無數去年浮沉
金馬門惟君年少最相親看君棲棲不得意似
厭奔走隨風塵男兒樹立貴不朽功名肯落他
人後楊雄不羞執戟郎汲黯豈薄淮陽守世人
往往輕儒生材具如君那可輕此行慙試牛刀
利萬里驂騑自有程

送陸子玄游秦嶽

有客手珮蒼精龍告我速游登岱宗岱宗根蟠
九百里絕頂上有秦時封金泥玉笥秘難見古
文奇字誰能辨日觀遙看碣石津雲峰正對蓬

不韋先生集卷之五

十一

萊殿海中鰲身應天黑三山湧出神仙宅貝闕
參差結層樓珠宮掩映藏蛟室君登秦嶽觀滄
海九州四瀆皆安在堂上遺音想絲竹壁間經
傳尋魚亥丈夫所志在蓬桑焉能局促籠中藏
看君一劍行萬里五嶽之遊自茲始

送沈山人王父游武夷

武夷三十六高峰磊砢削壁何重重清溪九曲
似明鏡曲曲倒浸青芙蓉仙人控鶴去已杳沈
主好奇快幽討禮斗壇前吹紫簫昇真洞口探
瑤草幔亭冥罷寂無聞何日虹梁度綵雲仙籍

倘書余姓字齋心同謁武夷君

送仲兄尚之季弟紹之同鯉姪赴試留

都

金陵帝子宅 大聖開洪基千年王氣鬱長在
石頭為城江作池我 明人才邁前古天網磊
何羅英奇梗楠豫梓構清廟大澤深山方有之
吾家兄弟在人口八元數協高陽期仲兄詞鋒
泮秋水季子腹笥雲烟披一雙明月出海底光
彩照耀珊瑚枝阿咸昂昂千里足追風逐電誰
能羈長干市上昔同醉玄武湖畔常相隨荷花

八言集卷之五

西

兩岸爛紅錦楊柳樹樹啼黃鸝鳳凰臺李白
朽但見麋鹿游荒陂登高懷古幾悲詫酒徒詞
客今留誰當年釣鰲差快意此日荷鋤聊爾為
朱輪繡轂豈不好巢許夔龍各有時男兒所志
萬人敵肯學斥鷃棲藩籬今之董賈正克輩棄
縑早受 明王知

寄趙叅政鴻逵有引

趙君給事黃門十年不遷久之擢叅
政山西超然罷歸余夙投末誼欽慕
高軌爰寄此篇

龐萌掛冠去疏傳拂衣歸昔賢抗遐烈夫子亦
知幾十年給事黃門裏富貴何心戀青紫鸚鵡
豈受腐鼠嚇逸驥幸脫鹽車耻風波久識宦途
危長公陶令是吾師山芝野蕨俱堪採安用高
車駟馬為

江生行

余試吏刑曹江生實同官焉惠而好
我為作江生行江生名以達字于順
江生江生真鳳雛磊落自與常人殊題詩往往
凌二陸作賦直欲追三都前年與君通仕籍看

八言集卷之五

五

花走遍長安陌白晷爭誇美少年高材那識文
章伯 君王好士開石渠明珠暗投空上書相
如不逢楊得意左右誰能薦子虛自從署職刑
曹裡日晏含香吟未已頗厭公庭理簿書時從
退食觀文史見君詞鋒如利鏑巧匠運斤無斧
鑿黃金白璧價本定大呂玄鍾時問作我曹狂
簡慕古人十年結客誰相親致身強欲干名利
開口率爾談經綸危言每與流俗忤野人苦不
通時務李邕曾觀中秘書楊雄未獻河東賦天
曹昨者召為郎腰間新綰象牙章閉門細究刑

名義對吏何辭案牘忙悠悠竊祿真無補風夜
驅馳入司府感君雅意頗優容置腹傾心忘爾
我袖中出示瑤華篇滿堂共駭蛟龍騫託交盡
在青雲上然諾豈徒杯酒前論文靡靡日不倦
況也高談多口辨源委遙追大雅還體裁近詭
黃初變世人是古遂非今鍾期不作誰知音看
君自負亦不淺謂我粗知郢客吟國風冲融崇
典則弘治以來宗匠出步驟時窺作者心掃除
實賴諸公力顧我繩樞實不才自甘樗散棄蒿
萊追攀屈宋他年事任爾橫行萬里來

中洲歌贈徐山人

我聞十洲在海中蓬萊高切玄霄宮仙房帝館
香難測璇題銀榜遙相通清虛邈與人世絕中
有群仙盡綠髮吸露朝朝飲玉漿餐霞夜夜和
金屑秦皇漢武昔好仙東方徐市何其賢靈藥
空求勞入海大丹難就想昇天徐公磊落滄海
客虬髯方瞳身七尺仗劍曾排閭闔門掛瓢直
向扶桑側嗟余頗好逍遙遊與爾相期到十洲
塵世糝糠真可厭笑騎白鹿上丹丘

喻將軍歌

喻將軍好武兼好文生駒走似電百步一
鏃紅心分狂歌痛飲酒數斗琵琶短箭不停手
雄心俠氣何翩翩論交豈在相知久男兒負材
多好竒匈奴未滅家何為君不見漢之霍衛起
奴隸高牙大纛湏自致

月夜飲浮玉山醉贈長谷山人歌

山人載酒來山中邀余浮玉山頭飲青天張幕
月為燭蒼苔布席石為枕風吹玻璃鏡湖碎烟
開芙蓉畫屏翠試問空山千載來誰如狂客今
宵醉吳興山水勝輞川山人近買若谿田自言

天香臺集卷五

七

堪輿術甚妙謂得景純書秘傳野人無家思卜
築欲向湖頭縛茅屋他日期君好結隣放浪漁
樵一生足

邵成都仲材過飲草堂醉贈短歌

君不見石崇金谷今安在謝安東山陵谷改人
生忽若草頭露河清海變誰能待成都太守休
嘆嗟當年同看長安花一朝掛冠武林下荷鋤
學種青門瓜世間翻覆無不有浮雲富貴真為
狗何用長存身後名祇須痛飲杯中酒君家兄
第二陸才黑頭早賦歸去來古人往往困屠釣

我輩落落俱蒿萊西湖春來淨如鏡南峰北峰
翠相映六橋烟柳隱漁舟孤山草樹迷樵徑林
逋逝矣不可攀千秋放鶴何時還與君笑傲拂
衣去流水桃花心自閒

越吟

久為越人能越吟悵然不樂非吾土一身寄食
羞賤貧百事傷懷歷辛苦馮驩無魚彈缺歌翟
公之門雀可羅世情炎涼古尚爾交態反覆今
如何仲尼棲棲曾不耻買臣未遇困妻子人生
窮達誰自知丈夫毋為失路悲

南中作效高適夫體

太

僕本橫塘一漁父釣竿三尺常為伍白首惟堪
老布衣折腰豈願趨官府自從天子放歸吳
茅屋荒涼住五湖窮巷杜門辭俗客薄田餬口
著潛夫誰知世事如翻手公車誤薦收枯朽富
貴功名笑等閒東西南北勞奔走桂林卑濕已
難論象郡炎蒸愁殺人身在瘴鄉生是寄路逢
蠻賊死為鄰由來青紫非吾意封侯拜相英雄
事果輩都無少壯心荷鋤且徇烟霞志浮海居
夷愧孔丘茹芝飲水更何憂明朝拂袖還山去

鴻鵠冥冥不可求

漁藩重刻胥臺先生集卷之五

六集卷之五

九

衡藩重刻胥臺先生集卷之六

五言近體

大駕視牲南郊

齋宿院署

人日齋居雪霽

大明門候駕

五日 賜百官綵扇壽絲縷

西苑秋望二首

頒曆

至日

大胥臺集卷六

大廷尉江陰湯公命賦四題一陰曹子三

侍講筵三頒書四讀卷叙異數云

人日宴石湖草堂同諸文學分韻得星字

人日宴蘇司馬惟和宅

元夕戴烏程獻之携酒慈感寺

上元日觀社石湖遂留草堂觀燈

正月十五夜

上巳脩禊天池同文太史

五日

夏日庄居五首

同諸文學避暑石湖二首

立秋日獄中作

新涼

秋

七夕飲吳太學次明宅

中元夜同王子美朱日宣行春橋看月二

首

秋熟

中秋之閏宴王履上草堂

吳興中秋對月

大胥臺集卷六

八月十三夜行春橋賞月

十四夜待月上方山

十五夜飲第六弟山樓不見月

十六夜列岫樓雨

十七夜再過行春橋賞月

九日桂嶺宴集

九日渡黃河作

憑虛閣宴蔡丈九達

張園賞牡丹作

同王太守公濟查駕部國瑞張負外永清

再過張園

侍宴宮諭張師宅

宿高吏部子業西園

宴浮玉山同王判官天雨

邵文化携酒山樓

王貧外汝化過飲桃花園

文內翰過飲列岫樓

湯錄事右卿石湖舟宴

徐錦衣東園餞龔諭德鳴治

宴徐錦衣宅

六韋集卷六

三

真州宴蔣參政子雲

陳少叅李叅戎邀宴立魚巖

宴虎丘竹亭同章廉叔徐子言

趙職方子衡過訪橫塘別業

陳杭州魯得夜叩山扉留飲

馬大叅順卿過橫塘言別

飲芙蓉桂花下

仇侯園池三首

鏡光閣

玉泉山

功德寺

達磨洞

大報恩寺

鍾山

自龍江泛舟至燕子磯

觀音閣

靈谷寺

鷄鳴山塔上

同王少叅在叔陳職方魯得登天禧寺塔

金山

六韋集卷六

四

廣陵對菊簡朱侍御子禮

天寧寺同子禮

摘星樓

高座寺訪宗伯昭

宿天界寺半峰房二首

夜發松陵

入越

吳山旅宿

紫陽菴

昭慶寺

淨慈寺

宿靈隱寺

孤山

玉泉觀魚

冷泉亭

飛來峰

宿中天竺

六橋

仲春同施憲副聘之遊峴山看花胡村登

浮玉而歸賦詩三首

太常寺集卷六

五

碧浪湖

湖頭坐

歸雲庵宿

同陳教授士仁劉推官孟材唐主事子鎮

登道場山作

峴山同劉孟材觀雪

靈巖

雪中遊虎丘

登寶華諸山

雨中遊虎丘

虎丘塔王太史繩武同賦

避暑鄧尉山閣

同文太史徵仲方山人質父過幻住庵

寶帶橋與履吉同賦

蓮蕩舟宴二首

韓氏賞菊

湯右卿自江陰致菊四種

山樓成

伯兄園池三首

園居秋霽文休承過訪

太常寺集卷六

六

病瘍初愈文太史過訪

卜居橫塘作

蒼梧作

春去

憶橫塘別業

謁柳祠

謁劉賢良祠

賓州逢馬侍御君卿

南寧報北虜再入山西

烏蠻灘

昭潭見雪

自柳至平樂書所見五首

虞山別藩臬諸寅長三首

唐永州國秀招遊朝陽淡巖二首

浯溪

岳陽樓

東林寺

仙人何處所

客至

鎖院聞潞賊消息

大集卷之六

七

獄中始見二毛

聞蟬

見螢火

苦雨

伯兄至

伯兄至不得即見

又客

自嘆

聞召

學稼

種竹

竹下

新茶

山院芭蕉花開有甘露可食

楊花

燕

招鶴二首

送少宰溫公歸省三首

送管汝濟使韓府

送林中丞

大集卷之六

八

送大方伯金陵顧公

送劉京兆獻甫北上

送陳德夫使魯

送陳侍御原習謫教海陽

送人謫全湘

送錢振之出守肇慶

送張行之飭兵榆林

送陸德儒守漳州

送魏冬官師召權稅蕪湖

送樊少南二首

送邵仲德戍漳州

送沈明之改守霍州

送黃士尚宰仁和

送胡子忠

送顧秋官伯從赴留都

廣陵送田敬叔二首

送王汝化

送王太守懋德入覲二首

送李侍御伯瑞歸成都

送王道思提學山東

六書集卷六

九

送勞員外赴留都

送陳士仁之官留都

送王侍御子正之官長沙

送沈侍御中甫按江西

送翁僉事德宏之官嶺南二首

送馬太守抑之歸大梁

送何給事善充守衡州

送人之潮陽

送人使琉球

送鄧司諭宰政和

送湯廣文之安吉

送朱尹敬之赴召

送賀尹應璧赴召

送人官吉府良醫

送許仲貽會試

送楊子任會試

送趙子衡就試浙中

送王元案會試

送章伯庸會試

送文一壽承王九祿之卒業治平寺二首

六書集卷六

十

送喻秀才還成都

送伯兄赴任臨江

送吳明仲會試二首

送陳啓之讀書西洞庭

送叔兄與之游太學二首

送紹之弟赴試

送陸幼靈

送楊子任憲囚福建

送僧還金山

送翁仁甫按察四川五首

送蘇惟和北上二首

送張憲副國信還巴陵

送王蘇州子正入覲

分題得百花洲送王子正

送仲兄尚之赴試北都二首

送陳司訓教諭丹陽

送舒侍御紹安還朝

送慧公之京

送慧公住持寒山寺

贈施聘之

天香花集卷六

十一

贈何伯直

贈焦將軍

贈白都閫

賦得采石渚贈馬員外嘯卿

贈嘉定尹李資坤

贈邢處士麗文

贈湯太學子重

贈鄭山人

贈峴山際和尚

贈紀山人

贈武林余道士

訪都太僕玄敬南濠書院

訪呂山人彈琵琶

湖上別王負外道思

簡王直夫博士

寄高子業吏部

寄凌司訓時東

寄楊用脩太史

寄王蘇州子正

寄題王履吉越溪庄三首

天香花集卷六

十二

題徐太守沙岡別業

和湯右卿客游燕臺懷故國之什

次大司馬總督蔡公途中言懷二首

答曾參政懋遠

答李淮安子中

答程客見懷

哭琴士張大本

少司空永康徐公挽歌二首

大廷尉江陰湯公挽歌二首

哭王履吉二首 張貞女二首

衡藩重刻胥臺先生集卷之六

明吳郡胥臺山人袁袞永之甫著

長洲後學甥葵亭張憲蕭甫校

大駕視牲南郊

大路調仙馭朱旗列禁城 帝牛三月繫田燭

九衢明日垂龍旒出山將綵旄迎橫汾卑漢詠

裡祀秉皇情

齋宿院署

璧薦崇元日郊禋戒百工泰壇雲霧裡象輅羽

儀中越席陳陽位玄端處法宮甘泉徒欲賦文

六書集卷之六

十一

藻嫺楊雄

人日齋居雪霽

瑞雪逢人日克年感物華水從銀漢落山繞玉

關斜帳殿披晴靄郊宮闕綵霞今朝禁城望無

樹不飛花

大明門候駕

虎旅驅中道鈞陳警六飛園丘群望畢宣室受

釐歸旭日迎芝蓋晴雲拂羽旂笙歌前路擁拜

舞接光輝

五日 賜百官綵扇壽絲縷

鳳詔傳中使雕函出尚方翦裁明月滿絲曳綵

雲長組織觀文藻吹噓荷寵光南薰迎律動

聖壽與時康

西苑秋望二首

星樞嚴禁日觀表黃圖華闕中天起瑯臺冠

嶽孤九門環太液三島祕方壺王氣自朝夕清

秋雲物殊

列職僊曹末長趨廣內遊離宮開水榭馳道亘

花洲荷氣薰衣麝泉聲引玉騶金莖雙立處遙

望露華浮

六書集卷之六

古

頒曆

一玉頒曆象七政理虧盈斗柄臨黃道龍躔指

玉衡攝提貞日馭析木會天行載驗保章氏因

思洛下閎

至日

雲物指昭回玄冥霽色開飛灰占密室銅渾測

靈臺鳳至知時變星迴感歲來垂衣仰玄嘿稽

首咏康哉

大廷尉江陰湯公命賦四題一蔭胄子

二侍講筵三頒書四讀卷叙異數云

蘇子平反久虞廷奏績殊恩波霄漢下禮樂
雖場世祿雲仍美孫謀燕翼圖三槐早已植扶
目奮天衢

虎視橫經地鵷行侍從臣衮衣高黼座環珮擁
佩宸論列絲綸密光華日月親長陪栢梁宴時
奉屬車塵

皇訓三言切天章五色流恩頒中使渥詔出尚
方優秘府徵文獻儒林喜校讐璚函兼玉軸只
尺對龍旒

哲后臨軒日王賓觀國時五雲翔紫極三策奏

全書卷之六

十五

彤墀寶鑑瑤琨貴餐羞水陸奇瓊林恣歡燕親
聽食華詩

人日宴石湖草堂同諸文學分韻得星
字

獻歲逢人日開筵聚德星和風喧谷鳥淑氣轉
堦萸結勝花爭綵迎春柳變青草堂歡賞洽誰
復羨蘭亭

人日宴蘇司馬惟和宅

相邀人日宴喜見使星輝舊許論心密今憐會
面稀山城新月上江館落梅飛更聽懸河聲

厭夜不歸

元夕戴烏程獻之携酒慈感寺

清宵張綺席上客集華纓月競花燈豔風飄玉
漏聲舞人呈百戲歌管沸千城旅思逢佳節飛
觴細細傾

上元日觀社石湖遂留草堂觀燈

簫鼓喧春社煙花集夜筵寶燈明大地火樹照
龍天清梵香風度祥輪綵月懸誰憐多病客寂
寞獨參禪

正月十五夜

全書卷之六

未

魚鑰通宵啟紅粧作隊行穿花絲管急踏月馬
蹄輕歌雜平陽舞燈疑不夜城四方幸無事長
此樂昇平

上巳脩禊天池同文太史

被袂乘春暮名賢此地臨清池魚躍藻蘋竹
成林鄭女遺蘭葉金人戲水心茲游真極樂何
以異山陰

五日

客邸逢陽午羈愁苦憶家虎符分大內龍艦闢
晴沙角觝千官戲瓊杯九節花子牟江海士空

復戀京華

夏日庄居五首

一畝自為宅五湖聊可家
門陰徵士柳園熟故侯
瓜脫粟歲堪飽濁醪時
肯賒誰能慕簪紱終不
換煙霞

曰家殊作苦今歲復恒暘
憂旱思驅魃祈年笑暴
疋且耽河朔飲頗厭枯
棹忙病暑成消渴時尋
肘後方

門前新漲滿恰好沒漁磯
下釣驚鵝浴開簾放燕
飛納涼憑水檻習靜掩
山扉蕭散無拘束林

天全先生集卷六

七

泉志不違

樓閣層霄上河山四望通
開襟迎爽氣捲幔納雄
風登眺身逾健琴尊興
不空日長無一事高枕
北窓中

山居嫌寂寞賴有問奇人
束帶真吾懶科頭仕
爾嗔論文慙客難携酒
慰家貧未得同沮溺虛
名累此身

同諸文學避暑石湖二首

理棹泛湖陰停橈占水心
風簾煩暑隔水檻薄寒
侵劇飲方河朔良儔選
竹林蓬壺何處是只

向此中尋

綵鷁浮天上紅粧照鏡中
歌翻金縷曲人住水晶
宮醪酊山公似清狂賀
監同歸舟不惜晚為戀
舞雩風

立秋日獄中作

秋風來紫極爽氣入黃圖
草木川原改乾坤歲
月徂蕭條悲宋玉岐路
哭楊朱束縛緣何事真
成一腐儒

新涼

好雨消殘暑輕雲澹素秋
水亭荷氣入山館樹

金華先生集卷六

八

陰稠冰簟風生穀細簾
月上鉤聽歌感時物大
火已西流

秋

秋氣入虛館澹然神思清
風泉滿幽聽瞻此間
居情丹楓霜後落白雲
天際生考槃復何事臨
流歌濯纓

七夕飲吳太學次明宅

華館同心侶佳辰濁酒杯
斷虹沉古堞疎雨送
輕雷靈寢天河隔僊旌
閣道迴那堪事機杼悵
望鵲橋隈

中元夜同王子美朱日宣行春橋看月

二首

共賞中元節來陪達旦遊月當今夜好客為故人留皓魄渾疑畫寒光更挾秋乘槎吾與發直欲問牽牛

月白蟾疑動秋清桂欲彫金波浮綺席彩暈射星橋雲過袁宏嘯風傳子晉簫遙思牛渚會未必勝今宵

秋熱

吳地何卑濕秋天尚鬱蒸大雲殊少雨赤日但

六韋先生集卷六

尤

多蠅喝憶金莖露涼思玉井冰秋應河朔好痛飲酒如澁

中秋之閑宴王履吉草堂

燕賞憐秋半朋遊選閨餘月當瑤夕滿雲向絳河舒籟靜荷香發霜清桂影疎袁宏興不淺雕藻媿瓊琚

吳興中秋對月

瑤空懸朗月銀漢滅纖雲人在他鄉看秋從今夜分光疑浮露氣魄散掩星文何事南飛鴈悲哀不可聞

八月十三夜行春橋賞月

皎月昇清漢金波散碧端光搖牛渚動氣歛鵲橋寒乍擬弓將滿還愁扇未圓不能明達旦秉燭盡餘歡

十四夜待月上方山

憑高臨寶地選勝陟旃丘海涌金輪出風驅綵霧收素娥懸鏡照神女弄珠遊彷彿登綏嶺簫笙滿十洲

十五夜飲第六弟山樓不見月

花萼樓頭月清輝竟黯然翻憐三五夜不見十

六韋先生集卷六

十

分圓陰霧沉朱戶浮雲暗錦筵無由開寶匣一照玉臺前

十六夜列岫樓雨

今夕是何夕雨聲殊未乾月從他處照人擬隔年看鬼怯秋毫濕蟾愁桂樹殘更樓空獨倚對酒若為歡

十七夜再過行春橋賞月

皓魄憐微缺清光喜倍多水壺浮桂影素練展湖波水即通銀漢橋疑跨絳河人間無此地只向廣寒過

九日桂嶺宴集

鳳嶺攀叢桂重陽賞令辰花開金粟樹酒送白衣人翠靄圍歌席香風逐舞塵龍山今日醉落帽任吾真

九日渡黃河作

河水出崑崙湯湯日夜奔波濤萬壑湧風雨二儀昏洛邑中天室函關左孟門百年戎馬地眺望一銷魂

憑虛閣宴蔡丈九達

複道飛樓出懸崖雜樹交山川雄地紀井甸散

太書集卷之六

三

皇郊蘿幌樓龍象風林落鸛巢逍遙歡賞冷竹裏促行庖

張園賞牡丹作

戚里園亭好名花惜看遲雕闌圍百寶金谷關連枝紫說平頭勝紅誇夾瓣奇洛陽何足數爭似習家池

同王太守公濟查駕部國瑞張負外永

清再過張園

五馬聯鑣出千花複徑開綵霞迷望去香霧逐人來雜戲陳風榭華筵敞露臺諸公能賦者不

魏大夫材

侍宴宮論張師宅

侍從台階迥宮僚地望尊敢攀徐稚榻許過鄭玄門水檻紅蕖出風簾翠篠翻晚涼無暑氣高樹夏禽喧

宿高吏部子業西園

別業西郊外相邀興不孤入門惟果木當徑即庖厨狂簡真吾黨浮沉魏腐儒為農豈君意聊此著潛夫

宴浮玉山同王判官天雨

太書集卷之六

三

湖泛春愁減山躋晚眺開魚驚投餌散燕逐捲簾來掃石移瑤席調笙促羽杯相如自多病強為一登臺

邵文化携酒山樓

山扉雲卧處湖閣客來時陶令頻中聖侯芭獨閒奇忘機馴白鳥靜坐聽黃鸝君莫朝空寂參寥是我師

王負外汝化過飲桃花園

上客文軒集荒園草宴開自緣乘興至亦為閒奇來燕語驚壺矢花飄泛玉杯送春酒盡醉卜

夜莫相催

文內翰過飲列岫樓

杜門辭俗客開徑候高賓
文史清言洽樓臺爽氣新
吏公寧興淺徐穉自情真
湖上鱸魚美相期醉幾巡

湯錄事石卿石湖舟宴

湖淨鋪秋水山昏斂夕暉
雲隨畫鷁動風送羽觴飛
月出罷秉燭夜涼思授衣
何時更此會明發恨分違

徐錦衣東園餞龔諭德鳴治

入齊集卷之六

五

名墅同金谷離筵集玉珂
霜庭垂早橘山沼敗疎荷
別思聞歌異秋懷向醉多
歸朝奏殊績得清賢科

宴徐錦衣宅

公子開華宴仙郎則勝招
舞將金作埒歌以玉為簫
飛羽千觴急當場百戲嬌
厭厭紅燭下歸路不知遙

真州宴蔣參政子雲

燕地相逢日江城再會年
歸田惟舊業開徑有新篇
細雨淹芳節飛花戀別筵
子雲今白首玄

草幾時傳

陳少參李參戎邀宴立魚巖

仙巖開洞府綺宴集賓僚
木落河山出秋深障厲銷
玄言忘日暮逸思入雲霄
更喜巖峰息酣歌託聖朝

宴虎丘竹亭同章廉叔徐子言

清川縈碧址崇阜帶華林
燕適喜秋霽游盤忘夕陰
歸禽天外急疎竹風前吟
聊同嘉客賞遐想七賢心

趙職方子衡過訪橫塘別業

入齊集卷之六

五

陶令歸田日候芭問字來
燈花連夜喜竹葉一尊開
荒徑餘舊菊空庭滿綠苔
柴門新月上相送剡溪回

陳杭州魯得夜叩山扉留飲

便君真好事子夜叩山扉
念舊綈袍贈迎新駟馬歸
星河當戶近風月入簾微
曙旦聞鷄唱江津望鷁飛

馬大參順卿將赴閩藩過橫塘言別

雲卧門常掩星言客暫過
風塵十年別翫辭二毛多
暑氣清林竹秋容澹澤荷
園亭稍堪賞不

飲更如何

飲芙蓉桂花下

幽居屏人事散步窺西園愛此池上坐獨開花
下尊迎風桂子落照水芙蓉繁日入且歸去沉
冥誰共言

仇侯園池三首

出郭游金谷邀賓並玉珂林花疑杜曲池水引
天河疊石防魚逸開軒聽鳥歌主人能好客秉
興數相過

蘿徑重重入花溪曲曲通鹿眠蘆橋下魚戲菱

大雅堂集卷六

五

荷中陰洞泥丹竈雕梁掛角弓雨餘殘暑退坐

待舞雲風

別業仇池勝元戎小隊邀花間嘶撝馬竹下解
金貂飛瀑懸雲竇層臺俯麗譙捲簾看月上歸
路不辭遙

鏡光閣

絕磴翔雲上飛軒踐斗迴旗亭開百市魏闕枕
三台地入榆關險山迎桂花來登高還望遠秋
氣使人哀

玉泉山

野寺層峰抱山泉百道流風傳環珮響谷和管
絃幽度嶺行還坐觀魚去復留誰知帝城外
數里即丹丘

功德寺

宣皇臨御日此地數游觀花下停雙輦松間拜
百官雲長依寶座月自照瑤壇寂寞橋陵路惟
餘古木看

達磨洞

三秋懷土望千里捲游情陰洞懸崖綴飛泉激
澗鳴雜花難辨種惟鳥不知名幽獨下雲嶠遙

大雅堂集卷六

五

聞清磬聲

大報恩寺

擔囊游建業下馬問長干風鐸喧清梵雲幢
麗觀鹿麝歸別院松子落虛壇欲訪東林社時
來聽涅槃

鍾山

萬歲玄宮闕三秋紫氣凝悲風動松栢落日照
園陵劔舄橋山葬衣冠寶座聲華薨一杯土猶
憶鼎湖昇

自龍江泛舟至燕子磯

飛鷁臨江口鳴笳轉石頭晚霞紛落照秋水淨
中流遠樹依微見長天下上浮不瀕牛渚泛真
經使公游

觀音閣

翠壁龍宮隱丹崖鳥道通大江天設險高閣地
浮空山氣層窓霧潮聲響澗風坐令懷古意對
此益無窮

靈谷寺

古寺橋陵側高松數里陰入門叨鹿卧穿徑白
雲深谷響傳天籟泉幽和梵音坐令塵慮盡寒

日下空林

鷄鳴山塔上

結構空中出招尋象外幽鍾山蟠地起淮水截
江流城闕因天險疆場盡帝州登臨殊未已
還上最高樓

同王少參在叔陳職方魯得登天禧寺
塔

丹霄翔雁塔飛步躡層梯思入三山脊身交萬
象低大觀窮眺望清賞愜攀躋頓覺冷然喜津
梁永不迷

金山

舟從京口渡地涌大江孤水闊遙吞楚山長半
入吳海門分脉絡斗極望虛無直北浮雲外迢
迢是帝都

廣陵對菊簡朱侍御子禮

官衙無一事買菊種幽軒留滯非吾意相看豈
故園金英團露滿碧葉受風翻獨酌懷僊侶無
由與晤言

天寧寺同子禮

靈閣陪燕賞高閣上逶迤雲堦窓中見風帆樹

杪移野花明繡服僊菊薦蘭后向晚猶行樂飛
簪每恨遲

摘星樓

法界樓隋苑星樓委廢臺高秋躍馬望遺事使
人哀池想龍舟戲堤聞王輦來南朝歌舞地何
處不蒿萊

高座寺訪宗伯昭

古寺無來客空山獨訪君松聲響秋雨竹翠染
寒雲玄典幽時悟名香靜處聞誰言消渴病不
廢長卿文

宿天界寺半峰房二首

殘照已全匿空門猶半開行人失歸徑落葉厚
荒苔暝色野烟合寒聲山雨來遠公應好客宿
鳥莫相猜

避喧投淨域休息旃林未得空中悟聊清物
外心玄談參奧義實息滌煩襟一接高僧論都
忘永夜深

夜發松陵

杳杳吳州盡冥冥越岫來霜河孤鳥沒雲水片
帆開木落天時改星昏斗柄迴風波方浩蕩懷

六書集卷之六

五

土思悠哉

入越

問我曷棲棲東行入會稽輕舟下南里別業訪
苕溪斷岸魚梁出清沙鴈渚低茲遊豈無意興
與子長齊

吳山旅宿

蕭條湖上居芳歲忽云徂久客歌彈缺窮途慟
返車霜繁秦望失木落武隆踈伏劍出城去茂
陵歸著書

紫陽菴

紫府蔽山洞丹梯轉殿廊攀崖上魚貫穿徑繞
羊腸石險形疑墜臺高勢欲翔千年令威去誰
授枕中方

昭慶寺

山翠分屏拱湖流作鏡看龍宮懸日麗珠剎拂
雲寒琪樹幽巖穴瑤花淨石壇登臨謝拘束翻
喜罷微官

淨慈寺

樓殿聳崔嵬飛軒豁達開金銀粧梵像蒼翠湧
香臺月桂臨巖發風松夾澗哀秋陰動涼思頓

六書集卷之六

羊

覺感氛埃

宿靈隱寺

石棧危峯逼龍堂古寺開閣陰秋月暗江響夜
潮來聽雨同高榻看山對舉杯宋公佳句後千
載獨憐才

孤山

長歌招隱士緩步叩靈關園廢梅猶發亭空鶴
不還水同清潁水山即富春山徒羨斯丘樂高
芬香莫攀

玉泉觀魚

碧沼玉璫龍金魚錦繡叢聚花如煦沐翻藻若
浮空影度輕霞上羣遊明鏡中酒闌投餌處驚
起一池紅

冷泉亭

湖轉六橋路山迴九里松玉泉淙急澗錦石削
飛峰飄葉流觴礙凝雲古洞封欲投真境宿更
上嶺重重

飛來峰

疊石鏤冰片攢峰織錦文路迷二島盡山自九
疑分色相空中現天香靜處聞行教明月夜飛

鳥入青雲

宿中天竺

寂寞步長廊清虛卧上方客來諸累遣僧定萬
緣忘磬雜風泉響燈分月戶光一從依淨業真
欲禮空王

六橋

虹梁亘廣陌星渚跨中流綠柳雙馳騎紅蓮亂
戲舟山從蓬苑接人賽閨風遊向夕菱歌發平
沙起白鷗

中春同施憲副聘之遊峴山看花胡村

登浮玉而歸賦詩三首

共有城南約相携湖上游筵開山榭敞地選竹
林幽嬌鳥含風轉飛花引澗流春光已無幾尊
酒為淹留

散步花村裏桑條綠未齊客同山簡醉路恐武
陵迷野老居臨水漁人語隔谿那知城郭近淳
朴有幽棲

屢聞浮玉勝攀覽喜春晴片石湖心起群峯水
面迎渚鷗歸岸整檣燕受風輕世事非吾分沉
酣託此生

碧浪湖

湖水晴逾碧山花雨助紅人烟春樹裏漁網夕
陽中風俗村村異桑麻處處同明時任樗散臨
泛興難窮

湖頭坐

碧浪湖如掌秋來水更清雲霞蕩遠照島嶼浮
空明魚似鏡中見舟疑天際行臨流坐終日歌
罷濯吾纓

歸雲庵宿

松徑穿深塢柴扉扣小庵繞堦鳴澗水當戶起

山嵐風逐梅香度雲將竹影含澄心習禪觀清
夜共玄談

同陳教授士仁劉推官孟材唐主事子
鎮登道場山作

鳴珂青嶂曲飛蓋翠微陰輿度紆松棧遙張倚
竹林虎巖秋共眺鳳刹晚同臨更愛前谿澗冷
冷淨客心

峴山同劉孟材觀雪

客雪夜仍朝同雲四望遙河山疑縞素樓榭若
瓊瑤絮弱迎風起花繁雜霰飄子猷餘興在東

燭戀清宵

靈巖

君王歌舞地樵牧使人哀土木遺危刹丹青委
廢臺草當香徑合花傍鹿場開且盡登臨興山
河望裏來

雪中遊虎丘

瑞雪從空下名山入望來珠林紛玉樹寶地起
瓊臺絮雜回風舞花迎淑氣開剡溪滯幽賞薄
暮且徘徊

登寶華諸山

夙有登臨興春游愜賞心山盤數嶺盡寺轉萬
松深樹古同僧臘泉多雜梵音仙津何處問即
此可投簪

雨中遊虎丘

愛春常恐盡冒雨亦來游北郭搖蘭漿山塘近
虎丘樹林攢寺密澗水雜花流日暮憑高閣千
峯嵐氣浮

虎丘塔王太史繩武同賦

鴈塔翔雲表龍宮湧手心乘高宜眺望暇日與
登臨山面支硎逼湖窺震澤深平生飛動意懷

慨一狂吟

避暑鄧尉山閣

入山澄世慮攀閣避炎氛林響湖含雨窓陰殿
出雲棋枰圍竹坐壺矢隔花聞吾願依清淨長
年絕茹葷

同文太史徵仲方山人質父過幻住庵

高賢勝枉過淨域喜相隨路轉青山郭門臨綠
水池一官羞宦業尊酒負花時便欲從蓮社終
當與世辭

寶帶橋與履吉同賦

分野表三吳星橋控五湖天河鳥鵲起靈渚綠
虹孤陸海環荒服江淮委具區濟川懷壯業驅
石想雄圖

蓮蕩舟宴二首

水國僊源裡風檣天鏡浮軟香通細葛野興促
飛箒碧蓋迷蘭漿紅衣瀉玉流擢歌三兩發遵
渚起群鷗
新霽恍無暑微風宜放船捲簾親水鳥解纜惜
吟蟬玉竿休停手青房不論錢晚來花霧裡縹
緲欲凌僊

韓氏賞菊

黃菊誇堪賞清樽喜暫陪花開成錦障英落泛
瑤杯幕透香風入筵迎秀色來不辭金谷罰應
笑玉山頽

湯右卿自江陰致菊四種

故人傳尺素遠道寄瑤華命僕開名酒邀賓賞
異花白疑冬疊雪紫訝曉流霞盡日看難厭千
金未足誇

山樓成

疊石攢幽壑懸崖構小樓山堂疊樹起雲倚洞

門流碁局苔花蝕靈觴竹翠浮時時披鶴氅開
徑候羊求

伯兄園池三首

別業經過屢幽亭眺望賒遠園編竹撞夾水蔭
桑麻魚躍時崩岸鷗眠巧古沙更須除雜蔓多
種棣棠花

麥隴紆芳甸松丘鬱古墳池通練瀆水窓鎖笏
林雲看竹思中散籠鵲想右軍自憐題柱客終
媿北山文

客每携壺訪花常秉燭看賭碁臨水檻乘艇戲

風湍膾鯉雕胡飯烹葵白玉盤惠連慙不敏春
草和偏難

園居秋霽文休承過訪

逗水紅蕖淨含風翠篠繁因聞蔣詡逕相賞仲
長園好鳥時幾轉幽居無一言濁醪催更進飛
月已臨軒

病瘍初愈文太史過訪

杜門成市隱習靜好樓居不以文園病益來長
者車庭閒喧鳥雀竹翠淨琴書客散玄言罷蕭
然掩敝廬

卜居橫塘作

野性厭城市橫塘真可居
黃山障茅屋綠水通
清渠車馬客不到簞瓢吾
宴如空齋無長物遣興只
琴書

蒼梧作

氣候南荒異蒼梧濕更饒
山雲晴忽雨江霧夜連朝
病與災俱劇愁隨瘴不消
故鄉那可望桂嶺已迢迢

春去

忽此三春去猶為百粵人
江花辭樹盡海燕引

六韋集卷之六

三

鷓鴣新多病仍尸祿無能
但乞身掛冠今已晚何
日理歸輪

憶橫塘別業

一卧文園病終朝念故山
敢希宣室召祇望王門
還橋想千頭足桑思十畝
閒如何五斗米猶自滯南
蠻

謁柳祠

羅池非昔日柳廟亦荒頽
秋草重門閉寒花獨樹開
文章真命世今古孰憐才
猿鶴如相訴松風晚更哀

謁劉賢良祠

高樹臨流水空庭澹夕陽
萬言翻下第三黜竟投荒
事業存青史英靈儼白楊
古來稱屈者不獨一賢良

賓州逢馬侍御君卿

同作炎荒客嗟君未賜環
丹心戀北闕白首老南蠻
歲月杯中酒田園洛下山
聖朝無棄物早召賈生還

南寧報北虜再入山西

羽檄馳南粵天驕犯晉陽
何人憂國是諸將失

六韋集卷之六

三

邊防月滿胡笳動秋高虜
騎狂請纓酒我輩直欲繁
名王

烏蠻灘

難說烏蠻險今來異昔聞
江流清似鏡山瘴白於雲
銅柱瞻遺烈叢祠表懋勳
伏波如可作談笑掃妖氛

昭潭見雪

五嶺傳無雪三冬喜見花
霰喧窓竹響絮捲朔風斜
臘已辭梅萼春先報柳芽
誰憐僵卧者猶自滯天涯

自柳至平樂書所見五首

象郡極蕭條賓州頗沃饒
虛多醜女互市半良瑤
箬裹檳榔貴花粧茉莉嬌
輜軒叨使者異俗采風謠

邕管真堪賦江南恐不如橘奴
金彈密荔子水精虛海錯
羞方物山蕉入野蔬
無論寶玉賤魚米自宜居

藤峽韓丞績崑崙狄帥功
左江仍略定八寨未全通
舞劍狼家健彎弓弧達舍
雄盧蘇誰養冠何事枉姚公

入平樂集卷之六

三

爵白方言似潯梧瘴氣餘
蚬蛇晴掛樹射蜮豈含沙
屋覆湘君竹山紅蜀帝花
夷堅收未盡博物待張華

昭平灘險惡最險是龍頭
藥弩絃齊鼓銅刀鞘屢抽
紅巾翻把隘白晝競釣舟
倘得山韓將狐群豈足憂

虞山別藩臬諸寅長三首

桂嶺不可見虞祠聊暫留
腸因去國斷淚以別知
流柳綠迷征騎山青隱
戍樓異時懷此地應向
夢中遊

祖道空相送驪歌不可聞
自緣憂病骨非敢負明君
官路清朝雨江帆杳暮雲
依依更執手去住惜離群

疏傳嘗辭綬梅公亦掛冠
高風今已遠直道古來難
笠澤草堪茹柴桑菊可食
人生各有志何用戀微官

唐永州國秀招遊朝陽溪巖二首

久憶仙巖好欣從勝日遊
玉泉淙澗道翠壁俯湘流
花氣中林濕嵐光半嶺浮
緬懷元刺史千載復唐侯

入平樂集卷之六

甲

輕輿盤翠嶽吹角轉青山
一徑蓬壺入千崖鳥道攀
虛明疑夏屋峭險類秦關
遊賞真吾癖何妨卜夜還

浯溪

湘水浮天綠浯溪見底清
竭來窺石鏡散步愛泉聲
宅廢野花發亭空山鳥鳴
中興碑可讀猶憶漫郎名

岳陽樓

輕風送客舟新月掛高樓
遠樹天無際孤城地欲浮
楚山橫鄂渚夢澤接湘流
湖海惟書劍平

生此壯遊

東林寺

東林在何處香在翠微中山色開朝霽鐘聲度
午風虎溪塵世隔蓮社白雲空不見陶元亮令
人意遠公

仙人何處所

仙人何處所究在海中洲月桂黃金闕雲芝白
玉樓太虛同出入元氣與遊遊辟穀辭人世長
生或可求

客至

六書集卷六

望一

客自燕京至真傳諫獵文干戈戎馬暗擊鼓羽
書紛玉殿生春草瑤池宴暮雲羣華愁不返黃
竹豈堪聞

鎖院聞潞賊消息

羽書河北至潞賊下西山正憶征行苦兼愁謁
餉艱龍驤分禁閫虎旅寒壺關殄滅非難事無
令匹馬還

獄中始見二毛

病暑復愁霖園扉晝晏陰上書染獄恨懷土楚
囚心生計嗟萍梗官途嘆陸沉豈知青鏡裡遂

有二毛侵

聞蟬

客淚無端下蟬聲胡太悲細吟朝露裡亂聒晚
涼時翼薄衝風怯身微抱葉危物情相感激哀
怨爾如知

見螢火

陰房難見月螢火忽輝輝巧向疎櫺入斜穿短
幔飛飄零依草露熠燿照人衣此夜悲秋意頻
將苦淚揮

苦雨

六書集卷六

望一

入夏晴無幾交秋雨更多夜簷疑瀑水朝院類
江河卑濕妨高卧炎蒸受宿痾天時與人事局
促意如何

伯兄至

旅邸兄新到窮途第稍寬此來知急難欲見問
平安小姪牽衣喜癡奴得主歡時時通數字慰
我勸加食

伯兄至不得即見

劇喜移家至翻愁會面難老親憂未穩明主
法應寬淚訝沾襟濕衰驚引鏡看由來獄吏貴

非敢怨微官

久客

久客不如意羞稱草句儒棲棲戀明主每每
媿微軀疾病朝參懶迂踈禮法拘虞卿苦無賴
著述以為娛

自嘆

舉世惡貧賤何人知子雲豈無匡濟略空負
聖明君樛櫟自能壽蘭膏徒見焚白頭不曉事
那用草玄文

聞召

大集卷六

聖

十年投杼怨一命賜環恩才拙終何用官微豈
足論北山馴鶴鹿南畝牧雞豚避世吾寧敢深
憂負至尊

學稼

自卜山中住長從隴上耕清時非避世薄業且
謀生蓬戶貧原憲青門老邵平田園自有樂何
用狗浮名

種竹

中歲慕玄寂蕭然無俗塵江湖從所好脩竹每
相親淇水搖珍箴湘雲度葛巾北窓高卧處何

異上皇人

竹下

種竹遠塵俗誅茅依翠陰窓虛落秀色坐久清
煩襟雨過淨如洗風來時一吟惟應結與阮千
載同予心

新茶

新茶吾所愛更愛雨前茶四月梧陰下壺杯瀉
乳花細香凝玉液嫩綠泛茶芽倘得中冷水龍
團豈足誇

山院芭蕉花開有甘露可食

大集卷六

四

芭蕉粉牆下秀色轉分明滿院秋雲影空齋夜
雨聲花含甘露重葉展綠陰成掃石同僧坐時
聞山鳥鳴

楊花

點點飄仍聚盈盈密更稀輕寬朱幌入亂繞玉
窓飛雪作漫天舞春從委地歸章臺無限恨零
落竟誰依

燕

最愛堂前燕高飛忽復低趁風穿柳絮冒雨掠
花泥簾影朝雙舞舞梁塵晚並棲綠窓離思切腸

斷各東西

招鶴二首

獨鶴忽飛去冥冥滄海東離哉翻羽翼幸矣脫樊籠影憶空庭月聲憐別院風凌霄自有志吾豈學支公

昔喜依和靖今疑跨令威九霄徒逸響千里竟高飛花下明朱頂風前亂雪衣何時念舊主華表復來歸

送少宰溫公歸省三首

明皇敦孝理上宰沐恩私秘閣虛中軸台階冠

太常寺集卷六

聖

百司親裁丹鳳詔喜慰白雲恩報主能無意朝天定幾時

陳情別紫宸優詔許寧親驛路馳龍勅班行憶侍臣星輶朝入洛雲蓋暮辭秦遙想稱觴處高

堂戲綵新

巴蜀路難行高秋出帝京朱旗迎駟馬絳帳送諸生劍閣盤雲棧花溪抱錦城里人如有問稽古咲桓榮

送管汝濟使韓府

啓后臨軒日韓侯建國時三川常北拱四牡獨

西馳玉牒分宗姓丹書載誓辭君才過枚馬定有孝王知

送林中丞

入朝持白簡出鎮擁朱輶地重分三輔官清肅百僚息民除疾苦問俗采風謡臺府居多暇輕裘看射鴈

送大方伯金陵顧公

浙地先諸省公才冠一時久虛台輔望早受聖明知衆昔歌來暮民今慰去思他年論事業直與古人期

太常寺集卷六

聖

送劉京兆獻甫北上

行行辭祖道此去尹皇畿曉驛朱輪發春江綵鷁飛憂時相贈策惜別獨牽衣包拯遺風在無令雅志違

送陳德夫使魯

帝曰封同姓皇華送使臣河山藏漢寶玉展周親殿說靈光古經傳孔壁新余生好文獻一為訪先民

送陳侍御原習謫教海陽

蘭臺長啓事白首尚為郎衆惜馮唐老余憐賈

誼狂炎荒竄魑魅末路避豺狼早晚天書召重
瞻司隸章

送人謫全湘

百粵文身俗華風近若何沅湘秋鴈少嶺嶠夜
猿多訪古過銅柱懷賢弔汨羅南中饒瘴癘去
矣慎風波

送錢振之出守肇慶

領郡諸侯貴之官萬里遙文能招海賈政可化
山獠龍水湍尤險蒼梧瘴不消無卑南粵地一
統聖明朝

本集卷之六

望

送張行之飭兵榆林

羨爾獨提兵余嘗慕請纓陰山通漢候黑水抱
秦城天子憂邊務書生識虜情少年仍燕領
萬里可橫行

送陸德儒守漳州

聞說閩中郡漳州獨在南經冬無雨雪晴書有
山嵐蠻語時難曉夷風想盡諳投荒君莫嘆悵
別我何堪

送魏冬官師召權稅蕪湖

爾向蕪湖去蕪湖據上流青山謝公宅采石謫

僊樓權稅司空職帆檣賈客舟何時牛渚下泛
月與同游

送樊少南二首

絳節朝天日星輶入計時千官辭輦轂五馬返
州司考課導周典郊裡觀漢儀君歸無太緩早
慰吏民思

三年終一見又復向安州才大官難稱民窮盜
可憂宦情吾轉薄吏事爾偏優別後能相念新
詩倘見投

送邵仲德戍漳州

本集卷之六

望

遠戍投蠻府孤舟送逐臣危言難悟主直道宜
防身共下悲岐淚誰憐折檻人賜環應不久無
用怨沉淪

送沈明之改守霍州

霍嶽今中鎮堯都古冀方土風存儉嗇吏治想
循良勁翮終高奮明珠且慎藏官途自有分莫
厭簿書忙

送黃士尚宰仁和

僊郎於越去雲外望飛鳧花縣終朝靜琴堂一
事無好山誇上竺新水愛西湖訟簡公衙散登

臨興不孤

送胡子忠

昨傳登瑣闥今又謫長沙
賈誼曾悲鵬陽城欲壞
麻安危言路繫慷慨士
林誇落職君何恨惟應
去國嗟

送顧秋官伯從赴留都

伯也今司直西曹俗事無
簿書多暇日山水羨清
都柳綠盧龍觀花香玄
武湖莫辭刀筆耻讀律
乃通儒

廣陵送田敬叔二首

太常集卷六

四九

聖代憐才子微官事遠行
論文慰夙昔傾蓋見平
生望鴈趨彭蠡觀風過
皖城定知錢穀暇玄草
閉門成

尊酒三秋別江湖萬里遙
歸心楊子樹離恨廣陵
潮明發分岐路星言肅
使軺鬱陶那可寫懷念
奏長謡

送王汝化

又別苦相憶相逢嗟二毛
微官淹驥足小縣試刀
刀物論循良美民情撫
字勞鳴琴如有暇努力
繼風騷

送王太守懋德入覲二首

吳邦稱富庶召母頌寬慈
法堂綠衛術風行息訟
辭循良民不擾清淨我
無為五馬朝天罷過歸
慰去思

朝宗趨萬國述職會諸侯
王帛陳寔陞冠裳謁袞
旒奏言今法舜考課舊
遵周黃霸蒙殊賞由來
政績優

送李侍御伯瑞歸成都

繡斧臨吳甸星軺返蜀
題橋心不負攬轡志應
酬棧閣連雲險花溪濯
錦流文園如有作寄

太常集卷六

五

我慰離憂

送王道思提學山東

嘗聞鄒魯地小邑盡絃歌
禮俗今逾美文風近若
何孔堂尋竹簡泮水詠
菁莪君去搜材傑還應
列四科

送勞員外赴留都

別駕黃堂久分曹粉署新
循良民譽美清苦官囊
貧寒菊荒官舍秋湖淺
驛津峴山攀送處應有
去思人

送陳士仁之官留都

儒官一命改絳帳幾年分教擬胡安定貧如鄭
廣文簡賢登漢署讀律致堯君相送若湖上驪
歌不忍聞

送王侍御子正之官長沙

憐君驄馬客尚作折腰行栢府名猶在琴堂政
已成升沉隨造物簡易近民情即日開宣室天
書召賈生

送沈侍御中南按江西

驄馬去行行觀風向楚城埋輪情慷慨攬志
澄清朝雨侵郊草春風變谷鶯都亭長揖處矯

首望遐征

送翁金事德宏之官嶺南二首

南粵幾千里迢迢炎海涯莫愁庾嶺瘴且醉曲
江花荒服今同甸夷風久變華論程余更遠不
用說長沙

炎州新建節青瑣舊知名已奏循良績猶傳諫
議聲量移淹驥足高奮展鵬程此去瞻風采當
令一道清

送馬太守抑之歸大梁

落日清江別孤舟遠客歸才為衆所惜道與世

相違市虎終難信樊蠅枉自飛祇應去思者攀
送獨沾衣

送何給事善充守衡州

衡陽楚上流太守古諸侯五馬橫金去三湘露
冕遊猿聽巫峽夜鴈數洞庭秋今日辭青瑣還
將諫草留

送人之潮陽

一官新捧檄匹馬赴潮陽山瘴開南嶺江花近
夜郎棄繻踰險隘投筆事戎行長揖轅門下龍
韜出豹囊

送人使琉球

萬國朝宗會諸夷款塞同乘槎向海外授節送
閩中霧涌鰲身黑波翻魚目紅君才如陸賈編
髮變華風

送鄧司諭宰政和

青衿敷教典黃綬寵新封去以蘇湖教言追卓
魯蹤菊金粧露綻楓血染霜濃相送空相憶知
君何處逢

送湯廣文之安吉

青衫困場屋白首薦公車泮水歌千邁蒼川夢

卜居槐陰清夏好別恨故人踈明發瞻桑梓殷勤欲附書

送朱尹敬之赴召

宣室召朱公單車赴洛中名齊循吏傳政有古人風及席今求士趨庭爾奏功臨岐吾欲贈願與繞朝同

送賀尹應璧赴召

賀尹關中傑牛刀試我邦蓋公祇清淨漢吏自循良露冕時行縣鳴琴不下堂他年看茂死到處有甘棠

送人官古府良醫

上池曾受訣中歲早知名去試青囊術歸路綠服榮折肱當日驗種杏幾時成藩府長沙近煩君弔賈生

送許仲貽會試

足馬去駢辭雲霄萬里程志同題柱客材擬棄繻生獻策趨金殿觀光向王京送君懷聖主徒有千年情

送楊子任會試

雨雪將殘歲關河斬早春桃花通開水楊葉隔

江津禮士方求駿懷材久席珍聖朝多制作去矣享王賓

送趙子衡就試浙中

年少有奇氣昂昂千里駒易從商木授禮向孔庭趨久客嗟彈鋏明時早棄繻文章與事業樹立乃通儒

送王元案會試

才子薦公車鄉人祖道間去陳三禮賦行上萬言書待詔遊金馬承恩侍石渠誰憐茂陵下貧病有相如

送章伯庸會試

章子青雲器材華似賈生正逢求駿日美爾棄繻行曲水攀僊杏瓊林聽早鶯懸知獻策處倚馬萬言成

送文一壽承王九祿之卒業治平寺二首

告我非遠別言從湖上居劇知山水癖無奈友朋踈竹徑觀碁局雲門讀道書太玄如就草不惜寄吾廬

子去依黃憲予常慕遠公烟霞勞夢寐詞賦鄙

雖虫白石宵吟和青精午飯同何時命高駕相訪具茨中

送喻秀才還成都

觀光游太學卒業返成都和氏非懷璧消人枉按圖錦江三峽險劍閣一隅孤早晚題橋志吹噓狗監徒

送伯兄赴任臨江

疋馬出江東孤帆望楚中征人離思切官道祖筵空驛樹沉寒日江濤吼朔風功名願努力不用嘆飛蓬

送吳明仲會試二首

趨庭游建業觀國赴燕雲賈誼年何少終軍志不羣學箕誇步武倚馬羨能文三月泥金報高堂慰遠聞

僊郎行獻策聖主急求才駟馬先題柱黃金已築臺驚听禁籞轉花賞曲江開選美含丹綈賜

恩汲沐上台

送陳啓之讀書西洞庭

儒史真吾好山居獨羨君下帷窮古籍閉戶理玄文學道淵如海興詞爛若雲五車須盡讀前

輩有清芬

送叔兄與之游太學二首

金陵為帝宅太學是賢關此去脩絃誦平生慕孔顏橋門聽講暇泮水采芹閒莫負高山仰須將逸駕攀

玉闕天為塹金城帝作都萬年留王氣三輔拱黃圖月憶秦淮水花憐玄武湖少時遊覽興送子不能無

送紹之弟赴試

千里赴功名孤帆向帝京江清楊子渡秋早

石頭城倚馬材何逸題橋志竟成汝兄真望汝努力振家聲

送陸幼靈

池館花飛盡誰能對別筵思迷芳草路節換暮春天辟薦機游洛遭逢隗入燕君行呈絕藝楊葉擅曹穿

送楊子任慮囚福建

駟馬還鄉國樓船赴海濱去將三尺法惠此八閩人敬忌宣周典欽哉廣帝仁武夷山更好遊賞莫辭頻

送僧還金山

高僧何處住孤錫向空飛
驛樹連天盡江帆
雨歸潮聲喧講座山色映漁磯
憶東林下精廬隱翠微

送翁仁甫按察四川五首

巴蜀號蠶叢關河險更雄
昔人曾用武今子復
觀風閣鎖秦時棧山餘漢代官
不須談霸略此去擬文翁

夙昔憂時志平生許國身
莫誇題柱客好學則
龍人劍外風塵靜
端政令新憲司官不小看

爾侵經綸

本集卷六

五

憶昨交南役奇功爾獨收
和戎遵廟筭款塞許
蠻酋終孺纓先請班生筆
已投但令長偃革何用即封侯

伏枕聞君去離筵悵我違秋生
百粵早客向五
羊歸總臬持霜斧登堂舞綠衣
蜀人知望久行矣速於飛

送別何其促論交况最深
征人匹馬去古樹亂
蟬吟峽轉黃牛急雲生玉壘陰
成都逢卜者為我問升沉

送蘇惟和北上二首

送送皇華使南歸又北遊
暮雲湘浦餞春水洞
庭舟念我終青眼為郎尚黑頭
君行無太速駐節好諮諏

白下真兄弟南中復主賓
不堪班馬動又見柳
條新楚水心千里湖山夢
兩春還因入朝者愁絕望鄉人

送張憲副國信還巴陵

夜夢巴陵道朝辭桂水遊
宦途真塞馬心事已
江鷗楚澤騷人怨長沙賈傅愁
此行雖失意猶勝客炎州

本集卷六

五

送王蘇州子正入覲

歲首書王正星言觀北辰
關河殘雪暮江驛早
梅春衆擬褒黃霸民思借寇
恂還期明試後敷奏惠吳人

分題得百花洲送王子正

名郡雄千雉芳洲麗百花
昔人此歌舞今日更
繁華細柳朱輪映清波
錦纜紛紛去思者攀送使君槎

送仲兄尚之赴試北都二首

江上忽相見離觴歡共持看兄棄繻日是我掛
冠時伏櫪心逾壯題橋鬢未絲黃金臺已築誰
笑買臣遲

荀氏八才子白眉兄最良傳家祇忠孝華國有
文章下玉終辭璫毛錐早脫囊大材應晚就拭
目薦巖廊

送陳司訓教諭丹陽

離思惜紛紛江亭忍送君楊花如暮雪草色似
春雲絳帳仍敷教青氈復廣文蘇湖塵未遠千
載挹清芬

李書先集卷六

壬元

送舒侍御紹安還朝

觀風歷吳越攬轡已澄清柱下流芳舉臺端表
直聲秋空孤隼擊雲路一驄行此去題封事還
期荅聖明

送慧公之京

寒律窮陰紀晨征戒遠遊浮雲望飛錫細雨送
孤舟朔鴈遙天外霜楓古渡頭歸應沾一命休
憶故園愁

送慧公住持寒山寺

古寺人天外精廬杳靄中君依蓮社去心與白

雲同溪水看清淨寒山對苦空何時聽說法為
我暢玄風

贈施聘之

使君驄馬吏樗散棄江湖到處留詩草從人覓
酒壚梁鴻曾入越梅福已藏吳何日開宣室徵
書下帝都

贈何伯直

每過何京兆論文慰索居自言消渴病癩著茂
陵書簿領終朝困琴尊累月虛新詩無吝惜為
我滌煩裾

李書先集卷六

李

贈焦將軍

二十執金吾昂藏膽氣粗天閒雲雜錦牙帳虎
為符秘畧資神授成功仰廟謨爾曹思報主
急為戒匈奴

贈白都閫

將軍白起後膽略更雄羆威振三江靜風生百
粵孤尊前時舞劍花下日投壺豈說南蠻伏當
令北虜無

賦得采石渚贈馬負外順卿

米石臨高渚青山繞故城狂吟弔李白長嘯憶

袁宏地撼江濤動樓懸海日明風流今已矣徒有昔人情

贈嘉定尹李資坤

漢代多循吏今公亦大名無為民自化不擾政還平魯雉馴中野潘花滿縣城遙憐練川水應比使君清

贈邢處士麗文

梅福變名姓梁鴻棲市廛懷賢高士傳招隱左生篇谷湧蘇門嘯花迷剡曲船安車與駟馬何日下林泉

贈湯太學子重

買臣官五十今子更蹉跎莫惜功名晚休論甲子多材高於屈宋詩酷似陰何定有蒲輪召無勞詠在阿

贈鄭山人

谷口子真處青山知幾重柴門祗薜蘿不見有人蹤散帙讀高士荷鋤隨老農煙霞已痼疾此外復何從

贈峴山際和尚

遠公禪寂處峴首最高峯淨業依修竹玄心對

古松下簾時賣藥植杖復為農獨坐茅齋裡袈裟手自縫

贈紀山人

巖壑懷肥遯松喬引上齡餐英泛朱醴鍊氣守黃庭作伴惟孤鶴傳家有一經夜來南極下應見老人星

贈武林余道士

羽士類茅盈餐霞住赤城鍊形同鶴瘦服氣與風輕飯併青精辟方將紫朮成玄都桃萬樹靈實幾迴生

訪都太僕玄敬南濠書院

結社依支遁時來問字人高談雄穆下著述侈先秦架上臨池帖床頭漉酒巾慙非徐孺子空掃榻間塵

訪呂山人彈琵琶

半塘山墅僻萬竹野亭開積水殘霞滅遙天獨鳥來雲行鸞柱緩波急羽觴催未盡龜年技蘭橈載酒回

湖上別王貢外道思

離筵湖上別使節廣南來為問茗溪水何如更

嶺梅還鄉馳馬戀闕望三台報 主平生意
千金得駿材

簡王直夫博士

伏暑愁消渴終朝念索居城烏窺睥睨窓竹淨
琴書泮水通丹轡官墻切紫虛何時騎馬至蔣
巡擬親除

寄高子業吏部

河洛多才子高生更不群家貧偏好客年少最
能文閉戶成玄草歸田卧白雲梁園一分手何
日不思君

大有集卷之六

五

寄凌司訓時東

君家若水東余住峴山中握手經年少論心隔
地同病拋人事嬾靜悟世緣空每見南湖綠悠
悠憶戴公

寄楊用修太史

宣室召何日滇池逢幾春每懷金馬客欲訪碧
雞神書向窮愁著名因遠竄新古賢多蹭蹬不
朽亦斯人

寄王蘇州子正

聞君為郡日宣弟與民宜政事殊前輩文章即

左司白堤遊幾度汲榻卧移時今代書循吏誰
如杜父慈

寄題王履吉越溪庄三首

遠憐王子敬卜隱越溪傍看竹過蘭若觀魚度
石梁家貧供稻秫客至具壺觴春服偕童冠風
雲樂未央

左思詠招隱潘岳賦閒居花木羅新逕桑麻翳
曲渠灌園通樹藝閉戶理琴書結綬非無術誰
當薦子虛

雞犬桃源闕煙霞剡曲偏花村茶碓遠柳岸水

大有集卷之六

五

車連野寺傳齋磬晴湖蕩畫船惟應康樂載
酒共談玄

題徐太守沙岡別業

別業在何處沙岡花木深祕綠農圃計遂遠市
朝心山色入茆屋溪聲生玉琴寄言徐孺子開
逕許相尋

和湯右卿客游燕室懷故國之什

近川傷歲月懷土望鄉關春鴈何時至征人幾
日還花飛千樹雪雲白萬重山惆悵都門柳烟
條未可攀

次大司馬總督蔡公途中言懷二首

炎海分南極，迢迢天一涯。登壇雄節鉞，行部倦風沙。事業麒麟閣，功名駟馬車。當令韓與范，百代擬聲華。

元老初南伐，生黎敢內侵。檄傳蠻部遠，師入鬼方深。校筆羞班業，留田識趙心。南中今已服，七縱幾成禽。

答曾參政懋遠

大雅何寥闊，新篇好更多。誰知刪後作，復繼郢中歌。藻思徐庾掩，雄詞左鮑過。吾衰詩力減，一

不復書

卷六

為起沉疴

答李淮安子中

故人江上別，贈我以新章。每恨知音少，誰云大雅亡。才何慙鄴下，官豈薄淮陽。尚憶論文地，玄言清夜長。

答程客見懷

疎慵人共棄，慷慨爾新知。正憶文園病，翻投白雪詞。磯平新水漲，樓豁晚山奇。斗酒花前醉，相邀定幾時。

哭琴士張大本

銀燭然清夜，瑤琴不可聞。繁絃悲下里，高奏想高薰。竹淚深湘水，霜笳咽塞雲。鍾期今已矣，雅鄭更誰分。

少司空永康徐公挽歌二首

翼聖登三事，居民亞六卿。棟崩孤衆望，帝仄軫皇情。朝罷宮懸奏，鄉停巷杵聲。細推消息理，天亦忌功名。

烏府澄清志，黃堂臥治才。民歌廉范去，人仰寇恂來。宿草孤墳掩，甘棠幾處栽。儀刑今已矣，圖畫有雲臺。

不復書

卷六

大廷尉江陰湯公挽歌二首

嶽降開名輔，山頽逝哲人。縣車朝露促，留劍夜臺新。生死哀榮畢，行藏事業屯。玄泉一此閉，宿草幾秋春。

靈桃翮中野，僊輅祖北邙。鄉嗟耆碩盡，國痛老成亡。卿月昏無影，台星黯不光。唯應青史裏，列傳繼千張。

哭王履吉二首

經年憂汝病，一夕哭君亡。細檢詩盈篋，難禁淚滿裳。茂陵書未就，鵬鳥賦堪傷。生死交期在，

蕭悲白楊

天道殊茫昧斯人竟若何年逾文考短詩並子
安多日月名難敝丹青事不磨越溪庄上路寂
寞更誰過

張貞女二首

玉質泉臺掩花魂草露危岬冤悲孝婦抱節擬
共姬縷血疑為碧冰心誓不緇秋胡羞再面地
下莫相隨

蕙折嫌多露珠沉耻二天豈知傾國貌空結隋
樓緣蝶夢香閨月鵲啼青冢烟千秋姑惡鳥遺

衡藩重刻胥臺先生集卷之六

宅

恨至今傳

衡藩重刻胥臺先生集卷之六

衡藩重刻胥臺先生集卷之七

七言近體

大駕還京五首

秋興六首

大漸二首

中興三首

駕出南郊

齋宿省署

候駕

立春日早朝

衡藩重刻胥臺先生集卷之七

五日從游西苑應制

出左掖喜雪呈少宰徐師

恭謁孝陵

朝陵三首

金陵懷古

大梁城樓作

謁岳武穆祠

泛洞庭

登匡廬山

陪大宗伯張公遊鳳凰臺遂宴西園集後

次韻二首

元日宴都司

陪文太史脩禊桃花園

立秋日山樓觀雨

中秋日西湖舟宴

九日雨花臺諸僚友宴集

九日陳太守允揚邀登峴山

登大茅峯

觀碧巖瀑布泉

蘇灣山面碧浪湖其下有田可買頗懷築

六堂先集卷之

二

室之志苦貧無貲作此解嘲

湖上觀雨

桃花園

采香澄新庄

黃山草堂成

灌園作

詠白燕

池蓮

連理秋蘭

客去

同孫行人文會飲胡安定墓下

江寺副于春過飲橫塘莊遂同泛石湖

宿大司空安仁劉公山莊二首

宿施憲副聘之古朴樓

廬師陳卜居城東携酒相顧

卧病桃花園文太史期過訪詩以速之

過仲兄謝湖別業

伯兄携酒肆志園賞菊

夜飲仲兄山莊

許溪草堂為朱天民賦

六堂先集卷之

三

題陳職方魯得五山別業

題孫秀才菰城別業

送大司徒鄒公歸湖南

送戴孟光宰金壇

送湯時敏謫官安慶

送南仁父守徽州

送人官南康

送人游洞庭

虜退二首

山中寄履吉

法華庵寄吳興諸友

度崑崙關寄馬侍御君卿

答大司空劉公見懷

宗伯昭過訪辱詩奉答

答陳太僕魯南

答蔡丈九達

答履吉見懷

施憲副過宿列岫樓

奉次大司馬總督蔡公征黎二首

次電白觀海

六

次遂溪書事

次文太史見寄

衡藩重刻胥臺先生集卷之七

明吳郡胥臺山人袁袞永之甫著

長洲後學甥蔡亭張憲蓋甫校

大駕還京五首

霓旌曉發罷東巡羽衛天行望紫宸黯黯風雲

縣太白闌闌鏡鼓翼鈞陳長楊校獵陪群后岱

嶽登封禮百神問俗陳詩重游豫千秋詞賦鄙

橫汾

蘇軾彤弓親視師凱旋十萬羽林兒山川暗警

龍輿度日月行瞻黼座移江右已通吳貢賦淮

六

揚親親漢官儀丹書曰馬千年約鹽海銅陵異

日悲

大駕喧傳戒北征旌旗猶閃石頭城行宮鼓吹

紛淮甸馳道煙花接鎬京閭闔雲開宮扇影鳳

池風繞禁鍾聲千官鵠立朝班裏縹緲爐烟望

聖明

朔方諸將本梟雄附翼攀鱗易立功北去關河

三面險南來機杼萬家空運籌制勝聞司馬王

戚金貂羨揔戎今日凌烟誰第一我皇親為

奏車攻

江淮租賦古稱雄數歲征求苦不供士馬豈堪
勞餽餉倉箱何以備荒凶屯田久已思平糴銷
甲誰當復務農胡騎昨聞窺上谷急將漕粟轉
居庸

秋興六首

清秋抱病強登臺南國浮雲萬里來尺素亦隨
鴻鴈杳一尊難對菊花開風塵舉目山河異老
大傷心歲月催遙望金陵霄漢裡泠泠黃竹不
勝哀

月白霜清上庾樓感時懷抱更悲秋榆關烽火

卷之七

六十一

連邊徼漢苑芙蓉夾御溝天子征南親拜將
嫖姚專閫未封侯羯胡群盜猶猖獗轉餉征輪
盡可憂

塞上秋高胡馬肥材官羽騎救重圍受降城壞
人難到住牧河深事已非鹽課不登邊餉闕客
兵常借羽書飛文皇定鼎開天府獨石居庸
拱帝畿

南徐北固是楊州吳楚風煙動地秋四顧關河
今夕照八荒戎馬幾時休鏡歌奏凱喧川陸禁
旅專征衛冕旒三載巡遊車轍遍軍中時望大

刀頭

金陵自古帝王都太祖開基孕寶符王氣千
年盤日月山河百二擁荆吳宮城曲抱秦淮水
寢殿平臨玄武湖寂寞遺弓龍去遠宸遊今日
自歡娛

仙仗行宮舊內居花間往往駐鸞輿徒聞漢帝
橫汾曲不見長卿諫獵書天子射蛟開水殿
奚官牧馬遍郊墟蒹葭首宿秋無限悵望燕雲
萬里餘

大漸二首

卷之七

七一

南征北伐罷王師淚灑千官大漸期慷慨輪臺
下詔日淒涼玉几託孤時白狼未受西戎貢黃
竹愁聞夢澤辭寂寞橋陵松梓裏行人誰起雍
門悲

武皇仙駕已千秋細草荒烟蔓廢丘龍虎團營
新選士金張邸第舊通侯花深輦道萸萸色水
咽宮牆曲曲流往事蕭條都莫問咸陽黃犬不
勝愁

中興三首

大明九葉中興年憲廟諸藩親且賢花迎羽

蓋朝馳洛雲引旂常夜入燕代邸璽符同勸進
渭橋冠冕奉周旋蓬萊春日朝宗會獸舞嵩呼
望九天

紫禁青春拂曙開葱蔥佳氣指三台臨軒詔出
宮花賜耕籍躬勤玉輅回即喜賈生宣室召更
聞司馬洛陽來遙想賡歌鳳池裡群工稽首詠
康哉

十道循行使者勞鳳御丹詔下雲霄山東挾杖
觀王化河北投戈歟聖朝疇昔尚方頻賜
予何時少府罷征繇留都根本開基地苦憶供
輸走百僚

駕出南郊

鸞輿曉出大明宮文武官僚扈從同衆冕遙瞻
九霄上旌旗如在五雲中笙鏞隱隱郊壇闕輦
路迢迢帳殿通殷薦禮成柴望畢天長地久歲
時豐

齋宿省署

大祀南郊卜孟春西曹齋沐集儒紳日長官舍
無公務鳥下庭階少吏人岸幘彈碁殊不俗檢
書燒燭喜相親抽毫欲獻甘泉賦授簡慙非侍

從臣

候駕

仙韶廣樂半空聞闔闔朝開鹵簿分隊五花
中旣馬紛紛六郡羽林軍行天警蹕馳清道合
殿爐烟散綵雲昧爽趨朝迎法從光華親覩
聖明君

立春日早朝

青旂蒼輅轉東郊剪綵裁花賜百僚京兆獻春
傳木德天門頒朔舞雲韶魚迎淑氣窺泉脉鶯
轉和風變柳條惟有農祥協晨正願因千畝降

鸞鑾

五日從游西苑應制 閏試

蘭官桂殿翠微中鳳輦宸游引上公鶯語巧隨
歌管細榴花嬌映御筵紅長秋揆日分絲縷侍
女承恩戲角弓魚藻萬年同宴鑄甘泉欲賦未
能工

出左掖喜雪呈少宰徐師

春空瑞雪舞縈迴八表彤雲曙色開明月猶懸
馳道直銀河疑馮御溝來上林入夜花如霰黃
內平明王作臺無羨郢人歌獨步願調商鼎和

鹽梅

恭謁 孝陵

高皇陵寢枕鍾山悵望宮車不可攀表裡關河
環羽衛歲時朝謁走鶴班雲中絳節虛無見天
上金燈縹緲聞王氣直連豐沛遠神靈長繞鼎
湖還

朝 陵三首

諸陵遠在京師北 帝遣祠官祭告來隧道陰
陰連大漠仙宮杳杳閉蓬萊玉魚葬地悲難盡
龍馭賓天去不回紫塞黃雲千萬里雍門西望

使人哀

六言集卷十七

十

七聖衣冠宅兆同左包遼海右雲中金輿玉几
開前殿太乙鉤陳儼後宮陵寢萬年凝王氣松
楸落日起悲風先朝侍從今誰在密勿經綸有
數公

尚憶 文皇戰殺胡我明功烈古來無關門虎

據雄三鎮守衛龍驤走萬夫石獸隄魏窮制度
金滕詒翼闕謀謨小臣稽首 長陵下想像神
靈聚鼎湖

金陵懷古

古時王氣說金陵今代金陵是舊京鍾山作鎮
開天府江水為池抱石城廬龍觀裡花空發白
鷺洲前草自生六帝霸圖悲霧滅千秋 皇業
憶龍爭

大梁城樓作時有潞賊之警

飛樓百尺層城上極目中原感慨多天設潼關
包大華地分嵩嶽枕黃河西山寇盜悲多壘北
闕旌旗望凱歌日暮憑軒空涕泗幾時諸將罷
干戈

謁岳武穆祠

六言集卷十七

十一

朱仙當日恨班師地裂天傾宋室危百戰河山
空左袵千年松柏盡南枝江潮夜月英魂現禾
黍秋風故國悲和議祇談秦相失燕雲先已棄
遼夷

泛洞庭

曉發江潭下洞庭樓船天上坐揚舲中流雪浪
茫茫白兩岸雲山點點青楚客掛冠歸夢澤漁
人吹笛和湘靈岳陽樓上須沉醉盡典朝衣忍
獨醒

登匡廬山

迢迢廬嶽近天都萬丈丹梯鳥道孤樹裏泉聲
飛瀑布空中烟霧起香鑪峯形下瞰蓮花嶺江
勢遙吞彭蠡湖白鹿仙巖何處是却看五老在
虛無

陪大宗伯張公遊鳳凰臺遂宴西園尋
教次韻二首

春遊相賞鳳凰臺晴日江山四望開歌舞空憐
遺事往登臨無復昔人來緣岡踈竹迷朱檻曲
水飛花逐羽杯共羨上公傳郢調誰云詞客有
仙材

李書畫集卷之七

三

蘭堂桂館列清尊飛蓋華軒集上園四座笙歌
爭選部幾叢花竹自成村江梅破臘香風度簷
鳥鳴春麗日暄秉燭夜遊方未已鳳城鍾鼓報
初昏

元日宴都司

喜從元日宴華堂莫問新春客異鄉殘雪漸消
莫試綠炎風初轉柳窺黃椒花竹葉同隨俗對
局探鈞各擅場共勸一杯還一歲萬年長此祝
君王

陪文太史徵仲修禊桃花園

風日喜臨佳節好林亭更愛小莊幽藥欄舞蝶
雙雙戲花沼群魚隊隊遊旋摘園蔬當鷄黍新
栽徑竹間葵榴亦知生計須農圃便擬青門老
一丘

立秋日山樓觀雨簡朱日宣

急雨翻盆湖上來好風吹滿最高臺涼生水簾
秋先到病減文園暑盡回失意琴書聊自遣感
時懷抱向誰開朱雲不見空相憶應對山僧弄
酒杯

中秋日西湖舟宴

李書畫集卷之七

五

朱簾畫舫競遨遊騎吹喧闐集渡頭繞岸山圍
青作障重湖波淨綠如烟籠樹色含微雨風
引荷香接素秋今古繁華歌舞地東南佳麗帝
王州

九日雨花臺諸僚友宴集

高臺登眺俯神京令節歡遊出鳳城晴日滿山
羅綺隊香風隨路管絃聲江空落木孤帆急野
曠寒雲一鴈驚陶令孟嘉俱已矣紫萸黃菊倍
關情

九日陳太守允揚邀登峴山

澄湖碧水映晴空寶地青山列梵宮坐擁笙歌
娛九日亭邀冠蓋會群公黃花滿徑垂秋露畫
角層城度晚風樂矣登高還作賦忘懷真與孟
嘉同

登大茅峰

三茅峰並翠宮宮觀參差傍赤霄歷井漸疑
天闕近乘風猶阻帝臺遙空中玉節元君降殿
裡珠衣羽士朝安得異人傳祕術凌雲徒有思
飄飄

觀碧巖瀑布泉

六言集卷之七 南一
岩堯石磴躡香臺翠壁飛泉響萬雷急雨倒懸
珠沫亂微風斜颭水簾開銀河似向空中落素
練遙從望裏來廬嶽誰言過弁嶺碧巖今擬作
天台

蘇灣山面碧浪湖其下有田可買頗懷

築室之志苦貧無貲作此解嘲

山田十畝傍湖陰草屋三間對竹林地占清幽
宜卜築天教閒散得登臨葛洪自有移家志陶
令能無結社心已矣謀生真計拙東西南北任
浮沉

湖上觀雨

湖氣昏昏雨欲來山嵐如瘴蔽樓臺瑣窗白晝
鍾陰霧巖壑清秋起暴雷落雁漸依漁網集歸
鴉遙帶客帆迴書空終日知何益且復陶然進
一杯

桃花園

新莊近築桃花塢僻寂城闌遠市喧紅槿籬疎
環曲岸綠楊池小面幽軒時邀賓客教閒逕日
課兒童學灌園乘興再來看芍藥一尊相賞過
郊原

采香徑新莊

六言集卷之七 十一
誅茅闢闔城之西路轉采香徑上隄濃陰榆柳
綠當戶秀色芙蓉紅滿谿力田輸稅半栽秫鑿
沼養魚兼灌畦每愧長公高隱志杜門從此可
幽棲張學字長公

黃山草堂成

小堂僻寂橫塘濱溪水曲曲桃花新古榆高柳
自成墅沙鴨野鷗時近人邵園瓜熟足生計蔣
徑草荒無雜賓長夏江村更何事釣竿終日坐
垂綸

灌園作

綠水青門一畝宮，土墻茅舍百花叢。
霜前早橘已如錦，秋後疎荷猶自紅。
抱甕還同漢陰叟，避秦豈學東園公。
臨流濯足不歸去，酒熟隔離呼老農。

詠白燕

燕燕差池繞畫堂，驚看縞素衣娘梨花月。
冷迷春夢柳絮風輕，淡曉粧巷口誰家營玉壘。
掌中何日舞霓裳，不須更詠空梁什。
飛去飛來總斷腸。

六書集卷七

七

池蓮盛開清晨往觀

林塘開滿芰荷花，波面晨粧亂綵霞。
簇簇紅衣承日整，娟娟翠蓋倚風斜。
滿房新子含蜂密，萬顆明珠滾露華。
避暑祇宜河朔飲，習池寧似野人家。

連理秋蘭詩有引

余自西粵携歸秋蘭三本，今歲季夏
花盛開，奇芬秀色迥異常品。中有兩
花駢而為一，合蒂聯英，又不特連理
並頃而已，客有以為瑞者，喜而賦之。

幽蘭呈瑞，挺芳粲，紉就同心佩。陸離兩兩紫英
明，並蒂雙雙綠萼綴。連枝謝庭玉樹，真堪信楚
蛇瑤葩未足奇。向晚光風更吹拂，月華香霧坐
相宜。

客去

茂陵歸後日書空，壯志銷零歲不同。
俗事厭聞緣耳洗，新文喜誦為頭風。
右軍山下鶯成字，陶令籬邊菊幾叢。
薄暮問奇人已散，倚欄翹首送飛鴻。

同孫行人文會飲胡安定墓下

六書集卷七

七

湘水潺湲響白雲，空山伐木聲相聞。
林深過客畏虎跡，地僻居人馴鹿群。
密竹短牆圍梵院，高松細路轉胡墻。
花時莫負春游興，共爾狂歌醉夕曛。

江寺副于春過飲橫塘莊遂同泛石湖

每逢北使問京華，忽漫停驂野客家。
小飲花前張草具，勝遊湖上附仙槎。
納涼宴坐迎風便，聯句忘歸恨日斜。
惟爾別來才思進，江淹今已筆生花。

宿大司空安仁劉公山莊二首

桑麻彌望原田繞竹樹成行澗道分舟楫時通
具區水軒窓朝起弁山雲蕭疎生計漁樵事淡
泊機心麋鹿群此地何如簪組貴野人休更勤
移文

憶昨追趨畫省中自公多暇日相從豈知朝市
浮雲變猶喜江湖握手逢山靜停杯聞木葉夜
闌束燭看芙蓉求田問舍能無意北里南隣作
老農

宿施憲副聘之古朴樓

丈人宅子若谿濱余亦乘舟訪隱淪高樓遠望

六言集卷之七

八

見百里古樹濃陰遮四隣隙地種桑知有利薄
田栽芋豈憂貧細談往事傷心極湖海棲棲歎
此身

盧師陳卜居城東携酒相顧

長安城東新卜居閉戶蕭然只著書死靜烟霞
聯禁密官清鳥雀下庭除論文苦愛高人傳好
客時來長者車躍馬携壺相問訊為余沽酒解
銀魚

卜病桃花園文太史期過訪詩以速之

閨閣城北桃花園桃花夾塢如桃源一春病肺

惟高枕終日著書長閉門耽幽苦憶山林僻好
靜翻憊鳥雀喧報道羊求不時到幾迴開徑候
高軒

過仲兄謝湖別業

五湖一曲輞川莊修竹千竿蔽草堂素練繞門
秋水淨翠屏當戶晚山蒼窮愁亦有田園樂習
靜能無著述忙弟勸兄酬自茲始也須斗酒醉
柴桑

伯兄携酒肆志園賞菊

天明折簡報花開日午移舟載酒來荷鍾親除

六言集卷之七

九

蔣生徑解衣同醉陶潛杯幽姿百種嬌風樹冷
艷千叢裊露臺此日共歌棠棣什伊予慙之惠
運才

夜飲仲兄山莊

斜日携壺叩竹扉長公扶病倒荷衣避賢轉詫
交遊散樂聖休論世態非興劇酒隨紅燭盡狂
來歌逐綵雲飛中天月色真如畫不羨山陰雪
裏歸

許溪草堂為朱天民賦

許溪新卜草堂幽况有漁磯枕碧流一徑榆陰

不知暑四窓山色更宜秋
楓林散步吟紅葉水檻閒
凭對白鷗羨子高情同魯
望筆牀茶竈只扁舟

題陳職方魯得五山別業

嘗聞五老匡廬勝
宣識閩中五馬山
天外層巒同縹緲
雲端飛閣並潺湲
蒼蒼秀色時當戶
寂寂幽樓日閉關
何用拂衣遊五嶽
羨君茲地足躋攀

題孫秀才孤城別業

土城傳自春申築
山館今為武子居
窓引溪雲

六言集卷之七

七

飛白鳥池通湖水浴紅蕖
桑洲隱隱孤蒲亂
樵路迢迢竹樹疎
羨爾投戈習文藝
閉門讀盡鄴侯書

送大司徒鄒公歸湖南

懇辭榮祿思田里
竟解朝簪別帝闈
優詔特教馳驛去
明時何以拂衣歸
兩都錢穀誰能計
八座功名世所希
國有老成天下福
士人徒爾羨知幾

送戴孟光宰金壇

建業關河拱帝居
金壇風俗類秦餘
華陽洞

閔仙人錄句曲山藏太史書
鷄犬千家花縣靜絃歌終日
訟庭虛飄飄銀漢星槎去
卧病文園獨曳裾

送湯太史時敏謫官安慶

嗟君謫宦意何如
僕馬星言畏簡書
江水遠浮天柱闊
楚雲時傍小孤舒
每司簿領趨公府
曾捧絲綸侍石渠
不久皇恩召宣室
長沙無用弔三閭

送南仁父守徽州

三載西曹為大夫
金章象簡出皇都
使君五馬

六言集卷之七

七

初乘傳漢室諸侯重
剖符春雪消時河水發
亂山深處郡堂孤
知君不薄新安守
訟簡風清一事無

送人官南康

羨君作宦南康州
廬嶽崔嵬擁上流
瀑布銀河當面落
香爐雲氣半空浮
江花自發匡君廟
山月長懸謝客樓
幕下公餘倘無事
為尋彭澤菊

送人游洞庭

洞庭天險東西峙
震澤波濤混太清
萬石雲霞

開錦繡千林風雨雜簫笙
毛公壇下藏金錄鹿
飲泉頭濯素纓閉戶著書
五石有意何時與子避
汙名

虜退二首

昨聞胡馬寇榆林今喜元戎奏捷音
選士防秋徵六郡出師終日費千金
風清細柳鏡歌動月滿棘門殺氣陰
蠡爾匈奴猶未滅諸君宜軫濟時心

陰山西去草蕭蕭飛將誰能捉射鵰
當寧聞警思頗牧軍中投石望嫖姚
虎符夜發抽兵急羽

六韋先生集卷之七

三

檄晨馳轉餉遙邊務即今彫敝極願將封事上清朝

山中寄履吉

千山萬山當面迎采秀探奇余獨行
天寒洞庭一水閣落日縹緲孤峯明
草玄吾已欽前輩作賦君今喪後生
若問高陽舊徒侶竹林應有七賢名

法華庵寄吳興諸友

昔愛湖山野寺居今依淨水借精廬
陰陰橘柚開虛館密密桑麻遠曲渠
風土漸於鄉國近壺

觴無柰故人踈年來更有文園病
魏似虞卿強著書

度崑崙關寄馬侍御君卿

崑崙關外即邕州遷客那堪此地遊
九折坂盤疑棧道萬重山險抱江流
時平不見干戈警身病仍聞瘴癘愁
五嶺古來無鴈到思君何處慰離憂

答大司空劉公見懷

北雁南魚各異方吳江越水路茫茫
人生聚散那堪說世事升沉祇自傷
十載東山間謝傳幾

六韋先生集卷之七

三

時牛渚共袁郎相思獨上高樓望忽接新詩淚兩行

宗伯昭過訪辱詩奉答

蓬戶蕭然仲蔚居忽傳高士駐文輿
憐君失意長為客顧我窮愁強著書
海內獨憐青眼在花前猶恨綠樽虛
石湖新水晴如練好買扁舟看釣魚

答陳太僕魯南

金陵西望思悠悠苦憶風流老太丘
對酒那能論往事寄詩粗可慰離憂
焚魚學士新招隱題

柱仙郎故倦游豈是竄身求負郭祗緣餬口卜
菟裘

答蔡丈九達

一自君王賜五湖閉門高枕著潛夫支離農圃
全踈嬾嘆息交遊半有無金馬門高瞻日月清
楓江冷憶蓴鱸子雲白首真能事草得玄經冠
兩都

答復吉見懷

湖頭新水沒漁磯桑柘青青葉漸稀谿柳晚涼
蟬亂響渚蒲朝霽鸛群飛養生藥物身無恙玩

不食素菜卷之七

七

世功名事已非谷隱巖栖真我願異時浮海莫
相違

施憲副過宿列岫樓辱詩奉答

君谿惜別動經年吳地相逢倍黯然握手論心
疑夢裡狂歌痛飲對花前高樓只合元龍卧塵
榻寧於孺子懸本為情深遥命駕何須興盡便
迴船

奉次大司馬總督蔡公征黎二首

羽檄星馳出鳳城虎符風發集狼兵軍容坐撼
山川動殺氣先回草木生王節臨邊蠻霧靜樓

船橫海瘴烟清朱厓此日封京觀麟閣他年勒
姓名

交南新築受降城海外親提十萬兵專閫功高
推大將請纓心壯笑書生轅門風急朱旗捲幕
府霜寒畫角清露布早馳黎母捷磨崖誰數伏
波名

次電白觀海

電白城高海上開飛樓千尺俯蓬萊三山隱見
從空起八極溟濛入望來蜃氣朝蒸疑是霧潮
聲晝湧忽如雷遙思驅石當年事直欲乘槎去

不食素菜卷之七

五

復回

次遂溪書事

荒村古堞樹陰陰下馬停車試一臨城郭蕭條
經戰後山川搖落對秋深劉琨報主聞鷄舞諸
葛匡時抱膝吟北虜南蠻憂不細江湖空有願
廊心

次文太史見寄

愁緒搖搖似旆旌每懷前輩有儀刑高公詩寄
題人日方朔名傳是歲星吳苑菊荒三徑在楚
江雲遠數峯青折腰五斗緣何事休恠楊雄憶

草亭

衡藩重刻胥臺先生集卷之七

六

未

衡藩重刻胥臺先生集卷之八

五言排律

南都紀遊

元王聽朔奉天殿

拜對

入館呈諸君

寄壽太傅木齋謝公三十韻

紫陽菴

張氏園亭

遊張公洞簡宜與令谷嗣興

六

答谷嗣興游虎丘見憶

自夏徂秋候 旨未得歸

南嶽登絕頂

送張漁卿歸賦溪

送莫水部子良歸華亭

賦得桃花洞贈李正父

七言排律

寄上大宗伯石潭汪公

桂林卧病書懷

秋菊盈園客至 醉效白太傅體作

五言新體

江都陳娥許嫁姑蘇崔生強暴將奪之抱節而死二首

六言

莊居二首

春日肆志園漫興五首

石湖次彭孔加韻

芳春樓

飛麗亭

寒玉泉

不盡卷集卷六

二

衡藩重刻胥臺先生集卷之八

明吳郡胥臺山人朱泰永之甫著

長洲後學甥蔡亭張頌蓋甫校

南都紀遊

六合齊文軌多方協帝猷山河包魏闕日月拱神州佳氣瞻閭闔光華憶冕旒樓臺三輔曉風物五陵秋財賦東藩會網維北極侔寢園素矢服武衛擁貔貅地接王公館花迎伎女舟通衢分列騎官柳引鳴騶濟來陽禹彬彬奮祖劉威儀方陋漢制作遠追周

不盡卷集卷六

三

元正聽朔奉天殿

宵炬開閭闔晨鐘警未央穆清頒象魏斧戩翼旂常庭實輸文陛官縣合洞房鸞和瞻至止獸舞儼成行土德三元會乾文七曜光履端申歲事故授稟王章協律調玄籥司儀肅來裳春融仙掌露寒薄玉戈霜銅渾初昏轉階甍孟月芳苔痕疑隱綠柳色半舒黃綵帖鏤金薄椒花薦羽觴雲官歌萬壽太皞聲東方靈沼流漸釋新田土脉張九衢揚木鐸千畝勸公桑翼翼宸維正巍巍帝座昌都俞欣道泰游豫悅時康

廷對

警蹕臨軒出公車待詔來羽林羅廣陞法從擁
蓬萊天語絲綸密人文日月開非熊夢寐調
鼎想鹽梅喜起夔龍會條陳董賈才小儒真忝
竊拜手咏康哉

入館呈諸君

卒業銅龍署從游金馬門吹噓忝嘉薦感激荷
殊恩朝散花迎珮公餘月滿軒槐陰親凡席鶴
舞對琴尊竊祿多遊豫披文共討論諸君盡材
彥述作冠詞垣

寄壽大傅木齋謝公三十韻

翊運調樞軸乘時陟廟廊四朝全禮數八座冠
班行名使華夷重功存社稷康鍾鼎標事崇甲
第聳文章玄化思弘治明公佐 敬皇披鱗輸
骨鯁補衮詠羔羊侍從雲臺下逶迤黼座傍謀
謨勤獻納夙夜慎趨蹌坐視金麻草歸舍玉署
香建明真不朽遭際亦非常共羨時宣召惟知
日贊襄休休綿國脉肅肅布王綱剝復機相倚
艱屯意巨量悲風天地慘遺詔古今傷萬事俄
然改孤忠誓敢忘危機嘗虎口正色忤豺狼

遂明農願終傳辟穀方斯文關泰否五道下行

藏謝傳東山聖裴公綠野堂升沉更世代盤錯
歷風霜訪落勞存問徵書荷寵光安車迎再四
東帛備玄黃虛位相推讓趨朝勉對揚主恩未
不忝臣節去彌芳明哲身能保林泉志竟償羽
儀尊恭華桃李望門墻世祿誇名閥詞林有令
郎伊余蒙品藻美烈媿鋪張未及陪珠履徒懷
奉羽觴佇瞻南極下遙祝壽無疆

紫陽菴

複磴上重重靈關訪赤松壇危瑤草合竈廢白

雲封珠鳥懷實馭星旌想道蹤丹砂難變化紫
汞費陶鎔海上方無驗桃源路莫從何當棄家
室緱氏倘相逢

張氏園亭

未窮游覽興延賞辟疆園戚里聯閭閻椒房冠
掖垣朔風排繡闥納月啓華軒芳沼芙蓉列幽
庭翡翠翻鶯花疑杜曲水物愛桃源歸騎林塘
晚昏鴉樹樹喧

游張公洞簡宜興令谷嗣興

靈洞虛窓豁香臺曲磴連陰陽開福地日月閑

入天度險高還下探奇折更旋浮嵐迷晦黑怪
石駭騰蹇色雜丹青飾形疑鍾磬懸把杯承乳
溜張炬認芝田羽化窮幽訣霄昇想秘詮寶符
何在矣丹竈尚依然浩蕩歡方洽飄飄思入玄
因懷葉縣宰鳬舄望翩翩

答谷嗣興游虎丘見憶

仙宰鳴琴暇旃林駐節遊河山標上界物序賞
初秋遐眺憑危閣高攀陟峻丘花迷芝蓋轉泉
涌羽觴浮陰壑碑文蝕玄宮劍氣流霸圖還憶
古勝槩屢窮幽錦札勞題贈瑤塵阻獻酬無緣

全宋集卷之六

六

同惠遠送汝虎溪頭

自夏徂秋候 旨未得歸

徂暑慙流滯何時許罷歸過湘無鴈到望關有
魂飛拙宦心真懶傳經事已非周任稱就列梅
福嘆知幾瘴癘炎州劇葦蘆澤國肥江湖隨處
好早晚築漁磯

南嶽登絕頂

南嶽勢何雄高高聳祝融目窮三楚盡身在九
霄同雪瀑懸銀漢星梁跨綠虹古臺朝望日陰
壑畫乘風虞狩遺踪杳仙昇往事空坐觀飛雨

至雲氣起封中

送張濂卿歸賦溪

長聞賦溪勝何日五湖游山指洞庭去水從天
目流草荒巖子墓橋泊范公舟錦浪迷紅芰清
波戲白鷗菱歌花裡出畫槳錦中浮君去秋應
盡霜楓滿渡頭

送莫水部子良歸華亭

華亭生二陸之子熟三墳月露卑人體陽春慕
古文清逾何水部俊掩鮑參軍錢穀寧勞汝林
泉獨見君告歸辭綬冕消渴卧松雲海上方堪

全宋集卷之六

七

試天台藥可分丹砂延壽命竹素累功勳文章
如刊定魚箋好寄聞

賦得桃花洞贈李正父

聞子幽棲處桃源路不迷崇臺親鷺嶺別業對
花溪竹樹攢危壑烟霞斷石梯桑麻墟里接鷄
犬白雲低中有長生客金丹竈已泥他年間津
去相訪武陵西

寄上大宗伯石潭汪公

高卧東山老秩宗懇辭榮祿遂明農丹心魏闕
孤臣淚白首江湖萬事慵侍從三朝真感激

居八座亦遭逢美名久矣人爭慕直道由來世
不容前北周南雲杳杳吳山楚水路重重馬歸
彭蠡知何處家住匡廬第幾峰棠棣花前紛屨
舞鵲鵲原上喜相從市朝莫問多更改兄弟遙
應盡友恭未及識荆瞻氣象曾因御李荷陶鑄
佇看瑚璉登清廟莫學神仙事赤松

桂林卧病書懷

南中春半已飛花客裏傷春更憶家舊說炎荒
惟象郡今來卑濕倍長沙山嵐弄雨初疑霧海
氣披晴忽變霞杳杳蒼梧分嶺外迢迢銅柱極

本集卷之六

天涯殊方物候偏驚早到處夷風未慕華月報
峒蠻騷戍堡時傳江獍劫鹽植投戈共喜交州
順游金猶嫌荔浦諱遠道甲兵愁阻絕羸羸瘠
瘠苦交加折腰元亮辭先賦病肺相如思轉賒
鼓柁新秋還甫里杜門終日卧官衙尊鱸自足
供饘粥薏苡休教載使車莫怪掛冠胡太早二
毛無意戀烏紗

秋菊盈園客至輒醉效白太傅體作

小園無日不花開更喜黃花滿徑栽謝病長卿
拋著述避人陶令賦歸來霜枝高下依朱檻露

蓋浮沉薦羽杯日引兒童相燕賞時邀鄰曲坐
莓苔香氛似入芝蘭室叢艷爭看錦繡堆豈美
李倫金谷好已拚李白玉山頹酒中深趣真堪
樂身外浮名祇是災但使有花無俗客百年知
醉幾千迴

江都陳娥許嫁姑蘇崔生強暴將奪之
抱節而死二首

生存異鄉縣死逝異墳丘單鳬違昔侶隻鳳失
今傳願結來生誓還同一處遊

本集卷之六

妾顏花比豔妾命草同彫寶慢空塵積泉臺詎
恨銷貞魂應不散暮雨復雲朝

莊居二首

百疊山圍屋角一灣水繞門前試問橫塘風景
何如瀼西輞川

避客誅茅山郭養病却掃衡門焚香終日靜坐
荷鋤有時灌園

春日肆志園漫興五首

一瓢逍遙農圃千駟笑傲王侯尼父從吾所好
於陵與世無求

粉牆綠垂楊柳溪水紅映桃花山店酒旗高懸

江津漁鼓頻擗

床頭濁酒初熟園裡好花競開莫笑潘郎拙宦
偶同陶令歸來

梨花一番細雨戴勝百轉和風白白新鶯戲水
雙雙舞蝶穿叢

風顛雨橫無賴花落花開不知忽見簾櫳新燕
恐看庭院殘枝

石湖次彭孔加韻

秀嶺雲藏鳳剎澄湖月偃虹梁風帆速隨落鴈
漁網高掛斜陽

芳春樓

花氣遲遲春晝花陰寂寂春宵素女臺前掛鏡
玉人樓上吹簫

飛麗亭

朱拱春鶯對轉繡簾朝燕雙飛借問蘭亭綺麗
何如金谷芳菲

寒玉泉

千挺琅玕濯雨四簷環珮鳴風湘簾不知炎暑
北窓高卧誰同

衡藩重刻胥臺先生集卷之八

衡藩重刻胥臺先生集卷之九

五言絕句

號州許氏園亭雜詠十三首

堯峰山十二詠

橫塘別業十四首

肆志園

橫塘歸

返照

野步

渡江浦

太倉先生集卷九

登月華洞

興安道中

迴鴈峰作

黃陵廟

送人官曲阜

西蘆辭三首贈上海諸徵君

並頭白菊

與諸文學分韻得頭字起萬字止

衡藩重刻胥臺先生集卷之九

明吳郡胥臺山人袁泰永之甫 著

長洲後學甥蔡亭張望蓋甫 校

號州許氏園亭雜詠十三首

柳溪書屋

高柳蔭清溪烟霞開茅屋中有科斗書奇字不可讀

賓山草堂

山色晨昏殊彩翠紛千狀呦呦雙鹿麝交卧青苔上

雪岫

危崖綴陰洞窈窕藏曲折洞裏黃精花六月含

霜雪

蜡祠

九月禾稼登十月場圃築坎坎蜡鼓喧爭唱迎神曲

松麓

傍麓羅古松松根多赤冬月下松子落有客誦黃庭

方橋

稻畦通竹逕水磴激花渠盡日濠梁上清流數
鱖魚

曲塘

別墅抱迴塘水竹多幽趣白鷗飛復來灌園忘
日暮

延月亭

微雲澹絳河初月輝輝出素影照青林幽人坐
石室

花嶼

疊石為魚防花卉羅奇異春風三月時花落游

魚戲

釣臺

尺五

溪水清漣漪溪毛紛可數竟日垂釣竿得魚長

蔬圃

蒔植學為圃拮据人不知山中酒新熟客至烹

露葵

竹園

幽篁密復疎雨餘色蒼翠天風振崇林環珮聲

相類

葦浦

蒹葭散極浦瑟瑟含秋風夜聞滄浪歌知是河上公

克峯山十二詠

半峯亭

連峰翠岩堯孤亭半峰上山下雲起時翻向憑高望

清暉軒

樹杪見風帆正對南湖水山月流清暉來照軒窓裏

大青先生集卷之九

四一

碧玉沼

泠泠碧玉沼青萍鋪水面風吹萍葉開水底魚皆見

觀音巖

磴磴轉危巖寂寥古龍象空林人跡稀但聞清磬響

白龍洞

陰洞山之阿銛硃石勢逼還疑蟄龍起雲霧閉深黑

多景巖

應接無閒暇日與賞心遇惟應山人解識山中趣

寶雲弄

古麓浸寒泉稚子時時汲迎晨入翠微嵐氣侵衣濕

偃蓋松

高松若車蓋偃蹇北山隈不蒙匠石顧詎識明堂材

鐵塔

鴈塔蔽浮雲縹緲人天外風鈴鳴四簷獨往聞

大青先生集卷之九

五

幽巖

妙高峰

逶迤羣峰首躋攀興何已曠然心目開盡此丘壑美

東齋

楓葉紛紛落荒徑無人掃萬念杳虛寂閉門閉

西隱

朝坐東齋幽夕宿西齋靜跣趺對佛燈沉沉清夜永

橫塘別業十四首有引

余別業在橫塘頗有黃山石湖之勝

厚文內翰徵仲題其門曰宅近青山

同謝眺門垂碧柳似陶潛爰即所題

賦十四絕句

宅字

伊余性好靜移家黃山側黃山何逶迤正近幽

人宅

近字

山居遠城市更與石湖近石湖妙難言秋來水

不食老集卷之九

木一

如鏡

青字

連山何青青四圍如畫屏清風敞高閣明月懸

廣庭

山字

地僻罕人事日長唯閉關扁舟時汎湖雙屐還

登山

同字

自余為老農事事田夫同食也百畝田居也一

麻官

謝字

衣食一無營朝市兩相謝守寂聊自娛山中日

多暇

眺字

山樓頗高明豁然直遠眺開襟當雄風懷古一

長嘯

門字

青山既遶舍綠水還當門即此足避世何用羣

桃源

垂字

不食老集卷之九

七

經月不出戶下簾終日垂危坐誦老易逍遙濬

無為

碧字

空堂寂無喧落葉疑人跡秋深涼思多雨洗苔

花碧

柳字

臨水植芙蓉綠隄列楊柳愛此芳樹陰風寒亦

何有

似字

雙鶴皎如雪時有凌雲志惟應考槃者高潔性

相似

陶字

濁酒一壺罷其樂何陶陶仰天雙耳熟且復鋪其糟

潛字

卜築歲已淹耕讀時相兼丘園自有事還著老夫潛

肆志園

折腰元亮頗肆志魯連迂結組從他慕田園且自娛

不盡卷之九

八

橫塘歸

片月出雲嶠荒烟起茅舍薄暮見漁舟來集港

潭下

返照

返照射空潭千林亂蟬響幽獨悵誰語徙倚孤

亭上

野步

新月生西嶺窈窕穿叢薄林深不逢人時有松

子落

渡江浦

閱武乘春令揚帆及霽晨柳烟迷極浦花日蕩芳津

登月華洞寄潘臬諸公

晨登月華洞洞口雲微微桂嶺杳何處孤心雲共飛

興安道中見杜鵑花有感

杜鵑蹄已老杜鵑花尚開昔從此山去今見此花面

迴鴈峰作

北鴈不南去南人今北歸故鄉愁尚遠欲與鴈

不盡卷之九

九

同飛

黃陵廟

日落黃陵廟潮生青草湖蕭蕭斑竹裏山鬼嘯相呼

送人官曲阜

花發潘生縣風清宓子琴君行瞻孔廟絲竹有

遺音

西廬辭三首贈上海諸徵君

君家滬濱城城西廬子渡廬子何蒼蒼秋風吹

白露

秋鴈集復飛寒潮明更滅日暮風起時蘆子花如雪

長江不見人漁舟耿何處風吹蘆子鳴颯颯似人語

並頭白菊

白菊白如雪雙花一蕊開遙疑兩素女乘月舞瑤臺

與諸文學分韻得頭字起萬字止

頭白不再黑持觴須自勸圓魄幾盈虧世慮徒千萬

衡藩重刻胥臺先生集卷之九

十

衡藩重刻胥臺先生集卷之九

衡藩重刻胥臺先生集卷之十

七言絕句

皇太子生肆赦五首

燕京上元歌四首

金陵歌十首

太平堤

峴山歌十二首

桂嶺十首

自靈巖至西洞庭山四首

北湖

衡藩重刻胥臺先生集卷之十

望縹緲峯懷蔡丈九遠

觀音巖訪楚石和尚

恭和棗陽王夏日襄陽歌三首

答大司空劉公二首

少宰徐師薛荔園十四詠

送汪僉事赴湖南三首

送文太史徵仲歸田五首

送蔡師古遊漢陽

送人還臨海

送人遊武當

送許彥明還金陵

送陳道原武舉北上

劉司空宅觀趙王孫所畫逸驥脫羈圖

石湖草堂芭蕉甚盛賦詩乞之

紹之弟惠麝香百合千葉梔子二首

春來無日不飲為酒所困乃不知春去悵

然有述二首

溪上作

六言集卷之十

二

漁潘重刻胥臺先生集卷之十

明吳郡胥臺山人袁泰永之甫著

長洲後學錫葵亭張鶴蓀甫校

皇太子生肆赦五首

海內歡傳出 聖人萬方雷雨一時春元良繼

體傳千葉宗社開祥自九嬪

電繞青宮瑞靄流星輝紫極慶雲浮多男不用

高祺祝淑女還同太姒述

天祚皇明曆數長我 皇純孝格 高皇震索

已符文母卜河清先聲啓賢祥

六言集卷之十

五

冕旒朝御奉天門拜舞羣趨賀 至尊告廟禮

成書玉牒垂衣端拱法乾坤

彤樓放赦跪千官爭看金雞文五竿馳詔分頒

諸道使覃恩均洽萬人歡

燕京上元歌四首

九陌烟花遶建章春城游冶闌新粧處處寶燈

疑不夜家家歌管類平陽

火樹千枝照掖庭魚龍百戲雜優伶樓頭綺綴

懸明月地上金蓮布曉星

侯家邸第入青雲一曲笙歌十里聞花作繡綸

金作埒燕姬月下舞羅裙

紫陌香塵蹴踘回紛紛花霧踏歌來太平無事
都行樂魚鑰形樓徹夜開

金陵歌十首

金陵定鼎開基地虎踞龍蟠王氣多旁枕赤山
為曲阜外連江水作黃河

高帝龍飛自鳳陽金戈直指掃天狼親驅虎旅
收姑孰更遣舟師取豫章

首起塗山作沛豐轉漕江左類關中長驅已報
嶠函破略地仍傳瀚海空

六書卷之十

四

地轉天旋大駕崩千官灑淚哭龍昇翠華玉
鳥虛無裏日暮悲風起孝陵

一自文皇宅北平漁陽上谷衛都城西通關
陝為藩鎮南指金陵配鎬京

別寢靈官構紫微嚴更清署秘端闈花開舊內
無人見草綠長門燕子飛

海內風雲盪晦冥空廊寂闕丹青麒麟閣上
圖諸將玄武湖頭鳧百靈

花發臺城苑殿荒六朝遺事使人傷翠華想像
宸游處碧草萋萋聲路長

岸夾垂楊起畫樓秦淮錦浪接天流朝朝綵鷁
來江口夜夜蘭燈集渡頭

廣陌香車九軌來長千里接鳳凰臺烟花萬戶
聞歌舞宮殿千年閉草萊

太平堤

菱葉荷花夾岸秋金堤十里抱芳洲鳳凰臺對
蓬萊殿玄武湖通太液流

峴山歌十二首有引

吳興山水郡也而峴山為最勝前臨
碧浪湖中有浮玉道場金蓋洞庭升

六書卷之十

五

嶺環竒拱秀且近城而幽臺榭紛錯
竹樹迴旋余甚娛之旅寓既久得十

二絕句

峴山更比襄陽好漢水何如碧浪清千里桑麻
環沃壤萬家樓館抱重城

城外茗溪接雪溪道峰高並弁峰齊誰言剡曲
和嚴瀨莫羨藍田與灤西

春水桃花綠映人曉烟楊柳萬條輕歌船合沓
晴湖戲游騎聯翩綺陌行

金蓋茗堯掃紫霄洞庭雙峙駕雲鰲具區不數

三江險天目還同五嶽高

浮碧亭前瞰碧漪窪樽石上倒金危紫祠尚表

三賢惠碑勒長存叔子思

三月桑洲綠漸勻千村蠶種浴溪濱青葉爭看

趨市客禁條時見望筐人

浮玉山浮碧浪湖鷺絲白白間花鳬鰕魚潑刺

金銀躍茵茵紛披錦繡鋪

蘇灣山下竹連岡學士墳前卧石羊牧豎採薪

爲野燒漁人吹笛起滄浪

紫荇青蒲密復稀水清花落鰕魚肥曬網朝朝

漁艇集採菱處處渡船歸

說法空尋最上乘緇經靜對佛龕燈前身恐是

王摩詰今世來爲有髮僧

菡菊丹楓照眼明山青湖碧愛秋晴夜坐南樓

看月上曉開西閣候雲生

梵殿香臺竹樹間風搖雲纜寺門前客館不知

黃葉落書窓惟有白鷗眠

桂嶺十首有引

城西鳳凰峴下有范氏園桂樹數百

株花時游客如市嶺西更有魯家園

樹小而花更繁人無遊者

千株古桂密屯雲數里香風聞翠幕周圍

高復下亂飄金粟碎紛紛

華麓山前繞稻田鳳凰峴下桂叅天村童野老

盈筐採賣與遊人不論錢

繡褥文茵席屢移羽觴催送酒淋漓戲將紈扇

承花朵醉脫羅衣掛樹枝

風舞飛英杯面浮酒香花氣紫霞流綵囊盛滿

懸衣帶更雜鈿蟬插髻頭

緩步松陰過嶺西嶺西叢桂蔽迴谿野人落帽

低枝亞稚子携壺小徑迷

魯園花較範圍多谿水當門覆薜蘿真學桃源

賺劉阮向來遊客少經過

偃蹇亂枝玉露搏清秋仍得醉中看若教朗月

臨青嶂何用乘風向廣寒

錦繡山河拱地靈黃金堆裏擁丹青恍疑戶掩

流蘇帳又似堂開雲母屏

日落深林客漸稀傾城上女看花歸香塵不斷

人聲遠惟見籃輿轉翠微

目靈巖至西洞庭四首

靈巖高處是琴臺，舞榭歌梁已草萊。西施洞指雲中出，范蠡舟從海上來。

龍爭虎鬪事千秋，越壘吳宮麋鹿游。更分震澤為彭蠡，亦有三江賽十洲。

天開地缺浸方輿，潏潏波濤混太虛。縹緲峯頭看浴日，毛公壇下闕丹書。

七十二峯天削成，青蓮萬朵畫分明。若為飛鳥都游遍，不減蓬萊頂上行。

北湖

樹裏茅堂面太湖，水精宮闕對蓬壺。晚來雨霽

不盡卷集卷之十

開簾看七十二峯如畫圖

望縹緲峯懷蔡丈九遠

遙望中湖縹緲峯，丹霞削壁幾千重。桃花曲曲緣源路，我欲從之訪蔡邕。

觀音巖訪楚石和尚

聞有高僧住翠微，雨中來訪白雲扉。空山落葉無人跡，但聽泉聲百道飛。

恭和東陽王夏日襄陽歌三首

漢水方城帝子宮，玉臺瓊館五雲中。自有舜絃消永日，不須班扇引薰風。

習池肅穆疑冰井，峴首陰森似雪山。倒着接離花下醉，銅鞮滿路踏歌還。

荷花如錦柳千絲，暑殿清虛坐奕棋。便儼襄陽為閬苑，更誇仙子是陳思。

答大司空劉公二首有引

大司空劉公以七夕中秋重九日三訪予於峴山法華寺，予方觀潮浙江，皆不相值，辱題二詩於法華壁上，敬此奉答。

自嘆身如不繫舟，乘桴放浪五湖遊。秋來欲問行藏處，黃葉僧房對白鷗。

不盡卷集卷之十

九

七夕中秋獨舉杯，重陽誰與共登台。觀潮自向錢塘去，訪戴空勞剡曲來。

少宰徐師薛荔園十四詠

薛荔園

七十二峯浮五湖，崦西山水賽蓬壺。輞川金谷聞人說，薛荔園中即畫圖。

思樂堂

高棟層軒勢欲飛，夜臺冥漠掩泉扉。昔人行樂今人憶，只有空梁舊燕歸。

石假山

山生花石成山幻出峯巒几牖間不是五丁
神斧鑿何緣三島恆躋攀

水鑑樓

空明潭水映朱樓秦女吹簫在上頭夜半素娥
開寶匣一輪明月掛中秋

風竹軒

仙家軒館極清幽疎竹千竿翠欲流自有冷風
驅鬱暑翻疑長夏似深秋

蕉石亭

大華集卷之十

十

太湖花石玉玲瓏更愛芭蕉弄晚風坐久一亭
雲影亂綠陰浮動酒杯中

觀耕臺

綠野風和暑氣清東菑農作喜新晴食力豈慙
徐孺子登臺親課隴頭畊

薔薇洞

密葉繁枝結洞房萬紅千紫鬪春粧莫教一日
無歌舞錦繡叢中醉幾場

荷池

草閣虛無俯碧沙清池綠水出蓮花風翻翠蓋

傾珠露日射紅衣暈綵霞

栢屏

編蓬為戶栢為屏黛色蒼蒼四序青將逕下除
無客到閉門終日草玄經

留月峯

峯形如月影參差霧縠冰輪隱半規不用班姬
將扇比祗疑張尹畫娥眉

通冷橋

泠泠山礪響松風絕壑雲深一徑通此去赤城
知不遠石梁天上掛飛虹

花源

大華集卷之十

十一

春盡清溪泛落花中湖別自有烟霞武陵未必
如西崦雞犬桑麻已萬家

釣磯

片石湖心作釣磯投竿終日坐忘歸晚來處處
漁歌起醉看青天白鷺飛

送汪僉事赴湖南三首

曉發匡廬泝武昌輕舟幾日渡潯陽清楓兩岸
啼猿夜黃鶴樓頭望故鄉

鄂王城下漢江流衡嶽雲連夢澤浮九月清霜

飛木葉一聲陽鳥使人愁

分司憲府鎮荆蠻皂蓋朱幡有莫攀倘過襄陽問耆舊何人高卧鹿門山

送文太史徵仲歸田五首

劉向為郎已十年賈生憂國竟南遷嬾從天祿成玄草寧向柴桑乞酒錢

明光殿前辭紫宸黃金臺下送行人長淮風浪多新水茂苑鶯花已暮春

五十傳經試一官誰能狗祿不如閒偶來金馬承丹詔焚却銀魚向碧山

六韋集卷之十

三

豈有移文勒北山灌園終日不辭艱三花少室惟高卧五柳衡門早閉關

燕京二月梨花飛澤國春深鱸鮓肥相如四馬臨邛去范蠡扁舟湖上歸

送蔡師古遊漢陽

漢江鴨綠與天通一日飛帆向楚中峴首斷碑懷叔子鹿門高枕慕龐公

送人還臨海

南游會稽北入燕看花長醉酒壚邊輕舟杳杳望吳越秋水鱸魚時扣舷

送人遊武當

洞庭南去即三湘衡嶽盤空接武當雲覆龜蛇長五色下生芝草與琳瑯

送許彥明還金陵

霏霏雨雪滿江湖雲外哀鳴鴈影孤歸到金陵親友問松江惟有四鯢鱸

送陳道原武舉北上

少年能武復能文此去須空冀北群投筆封侯豈難事手擒胡虜獻明君

劉司空宅觀趙王孫所畫逸驥脫羈圖

六韋集卷之十

三

誰寫驂駟意匠深辛辭羈勒就長林雖無滅沒追風相猶有騰驤歷塊心

石湖草堂芭蕉甚盛賦詩乞之

苦憶楞伽舊草堂芭蕉幾樹綠雲長遠公解識山人意分得清陰映粉牆

紹之弟惠麝香百合千葉梔子各二本

碧玉亭亭縞素粧朦朧斜月轉山房天香國色真無比麝腦何須賜尚方

百合花殘麝香開殷勤移向藥欄栽最愛濃香清淨暑那知三伏與黃梅

春來無日不飲為酒所困乃不知春去

悵然有述二首

春來日日昏昏醉不是登山即泛湖中酒朝眠
猶未起却嫌門外客携壺
落盡桃花滿綠波不知春去恨如何驅愁無計
還憑酒莫厭高陽酒伴多

溪上作

清溪曲曲泛飛花千樹緋桃爛曉霞何必武陵
堪避世橫塘自有許由家

衡藩重刻胥臺先生集卷之十

十

衡藩重刻胥臺先生集卷之十

衡藩重刻胥臺先生集卷之十一

賦頌

遠遊賦

思歸賦

弔董相賦

懲咎賦

宣幽賦

北征賦

潛思賦

閑俗賦

衡藩重刻胥臺先生集卷之十一

西征賦

別知賦

秋水亭賦

麟山賦

中麓賦

陝西諸將破虜頌

河清頌

皇太子生頌

衡藩重刻胥臺先生集卷之十一

明吳郡胥臺山人袁泰求之甫 著

長洲後學甥蔡亭張炳蓋甫 校

遠遊賦有序

余弱冠登朝讀書中秘繼官刑曹調武選武庫
災編戊湖州赦歸蒙薦起為南武選選職方署
員外郎尋有廣西之命昔孔子欲居九夷不以
為陋廣西古百粵也今海內同軌且余既仕矣
安敢以遠辭乎爰作遠遊賦以述事抒情焉其
辭曰

八

二

沐鴻私於嘉運兮擢遺仄於樊丘曳華綏以登
進兮踐舊京而嬉遊幸朝野之無事兮肆驩虞
而靡憂謝文墨之填委兮稽圖牒以諮搜差穀
旦以休息兮爰嘯侶以集儔升北山以遐眺兮
溯大江而榜舟或閱武於廣場兮或被襖於清
流尋廢興於六代兮仰駿業於皇猷念無荒
之有戒兮信佚樂而不偷乏佐時之奇畧兮竟
投裔于僻陬駭顏駟之龐眉兮惟馮唐之白首
嘆滯淹於更生兮笑浮沉之楊叟羞子安之巧
宦兮蒙良史之譏醜偉潘仁之拙政兮賦閒居

八

二

而不朽衆捷徑以窘步兮固余顏之所厚獨修
姱以委順兮諒余心之所取苟貪婪以競進兮
寧坎壈以自守昔孔聖之周流兮居九夷而弗
陋下惠之直道兮遭三黜而無咎顧樛櫟之非
材兮雖棄捐其何有奉簡書以畏忌兮戒僕夫
而啓行出櫛李之下邑兮游臨安之故城痛越
霸既不終兮宋社又以圯崩肅陽侯以先驅兮
遵淞水以揚舲感錢鏐之雄武兮提尺劍以縱
橫悼伍胥之忠憤兮浮鳩夷以隕身忽怒濤之
山立兮儼白馬以耀靈沿桐江以容與兮憩嚴
瀨之澄清躡高臺以長嘯兮懷哲人之典刑於
是芳歲將徂玄冬告畢雨蒙蒙其下淫兮雪霏
霏以蕭瑟露霧晻以冥冥兮同雲晝夜之難旦
嗷嗷而南翔兮日忽忽其西匿坐脩夜之難旦
兮步列星以太息繹翼越之曩歌兮材士頽頽
而失職心佗條以紆軫兮思絃結而替惑水泉
涸其不流兮石巉巖而阻塞既僵回以川浮兮
復崎嶇而山陟野蕭條而無人兮獸踣躅以屏
跡愁車殆而馬煩兮汨吾朝征而夕于役形枯
槁以渴饑兮精消鑠而內蝕蒐潤養以踰佚兮

涕浪浪而霑臆撫壯年之不居兮耻脩名之未
立於是歷甌粵觀豫章州州古嶺閣於江渚兮
詠瑋辭以傍徨帝子不可作兮王生亦已淪亡
睇彭蠡之巨浸兮追鴻代於高皇想湖水之
盡赤兮殪元兇於大黃翦鯨鯢於溟渤兮陋巨
鹿與昆陽謁群忠於叢祠兮覩丹青之耿光甄
孫許之壯烈兮實後先以相望咸致命以竭節
兮終身戚以名揚越臨江以信宿兮矚玉筍之
崇岡侈降禪於漢武兮欽登封之闕藏忽獻歲
以發春兮迴青陽於幽谷鳥嚶鳴其相和兮麗

金華先生集卷之七

四

冬榮之嘉木悲去鄉其日遠兮時反顧以蜚局
魏牟皇皇以戀闕兮嗣宗塗窮而慟哭何賢哲
之達觀兮猶委心於榮辱諷龍蛇之至言兮勵
浮雲以自勗登韓廟於表彊兮哀逢辰之不淑
黜百家以述聖兮排二氏以箴俗雖馴鱣以開
雲兮卒罹殃而粵古逐弟楚累於江潭兮披
騷經而三復椒蘭妬而構讒兮嫉蛾眉而誣詠
怨靈脩之不化兮傷郢都之傾覆式彭咸以自
靖兮葬汨羅之魚腹涉長沙以夙駕兮嗟賈生
之天年遭漢文之殊遇兮何卒困乎絳灌之巧

言闢宣室以徒召兮賦鵬鳥而自憐挺異才以
命世兮竟實志於重泉亂衡陽之洪河兮厲沅
湘之大川覽吳楚之上游兮極耳目之偉觀瞻
柳侯於永如兮薦繁惟以羞筵世溷濁而壅塞
兮紛妬忌以蔽賢既四子之一轍兮羗異代而
同患士不遇以永歎兮諒自古而已然望宋垠
以俶裝兮指象郡而驪軌肆流目於南疑兮悵
重華之野死蒼梧曼曼以在望兮悼二妃於江
之汜山龍從以造天兮嵐昏昏而晝起桂樹叢
生於巖阿兮春炎炎其若暑壤濱海以沮洳兮

金華先生集卷之七

五

土塾濕而恒雨猥猥狹以伺人兮咸雕題而黑
齒蝮蛇蓁蓁於中林兮載含沙於淵水雄虺九
首以鬻鬻兮封狐捷而千里何此邦之災瘡兮
固蠻族之所止徵禹跡之所不到兮檢職方而
未序詫漢帝之喜功兮肇開拓而疆理猗皇風
之泰昌兮界昆吾以為宇包五嶺以作藩兮括
百粵以置吏朝越裳以重譯兮撫交州而即叙
耿余躬之陋微兮敷文教于茲隅吳泮宮以振
鐸兮選青衿之秀儒懼聖速而言湮兮病曲學
之支離列四科以作人兮愧五教之未施憑丘

墳以願志兮寄絃歌以自娛聞老聃之適戎兮
講道德之玄虛蒙莊遁于漆園兮馳放言以恣
睢虞卿窮而亡聊兮猶發憤以著書荀斯文之
未喪兮竊希志於前規吾將籠今古以騁驚兮
撥罔象之玄珠亂曰去鄉遠遊心不樂兮自冬
徂春將焉薄兮炎州卑濕風土惡兮魑魅晝出
瘴癘作兮狐死首丘不忘故兮代馬北風尚知
慕兮世不我知羌誰翔兮歸歟歸歟娛竹素兮

思歸賦

旅荒徼以羈處兮心怵怵而多憂陽春逝以流

不齊先生集卷三

六

邁兮曜靈迅馳而不留涉恢台之炎夏兮赫焦
灼以鬱蒸瘴疴疴以中人兮觸沉痾以驟興寒
熱搏而襲逆兮苦店崇之相乘之單豹之內養
兮二豎伏而伺升哀吾生之孔艱兮逢百罹以
備嘗進觸藩以踟躕兮退曳尾而摧藏嘉魯連
之肆志兮雖貧賤其何傷世好朋而習佞兮思
婞直之搆殃遜幽谷以逾紀兮忽奔走乎遐方
豈好爵之我縻兮實簡書之可畏收孟明於三
北兮蒙羸縶之渥惠奉周任之炯戒兮勉陳力
以就位冀鉛刀之一割兮庶伐檀之無媿老冉

冉之將至兮疾疢糾其相仍俟河清之幾時兮
恐朝露之易零誦夫子之雅言兮疾沒世之無
稱紛王事之鞅掌兮籲天而乞身積願思而
寢息兮憎愠愉以怵惕喟中情之莫我察兮眷
懷歸而未得夜申旦以不寐兮就角枕而反側
蟲蕭蕭以潛飛兮聽空除之蟋蟀先秋氣以哀
吟兮感時物之數易魂營營以夢歸兮覩故鄉
之髣髴歛驚寤以在床兮怛懔懔而怨怨昔鍾
儀之囚晉兮操上風而不忘彼莊舄之仕楚兮
詠越聲以徬徨覓李倫之奏引兮思娛老於河

不齊先生集卷三

七

陽繹陶令之賦辭兮脩初服於紫桑人情各懷
土兮豈必經營乎四方余既不能徇華以苟祿
兮又焉能棲棲於此邦孔接浙以違齊兮軻濡
滯而出畫欽疏傳之炳幾兮脫桎梏於組綬梁
歌噫以竄稽兮梅掛冠以遯吳仲樂志於園數
兮張興思於葦鱸鴻冥冥於寥廓兮超繒繳而
速徂非斯人其誰與歸兮永逍遙於江湖亂曰
玄鵝黑鳥號寢官兮鳳凰翩飛匿林中兮人各
有心紛不同兮靜躁殊趣貴中庸兮塊獨居此
將安從兮我思古人希哲蹤兮

弔董相賦

江都有董相祠焉余謁而悲之作賦以弔其詞
曰余有事于江都兮敬謁董相之故祠悼哲人
之遐烈兮獨慷慨以申辭何夫子之純懿兮生
不逢夫休特黃虞日遠兮禮法敗衰弦歌不陳
兮謫詐相欺秦肆并吞兮燔燒書詩周孔道墜
兮異說恣睢漢興馬上兮陋習未除叔孫小器
兮又何制作之能為猗夫子之中庸兮卒潛心
於下惟綜羣籍之華實兮宣六藝之精微蹤游
夏以升堂兮抗孟荀其並馳發與義於天人兮

全唐詩集卷十一

八

王道粲其網維彼武帝之多慾兮徒仁義之外
施表章經術兮何獨棄此大儒豈斯文天喪兮
實公孫其蔽之兩相驕主兮匡王禮儀虎口幸
脫兮終身擯遺貪人敗類兮讒言罔極忠信弗
臧兮仁賢杜塞悲士不遇兮撫遺文而太息蓋
自古已然兮士入朝而見嫉驚焉克棧兮騏驎
困於下勒幽莠盈疇兮嘉禾萎而弗殖文軒不
知御兮敝輿是飾間姝嫺母兮妍媸眩惑吳干
龍淵寧弗利兮謂不如鋌刀之斷擊濁世滯焚
兮又孰能遠夫姦慝昔晏嬰之辯智兮尼父轅

封而受厄姬文之拘囚兮崇侯構其仇隙伍員
之殞首兮太宰進其僻說三閭之沉淵兮由于
蘭之嬖溺韓非斃於說難兮李斯為之讒賊嗟
賈生之通達兮魯弗容乎絳灌宜夫子之於公
孫兮沉下僚而削迹

懲咎賦

余以回祿之警逮繫詔獄者百日幽困之極賦
以自懲其辭曰孟夏徂暑兮從獄辭歷杪秋兮
曠旬時遭幽辱兮抑志而自尤繫岸狴兮繫
囚余不德兮嬰禍咎罪累積兮逢此震怒祝融

全唐詩集卷十一

九

孔威兮播凶虐挾飛簫兮火大作天降孽兮突
焚如官弛禁兮蕩丘墟乏裨竈之先智兮愧國
僑之訓令謀不臧兮詎曰予命皇聽察兮汰
無私詔覆訊兮窮刑書嗟屢校兮荷黑索體膚
傷兮屢挨扑日冥冥兮錮陰扉寢下濕兮棘重
圍卒孔武兮恣殘詬蟲蟲兮靡夜晝鼠羣啣
兮蝎潛螫人燈半滅兮不見月星雨淋淫兮積
庭潦辱塗泥兮羗誰告叫天闕兮蔑由聞構讒
言兮玉石不分夫何辜兮罹險酷身貼危兮備
百毒昔殷湯兮拘夏臺桀覆家兮禹緒衰周文

嘆兮羈羖里創易彖兮述玄旨治長縲綆兮尼
父亟稱鄒陽檄書兮卒以自明伊古賢兮蒙困
難余何人兮避茲憂患懲夙愆兮心怛怛而弗
舒惜壯歲兮日月不居精內蝕兮玄髮變世莫
我知兮又誰怨亂曰有鴟萃止集于梁兮爰爰
者兔越崇岡兮鳳鳥翩翾時不祥兮憮壬敗類
忠賢藏兮詒厥典則思先王兮

宣幽賦

閒居無事兮聊秉翰以宣幽馳精思於玄奧兮
賈華實於皇流準微謨以布則兮騁逸軌以旁

余集卷十一

十

求綜陰陽以經緯兮降質文而上下窺先民之
用心兮統萬象以變化躍施張於鉤注兮既疾
利而閒暇錯宮徵以低昂兮庸雖離其和平爛
五色之相宣兮歛意匠於經營愛殊致而百慮
兮要矩式於準繩窮藝圃之根柢兮邈灝噩其
難名樂休澤之汪濊兮忘仄陋之末伎度流俗
而橫驚兮冀端緒之未墜翔脩翼於寥廓兮何
迫隘之足累

北征賦

涉徂冬以就役遵脩輶而遐征緬井甸之絡繹

睇如牧之縱橫沂廣津而戒揖指通關以抗旌
慨故里之睽絕憂煩傷以寡歡玄雲覆其下覆
兮密雪霏霏於林端飢鳥叫嘯於中野兮增水
憑岸而汎瀾念徒御之劬勞兮畏道路之險艱
聊騁目以宣寄兮申鬱陶於詠嘆惟小人之薄
劣謬薦名於有司屬康休之嘉運羅俊髦於綱
維握貞固以穀率範禮防以馳驅策駕足以遐
蹈矯勁羽於卑棲沐皇澤於天路企械櫟之周
詩

潛思賦

余集卷十一

十一

夫何玄象之迅速兮日月忽其不居測天地之
閉藏兮驗四序之盈虛宵耿耿其未旦兮獨室
處而靡寧志蘊結而未舒兮靜潛思於宵冥哀
民生之寡儔兮汨東素以含貞退踟躕以畏咎
兮進嚙脊而遽閱譬流泉之胥潰兮憂感感而
靡騁誦小明之嘉什兮表靖共於正直懷北門
之苦心兮畏室人之交譴諒哲賢之委順兮抗
遐烈以為式攝威儀於弗愆兮履溫恭維德基
播芬芳於天壤兮彌耄耋而弗渝苟中心其何
夜兮要神聽以保釐

閔俗賦

閔世俗之誼詠獨脩姱以練要懲遺烈以旌植
飾鞿羈於中道秉幼清於初服固周容者之所
謂昔姬旦之申繇列如石以矢辭披騷經以繹
趣謂追曲其淪胥紛儀一而心結耿詠贊於詩
詩諒軌轍之弗渝又焉能遠夫毀咎戒甄坏之
戾緩和唇吻而弗徂考聖哲之所臧寧孤抗以
寡偶彼蘭茝之昭質兮挺幽谷而彌芳覽珪璋
及筐筥豈政錯其圓方苟呶訾以憎慢耻志墨
其弗章保厥美而委順庶旁燭於無疆

西征賦有序

趙子景仁既得告趨庭東魯及旆西秦言邁靡
遑遑歸孔棘友人來袞叙平生之慷慨申衷曲
之鬱陶作西征賦一首夙昔綢繆諒非毫素之
所能盡所貴好爵攸縻周行相示云爾賦曰
沐皇祇之優渥奮遐躅於天衢稟官常於夙夜
徇王事以馳驅母氏告余以言旋兮指故域其
奔趨遵首丘之夙慕慨陟岵之辛劬叩帝閭
以哀籲曰揆余之中情奉明詔以將諭簡吉
日以邁征出國門而東驚道脩路以啓行望旗

別知賦有序

旄之旆旆兮僕夫說說其靡寧總余轡于魯邦
兮出徂徠之下邑泰山鬱其具瞻兮遵孔林而
憑軾想遺音於絲竹兮悼壁藏之綴緝懼聖澤
之湮滅兮撫斯文而太息朝濯髮於天津兮夕
還轅乎西秦覽羸劉之故都兮觀儉俗於岐陽
信河山之險固兮士習武而朴淳遭人文之貴
朗兮多逢掖之俊民挺殊質於荒陬兮馳英譽
於京甸甫弱冠以作賓兮卓羽儀夫胃彥流藻
論於淵泉兮決逸駟於奔電宏典述於秘府兮
彌博聞而洽見歷九州以尚友兮合道術以相
忘譬音聲之倡和兮咸取則於宮商念德音之
日遠兮宣惠好於茲章豈言說之云喻兮庶示
我以周行

別知賦有序

僕之密交有王子履吉焉多能才美獨行人倫
少同濠閭長羣膠序諧聲共術實相孚暱王子
之貢於天官也僕感陽禹彈冠之誼循回路贈
言之情慨然賦述命曰別知要之終始焉爾
昔余未燥髮兮馳篤慕於英哲曠矯迹之難儔
兮諒褊心之寡協維王生之好脩兮荃中情其

固結亂神緒以昭休兮承不祗之宏業蹇逸軌
以高驥兮枕先民之皇烈既沈志於經墳兮復
窮精於簡牒辯機緯之義象兮採術藝之琛奇
吐黃中之緒論兮布卓詭之妍詞式大猷以申
典兮何古人之足師包豈弟之上仁兮含條理
之令姿敦人綱以周慎兮秉玉度其溫如誦棣
華之嘉什兮玩蘭臭之易辭翔藻譽於東序兮
騰茂聞於遐甸握靈珠而弗售兮慨和璞之徒
獻豈命運則然兮偁時俗之蔽眩幸替力之方
剛兮從有司之嘉薦叩天關以彙征兮闢亨衢

金華集卷之五

古

而豹變期良田於晚歲兮庶脩名之早建

秋水亭賦有序

梁故都會多池臺園苑慨梁王枚馬之遺事竊
心慕之思遐游博觀訪古咨今以快其平生未
之有能郭子舜符向余言梁之美曰吾梁產也
梁之郊平臺在焉有水濱之吾構亭焉疏以葦
蓮蔽以藻荇疑神發智是甚宜於秋因感蒙莊
秋水之旨命曰秋水授泰賦之其辭曰

體天地之中區兮理陰陽以經緯辯貫利於墳
衍兮制廣輪於郊遂睠梁王之故苑慨崇臺之

與廢鬱嶢嶢之敦丘兮蹇陵遲而陂陀垣墉鞠
為茂草兮穿谷杳篠而含訝瀟仙馭之縵縵兮
曾弗備降乎峻基之嵯峨枚馬弗可作兮大雅
契珍而寥廓悲質文於異代兮降百氏而末索
藻翰信是娛兮究宗工之矩矱依藝圃以慰止
兮漱皇流而濯漑挹榮雒之汎瀾兮涉波滢之
洞潰溯瀾澗之中坻兮辟灌例以屏允嘉厥沸
之檻泉兮攘糜栢之蓊發辟薛荔兮繁榴樞白
茅兮芟荷靡蘭枕兮松櫨芳芷裊兮藿為帷糒
椒桂兮鏤呈繚杜蘅兮飾桴棖超形神於虛朗

金華集卷之五

五

疏心智於潔清齊萬有之吟域兮測五氣之虧
盈達終古之大觀兮馳宏論於莊生

麟山賦有序

要有九峰焉其一曰天馬黃門楊君士宜之別
業在焉天馬麟也乃自稱曰麟山泰開其勝而
未之游也援筆賦之其辭曰

偉吳會之隩區兮紛靈異其難詳維山川之閼
峻兮苞元化於陰陽羗九峯之岸額兮奠樞位
於婁方揭珍符於藪澤兮蔽海陬而枕江高岑
截辟其設險兮絕徑寧豁以如堂防俯辰曜之

森羅兮切閭闔以飛翔綿絡繹以迫隘兮森嶸
峙以開張睽天馬之嘉名兮表南服以作基疎
泰清以貞觀兮駭積岨之屈屢綴雲構於玄宇
兮儼神明之攸居崇林鬱其屏翳兮脩阪扈以
逶迤藹炎樹之冬榮兮雜栢桂與檉梧絳氣馥
郁以氤氲兮瑤葩粲以歲蕤羨幽人之滅跡兮
維嘉遯其攸宜馳玄情於寂寞兮澄煩念於冲
虛挾長生之秘術兮未逍遙以無為

中麓賦有序

章丘之南爰有胡山其中麓則司封郎中李子

太常集卷十一

十一

伯華之別業任焉嘉靖十有八年 天子聿承

天李子以職事扈從遣吏走姑蘇邀余賦之其

詞曰

璋中麓之嶽嶺表章丘之名區首岱宗以發原
躋溟海之東隅槃泰清以揭峻括九地之方輿
夫其空龍嶺巖嶙嶙嶺嶺嶺嶺嶺嶺嶺嶺嶺嶺嶺
蘊陰陽之精和與濁世而隔絕爾乃物產瑰異
珍奇挺生赤芝美箭嘉木瑤英梗楠梓樟檉梧
檣櫨之材紛綸揅揅固不可殫紀而悉名也則
有瓊瑰之士卓犖之倫秉山川之靈秀總文質

之彬彬涉道德之廣囿漱仁義之芳津鑽孔墨
之遺籍狎榮綺之逸民於是乎選崗岑以創構
因堂防而締基屬峴岷以幹室廓閑閑而敞扉
維椒蘭以圻壁纚松桂以雕楣信戒汰以歛度
亦屏陋以崇規逍遙乎其中誦讀乎其下左琴
右書且蠶且稼遵蟻屈以待時順匱藏而求價
感風雲之邁遇奮鴻翼之翱翔曳纓綬以風議
握銓鏡以低昂作周楨於王國登漢道於泰康
信古人之秉哲寔茲麓之發祥陋移文於渺載
徵君子之行藏

太常集卷十一

七

陝西諸將破虜頌有序

皇上御極之六載文教聿興武功載揚維時西
北諸虜數寇邊鄙狡焉不靖夏六月遂犯我花
馬池毀我藩籬蹂我禾稼於是提督尚書臣憲
選將厲兵指授方畧諸將臣卿臣瑛臣義臣佐
率所統漢土游奇諸軍協規同力分道並進臣
雲賈勇陷敵覆之固原窮追逐北俘其醜虜三
百餘級器械畜產收穫萬計聲震荒外臣憲馳
捷以聞 皇上賜璽書褒美乃命幕府第其功
狀頒賞有差昔周之宣王興脩文武之業以恢

張周道時則儼然未夷命方叔征之六月出師
不遑安息故詩人美之曰六月棲棲戎車既師
又曰薄伐玁狁至于太原中興之功於斯為盛
我太祖高皇帝迅掃胡元奄宅寓甸暨我
太宗文皇帝親御六飛芟夷餘孽定鼎北極開
廓洪基肆我皇上嗣統中興內修外攘思光
祖宗之業推轂授鉞懷頗牧而興嗟蒐卒補
乘咏車攻而嘉嘆是役也師徒不勤弓矢無辱
膚功休烈視周宣有光臣謹作頌以章中興之
盛且以震動海內傳示罔極焉頌曰

金華先生集卷之五

九

於鑠 皇明九葉重光 帝矢其謨嘉靖中邦
華夏蠻貊率享來王蠡茲戎虜干我天常負固
匪茹犯我朔方蹂躪師田繹騷邊疆天錫 帝
祐允文允武推轂授鉞折衝禦侮桓桓元戎分
陝開府乃扞牧圉四鎮攸撫稟受成算壯猶克
舉左右節制進退規矩六月維夏虜敢跋扈驪
突城堡深入險阻神憤而疾士赫斯怒元戎帥
之爰整其部維時虎臣協規來聚譚譚推推塞
帷承附二矛重英長轂百旅鍛乃戎兵飭乃樓
櫓旌旗蔽雲矢石如雨賈勇先鳴關若虓虎

之固原俘其醜虜獻馘連輜重咸取五日四
捷奏茲膚功旃裘震驚主庭以空露布朝馳于
甘泉宮 帝嘉乃勞寵賚攸崇錫之金帛既以
彤弓策勲飲至廟謨斯弘昔在周宣委任方叔
六月徂征戒茲戎服玁狁于襄以匡王國赫赫
高皇草創天祿夷德腥羶底于刑戮昭哉
文皇光續歷服六月出師迅掃獯鬻殺胡奏捷
奄定傾覆拓地開疆式固鴻休 皇帝聖哲與
神為謀功光周宣 祖宗是侔維茲駿功元戎
之力 皇有虎臣効順率職武功載揚王猷允

金華先生集卷之五

九

塞干羽兩階遠人來格弓矢斯櫜疆場永謐
皇帝壽考於萬斯年百祿是遒如日如川 皇
帝孝友光於神明獻馘 九廟洋洋來歆小臣
作頌以颺厥聲

河清頌 有序

明統天基命玄化浸潭休烈宣章珍符靈異
儻曼衍紛綸旁鬼揭之策書傳諸故老難可悉
究肆我 皇上度宗視朔迪詰考祥蓋六載于
茲而黃河清焉肇自靈寶達于平陽六月為期
凡五十里澄逾滄浪洌並湘渭邑居聚觀同府

列狀謹按孝經援神契曰河者水伯上應天漢
京房易傳曰河水清天下平易坤靈圖曰聖人
受命瑞見于河是故歷代寶焉以為聖哲泰亨
之徵昔宋元嘉中鮑照作河清頌彼偏方閏紀
政荒民慢猶且闕誕矜夸盛稱幽明同贊神祇
與能矧我四隩同風八蠻底貢雨暘若時昆蟲
閭澤協氣薰蒸謳歌彌布爰降顯實以昭景福
凡我王臣鼓舞抃躍夫稽之圖緯既如彼考之
功庸則如此而 皇上方謙冲警惕懿懃弗居
祭告惟謹然茲事非細不有述作曷示康休臣

八音集卷五

于

謹作頌雖詞義鄙猥文采不足庶以掄揚盛美
褒贊德業被之樂章竊附雅頌云頌曰
咨大河兮發源崑崙道峯嶺積石兮駭奔龍門
疏九道兮曰鉤盤昂津渚滂濞漫兮激戾襄陵
趨傾赴壑兮兼包并吞滂濞漫兮逝者徂征
潛流地中兮澗沮是經并渠千七百川兮汨漱
壤墳脉絡縱橫兮溷淆濁黃曲直疊折兮浩浩
湯湯涇水什石兮其泥數鍾人壽幾何兮河清
靡常於 皇受命兮肇茲吉康斤斤不顯兮上
帝降福簡穰河水清兮錫貺豫梁亘下上兮達

于冀方水維緩兮湜湜其清清且濶兮顯渙揚
焞衝風謐兮蟻珠曜光陽侯弭節兮河伯獻祥
龜龍負圖兮游戲水中央漸漸齒齒石沙礪兮
藻繁榮曄淇園之竹青青如簣兮壁鼓下列河
水清兮 皇心豫說 皇謙冲兮夙夜憂勤曰
皇天無私兮惟善是親謂河清為異瑞兮無若
康茲小民綏遠為邇兮在予 一人迓天休兮
敬共明神神懷柔兮小民救寧時雨時暘兮豐
年屢臻截九有兮天衢之亨允猶翁河兮地天
平成績禹功兮侈厥頌聲億萬萬兮孝孫有慶

八音集卷五

于

皇太子生頌有序

明嘉靖十五年孟冬之月六日 皇太子生率
土胥慶臣泰謹作頌曰

孟冬元旬誕降皇儲於昭前星燭于北樞 皇
帝乃薦饗 宗祖叶禮神祇登億萬之王牒進
萬年之觴疊啓奉天以受朝羅百工以奔趨騰
渙號以宥赦沛鴻恩於九區

衡藩重刻胥堂先生集卷之十一

衡藩重刻胥臺先生集卷之十二

七 連珠

七 稱

七 擇

連珠三十首

衡藩重刻胥臺先生集卷之十二

衡藩重刻胥臺先生集卷之十二

明吳郡胥臺山人袁泰永之甫 著

長洲後學甥葵亭張憲蓋甫 校

七 稱

昔枚乘作七發而效者相繼傳崔張曹之倫世
所傳誦心竊慕之然恨其騁奇詭之辭窮廣遠
之思轉相祖襲頗無意義近信陽何景明亦作
七述關西趙時春復作九難誠古人之亞匹也
何之病局而不曾趙之病繁而不精豈子雲所
謂麗以淫者乎泰吳人也作七稱以夸吳之美

衡藩重刻胥臺先生集卷之十二

二

設為秦客以發其端末乃終之以 皇業云

秦客有過東吳先生者東吳先生盛稱吳之美
客曰吳故蠻夷之國而僻陋之邦也自夫差通
于中國暨聲教浸以蕃昌乃後孫吳擅割司馬
渡江而聲名文物始盛然蕞爾一隅建國分州
者謂之偏安則壤成賦者列之下等烏在其足
夸也今先生亟稱焉是猶楚人之詭雲夢而未
覩夫洪河之險蜀叟之談劍閣而不窺夫峭函
之固也竊為先生不取焉東吳先生哈而歎曰
甚矣子之膠于故習而惑于舊聞也夫盈虛消

利乘時富甲乎卓鄭財溢乎猗朱斯物產之淵
貨利之丘也客以為何如客曰夫投珠抵璧者
聖王之烈也黷貨請環者鄙夫之陋也是惡足
稱哉

東吳先生曰闔閭經營夫差締造重城六門復
梁周道準樞極以作宮憲營室而抗館揭姑蘇
之崇臺披長洲之茂苑雙闕軒翥連閣逶迤華
殿中央隱隱巍巍飛甍藻索井幹璇題洞房曲
阿刻楠雕楣圖畫雲氣勢侔宸居巧運倬爾精
竭般輪又乃廣以孫吳衍以陳隋臨春結綺承

金華集卷之十二

五

露飛蕭耀日巨虹望仙通天鏤以紫沉屑以香
檀綴以覆思塗以椒蘭火齊珊瑚瑪瑙琅玕琥
珀菌芝錯落其端卑未央之巖樂小阿房之聯
延此亦閼麗之觀軒敞之娛也客以為何如客
曰昔楚敗於章華夏滅於傾宮子之所稱異乎
吾所聞願于更端

東吳先生曰西施閼嫵十五二八妖冶嬌嬈
嫵可悅皓齒丹唇髮漆膚雪螭首蛾眉星目桃
頰纖穠合度長短中節乘中濮上之姝阿谷下
蔡之女曾未足以儷其妍姱並其卓絕也於是

曳輕裾珮文璫振縞衣披霓裳步閑館游洞房
流顧眄耀清揚騰口輔協宮商奏漆洧之襲詞
宣淇沫之豔章彈竿箏理笙簧謳吳歎詠越吟
唱已郢操韎任駭午子茂嚴春聲靡靡音惜惜
震人耳盪人心既乃整華裝以迴旋捷七盤之
妙舞長袖若飄飛髻似舉機疾體輕揮霍問靡
伎窮陽阿節中激楚縱橫俯仰忽若迅羽已而
歌曰明星爛兮夜未央燭煌煌兮照華堂樂莫
樂兮不可忘復為歌曰蔓草零兮露朝晞雁南
翔兮秋氣悲八命促兮我心哀斯亦聲色之至

金華集卷之十二

六

樂歌舞之極歡也客以為何如客曰縱耳目之
慾者聾聵之媒也溺燕游之好者廢廢之根也
而子何以稱哉

東吳先生曰專諸之雄要離之桀伍胥之悍梁
籍之列荆楚之奇材吳會之大俠選風胡之湛
盧疎萍燭之巨闕銀鍊五金照耀霜雪犀渠鶴
膝于將錫鑊魚腸扁諸鮫函蛇矛烏號夏服利
棘鉤鉤集亡命報怨讐叱咤則風生暗鳴則電
流棲於越入郢丘挫勁曹劌強劉義勇冠乎萬
夫英聲騰乎九州至乃蘭澤春和叢臯秋厲雋

王良之輕鑣馳伯樂之駿騎寧落盧之勁弓縱
繫弱之迅矢挾彈繳於峻陵張置爵於廣蒞走
東郭逐韓盧捲蒼兕蹶玄狐搏乳獬格狎獢獢
傷質斯鬪鬪擒麋麋執獍狙落鷄鷄攀鷁鷁中
則雙加殺不單獲割鮮染輪超距投石飲如川
流校若山積斯亦勇俠之雄馳騁之樂也客以
為何如客曰此霸王之餘業弋獵之陋觀固未
足稱也

東吳先生曰吳之創基肇自泰伯季子守節以
讓立國言公北游禮樂是習遂乃躋洙泗之高

不韋先生集卷之十二

七

第列文學之哲科變斷髮之麗陋登春臺之熙
和家陳俎豆戶溢絃歌士業振鐸人競操觚彬
彬乎郁郁乎買臣嚴助莊忌之徒已足多矣迨
乎三國鼎分六朝虎視俊茂響臻尤號多士周
瑜魯肅之謀畧張溫陸績之諷議步騭諸葛之
風雅顧雍呂範之政事虞翻之奇偉趙咨之機
警王謝之勳庸機雲之秀敏唐有敬輿宋有仲
淹咸學貫乎天人材亞乎旦奭功圖乎鼎鍾名
流乎史籍步儒苑以高驥翔藝林而遠集德為
世程言作士式客以為何如客曰美則美矣更

有進於斯者願先生卒稱之

東吳先生曰胡元倣擾赤縣羶腥中原魚爛大
盜瓜分兩儀崩裂三光晦冥高皇帝握靈符
麾義旌奮鳳陽據金陵深根固本煎包并吞因
揚州之財賦攬江左之豪英總鷹揚之梟將糾
哮嚙之勁兵謨謀則劉宋陶李攻討則徐常湯
沐翦脩鯨於彭蠡殄封豨於涿鹿掃欃槍於漠
南驅天狼於漠北混壹平車書會同乎荒服編
髮沮頽焦齒貫宵黥首梟矚文身反踵侏離裸
袒之國靡不奔走而臣伏然後蕩滌苛虐宣布

不韋先生集卷之十三

八

慈仁廣建宗姓登叙賢能制作禮樂刊定章程
綱張目密以貽子孫觀其序華夷則羲農開闢
之功也鋤凶逆則湯武征誅之烈也立法制則
成周損益之監也賜祖訓則神禹典則之遺也
故乃集謳歌騰頌聲薦馨香荷休徵降甘醴耀
景星河圖獻洛龜呈獸一角芝九莖駢百祥擾
五靈浸潭旁唐臣沓紛綸玉牒不可勝紀彤史
不可殫稱蓋自生民以來莫之與京實由起東
南以席卷西北資吳會以囊括幽并也故建業
舊都豐鎬伊匹億萬斯年配天罔極我吳之美

猝難究述聊陳大端以祛子惑客曰鄙人生長西陲局于見聞敬聆高議請誦終身

論曰昔周之衰也玁狁大戎世受其禍而平王卒以東遷漢興匈奴疆盛以孝武之雄略統霍衛之猛將因文景之遺業慨然有滅胡之志而獸奔鳥散亡徙竄匿終不可盡逮乎五湖劉趙鮮卑赫連拓拔爭相長雄中華之禍極矣唐之中葉吐蕃回紇長驅京洛如踐無人之境然亦未有混壹區宇據神明之統滅黃炎之裔稟其正朔服其左衽者幾乎百年如胡元之慘者也

金華集卷之三

九

腥羶污穢潰亂糜沸亦厥初混沌鴻蒙之運也高皇帝以濠陽布衣談笑而驅之犬羊豺虎屏伏舊窠乾坤清寧諸夏生民復覩衣冠禮樂之故斯與義農之開創何異哉而儒官學士未有鋪演光揚以繼雅頌者昔吉甫頌周奚斯稱魯下暨漢魏猶有其人煌煌我明功烈若此而闕然無聞其何以詔來裔編詩書哉我明之王業實起乎金陵而資於吳會是以秦末望氣之徒咸云東南有天子氣而始皇東遊冀以厭之乃不知其發祥於我太祖也秦舊為

皇明鏡歌十三篇叙我明戰伐先後之序茲復為七稱以著王業之始於吳匪獨稱吳仰以稱我明焉爾

七擇

清虛先生抱壹鬱之奇疾煩懣噎塞卧病五湖之陽者三年矣有逍遙公子聞而造焉先生方塞徑閉戶惡聞人聲偃仰呻吟據梧擁重孤氣息僅屬使闌人辭焉公子曰竊聞先生玉體不寧違陰陽之和失起居之節廢飲食絕膏慾謝賓客不敢請也然有術焉可以起沉痾瘳膏肓上等算於松喬下齊齡於彭祖而况先生之病未至是哉於是先生延之上坐矍然凝神而竦聽之

金華集卷之三

十

公子曰崆峒之虛崑崙之丘珍草叢生靈藥萃焉丹砂空青玉屑玄芝漑以甘醴灌以上池五采爛燁香氣酷烈葉垂朝露花飲冬雪蓋千年不彫矣於是使黃帝採之神農嘗之岐伯伊尹和跗盧鵠雷公越人之徒交製其劑先生豈欲飲之乎先生曰余厭湯藥久矣不能從也公子曰嶰谷之陰終南之顛是生竹箭鐘乳徐

蕩背萬仞之孤崖臨不測之深谿漱以清泉刷以勁飈俯濯玄霜仰干青霄峴岫戍削森慘沱濛援攝鼯鼠夕叫晨號鷄雉鵲嘯匹呼曹節幹空洞枝葉扶搖於是命伶倫斬伐子野剪裁而為笛宮調徵協涉清夜遊曲房月出皎兮順風微揚繁奏要妙宛轉無方乍掩抑以激切終泛濫而傍徨呈絕伎於君明極巧思於季長斯固足以蕩滌志意疏雪精神使聽者忘疲其樂洋洋矣先生能強起聽之乎先生曰僕病未能也

金華先生集卷之五

十一

公子曰嶧陽之孤桐太冥之椅梧輪囷重嶽偃蹇崇阿晞朝陽之淳精吸天地之元和卿雲陰其根惠風拂其膚翔鸞棲其條威鳳巢其柯乃使匠石運斤堂裏選樸剖陰莖以鏤鏤削孫枝以彫琢絃以園客之絲珥以寡母之約提螭龍於丹漆錯圖像於翠綠調以成連操以巴涓子春撫的伯牙揮絃音諧節亮手疾心閑奇弄迭奏逸響遙傳忽樓挽而縹緲復索衍以纏綿至若靈雨新霽炎暑頓清蘭堂桂館飛軒廣庭坐蔭嘉木賞集良朋理南薰之雅曲汎清角之新

聲綠水白雪東武廣陵我我湯湯猗猗惜惜將悲復憚乍浮更沉六駟仰秣玄鶴舒鳴桓譚不能究其旨叔夜不能窮其精斯琴德之至妙固足以悅性而愉神矣先生能強起御之乎先生曰僕病未能也

公子曰九秋之夕天高氣清溫房密室邃宇幽楹蘭膏明燭霧縠雪屏於是布綺筵促瑤席辭衆賓留嘉客羅珍羞薦鮑炙羽觴風飛二八侍側屏笙簧罷竿瑟徵才人選妓淑嫵容麗態娥眉曼睩灼若春花瑩若美玉妖冶難言奪人心

金華先生集卷之五

十一

目被華桂振輕綃綴明珠垂步搖沐蘭澤揚翠翹屢流盼以目成復將歌而含笑粲貝齒以發聲動丹唇以宣調陋北里之淫哇追陽阿之奇妙激飛塵於梁端遏行雲於天表茂吳歆而鄙蔡謳駭縣駒而走王豹虞公失色秦青秘音掩孤竹之管廢雲和之琴使夫歡者酸鼻悲者蕩心故曰絲不如竹竹不如肉先生雖病能強起聽之乎先生曰五色令人目盲五音令人耳聾如公子之言是益吾疾也

公子曰中山之醪酎宜城之醇醴鄧渌渠名春

清殊旨竹葉馨香蘭英甘美蜜勺瓊漿挫糟浮
蟻管以康狄嘗以玄石單醪羣飲一醉千日則
有子雲伯倫陶令畢生操觚挈榼承槽捧甕枕
麴藉藥未獸先醒浮以太白盛以彫樽酌以太
斗罰以兕觥飛羽流波電醕川傾筋骸和望思
慮沉冥陶陶兀兀焉知死生雖有淹沉結轡之
痼情窳憤毫之形靡不疏通涌溢而灑然清冷
也先生能強起飲之乎先生曰此仁國之味腐
勝之藥僕雖亡恙不敢耽也

公子曰東海之中爰有丹丘珠宮貝闕月殿星

太倉集卷之十一

主

樓璇臺切天絳宇雲浮林生白玉地產黃璆露
芝五色桂樹千秋列仙所集羽人嬉游則有王
喬羨門安期洪崖鬼谷之儔升紫烟以遐舉騷
朱鳳以夷猶掇丹萸於危嶠採翠茗於清流超
太虛以出入混元氣以周流朝飲沆瀣夕食至
精恬澹冲漠無思無營肌膚若冰雪容顏若處
子後三光而靡彫歷億劫而不死固將等龜鶴
於蜉蝣而遺濁世如泥滓也先生雖病能強起
從之乎先生曰此秦皇漢武之所不能非俗士
之所敢希冀也然而先生有喜色矣

公子曰將為先生延方伎辨說之士究同異於
楊墨綜名實於申商陳功取於范蔡角從衡於
蘇張窮堅白於龍督肆虛無於老莊是非蜂起
剖決毫芒舌如箕吐口若河懸深之入黃泉高
之升青天詰之無繇析之無端聽之者忘倦聞
之者靡厭辭未及終而先生曰善

公子曰此猶未也復有仲連排秦端木存魯陸
賈下越子卿折虜功存片言義冠千古斯固辨
士之雄而非通儒之所慕也吾將使仲尼揚鐸
孟軻鼓頰董生持籌賈誼侍列繹仁義之源述

太倉集卷之十一

古

唐虞之烈發天人之奧建治安之業使稷下屈
其辨談天卷其舌先生雖病能憑几以聽之乎
先生於是恍若聆至言聞妙道沉病去體蹶然
而起

連珠三十首有序

連珠之作興於子雲廣於班蔡盛於陸機言約
而意博文微而旨深假引喻之辭含風刺之義
聯屬成章貫而不絕故曰連珠蓋文之美者也
嗣而為之得三十首

臣聞二曜貞明則列宿順叙四時迭運則入氣

均調是以天子董官必先於論相大人興治莫要於格君

臣聞萬鎰之璞受琢削以成器三品之金資鑄冶以為功故士必養而後成賢必試而後用

臣聞應龍善化翼雲而興鴻鵠冥飛得風斯奮何則橐籥以吹噓致用賢豪以假借成功是以飯牛之豎附秦穆而名昭屠狗之流攀劉季而

崇顯

臣聞峻嶽蔽天撮土無資於蟻丘洪川浴日消流莫加於焦火勢之所去雖高必墮力之所分

金華集卷五

主

雖大必抑是以宗魯裂於三卿炎周卑於七國臣聞兼金百鎰輕於脫粟之飽文織千純劣於卉服之溫是以虛聲非實用之倫賤品逾常珍之等故淮陰舉茂以興劉殷浩名浮而檀晉

臣聞量以容深深逾量而必傾衡以權重重越衡而反折故程功貴於度德而分職先於叙材是以愚公憊於移山夸父斃於追日

臣聞咸池雲門八音合而諧聲辟雍清廟五材集而作構是故大君取士采微藝而畢庸明主甄材廓殊塗以並進

臣聞千將弗試混鉛刀而孰辨騾耳弗御雜駕馬以無分故英奇每困于下僚俊傑卒章於多故是以毛生據脫穎之奇而曹子奮登壇之勇臣聞膏肓之痼瘳於瞑眩之藥顛憚之行更於逆耳之言是以林既奮奇辨而屈齊景茅焦抗危論以悟秦皇

臣聞皇天垂象義曆莫測其高滄海匯流玄步莫窮其廣何則無形者非有形所能該難知者非易知所能盡是故遠近之辨尼父屈於齊嬰堅白之談公孫伏於魯叟

金華集卷五

主

臣聞精之所感理何深而不洞氣之所會思無幽而弗通石馮神而能言柳肇帝而自起是故燕地之霜隕於叩心之臣東海之早枯於飲寃之婦

臣聞江海潤下由於浸漬丘嶽積崇始於陵遲是以書垂灼灼之辭易示堅冰之戒

臣聞辭輯而民莫言善而邦興是故鄭僑有辭趙武致敬王滿正言楚莊以慙

臣聞樞由微而成著福自下以增高是以季郈之雞卒起三家之孽梁亭之瓜終諧二國之歡

臣聞烈士殉名尤慎保身之智高鳥射利長操遠患之機是故范座騎危卒免刑誅夷吾束縛終致霸顯

臣聞康衢之坦大車有覆軌之警洪河之險纖舫無折舵之憂何則禍難迫於前則雖危必安情偷肆於內則雖平必陂是以明者慎於所忽而狂夫敗於不虞

臣聞言無逆順投會斯從交無淺深中機則售是故間丘矢辭而拜相壽王進說以受金

臣聞情之所觸雖無感而相求義之所要雖相

不棄棄棄棄棄

主

懸而靡顧是以魯女懷漆室之憂祖朝獻霍食之策

臣聞撞鍾以挺聲雖洪而不揚貫鍼以縷緒無焚而不理故蒙莊取譬於庖人賈傳託喻於屠垣是以網罟糾纏必藉提綱之智政刑隨錯寔資理劇之能

臣聞銜勒以馭馬而泛駕多超軼之材刑威以繩下而越禮多瓌奇之士何則細不足者大斯有餘卑無能者崇而後顯是以蒙簪蓋之譏者終膺曲逆之封負牀第之累者卒流京兆之舉

臣聞物體有定應用無方人性有常緣情斯異是以明鏡照形妍媸各隨其象洪鈞播物小大各因其材故聖王垂兼聽之公達士秉大觀之智

臣聞日之明也掩月而陽鳥匿於虞泉天之高也絕雲而彈丸蔽於浮晦何則勢以時移無高弗下情緣物改靡明不昏是以君權輕於閭戶之賤主威奪於婦謁之私

臣聞世之所棄雖適用而必捐時之所崇雖厚施而蒙錄是故齊狗之惡時捷於韓盧趙璧之

不棄棄棄棄棄

主

珍或賤於燕石

臣聞芝蘭之烈伏幽谷而彌芬蠙珠之輝沉深淵而愈媚是以弓旌之招明主首加於側陋竹帛之崇材士爭奮於丘園

臣聞旭日方升則堅冰立泮朝霜既隕則貞木後彫何則繁乎物者易移而存乎我者難奪是故禽息甘碎首之危弘演勵納肝之節

臣聞燕雀處堂莫悟覆巢之禍虎豹在山寧知陷罟之災是故春申困於李園武靈幽於趙允臣聞基廣難傾樹基則固源弱易竭濬源斯長

故姬文之業過曆而後衰齊白之勲沒身而即
敗是以俗儒徵速效於崇朝王者要成功於必
世

臣聞繫讒易入雖親必踈怨讟繁興何膠不鮮
是故意以之謗受疑於明君履霜之悲不容於
慈父

臣聞驚鳥嬰羅不改凌霄之志神龍失水無損
從雲之心是故申胥守死於秦庭子卿操節於
胡朔

臣聞禍福隱相伏之機成敗炳互形之兆是以
金鑑錄事本 九

幾望之月晦易攸因昧爽之星大明斯繼故逢
清猶吳而福荆英公棄籍而從沛

衡藩重刻胥臺先生集卷之十二

衡藩重刻胥臺先生集卷之十三
論議

懲胡論二篇
詰盜議

金鑑錄事本

衡藩重刻胥臺先生集卷之十三

明吳郡胥臺山人袁泰永之甫著

長洲後學甥蔡亭張憲蓋甫校

懲胡論二篇有序

昔賈誼鑒秦失而作過秦陸機痛吳亡而作辨亡述興替之原較短長之算詞義卓美余心慕之及觀趙宋之所以亡與我明之所以興慨然有作命曰懲胡詩不云乎戎狄是膺荆舒是懲義取諸此使覽者悟焉

上篇

袁臺集卷之十三

二

宋室不綱御戎無策承五代昏亂之餘中國積衰之後燕雲督尤棄以資敵靈夏河西失而不取遼人歲擾於北陸夏氏日蹙於西鄙喪師者不誅削地者無罰因循和議專事姑息金繒百萬歲輸遼左逮乎中葉武備益弛王安石呂惠卿之徒創行新法流毒海內青苗手實差役免役之制紛紛改易民不聊生下有上崩之勢而上不悟民有倒懸之急而主弗知施及徽欽以昏闇之資而縱淫荒之慾神仙幻惑之技土木花石之娛唯言莫違崇信奸回斥逐良士諍臣

卷舌而不諫忠賢喪氣而不談內有章惇蔡卞林靈素之徒以順其意外有童貫王黼之流以養其禍橫挑邊釁失奸強胡繇是女真氏崛起海陵憑陵近甸驅哮闕之羣總狼虎之衆雷轟燕趙雷震魏冀舉河北如拾遺下山東猶振撼兩京失守空若無人連城之將望風而獻欵跨邑之師駢首而就戮徽欽北轅華夏左衽裂冠冕爲椎髻變聲音爲侏離冒曾閭齒深目高鼻之胡橫行于九服三瀆亂神人倣擾淫穢之俗羶臊之風腥聞于天雖太古鴻蒙之運五胡

袁臺集卷之十三

三

鼎沸之秋未有甚於此時者也當是時也雖使秦皇漢武為之君衛青蒙恬為之將猶且難之而區區高宗昏逾於桓靈懦甚於懷愍舍建康而弗居即臨安以為宅航海以避敵屈膝以請和任權奸為心膂疾忠賢如仇讐紀律崩壞政刑焚錯由是武夫解體億兆離心遂使帝王神明之統棄為大羊大盜之數而宋因以亡矣夫李綱趙鼎張浚之相非不賢也張韓劉岳之將非不健也京洛秦雍荆襄之地非不險也完顏女直之主非必有劉淵石勒之雄也兀朮斜也

粘沒喝幹離不之酋非必有英衛韓彭之畧也
然而兩河失守宗社丘墟者武備弛而國是乖
和戰之議舛而南北之勢殊也何則材官勁卒
代北之所產也強弓利鏃韓魏之所習也良驥
名馬燕趙之所有也金城天府崤函之所據也
彼胡皆有之而欲以蕞爾江左之地與之抗衡
合一隅之士馬以當九州之驍驁引垂絕之脆
弱以支方張之凶醜譬之驅童豎以敵育獲走
韓廬以搏猛虎其不格明矣向使宋之君臣脩
其政教公其誅賞進忠良而遠佞選材勇而

不韋集卷之三

四

汰懦弱厲夫差報讐之志効勾踐忍辱之奇采
戰攻之上策紂和好之鄙算定金陵為都會跨
江淮為障蔽控秦雍為門戶通襄鄧為咽喉固
其疆場豐其穀粟兢業以持之儉勤以訓之文
告以申之敵愾以耻之相時而動乘間而發固
可以答兀術之背繫女真之頸混壹書軌而光
復舊物也又何至國亡身辱為天下笑哉

下篇

昔蒙古氏以陰山之餘孽遶陽九之否運遭宋
祚將頽金錄告訖奮自沙漠奄有中原天獎其

兇盜據神鼎殪哀之長偃然宸極北窮幽陵南
界炎州東際咸池西漸虞淵九夷八蠻無思不
服自開創以來獯鬻之強提封之廣未有逾此
者也然而醜俗昏風多襲其故詩書壞而禮樂
崩天地閉而賢人隱聚靡之穢翳乎宮帷簒弑
之禍尋乎骨肉三綱既絕四維攸斁由是大盜
蜂起神州鹿駭涉勝之徒並起而亡胡于時據
州郡竊名號者二十有七姓焉然皆政刑不修
殺戮相勝攻城屠邑血流赤縣以暴易暴秦之
與項相去幾何我太祖皇帝躬龍虎之姿總

不韋集卷之三

五

江河之旅攬霸王之畧協天人之運不階寸土
挺起塗山首下采石雄據金陵深根固本以基
鴻業內引江東之粟外資淮泗之勢熊羆霧集
爪牙川至寤寐以來王宋之英虛受以納陶劉
之策推轂以重徐常之權分關以崇李湯之任
羣策畢屈百戰咸克算無遺規動無失慮彭蠡
之役血戰累旬湖水變赤元兇授馘雖黃帝之
涿鹿光武之昆陽方斯蔑如也遂乃九有歸心
三靈効卜不出建業而分遣虎臣摧劇寇如燎
毛掃堅壘如風葉中原廓清河朔底定殘胡孽

醜遠道龍荒千古之允除百王之耻雪駿功茂烈自生民以來未有如我太祖者也天下既定厭苦兵革雖肅清沙漠歲以為常猶未能窮追遐討使王庭絕於幕南困獸竄於故穴者也我文皇帝深籌遠算悟婁敬之謹謨念留侯之遺策以為天子建都必居形勝金陵偏安非久長之至計也睿衷天啓秘畧神授爰即幽并以為鼎宅左控遼海後枕醫閭三關虎踞九邊繩買固將以峻華夷之限陋周秦之都者也猶以不一勞者不永佚一日縱敵百世之患是故

卷之三

六

連年北討志滅裔胡踰葱嶺出陰山勒銘碣手燕然築京觀於瀚海蕭條萬里都不見虜難秦皇之却匈奴漢武之攘單于固未能躬探介冑蒙犯霜露離法宮之深密而騁驚乎不毛之地如我文皇者也其為子孫計萬世至深遠也一再傳後邊防漸懈胡運復振已已之秋土木之禍至今寒心猶賴社稷有靈也先悔禍喪君有君廟算亡失于謙竭忠于內石亨輸力于外京城危急而九服宴然故能反皇輿于紫闥正帝座乎黃屋然而受降要害之城河套沃

饒之數遂棄為外地水草耕牧虜獲其利成化以來火篩小王子跳梁猖獗大同宣府延夏甘肅疲於奔命朝廷肝食殆無寧歲迄今日吉囊侵擾尤異往時控弦十萬長驅深入蹂踐疆場殘毀城堡烽火通於秦渭羽書飛乎京轅挫衄不支失亡相繼情見力屈虜益得志又以債帥成風驍將失職鹽法壞而弗脩屯田廢而徒設倉府空虛衣糧不給六邊之士枵腹荷戈且不一飽寒冬栗烈衣不蔽體虜至則喪膽視魄奔北不暇虜退則上下相慶謂且亡事此誠賈

卷之三

七

生痛哭之秋江統憂思之日也何則劉淵石勒之雄不能有晉也吐蕃回紇之衆不能有唐也志不出金帛欲不過子女自夫金元肇禍虜志叵測其心且曰是中國者我嘗據有之矣蓋未嘗一日而忘中國也由此言之然後知文皇帝之慮患深而懲胡之策不可不熟講也

詰盜議

或問袁子曰子東海之人也今海有盜若之何捕之請試言其畧袁子曰夫海盜之為患久矣蘇之州縣崇明居海中而太倉嘉定常熟皆濱

海海之利莫大乎魚鹽故濱海而居者多業魚鹽而習剽劫且其地多沙渚洲港浮海而後能達故土著者憑險以弄兵而羣不逞之人亡命避辜咸竄匿其中緩則鬻販魚鹽以自業急則剽殺商賈劫掠村聚以為利賦役之弗共禁令之弗及非一日也元季張士誠李伯昇之徒起自泰州之白駒場販鹽為盜遂竊據吳粵以與中國抗南面稱孤幾於霸矣高皇帝覽殷鑒之不遠慮島夷之難制設立太倉崇明金山三衛以防海盜承平既久武備漸弛巡舟戰艦朽

天章集卷之三

八

蠹而弗脩弓械干櫓缺敗而亡用武官邏卒陽託捕盜之名而陰資煮海之利奸弊相通禁防盡廢崇明一縣崔蒲為藪而太倉之民亦多效之乃至衣冠之族世與賊為婚姻而甚者則豪奴佃僕往往軋沒寇攘而主弗禁也又以為守令者緝捕無術撫綏失宜平居則受其賄遺凡鮮船鹽艇入境者多取其歲例年飢盜起肆出行劫而弗敢詰州縣之權益輕所衛之司徒設一旦興兵臨之則嘯聚以抗勝則憑陵近地敗即竄逸大洋散而復合莫之誰何雖非腹心之

以乘其舴艋之小標鎗火藥以制其刀矢之弱凡江中之羣盜海濱之鹽徒習知水戰而樂為我用者雜用以夾攻之而市井之亡賴望風而靡者悉汰而弗用分布偏哨四面合圍馳驅駭諸道並進人不及旋矢不及發而小醜夷矣又且豫為規畫檄告鄰疆西則江陰通州東則瞰浦寧波嚴加隄備以防豕突退無所歸散無所止一勞永逸且絕後患斯萬全之萬全者也或曰用海人因鄉間斯誠善矣近有漳人失風而漂至崇明者賊嘗以數十舟而環攻其一舟

天章集卷之三

十一

賊以覆敗漳人願應募以滅賊當事者疑而弗用是乎袁子曰奚獨漳人哉凡知江海之利者悉可用也疑而弗用敗之道也故天下之患莫大於狐疑而耻功之不出於已也疑而忌未有不敗天下之事者也

衡藩重刻胥臺先生集卷之十三

衡藩重刻胥臺先生集卷之十四

序

皇明獻實序

北征錄序

平吳錄後序

平黎詩序

河南鄉試錄後序

九江郡志序

大司空顧公董役 顯陵工完序

送黃國信冊封晉藩序

不彙先集卷之十四

送汪侍讀校書建陽序

送大司成馬公陞禮部侍郎序

送大理寺丞林公赴留都序

送侯世言序

送史邦直序

送許廷議序

送汪汝玉序

送大中丞林公出撫畿甸序

送李尚綱序

送陳允揚考績序

送陳侍御原習謫海陽序

送沈生赴潮陽序

送楊夢羽序

送歐陽大夫序

送右布政使吳公序

送伯兄通判臨江詩序

送陸子傳會試序

送叔兄補之會試序

送董子元序

送王醫士序

不彙先集卷之十四

贈李仁父序

贈烏程錢尹序

贈龔封君序

贈姜徵君序

陸太夫人壽序

少司馬陳公集序

大中丞胡公集序

唐伯虎集序

王履吉集序

廖學士采風集序

國寶新編序

中庸臆說序

江南春詞序

粵稿序

國寶新編卷之十四

三

衡藩重刻胥臺先生集卷之十四

明吳郡胥臺山人袁泰永之甫 著

長洲後學甥甥張憲蓋甫 校

皇明獻實序

袁泰曰紀載之書尚矣遷固而下罕稱良焉何哉世代遷移文獻湮滅傳聞者易以訛舛兼之好惡人殊隱惡溢美者多據事直書者少自非弘功異烈奇節碩材章昭顯著膾炙齒牙者鮮不失實矣古者左右史紀動紀言義兼美刺事綜小大靡不書之後世史失其官官失其職不

國寶新編卷之十四

四

穢則略匪諱則誣吾何以觀之哉吾何以觀之哉我 明興 高皇創業豪傑景附謨謀帷幄之臣風議于內鷹揚介冑之士折衝于外丕建勲稱光享爵號勒名于金匱石室者不可勝數列聖繼承教化滂流人文開宣瑰瑋卓犖之材珪璋瑚璉之器溢於天府濟濟雍雍於斯為盛雖方圓異用甘辛殊和然其匡翊贊襄咸有可述而紀載未備懿美不彰儒博士甚以為病暇日忘其狂斐慨然有作肇自洪武迄于嘉靖武寧王而下凡若干人皆其著者據所聞見

錄其大節略其細美又所紀者止於亡沒存者弗錄嗟乎天祿石渠之藏既已深秘莫之能覩咨之縉紳先生又多異同紛紛不可考證孤陋乖刺詞不雅馴非謂必信必傳庶國家一代材賢之盛炳乎不朽是泰之意也乃若有美無刺志而弗辨紀事之體當如是耳

北征錄序

祖宗之創業艱哉高皇帝功過武湯遠矣定都金陵便委輸東南耳北方之事未之經營焉豈草昧初定思與民休息未暇歟文皇帝躬

平吳錄後序

五

擐甲胃張皇師徒窮追遐討深入漠北以靖胡虜妖氛殘孽蕩焉廓清幾無孑遺乘輿所至蓋漢武唐宗所不到者諺云不一勞者不永逸神漢武烈詒翼遠矣嘗聞之故老云胡人廟祀者古今三宗焉漢武帝唐太宗我文皇耳虜經禽胡山望文皇紀勒銘石必下馬羅拜嚙指稱威神云

平吳錄後序

余嘗過張士誠故宮廢墟殘堞鞠為茂草有足悲者及詢之父老往往能言其繁方其據吳時

王財賦甲兵雄于四方亦隗囂公孫述之徒匹也卒之疆圉日蹙猶欲嬰城巷戰以冀爾偏隅抗我王師妻孥為戮彼其政教弗脩淫泆汰奢賢豪弗為之用迹其所施設足以自亡而已矣哀哉錄三卷吳文定公寬所撰後有論

平黎詩序

大司馬三山蔡公總制廣東西之四年既征努灘蠻明年交南降是秋九月以十萬之師浮海征黎師三道入窮追數百里封五指山而還崖陵地闢最旬破村崗二百七十斬首五千三百

平吳錄後序

六

六十奇俘百二十五人降八千三百六十人瓊土以寧廣西叅政王君鳳靈既勒碑以頌維時公大閱于雷陽道出遂溪觀海于電白先後賦五七言近體六首潘臬之官自布政使劉君可按察使葉君照而下和者凡若干人詩凡若干首小子泰亦既與其末矣公復命序之泰聞老子曰兵凶器也聖人不得已而用之傳曰兵猶火也不戢將自焚是以古昔慎焉然而商宗伐鬼方三年乃克馬援征五溪觸犯炎瘴諸葛亮五月渡瀘深入不毛豈黠武哉誠不得已也公

之征黎下令戒安殺既誅其渠率因撫安其遺黎是豈不戢者哉君子曰征黎之役有八善焉孽自彼作師出有名慎也土兵咸集群帥以和威也簡能選良委任得人明也師至如歸民不知役豫也用命者賞不用命者戮律也殲渠折首脅從者釋信也兵不血刃役不逾時智也一勞永逸止戈偃革仁也公之功大矣哉而公之心不自假也是以形之歌詩恤民窮歲吏弊閔將士之勞苦哀黎人之無知憂愁嗟嘆而不能自己推公之心將使黎之宿寇盡化為良民而

不齊先生集卷之五

七

豈直以誅殺為威哉昔趙克國討先零罕開留屯罷兵竟下兩羗而揚雄為頌其事公之功豈直充國比惜泰也無文不能紀頌功德如子雲之於當時也今廣西之古田荔浦諸蠻間出攻剽八桂之人喁然而望曰安得公以征黎之師征諸蠻使我民永有寧居也他日圖形雲臺勒勲銅柱必有繼吉甫穆如之頌以鋪張鴻伐者而何有乎子雲哉

河南鄉試錄後序

泰奉 命校文河南道出燕趙涉衛趨大梁降

觀于郊野其土風往往嗇而愿約而愉憂勤而寬舒及試士其言亦多毅而不隘直而不夸孫而不迫辨而中其義核其慮詳雍容和平蓋猶有先王之遺焉夫河洛故都會而天地之中其書圖則義禹之所則也禮樂則周公之所制作也周之盛也其在成康之際乎成王營洛以正四方於時風俗和平賢才衆興故詩人美之曰鵲鵲王多吉人暨乎漢室梁孝王嘉禮儒術招致賓徒時則有鄒枚司馬之流相與作為賦頌以褒贊功德其制度宏麗文辭瑰璋蓋亦雅頌

不齊先生集卷之五

八

之亞也嗣是無聞焉豈世道升降使然哉我明興設科取士其始賢良文學大半出於荆揚吳粵之間河洛之士蓋鮮焉乃孝廟時則彬彬矣今天子修弘祖構海內興起禮文偏隅下邑亦蔚乎多士在河洛固宜有異材茂等如周之所謂藹藹吉人者奮出其間區區詞賦之徒直薄不為耳昔者先王之制治也以質文相較後世則文弊而質日衰誠治者蓋深憂焉夫文勝則變而趨質質勝則變而趨道是故與其文也寧質河洛之文不勝其質吾是之取爾

奏也不敏惴惴焉惟不得人以塞 明詔是懼
故敢盡布其說以為諸生告若夫低昂之衷閑
衛之密則璆也序之詳矣奏故畧焉

九江郡志序 代闕老作

國有史郡有志志以述事以藏往藏往以知
來是故文獻足徵焉勸戒不惑焉夫志史之翼
也君子參伍以通其變小人法守以脩其業由
俗以出政省方以立教不出書契而知天下者
稽之志而已矣九江地介荆揚當吳楚之衝據
金陵上游歷代為重鎮 國朝加重焉郡故有

志海陵何君

九

志海陵何君某以憲副飭兵于茲懼故志歲久
殘滅多疑謬釐而新焉質之典籍咨之見聞芟
繁秩亂搜隱闡微而疑者信謬者正殘滅者修
矣志成請余序之詳其書該而有倫煥而成章
約而弗遺其事覈其義精其文質而贍或發凡
以舉要或緯圖以法象體國經野以為民極故
首之以疆域封山濬川使同貫利故次之以山
川設官分職則地利可興而民不失業故次之
以官蹟政平治理則教化敦而賢才出故次之
以人物辨方正位以君民也故次之以宮室蒐

乘補卒以戒不虞也故次之以兵衛兵足則民
附民附而後可以時游觀節勞佚也故次之以
古蹟存古者莫若衛其園陵故次之以陵墓異
教非絲也創之自古昔故又次之以寺觀該古
今之變綜事物之情者莫若文字故詩文終焉
風俗之因革制度之卑高食貨之盈縮役賦之
煩簡下至溝塗津梁倉庫瑣屑粲然畢具往者
存焉來者攷焉故曰文獻足徵而勸戒不惑可
以觀可以興矣何君之蒞九江也替而報政曰
武備詰矣廩庾實矣膠庠作矣百廢舉矣非志

志海陵何君

十

何以示遠斯志也蓋政成而後作焉君子又嘉
何君之知所先後也

大司空顧公董役

顯陵工完序 代大

張師

嘉靖己亥 聖天子幸承天躬視 顯陵相其
陰陽以 睿宗獻皇考舊寢規制未備無以揚
億萬年無疆之休且將奉 章聖皇太后梓宮
祔焉乃命管度其事凡規制一如京師諸陵今
工部左侍郎兼都察院右副都御史金陵顧公
憐寔被簡命以董是役公初以大中丞致仕家

居 聖天子采言官撫臣之薦起公巡撫湖廣
不釐庶務卓有成績特進公吏部右侍郎以總
百揆未幾 聖天子念陵寢事殷經畫之任非
公不可乃改今官公受命惟董爰咨爰度爰經
載營選徒鳩工率屬董官程力庀材朝省夕戒
殫厥心力逾年大工告完凡 顯陵玄宮寢廟
及舊邸 世子府以暨遠岸顯親陽春諸門咸
底落成庚子之秋九月余蒙恩進官南京禮部
尚書便道祇謁 顯陵則見山川繁鬱雲漢昭
回楹桷有殷丹黃焜耀肅肅乎爽爽乎美輪美
奐竊竊制度備物多儀誠曠古之偉觀昭代之
鴻制也維時藩臬都閫諸公會于武昌合辭以
請于某俾序其事余惟是役也四美集焉 聖
天子因心之孝羣公卿勤事之忠司農無告實
之病昨庶效子來之義是役也實蕙之矣夫興
作國之大事也聖王慎焉章華鹿初垂譏於魯
史新廟路寢見美於詩人何則孝莫大乎繼志
而事其嚴乎慎終記曰必誠必信勿之有悔焉
耳矣孟子曰君子不以天下儉其親況乎山陵
之制可無慎歟今 聖天子躬勞萬幾按視園

陵望拱木而興哀撫堂封而增感凡宅兆之士
寢殿之規悉裁自 聖衷酌今古之宜定豐約
之準猗歟休哉真孝同虞舜制陋百王矣然非
顧公之經畫有方夙夜匪懈其能役不逾期工
不告病若此哉余不佞嘗忝文學侍從之後且
楚人也樂觀厥成其能無言以颺休美詔將來
乎是役也董之者顧公相之者則大中丞平湖
陸公杰侍御長樂陳君象山陰朱君簾也其諸
藩臬郡縣百執事而下亦與有勞焉者也

送黃國信冊封晉藩序

建侯樹牧大典也致辭宣命寵使也夫禮有經
欽福以睦族分瑞以展親錫命以頒爵授祿以
奠食疆枝幹以扞疆圉張藩衛以翼王堂典莫
大焉詩曰宗子維城又曰無俾城壞言樹侯也
是故有茅土之封有弓矢之錫有寶玉之分有
帶礪之盟告之以文辭宣之以羣章經之以度
數訓之以典制 王布命臚傳言公孤出令史
贊誥使承辭寵莫大焉詩曰肅肅王命又曰載
馳載驅言使事嚴也 皇帝弘敦孝理敬篤懿
親諸父昆弟罔有怨咨秉憲貞度率德考衷既

戢且難支庶斯蕃維歲有典常式序辟王樹封以康于家維宗伯氏揆于庶官黃仲于行將命斯徂奉簡書以靡遑揚旌節以言邁詵詵西驚蒞止晉藩夙夜恪共既勤且勞誦皇華之嘉什懷北山之私念還歸伊邇桑梓攸寧凡我同官咸侈茲役申之飲餞介以贈言

送汪侍讀校書建陽序

侍讀汪公奉 勅校書建陽表奏贈之言曰是役也贊勳 王猷綱紀古訓範學者以軌物其在是矣稽合同異抉摘謬戾采遺闕疑非公事

不食其筆卷之五

也周衰處士橫議縱橫堅白促數耗亂不可勝紀而載籍始繁漢興懲秦除挾書禁增置博士員書稍稍流布然多斷爛傳會矣詞賦蠱象劇于八代碑官百家之言殽于兩宋雖復有好古洽聞之士亦且沒溺牽制莫能緒正以附于孔氏支離磔裂迄今未已 王猷鬱而弗宣古訓墜而弗振學者無所法守妄常竊議以為凡叛於孔氏者可盡黜弗錄使無滋蔓也 國家稽古飭治列於學官者固孔氏之舊也而章句之學日繁在建陽為淵數師弟子舍是莫能授受

各守其說以相正徼利之徒日前月改標竊承襲以相軋沒委棄汜濫豈孔氏之舊歟古者有校文書藝之官論道于內輜軒朱衣之使采詩于外脩其教齊其俗一其道德防其淫雖有奇泰弗售也後世左右史混采詩之官廢典書者無詔道人無禁靡雜相眩鬻無足怪也今海內同文 聖天子好文願治日御經筵宰輔而下數召對顧問深惟根本將刊定六籍詔之萬世公實拜命奎章頒傳騰示無極虎觀動色庶幾復見孔氏之舊幽而復明鬱者宣墜者振無法守者悉就繩墨述作之光教化之實其在是矣泰不佞樂斯文之興起也敢以言獻

送大司成馬公陞禮部侍郎序

嘉靖庚子冬禮部右侍郎闕詔慎簡其人於是南京國子祭酒綏德馬公特被簡命表生以言贈曰夫叙材詔德者董官之要也宣力輸困者率職之經也執要以馭置則官弗靡守經以靖共則政弗惑此不易之道也今 天子明聖用人必博謀群稽而斷以獨見非其人弗以知人則哲厥維艱哉夫國子祭酒古大司成之官

也。大司成之視少宗伯其祿秩稍異其司禮樂宣教化則一也。周官宗伯掌邦禮以典神人，和上下而大司樂隸焉。其職掌成均之法以治建國之學政而合國之子弟以樂德教國子中和祇庸孝友古之司樂其即今之祭酒歟。高皇帝崇禮師儒敬敷教典加意於成均官祭酒者必選宿儒居之當時如宋公訥胡公儼以身為教卓有師道乃後陳敬宗李時勉諸公咸以剛嚴稱何則慎簡之意猶存而敬敷之典未壞也。邇來循資計祿之風滋而簡賢使能之意泯俗

不盡其善

五

更以教化為可忽而庸人以禮樂為無益司衡者昧董官之要而就列者乖率職之經化數而習偷楊子雲有言曰模不模範不範嗟乎國學之設殆文具矣公之為祭酒也董其規條嚴其約束懲其惰偷作其耻讓正己以率之明倫以範之夏楚以威之鼓鍾以樂之而國之子弟翕然向風其視宋胡諸公殆有光焉庶幾克舉古大司樂之職者歟。今公進而佐邦禮典神人和上下秉寅清之德以宣禮樂之教直與古伯夷等泰願竊有望也。今既賀聖天子之知人又

多公之受知也於是乎言

送大理寺丞林公赴留都序

莆田林公初校文南畿南畿之士習翕以變矣。既而校文北畿北畿之士習又翕以變矣。天子曰楸哉既弼朕教肆明于刑欽哉慎守于初力超拜大理丞或曰大理古廷尉以法訊萬民率乂于天罰者也公操文衡倡胥子以播成均之教而使之低昂法理舍降典以事折刑其愆于素矣噫是天子所以慎簡使而虔其元命者也。夫人情廣則作奸狹則思欲先王立禮以

不盡其善

六

為之防防不足而刑生焉故曰禮失而後刑刑有倫要辟有旨簡而輕重之序淺深之量權之以致衷民於是乎畏威而遠罪奸慝而欲窒刑平而禮斯節矣故曰監于茲祥刑夫禮刑其致一也曷為其愆于素也先王之制刑統於司寇獻於史而詳於正叅聽於三公三公無所不統可以脩禮可以正刑司寇則致刑以輔禮者也大理之秩亞於司寇其三刺五覆纖剝辟宥與天子相可否視司寇等故曰廷尉為天下平今之法較若畫一司刑者秉成憲執之而已矣

而科條之出入日傳月會深文隱律動觸機害刑敝而傾禮衰而日失其序上替而下殘誰之咎歟公以禮造士率是防民其無刑矣故於公之行也不言刑而言禮

送侯世言守池州序

侯子出守池陽就表子而咨政焉表子曰夫守有三物慎擇之耳矣考典訓察時宜布經制敦彛教齊法軌創章程權變化之利弘久大之規者守之善物也是故綱紀脩而弗替惠澤流而弗竭我作而人述上信而下尊是曰善道君子

本堂書集卷之六

七

由之其次則慎威儀壹辭命廣積蓄平賦計公聽斷出滯淹基廉而示儉履敏而張勤官不失紀然易替也民不失業然易竭也是曰法守君子弗貴也又其次則疆以威衆察以伺物矯以近譽論以趨利法敝而弗理刑繁而弗情令龐而弗統權侵而弗抗上慢而撓下疑而怨是曰民賊君子弗為也夫三有匪慎何擇焉是故俗之污也我知之矣政則蠹也政之蠹也我知之矣牧無良也求以牧民而術之弗慎將何觀焉天地土沃而曠有遺利焉在興農富之源也民

朴而野有遺俗焉在董士教之則也農以足貨士以興禮治之衷也守之經也

送史邦直序

今之仕者率重內輕外耻庠而慕崇其外補者上自方岳下至牧守苟非知道者鮮不戚戚愠懣詆訾當路至乃沉浮歲月幸稍久不遷即竊自喜慶曰吾終不失為京朝官其矣俗之敝也佻躁者獲顯譽沉寂者蒙群譏矜激詭而鄙中庸賤狷節而夸通流學士大夫靡焉同風至謂宰銓衡者亦以是為人材高下其最者則為京

本堂書集卷之六

八

堂官次之藩臬又次之州郡守嗟乎果若是否我人之行能不相遠仕于朝者其才與賢果皆與人殊否也外補者其才與賢果皆若人否也牧守奉天子德意宣布慈惠左右百姓方岳則禮秩益尊而職業益崇政務繁雜視京朝官所視事蓋倍徙焉其勞佚難易蓋什伯焉乃以是為低昂何哉且今之公卿即多昔之方岳也即多昔之牧守也豈其行能昔若人而今與人殊邪是故在外者不足戚誠盡職焉耳矣在內者不足喜誠盡職焉耳矣史君愿慙厚溫

有長者稱其去即署而僉憲臬也不戚戚於外
內吾固嘉之以言

送許廷議序

許子廷議拜官順德表泰餞之刻也許子揖而
言曰子何以規我今天下之官秩卑而事勝者
莫若丞簿其次則郡貳與倅與推郡有事守統
之貳與倅分而聽焉米鹽徭課溝塗盜賊各有
司存至訟獄則推專焉有失其平者必於推乎
取直置然而號焉獷者怙勢狡者匿情簿書文
移紛然而來焉又難理也吾懼焉汰之易格而

太僕集卷之五

十九

澤之難流也子何以規我泰曰是則然矣吾聞
敬皇帝之世也官從其訓政守其序量材以
制爵揆事以考成時則太宰許公實司其柄以
駁置之而百工以和舉于朝者皆民譽也下至
司府執事程功效能官不易方事不改度民用
情而刑不黷胥吏無歟獄岸無滯法一而澤無
壅則吏多良而政弗頗也今天子神聖赫然
思治糾虔天刑小大之獄必制于東而司刑者
日失其序喜察者拘苛蔑下者揚已刑煩而俗
敝則有由矣今吾子恭慎而溫文博敏而樂豈

恭則禮下慎則約已溫則無虐文則不匱博敏
則事不惑樂豈則道民和率是以蒞順德鮮不
給矣又何懼焉且吾聞之基仁則固踐猷斯顯
赫善者後選累德者世昌昔爾先公大宰丕樹
宏業以光輔 先皇夷夏率享駿功碩聞載在
天府今少司寇公克篤先烈世濟厥美用簡在
帝心以掌邦禁三典五罰實審聽之獄辭明
清而要會簡乎則少司寇公之訓也子之往也
務基仁焉以踐猷猷其庸多矣許子聞此言也
而後喜可知也遂書之以授使者而後行

太僕集卷之五

二十

送汪汝玉序

國家稽古議辟律約而詳官備而臧叅聽審克
制民于中司寇有卿有貳有屬大理有卿有貳
有屬上下相權倫要相經率天下之麗于法禁
者惟律是聽雖有析言破律亂名改作者惴慄
屏伏不敢以其私出入以是單辭明清而獄貨
不繁號稱易治然竊疑焉夫罪至於亂政疑衆
此其刺刺磔膊宜無淹旬日矣然且三公不敢
議司寇不敢詰廷尉不敢訊囊口側目辜功列
而弗問刑書具而弗占簡乎以為疑在宥以求

出棘木之下鬱而弗伸或者謂鴟義奸宄縱詭
隨以怙寇虐今之刑失之太輕宜峻重典以申
邦禁此其說是矣而殊死者相枕也桁楊者相
推也黥劓剕刑椎鑿鉗錮連蔓引亂獄滋豐
而刑發腥聞使元元叩心無所控籲此其失之
輕歟故或者謂今之刑宜用輕典茲二說者將
焉取衷夫刑以弼教以裴養哀敬以察情忠愛
以成比意論其序慎測其量作其耻格其奸而
止矣三禮之降八議之設此言輕也刑以明辟
以糾暴一成而弗變四誅不以聽訖于威富體

太平集卷之四

辛

于公族鋤其庸回黜其伏慝而止矣火烈而畏
水弱則仰此言重也是故附赦以律而輕重以
情情以權時律以經制經立則易執而難犯權
鈞則上威弗褻而下無辭周官之法聚之圜土
坐之嘉石役之司空聽之以東矢參伍低昂輕
重之權若是其詳且慎也而五刑之經執之弗
撓故曰議事以制不為刑辟言律有定也今之
法律其當重而輕當輕而重司刑者之過也而
說者不于其人于其法衡卷愴囊倡為更張督
責之說吾見其貨獄日繁而民無所措手足也

汝下茲仕拜南京大理評事其於法律輕重之
間諒已審矣於其行也述是以相質

送大中丞林公出撫畿甸序

列官以建庸非材莫授也稽事以程業非政莫
顯也仕也者舉吾職焉耳矣行吾志焉耳矣奚
崇庠之擇然而勢分於相維法室於並制下焉
者述上焉者沮焉材者興脩不材者墮焉嗟乎
秩碑而克遂者鮮矣今之官其仕于外者自岳
牧而下惟撫臣之是聽令莫敢慢也事莫敢撓
也材者吾甄之不材者吾刺之甚矣職之易舉

太平集卷之五

五

而志之易行也然而有難焉馭吏難於肅也和
衆難於寬也肅以昭憲其戒也察而苛寬以宣
惠其戒也靡而弛是故有糾繩之典有保釐之
乘問俗以立軌徵故以脩紀辨官以樹猷蒐慝
以布利而職乃舉矣大中丞林公之出撫畿甸
也考言於二三子初公之為御史也執而無回
覆而詳繼為廷尉也簡而比怨而慎率是以往
吾見其肅而弗苛也寬而弗弛也又何難焉泰
也辱公之教也久且喜吾道之易行也於是乎
言

送李尚綱序

淮當水陸要衝阻海蔽江俗剽輕驚悍習戰鬪任氣易動難治文皇帝之都北平也歲漕百萬導淮徐沛歷濟以達于京師宣德初平江伯陳公瑄來董漕運作鎮于淮物水土高下置版牘脩隄防議徙庸均佚勞國賦歲倍維時漕卒多戎伍驕縱狂大為居民憂莫相統壹疏請王官制之詔簡刑曹往聽獄辭稍繩以文法卒徒用戢無敢或譁嗣是罷置不常卒莫能廢每三歲一易焉大司寇慎簡而使之非良莫

太倉志卷之六

七

舉焉先是暢君子實實往視事未幾以最遷凡我僚屬私相揣量曰是役也必李子尚綱否懼弗勝夫李子深於律而詳於事又甚敏焉夫大司寇知人非李子莫使矣既而果然則又動色相賀以大司寇為真知人以李子為必稱職乃李子則惕焉懼弗勝問所以出政者於表子表子曰夫政猶治絲焉禁而理之亟則糾纏緩乃緒也且君子於事不患不敏患弗審不患不詳患弗知防於律不患弗深而患弗以情夫能用情者寡矣情以照之又聽以衷雖過鮮矣夫淮

其俗易動又多戎焉是以弗戢非衷將何以聽子盍務衷焉詩曰不競不綈賦政優優衷也

送陳允揚考績序

長樂陳侯守湖之三年將考績于天官泰贈之言曰始余之配湖也入其境地辟而農勤俗盡而士忽以絃以歌于蚕于漁婦無休事工無淫度賈無貳價吏無滯獄醇醇如也衍衍如也慨而嘆曰茲其樂土歟何易治之若斯也及詢之薦紳先生下逮賸諒咸曰吾儕小人得康居而阜財習禮而服義晏然無虞者侯之力也余曰

太倉志卷之六

七

夫侯之政何如曰存以寬慈出以簡易率以忠信表以廉潔守以恒久勵以至公明而弗察勤而弗侵和而弗弛貞而無回此侯之政也若是而已矣表表曰夫為政有體布治有經審體而後政成循經而後治達循良者守之體也仁惠者政之經也體乖則亂經悖則迷政之所由數也是故寬慈以布利簡易以程功忠信以作孚廉潔以軌物恒以考成公以平施明則難眩勤則不賈和則有容貞則弗撓十物備而政興矣先侯而守湖者去而思思而頌有三公焉曰大

梁岳公麻城劉公淮陽萬公岳之政廣而果劉之政敏而達萬之政嚴而肅咸有遺思焉侯之繼萬也濟猛以寬是以湖之人畏萬而樂侯君子曰知政之體審治之經惟侯有焉考績者考此而侯之政可知矣

送陳侍御原習謫海陽序

夫騏驎德於鹽車莫邪挫於族庖何材奇難逞而鐔鑌易挫志以勢屈功由時隳維士亦然矣然坎壈崎窘實無如侍御者侍御立中臺最久故多所論列其觀侮亦最深且著然譽亦以

太常集卷之五

主

是最顯武廟初論養子干假威權漸不可長有旨罰粟輸邊及駕南狩中外噤弗敢發獨抗議再四綏挽旌結由是直聲益譁然瀕死者數矣凡指斥勲貴悉忤諱忌尤好激揚曰吾職如是每䟽出則耆耄髮逸蒐羅無遺及是以年勞進太僕少卿命下不拜手䟽時哲自代聖天子赫怒謫教海陽臺諫文章乞留不得命朝之士大夫相與言曰海陽僻陋侍御暮年炎海瘴癘棄司直以投荒裔其孰無辭表泰曰似矣而實非也夫翕張者勢倚伏者時惟君子能

因勢以矢志矯時以奮功翕張之相感倚伏之無常巧者弗能避也智者弗能謀也直已而行夫何患焉且明君操黜陟以馭物君子委夷險以致身賈傳畢命於長沙馬援徇名於武溪獨侍御哉或曰是矣激而後發尤而弗懲疑若非中道者噫今之議者類不樂成人之美如是抑孰知侍御者初侍御念太夫人在堂告歸色養者累年其再出也以臺臣論薦奉檄心喜亦惟太夫人是命今太夫人棄養者久矣陟岵長號適追先訓勸力王事陳謨以靖共鞠躬以匪解竭逢干之節則進讜論慕岳牧之風則讓庶官溫恭銜恤符明發之懷盡瘁畏咎協北山之什義切於輸衷而迹疑於沽直智者臧愚者否夫何尤焉語有之行百里者半九十公其知所自信矣

太常集卷之五

主

送沈生赴潮陽序

沈生游太學者二十年矣走場屋輒不利就試于天官拜潮陽衛幕將行請余言以光行李潮陽去京師萬里僻在海濱為瘴癘地又多島夷山蠻入出攻殺為害前代多流人謫播越擯

居炎荒往往不得調 天朝統有夷夏環海為
疆鳥言丹服之地悉為編氓隸諸職方而嶺南
諸郡遂蔚為大藩貨賄百市踰揚益文獻彬彬
駉駉天府矣沈生無謂潮陽荒僻瘴癘非人
所居也馬材之良者涉隘阻下上山澗偏仄般
辟益超以逸不良者浴以清泉飾以華轡豐芻
閑牧策之九軌之道而契需虺踣汗膚傷吻不
前者屢矣士亦有之履危者智精投艱者慮熟
班超之西域馬援之武溪誠壯夫所不辭也詩
曰豈不懷歸畏此簡書言王事嚴也沈生行矣

不齊書卷之四

三

無謂潮陽遠哉長揖棘門折衝尊俎勒燕然之
奇績標銅柱之壯猷勗之而已

送楊夢羽序

余以罪戾湖州道逢楊子於清源為余述觀游
之勝曰吾之北轅也首登姑胥之臺焉則慨吳
粵之廢興感蠡胥之忠智既而涉大江陟金焦
歷波濤之險窮山川之奇遐觀幽覽快心娛目
而興未已也於是遵齊魯之郊弔姬孔之墟登
乎泰山觀乎滄海而止焉若是其壯游乎子以
為何如余曰子之觀游誠足夸矣抑異乎吾所

聞夫子與吾吳人也吳之先有泰伯之德焉可
以崇禮讓有季札之節焉可以興辭遜有言偃
之文焉可以脩典訓抑猶未也夫齊魯者聖哲
之林而禮樂之淵也泰山者丘嶽之宗而滄海
者川瀆之歸也是故可以觀可以興登高自卑
陟遐由邇仰止而趨盈科而進是則觀游之助
也夫山川之美眺望之奇又何夸焉楊子曰唯
唯吾固願有聞於吾子

送歐陽大夫序

歐陽子以司空屬董碑于蘇事竣問言於袁子

不齊書卷之四

三

袁子曰虎祁成而夏盟叛章華作而楚國危蓋
自茅茨土堦之風寢而峻宇雕牆之刺興土木
之階禍也久矣故議者以為勞民傷財莫此若
也然而有不可已者亦莫之敢廢也是故得其
人則民不知勞財不告匱非其人則民且散矣
不惟勞也財且殫矣不惟傷也嗟乎艱哉今
天子敬天勤民銳情於古禮脩如社 九廟之
儀不得已而有事于土木乃命官董碑于蘇而
司之者多非其人往往為民病墨者則以出納
為利威勢而令弗行簡者則以校會為汚法弛

而事弗集其有懲墨以介勵簡以勤反是二者之為而材弗逮焉綜理之弗周侵牟之弗禁引日月縻貨財而受欺于羣姦者莫之知也其為勞民傷財也一而已矣吾聞歐陽子之蒞事也介以率下勤以程功敏以稽筭威以防姦財紆而弗告匱民節而弗知勞其庶乎說以使民者哉吾聞天下之事其利害鮮不繇人以今東甌之民力困于誅求亦已甚矣使有司者皆歐陽子其人則民猶汔河小康也歐陽子行矣請以余之言告夫繼歐陽子者

本堂集卷之六

九

送右布政使吳公陞雲南左轄序

今天下諸省荒遠者必曰雲貴廣西而廣西為最事更難治其大者如宗室日蕃猛獁日熾狼兵日驕士伍日耗山多而地少土瘠而民貧加以瘴癘之炎蒸灘瀧之湍險蠱毒虎豺蛇虺之不測是以仕者多巧避茲土其吏于茲者多不樂久居苟且歲月以觀遷擢鮮克盡心焉泰起廢承乏于茲一時藩臬諸公皆極天下之選凡有政令必集議廣思協恭和衷以求至當務釐宿弊俾可經久廣西之民嬉乎愉乎若得

慈母而坐春臺也未幾右布政使南海吳公以材望擢雲南左轄藩臬諸公咸賦詩以贈而命泰為序夫仕以行道也道苟行雖荒遠何損道之不行雖密勿何益故孔子欲居九夷不以為陋我國家皇風遠被無思不服越裳來朝

即叙而況廣西固九服之隩區也奚荒遠之擇吳公蓋三年于茲矣其盡心猶一日也庶乎能行其道者歟公以甲科之英筮仕留曹參藩閩岱所至輒著聲績其在茲土凡財賦之出內軍伍之登耗徭役之贏縮政令之弛張因

本堂集卷之六

三

革革盡心以謀之而動罔弗臧雖勢拘分室不可直遂者亦必委曲以求濟公之才雖未盡用而道或庶乎其少行矣雲南之視廣西頗號樂土且事之難治無如前所云者以吳公之才且盡心焉又何道之弗行哉泰也辱公之教頗久蓋有志於行其道而未能者敬書此以相質

送伯兄通判臨江詩序

夫志以言宣思繇情會江文通有言黯然銷魂者惟別而已況乎棣華之感切鵲原之愛深者乎伯兄脫穎海濱空群京甸牛刀甫試驥足方

騰京鮮適賦政之宜製錦徵學優之美彊遂不
抗已見司城豈弟無為先占佐郡簡書可畏簪
力方剛捧檄載馳分符爰發遵江干而雪涕指
翼軫以星言南浦浮雲化離溯嘆西臯落葉飛
散興嗟歲云莫矣人何以堪凡我賓僚咸申賦
贈在余小子敬引緒辭

送陸子傳會試序

夫授功名之會者馳寒靡之思希竹帛之業者
脫拘瑣之跡是以終生牽繻長卿題柱班超投
筆郭丹封符咸能慷慨以成身激昂以揚譽聲

本會集卷之六

圭

流無窮達人慕焉故曰志者立業之基也戒之
在卑術者集事之幹也戒之在小鴻鵠之志翔
翔九冥不奮翼則不能戾于天騏驥之志騰蹕
萬里不鼓蹄則不能致于遠然而志以時償功
由運舉何則所託者然也余少負不羈中遭罪
廢流俗喻詬歡然受之友人陸生子傳獨能捐
疵玷之瑕締縷綿之好披豁底裏討論朝夕匪
獨然誥杯酒譙笑之睚眦已屬于傳有會試之
事將獻策金馬之庭致身青雲之上過余言別
微贈言夫士之未遇孰不高談孔墨抗議

高善管晏鄙申商者乎及其得志庸庸焉曾所
羞鄙者之不如此非志卑而術弗慎之過歟今
天子明聖求士如饑闢壅滯之門開特選之
路削拘攣之格懸不次之賞言合則允策計從
則尊顯誠千載一時也以子傳之材奔驚橫厲
奚所弗濟無亦務廣其志而慎用其術耳矣吾
聞之物有必致事有必獲取魚者矧射鳥者弋
君子立志以俟時不因時以毀志懷術以赴會
不緣會以易術詩曰遠猶辰告請以是為子傳
勗

本會集卷之六

圭

送叔兄補之會試序

夫自黨術之教衰而偷僻之俗興矣鄉里之選
廢而僥倖之習成矣論辯之典隳而巧偽之風
煽矣薦鵬之途塞而眩鬻之端滋矣上之求士
也以言不以行士之應上也以文不以實久矣
正道之難行也古之君子藝藝而後官官必量
其材德懋而後祿祿必稱其事學而後從政政
弗迷而化理張焉今之君子藝之弗講患弗官
也德之弗修患弗祿也學不成章而急急於從
政鮮不迷矣余觀乎士習之卑而斷斷乎知王

道之難行也士之始學也師授業父訓方舍章句弗攻也去佔畢弗肄也刻精竭思於記誦帖括之間耽耽焉務求售於有司其售也則志盈而意侈日覬月望于爵秩之崇卑小大若是耳矣甚矣士習之卑也古之君子居環堵之室而慮周乎四海生叔季之世而心馳乎黃虞遭時則行之否則懷之豈與夫苟聲利富貴相驚逐取快於一時者而已哉吾叔氏早有令譽學同術道同謀蓋嘗有志于古人之學者泰不材樂有賢父兄之教於叔氏之會試于宗伯也請書此以徵久要之言

不齊先生集卷五

書

廣交篇送董子元

易曰同聲相應又曰鳴鶴在陰其子和之凡厥含生之類靡不然矣矧伊人者不藉交友何以崇廣德業講習藝文修叙彝倫發揚聞譽也哉慨夫交道之難久矣張陳以凶終蕭朱以隙末仲叔云亡嵇呂不作孰嗣休美昔余既有知也馳志四方傾心三益既從大夫之後譽髦滿朝耆者在位雲蒸林立各附所趨同心合契實無二三豈不以聲響殊科岐塗異軌有不可強合

者乎捐廢以來遐于荒野門有翟公之雀戶無實相之賓昔日白首相期青松指信二三君子或雲泥升沉風葉聚散各在一方怒焉與歎殷生云人壽幾何何由復復話言共傾肝膈者乎上海董氏子元曾懷豁暢器度爽朗邁志無前負氣不羈兼以洞該墳籍雅善篇翰是以雲間騰小陸之稱吳下垂阿蒙之嘆如司成陸公子淵內翰文公徵仲特加賞識謂為後來之彥伊余小子嘗獲侍先大理公遂忝通家之好屢接下榻之歡無言不訓有技必報今春子元援例

不齊先生集卷五

書

南宮觀光北都過余橫塘別業問奇楊叟徒慙侯色之誠贈言老氏莫助孔父之美嗟乎皇皇帝京雍雍國胄衣冠萃止俊杰相先考德問崇博文遊藝斯猶坐洞庭而聽鈞天萬舞之奏趨宮陛而觀瓊琳琛貝之貢同聲之應豈曰無人抑余有聞交不貴多而貴寡慎擇為難交不貴始而貴終久敬為難子元行矣請以廣交之篇就正有道之士

送王醫士序

吳俗尊鬼而先巫有疾弗事醫矯舉祝史求旦

多効挾中人之產者即推牛擊豕次則醪性魚
救以薦蚩蚩焉禍福死生悉歸之神其殆也始
謁醫求治焉治則曰神果福我即不治則曰吾
事神弗虔醫果無益也感甚矣其知之而聽命
於醫者又罕遭良焉繇是俗益尊鬼而醫之術
幾廢不講曰吳無良醫噫其信矣乎夫鬼神之
說幽昧闊遠吾弗知醫則吾知之攻療砭熨參
兩節宣古先聖王以濟夭死其大者保王躬下
殖民族黃岐所陳周禮太宰所掌要不可誣曷
為其盡廢弗講也吳歷古昔醫多良入國朝

六書集卷之五

五

益著且蕃而王氏尤著有諱賓者文皇禮辟
弗就棄去舊學學醫乃杜門集諸方書遂專門
吳之舍巫而謁醫者必走王氏王氏術業精即
委王氏治無弗効者賓之裔孫某能世其業比
試禮部入直太醫院茲將歸觀余固侈其家世
而贈之言且以警夫吳之尊鬼先巫者

贈李仁父序

李子仁父之宰江陰期而政成凡臺部監司有
事于常者咸檄下優獎褒譽之辭翕然一口於
是承簿而下移書以告表子曰邑有賢宰為當

路者所知子宜有言以揄揚其事且書辭述李
子之政甚備余始而疑以為今之為政者類飾
情以矯譽彊以張威察以眩智激以示潔捷以
覘利諛以伺意虐用其民而惟上之援上之人
方以為材且良也而加獎焉此今之恒蔽也李
子之受知于上官者得無近是乎江陰去吳甚
邇商旅往來聲相聞也及詢其土人則曰吾邑
有賢宰不獨上之人知之而下之人愛且尊焉
量弘而材敏心慈而守堅斷而恕廣而公貞而
固靖而理前之宰是邑者誠鮮儷焉所以稱之

六書集卷之五

五

者與書辭無異余聞是言而信李子之賢也夫
江陰大邑也宰未期月而監司材之僚寮述之
士民懷之不賢乎初李子與余同舉進士又同
讀書中秘既而出宰分宜無幾微見顏面乃今
政事卓卓若此李子誠賢矣乎夫江陰視分宜
地廣事倍以李子之材臨之宜無難者進而陟
臺諫參樞機事更有大於江陰者吾願李子之
慎之也

贈烏程錢尹序

余嘗讀老氏言我無為而民自化我無欲而民

自朴旨哉斯言乎此養民之要也夫水至靜撓之則泥濁黃而魚鱉弗育木至靜搖之則枝條枯而禽鳥弗附此擾之患也善養民者能勿擾而已矣擾則民困善養身者亦能勿擾而已矣擾則身危困與危非壽之道也是故目眇施嬌耳屬絃匏口甘脆膿體便纖華思慮逐乎汰奢精元斲乎蕩滛四支逸而中心勞者此身之擾也煩其教令細其科條密其誅求苛其朴簣文法叢生胥徒恣睢上難知而下易犯者此民之擾也善養身者專精而寡思蓄欲而調氣而後

云云

三七

血脉通和筋骸堅彊身安且康善養民者順而弗理靖而弗謀無為而為不言而言而後風俗和平教化興行民安且寧夫康寧者基壽之道也壽考者提福之本也故善養身者知善養民不善養民者不知善養身錢侯之宰烏程也行之以勿擾之道期而民化於其始生之辰也有俞章者袁子之門士也乞言以為壽余知侯之善養民也必善養其身敢以是言進

贈龔封君序

國制仕于朝者七品而上三載既考績得推封

其父母嘉靖七年明倫大典成 皇帝既誕告多方乃命于百官封賞遂行毋拘典常於是龔子鳴治得封其父為脩撰母安人先是就養來京師乃並受寵命表奏贈之文曰夫禮尊尊親親王者觀會通以行典禮既追王祖禰乃緣人情著為章彙下逮于公卿大夫士疏爵以命之訓詞以嘉之而人道備矣子為公卿上達于王大父官如之昭殊寵也子為大夫士上達于父母官亦如之示有等也始封也稽之天官以校其功勤過弗錄也而官方檢矣制之太史以覈

云云

三八

其行能志弗誣也而爵命尊矣是故黜過以昭勸而人知為人子矣懲誣以象賢而人知為人父矣舉一事而衆善集焉者其封其親之謂也頒爵以貴貴也厚能以賢賢也崇本以尊尊也脩睦以親親也知為人父以教慈也知為人子以立孝也知為人子而後可以為人臣以厲忠也故曰爵祿者君之所以使臣也服命者子之所以事父也孔子曰立身行道揚名於後世以顯父母孝之終也其封其親之謂也其龔子之謂也

贈姜徵君序

包山者吳會之鉅嶽震澤之雄鎮老氏之隩宅
赤霄之神區也巒紆嶺復陸衍原專巖洞窈深
堂防宰豁標奇孕秀靈異難詳既多竹箭橘柚
之利寔繁璵璠卓犖之士文質彬彬禮俗朴淳
業佃漁者寢跡丘園則章縫者馳聲饗序詳其
土風抑為美矣徵君嘉遯考槃居貞履坦王侯
不事飯疏自居安原生之貧窶美榮公之至樂
樵采以給私養耕牧以輸王租男穡女蠶夫渠
婦瑟祺壽伊始孤辰誕臨潔清酌以饗神烹肥

不食薑菜

老

并以召族百禮既洽九福斯綏維是子姓斐然
有文伯氏力田仲也秉禮揚蘭芬於胄學宣藻
燁於藝場稱觴之下既翕且耽孟氏不云乎父
母俱存兄弟無故一樂也言念天倫揆之人事
孰樂於斯申之緒言介爾眉壽

陸太夫人壽序

陸子浚明謫官都勻便道出吳下還上母太夫
人壽表生登其堂跪而進觴曰太夫人春秋七
十矣都勻去吳萬里羅鬼險惡浚明獨無意乎
浚明曰吾王事也庸何傷太夫人曰爾命也庸

何傷初浚明之官京師也太夫人嘗就養焉表
生以年家子嘗就拜堂下是故太夫人之懿行
表生知之獨詳故叅議胡公愛太夫人特甚乃
館陸公於門下太夫人善事其親相夫子闢外
內肅如其經營約束雖婦人猶男子也浚明於
太夫人為仲子伯叔游國學蔚有文譽浚明登
進士高第讀中秘書拜工科給事中慷慨論列
歲終上數千言多見采納乃益自感奮譏彈貴
勢詞旨激直無少孫避兩下詔獄家人方共危
之太夫人獨喜曰吾兒言官職當言言而獲罪

不食薑菜

四

雖危榮矣未幾竟速竄太夫人終無對曰吾兒
慎之無實厥令名縉紳先生聞之者咸咨嗟嘆
息曰非獨浚明之賢乃太夫人者賢母也表生
曰貞士累至而行明忠臣時危而節顯浚明書
生昌言國家大事直聲震天下可謂奇男子矣
非太夫人孰能成之語曰居仁者祥多作善者
壽昌使斯言而信太夫人之壽未可量也

少司馬武陵陳公集序

序曰文體之變極矣治世之文和以平叔世之
文促以詭故曰文章與時高下豈不然哉 孝

廟朝長沙文正李公以文倡天下天下學士大
夫咸趨宗之曰李公今之昌黎歐陽也其後有
崆峒李公者出而文體稍變學士大夫翕焉同
風習崆峒子之文然實未有究厥旨歸涉其堂
奧者也夫今之言文者鮮不曰西京先秦及考
其述作則艱深其辭譎誕其體支離龐雜偶俳
刻棘而文體日陋噫西京先秦果若是哉秦昔
游即署數從陳公論議既從公受書獄中嘗聞
公之論文曰文莫先於辨體體正而後意以經
之氣以貫之辭以飾之體者文之幹也意者文

李公集卷之四

四十一

之帥也氣者文之翼也詞者文之華也體弗慎
則文龐意弗立則文舛氣弗昌則文萎辭弗修
則文蕪四者文之病也是故四病去而文斯工
矣今觀公之集深醇雅則質而弗俚贍而弗穢
含氣布詞一根於經史而約之以理其宗長沙
而卓然成家者乎其視今之為文者體裁之弗
辨而猶曰先秦西京曾胡元之弗若者何如哉
集凡若干卷勸者教授泰和郭君愷序之者始
蘇袁泰也

大中丞胡公集序

始泰為弟子員時天水胡公來守蘇數與泰論
文且示以法曰文莫盛於退之而文之體則變
矣詩莫盛於子美而詩之體則變矣故文必以
六經為準而秦漢次之詩必以三百篇為準而
漢魏次之舍是雖工猶為棄源而遡委舍根而
培枝也况未工乎泰服膺惟謹然困守章句繼
服官政未得畢志古作者之場如公所教也公
去蘇有徐生者將梓公集以傳委泰序之泰三
復終篇乃知公所著述即所示法也昔在李唐
韋應物白居易先後守蘇咸有惠政且善篇翰

李公集卷之四

四十二

今韋白之集具在韋之詩冲玄興遠而調高白
之詩率易辭俚而理暢世稱作者然竊恨其未
極根源而苟安於枝委也泰也陋不足以知公
之文姑以所聞於公者序諸首以俟知者賞焉

唐伯虎集序

唐伯虎集二卷樂府詩總三十二首賦二首雜
文一十五首內金粉福地賦闕不傳唐伯虎者
名寅初字伯虎後乃更字子畏吳人也少有雋
材性豪宕不羈家貧不問產業好古文辭與京
兆祝公允明博士徐公禎卿內翰文公徵明相

友善而充工四六藻思麗逸翩翩有奇氣然行實放曠人未之奇也嘗上書吳文定公寬覽書曰吳安得有此人邪頗為延舉公卿間而提學御史方誌惡其不檢將黜之比試大學士梁公儲讀其文驚嘆以為異材遂薦第一由是聲稱籍甚會試禮部眾擬伯虎復當首選伯虎亦自負江陰徐經者通賄考官程公敏政家人得其節目以示伯虎且倩代草文字事露違錦衣衛獄掠問亡狀先是梁公奉使外夷伯虎嘗持束帛乞程公文送之竟以此論發為吏耻不就免

王履吉集序

四

歸文徵明以書慰之伯虎答書自明文多載集中乃後益自放廢縱酒落魄所著述多不經思語殊俚淺人或規之伯虎曰夫太上立德其次立功其次立言寅遭青蠅之口而蒙白璧之玷為世所棄雖有顏冉之行終無以取信於人而獲龍之業亦何以自致徒欲垂空言傳不朽吾恐子雲劇秦蔡邕附卓李白永王之累子厚叔文之譏徒資哂辱而已且人生貴適志何用劇心鏤骨以空言自苦乎宸濠之謀逆欲招致四方材名之士乃遣人以厚幣招伯虎堅辭不可

至則陰知將有淮南之謀遂佯狂以酒自污宸濠曰唐生妄庸人耳乃放歸得免於難過富春渚想子陵之風慷慨悲歌徘徊者久之築室桃花塢中讀書灌園家無擔石而客長滿坐風流文采映照江左外若奢汰而中慕沉玄勤究內典旁精繪事泰童時嘗獲侍高論接杯酒之歡哲人已遠九京不作撫誦遺文慨仰遐烈爰加蒐撫庶存梗槩云爾

王履吉集序

王履吉集序

四

王履吉者名寵吳人也少負逸材博涉墳籍沉精篇翰下筆綺辭壯思滔滔不休補郡學弟子員督學者最其文試必首列然非其好也試于鄉輒弗利乃貢入太學北游燕趙觀廟朝制度與四方薦紳先生游上下其論議而文益奇歸而嘆曰夫神龍升于赤霄尺蠖伏于泥淖黃鵠一息千里而斥鷃終日不過蓬蒿此其志大小懸絕何如哉且夫屈伸者時也利鈍者命也夫儒者握寸管挾方牘而揚聲名於億載彼得志者曳綬垂朱高爵豐祿以焜耀一時不知駒駟雷滅雲浮草腐後世無稱焉此與蠖鷃何異哉

由是買田石湖之旁築室其上臨流賦詩益窺古作者之奧而病作矣乃養痾于虞山之白雀寺洩其精於聲詩而病乃大作歸不逾月竟卒卒之前一日夢兩蝴蝶入袖寤而嘆曰吾殆已矣夫莊叟之言殆謂我也嗟乎亦異矣履吉詩初宗李白既乃宗杜故其詳才力雄濶辭篇麗贍去輕靡而就沉着尚鋪綴而畧陶鎔及白雀集諸篇則又與寄冲作思調清逸遂窺陶謝之堂幾入王孟之室矣惜乎天抑其進有志未就故所著僅此然亦足傳矣憶與履吉啣杯論文

不食素齋書

聖

窮夜達旦謂古人之庶幾大雅之可作而竟已矣獨恨夫天之忌材不少假也昔魏之文考唐之勃賀咸以才天近代如姑蘇徐禎卿信陽何景明沁水常倫閩鄭善夫亦不享年何天之忌才若斯邪豈天既畀之才乃奪之年邪嗟乎履吉古之稱不朽者不以年也又何憾哉

廖學士采風集序

袁子曰古者列國盖有風焉禮曰天子巡守則命太師陳詩以觀民風所以察儉奢稽淳偽同教化一道德也自巡守之典廢而采詩之官亡

矣傷哉然猶有輶軒之使焉自漢以來求之或改也今監察有御史將使有行人而他諸司或參與焉然監察之職在乎糾壓行人之職在乎專對而諸司徒苟共事及命而已非采詩觀風之意也傷哉傷哉蒲圻學士廖公鳴吾以太史使楚周爰之暇發為辭賦衍為歌詩首述王制旁采民風山川之夷險今古之興替靡不綜括於家見孝友之理焉於友見規箴之益焉風風乎義令美刺辭兼誦詢矣故自命曰采風集始歛有刻而體無倫次太倉知州楊儒魯復謀梓

不食素齋書

聖

傳屬泰詮而序之讀是集者尚有得乎采詩觀風之教也哉

國寶新編序

蓋罕生逝而國子悲惠施沒而莊叟歎人之云亡邦國殄瘁昔魏文言文章經國之大業不朽之盛事年壽有時而盡榮樂止乎其身二者必至之常期未若文章之無窮也泰三復斯言未嘗不流涕也我明龍興文章之美特跨往代鴻儒巧匠川涌雲蒸興文者上規黃虞下攬秦漢晉宋以還未暇論也草創之初人文未開雖

氣存淳朴而體沿卑陋劉宋諸公從容金馬猶未能鋪張功烈與謨訓媲美雅頌同風有識者蓋深惜之弘治間君臣一德夷夏清晏奇英妙哲方軌並驅文體始變力追元古於時有關西李夢陽姑蘇徐禎卿信陽何景明相與表裏以鳴國家之盛今中丞顧公璘崛起金陵頡頏其間埴鏗麓應莫敢軒輊又如祝京兆允明之宏博唐解元寅之奇俊鄭吏部善夫之古澹朱叅政應登之藻綴孫山人一元之清曠王太學龍之雄麗都大僕穆之冲泊景中允暘之醇逸

不棄其素志

聖

王憲副章之雋質趙憲副鶴之新警咸號名家素稱國手並與顧公敦道藝之交今諸子繼謝而顧公獨存遠惟伯子絕絃之感近念高生開篋之思綴輯遺文爰加壽梓題曰國寶新編委泰校而叙之夫文章與時高下而變通之妙存乎其人是以孔父云天之將喪斯文也後死者不得與於斯文也今之作者其無與於斯文者乎泰於茲編而有感乎斯文之興廢也編止所知存者弗錄李子而下總十三人陝二人河一人閩一人南畿九人

中庸臆說序

序曰王跡熄而伯術興聖學湮而異端熾洙泗道微衆言焚錯漢儒去古未遠學者各守其師說以相授受要之不大畔於古乃後轉相支離愈失其真將焉折衷哉有宋諸儒倡為道學表章之功誠不可誣而詁訓繁蕪章句碎裂大非孔氏之舊中庸一書人自為說談高妙者崇虛寂而忽精微析名物者黜簡約而爭瑣細是以或失則禪或失則俗黨同伐異其失均焉至乃朱陸交辯有如聚訟嗟乎孔父不作孰知是非

不棄其素志

吳

苟其大義無乖細目稍異亦何糾謬而互相詆訾一至於於是良可慨已吳興施先生聘之挺豪傑之材希聖賢之學沉潛汾洛寤寐關濶嘗從游餘姚王公之門斐然咀華卓矣入室懼微言之將絕憂後學之靡宗著中庸臆說一編懷望道未見進心冀以虛受人之益脫畧前聞細繹新得既不苟同亦不苟異誠聖學之樞鑰古經之羽翼也謂予小子粗知好學俾序其首惜也窺管識陋望洋心疑吾斯未信竊有雕闢之嘆就正有道實所願焉

江荊春詞序

江南陳壤吳會名都揚州表於夏紀敷澤於
周楷江海溝瀆既多沃漑岡巒墳衍寔繁生殖
賦貢雄于九服貨財流于五方儒賢卓傑敦言
公絃誦之教禮俗豈弟襲季子揖遜之節風流
論議則矜高王謝辭章篇翰則因循張陸美風
洋洋難殫述矣加以皇圖晏寧戶版蕃滋閭閻
擲比構宇綺錯既庶既富煩涉華奢服食技藝
奇巧焜耀遨遊舞粦駢闐充溢歲無虛月時無
間日令節嘉辰往來相屬春陽百戲驩賞九旬

卷之四

四九

復端獻壽秉簡迎祥剪綵鏤金互遺夸勝燃燈
張樂競賽紫姑是以水洙山隅聯興並鵲楊園
花野累榭駢筵閭闔天門塵竇衢市虎丘靈界
踵接巖阿童冠成行娼姬侍列娛心騁目感情
蕩意雖乖雅化亦徵繁會矣有元倪隱君者高
潔成性文采有章家本江南綴江南春詞一首
頗叙樂土之懷兼感黍離之嘆韻旨清遠是為
雅製我吳先輩追和厥辭或述宴游或標風壤
或抒已志或賦閨情迭奏金聲積盈絢素泰也
無文亦嘗尾續并邀同志抽演緒餘蓋曰猶賢

乎已云爾

粵稿序

泰子居百粵者歲餘抱病強起周爰三江講肄
之暇時憑絃歌自娛安焉若將終其身既而歎
曰夫仕以行道抱關擊柝且不可以苟祿余官
豈為貧者哉投効決去章一再上 聖天子哀
憐詔賜骸骨歸乃拂衣涉清湘下洞庭太江陟
衡嶽匡廬九華窺岳陽黃鶴赤壁小孤之勝探
奇入幽睇遠窮高儵然起千古之懷逸思雲冥
沉痾頓差歸而屏居橫塘寒將詗之徑灌於陵

卷之四

五

之園一琴一書且耕且漁希乎夷乎逍遙天游
誠不知無懷大庭之軌後先也嗟乎人各有志
倘天假我年不即填溝壑猶能竭其精思勒成
一家言以畢河汾之業或未可知也是稿諒無
足觀不欲棄去者亦疾沒世不稱之意也同心
君子冀假亮焉

衡藩重刻胥臺先生集卷之十四

衡陽劉刻霄臺先生集卷之十五

記

湖州府學尊經閣記

遷尹和靖書院記

長洲縣學射圃記

廣西副總兵公署續題名碑記

嘉定縣令題名記

遊玄墓諸山記

遊張公善卷洞記

遊金焦山記

六書集卷之五

一

遊西洞庭山記

聞溪草堂記

菰城草堂記

遊桂林諸山記

遊乳洞記

遊朝陽淡巖記

遊浯溪記

遊南嶽記

遊匡廬小孤山記

遊九華齊山記

池陽觀龍舟記

六書集卷之五

二

衡藩重刻胥臺先生集卷之十五

明吳郡胥臺山人袁泰永之甫著

長洲後學甥蔡亭張憲蕭甫校

湖州府學尊經閣記

湖州府學尊經閣成太守陳公瓚謀立石詔遠乃命教授陳子祥麟以告袁泰曰湖有學官蓋自漢始乃尊經閣則創自今矣夫飭政者務立教敦教者務正經經正則統壹統壹則民勸閣之創也以立教也其規侈其功艱願子記之袁泰曰夫尊經者世衰而後為之者也先王之始

太常集卷之十五

三

立教也張學以聯材選師以布軌植行以崇倫尚齒以習遜考業以居功賞譽以勸善威罰以懲忒此教之所由興也世之衰也文繁而偽滋言淆而質敝政靡而紀數禮喪而俗偷聖人於是乎述上古之訓脩先王之業度禮義之衰稽因革之會定性命之準以道民趨而六經者作經者所以示民有常扶教救衰之本也末世典籍焚錯訓詁繁興習章句者陋而寡效獵詞華者靡而忘實議同異者辯而不情此三者叛經之大患也上之人懼焉於是乎尊經以示之而

民乃不惑故曰尊經者世衰而後為之者也閣始功於嘉靖丙戌秋成於戊子夏高五丈有六尺袤廣八丈有三尺延之數與高等匠石五材之費總千二百有奇今中丞劉公士元之刺湖也實肇厥基繼馮公曾萬公雲鵬度地欽材廣方隅計徒庸經畫者三載而工告成矣協事者則烏程知縣鄔子紳戴子嘉猷歸安知縣戚子賢董役則訓導張子文閣左右為顏魯公任孝子二祠戴子所續建者夫祀顏以勸忠祀任以勸孝忠孝者經之訓也附之者亦尊經之意也

太常集卷之十五

四

遷尹和靖書院記

和靖書院舊在虎丘西菴遺基久湮天水胡公續宗來守茲土考道之暇大懼荒沒為往哲羞抑無以法將來即故地祠而祀焉又以僻在郊外學者罕至乃徙祠於龍興寺榜其門曰和靖書院扁其堂曰三畏列楹周阿揭虔妥靈顧瞻弁裳聳焉起敬又以香火於緇衣懼歲久浸怠乃選縣膠弟子員絃誦其中脩皇王之業趨孔孟之軌以無忘和靖先生之意公暇則游焉橫經析疑躬督肄習設俎豆醖竿于堂上縣夏楚

朴簣于堂下董以學官申以科條將使四方則
之後世傳之曰蘇湖之教其再見乎公之志也
初尹庸公師事伊川為程門高弟遭宋不造闔
室嬰金酋之害沉淵逃劉豫之聘振鐸于茲卒
以窮死所寓齋亭又復圯壞使其不得志於當
時者又將無聞于後世惜哉公是舉也蓋兼三
善焉屏淫昏之鬼以攘異教崇往哲以脩典刑
振黷校以訓齊群胄後之人能率其故典時加
敦勸俾無遺墜則觀旂之什協于闕宮矣諸生
誦法孔子而不知相勸于古道者其何賴于茲

太學集卷之五

五

院成命泰記其事而鏡之于石

長洲縣學射圃記

長洲縣學蓋故有射圃云孫侯視學之明年整
壹法軌興脩禮文士既向風乃考纂章循典訓
曰維是射圃之不治鞠為灌莽于何考德事其
在我乃即禮殿之東隙隅而卜食焉芟屏繻翳
羅剔砂礫量物鳩徒庀材計庸疑土搏埴基高
崇庠辨階位列方次畫侯壘豐軒堂門楹翬華
茶張而射圃完矣乃屬記于余書不云乎侯以
明之習于虞庠試于澤宮夫禮射三代以來朱

之有改也 明興文教熙洽邇來承平既久而
法禁漸弛黷校崩頽絃誦滅息汚萊阨蠹肆
無所又何射圃之能為君子曰孫侯其達於禮
矣今天下之典教者皆若人焉禮教其興矣乎
是故記之以志廢舉且使後之人有所考焉

廣西副總兵公署續題名碑記

副帥張公鎮廣西者十有三年威武大揚蠻方
既邊乃嘉靖壬寅之冬拜貴州總兵以公署續
題名記相屬余謝不獲乃為之記曰廣西古百
粵地也周秦以上不登於職方漢始置吏

太學集卷之五

六

皇朝初命楊璟朱亮祖拓地開藩封以 宗王
鎮以大將督以重臣守以內宦其始三府並建
百粵用寧居重馭輕安不忘危慮至深遠也景
順間廣東西黃蕭養侯大狗等耗亂命故襄毅
韓公雍討平之成化初韓公以憂去蠻孽再叛
朝廷採陶魯之議乃改立三府于梧州而廣西
則設副帥乃後藤峽左江賴以帖息而脩荔古
田柳慶諸蠻日以蕃滋數出剽殺卒莫能剪何
則權奪而勢分事格而令不壹彼重則此輕理
固然也弘治間議者欲復 高皇帝之舊制改

三府于桂林而大司馬鈞陽馬公竟寢其議八十年來雖名將踵出如歐信康泰諸公皆能策懋勲樹宏譽以隨時立業而馬俊之變竟付之莫問此則權輕之明驗也張公挺卓犖之材開孫吳之畧沉鷺有威機權多智二十而總戎行三十而建旄節奇功累建俘馘無算其大者如立都狼之堡剪弩灘之蠻禽思田之逋寇降交南之元慙皆躬履矢石跋蹠山谿暴革以從舉旗而奮用是百蠻震疊三江晏謐雖狗鼠間發而豺虎桀犇行旅無壅師徒不勤故能受元老

太平集卷之三

七

特達之知紆天子東南之慮金帛優錫爵秩荐加位極元戎手握重寄斯可謂光乎前人也已念惟題名之石創立已久姓字已盈大懼往哲之遺烈湮沒莫考爰琢貞珉以書鴻伐將使後之視今亦猶今之視昔奮功者勸憤事者戒不其驤歟余聞古之名將位益高而心益下撫士卒如嬰兒故能得其死力為國家戡大難立大功紀之丹青鏤之竹帛聲施乎無窮豈特焜耀一時而已哉今西北告急獫狁孔熾如張公之材固不止小試之南陲而已也余既以勗

張公又以勗後之人

嘉定縣令題名記

余讀漢循吏傳而歎吏道之難也漢有天下四百年吏以最稱者幾人哉今天下吏親民莫如令權重而職專苟心乎愛民奚所弗濟故先哲以未嘗親民為耻意深遠矣皇朝統有萬邦列聖重守令之選繇是循良相望光掩前策而百八十年來其赫赫可稱紀者猶僅僅也嗟乎難哉難哉嘉定古東粵地也距郡治百四十里志曰故崑之嚆城鄉縣治在春申鄉練祁市

太平集卷之三

八

宋嘉定置縣元為州皇朝初因之乃洪武二年復縣置令而迄今未有題名不其闕歟順義張侯重以進士來令茲邑期而政成謂是弗可已也乃蒐郡乘詢黃耆由洪武以迄嘉靖得若干人將鐫其名字爵里於石而以記屬泰惟嘉定瀕海而襟江數患盜警且土無異產舟車艱塞百賈罕游民苦重賦令於茲者不尤難哉按郡志宦蹟載俟斯而下凡六公弘德以來雖未及算續然吏治精核而純實亦少衰矣豈漸靡使然哉張侯之亟是也其有感也夫人古者今

之鑑也往者來之轍也辨體以經治者存乎典
彰往以詔來者存乎文典以軌物文以永世公
署之有題名古也以觀以興以勸以戒賢則企
而刑焉否則擿而誅焉其庸庸者則耻並列焉
是先民之所以旌淑而警愚者也非所以崇侈
飾觀也張侯之亟是也亦猶行古之道夫觀茲
石者沿近以邇遠規今以準古雖百世可知也

遊玄墓諸山記

吳之山惟玄墓最僻而亦最奇面湖而險隩丹
崖翠閣望之如屏背鄧尉而來法華障其前銅

不盡卷卷五

九

坑青支迤邐其左游龍界其右岡連嶺屬詭狀
異觀相傳郁恭玄葬此攷山以名山之奇經唐
宋不顯自萬峯和尚披蒸鑿石修乘其下故山
亦名萬峯其陽有萬峯塔院過此則有中井井
故萬峯所掘於山為中渚淤厥沸飲之如雪山
多美箭蒼蔚崖巘間級石而上得浩公房湖閣
望中縹緲峯益軒而法華益卑楓林橘岫丹塗
綺錯閣下多高松風起則谷嘯水涌聲聞數十
里宴碧照軒宿新院而軒院皆面湖望中如浩
公房湖閣惟益蒼翠也其尤奇則在絕頂一登

則洞庭諸山悉陷伏浮於湖而湖波遂混茫蕩
為一色不知其所窮山之麓有奇石甚詭麗在
盧橘下勢欲飛動茲山之奇晨則觀日出夕則
凌倒景而四時皆可居自東庵入四面皆山望
鄧尉鬱鬱已有武陵山陰之想緣溪至虎山橋
橋亦在亂山中而六水繞出其下波聯震澤映
帶不已趨玄墓者必自茲始而奇亦畧相及是
故詳記之

游張公善卷洞記

張公洞去宜興四十里而善卷稍遠乃與溧陽

不盡卷卷五

十

近初方山人質甫述二洞之奇而尤奇善卷謂
其上乾而下水也勢如重樓云余之會葬于溧
陽史氏也文仲休承實同舟焉舟發而雪甚入
荆溪則四山皆雪也望之如瓊臺銀闕而孤月
照耀下一色於是肅徒揚舲引觴浮白誦來
思之什歌月出之章望溧陽而進焉歸途逢華
君從龍乃相與為善卷之遊循山而上攀蘿踐
苔蛇徑盤紆百折而抵洞口石開開豁土原平
數外峻中軒敞如堂闕仙牀旁列玉柱上竦鍾
乳交懸險滑難入詢之土人曰此乾洞也下有

大水洞而小水洞在其旁乃緣崖而下壁削泉
飛湍濤噴激聲如萬雷從者凡數十人雖喧譁
不相聞下多亂石沉浮水面而洞無徑可入且
冬月水冷不利涉余獨攝衣跣行者百步同遊
者咸莫能從焉既乃踞坐磐石飛觴沉飲又令
一僕肩立休承題名陟崖而出遊善卷之明日
乃至張公洞洞在山麓而洞門仰開俗所謂天
窓者也洞口多雜樹蒙密翳蔚望之深黑既下
則甚明曲磴盤複香臺岬峙石形紛詭森若刀
戟懸如鍾鏞綠逾翠黛白疑霜雪路愈狹而石
愈奇縱橫起伏殊難模狀乃張列炬而觀之冊
竈芝田往往而在深昧不可窮乃窺後洞口而
出求子曰余之遊二洞也而知方山人之言未
足據也諺云耳聞不如目睹信矣乎夫上乾下
水善卷之奇誠罕匹矣而天窓之異未可少也
余嘗觀華陽林屋咸自外入未有自上下下如
天窓者而張公之石特怪奇過善卷遠甚夫二
洞者未可以優劣也既游之明日休承圖之而
余為之記

遊金焦山記

金焦山記

上

金焦山屹立江中流險峻而奇然金焦潤州之
咽喉渡江者苟好事必遊焉而焦山則僻故遊
者特鮮余之遊金者再矣而焦獨闕庚寅之秋
余將北轅也乃有事于金焦焉時秋高氣清天
風和融水波寧緩窮日而遊兩山亭閣軒臺攀
躋畧盡客曰夫兩山者孰勝袁子曰金狹而巧
所眺者廣焦廣而幽所眺者狹此兩山之槩也
夫江發于嶠冢赴于海而潤州者當其下流江
之奔也勢若赴壑金焦者適當其衝束其隘口
截之使緩此兩山之功也昔余有四方之志焉
如浙之天台鴈宕閩之武夷江右之匡廬荆湖
之衡嶽武當洛之嵩卽魯之泰山晉之恒霍秦
之終華蜀之峨嵋劒閣咸思縱觀以畢吾願而
未遂也蓋所觀巨麗者三焉曰震澤曰大江曰
黃河此天下之大觀也而金焦者抑又其次乃
於是作遊金焦山記

金焦山記

上

遊西洞庭山記

夫覽山川辨物宜稽民俗舒情性遊之槩也西
洞庭去吳城百里余自胥口抵山館于林屋山
人山人負經濟之學數奇而山居因山創樓名

曰玄秀消夏環其前縹緲倚其後山之勝萃于茲矣是日也遂登縹緲之顛山有九峯而縹緲獨峻援而上掖而前既登則東洞庭如帶而七千峯特小湖常諸山皆若屏拱落日陷波中金紫萬狀遊之明日泛消夏灣觴于小龍山而歸又明日度蔡嶺憇明月灣登石公山之陽有石板其半沒于湖猶可坐千人乃相與濯足而歌曰山厓巖兮石如砥湖瀕洞兮百川委又觴而歌曰震澤定兮水朝宗億萬年兮仰禹功於是舍陸而遵舟復館于蔡氏明日乃遊土方諸

金華集卷五

十三

寺山人知余將歸明日乃同遊毛公壇觀林屋洞洞深黑而中甚卑入者皆俯而進余獨與文子探隔凡而出題其旁曰通仙隔凡洞之最深處也山人曰子歸矣山有曲巖其石如黛峻而秀不可以不觀乃觀之遂張帆而歸袁子曰西洞庭東南之沃壤也梅梨橘柑楊梅枇杷魚鹽茶竹之饒錯以良田山之人朴愿而信塗無婦人可不謂美乎自夫差以來不被兵燹抑又美矣同遊者伯氏邦正文子壽承潘子脩伯山人者蔡氏九達也復有諸蔡皆同遊歸之明日而

記其事嘉靖庚寅夏五月六日

聞溪草堂記

出闔閭城西二里為武丘鄉里名采雲有橋曰聞德跨據通津引官漕渠水匯為溪緣溪多竹樹腴田沃澤陂塘墳陵居民業漁稼本作俗龐璫殷君良貴挾溪而居乃自稱曰聞溪子構堂三楹軒敞夷奧中列古圖書藥欄花石曲櫺幽勝聞溪子性率直遇事颺發無留隱間歲挾貲游江湖藉奇贏為酒食具歸即召里中賓徒博飲拓落浮沉閑暇則約僮奴灌園督子姓誦

金華集卷五

十四

讀章句君雖混跡市賈頗敦尚行義為鄉之善人始余市門居宅屢駢闐車馬紛衝貿易縱橫肩排踵擊湫隘喧囂心殊厭苦之暨官京師日奔趨公府塵塗鞅掌厭苦益甚頃以使事歸則家大人已卜鄰聞溪矣辟喧就寂得少息焉孔子不云乎里仁為美余既得屏居聞溪又喜殷君之相鄰也乃為作聞溪草堂記

菰城草堂記

菰城草堂者孫將軍之別業也出湖南城門由碧浪湖緣溪而入崇岡秀嶺左環右拱匯以清

流包以廣墳谿多蕪葦菰蒲之類故曰菰城郡志載春申君屯兵其地累土為岡勢若城郭四門排谿營壘分列城之陰多高山複重其下多良田沃壤肥桑美箭樹木蒼蔚陵衍陂陀登覽之奇蠶稼之利土風之美居民之淳殆湖之武陵輞川也孫君因城築室疆地疏池夏則芙蓉獻芳秋則桂橘呈秀圖史充室觴筯在房暇則徵賓張宴酬娛終日乃命其堂曰菰城草堂而屬余為之記

遊桂林諸山記

不韋集卷五

十五

余到桂林者旬日即下蒼梧病瘴瘴還省即日上章乞骸骨不報卧病四閱月復出視事乃七月二十日熊師子敬邀余觀劉仙巖出城南七里得白龍洞俯瞰清潭石室隆然敞而高唐李渤命曰玄巖宋初更名白龍其陽即劉仙巖也相傳仙人劉仲遠居此歷登而上洞府高寒旁有穿雲仙磧兩巖望中陽朔諸山森若劒戟皆獻奇目前應接不暇飲極歡秉燭而歸同遊者鄭太守質甫羅儀部特行也明日登桂山疊綵巖觀風洞歷華景山下有洞深廣如厦屋博寬

積山山多怪石其旁有呂公巖山之顛有諸葛亭或曰珠合無所考又明日出就日門東北行十里餘得清泉寺小飲復二里謁堯廟復三里登堯山觀天子田山有泉分二澗繞出堯廟淙淙可聽雜以松風如怒濤決峽小飲澗旁飯而歸環桂之山皆石此獨土蓋桂之鎮也是日復至七星山入棲霞洞穿曾公巖而出桂多巖洞然深奧怪奇未有逾七星者也復觀玄風洞而還二十五日將趨全州按察使葉公景明副使鄭公本醇僉事林公世觀追餞于虞山謁舜祠

不韋集卷五

十六

觀韶音洞讀宋張南軒碑記山石奇峻下臨灘江旁有渡曰皇澤灣洞口有南薰亭唐宋刻石具存余嘗讀范文穆公成大評桂山之奇為天下第一初未之信薄言觀者乃知非虛夸也夫其千峯挺拔恠恠奇奇驟而觀之誠天下所未觀也然猶恨其多險峭孤危之狀而無高厚蜿蜒之觀山之體意者其非若是歟且以桂山之奇秀若此乃無有鍾靈萃淑卓然名世者出乎其間而徒多獐獐獐獐盤據窟穴枕戈負弩以為民蠹是曷故哉豈山川之險恠固生此類歟

是余所疑而未敢以范公之言為信也夜宿靈川公署而作此記

遊乳洞記

余既試士興安問土人山水之可游者得乳洞出城西南十里路多榛莽至洞口有清溪石梁洞有三下曰噴雷中曰駐雲上曰飛霞下洞有泉流石壁間匯而為溪觸石湍激有聲洞門軒敞其中虛明夏涼而冬溫其下石如田壟溝塍如鑿左旋至中洞烟霧冥濛有石柱三及石室石牀復左旋百步至上洞入門平曠水淺可涉

太倉集卷十五

十一

石乳玲瓏有五色石橫亘其上秉炬深入石愈怪奇三洞蓋宋李邦彥名也有碑記及張孝祥大書上清三洞皆在下洞口上洞有范成大詩刻徧讀之小飲下洞而歸夫桂多巖洞然三洞並豁亦足奇矣興安土風簡朴氓不知遊而三洞者竟不能闕見賞名流如范張李諸公將山川發靈因人益顯歟譬之士苟有奇雋瑰瑋雖在遐壤必能振奮施其聲光鵲起穎露欲自闕匿不可得也余於茲遊而重有感焉七月二十

九日記

遊朝陽淡巖記

余嘗讀元結集知朝陽淡巖之勝癸卯四月五日謝病歸發全湘七日抵永太守唐公國秀招遊兩巖自瀟湘門外渡江登朝陽巖巖多奇石翠黛如畫謁寓賢祠小飲前軒稍東轉而下石壁峭削俯瞰清湘曲欄危磴始抵洞口泉聲淙淙蓋外有礀道由地中而入者予濯纓焉復飲前軒而罷午後趨淡巖巖去朝陽二十里道中風土清曠不殊江南薄暮抵巖巖特高敞爽塏土夷燥可坐萬人巨石磊砢或玄或蒼如倨如翔洞門寬豁朗然虛明雖夏屋弗如也酒數行出洞已昏黑二鼓還舟中是日和霽歸途大風雨渡湘甚危始知名山勝地登臨信有緣也漏下四鼓作此記復賦二詩

太倉集卷十五

十二

遊浯溪記

四月八日夜至祁陽九日登浯溪溪面相遇香橋溪水繞出山左聲崢然不絕讀大唐中興碑及元宋人詩刻題名碑旁有鏡石高尺五寸闊二尺五寸厚三寸餘嵌置崖石間上有宋人詩跋石色黝黑如漆光瑩如鏡可鑑人鬚眉隔江

草樹田壟一一皆見予意石甚小且奇恐好事者竊而去山僧云昔有竊去者石遂昏黯然無光一無所見乃復歸于此則更明澈如初此殆造物者之效奇不可以恒理推也謁魯公次山書院登笑峴亭亭據危崖崖面江特奇峭畧如嚴陵釣臺崖石有窪尊次山所鑿也復登后亭亭亦在危崖上稍卑於笑峴而荒破如之漫郎宅已鞠為茂草矣歸舟賦詩紀勝并寄唐公

遊南嶽記

四月十一日至衡太守何公善充招遊迴鴈峯

大書堂集卷五

九

峯即衡嶽七十二峯之一也衡陽胡尹復宴余于花藥寺寺在迴鴈峯西十二日子夜至衡山大雨十三日謁南嶽廟廟在縣治西三十里卯刻陰雨過開雲樓里許即晴至嶽廟風日開霽旅愁豁然廟在衡麓下清泉繞除古松夾路閑無人迹惟落葉荒草而已廟圯甚飯布政行司換肩輿趨上封寺寺在祝融峰頭去廟三十里山路陡絕飛瀑爭流行十五里憩半山亭下瞰潭岳衡湘河山如繡過此石磴愈峻輿人皆肩扶魚貫以索作牽纜前驅路旁多高松怪木珍

草奇花香馥穠郁莫可名物上半山亭五里即雲霧冥晦只尺莫辨陰風凍雨令人毛髮灑淅又十里入上封寺又三里登祝融絕頂謁四大開山祖師像觀捨身崖坐會仙橋飛巖絕壁下臨無地而虹梁跨其上信非人境也轉望日臺俯視一氣冥濛了無所覩望中可辨者紫蓋芙蓉天柱三高峯而已飯罷下山過觀音巖訪楚石和尚贈以詩由西路歷祝仙菴雞仙巖開道飛泉山僧皆鑿石剡木引泉而飲至此忽聞霽如初仰睇祝融在雲霧中恍若九天之上回塗

大書堂集卷五

十

飯南臺寺寺頗幽勝去祝融已二十里又十里下嶽廟乘月歸舟中漏下已一鼓盡秉燭記之明日賦五言詩六韻

遊匡廬小孤山記

嘗聞廬山為吳楚名嶽蓋五嶽之匹也四月二十六日夜抵潯陽二十七日早飯罷貳守同年毛子行甫邀遊匡廬縣郡城南行三十里抵東林寺寺在匡廬之陰峯巒迴抱礀水湍激竹樹蒙翳清曠幽邃信佳境也過虎溪橋觀白蓮池酌水壺聰明二泉登北麓讀李邕柳公權虞集

碑文下飲三笑堂題詩而出行十里至匡廬山下始攀嶺三里至昇雲亭又三里至錦繡亭亭下為錦繡橋橋跨峻崖深壑飛泉爭流澎湃鋪錦如銀漢掛絳虹巖石紫翠黛綠古木陰森真錦繡也又三里至半雲亭山之半也過此山漸陡石磴迴旋甚危峻又三里至甘露亭即甘露泉在焉過石門題曰廬山高旁有石崖刻歐陽文忠公廬山高歌又三里乃抵披霞亭自此有小徑北上為竹林寺乃周顒仙天眼尊者徐道人赤脚僧奕處上有高皇帝御碑亭旁有拂

本集卷之五

三

水崖東下復度嶺抵天池寺酌一滴泉登文殊臺仰眺赤霄峯死在天上蓋廬之最高峯也太史公嘗登其顛俯瞰蓮花芙蓉鐵船諸峯皆下界矣謁聚仙亭露飲文殊臺前賦七言律一首乃從舊路下山抵東林已一鼓矣四鼓抵舟二十八日體憊不及遊白鹿洞順風而下午抵湖口縣薄暮抵彭澤登小孤山山在大江中流四面斗絕惟南面有石磴可登上有小孤廟山多奇禽群宿樹杪無數見人皆驚飛散而復聚者數四不可名或玄或黃或朱綠蒼翠其白者知

為鷗鷺而已落日射江中如練如綺誦謝元暉詩痛飲而下中流賦五言律一首夫廬之高深鉅麗信匹五嶽然竟不獲一遊白鹿以快生平之願頗以為恨而小孤之奇絕足與金焦君山爭衡古云失之東隅收之桑榆余之失白鹿而得小孤殆是謂歟爰記之以俟他日為白鹿遊張本

遊九華齊山記

自安慶趨池陽二十里外即望見九華諸峯其奇麗五月朔抵池太守柯君光仲郡推雷君時

本集卷之五

三

雍招遊齊山出九華門外緣翠微隄南行三里為齊山山多奇石巖壑秀美觀集仙洞招隱巖小九華轉上清巖山之最奇處也讀杜樊川九日詩刻及朱考亭和篇南下三奇亭觀石鼓洞妙空巖仙人橋是為三奇飲亭中一鼓還舟明日再由齊山路東行五十里至玩華亭渡五溪又三十里抵九華山下陟嶺十里餘到化城寺謁地藏塔院及李白書堂小飲法堂貴池尹江子青陽尹張子舜臣皆來會即馳下山是夕宿五溪人家又明日午後始還舟夫九華凡

九十九峯初名九子山李白易名九華遠而望之奇峯峻峭縹緲霄漢間如青蓮花爭開競發烟雲蓬勃翠紫萬狀信東南名岳也然皆峭拔不可登化城踰高入深復領迴抱踈竹清泉脩然出塵齊山卑而景最多亭榭巖壑窈窕下上愈探愈奇翠微隄兩旁皆澄湖如鏡溪山映發昔王子猷有言使人應接不暇奚獨山陰道中哉

池陽觀龍舟記

遊九華往返繇池陽城下時午節近江中多龍

不齊先生集卷五

十五

舟數十艘蜿蜒曼延色按五方長年檣師所衣如其色約一舟二十餘人急漿競渡輕捷風飛縱金代鼓喝呼震沸江水若起立漢戲魚龍角觝意即此類司馬相如言千人喝萬人喝不虛哉池士女咸出觀江干多方舟幕布布席羅酒漿釘著笑譁如狂問之池人云以是祈年昔夫子不非蜡祭朝服仄立鄉儼豈曰無以哉今海內承平久幸數遭豐年是以黔首得康虞佚游戲如此非帝力孰致茲爰記之以示有位者毋禁可也唐人曰好樂無荒良士矍矍池人念

式瞿瞿式

衡藩重刻青臺先生集卷之十五

不齊先生集卷五

十五

漁潘重刻胥墓先生集卷之十六

碑誌銘墓表

大司徒秦公封丘廟碑

贈兵部右侍郎陳公神道碑銘

柳州府同知伊先生墓誌銘

封工部營繕司員外郎馮公墓誌銘

封淑人趙嬪陸氏墓誌銘

封太孺人申母施氏墓誌銘

樓顯章墓誌銘

盛嬪莫碩人墓誌銘

不齊先生集卷之十六

吳圻父墓誌銘

屠母陳碩人墓誌銘

朱隱君墓誌銘

陶舜舉墓誌銘

沈子仁墓誌銘

陶母閔碩人墓誌銘

董宜陽妻楊氏墓誌銘

沙良憲夫妻合葬墓誌銘

章翁墓誌銘

大理寺少卿董公繼室唐夫人墓表

中憲大夫臨安府知府王公墓表

張文理墓表

殷君同妻姚碩人合葬墓誌銘

不齊先生集卷之十六

二

衡藩重刻胥臺先生集卷之十六

明吳郡胥臺山人袁泰永之甫 著

長州後學甥葵亭張憲肅甫 校

大司徒秦公封丘廟碑

祭法曰能捍大患則祀之而王制亦有受成於學之文反則釋奠于學以訊馘告詩泮水曰矯矯虎臣在泮獻馘是也大司徒秦公哀兵鞠旅與劇賊還囑殪之封丘以奠洛師在禮封丘宜有廟祀而廟宜在學宮左右 武廟初闢暨專柄毒螫海內群盜竊發霸州人劉齊等招集亡

六書卷之十六

三

命出入齊魯間所過隳突殘破城邑賊殺長吏燔燒剽剔流血成川積尸為丘兩河南北悉被蹂躪不復能制遠近繹騷撼搖京師已而長驅洛邑攻延津逼封丘公時左叅藩司率先捍禦群議洵謂宜宵遁以避其銳公叱曰封丘蔽遏省城吾當與之存亡耳獨策馬登陴急選車徒鍛矛矢申書曹伍訓厲宵戰為抗禦備則又移檄監司要駐閫帥相與冒矢石擊賊於剴脚之野一鼓而殲其鯨鯢俘其醜虜復追之長垣捷奏 天子由是賊徒駭散奔伏他郡

不復振逾月而竄於狼山卒以蕩平噫祭法所謂能捍大患者非歟方賊勢猖獗郡縣披靡莫敢枝梧至有迎降納款者遂使草莽豎子橫行六州無辜之民備受慘毒 當宁旰食張皇遠戍僅乃克之向使典領方岳宰守郡邑得如公者分布盤錯其間式遏亂畧懲之於始蓋不待狼山而後息肩矣公之功於是為大廟食之莫百世可知也宜紀之以告來者詞曰 武廟嗣服昊天降疵君側弗靖寺人啟之攘竊威福濁亂綱紀高下臆決僭擬 天子淫刑峻罰動觸

六書卷之十六

四

機咎神祠深額階櫨賈怒頌領群先嘯聚繹騷封豕獫狁淵藪逋逃隳突齊魯憑陵河華吞噬咆哮長驅中夏屍丘血渠殘破邑居焚掠剝之蕩為丘墟幾輔震驚宛洛感脅窺我延津得之詞謀顯允司徒佐藩干梁東鉞塞帷艱其披猖倬彼封丘洛邑之屏抗其吭咽捍我要領我鍛我戈我服我矢主事孔棘示以必死群譁弗臧神機潛握遮留閫帥相為犄角虎旅桓桓蛇矛如湍執訊獲醜截腦裂肝奔潰顛踣鹿駭狼竄大憝肅清絳章有繫乃慰乃止梁有厚喜家室

謳吟荷勦負耒梁有城隍維公殿之爾耕爾鑿
維公燕之以削以築爰卜斯食思樂泮水作廟
翼翼清醑般脯坎坎擊鼓稽首萬舞願言多祜
考茲新 官丹雘攸崇史臣勒辭以紀膚公

贈通議大夫兵部右侍郎陳公神道碑
銘

兵部侍郎陳公洪謨既考績 天子制贈其父
為兵部侍郎階通議大夫先是陳公官刑部主
事既贈其父為刑部主事階承德郎而故太師
長沙文正李公亦既銘其墓矣乃今加贈禮宜

不孝先集卷之六

五

樹碑隧首復乞余銘謹按陳公諱良字時佐常
德之武陵人也王大父春雲南澂江府推官大
父維新浙江海寧衛經歷公初為武陵縣學生
按察副使嚴公詮督學器公升之府學成化庚
子中湖廣鄉試甲辰中乙榜授四川開縣學教
諭開辟縣也俗獷陋學官多弛縱以便諸生無
師弟子禮公乃嚴立條格身先之程業肆文士
習丕變然未有舉者九載左遷常州之武進訓
導以母喪去官服闋補京衛武學訓導有 詔
舉學官有才行者武學以公名上而兵部不果

行惜哉公之官武進也兩考福建浙江鄉試咸
稱得人公有用世志而弗究厥施教其子洪謨
卒舉進士為時名卿公之志亦畧酬見矣公善
屬文所著有開縣志西谷漫稿生正統丙寅九
月二日卒正德丙寅四月十二日享年六十有
一配王氏封安人贈淑人子男三洪謨次洪範
榮府引禮舍人次洪道女一適刑科給事中楊
統孫男二一德蘇州府推官一貫孫女三墓在
長山坡之原銘曰於鑠陳宗世躋顯庸澂江慎
罰海寧除戎絺纓聯蟬邁種維公木鐸再鳴式

不孝先集卷之六

六

賜儒風敷教以敬欽材則公秩庠志廣施齋名
崇奕奕司馬既孝且忠皇皇典誥永膺堂封
奉政大夫柳州府同知伊先生墓誌銘
嘉靖甲午九月二十六日吾師伊虛室先生卒
遺言必表生銘吾墓按先生弟伯羔之行狀曰
伊虛室先生者吳人也諱伯熊字臣舉其先海
府沐陽人也宋之南渡而遷于吳云 高皇帝
之初建金陵也徙人實京師故高祖彤者又籍
上元為上元人封尚寶司少卿高祖妣朱封宜
人曾祖悌曾祖妣梅伯祖侃舉進士官工科給

事中祖溥封南京刑部主事祖妣顧贈安人繼
陳封安人父乘舉進士歷官四川按察司僉事
妣蔣封安人僉事公之赴蜀以道險欲分蔣夫
人與仲子伯羔乘他舟以防不測先生年十三
對曰死則同死耳奈何分舟乎遂同舟赴蜀故
金華潘公璋亦官蜀試先生文奇之命其子少
司馬希曾公同講習弘治庚戌歸南京兩試儒
士不第補應天府學生故御史四明方公誌提
學考先生第一命諸生為經文會擇諸生之明
經者校文而校易者三人則先生與太常卿崑

太平集卷之六

十一

山方公鵬少司寇太倉周公廣也正德丁卯中
鄉試戊辰會試今太宰吳公一鵬同考校易讀
先生初二場文奇之列高選矣而先生以逆瑾
用事非求官時遂不終試吳公索三場文竟無
有也既而知先生名深如嘆惜賦詩送歸由是
名益振庚辰會試不第就選深州知州富民滿
存投刺獲罪存堂獲罪前守深人疑將為前守
復讐而前守適移書言深人短長先生謝曰人
之善惡旬日異狀能改過即良民也對眾焚其
書深人始安前守公務弗辦府使下州督促供

張繁費民不能堪先生至則懲其慢令完其稽
牒不旬日而辦乃後州事不愆期而府使不再
來矣於是節浮費均徭役招流氓辟荒萊獎
校正禮俗而深以大治深地錯文霸寇劫肆掠
乃增城浚濠簡士卒較騎射廣偵候山東鎮賊
作亂聲張畿輔先生以公事出署事者驅民登
城賊未至而民先疲先生歸悉散遣之倡勇敢
申保伍期寇至則棄城民便而盜亦戒不敢犯
境州人張廷雄于貲三子者濟惡武斷鄉曲持
官吏陰事莫敢問亡何謀殺人廷自當毆殺罪

太平集卷之六

八

而匿其子軋于勢家乃計捕其子罪以謀殺而
群飲殺人者則止坐一人凡訟辭一覽即洞情
實吏畏悚莫敢舞文獄中常空張某先以累坐
死察其冤許以不死時張軋在獄約其反獄某
曰伊公信人也許我不死矣忍負之以速死邪
凡經擬斷囚自謂不冤而上官亦無改擬者諸
上官有事畿內若清牘稽倉檢災覆獄類承委
先生即事事當上官意無弗下禮幣勞獎者全
皇帝之入踐大統 駕出真定栢鄉縣真定
要衢也先生承檄攝事平道路理橋梁飭行營

潔庖漏上供軍衛下至帷幕器皿靡弗恪豫事
集而民弗擾胡僧班丹錄其奪民田萬事敗有
力者爭佃之乃歸其田于民而徵稅如故勢家
有侵民田者丈量而歸之癸未蔣安人喪歸深
人遮道泣服闕改守祁州祁去深百餘里耳下
車深人咸來謁絡繹千塗三月無虛日前守祁
者多良吏乃仍其舊貫益尚寬簡山西鎮守太
監張某族殺人求援於張張曰知州豈冤人者
邪他縣令嘗誤入人先生承委覆決其無理取
勝者謂人曰伊公不可欺遂以實首夫能使中

平定縣志卷之六

九

官不敢以私謁而無情者吐實此豈齷齪俗吏
瑣瑣者能之邪諺曰桃李不言下自成蹊此言
忠信之感人也其他宥輕刑故如此類者尤衆
北方力役繁三歲一易乃即役之難易家之富
貧而審均之正其冊籍狡吏歛戢民間養官馬
者日困則為教以孳牧之術嚴其殿最之令而
民稍蘇矣訟罰贖者多令入穀為歛散賑貸之
法徵賦則民皆先期納不答一人禱旱捕蝗必
躬必誠而旱蝗亦不為災野黍成蔭令請以聞
則抑之李得山四世同居為請于上官榮以章

服每造廬存問焉陳泰有粟二千石畧倣義
以千石振鄉之不足則請致鄉飲鄉大夫之貧
而有守者加禮而周之在祁三年遷廣西柳州
府同知去之日祁人遮道泣猶深人也柳道遠
多瘴以病致仕歸歸則習服氣養生之術然竟
以此卒將卒不亂語大生曰吾得正斃矣夫何
言雖然吾死爾必儉用而下人先生學有根源
著易義四卷行于學者從游多名士性行方嚴
步趨繩矩而尤篤人倫事僉事公孝友其弟伯
羔教子以義微言細行皆可師法憶泰童而事

平定縣志卷之六

十

先生者四年訓以彛倫博以經術乃今又以墓
銘屬場室心喪之誼實鍾厥心又懼無文以恢
彰徽烈為遺言辱惟先生學為醇儒仕為循吏
德行為名賢必有尸祝紀藉以垂不朽者其何
賴於予小子先生生于成化甲午七月十一日
享年六十有一先配周大司寇莊懿公之孫繼
傳子男四大生廣生周出廣生先卒敏生魯生
傳出敏生舉壬辰進士任慈谿縣知縣女四長
周出嫁國子生朱完次俱傳出嫁何達陳淵王
有輔孫男一在道孫女三許聘胡應王顯朝一

幼墓在吳縣查山麓銘曰吳有大儒明經術鉤
研幾深洞十翼繩趨矩折行作式河汾師師士
雲集深祁醇醇民寧宣績參龔黃古司直志崇
秩卑壽年齋黃璆玄啓委沙磧查山厓屢考終
吉小子刊銘表千億

封工部營繕司員外郎馮公墓誌銘

公諱復陽字休父慈谿人馮故大族世載令德
大父民始以賢良薦于有司辭弗就篤學純行
為族閭式父純習儒業歲貢授清流縣教諭有
子四人公其季也始從父訥無子且貧莫利為

六事堂集卷之六

士

後而子姓中公最賢乃後公公之事從父猶父
也公資材敏警而學尤精深上邇經史下綜百
家言靡不貫悉他學士為時文者咸推讓公然
獨數奇試場屋即斥弗利歲癸酉乃不入試有
勸之者曰命也夫吾文豈難一第邪且吾有子
矣豈必在我乙酉子岳舉鄉試丙戌又連舉會
試皆高等官工部營繕司主事庚辰考最遷員
外郎 天子嘉乃績褒宣制辭數錫封典而公
適就養來京師遂冠服趨闕下稱謝士大夫咸
榮美公公乃自稱曰今吾封如子官猶吾弟秩

公性朴直儉恭寡交而秉禮外若簡易內操剛
嚴子岳之權稅蕪湖也廉潔之譽表于薦紳實
維義方之訓公旅居京師頗不習水土又沉病
驟興竟弗起卒之日為嘉靖辛卯四月十一日
生干成化丁亥十一月十七日享年六十有五
配范氏封安人子男一即岳娶陸氏女一適陳
秀夫孫男二長熙皞次熙載岳將以某年月日
歸葬於某山之先塋乃屬銘於表奏於岳為同
年進士知公深乃為之銘曰於惟諸馮克開厥
宗奕世令德載振于公有斐經術昇材維豐胡
卒不施適逢其凶利我嗣人逮于其躬文裾丹
纓秩隸司空奄其遐逝考終玄宮我銘其幽昭
茲鬣封

六事堂集卷之六

士

封淑人趙嬪陸氏墓誌銘

始余官京師居邇趙君鴻逵甚暱善君時為工
科都給事中有直聲一日以其季子伊來受易
朗然玉映美丈夫也叩之則靡不該涉而經義
尤精深志騰蹕謂古聖賢可立企余心奇之竊
嘆非趙君不能有此子久之乃知有母夫人之
賢居亡何趙君上封事言大臣過惡語極剴切

今皇帝詰責者再三衆皆為君危趙君晨入朝夫人則具青衣鞋襪以俟疏留中未下趙君歸舍夫人則又溫言慰藉如常及命下止奪俸京師士人皆歡傳天子仁聖又嘉趙君諒直乃不知夫人實相之也然趙君坐是不得內轉竟出為山西叅政而伊亦登進士高第矣未幾語夫人曰吾將歸休若何夫人曰夫仕行義以立名也君之宦成矣而且有子子之齒壯於君而君弗歸將焉覲乎趙君乃抗疏歸歸則謝絕世務築園為娛不問生產事皇帝以言官

不查卷之六

三

爭論薦起君然陝西政竟不肯起乃夫人日崇有體以佐賓庖園中花盛開君觴詠盤薄不知有家夫人力也歲甲辰夫人患痞悶腸氣遂不起正月之十有九日也趙君乃命其子述狀而以誌銘委妻按狀夫人姓陸其先嘉興人也曾大父信贊平湖嚴氏遂為平湖人祖謙壽官父端世清白力田母張氏夫人其伯子也溫良樸厚夙稟自天既歸趙君躬親經緯屏斥華飾克儉克勤內外宜之趙君之推獄建昌也莫敢以私干者獄囚雷某坐死刑十八年矣君顧其冤

也將出之其姻適館公衙乃為微語舍人曰雷誠久繫破家然有金被數件請為謝夫人知之以白趙君君怒甚將遂弗理也夫人曰人命至重彼誠冤當理之豈以語言之故而輒弗理耶竟理出之夫人性純孝太孺人之危疾嘗藥羞膳不遑安寢及喪哭盡哀享祀潔豐御下有恩畧去驕貴之態趙君從宦踰二十年篋無私藏羔羊素絲之德夫人實助焉始以趙君貴封孺人繼以伊貴加封淑人生成化丙申某月某日享年六十有九子男四傳娶沈偕娶姚繼姚偕

不查卷之六

四

娶吳伊娶張傳偕俱縣學生伊舉壬辰進士歷任南京兵部職方司郎中女一嫁國子生俞鏗孫男九邦穀邦穎俱縣學生邦藻並傳出邦秀邦忞偕出建賓偕出邦秩邦程建陞伊出曾孫男二宗十成十長孫出也墓在縣治北許家浜銘曰赫赫趙宗亢自黃門正色立朝謬謬有聞緊執相之曰維小君既贊直言再決勇退公志先定試以謀內周任有言庶幾無愧鳳凰于飛和鳴鏘鏘篤生諸雛貴我家邦嗣其遐舉丹丘斯藏

封太孺人申母施氏墓誌銘

嘉靖壬寅上元日廣西僉事申公卒母施太孺人傷感致疾其年六月八日亦卒長孫誠撰狀乞銘於余余之同母妹誠室也頗知孺人令德之詳乃按狀而誌之施太孺人者吳江之施家村人也父昌母俞氏幼稟淑嫻勅贈錦衣衛經歷申公聘為側室及歸外內宜之生僉憲公既長貧無以為教太孺人脫簪珥延師教之正德戊辰僉憲公舉進士拜樂安令時流賊犯境太孺人方就養官邸僉憲公有內顧憂太孺人曰

六書先集卷之六

五

汝母我念謀人之邑惟力是視耳未幾改尹德平或謂德平人獷悍宜峻刑太孺人曰無以為也蠻貊之邦猶可柔服矧茲地隸鄒魯素敦信義者乎僉憲公乃務任德教聲績卓起入遷錦衣衛經歷尋出為湖廣僉事改任廣西以不能事上官罷歸太孺人喜曰乃今得與吾兒長共朝夕矣然竟相繼不祿命也夫太孺人性莊靖不妄言笑御下有則歷事舅姑夫子及正室吳孺人咸當其意伯子恩吳出也遇之加於已出僉憲公歷官廉慎太孺人訓也子男一即僉憲

公惠娶吳封孺人女一適葉惠孫男二長即誠邑學生娶顧繼表次講國子生娶史孫女一曾孫男三長孝邑庠生聘曹次弟未聘次忠聘王曾孫女二太孺人生於天順三年三月二十九日享年八十有四葬以甲辰十二月二十日墓在梅里村柳字圩銘曰詩咏嘒星易贊顛趾於維孺人誕毓厥子載貽孫謀永錫繁祉

樓顯章墓誌銘

樓之先家會稽宋南渡始顯有諱昇者仕至徽猷閣學士太師封楚國公有諱鑰者叅知政事

六書先集卷之六

六

少師謚宣獻隱君之九世祖也再傳曰楷楷生思厚思厚生紹紹生澄澄少孤育于母氏來家于蘇就戚府辟教授事其母孝澄生宏宏生序序生子二長即君君諱翰字顯章幼受學於進士奚元啓通章句大指然不樂仕進乃以訓其鄉之子弟君性高簡歲不一入城府耻干謁王公貴人雖鄉飲不赴顧自謂拙也名其齋以拙所與倡和悉逸民學士詩冲遠慎體裁享年七十有八生于正統某年月日卒於正德某年月日配錢氏先卒生子男一曰節繼曹氏生子男

二曰復曰渙女四孫男六孫女四卒之又明年
月日將卜葬于清溪之原乞銘於余余聞公侯
之子孫必復其始樓氏自微猷而下兩世爵上
公代有達者迨隱君三世弗仕矣然皆業儒素
表于族閭揆之天道將必有昌其後者以耀厥
光終隱而已邪銘曰載熾而昌中閼以臧卒蹶
而張於維孫子尚勿替以荒

盛嬪莫碩人墓誌銘

莫之先湖州歸安人宋南渡徙吳江之綺川里
族世貴顯 高皇帝時有諱溫者嘗以耆德召

本朝先朝之末

七

見參議大事而貞孝先生韓則碩人大父也父
諱震字靈威正統五年進士歷官建寧府同知
母馬氏雲南參政升之女碩人承襲華閱風閑
禮訓植性端貞婉惠曉書計能誦讀孝經小學
稍通其大旨及笄而歸于盛君用勤盛故宋參
知政事文肅公度之後用勤又以世業薦授府
醫學正術劑多奇効且敏幹每為上官任使碩
人獨約束其家人閭序雍肅事舅姑曲盡禮孝
凡祀享饋饗必躬親致潔豐敦尚儉素屏脫華
飾易置田畝產業益殷初碩人舉子多不育乃

為用勤擇娶馬氏生二男子愛之如已出則為
開塾訓誘督責成立逮下之慈廣嗣之義君子
以為難享年六十有二生於成化四年九月七
日卒於嘉靖八年七月二十三日子男二長延
年娶夏元澤女次幼並馬出女二長嫁王珏次
諸驥卒之明年某月日將祔葬于奇禾嶺之先
塋乞銘於余銘曰荷世曹令只乃作嬪君子宜
于而家維德之徽矣仁維逮下兮以燕翼繁祉
封若堂兮考玄宅土之剛兮安且吉銘厥幽兮
永無斃

吳圻父墓誌銘

本朝先朝之末

六

吳圻父名封吳人也父燿太學生母錢氏圻父
其中子也太學公有子三人而伯叔咸天死乃
今圻父又天傷哉圻父少受學于故太學王君
履吉甫弱冠卓然為高第子操筆章藻粲然可
采燕圻父藝書奕名理咸悉其槩而行業潔脩
儕流多稱之娶楊氏楊頗厚貲稍為治田宅得
其力然圻父能自樹勵志篤學且多計算持其
門戶不敗力田營貲雖老農老賈弗如也外貌
娟溫而中懷臧否頗多口怨性復藏蓄事弗意

者膏鬱不能忘厚自奉養着差皆膏梁珍奇膳
灸鄰辣習以為常卒以此病火毒攻結疔癰發
作唇頤癰潰心腹薰裂旬月而死傷哉坊父躬
穎秀之資而年止長殤名混下士老母在堂孤
嫠在室繄然無子女譬之蜉蝣朝生夕死傷哉
傷哉初太學公忘年交予圻父視予猶兄也朝
夕相依從談惟文史耳死之前三月與予觀浙
江潮歷西湖諸山出岳武穆祠下論說趙宋興
亡扼腕歌呼痛飲浮白徘徊孤山愴然不覺頹
之想素不賦詩至是篇章肆作雅辭將觀者

六書集卷之六

九

嘆美乃今死矣追念武林之游俯仰今昔傷哉
傷哉銘曰耕疾淵亡古所悼也鳳竊麟傷今則
天也自天殲良又誰告也

屠母陳碩人墓誌銘

哀哀白夫禮士踰月而葬乃今碩人之卒且十
四年矣葬何遲也悲夫余讀其子雲鳳之狀而
傷碩人之志也碩人之將死也雲鳳冠矣方紫
賈碩人泣曰夫賈利以養也而父死今吾又死
將誰養乎而其為孺吾死不死矣雲鳳乃感激
習儒業未幾補郡學弟子員試輒高第將仕而

後葬其母也乃今葬矣余傷碩人且傷雲鳳之
志也乃為銘其墓陳碩人者吳之許聖人也父
某贅錢氏生碩人有令德而故屠君喪其妻孀
乃繼碩人屠君客青徐間浮淮逾河轉徙販逐
歸途遭寇暴鈔畧殆盡殊無聊碩人曰有亡命
也卒而生貨貝易耳乃屏被質縮用經費而
家日殷矣舅氏春秋高性且下急碩人志承色
養饋饗綴刺敬豫潔良咸當其意聞舅氏誦讀
詩書則端聽靡懈通其大指屠君有弟某四十
而無子舅氏頗憂之碩人踧而請曰吾子猶叔

六書集卷之六

十

子也禮當後遂立為後而屠君之弟婦某氏頗
不遜碩人則折節下之恭而有禮兄弟妯娌雍
如也屠君之亡也碩人病羸柴瘠骨立孤燈微
惟矢死銜恤日拊其遺孤久之痰喘壅逆而卒
享年四十有三生于成化十五年九月十一日
卒于正德十六年六月四日子男二長即雲鳳
娶鄭次雲鵬娶胡後屠君弟女一嫁顧宜孫男
一玄中銘曰變彼者媼令儀令德宜于而家式
和且則曰未亡人矢死靡忒斃遺孤爾誨爾
迪胥臺之松慈雲之栢有鬣者封卜食斯吉於

千萬年銘辭罔泐

朱隱君墓誌銘

隱君諱臣字秉忠蘇之吳縣人也曾大父克潤大父仲聲父廷吉以博士弟子選升國雍舍光祇行未仕而卒秉忠年方幼孤喪祭備禮且上無諸父旁寡庶兄暨宗肆不令之瘡黠僕構喪貞之厲交侵黨侮既不與較亦不為讐於是杜門力學秉翰摘文聲稱籍起公府交薦提學御史王公鑑之召試奇之命隸縣膠以母老辭後復試于鄉不第遂絕意干進肆志丘墳每有述

不盡其美

年

作見賞名流今儀部楊公循吉故太傅王公鰲咸降尊折行投布衣之交篇章廣和吳人稱焉隱君行誼潔脩孝友純篤事母沈夫人克盡孝敬暨其喪也望望焉皇皇焉孺慕連憂情文兼至再從伯死三喪相繼買地以厝焉陸氏之姑寡而無依則迎養以終其身周氏之姊貧而守節則置別第以奉之其厚於人倫類此至若輸粟入金以佐縣官率先樂義靡曾吝惜有司旌嘉輒拒不受故工部侍郎永康徐公之刺蘇也高隱君之行署教曰學博而治行古而方其朱

處士乎乃延致鄉飲嘗一起其意後絕不往隱君高朗毅方貌宇豐碩冠裳古雅言必正色交必正人雖居逼廛市而志抗青旻著書樂道投壺雅歌有儒者之風勢位聲利曾弗繫於心故右都御史盛公應期為隱君內姪歲時候問肅拜床下了無遜讓聞者嘆服所著詩文若干卷藏于家君生于成化乙酉八月庚子卒於嘉靖癸巳十二月庚午享年六十有九配盛氏故醫學正術盛公浦之女生三男子曰寵娶李曰元娶伊俱太學生曰宏娶陳繼張遼府禮生女四

不盡其美

年

長適錢鉉次字顏煒先卒次適兵馬副指揮裘表及國子生陸健側室張氏生三男子曰宣君卒之二年以中殤天曰寔曰守女一皆幼孫男五用成用明用章用平用康孫女七寵等以某年月日葬君子吳縣至德鄉李王村之先塋乃以孝廉彭君孔加所撰狀乞余銘銘曰考碩懿今世作程錫誅謚今古足徵包質文兮蔚彬彬耀嚴數兮揭儒林

陶舜舉墓誌銘

君諱凱字舜舉其先鳳陽之定遠人也五世祖

喬昇吳元年從軍徐丞相部中洪武初沒子纏
兒繼隸虎賁衛以告變功授寵驥衛百戶陞山
東威海衛副千戶永樂中子俊襲調蘇州衛之
石所俊生茂茂生三子其季曰廣字孟寬寔生
君君少習儒業頗通書藝而樂與材士游孟寬
無他子君乃承志幹蠱以儉勤振其業凡通都
大賈商于蘇者多主于君以重貲託此其忠信
基之矣事孟寬及母閔氏孝敬隆篤性喜延納
而量存含弘口不言人短長有犯弗校也濫假
貸者亦能曲從之配王氏蘇州衛百戶廷威之

天章聖憲卷之六

妻

女子男二治娶朱繼姚準娶龔繼吳女一嫁韓
應夏孫男四應龍應鳳應麟應虬孫女一君生
成化某年月日卒嘉靖某年月日享年五十有
七治等卜葬於吳縣胥臺鄉胡塔里祖塋之次
來仁余銘初孟寬之卒也故京兆祝公實銘之
且曰余知孟寬也以凱而治之言曰吾父與祝
公游得其翰牘者數篋今猶襲藏之尊賢好文
即此足銘矣銘曰喬武弁業文儒跡闡壘志詩
書廓先緒兮崇後基

沈子仁墓誌銘

吾姊夫沈君子仁既葬其子應奎請銘其墓初
子仁構奇疾醫弗効有醫曰是蠱也陽虛胃食
附子乃多食附子延三年竟不起子仁之亡也
予甚悼之吳江俗夸許挾貲負勢陵轢氓農其
長鄉賦者率輒沒多收利其羨贏出貸以取倍
稱之息民殊苦之獨子仁純愿謹朴長賦稱平
家有田數頃不知其數歲租亦不問出入佃僕
好客客至即投轄燕飲終日待姻親尤有情沈
故右族而群從多賢先後舉進士子仁如常時
弗以驕人也沈之先居長洲之封門六世祖師

天章聖憲卷之六

孟

孟徙吳江師孟生公哲公哲生宗德宗德生本
本生紀子仁紀之第三子也子仁諱山生成化
丙午三月十日卒嘉靖戊戌七月五日享年五
十有三配袁氏即我方齋從父之仲子也子男
三長即應奎吳江縣學生娶鄭次應箕應斗女
二長嫁倪用次太學生陸芝墓在簡村之陽銘
曰愿以醇古之良民既有恒產亦有恒心篤於
親子仁其仁

陶母閔碩人墓誌銘

余既銘陶君舜舉墓其子治泣而請曰吾父之

亡也吾大母閔夫人者寔哭之慟遘疾弗起今
茲將人變於先大夫之藏先生其子之銘按狀
閔碩人者諱壽寧阜縣人也父廷圭母朱氏愛
碩人不忍嫁也乃贅陶君孟寬于館及孟寬徙
居創治生業碩人善佐之精酒醴辟泉麻享賓
祀先下御僮奴咸有禮節外內賢之碩人生于
天順某年月日卒于嘉靖某年月日春秋七十
有八子男一即凱娶王氏女一適陳金孫男二
女一曾孫男四女一詳具凱志中來子曰世之
婦人鮮不驕其贅壻者亦鮮不利其父貲碩人

太學生董宜陽妻楊氏墓誌銘

生

善事孟寬無德色從其夫出居棄貲產如遺不
少利斯豈世俗婦所能哉傷其子凱以死雖凱
之賢而碩人之愛慈亦足多矣余故不辭而為
之銘銘曰佐厥特兮順以貞慈通嗣兮殞厥生
生則殞兮垂休名

太學生董宜陽妻楊氏墓誌銘

董宜陽妻楊氏者華亭人也董宜陽父恬官大
理寺少卿而恬之父綸為監察御史楊氏之父
樂官應天府丞府丞之子則今吏科都給事中
秉義也兩家閥閱等又世姻連故楊氏歸于宜

陽宜陽者董之傑也楊氏承父兄之烈秉禮遵
教實婉美于宜陽蓋交相愛也姑蘇袁生者世
交董楊故得數聞楊氏之賢大理公不祿董門
中落而府丞公父子顯貴焜耀里閭乃楊氏不
忤不驕脫珥屏瑱龜勉有亡以佐宜楊宜楊好
學與四方魁儒游日事文史絕不問生業蕭然
貧也而楊氏布衣糲飯績紡刀尺終夜猶有聲
嗚呼其難能已宜楊之計偕北游也楊氏念之
竟以病死死之先宜楊在京師夢其妻來京師
死之日宜陽在興濟復夢其妻乃果以是日死

太學生董宜陽妻楊氏墓誌銘

生

嗚呼豈思之所感無幽弗通邪余嘗讀劉氏古
列女傳未嘗不嘆賢婦人之難也或謂婦人陰
性多妬悍吝驕此豈其然哉如楊氏者又惡媿
古列傳邪余讀宜陽之狀而知楊氏婦道之備
也孝于父母敬于尊章孫于夫子友于娣姒睦
于黨姻嚴于婢僕潔廟享豐膏燕時牧豎肯疏
蓄事無專成動無違禮彼有賢父兄以道之其
遷移董染則有自矣然遽天死是曷故哉楊氏
生正德某年月日卒嘉靖某年月日年二十有
六子男二鳳孫後四旬天蘭孫女一玉瑞某年

月日附竹岡先塋銘曰龍有淵鳳有穴意而人以藉世闕璫珉完良玉缺莖菴盈今留夷折天寔為之兮夫誰孽

沙良憲夫妻公葬墓誌銘

沙之先忭人也洪武中有諱福一者以醫名始家蘇之長洲福一生景名景名生讓讓生濬君其伯子也諱綱字良憲夙稟爽雋雅好絃歌長崇化居家日饒豫厥考商游荆襄君獨操門戶靡內顧焉上娛二人旁友諸弟良田華宅推讓弗居家有汝敦之譽鄉稱薛包之美焚券以振

天壽集卷之六

志一

窮捐金以周隱宗姬懷其德僮奴樂其恕年未艾服即管窺裘楊孫之達庶幾有焉若乃博延良師嚴督嗣子愛而知勞尤足多矣厥嬪錢氏實饒令德丰儀端靜資性慧溫婦道克修母範有淑恩洽族黨德化妯娌小星均惠螽斯嗣音組紉罔懈繁藻致潔儉弗苦節予無妄施荷歟賢矣君生成化壬辰年八月二十日卒嘉靖辛丑年十一月二日享年七十錢生成化甲午年六月二日卒嘉靖壬寅年十二月二十六日享年六十有九子男三人珙娶朱琛娶劉府學生

玘聘胡俱側室盛出女一人錢所自出館甥常執縣醫學訓科陳慈孫男五人宗洋聘錢宗源聘韓宗流餘未名珙等卜以癸卯年十二月二十七日合葬於武丘鄉綠雲里之新阡乃奉琛所撰行狀來乞銘銘曰沙之先國為氏翁肇昌隱於市賈而儒攸好義變嫡妻協休譽仁康下繁厥嗣翺青衿亢來世奄同穴玄安闕歸鬚封梧憤樹渙皇私在愍裔

章翁墓誌銘

章翁吳人也諱澤字惟德世居吳之鴈蕩村曾

天壽集卷之六

志一

大父智能大父思恭父鏞母周氏翁質稟奇穎解絲竹繪畫家素業賈而統順中民間舉弟子員者輒驚避坐是廢學然時時讀語孟古史即通其大義性孝友事同母兄淮甚恭淮或有言弗校也晚歲淮悔悟歡好暨其沒也哭之哀人以是多翁居鄉言論侃直夷聲正色聽者悚敬稍不可即頽面斥之以是不諧於俗父之其人卒愧服中歲謝去家事課孫士元習舉子業夜然膏對坐書室中以為常嘉靖丁酉士元薦於鄉翁方以疾戒飲捷書至大喜命酒豪飲歌呼

累日客至輒盡醉忽曰吾可以休矣遂卧病不起享年七十有四元配方氏繼謝氏又繼黃氏先翁卒子男二長杲娶屠次榮娶蔣女二壻嚴冠沈璋皆方出也孫男四士元甲辰進士南京刑部主事娶金氏龍聘張杲出也炳娶魯燦未聘榮出也孫女三壻吳鳳王應龍王時泰曾孫男四培齡培祐京壽一未名曾孫女二墓在吳縣靈巖鄉吳山西麓合方碩人兆禮也銘曰載服賈兮業以振卒聞詩兮歟以興嗇厥躬兮歲於孫利後昆兮縣繩繩

本朝書卷之末

元

故中憲大夫大理寺少卿董公繼室唐

夫人墓表

唐夫人者故大理少卿董公恬之繼室也董公上海人而唐夫人者其先鳳陽泗州人也蓋董公官于京師而繼娶云 高皇帝之起兵鳳陽也有唐春者從焉功授某衛百戶 文皇帝靖難師起累功授大興衛指揮使遷籍京師遂為京師人唐夫人之八世祖也七傳而至孫麟襲大興衛指揮使贈昭武將軍上輕車都尉寔生夫人而大理公先娶宜人喬喬卒繼宜人

不終卒乃慎簡貞淑而唐夫人善事都尉公又善事母太淑人張有令譽乃歸于董歸則善事其夫子又善約束其家人居無何大理公遭讒落職頗懷不平將上書訟其冤唐夫人曰是命也夫是命也夫今時何時邪遂歸姑太宜人謝方在堂問大理公曰新婦奚能曰能事夫子又奚能曰能約束其家人太宜人曰是獨不能事其姑邪太宜人嚴少當意者唐夫人事之即當太宜人意太宜人賢之董族蕃門戶鼎盛先御史公有子六人而三子者為顯官子姓妯娌姻

本朝書卷之末

辛

黨僮奴唐夫人善彌縫之即當人人意又人人賢之大理公友其季懷同居者二十年如一日也寔夫人佐之大理公有妾某氏頗傷公心遣之歸遂將其所生子歸唐夫人曰是吾夫子子也母當歸子亦當歸邪遂不告大理公而追其子還大理公好古圖書且好賓客客嘗滿座而性復落魄不問家人生產唐夫人獨彌縫之凡饗祀饋饗賓客之需咸取給於內即事事中節大理公之亡也門戶日益衰且多外侮又獨彌縫之持其門戶得無實隆大理公舉子艱五十

七而唐夫人生子曰宜陽宜春又某氏所生子曰宜旭宜春早卒撫其二孤曰是吾先夫之子也吾子之子之一如已子喬宜人有女三其一存曰是吾先夫子女也吾女之女之又如已子先是謝太宜人之亡也唐夫人哭之慟幾絕大理公之亡也又哭之慟又幾絕病矣既而病甚曰吾有子矣又奚傷獨宜旭未婚耳又為畢其婚而卒唐夫人嚴教其子亦嚴訓以義節以禮端其師保慎其交游制其經用罔弗度而宜陽者又善承悅禮而敦文志卓然不群名籍膠庠

不盡先集卷之六

圭

間君子曰觀大理公之存也唐夫人有婦道焉其亡也有母道焉萊妻與母雖古列傳所載又何以加諸吾故表焉乃其詳具狀志吾不表表其大者

中憲大夫臨安府知府王公墓表

故中憲大夫臨安守王公既卒之四年仲子良樞謀伐石表墓以彰遐烈乃奉大司空安仁劉公誌銘俾姑蘇袁生表其事表曰王公者諱濟字汝舟故越之新昌人也宋之南渡有曰鑑者遷居烏程之庾村王公之八世祖也高祖繁曾

祖文祖賢禰宗和以公貴贈奉政大夫南京兵部郎中配施宜人生二子伯曰觀仲即王公王公十歲而誦詩書十四而明經補邑學弟子員成化丁酉薦于鄉辛丑舉進士觀政于兵部廣囚扯因帖木兒來歸王公以材譽奉命督押安置之廣州至則約束撫馭信宿而反初授南京兵部車駕司主事車駕司有馬快船千艘歲中人貢方物于大官率利多占凡一人多者十艘少乃六七悉私載貝貨賈販騷擾驛傳而料造侵牟費且不訾武衛彫耗蒞事者畏中人聲勢

不盡先集卷之六

圭

莫敢問王公於是創制布規立廠水濱董以司屬工費有經而中人之舟始減什七矣乃又以材舉遷郎中怨者曰王郎中驟遷官也大司馬三原王公方謂淹也上書訟公功謗乃寢大司徒九峯孫公亦官兵部公與齊名三原公亟材之而公之歸艱也莊公孔暘贈以言曰汝舟未至車駕不在車駕汝舟既至車駕不在江淮時人以為名言既乃補武庫司郎中武庫司輿皂銀歲久多積羨而勾校無法胥史為奸王公於是數實簿正日程月稽歲終則會其贏于戶部

稍遷臨安守臨安滇之劇郡也土多金珠貝玉象齒文犀奇香珍藥流溢五方其俗好貨習鬪輕死樂盜劫殺公行王公於是勵躬率下俗變盜弭張教興文甄材賜陋嘗薦士楊宗亮發解滇省宗亮卒以文顯蓋居臨安者三年而境內大治部刺史疏其績太宰叙其能將大用之而公引年乞歸矣歸則田于庾村之陽屏跡司府放懷湖山故少保閔公中丞張公憲副吳公別駕沈公侍御陸公少叅王公相與結社遨游觴詠終其天年初 武皇帝之立也詔進王公重

六事集卷之六

章

中大夫階今 皇帝之立也又詔進中奉大夫階大禮成又詔進中憲大夫階享年八十有三云袁生曰夫士孰不欲用世哉而志以運應功以材局是以有用有不用而用者亦未必究厥志也王公位不過岳牧秩不過中奉而功揚於郎署澤衍於滇夷國稱瑚璉鄉推儀羽雖志不盡究抑亦用世之髦杰矣袁生成湖者二年考德之暇嘗周咨父老曰王公長者也且以仲子良樞之賢乃於是表王公之墓云

張文理墓表

張文理者名敬字文理蘇之長洲人也曾祖謙祖昱父灝字思本世力田居封溪至文理家始昌文理以田為家昧爽率傭奴操耒耨趨田中力作課相竄勤時藝耘耨咸有成法視他農歲率倍入其初蓋田數十畝末年畝乃什倍又善籌筭廢居歛散蓄約斂費由是家大昌以貲雄一鄉一鄉人咸推之舉以為長他長鄉賦者咸破產以償官且多逋稽鄉小民咸病其多收乃文理不破產不逋稽亦不多收為小民病而家日益昌乃推所贏餘以恤其鄉人之不足者脩

六事集卷之六

章

橋梁創義塾鄉人稱之文理性純孝思本之喪也致毀中禮母薛夫人在堂年百歲矣躬養食飲察寒煖起居之節候伺顏色必得其歡心薛夫人老健強不扶杖文理獨掖扶之歲時薛夫人坐堂上文理拜於前諸孫曾元羅拜於後幾滿堂薛夫人顧益喜呼文理曰老兒子此與萊子何異哉薛夫人喪文理年七十矣其哀毀猶喪思本也始文理以田起家諸子咸業農其孫乃多力學者曰元卿曰之綱俱為太學生於是張氏頗以文學顯文理享年七十有二子男四

人孫男十二人曾孫男十人女二人孫女十二人曾孫女四人袁子曰自世衰俗偷而孝弟力田者寡矣文理雖不佳孝于家得百歲之母歡心可不謂難乎服田力穡以廣其堂構子孫仍仍凡五世文理以詩書貽之尤難矣哉

殷君同妻姚碩人合葬墓誌銘

嘉靖丁未三月壬申日殷生乾將葬其父母於支硎山之祖塋以墓銘請乃按刑部主事章伯允之狀而志之志曰殷君者吳人也諱福字天祐世居郡城西之花園村曾大父晟大父遜父

大令堂集卷之六

墓

璿母印氏家故力田而璿早嬰疴疾業中衰君出綜家政入侍醫藥父病尋差家業亦理人稱孝焉歲長鄉賦稱平新安大賈浮巨木於吳者必主君君敏斷有信義持籌立水濱凡榷楠豫章之材圍徑小大價高下一言立決賈人咸帖伏鄉之人有不平者輒就君質是非性喜賑貸里社久廢割腴田以復之嘗鬻一僮奴其兄忽暴卒問其父且無嗣矣即以歸之君仇直不畏彊禦每論事虬髯奮張歲乙巳吳大旱飢君奉縣檄督浚河渠晝夜勞苦不少休子姓請少

緩君曰此公事急於救焚可便私自逸耶遂遽疾不起卒之前猶商榷畚鍤便宜比屬續不及家事獨曰開河開河而已嗟乎今之受直怠事者視君何如哉君生成化之庚子享年六十有六卒之明年配姚氏亦卒生於成化之壬寅享年六十有五姚故橫塘之儒家女也父仲暉世業耕讀既歸殷君淑孝儉勤外內宜之子男二人長即乾邑庠生次卯生側出也小星之惠人尤以為難女三人婿顧琇尹俸錢恩孫男女四人銘曰力於農以亢厥宗勤於公以瘁厥躬夫

大令堂集卷之六

墓

乘化兮妻令終埋雙玉兮藏玄宮

衡潘重刻胥臺先生集卷之十六

衡藩重刻胥臺先生集卷之十七

行狀 傳 誄 祭文

封安人母葛氏行狀

右春坊右諭德屠公行狀

鴻臚寺序班湯君行狀

上林苑監錄事殷君行狀

中順大夫鎮遠府知府伍公行狀

陳體元行狀

李空同先生傳

胡端敏公傳

六韋集卷十七

一

御史大夫盛公傳

湯隱君傳

司經局洗馬尹公誄

祭故少保大司馬端敏胡公文

祭玄冥回祿文

祭中大夫叅政張公文

祭祝京兆先生文

祭施邦直文

祭吳懋憲文

祭封廬衡主事伍公文

祭楊宜人文

祭董夫人文

祭毛安人文

祭王封君文

祭太學周生文

祭王履吉文

祭伊師文

祭施母吾夫人文

祭少宰徐師文

六韋集卷十七

二

衡藩重刻胥臺先生集卷之十七

明吳郡胥臺山人束泰永之甫著

長洲後學甥葵亭張憲蓋甫校

封安人母葛氏行狀

母姓葛諱某字某長洲人也世家婁門中之華陽橋父敬母傅氏母生而仁慧貞婉粗通書計年十六而歸于我父我祖介隱公有丈夫子三人俞祖母生伯子教諭公趙祖母生仲子儀制公暨叔子即我父也介隱公老分三子居而仲父與我父寔同居介隱公暨趙祖母依焉我母

上順舅姑旁接妯娌下御女奴咸有禮則介隱

公喪趙祖母獨主家而伯母韓夫人病不能下床趙祖母性卞急無當意者我母日侍側能當其意對他人嗃嗃嚴對我母未嘗不欣欣說也伯母韓夫人生子二人曰袞曰袞女三人我母生子四人曰表曰褰曰褰女五人吾兄弟九人者皆吾母自乳之而韓夫人病不能乳子女我母又皆乳之袞袞生同歲我母兩懷之必先乳袞而後褰袞不飽不乳褰也嗚呼昔詩人叙鳴鳩稱七子均愛然未有乳猶子均且先者

也伯父暨我父教諸子雖家貧必館良師傳我母親中饋必致豐潔人問之我母對曰夫醴酒之設所以尊師傳也師尊而子成子成而宗亢夫尊師所以迪子迪子所以敬宗也婦人之職在中饋中饋之事先宗廟師保次之敢不豐歟敢不潔歟趙祖母喪仲父暨我父猶同居者垂二十年友于怡怡白首無間言而我母暨韓夫人亦終無間言乃後孫子蕃所居且隘我父母乃遷于采雲里之新第泰之逮詔獄也我母聞而驚悸病作袞配湖凡二年念我母病嘗請於

上官而歸母不言病也哀冲太子生袞蒙赦歸

我母曰而今歸邪我病久矣引袞手撫其體骨瘠如柴袞泣數行下母曰吾病久矣而無憂也不五月病大作遂不起我母生天順某年月日卒嘉靖某年月日春秋六十有六子男四人名列于前婦朱史吳馬女五人婿張瀾湯儔張守誠申誠伍孝光又庶子男二人女二人未字孫男九人孫女七人我父卜以某年月日將葬我母于寶華山之先塋命袞狀行實以乞銘志為不朽之圖竊惟誄謚之興表志之作所以昭美

勸來也矧如吾母累善者耶小子泰陋也無文
且迷眩不能詳憶我父時時數言我母歸時
方食貧與韓夫人屏被紉刺以佐家韓夫人使
女紅日製輿貿易而我母稍手緩不如韓夫人
則以夜繼之必欲如韓夫人備嘗諸苦辛者四
十五年及泰官刑曹今 天子勅封我父為刑
部主事我母為安人冠珠翟霞裙鶯命服煌
煌我母曰吾屏被時寧意此邪而我母性儉素
不喜華飾所被服一如食貧時非大禮宴命服
不服也我父重然諾好義凡宗人姻交貧無依

入聲去聲集卷七

五

者咸樂助之財而宗人姻交多負我父我父間
不能平我母進曰人之負我非我負人柰何不
平邪我父笑曰真吾妻也我母慈子婦有過頗
含怒於心弗撻也其視童僕亦然宵星之惠益
斯之澤詩書所載蔑以加矣伏惟當代之宗工
鉅儒立言為經序事為史如我母者忍無惠之
銘耶哀子泰泣血稽顙謹狀

右春坊右諭德屠公行狀

屠公諱應垓字文升先世陳留人南宋徙嘉之
平湖始祖曾一曾一生亨一亨一生澤民澤民

生湘湘生機機生太保康僖公勲康僖公有文
夫子六人而公最幼繼室封一品夫人牛氏出
也始生之辰發策筮之得震之漸曰鸞德如玉
飛上高木鼓其羽翼光照四國康僖公喜曰是
兒其貴乎必以文名稍長日誦千餘言機警不
羣康僖公每宴客輒探句令對應聲出奇語坐
客盡驚年十二三康僖公為諸子論說史傳未
竟令諸子逆計成敗公越次懸斷若素習者康
僖公愕然曰生兒不當如是邪年十五康僖公
薨號泣擗毀人以孝稱服闋陰入太學時伯仲

入聲去聲集卷七

六

皆舉進士貴顯而公一再試不第里中人或訕
笑之公乃發憤讀書貫綜百家言文名大起嘉
靖乙酉舉應天鄉試第二丙戌舉進士選翰林
庶吉士時閣臣務紛更制典諸吉士皆少年負
氣不肯謁諸閣臣出又不避騎遂奏出諸吉士
悉改部寺等官公拜刑部主事以才望署本科
參核明允平反者甚眾歲季秋囚當決者已三
覆奏矣公上疏請緩死 天子覽奏如所擬得
全活者二十餘人戊子之歲 天子命京朝官
主各省試公奉命校文江西時閣大臣有屬其

三子者曰即第當重貴君公唯唯退而曰國家百七十餘年惟貢士之法秉公不廢故巖穴之士得以自見若苟徇私請將安用選試為於是遂行至則夢人有以酖進者辭不受覆地地墳覺曰寧墳母亂卒無所私事竣還報閣大臣怒曰屠主事悔予其以我力不能令若遠戍乎而閣大臣竟以事罷去庚寅調儀制主事辛卯進貧外郎壬辰陞祠祭郎中尋調儀制郎中時天子定禮樂肇建郊祀公與有勞焉癸巳改翰林院修撰仍五品服上疏辭免尋乞歸省乙未

本朝集卷之七

七

奉命校 累朝及 皇考實訓實錄丙申 訓錄成賜白金文綺侍宴謹身殿陞侍讀經筵皇太子生詔使河南諸藩諸藩王所錫賚秋毫無所受戊戌同考會試秋主考武舉時稱得人其歲交趾不靖詔諸公卿會推才猷言語冠世者往諭之廷舉今吏部侍郎茶陵張公暨屠公或謂除遠公奮然曰臣無橫草之功幸侍講恤得奉使命當宣 天子威德揚聲萬里外不亦偉乎頃之竟罷遣使云已亥陞春坊右諭德時春官初建慎簡僚案而諸臣幸有渥恩觀為宮

僚者甚衆於是給事中御史緊論諸官僚公亦在論中章一再上所論十八人者皆罷免有旨獨留公或謂屠公曰 天子方知君誠以此

時奏賦頌必得近幸公喟然曰臣蒙恩待以不誅雖捐軀暴骸無以自效迺欲乘機徼進邪公素脩謹橫被口語頗懷不平且耻不自表見遂抗疏乞歸曰臣有狗馬疾願放還田里倘不即死敢忘所以報 陛下者疏三上得請歸而疾作壬寅牛夫人卒公號踊幾絕氣息僅屬勉治喪葬遂大漸丙午正月之十三日竟卒卒之前

本朝集卷之七

八

夢遊衡山揖衡山君而進焉與坐見大署兩廡間曰卒明年正月十三官至二品增壽一紀晨呼其諸孤曰我殆將死矣我宦遊二十年官不踰五六一品增紀者其易歲之義乎我殆將死矣至是果不起嗚呼異哉公簡伉儷不事家人生產作業耻言九九之數輕財樂施振窮周急諸所假貸力不能償者輒焚券待昆弟尤厚煦煦無宿怨也所交皆當世名士篤於友誼奏之舉于鄉也與公實聯名又同舉進士同讀書中秘特相親暱武庫災奏下 詔獄罪且不測

公旦夕且壺餐潛餉遺獄中數存問予家人遣
戍之日諸薦紳謂官校方偵邏莫敢送公獨匹
馬出郊外握手別雅好文史雖疾甚不釋手為
文章奇宕有氣常希司馬子長楊子雲之風所
著有詩文集若干卷方 天子幸承天宮扈從
夜投宿民舍中或中官至爭舍輒避居舍外卧
卧未湏更輒起鼯或枵腹冒霧露疾馳數十百
里乃就食飲緣是得奇疾方在告泰承乏西粵
道出構李候問床下公疾已不可為猶開口論
天下事疊疊不少休性好臧否世稱曰讀不盡

六

九

天下書了不盡天下事乃若此已邪公之志直
欲縱橫古人凌駕時輩楊功名於千葉而竟若
此已邪公生弘治壬戌卒嘉靖丙午享年四十
有五配項氏累封宜人少保襄毅公之孫參政
公之女子男五孟玄太學生娶金氏仲律中甲
辰會試娶張氏繼沈氏仲行府學生娶包氏叔
方聘趙氏叔章聘牛氏女四長適富于文次適
吳邦棐俱太學生次適吳繼庠生次許常氏孫
男四謙同餘尚幼孫女四孟玄等將乞銘於太
史氏以泰知公之深也乃以狀請嗟乎妖夢

踐竟嬰一豎之痾哲人其萎徒切百身之贖爰
昭純懿以表幽潛立言君子庶採擇焉謹狀

鴻臚寺序班湯君行狀

君諱湮字某其先江陰人高祖某曾祖某元季
兵起徙吳之集祥里祖某以子貴贈承德郎大
興縣尹考某君風義魁朗材質敏達少受易於
施太守煥伯為高第弟子亟為武功伯徐公有
貞叅政祝公顯所稱然耻佔畢章句乃棄去走
齊魯燕趙縱觀京闕所親或規之曰吾安能效
儒生俛首膠庠觀一第邪以例授鴻臚寺序班

六

十

日與王公貴人游爭致門下有疑事必與君商
謀沉慮確斷悉中肯綮君性慎密絕夸矜揚露
多所援助未嘗言于人雖出入薦紳間能識幾
遠勢 武廟初闢瑾薰灼即拂衣歸人尤以是
多君家居逾二十年罕謁公府見流俗汚敝士
大夫承接守令如事侯王甚醜之曰吾嘗抗禮
公卿無少遜屈今乃欲泆忍降志如輿僕耶部
刺史南海林侯雅善君欲即公署廢地為闕舍
君辭之曰有憲籍在吾不敢私也刺史而下咸
致禮敬君藉成業又多心計善廢舉遷化皆益

稚而節縮慎費奇贏無滲泄晚歲築臺榭園池
雜蒔花木觴詠其間戒不通雜賓惟叔氏文守
君暨故祝京兆先生相社會宴瞻至即張筵陳
聲伎相娛令節則載酒徜徉湖山終其天年云
嘉靖己丑七月十四日以疾卒享年六十有九
生于天順辛巳九月某日初娶何氏繼章氏側
室張氏高氏子男一仕偉高出內閣供奉序班
娶諭德沈公良德女女二長章出歸國子生仁
和汪師夔次張出歸長洲仰龍孫男五鳳徵鳳
來鳳翽聘徐吳周餘幼孫女二余忝君族姻以
其孤仕偉之請也乃述其大者以俟立言君子
銘焉

上林苑監錄事殷君行狀

君姓殷氏諱清字德秀蘇之嘉定人也高祖考
潮升生以迪迪生輅輅生維維生君君志量弘
榮負材氣少頗喜田獵馳騁好義任俠投機應
變有策士之風既壯乃佐厥考以儉勤凡其家
鄉人咸推之以長鄉賦有事者咸取直於君入
貲補鳳陽都司知印丁母李碩人憂服闋授後
軍都督府神策門吏目能其官都御史王公憲

天章集卷之七

十一

天章集卷之七

三

材君奏帶自隨贊助陝西軍務與有勞焉三載
考績武皇帝賜勅命進階登仕佐郎而子甫
以鴻臚寺序班直內閣乃上疏乞致仕曰臣東
海民也因緣際會竊一命之榮圖惟所以報
陛下者敢不盡力惟臣父維犬馬齒衰臣鮮兄
弟乞以不肖之身放歸田里得終養其天年不
勝大願命下吏部以例進上林苑錄事致仕歸
至楊州聞父喪驚慟幾絕奔還治喪事毀不踰
禮內外稱之未幾甫以觸忤權貴出為撫州檢
校在任九年歲餽之粟且手書誨之曰慎哉母
卑而官三事之訓爾其敬之哉尋陞山東按察
司照磨君戒之餽之粟如在撫也甫念君老棄
官歸方將以孝養而君不祿矣君篤於倫誼制
義田以贍其宗人鄉之不足者則賑之歲飲散
以為常而勿收其息嘉靖丁亥歲饑有司勸貸
輸粟千石以為倡有司上其事于朝表其門
曰尚義之門而君復戒糶所賴以全活者甚衆
有司高其誼數請鄉飲力辭之君抗直好面斥
人過頗有不足者久之知君無他腸乃更德君
君起布衣官京師游公卿間公卿咸材之與之

游及歸老田里輕材好施逍遙林泉累石為山
廣樹花木以自娛富而能散貴而不驕賢矣哉
生成化某年月日卒嘉靖某年月日配秦先卒
子男四甫秦出歷官山東按察司照磨申側室
高出冲坤俱側室尹氏孀子也女五人婿封樟
姚炫葛士龍朱世揚一幼孫男四人度庶序賡
孫女四人墓在沈浦洪祔先塋禮也葬有日矣
惟太史氏銘其幽焉

中順大夫鎮遠府知府伍公行狀

伍公諱餘福初字君求更字疇中其先楚大夫

本志卷之七

七

舉之裔也元至正間有諱顯之者以處士徵不
就乃自構李徒吳中一傳為真隱先生某國初
以賢良徵為湖州掾真隱生宗理宗理生時美
時美生允剛以公貴封工部營繕司主事公其
仲子也髫髻補郡庠弟子負弘治乙卯應應天
鄉試時州而試者三人公與海門崔桐吳郡蔣
燕京兆尹賈公某見而奇之曰此三鳳也累試
輒不利御史張公璿提學南畿嚴重少許可考
公文第一亟賞嘆焉正德丙子舉鄉試丁丑聯
第進士授長垣縣知縣長垣古蒲城也下車慨

然曰蒲子路之所治也吾夫子之所善也敢不
勵與乃名其堂曰三善而刻銘其壁邑故有逢
子祠改而新焉乃於是均賦役禁吏胥疏滯囚
登俊髦而邑大治武皇之南巡也道出長垣
供億繁費公處之裕如而民不擾三年政成召
拜工部營繕司主事天子推恩臣下得封其
父母乾清宮成復拜金幣羊酒之賜我朝置繕
工司專理贖刑其輸內局者中人悉倍取之繇
是輸者咸避內而趨外弊日滋甚公乃白其事
于大司空趙公璜而疏正之法始畫一嘗攝營

本志卷之七

七

繕司事季終所積羨餘悉輸之公帑不以自私
趙公曰自我為司空不私羨餘者惟伍主事一
人耳尋以言事得罪幾貶危丁李安人艱奔喪
南歸尋丁外艱居喪有禮服除陞刑部員外郎
尋調兵部車駕又改職方職方所轄者將官也
考察精嚴請謁不行陞武庫司郎中亡何以讒
謫安吉州判官州之西有唐李衛公祠圯於火
矣公創而新之督造黃冊釐剔宿弊吏不敢欺
冊上諸郡皆駁安吉獨不駁考滿陞建昌府同
知單車之任不以家累自隨清操堅苦而同官

墨者以公為迂陰中傷之而公決志歸矣章再上 聖天子惜其才遂有鎮遠之命不就歸未幾得旨致仕公性高簡外若方嚴而內實和坦不知者謂公傲而實非傲也所至以文字自娛放情山水嘗與殿撰舒公芬謁孔林闕里飲七十二泉又縱遊泰岱燕山武夷天目諸名嶽相與倡和者皆當世宗匠其詩容雅麗不事剗剗而氣格自殊所著有北馳錄西山探梅集安吉新志遊天目山記虔行錄而吳中水利論援證精覈議論通達公之用世亦槩見乎此矣家

太倉先生集卷七

五

居杜門謝客手不釋卷耻問家人生產其肯悉為豪奴所有其黨有黠吏深於鄧思賢之術計告紛然而有司反左右之公之子孝光繫獄者數月公以此鬱鬱成疾乃後事稍得白而公竟不起矣泰董時即辱公知既同官兵部而孝光者又泰之同母妹夫也公既歿孝光撮公懿行將以乞銘於史氏乃委泰次叙其事顧予小子惡足以發潛述歟所託以不朽者有太史公在謹狀

陳體元行狀

陳體元諱乾蘇之吳縣人也其先鳳陽人宋靖康間始遷于吳胡元時有名良炳者官翰林學士同知太醫院事其後有新齋公者仕于 皇朝為郡醫學正科新齋公生本道本道生彥斌彥斌生仲和仲和生公學公學生體元陳氏之醫自學士公始其專門小兒醫則自本道始本道贅于孟氏始傳其顛顛之術而實大顯于君君承襲世業于古方書靡不探究其治疾審察精氣標本虛實溫涼燥濕之用其言小兒壽夭病之起不起時日淹速若刻券契百不失一吳

太倉先生集卷七

六

中治嬰兒者必走君無弗應手效者陳氏術業高多通顯者獨君不仕而醫名實冠吳中旁郡邑咸奔走之君退遜謹朴言循循若不出口自薦紳至壤隸咸愛敬之或侮之亦不較也娶董氏先卒故翰林檢討徽府長史彞之女生丈夫子四人伯曰志遠府良醫娶李仲曰恩楚府良醫娶楊繼顏叔曰惠府醫學正科娶王季曰慈常執醫學訓科贅于沙女二人嫁孔彥義吳用孫男七諤諫議諒諫諸論諫縣學生孫女七曾孫男三曾孫女二君生某年月日卒某年月日

春秋若干墓在武丘鄉駒字圩

李空同先生傳

李公諱夢陽字獻吉陝西慶陽人也母夢日墮懷中寤而生公故名年十八舉鄉試第一明年弘治癸丑舉進士丁內外艱戊午授戶部主事倡為古文辭以變衰陋斷自秦漢而止六代以下弗論也乙丑進員外郎外戚壽寧侯張氏怙寵驕縱開張皇店奪民莊田聲燭薰灼莫敢問公獨上疏論語侵中官 昭聖大怒 孝廟不得已下公錦衣衛欵拷掠詰責辭氣無所撓

李空同先生集卷之七

七

孝廟坐文華殿召見大學士劉公健李公東陽謝公遷問李夢陽宜何如劉公叩頭對曰夢陽狂直不足深罪 孝廟色變李不敢對叩頭叩頭而已謝公從容對曰李夢陽雖狂然其心無他實欲効忠於 陛下 孝廟曰謝先生言是有 旨夢陽復職一日 孝廟獨召見兵部尚書劉公大夏問曰日來外間事何如劉公對曰近釋李夢陽中外歡呼 聖德如天地之大孝廟曰初下夢陽獄中中人皆勸朕杖之其意實欲殺夢陽以快中官之怒使朕負殺直臣名

李空同先生集卷之七

六

其不忠如此朕故釋之劉公曰 陛下此事即堯舜之心也正德改元丙寅進郎中太監馬永成劉瑾等蠱亂朝政給事中劉侗陶諧相繼論奏而大臣未有言者戶部尚書韓公文日泝涕憂憤公進曰大臣同國休戚此而不言焉用彼相韓公慷慨曰吾當言言而獲罪報 先皇帝於地下耳乃令公草奏文多載集中疏入 詔廷議其事而八人者環哭 上前乞命事中變瑾遂召入司禮監而中官王岳范榮皆氣死明年丁卯大臣多罷免瑾知韓疏公手草也黃憾不已矯旨奪劉公健等四十八人官放歸田里榜為黨人公與焉然瑾必欲殺公又明年戊辰矯旨羅織公罪械繫逮京師再下錦衣獄公之內弟左國王者閒行徒步從公上書康狀元海勉以大義賴力救得免放歸大梁庚午瑾敗辛未起公江西提學副使振起古學力變宿習褒獎義節訓正禮俗士翕然向風時宸濠懷逆招致文學凡吏江西有才名者即啗以厚利否則威劫之以公有大名折節下之公初不為動久之墮其術中乃公不知也公既材高負氣不肯

同流俗人人多忌之而江御史某與公有嫌遂相奏訐 天子命大理卿燕忠體勘下公廣信獄摧苦殊甚公不稍為屈竟文致閒住而布政使鄭岳適為濠所陷公素與岳不相能岳既得罪謂公傾之也濠敗辭連公賴刑部尚書林公俊力救得亡窮治乃後大臣暨撫按數論薦不用嘉靖辛卯就醫京口還大梁病卒所著有空同集若干卷余戊子歲使大梁以書投先生辱賦答相逢行一見甚驩談讌累日夜是後人從大梁來先生必有書遺辛卯以所著集見託屬

宋書卷之七

七

續之日遺言必表生表吾墓而先生之子伯材馳書京師曰亡父落落大節世或未盡知子必傳之嗟乎先生之名同天壤敝可也而何藉於予世有不知先生輒開口雌黃者請三復於斯文

論曰昔人言文章與時高下不其然哉漢氏去古未遠古文未喪然自遷向雄固而下亦鮮稱矣唐則韓柳宋則歐王蘇氏父子咸以所長擅稱而說者猶多低昂謂宋之不逮唐猶唐之弗逮漢也 我明文章發于金華數子而宋劉二

公雍容述作潤色鴻業特尚典則雖奇麗不足而朴醇有餘要亦氣運熙洽使然也 列聖紹統人文宣朗暨弘治間李公夢陽以命世之雄材洞視元古謂文莫如先秦西漢古詩莫如漢魏近體詩莫如初盛唐乃與姑蘇徐禎卿信陽何景明作為古文辭以蕩滌南宋胡元之陋而後學者有所準裁彬彬郁郁茂以尚矣李公材最高其人負奇氣傲睨一世以是得奇禍坎壈終其身世咸疾之如讐嗟乎斯人也豈世俗所能容哉

宋書卷之七

七

胡端敏公傳

胡公名世寧字永清浙之仁和人也幼有大志數夢偕于少保立朝議軍國事弘治壬子舉鄉試第二癸丑舉進士授德安府推官以薦陞南京刑部主事數辨疑獄陳備邊十事復應詔陳六事奏入皆不報遷員外郎時逆瑾擅朝劉瑯為守備都官咸修謁公獨不往機戶侵官繼累萬公擬盡本法御史阿瑱意劾公失入庭中議皆直公阿瑱者竟抵罪進郎中陞廣西太平府知府郡邊荒土官雅不庭參公下令延見長吏

撫以恩信而絕其私饋及因他出過其營單騎直入坐帳中縱閱騎射良久乃還子弟應嗣官者輒為保任由是民夷皆感悅太平州土官李璿阻兵拒命潛檄龍英州趙元瑤捕斬之因大城壺關條治蠻事上之丁內艱補知寶慶約岷府母受訟中人橫斂者悉裁以法治如太平時擢江西副使備東鄉兵撫馭反側征姚源賊王浩八及建昌毛坊盜皆有功因城廣昌南豐新城三縣賴之宸濠反有狀莫敢言者公發憤上疏其略曰江西失火延燒萬室基地便利盡歸

平定縣志卷之七

三

王府債負所責遍及閭閻莊田所侵激民立案三司官多受鈐束問刑叅吏舉奏成案買辦漸行於遠府騷擾遍逮於窮鄉臣下多懷二心禮樂政令漸不出自朝廷寧王自討護衛以來威勢日盛乞戒諭止治其國內毋撓有司有旨戒濠濠乃行萬金間用事諸大臣奏公離間親親妖言誹謗逮捕甚急而公先已遷福建按察使因間道走京師投繫詔獄刑訊逾年數從獄中上書皆不報言官交章訟公寃久之得減死戍遼東瀋陽中衛躬履行間授徒以自業凡四

載濠反書聞赦歸田里復湖廣按察使擢僉都御史巡撫四川處松番軍餉令近邊者輸租于邊而縮其額以所縮加徵內地內地勿輸邊復條奏安邊便宜四事今 皇帝登極召為吏部右侍郎聞外艱去既免喪上疏乞早定追崇之禮而赦群臣議禮不合之失因言宦官外戚不可假以威權言官不可加罪藩臬守令多不得其職累數千言召拜兵部左侍郎進言保養聖躬在慎起居節飲食願慎用醫藥又撰講義三章以進一大學惟仁人能愛人章一洪範惟

平定縣志卷之七

三

辟作福章一易繫辭不出戶庭章二疏皆留中大禮成陞俸一級丙戌知武舉引疾改南京吏部左侍郎進工部尚書尋以左都御史召道改刑部尚書用議者言加太子少保仍左都御史掌院事入見辭免官保上疏宜虛心以執中使喜怒賞罰發皆中節及論聽言用人之道上嘉納焉既總憲務持大體奏上畫一之法申明職掌凡十條乞復執法被誣者官詔付所司施行而考察奪職枉者始許言官論辨矣改刑部尚書凡中外諸司獄囚叅獻務允不以文法嫌

怨禍福自阻至罪在不測衆莫敢言者必奮身
論救正德中土魯番謀奪甘肅哈密入貢者為
之內應副使陳九疇知其謀大索甘州城中回
夷裹甲者悉獻殺之而身自搏戰敗土魯番兵
至是憐人聶能遷上書言哈密之不能興復者
由陳九疇妄殺啓釁也事連致仕兵部尚書彭
公澤時王瓊復總制陝西軍瓊故與澤交惡而
大臣陰主瓊遂捕九疇下獄議坐極刑公嘆曰
使我典刑獄而殺一忠臣吾寧先死乃抗章申
理願以數口保之上大感悟陳得減死戍遼

木齋先生集卷七

七

東彭編氓隴西豪柳瓚巡鹽御史王朝用陰
事有旨逮治公奏恐傷憲體事竟直焉劾去
郎官之錄囚不當者其因事建明得著為令者
三翁教子婦未成者戒死一也竊盜自首得減
者免判二也庶人在官應守法而不守者並依
枉法科三也復因災異陳言勤聖賢一事恤民
任官九事轉兵部尚書加太子太保陳兵政十
事土魯番劫曲先衛人牙木蘭以為將蘭擁族
帳內徙土魯番遣使求蘭將甘心焉大臣即欲
予之以易哈密公言曲先本服屬中國蘭反正

歸順非納叛比而哈密空城縣遠無益事實正
宜厚牙木蘭以風蠻夷無為土魯番所欺請
勅下王瓊先盡復瓜沙之地收合亡失屬夷封
殖哈密永為不侵不叛之臣以制番使相破滅
此伐交之上謀也且請廣屯種興鹽利預收糴
以足邊儲而薦都御史馬昊陳九疇副使施儒
楊必進堪統軍旅吏部言諸人皆不可用公遂
引疾致仕三疏始得請居亡何起為南京兵部
尚書叅贊機務不拜猶手疏勸廣嗣育容直言
惜人才未幾薨于家賜諡端敏贈少保公忠貞

木齋先生集卷七

七

廉約練暢世務而尤愛惜人才其憂國薦賢之
心老而益篤初抗論逆藩幽囚遠戍間關九死
及遭聖明益感知遇危言正色蹇蹇匪躬朝
野想其風采雅志儉朴位居端揆布素如寒士
門無私謁接引後進談議世務終日忘倦嘗曰
學貴經濟不專在詩文也讀衍義補著層見四
卷居遼陽著春秋志疑十八卷幼精騎射及遇
盜于滄敗楊虎劉六群賊述滄洲退賊事略一
卷德安行稿太平寶慶雜稿各二卷姚源建昌
征案東昌撫案共十卷撫蜀雜稿一卷讀易私

記四卷詩文二卷自述年譜一十六卷其奏議三十卷已行于世泰官刑曹尋公國士之遇命其子純受易及公去位時顧謂泰曰吾老矣天下方多事子其勉之公之所以望泰者何如而泰乃若此已邪純之赴聲慶也走姑蘇請曰先公知子子不傳先公而誰傳邪嗟乎士為知己死空言奚足酬哉以公之忠勲而泰附以不朽是予之幸也夫

論曰方宸濠之謀逆也吏于江西者咸切於積威勢怵利啗惟其欲之是聽志富貴結腹心如

六卷卷之七

五

潘鵬王綸者不少也間有稍知逆順者不過循默自保觀望規避以脫虎口為幸耳孰有奮不顧身如胡公者哉疏朝入而禍夕發左右出入門戶寢居皆逆徒也而竟脫身間走得免灰滅及械繫掖庭備嘗百毒朝之用事者悉受濠賂遺批抵機穽幾陷不測卒賴御史徐文華等抗章申救僅而遠戍而濠之逆謀始彰露中外亂臣賊子人思誅之矣然而已卯之變孫許駢戮遠近震驚向使當國者採徙新之謹謀謹履霜之明戒先事制變禍亂何自而生哉胡公身不

踰中人言期期若不出口及論大政事決大疑侃侃諤諤守死不回居常憂國不遑寢食事有不可者即閉門草疏無少顧忌嘗憤守正者遭誣落職懇懇言之正色立朝孤立無與今皇帝知其忠鯁雖數進逆耳之言而曲加優納不以為忤一時新進用事之臣雖極恩寵然天子所敬憚優假者胡公一人而已見幾勇決進退有禮世尤高之孔子曰所謂大臣者以道事君不可則止莊助曰古有社稷臣招之不來麾之不去若胡公者其近之矣

六卷卷之七

六

御史大夫盛公傳

御史大夫盛公諱應期字斯徵蘇之吳江人也其先出宋參知政事文肅公度高祖寅文皇帝時官御醫有寵曾祖佖不仕祖昕父瓊俱以公貴贈官公弱冠舉弘治癸丑進士授都水主事管濟寧牌牒當孔道公私舟爭利先進公束以法而時啓閉之吳文定公寬以少宰赴召時方封牒蓄水以濟漕船吳公尊官也守牒旬日乃聽得過公之中法吳公之樂成人美聞者蓋兩賢之中貴人奉使往來咸望風欽挾私貨

者輒沒入之時太監李廣發用事諸中貴群怨于廣廣固衛之矣而廣之家人販私鹽南來聞公嚴悉投鹽水中廣益怒乃嗾太監秦文誣奏公阻薦新船為大不敬詔逮錦衣衛獄謫雲南安寧驛丞稍遷祿豐知縣祿豐古祿奉也烏焚蠻所居俗獷悍習盜公不鄙夷其民教以禮法而施捕盜之禁盜咸首伏化為良民陞順慶府通判管糧稽逋摘伏宿蠹盡革父喪歸道陞武昌府同知服除改長沙陞雲南按察司僉事分巡金滄洱海諸道所至屏廟景東知府陶某土

平定先集卷十七

七

官也父子信讒日相讐殺公縛其讒人寘之重辟曉以大義父子如初武定知府鳳英死其妻攝郡事而子朝鳴亮狡不法肆行剽奪民殊苦之奏下所司觀望不理公出鳳不意單車馳入其境母子惶怖伏罪乃窮治其黨歸所侵奪於民公策鳳氏終必為患請降其秩設官制之因會奏于朝議寢不行後鳳氏卒叛如公言復建議請閉銀礦以絕禍源而鎮守太監梁裕貪虐無厭公與巡按御史張公璘副使晁公必登共禁制之裕因誣奏公及張公晁公俱逮下制

獄張竟考死獄中諸大臣及言官連章申救會乾清宮災赦出先已進本司副使乃得復任尋陞河南按察使清嚴彊察威禁大行陞山東右布政使謹出納屏羨餘正已率物胥史莫能為姦未幾陞陝西左布政使鎮守太監廖鑒縱其弟姪廖鎧廖鵬漁獵民財侵盜官帑姦賊狼藉有司脇息莫敢問公以法剪其羽翼廖滋不悅思中傷之乃檄公督造絨罽檄文嚴峻費且鉅萬公按籍知廖前已侵費數萬不以上供持數示廖將奏之廖惶恐跽謝乃不復造武皇之

平定先集卷十七

天

西巡也駕將至榆林人情恟恟衆議加賦以備供億公請於正賦內每戶以丁糧為差出銀米若干聽准來歲賦入之數民爭先輸納比駕至士馬供億咸有調度而處之裕如若無事者時江彬扈從寵倖勢焰薰灼自鎮巡以下咸重足屏氣呵辱如奴隸公獨與抗禮于請不行同事者咸歎服焉武皇帝亦知之曰盛某好官也明年四川缺巡撫陞公都察院右副都御史蜀險遠夷獠雜居天全六番招討高文林數出寇掠而流民謝文義亦糾變蠻為亂皆討平之

提聞重書褒嘉錫以銀幣丁繼母憂歸今皇
帝登極起為江西巡撫江西遭宸濠兵變之後
歲饑民窮寇盜充斥而鄱陽湖尤為淵藪盜出
沒其間者漁舟為之鄉導公令編號以驗其出
入而調遣官軍以防邏之立團保之法使相覺
察盜無所容一時迸散於是輕徭賦議賑貸奏
免雜調繕錢者數十萬請留解運者數萬輸米
南京者四十七萬銀二十萬而積穀以備荒者
亦百餘萬有 詔賜羊酒幣帛昇陞兵部侍郎
兼都察院右副都御史總督兩廣軍務前任兩

大書堂先生集卷之七

三九

廣者多通土官餽謁土官多玩易之號令墮弛
而蠻寇竊發公至大閱鈎稽簡料凡太監及總
兵私役軍者悉勒歸伍而兩府官屬之暴橫者
痛抑之且檄下兩省及湖廣諸路凡所調遣悉
聽聞白乃行由是二府不悅大興讒構矣歸善
縣賊李文積據桃子園為亂發兵討捕生擒文
積及其黨李萬全等斬首一千一百三十級俘
四百餘人土官劉召據思恩以叛討破之斬首
一千九十七級俘五百餘人召赴火死餘黨悉
平田州土官岑猛作亂事聞下公體勘公上疏

陳方略下兵部覆議而公已改官矣初二府舊
憾騰謗於當道當道者欲事調停遂除公工部
侍郎提督易州山廠實奪之權也乃引疾致仕
會河決徐沛漕渠不通 朝廷憂之詔選廷臣
可以治水者僉議以公名上陞公都察院右都
御史總督南北直隸山東河南等處河道時尚
書李公承勛胡公世寧建議欲於昭陽湖東別
開漕渠而僉事江公良材議同及少卿黃公綰
詹事霍公韜亦各陳便宜並下公看詳公親詣
其地相度咨訪議既克協乃上疏言黃河之患

大書堂先生集卷之七

三

古今所同而中原之地平曠夷衍無洞庭彭蠡
以為之匯故遷徙不常為患特甚而其性避高
就下非多為之委以殺其流未可力勝也弘治
以前河下潼關即分三大支其一大支俱出汴
城以南東行由泗水經淮入海其一大支則出
汴城以北東行至兗又分二小支一出汴之飛
雲橋一出徐之小浮橋俱入漕河徑下邳州會
淮入海正德以來汴南二支湮塞并入汴北一
支於是全河東下至於徐沛俱入漕河自此汴
河無患而徐沛適當其衝近年河漸北徙小浮

橋亦已湮塞自曹單武城諸縣楊家口梁靖口
諸處奔潰四出徑趨沛縣漕河橫流出於昭陽
湖之東泥沙壅塞勢緩則停遇坎則滯致淤運
道為今之計大畧有四曰疏曰濬曰築曰改疏
者疏上流而殺之也濬者濬故道而順之也築
者築長堤而障之也改者改別地而不與之爭
耳夫上流不殺則決口不可塞長堤不可築而
河防不可成河防不成則淤不可濬而故道不
可復此今之漕河所以不容不改也廷議以聞
詔可以春和興役而公已命官分治舊河使通

六
卷
七

三

漕船堅築隄岸以障黃河之衝復濬趙皮寨條
家渡諸處以殺上流之勢乃簡屬吏之能者以
任新河之役量地以授工程功以授食役不告
勞財不告匱垂成而謗興有詔罷役而公得罪
以歸矣時戶部尚書鄒公文盛刑部尚書胡公
世寧咸力爭之公家居七年更赦復職致仕大
臣言官數論薦竟不用以死惜哉

論曰余觀盛公之治河而知天下之事難成易
敗也昔堯命鯀治水九載績用弗成乃更命禹
古之人與事建功若斯之慎也而景泰弘治間

徐有貞劉大夏治水張秋亦困於多口賴朝
廷之明謗讒弗行卒以即功信哉事之難成也
余嘗道徐沛間詢盛公治河事皆有法工纔四
月耳而完者已十八九使當時稍假以歲月烏
患無成哉公剛果廉幹嚴於馭吏請謁弗通怨
謗弗恤庶幾有大臣之風余故傳之冀國史採
焉

湯隱君傳

隱君名璽字文守吳人也大父彥祥官大興縣
知縣大興公嫡子濱者無子而弟瀚之仲子為

六
卷
七

三

隱君乃立為濱後隱君事所後父母如所生父
母且均執三年之喪事庶母陳有禮伯季皆高
賢而隱君獨畱約友于懽怡不忤不求此其孝
友今之人能之哉嘗受易于故信陽太守施公
文顯強記博識華實彬蔚凡經史子籍下逮稗
虞伎術百家之言靡不綜述泰嘗隅侍觀隱君
範儀端凝意思安和恂恂如不出口而詞旨婉
切曲中事理聽者悚服故京兆祝公允明以文
藝師表海內嘗賦懷友詩咸海內名流而隱君
居首嗟乎祝公豈妄許可者邪早歲挾貲歷齊

魯燕趙觀山川土風人文之歸吳築圃灌園
蒔植果木棄絕貿易買屋閭闔收其厚息
計口而食而家業稍殷乃隱君則泊如也隱君
善居鄉居家睦族里喜賓客排難周匱難殫述
矣袁子曰書稱吉人為善惟日不足如隱君者
終其身無踰閑無蔑禮一鄉之人愛且敬之無
間言非所謂吉人為善者耶

司經局洗馬尹公誄 并序

嘉靖六年二月二十一日己亥故司經局洗馬
尹先生卒嗚呼哀哉帝鑒弗察神聽遠而違此

天啓集卷之七

三

閔凶胡弗憖遺人亦有言金石難敵百祿攸綏
莫匪宜弟蘭以薰摧玉以鎮玷棘也云茂瑞珉
或銜嗟乎虧盈不齊報施或淫跖壽淵天匪徵
自今君子肅括議道自已舍命弗渝朝聞夕死
嗚呼先生短折弗遐吉往凶歸委耀彫華業崇
秩卑抑志墮名國喪儀羽士茂典刑曰余小子
夙荷采蘋惠以周行敢不勉旃豐豐德音孔卓
而昭今也云亡孰示不佻令聞于宜芳烈靡紹
顯諸謨述庶其有詔何以宣哀載觀誄詞勒之
旗旌百世可知誄曰嗚呼先生含精抱和研幾

秉哲量宇淵塞風規峻潔早歲飛聲遂播芳烈
藝圃騰蹕詞場截臬縉思雕藻粲若虹霓約理
粲辭根柢標揭鵠舉鸞驚握瑾懷瑜譬被和璫
乎尹自殊載襲載錯劇其庶隅工師于違為連
為瑚冠我多士蹈于天衢展也君子醇乎大儒
華實並茂器幹斯隆發策金馬卒業銅龍王
之吉人行行雍雍既載彤管遂保青宮潤色鴻
業揚厲膚公羽儀具瞻模範攸崇總統群籍同
異是究王几黼幄在帝左右爾有嘉猷入告
我后夙夜媚茲珎附奔奏大人格心申錫簡

天啓集卷之七

三

懋其斷梓材明堂云構溫溫恭人顙實揚休具
曰邦彥莫其大猷胡殞而路志盡年道金石銷
鑠逝如泉流蕙折蘭摧悲此勁秋天弗憖遺與
善為警朝失楨榦士喪典刑杳杳玄路蕭蕭素
旌几筵備物以象平生潛寐弗寤永闕精誠畫
旒徽翼游魂于征遺筭在疚擗踊靡寧凡我及
門義切心喪德音在耳孰也可忘心悽目泣五
內摧藏敬陳誄文敷此腎腸

祭故少保大司馬端敏胡公文有序

少保兵部尚書胡公以庚寅之某月日卒于仁

和某里之私第嗚呼哀哉國喪楨幹士摧儀表
天不勅遺吾將安仰癸巳歲仲秋之望哀薄游
臨安追念疇昔知遇之恩竊懷死生契闊之感
履宿草而懷其伏堂封而涕泗爰陳鄙辭式薦
清酤其文曰倬矣胡公允文允武神降海嶽篤
生申甫昔在強藩元凶構逆抗疏發姦幾蹈不
測錯甘吳戮汲寢淮謀請室久繫遼左遠投忠
瀕九死節貫百折公之令名遂懸日月皇軌重
離卿臺存晉肅肅有位風紀爰振既齊五罰遂
掌六師正色率下朝之表儀嘉猷平章密議獻

不

主

納維 帝念茲世也寡合山立淵渟禮進義退
古社稷臣維公無媿公之勲業金石難朽爵秩
維崇德澤未究卹典寵渥謚號光加華夷悼惜
朝野興嗟眇予小吏嘗侍司屬封非謬甄涓塵
誤錄獎引周至訓誨殷勤竟遭玷缺徒累高明
累蒙堂封奄觀宿草敬奠一觴陳辭以告

祭玄冥回祿文

孟夏徂暑盛德在火融風乃作布茲赫羲燔我
郊愿騰光橫厲裂灼玉石散披雲霓哀我遺黎
倉惶不寧奔攝敝徙凜焉兇兇維是在位用震

厥心行火所掀俾保所徵豈其出內速矣召愆
秉我璫璫昭假明神庶幾撲滅惠我上下玄冥
為壯回祿維孔決以時息洩其滔淫無或昧蔑
寧莫我聞群祀攸司敢不祇告

祭中大夫叅政張公文

維靈肇濬昌裔夙承遐澤先烈丕嘉鴻軌敬式
懿質淵英靈脩準直紬緒丘墳研幾疏籍卒業
南宮蜚聲東序策荐賓與宏馳髦舉雲翮冥翔
鹽車失利設貳中都牛刀小試法禁明壹玄化
滂沱稽弊班程緩格彊柔賦均土則訟簡累囚

不

主

洋洋絃誦男歌女謳崇壙疊雉經始版築物力
庀徒隄防洩蓄安豐有功楚相攸續蕃用阜財
灌漑種稼考最銓司剖符南陽報政期月叅德
龔黃肅肅憲臬獄慎低昂藩司左轄慈惠彌康
敦誼丘園無縻好爵曰利幽貞遐于寂冥於維
我師詞垣矩矱 皇之蓋臣日侍虎幄訐謨左
右寵眷斯隆優賚緋魚衍衍雍雍司存獻納夙
夜在公陟岵瞻號靡遂私衷季冬者月戊子者
歲凶問騰奔神情震憤哀踊籲天胡茲長逝息
彼形兆歸于太素凡我小子悲悼靡寧故陳醴

奠冀格幽冥

祭祝京兆先生文

維君侯之睿哲洩天地之玄機漱芳液於藝術
博奧旨於文辭準皇墳以約軌點百家之支離
曰漢氏去古其未遠庶斯文之在茲採精思以
述作宣英藻於端倪綜群言而廣涉歷九服以
疇咨詢多聞而洽見旁羅絡以無遺沐皇澤之
休薦遂策名于有司何抱玉而屢黜戢雲翼於
亨衢嗟豫章之奇碩弗見售于工師狗微祿於
嶺表沉下僚而弗耻理民務於夙夜流慈惠於

不韋集卷五十七

七

百里佐天府以聽政維豈弟以約已畏簡書之
糾纏返初服於桑梓雖志業之弗究侈譽聞其
彌張閱時俗之拘迫溷穢垢以含光維達人之
忘我窮意欲以娛康奄秉化以遐逝超至情而
上翔慨典刑之淪謝徒悼慕於遺章苟靈爽之
未昧或昭鑒於疊觴

祭施邦直文

維君金玉碩膚淵雲學殖摘藻揚芬脩矯蹈吉
早驚書林甫通仕籍亨衢未騁濛汜已迫奄忽
泉扉沉淪異域大命近止游魂莫招含祿有禮

旗旄蕭蕭凡我同盟孰不悼悲我館我殯匍匐
救之祖奠在庭興哀致辭水浮陸走歸寧玄墟
蒿歌已矣德音永違

祭吳懋憲文

維靈畊文獲藝履道基仁翺翔世表游泳詞津
豈弟且惠博約循循才華淵濬問譽日新金門
通籍彤陛垂紳南辭家食式作王賓奄忽晨夕
長訣交親泉扉掩恨總帳棲塵几筵惻楚旗旄
訖訖祖送于郊首丘于閩天道茫昧孰究其因
共綴哀辭友誼莫申

不韋集卷五十七

七

祭封虞衡主事伍公文

維靈履坦丘樊考槃澗陸練要脩矯彌性力毅
義高閭閻仁洽黨族栢松旌心蕙蘭中服平康
錫極豈弟千祿繁祉攸宜祚胤孔淑子舊孫騫
鉞羽麟角金冊龍章賁于泉谷既醉萬年假樂
百福以熾以昌衍衍粥粥眉壽未艾大命奄速
蔓草露零虞淵日伏旆旄有翩輅惟不復天則
為之靡究嘉告哀訃遠遺擬標悽愴敬致一觴
庶鑒情曲

祭楊宜人文

維靈異質蘭芬坤儀玉粟世胃高明弘農伊匹
敬佐君子有踐家室於穆荅州邦之司直嗣我
徽音百男斯殖小星肅肅金羽蟄蟄溘彼朝露
惟軒自飭諷詠栢舟矢死靡忒策然遺孤拊畜
備悉訓以書詩踐猷邁德承志祿養匪躬秉職
維茲滑甘有曠晨夕計音奔馳擗踊莫及凡在
戚交嗟咨悼泣敬奠年尊升臭窆窆靈其有知
鑒此楚惻

祭董夫人文

維靈風稟柔媛有齋恭肅天作嘉止世胃華族

不孝先妻張氏

元

相攸來歸燕譽載育繁藻靜嘉栖閼雅穆吉往
凶來蘭摧玉毀百祿未總大命近止蕭蕭素旌
哀哀蒿里祖奠年觴昭假筵几

祭毛安人文

維靈王性幽貞蘭姿婉懿夙閑禮文丕承華系
作配君子徽音用嗣肅肅閨儀處共婦事既儉
且勤宗親燕譽命則弗遐奄然但棄孤惟棲塵
宜旒隕涕遺竿敬陳幽明永異

祭王封君文

維靈挺殊材於梁益秘丘樊之德貞抗逸民之

高躅敦素位以中行欽芒角於金玉播蘭茝之
芳馨儀靜山以成性抱淵冲而寡營胡仁者之
弗壽盡年道而志毀彼勁木之堅孤亦梯摧而
條萎諒陰陽之遷易彭殤又焉殊軌維智哲之
委順乃達觀於斯理荷子姓之卓傑紹休訓於
夙聞縱天衢之冥翮宣藻譽於藝文忽飛書之
馳至迷家難之憂屯銜哀踊以長籲念陟岵之
辛勤紛五情之震潰指故域以奔趨暖玄雲於
黼翼結淒風於總帷陳几筵以備物象平生之
光儀薄陳辭以申奠冀神靈之格思

不孝先妻張氏

單

祭太學周生文

維靈弱冠明經趨庭說禮博敏旁該資材並美
丕承父兄卓有風軌卒業成均馳譽冒子雲翮
方舒蘭英遽委志抑年道逢凶構否命也為之
悲曷其已箠箠者娶呱呱者泣淑慎乃躬之死
靡忒輶車旗旌顧瞻悼惻涉濟浮淮歸即玄宅
祖奠有辭靈其來格

祭王履吉文

夫哀緣情感戚以交與物無不毀理有難明昔
前金縢彭壽淵傾嗟乎履吉竟天厥生昔在童

年英資物表川嶽含靈職辰運巧孝友人倫仁
賢國寶德隣雍雋玄詣莊老文維貝錦賦則金
聲膠鬲冰舉沙朔騰名鄉夸二陸戶擬八荀奇
蹤雷運逸翮雲冥豐材蹇會脩塗跼步抑志丘
阿歸神泉路蒼冥弗仁胡測其故自昔有死湣
如朝露漢維賈生魏則文考唐之勅賀咸以材
天不朽維名孰著孰早君能立言亦復奚悼

祭伊師文

嗚呼先生昊天不弔喪此懿碩祿秩未崇壽年
靡極邦人咨嗟列士悼盡聊予小子曷其執式

不孝子某某

哭

昔在童蒙願愚寡識於維先生以引以翼潛心
董惟卒業庖易鉤玄極深章辨句析惠我諸昆
悖約有則朋來如雲達材成德嗚呼先生學維
藝術行寔表儀黃中內含直方外資懷璣握瑾
矩步繩趨樂只豈弟敬慎威儀乃紹先烈克濟
世美學古入官休聞聲譽于深于祁大邦是理
仁懷威德徂伏好靡古有召杜今也可擬考績
循資佐守炎荒爰觸瘴癘遂痼膏肓懸車過歸
與時行藏何期不祿奄爾云亡泰情踰旬而
切心喪矢辭告哀薄薦嬰餉

祭施母吾夫人文

維靈植性柔嘉秉心貞壹華裔承休高門作匹
克相夫子邦之司直訓齊家人夙閑壹則栢舟
矢心之死靡忒蕭蕭敝帷信如皦日執紼三孤
我拊我恤大耋之嗟奄返玄室泰誼忝葭莘恩
同子姪夙昔登堂欽承懿式歲月潛移哀衷罔
極顧瞻几筵曷勝愴惻

祭少宰徐師文

荒彼具區百瀆之委禹績奄奠職方攸紀鴻泥
海匯金庭嶽峙堪輿毓秀靈祇効祉實孕厥符

不孝子某某

哭

克生我師誕發神穎夙稟岐嶷醇精宅性間氣
毓資因材之篤元造匪私魂玉在璞和氏則獲
時維少傳碩望有赫我師揮映乃尚瑤席方陽
岳顧騏驎振策明仄靡遺師錫自念威風覽德
潛龍應占遂就輿軫羣服官聯在公夙夜有
有嚴中秘遠清群彥卓犖我師弱冠九流綜博
賦奏甘泉書譽祿閣金匱之藏以斤以斷既掌
國史亦侍經筵雍容授簡暢叙微言鈎析疑奧
諷摘疵愆泰詞莠說罔陳於前惟 帝懋簡俾
代綸制異音以申喉司是寄視草鑒坡秉筆烟

陸堯言風渙人文星麗髦士有造式重賓興南
輔郁郁寔典文衡雅體政變英才彙升事君
以人植我國楨嘉績多宣輿望傾企太宰經邦
擢居其貳膺茲崇責以贊吏治眷命斯殷蒼生
拭視我師被遇奮激遑遑惟公暨明對揚休光
銓擇流品董正官方黜幽釐元顯滯登良肅肅
天曹六事之首三王跨前我師步後權隆招基
中正蒙詬悖憎傳偕竟困儕醜貝錦階厲起自
讒言意茲叢謗亦以涉嫌青蠅群瞋古今共然
跡雖或譏道則奚愆我師明夷順受無懟多口

不盡卷之十七

四

何傷奉身而退舍車用徒拂衣辭位朝罷夕發
遵養時晦國是旋妥亮節彌昭清問勤佇屢顧
於朝西洛遲起東山誦謠鵬鵬既逝弋者安招
廟廊永謝丘樊獨樂綠野蕭散平泉寥廓嘉樹
數榮幽葩吐萼撫景寄懷將終一壑大人邁會
羽儀群倫道之云厄歸潔其身淹速乘變與化
屈伸我師出處曷愧古人小子顓劣早慕術藝
中遭三黜未售一第曲荷甄錄葑菲弗棄驥尾
幸接龍門叨際元歎信雋名以邕宣士衡信才
譽以華延矧予末學筮仕孱年誨導嘘援獲免

墜顛我師肥遯予亦謝劾偕投逸散復同井邑
方欣承教素衷實獲卒業後陳從遊暇日吳天
偕信莫肯愆遺中台倏折巨鳥遽儀邦域震悼
具位驚馳哲人其萎予將疇依我師鍾粹允充
大受橫罹污廢終斬耄耆沃膏徒屯宏施未究
既厚其生胡隘厥就秦風興愴橋言結悲脩途
乍隔夙誼豈違貞娶殉悅國士感知在三之義
悠悠我思几杖已邈寢筵猶設赤舄朝遺華軒
暮稅生榮死哀冥靈庶慊敬奠清醑賢腸如裂
嗚呼哀哉

不盡卷之十七

四

衡藩重刻胥臺先生集卷之十七

衡藩重刻胥臺先生集卷之十八

箴銘疏啓贊字說

后史箴

簞瓢室序銘

玄珞硯銘

久病乞恩休致疏

久病曠職懇乞休致疏

遵勅旨以效愚忠疏

脩清容軒疏

脩彩雲橋疏

本集卷之十八

謝陳駕部敬輿惠鹿角霜嘉魚六安茶啓

謝蘇侍御惟和惠何首烏丸啓

戴刺史像贊

陸義姑姊贊

范元春字說

衡藩重刻胥臺先生集卷之十八

明吳郡胥臺山人袁泰永之甫著

長洲後學甥蔡亭張憲蓋甫校

后史箴

穆穆中壺王化攸基正位于內易贊坤儀二妃

助舜三母與姬於惟國風肇始關雎內德之茂

曰儉與勤明章婦順以佐一人既肅且難逮下

敷仁懿藻攸潔蠶桑是親昔在夏禹塗山協德

殷湯齊聖有莘率職班姬進規履正不忒淑慎

無愆嬪御是式載稽哲王務脩陰教習禮稱詩

本集卷之十八

阿保是詔無怠無荒以正家道萬國承流是則

是倣樊衛宣譽馬鄧稱賢令員履順敬以勉旃

成有終聖訓昭然戒于滿盈百福乃全皇

明基命九聖重光德音內嗣婉美宣美載詠

多男王猷允康敢告彤史旦夕無忘

簞瓢室序銘

袁子曰昔孔子之門人多矣獨亟稱顏氏之子

者何哉豈不以其能安貧好學乎而韓退之者

乃謂簞瓢陋巷此哲人之細事噫何言史易也

古之安貧者如黔婁原思榮公東郭之流抑亦

難矣而獨顏氏之子最著彼有孔父者為之依
歸且亟稱之也然又獨恠古傳記所載稱回有
兮諧宮徵宣章華兮路哉功靡朋龜兮焉僕同
久病乞恩休致疏

臣由嘉靖五年進士改翰林院庶吉士歷任兵
部武選司主事緣事革職十九年三月內因科
道撫臣論薦蒙 恩起用復除南京兵部武選
司主事陞本部職方司署員外郎事主事二十
年二月內蒙 恩陞今職領 勅提督學校赴
任間不意感冒風邪致成店瘡氣血虛羸行步

不省人事

三

艱澁即欲具本乞休恐孤 聖恩輒復中止已
於本年十一月內力疾赴任勉強供職至二十
一年三月內出巡蒼梧地方偶觸瘴氣前疾增
劇加以痰喘吐血四肢痿弱不能動履日就沉
痼醫藥罔效尸素是慚伏念臣之愚陋一無所
能仰荷 皇上棄瑕錄朽略其夙愆擢之久廢
未及暮歲再轉官階履載生成之恩雖捐軀糜
骨亦何能報但狗馬之疾自度無勿藥之期首
丘之心猶冀遂生還之願伏望 皇上俯念私
情容令休致或賜罷黜以延殘喘臣實不勝祈

懇之至

久病曠職懇乞休致疏

臣自去夏染患瘴瘧具本乞休未荷 俞允勉
強供職以來病痼益深氣血愈憊醫藥靡效輟
策不前兼以家有老父衰羸見年七十三歲自
聞臣病旦夕驚惶累書促歸情詞哀切臣雖欲
陳力就列而方寸已亂夙夜每懷顧惟詆續之
情深報劉之日短百憂千慮歸心如焚輒敢冒
瀆 天聽懇乞骸骨伏望 俯垂矜納早賜生
還使臣得苟延殘喘少報親恩亦我 聖皇以

不省人事

四

孝治天下之一端也臣實不勝祈懇之至

遵 勅旨以效愚忠疏

臣以菲薄猥荷 恩私賜以 璽書之重假以
提督之權伏讀 勅旨一欵所過之處遇有軍
民利病事干奏請者從實奏聞欽此欽遵臣出
巡柳慶地方有賓州南丹衛充軍犯人馬錄先
任御史誤干 國憲 皇上不即加誅薄寬災
粵恩至渥也臣惟明罰勅法者 聖王之義赦
過宥罪者 聖王之仁故書曰罪疑惟輕仁之
至也仰惟 皇上視民如傷大小臣工有註誤

獲罪者咸蒙矜宥惟此馬錄一人尚編戎伍悔悟已深懲創日久且年垂衰白情懸桑梓有足閔者伏望 皇上廣好生之德推一視之仁特將馬錄放還田里使得遂其首丘之願臣職忝外臺不知避忌輒冒斧鉞之誅妄希雷雨之澤臣實不勝悚息待罪之至

脩清容軒疏

慈感寺清容軒者地因淨域基據化城臨清流而作構六壁無染對峻嶺以啓扉群有咸會室擁天花蓮座時聞夫梵偈林分寶樹金沙屢渡

大清宣統元年

五

乎慈航比丘上乘既皈依而駐錫逸民傲吏亦游宴以停驂勝國則文敏王孫清容學士相繼藏脩邇年則西谿僉憲南坦司空共圖創復是以土木鼎新旃檀增麗朱堂紺殿藉以輝煌峻閣長廊因之聯次但岸石善崩軒窓就圯歷歲未久復隍可憂金像莊嚴恐致毀壞縑流出入亦懼傾危欲謀億劫以無虞湏賴十方以普濟特願發菩提心假方便力共助垂成因果廣種無量福緣

脩彩雲橋疏

彩雲橋者據橫塘之靈境跨吳會之通津蓋四達之所經趨九衢之所輻輳者也年悠歲久石圯岸崩行道咨嗟居民慨歎既妨游息亦病與徙嘉靖己亥有胥臺表子管別業于斯丘繼而處竹王翁考新官於茲壞務就幽僻未謝翼煩驛顧傾頽爰謀改築於是雲門道人矢心發誓差日鳩工展宏基於曩規無煩驅石之費揭雄觀於今構冀免從橋之危凡我十方各捐一木務使星輝月偃卧蒼龍于水中竦舞虹霓填鳥鵲於河表自今伊始駟馬瞻題柱之人億萬斯

大清宣統元年

六

年範葉免寒裳之客

謝陳駕部敬輿惠鹿角霜嘉魚六安茶

啓

竊惟犬馬之齒已長蒲柳之質先零百病交侵千金靡效執事閔念羸軀惠班靈藥康予之饋敢曰不啻越人之功庶其有望至於嘉魚出乎丙穴香薷產於六安珍貺荐加至情莫報敬因來使附啓謝辭

謝蘇侍御惟和惠何首烏丸啓

竊以交藤產於南廣奇功特錄於李翱甘栢出

手河西異種首傳於漢武斯誠養生之良藥不死之秘方也執事脩合適宜蒸曝有法俯憐痛質惠此寶丹上池之水曾何足云大路之金方斯更劣香生槃管價倍璆琳實懷濟人利物之心奚啻解衣推食之賜敬當服之無敢言念不忘聊陳鉛槧之辭愧乏瑤琨之報古玉圖書一附充清玩不具

戴刺史像贊有序

戴侯上仁豈弟令德中和蜚聲畿甸發策帝庭承使廣諏詢之猷典禮宣寅清之譽三命益

不齊書卷之八

七一

恭一麾弗屑雖蘄黃之澤未究而原邴之節彌高逍遙中林優游大耋敬瞻碩範爰頌洪休贊曰於維君侯德中庸兮利賓王庭文譽崇兮駢駢四牡使命恭兮典司邦禮翔南宮兮分符遐壤參黃龔兮蠖屈坎止遯林中兮式厥閭里後德風兮有斐悲嗣躡逸蹤兮試宰小邑仁聞江兮陟岵有懷慕儀容兮我弁朱裳丹青登兮小子頌德思令終兮

陸義姑姊贊有序

余讀劉向古列女傳叙魯義姑姊舍己子而存

兄子其義至高及覽黃門陸子浚明傳其姊事頗相類古今人豈相遠哉他日有繼更生傳列女者安知不以陸義姑姊與魯義姑姊並傳也余高其義而為之贊曰有美碩人秉心均壹友于兄弟字我諸姪於維陸君邦之司直遠竄于荒靡顧家室烝烝靡依孰拊孰恤賴我碩人念其朝夕恩斯勤斯以衣以食我怙恃以有今日昔在更生魯姑是述千秋嗣燾永垂壺則

范元春字說

范姑之曾孫曰元春者昏而未字問字於司城

不齊書卷之八

八一

伯子伯子曰孟字仁卿客曰夫以仁字者何居余應之曰夫易言之備矣元者大之謂也始也天德之首也在天為元在人為仁而於時為春令仁德之大者也四德之首也故曰元者善之長也天非仁弗生物人非仁弗成德夫易言之備矣孟子曰仁人心也韓子曰博愛之謂仁周子曰德愛曰仁孟言乎其體也韓周言乎其用也易則備矣夫自天子以至庶人未有不由仁存者也天子以仁保民侯王以仁保國卿大夫以仁保宗士庶人以仁保身甚哉仁道之大也

先王之為人道也莫大乎名名以經禮禮以制義義以守信信以成德德成而名從之是故男子之始生也父名之既成人也實字之慎之至也夫元春嘉名也仁美字也敦仁以成德懋德以踐名是字之義也客曰大哉言乎未之聞也爾元春其識之以無忘司城伯子之訓

衡藩重刻胥臺先生集卷之十八

不齊先生集卷之十八

九

衡藩重刻胥臺先生集卷之十九

書

復大司寇蘭溪唐公書

上大司馬增城湛公書

上李獻吉先生書

復大中丞金陵顧公書

復大中丞顧公論詩書

附大中丞顧公論詩書

復大中丞顧公書

復大司空安仁劉公書

不齊先生集卷之十九

一一

再復劉司空書

與高吏部子業書

附高子業書

與王履吉書

獻仲兄書

復趙會元景仁書

附趙景仁書

復屠太史文升書

與陳太守允揚辭免集學士書

復李驗封伯華書

與郡縣論捕蝗書

全書卷之九

二

衡藩重刻胥臺先生集卷之十九

明吳郡胥臺山人袁泰永之甫 著

長洲後學甥葵亭張燾蓋甫 校

復大司寇蘭溪唐公書

泰聞周公吐哺而下白屋之士公孫延納而禮東閣之賢故能光昭周道隆顯漢業令聞不匱也世風驕諂古道彫喪孰有降卿相之尊而問布素之賤如公者哉伏誦來教過垂獎譽猥謂連珠之作可追古人泰何敢望古人也念自廢黜以來為世所棄買田石湖之陰卜室橫塘之

不覺竟集卷之九

三

側杜門窮巷蕭然環堵雖乏井丹之高潔而竊希長公之肥遯力田之暇猶欲肆精纂述之務以從所好蓋虞卿窮愁著書泰雖不佞敢忘斯義伏惟相公閣下明德懋勲乘時翊運立言為經述事為史傳所載不朽者三蓋兼之矣泰聞難得而易失者時也難成而易敗者事也是以古之君子憂勤以赴二焦勞以興事進不失時仕不苟祿颺鴻譽於丹青紀庸功於竹素故足多也今飛龍在天多士濟濟而康熙之績未登於三五制禮作樂沿襲簡陋九夷八蠻猶未能

嚮風而承化此誠君子憂勤惕厲之秋也孟軻有言達不離道故民不失望焉當今之世舍公其誰望乎區區之心誠不能自已也

上大司馬增城湛公書

泰聞量才叙職者 天子之務也陳力就列者庶官之司也是以詩有伐檀之刺易著漸磐之訓尸祿竊位雖下僚不可而況乎論道代工統六師平邦國者乎孔子曰所謂大臣者以道事君不可則止公今之大臣也道德簡于 帝心聲名孚乎士議正位司馬筦鑰舊都所宜恢張

太常集卷之九

四

文教除飭戎衛銷伏禍於履霜固 皇圖以苞石此公之職也頃者家兄表以不阿貴戚獲罪魏公兩遭筆朴重以論劾深文巧中捃摭百端天子震怒下之法司禍且不測吁可畏矣哉夫中山之勲英衛不足侔韓彭不足擬是故生享茅土之封沒著丹青之誓子子孫孫繩繩繼繼 國家報功之典亦不薄矣苟能懷滿盈之懼戒驕侈之萌觀景日而畏悚尋覆車而知鑒又何危溢之患哉夫魏國元勲之裔而六馬七品之賤官也以賤官而抗元勲之裔此何異奮

螳臂以當車轍累九卵以承千鈞哉然而官有崇庠效忠則一祿有豐薄盡職則同故忠臣犯逆鱗以輪節志士蹈虎尾以授命又焉能畏首畏尾而患得患失者乎僕雖不肖嘗粗覽古今之槩矣韓彭趙鹽豈曰無勲梁竇駢戮良由不戰周絳侯安劉誅呂一遭變告身繫縲絏歎息獄吏之貴幾陷虎口霍子孟擁昭立宣為漢伊尹顯禹雲山邪謀不軌卒罹赤族此古事之明驗也暨乎本朝號如涼國功如武清逆節稍萌參夷立至可不懼哉可不懼哉今 天子明並

太常集卷之九

五

日星威符雷電貂璫婦寺仄足稟命雖議功議實著之國典豈可不保全數冀僥倖哉泰天子之舊法官也讀書讀律蓋有年矣未聞以京朝官而可躬加箠撻者也無將之訓漸不可長此而不言焉用彼相賈生有言士可殺而不可辱夫京朝官有犯律湏奉 旨參問然後加刑此所以養士大夫之廉耻尊 朝廷之體統也赫赫王章式如金玉彼何人斯敢自變亂泰又聞之猛獸在山則藜藿不採皎日中天則魍魎屏伏是以淮南寢謀於汲黯王氏歛手於鮑

宣正色危言之士固權貴之所望風躡息者也
威福陵遲肆無忌憚其所由來者漸矣在原之
急率爾陳告伏惟矜其狂愚而特賜處分幸甚
幸甚

上李獻吉先生書

僕束髮讀書粗通六藝之術嘗恠俗儒是古非
今甚謬甚謬今有人文如馬遷詩如杜甫行義
如曾閔謂不如古人何也君侯發穎關西空群
冀北陵轡四始扶搖九霄我 敬皇帝疏張天
網羅絡髦彥分布銅龍雍容虎觀而君侯獨沉

不齊先生集卷九

六

滯下僚出入錢穀發憤孔業掃蕩陳言吐詞則
沉宮振羽宣藻則日光王潔而我 明之制作
文章卓乎可觀矣維時徐生虎視於荆吳邊丞
蛟躍於齊魯何子揚瀾於河洛而君侯獨騰蹕
蹂躪總統包容所謂無可無不可者也昔賈傳
因於長沙子雲沉於天祿李生長流柳侯廢棄
彼皆高材蒙詬直道獲謗禮法所繩流俗詆醜
不相假借孰為吹噓者哉此嗣宗之所以慟哭
者也君侯抗跡豺狼昌言婦寺 明主寬膏斧
之誅憺夫設罟獲之險危機伏發末路燠熾青

蠅有辭白璧無玷禍與材謀毀不勝譽復何怨
懣泰風懷傾企如飢如渴恨御李之無緣悵識
荆之不早天假良觀慰我私衷用布腹心求通
左右舊綴歌詩數章不敢以巴俚自諱唯君侯
裁焉

復大中丞承金陵顧公書

語云嘒嘒者易缺皦皦者易汙信斯言矣屈平
譏於上官伍員毀於太宰賈傳短於絳灌董相
沮於公孫自古賢聖蒙垢負譽困於多口者焉
可勝數豈獨公哉何則道大難容行危寡合叢

不齊先生集卷九

七

罪易惑而疑似難明也詩曰讒人罔極交亂四
國又曰豈弟君子無信謔言居今之世行古之
道而欲免乎謗愆者鮮矣來教望僕以著述不
朽之事此公樂成人美嘉進後學之盛心也顧
泰何足以當此夫立言者藝林之大業而生人
之至榮也經典之後作者愈難左氏數簡與之
文莊生馳閎肆之辯楚騷布卓詭之辭遷史序
雄奇之論之四子者不相祖襲出轍人殊孔孟
以來未有逾此者也嗣是鮮儼焉大底迥相模
倣愈趨卑下耳竊謂立言之道有六難學難乎

淵該事難乎綜覈詞難乎雅健氣難乎充和識
難乎通融志難乎沉澹兼是六能而假以歲月
立言之道庶矣以公之博聞強識而騁驚於作
者之塗勒一家言光詔來世奚所多讓而乃以
精力不逮自諉夫古之立言者率多中歲何則
少年輕俊聞見未廣計慮未周雖詞鋒銳銳而
論議剽捷終乖軌轍將何以訓泰孤陋罪廢之
餘萬念瓦解著述之事徒乖夙志祇奉來教悚
報彌日敬陳所聞以復左右

復大中丞顧公論詩書

六晉書卷之九

學教作四言詩法甚善抑鄙心有疑不敢不吐
露胸臆折衷於大雅君子也楊子雲言斷木為
棋抗革為鞠亦皆有法信哉斯言聖人復起不
易也今之論詩者古體則以漢魏為宗近體則
以初唐盛唐為準夫五言起於蘇李枚乘之徒
七言始於柏梁故五七言古體必擬漢而又當
取材于魏建安諸子去漢未遠猶有古風而華
采過之特渾厚高古不逮耳下此則潘陸陶謝
去漢遠矣五七言近體唐初沿陳隋之習雖音
響鏗鏘藻思麗逸而風骨未備李杜王孟高岑

崔儲數子繼作陶鎔變化集厥大成下此錢劉
元白稍涉淺易而才力頓弱故作者罕尚焉此
其法也四言自三百篇後鮮有繼者獨韋孟為
優魏晉而下辭既偶儷而氣亦緩弱顏陸諸篇
殊非風人之旨茂先勵志淵明停雲稍為古質
然非其至者也尚不逮陳思兄雅頌乎故作四
言者必以三百篇為法而取材于漢魏苟如來
教欲舍三百篇而宗茂先淵明則五七言古體
亦將舍漢魏而法晉宋以下近體亦將舍初唐
盛唐而法大曆以後此甚不可也諺云取法乎

六晉書卷之九

九

上僅得乎中學者生於叔季不能大觀濫聽游
心邃古而苟安卑陋未見其有成也僕所作郊
丘諸篇殊淺庸不足觀此局於材耳然不敢棄
穀率破繩墨以私創法程也吾文言為世則方
當奮其瑰奇卓特之辭以媲吉甫穆如之頌寧
屑屑茂先諸公邪敬復左右幸終其說以教我
也

附大中丞顧公書

近會王道思吏部論古今文章之士道思推足
下與常州唐太史頌之為後來之特更無出諸

右者尊仰何已承寄示郊社諸古詩爾雅深厚
振脫近習直陵三代建意甚盛愚見竊有未安
廼章之不可復元古猶衣裳之不可為深衣袵
褻飲食之不可為汙尊杯飲矣若刻意効之必
成刻棘之苦如作四言則韋孟諷諫張華勵志
淵明停雲皆詞苑之高則也奈何必取雅頌而
步趨之蓋上古之文簡而主理後世之文繁而
主辭宋齊以下辭之敝也漢晉之間固有彬彬
學者尚之足矣僕亦自恐老憊氣衰為此卑論
質之道思頗以為然敢告之足下真以為然否

承寄書卷之九

邪選伯虎集甚精廣志賦與連珠奈何遺之尚
尋收梓之免餘憾也

復大中丞顧公書

辱寄題列岫樓詩駭心震目如聆鈞天廣奏茅
簷草屋何以戡此烟霞增妍山水動色茲樓之
名天壤不敝矣所云唐伯虎集序欲為賢者諱
仰見吾丈忠厚之至但叙事之體必須核實尼
父以來未之敢違也假令吾丈欲為伯虎諱千
載而下誰其信之昔文皇觀史叙隱太子事云
史官何諱焉即命削去浮詞直書其事千古以

為美談伯虎誠過亦未有喋血推刃得罪倫敦
者也吾丈高明何乃爾邪前示伯虎有連珠廣
志賦實未見當續梓之僕頃亦作連珠三十首
請教冀評削無庸虛美也泰再拜敬復

復大司空安人劉公書

今晨慧公過峴山樓居始得夏秋書問僕罪既
之人百憂千慮無可言者分當縱放山水間近
者臨安天目富春嚴瀨遠則天姥赤城一一游
之陶朱五湖子長萬里豈獨昔人邪長興云此
半日路耳屢欲飛棹伺候門屏一翹眉中壹鬱

承寄書卷之九

十一

之懷恐公復趨溧陽乃不果耳九日有客期登
碧巖聞此地有瀑水數十丈殊可觀公嘗游否
泰再拜

再復劉司空書

書來言買田議昏事甚厚甚厚昔仲宣遠依劉
表子美寄食嚴武彼非久要然且附託僕公之
故吏也嘗辱國士之遇兼有葭莩之親天假良
緣卜隣擇里何所不可且長興聞多良田桑竹
之饒耕魚之業足以卒歲誠鄙心所希願也但
旅人棲棲不遑安息殷憂極辱况敢懷土昏姻

之事所不忍言詩不云乎駕言出游以寓我憂
游觀之娛豈吾夙心亦計出無聊耳僕嘗恨河
清難俟羞與草木同腐今身名辱矣無以自見
猶欲以三餘之暇勒成一家言發其憤懣庶幾
不朽亦猶贅者之不忘視也公謂何如峴山誠
孤寂澄湖如鏡罔巒縈複登臨歌嘯亦足自遣
碧巖之游有事不果俟月稍圓當謁公於茂林
脩竹之下也悠悠我心相見言之

與高吏部子業書

泰不自量竊欲附於古先哲人追其遺烈承父

不肖先志

上

兄嘉澤得奮跡畎畝廁班行中仰望 聖天子
光華素位守已不敢有所建明又自知愚陋命
途屯蹇乃心日思東歸嘗希尚平仲蔚之風願
築室大山長谷以三餘暇日取古詩書且畊且
讀上自皇墳丘索經傳子史下逮稗史百家言
悉通其大旨凡天官變異陰陽律曆輿地卜筮
名物瑣細伎術之流靡不該綜約十載就緒乃
效子長觀游歷諸嶽鎮數澤窮其險要考土風
民俗厚薄方言清濁及達觀異人與之論議期
遠者或六七年近者五載言旋故廬發為典述

必有可觀不朽之業庶在斯文懷抱此志未敢
以語人語云可與智者道耳所懼人壽幾何河
清難俟天假數年諒非虛語足下積蓄道德廣
涉藝文傾蓋綢繆久要相示詩云豈不爾思室
是遠而夷門洛邑儼然在望言念君子我心忡
忡告之話言幸甚幸甚

附高子業書

曩者數辱過視伐其蒙蔽弭節負郭之巷舉觴
茂林之中逍遙文史夜以繼晝自惟亡侯生之
奇而有虛左之顧之段干之德而辱過式之禮

不肖先志

上

非楊雄之玄而當造門之敬匪杜甫之舊而接
出郊之驩是以臨別之日倚夷門而長謠望天
邑而太息知遯跡之亡窮寤離群之有恨別後
復收來書中之嘉言兼聞伯氏發迹並珪璋以
秀朗連驂駟於長途斯天倫之極樂也言慕容
晉何時可再金門多暇持戟自適玩霸王之明
畧鑽孔墨之遺訓勉事 聖君流聲當世使僕
夫得高枕於丘中永逃名於區外耕稼以輸王
稅采樵以奉親顏于時新穀既升田家大洽肥
瘠烹以享神枯魚燔而石友簞笠在戶桔槔空

憶言日書

與王履吉書

傳曰心志既通聲譽不聞友之罪也名譽既聞有司不舉有司之罪也泰謂斯言非也士之遇不遇由人哉鴻鵠不能背風而翔非翼短也蛟龍不能違淵而奮非變化不足也士不能矯時而顯非材劣也是以說操版築呂望鼓刀竄越商歌夷吾束縛孟明繫囚百里奚自鬻子胥乞

食不韋賈販買臣負薪公孫弘牧豎此則忍耻以立功包羞以顯節建高勲於竹帛流鴻譽於人口非其材之獨殊亦由所遇然也明珠不易工而長價良臣不擇主而效能智者不徇時以改業達士不順俗以詭物覽消息之分辯通塞之塗則螻蛄焉知春秋哉是故士之屈非詘於不知已詘於命也士之伸非伸於知己伸於命也通乎此而殆者鮮矣履吉足下才包乎群肖而名播於王公然而材伎不足以弋位智計不足以存身文詞不足以眩俗技藝不足以利用

戢翼於繒罟汗膚於鹽車者屢矣此豈有司之
罪也哉夫忌盈者天之道也損滿者神之譟也
多材者士之累也危行者身之灾也固窮者聖
之脩也委順者德之考也身名俱榮難矣嗟乎
卞和持璧而號九方臯相馬而嘆以今揆古豈
難知哉泰再拜白

獻仲兄書

裴白仲兄足下省覽家報乃知病瘡京邸不獲就試命實為之非戰之罪嗟乎復何尤哉竊以生人之業立德立功立言而已時有利鈍勢有

逆順志以勢達功由時建是故高勲茂烈智者不能先圖安榮尊顯明者難於逆觀語云烏獲之力不能自舉其身離朱之明不能自見其睫何者勢弗便也士之砥礪名行者豈少哉循孔孟之訓述詩書之藝履繩而趨蹈道而行口無辟褻躬無瑕纇然而宗黨之弗稱友朋之弗信司府無推揚之譽王公罕薦引之助何者時弗可也故曰聖不能違時賢不如乘勢由此觀之立德立功之塗斷可識矣考往哲之遺業較碩儒之通論功由我立德自我宣播菁華於典述

蔡章式於辭文範模無窮綱紀不朽立言之道
斯為美矣大者刪脩群經次之勒成諸子揚其
流則疏傳並興綜其實則史籍攸著下之託意
命辭宣情暢鬱詞賦論辯讚頌規諷小道可觀
猶賢乎已古之為士者少而誦習壯而試用靡
不由此是以漢氏制作猶有可觀賢良文學往
往而是自漢而下誠無譏焉何者絃誦之化衰
而賓興之典廢考課之法壞而論辯之意微聲
律之學興而經制之規弛粗通訓詁者謂之學
士稍知帖括者謂之經生上求下應靡焉同風

六書集卷九

末

博雅君子所不忍聞弟也資材既局聞見不廣
上無良師下無益友兼之習業時好牽纏故習
刮磨靡効譬之越人之燕卒難燕語憤悱之機
何可言喻孟氏不云乎中也養不中才也養不
才故人樂有賢父兄也張墳典之大業廓俗學
之迷途示我德音吾兄勗之而已

復趙會元景仁書

辱書知景仁無恙且教僕以安貧處困之事幸
甚每念兄高材利器實之津要鵬翔鷺奮必有
可觀又善為文辭雄奇雅則有西漢之風今昇

居邊陲口且無事貫綜六籍淹該九流及此少
壯奮其材力子雲相如可企及也僕兩遭凶變
自唯無媿於心而抱終身之累和壁毀玷南金
消鑠哀思成疾瘍瘡累年狼狽艱危書空抑鬱
人非金石何以堪此今將抑心忍詬遵虞卿之
旨襲史遷之跡自天運草創而下勲臣碩輔文
儒節士粗加擢括美而弗刺以昭我 明人材
之盛雖文采不足後世倘有逐臭之夫效顰之
女考撫事實採備典章書成之日死且不恨矣
兄同志者敢一陳之西秦在萬里外且羈王役

六書集卷九

七

興念君子心如奮飛日月如流努力各自愛

附趙景仁書

始僕以奇禍見閔豈意重以奇禍閔子近聞與
諸賢俱脫樊籠而從佃漁深慰下懷方今豪俊
之士王役獨僕與子即安田里為飛戾天而魚
潛重淵大鵬搏於九萬而斥鷃樂於蓼蒿 明
聖陶冶群生與造化侔夫復何言僕自放廢以
來絕迹世務推順物情荷笠植杖上山下澤以
勞為樂時吟小句不為篇牘欲伺氣完力充方
有所為為之當出於尋常也男兒生不用於時

死當垂法於後終不與草木同腐耳子知我者其以為然否乎遊山之舉此日足可遂崆峒去茅屋一舍耳仰瞻翠微之色言念良朋之約慨然有雲霓鬱兮山崖鬼望佳人兮殊未來之嘆不知何時西轅敬汎掃以俟東吳西秦各天一

方時臨南風不勝悵望

復屠太史文升書

書辭開譬委曲勉以古誼知吾子意良厚也讀之泣下顧僕至不肖何敢身自作孽為士大夫羞今且蒙誣受侮撫飾百端流言飛謗上達京

李善集卷九

太

轂永言思之痛心消骨僕所以包羞含詬強顏飲食不即引絕者懼鄙心之不明而譏口之罔極也吾子復責僕以文業自見敢不勉力竊惟身名挫辱空文何施譬之齊紉蜀錦一遭垢膩雖復剪飾華采徒資嗤惜而已來諭游觀事敬當如命

與陳太守允揚辭免集學士書

僕以王役竄伏湖壤辱子大夫高誼猥加禮遇竊聞有命將選博士員相委託僕何敢如此昔孔樂朋來孟驪英育彼上聖大賢開來傳道乃

爾自任然猶曰人之患在好為人師下此不自審量鮮不蒙被譏醜自有若且然他何言乎今之所選者皆膠庠之髦杰也賢大夫操鼓冶之權良博士布雨露之化材父兄礪礪錯之訓求之有餘師何賴於僕僕之下劣湖人知之而僕自知尤審昌黎公有言師不必賢於弟子弟子不必不如師在昌黎公則可耳且抱舉之人分當執戈荷戈下與與皂伍不且宜杜門省愆今薦紳逢掖之士矜憐孤危禮問數四戶屢相屬方內愧不暇何敢復如此耶老氏曰代大匠斲

李善集卷九

太

者希不傷手是有司存敢因使者以辭

復李驗封伯華書

鵬鷖異適小大之情分涇渭殊流清濁之塗判是以巢父耻唐堯之聘子陵卑漢祖之官何則性之所安固不可強合也僕於執事曾無一日之素猥辱簡書殷勤將收孟明於三敗雪曹劇之積耻復欲以朽株枯木薦之清廟廣厦之間意良厚也敢不罄竭愚悃一陳其憤懣乎僕賤宗也五齡而誦詩書九齡而聞辭賦上自墳典下逮稗史亦嘗涉其藩域掇其菁華矢顧以家

無檐石室如懸磬有相如之病而重以原思之貧餬口無謀勉習經義晝誦帖括夕覽古文啜菽飲水簞瓢自娛幸得錄名於有司接迹乎多士自謂扶搖赤霄一日千里纂言則欲窮天人之奧立業則欲據霸王之畧高談闊視無復諱忌又以性本疎迂加之簡嬾深衣袵弗合時制虛名無益謗忌橫肆故大學士張公乎敬桂公華歲欲締交絕弗與通遠希長孺之茂衛青近鑒李象之遠國忠觸怒蓄憾切齒仄目而儼屹然自是九死不悔迨乎武庫之災讒言先入

不齊先生集卷九

辛

械繫請室卒校束縛呼聲動地榜掠百數自夏歷秋黑索繫坐卧園土陰霾晝晦不見日星命危草露額天無門而聖上垂恩曠蕩宥其大戾投之於越既而雷雨肆赦獲遂首丘杜門謝客屏居荒野蕭然環堵有同仲蔚薄田百畝足具饘粥躬操錢鏹忘其作苦嫺乏井丹之高潔而竊慕徐穉之食力桔槔當戶簑笠在堂於陵雖陋無求於人暇則臨流濯足抱甕灌園釣輕鯉於芳藻弋文雉於叢藪濁酒一壺兀然就醉誦李倫思歸之引繹仲生樂志之論蓬首箕

琚從吾所好不自知其不可也昔東方生有言築土為室編蓬為戶彈琴其中詠先王之遺風亦可以樂而忘死矣旨哉斯言予復何望嗟乎士安往而不得貧賤哉世不我知則已矣又焉能隨時浮沉取容當世局趣效轅下駒規規如禪中虱哉

勸郡縣捕蝗書

伏聞下令捕蝗甚善甚善天災流行降旤敝邑田野罄罄朝不謀夕良可憂也執事者有民社之寄憂民之憂下捕蝗之令督責胥吏連坐保

不齊先生集卷九

辛

甲蝗多者賞無蝗者罰苦心焦思視民如子居今之世孰有如執事者乎僕嘗讀姚崇傳知捕蝗之法其言曰且瘞且焚善乎崇之捕蝗也然獨恨作史者畧其文不知如何瘞且焚也僕嘗以意逆之可行與否惟執事者察焉古語云夜虫之就火飛蝗蔽天網罟所不能加擬刃所不能及苟非焚瘞何以捕之其法當於田間之曠土掘為深坑縛草為炬昏則然之炎歆所騰蝗必飛赴四面從而掩之蝗墜坎者咸就焚滅其不死者下土瘞之此捕之之術也僕聞除患貴

早救災貴豫古人有言涓涓弗塞流為江河災
災弗滅燎原若何言貴早也及今弗捕後且亡
及民之顛連靡因靡訴深可痛也當今之財賦
以吳之一郡當天下之太半誅求百出日剥月
削今之吳非昔之吳矣加以師旅重以饑饉雲
漢之什鴻鴈之篇至不忍讀飛蝗不捕秋必無
望年饑盜起可為寒心頃有捕蝗者下令蝗一
石易米五斗利之所在衆必趨之此亦一術也
古者遇災則徧走群望故曰靡神不舉靡愛斯
牲神之聰明至誠可格心乎誠矣何患弗歆古
之良吏蝗不入境雖入境不為災言能捕也執
事者憂民之憂亦知蝗之不能為災也焚瘞之
術不敢不告惟執事者其圖之

衡藩重刻胥臺先生集卷之十九

衡藩重刻胥臺先生集卷之十九

衡藩重刻胥臺先生集卷之二十

雜文

知艱

擬嘲孟嘉落帽文

告司命文

賢聖解

譏應

移文桂林府崇祀解公縉名宦祠畧

題趙黃門先世戶帖

衡藩重刻胥臺先生集卷之二十

衡藩重刻胥臺先生集卷之二十

明吳郡胥臺山人袁泰永之甫 著

長洲後學甥葵亭張憲蓋甫 校

知艱

或曰用人與知人孰艱曰知人艱矣曷言之昔者殷宗知傅說於巖野姬文知姜牙於渭濱齊桓知甯越於商歌泰繆知孟明於俘虜何哉知之艱也蓋有知之而弗用者矣未聞用之而弗知者也何哉知之艱也袁子曰惡是何言之易也是何言之易也王在璞良工弗能辨其瑕瑜

六書集卷之二十

二十一

珠合礫良賈弗能計其貴賤是以尼父失之子我唐堯失之伯鯨魯參三至而見疑大舜歷試而終陟周公畏懼於流言成王非闇也顏淵不信於擢塵宣尼非蔽也愛奪於偏昵則慈父不能保其孝子吉甫之於伯奇是也跡涉於嫌疑則忠臣不能得於明主魏徵之於文皇是也孰謂知人易哉詩曰樂彼之園爰有樹檀其下維穀他山之石可以攻玉言知人艱也是故賢愚淆於毀譽是非亂於愛憎進退分於強弱低昂沿乎譖瀆以倚魁為危行以激詭為高節以鬼

璣為駕俗以隘狹為檢躬以柱戾為知剛以便給為善變以脂韋為豈弟以提縵為易良以矜誕為博聞以喻咎為協變使佞則蒙顯擢偷懦則據要津廉潔則受譏評忠讜則罹貶黜修正則來忌讒獨行則遭跋扈恚怙則曰選懷木訥則曰鴛鴦狷介則曰褊心直諒則曰要譽諫諍則曰訕上辨慧則曰太察飾於明明肆於冥冥術善欺也力軋則忤權交則傾利動則劇勢相取也巧言調於笙簧多口深於矛戟諍易行也上倡之下和之群分於塗別類合於氣求靡使

六書集卷之二十

三十一

然也故曰知人艱矣昔者管仲以齊霸而世多鮑叔子產以鄭顯而世多子皮臧文仲不知展禽晏嬰不知孔子非用之艱知之實艱生乎今之世由今之俗匪蔽則嫉爾故曰知艱

擬嘲孟嘉落帽文

九月九日令節時良大司馬戎機稍暇宴會斯張集于龍山旂旆央央賓徒如雲材彥翺翔稱詩展志合歡舉觴登降有節獻酬縱橫孟君既醉弗以德將落帽不知儀度失常眾賓驚笑請舉罰觴先王創禮敬為大綱賓主百拜終日無

荒冠維首服服乃身章夏收殷典制攸詳是以尼父有正其衣冠之訓詩人有攝以威儀之方相軍垂議甯筵示防側弁屢舞是曰不臧卻犖教享賓惠徵亡冀缺慎恭曰季登揚遂環敬上過闕趨踰襲衣無陳古稱敬姜鍾儀南冠操土弗忘管寧皂帽終歲有常君今越禮甘酒傲狂請出童殺飲以兕觥

告司命文

袁子蒙赦歸吳杜門遐俗歲律告終殷憂窘束家有巫童祠竈徼福維神司命陰察氏族陟奏

袁子蒙集卷之五

中

帝庭善淫畢錄作孽降祥響應靡伏衣子於是長跪稽首發牘布辭維予小子願撫鄙思繫神正直聰聽弗違后皇陶鈞秩類平施頗偏參錯孰究端倪他人便捷惟志所如我獨何辜逢茲百罹進嬰跋扈退履遭危他人娟慧厚貌妍姿發言盈庭附和相隨匿情矯意譽溢聲馳我獨醜惡讓訥言辭矢心砥行反構讐譏群輕折軸投杼猜疑他人巧宦立登嬰司一歲九遷違會投機魏階峻秩夕薦朝躋我獨踳躅困于數奇脫身虎口幸而擯遺名編尺籍役服斯與他人

富參貨寶山積姣服珍羞深宮廣室燕姬以嬌婉嬖侍側窮奢極娛揚揚自得我獨貧窶糗糒糗食冬惟絮褐夏乏絺綌垣傾屋破家徒壁立文史之外身靡長物憂心如焚疾首銷骨多凶纏綿重困叢集寡妻慈母淪喪奄忽兒呱女呻無家無室朋交不通衆親絕跡凡此數端孰貽伊感我願司命以告帝天錫臣吉祉宥臣罪僇反訥為佞舍醜增妍貧往富來毀釋譽全廢我我爵增我壽年逍遙康寧百憂永蠲哀多益寡均膏不偏噉詞既卑匍伏遷延仰聞空中髣髴

袁子蒙集卷之五

五

有傳汝言則爾帝命罔愆凡厥衆生疇能獨專窮達者數得喪維緣吉凶倚伏禍福循環短長紛錯自古則然汝不知足尤人怨天便儂巧慧終為禍先恬淡寂寞百祥歸焉獲滿戒傾居高思顛縱慾敗禮奢淫天年固窮蹈道往哲所賢希冀非分徒召戾艱堅汝夙志毋或二三帝鑒孔赫奚俟多言袁子再拜受命退守太玄

賢聖解

玄鏡子既放頗耽於麴藥溺於文史客有戲之者曰夫麴藥者伐性之蠹也文藝者喪志之累

也是以夏禹疏儀狄韋忠遠茂先誠惡夫手解之妨道而其體之敗度也今子湛溺于斯母乃玩春華而忘秋實作無益以害有益意者弗可乎玄鏡子仰天而嘻頰首而笑作而言曰甚矣子之陋也吾將語客以要言妙道而祛汝之沉痾宿迷也夫文藝為聖麴蘖為賢是故不出方冊而該三五之業不離竹簡而冒皇王之道叙彙倫於片辭闡風猷於寸管高之則天地為統深之則江海為匯遠之則義農宜其精近之則姬孔述其教誦之讀之則足以發矇而震聵詠

太倉集卷之五

六

之歌之則足以陶情而治性揚休聲于四裔垂令名於千葉故曰文史其聖矣至麴蘖之為用也合賓主之勸通上下之情和血脉理筋骸治百禮降五神使夫儒者立志鬱者忘憂彊者擾剛者柔昏因藉此以昭敬鄉射資之以立耻不衣而不寒不食而不饑是以中山表其醇河朔侈其味子雲忘其貧徐邈賞其趣阮公乞步兵畢叟薄吏部劉伶奉酒德之頌王績樂醉鄉之逃故曰麴蘖其賢矣且夫游藝以喪志者儼六之陋也甘酒以滅禮者狂童之愆也曾惡人以

累賢聖之德而妨大人之業哉

譏應

泰為郎者六年以罪戾朔或譏以不能明哲保身蹈于幽辱乃感東方生班揚之旨畧述性命之典以應之其辭曰客譏袁子曰吾聞秉時者奮功用世者興業是以傳說操築而立相寧越商歌而舉身百里奚自鬻而霸晉李斯上書而佐秦公孫發策於牧豎買臣奮跡於負薪皆攀附光華匡依明聖輪納謀諛操握機柄歟隨時建名與身立其次亦能守知足之戒遵見幾之

太倉集卷之五

七

訓考明哲之規履中庸之行乘高而不危歷險而不困身名無辱物我兩得今子誦詩書之緒言脩孔墨之遺烈自謂學無不通化理畢達宣辭若星羅肆辨若河決高慕軒農而侈談稷高辛得遭聖主踐亨衢竊組紱曳丹朱曾不能奮材智吐英奇排闥闥而直上翔文石而獨趨響震而景從電耀而焱馳逐逐乎班行樓樓乎簿書進無脫穎之能而退失儉德之義然且曠官棄守負囊包羞拘桁楊陷累囚肩被黑索首貫三木九死一生為世大戮既不能效蕭何之

仰天以自裁又不能為鄒陽之上書以自月名
編尺籍身隸戎伍多口群譏憂說遺悔而子曾
弗寤寧才有愧於心歟哀子笑而應曰夫神龍
之奮也下上陰陽吐納雲霓倏忽而雨澤九垓
有時而困于豫且者遭也良馬之驟也捷若迅
風霍若飛電一日千里有時而憊于鹽車者遇
也君子能修身以俟時不能必時之我庸能察
幾以遠禍不能必禍之不我從必若所言矜富
貴而鄙賤貧夸顯榮而譏困難則是囚羑里者
不如飛廉惡來之用事也厄陳蔡者不如李孟

金華集卷之三

八

高鮑之得志也且夫困不極則智不精憂不殷
則名不成是以朝曦因乎夕晦隆暑兆於堅冰
昔者夷吾束縛而創霸孟明俘虜而顯名范雎
折脅以報魏孫子臍足以破荆絳侯樹勲於縲
絏子長發憤於宮刑更生竭忠於城旦黃霸受
書於幽圜或身殘而志愈勵或運塞而心自亨
或守死以善道或復險以居貞始拘繫於跋扈
終解脫於艱屯故能生銘功於爨鼎沒垂譽於
丹青使數子者狗匹夫之小諒忘聖賢之建節
吾見其輕鴻毛於溝瀆而等蜉蝣之生滅也惡

任其足稱哉今予述蕭傳之自裁而不諱真子
之明夷夸鄒陽之上書而不察治長之非咎咎
明哲之不足而曾不知非智巧之所能避也故
曰良工能御而不能使禽之必獲良農能穫而
不能保歲之不凶役智以規利不如安常以委
順行險以徼時不如居易以俟命賈生不拜相
於漢文之朝非絳灌之讒也命也李廣不封侯
於漢武之世非霍衛之忌也命也故士或七十
說而不遇或一言而蒙召或一歲而九遷或三
十年而不調是豈材智之相懸亦由其遭與弗

金華集卷之三

九

遭也嗟乎患得患失者鄙夫之慝也時行時止
者哲人之則也用之則為臯夔不用則為沮溺
世譽之而弗喜衆尤之而靡戚無思無營一消
一息汜乎其若浮觀乎其莫測以天地為糝糠
以古今為朝夕又焉能緣物以律已而舍我以
徇物哉

移文桂林府崇祀解公縉名宦祠畧

前件為崇祀名宦以勵風教事照得先朝廣
西叅議解公縉以王佐之才挺名世之運發跡
甲科蜚聲翰院受知於太祖高皇帝及成

祖文皇帝入掌絲綸獨叅機密嘉謨議如無
不言一時諸公才氣罕比不中遭漢庶人之
讒董非日深而忠蓋彌篤百折不回一心無變
旋罹斥逐遠竄炎荒始叅藩於廣右復投裔於
交南孤忠自如勁氣愈厲竟收禁岸更死幽圜
既而天日復明白璧無玷芳名大節久而益彰
本道素懷企慕每切嘆嗟承乏此邦適求先哲
雖風流未泯而崇祀尚闕良用疚然于懷况歷
考名宦祠所祀諸公雖政蹟風節各有可稱然
英聲茂烈皆未有如解公之比者也仰府即將
解公官爵姓字依式製造木主以禮送入本府
儒學名宦祠以稱尊崇先哲激勵風教之意毋
得稽違仍具行過日期依准繳牌

題趙黃門先世戶帖

表奏曰久矣夫宗法之不立也遠胄易湮疑事
難據匪誣則畧後世將何考焉是故杞宋之事
君子蓋慎之也趙氏自七世而上未之或知也
然卒賴是以知其所自出友一公為趙始祖嗣
是而高曾祖禰乃可明焉今百六十年矣亦世
有令聞以駟厥家至黃門子乃大奮先世之休

烈而後趙宗益顯是帖也君子於是乎觀止德
於是乎考宗法

衡藩重刻胥臺先生集卷之二十終

衡藩重刻胥臺先生集卷之二十終

胥臺集二十卷

浙江汪汝琛家藏本

明袁表撰表有世緯已著錄是編詩不失體格而時乏堅蒼文亦俊爽而醞釀未免少薄初爲其嗣子尊尼所刊詩文各十卷題曰袁永之集此本爲萬厯甲申衡藩所重刊改題曰胥臺集實則一書故千頃堂書目載袁永之集二十卷註作胥臺集也前有左長史鄭復亨序言衡府司理張炳忠爲表之甥以是集贊於衡王因爲開雕云